






V. C. 17.

XVII 219-50 fr



TRACTATUS
DE OCTAVIS
FESTORUM

QUÆ IN ECCLESIA UNIVERSALI
CELEBRANTUR,

IN DUOS TOMOS DISTRIBUTUS,

AUCTORE

JO: BAPTISTA PITTONO

SACERDOTE VENETO.

TOMUS PRIMUS

DE OCTAVIS PRIVILEGIATIS



EXCUDEBAT VENETIIS

Leonardus Pittonus Auctoris Pater.

ANNO MDCCXXXIX.

SUPERIORUM PERMISSU, AC PRIVILEGIO.

D. PROB. ROM. S. J.

1919

1919

1919

1919

1919

1919

AUCTORIS
PRÆFATIO
AD
LECTOREM.



Ateor, me quidem non modò vidiſſe, verùm & eà, qua par erat, diligentia & attentione legiſſe, ſi non omnes, ſanè plures, & eos proculdubio primarios Auctores de Sacris Ritibus alioquin egregiè differentes, antiquos ſcilicèt & recentiores, ut ex proximè ſequenti eorum Indice clarè patet. Nullum tamen inter illos profeſſò inveni, qui ex profeſſo agat de Octavis Eccleſiaſticiſ, licèt ritè de unaquaque ex eis & rectè aliqua doceant, omneſque ſub uno dumtaxat plerumque capite comprehendant & amplectantur. Cùm autem Feſta omnia Octavas habentia adſcribantur inter ſolemniora, hinc eſt, quòd de illis multa occurrunt dicenda, multa ſeparatim notanda, multa denique ſeitu digna, quæ in

Octa-

” P R Æ F A T I O .

Octavarum celebratione necessariò observanda sunt simul & servanda .

Itaque visis attentè Rubricis omnibus tum Breviarii tum etiam Missalis Romani, nec non plurimis Sacræ Rituum Congregationis Decretis & Declarationibus ad hanc rem hætenùs emanatis , specialem statui elucubrare Tractatum, in quo quidquid ad Octavas Universalis Ecclesiæ quomodolibet spectant, omninò & fusè contineretur : non tamen omissis sanioribus in Arte peritorum sententiis . Nonnullas etiam Dubietates , quæ in harum celebratione Octavarum occurrere quandoque possunt , inveni, quas eà, qua potui, claritate cum ratione resolvo, ne quid desit, si fieri potest, ad Operis complementum . His denique non sine magno labore in unum collectis, & ad utilitatem, ut reor, utriusque Cleri dilucidatis, en tibi, Lector benevole, Opus meum, qualecunque sit, ex animo trado, quod utinam prosit, prout profuturum mihi sperare videtur, ut finem, qui primus fuit in intentione, ultimum consequar in executione : nam ideo plures excogitavi casus, qui hoc vel illo anno contingere possunt, ut in eorum
occur.

P R Æ F A T I O.

occurrentia resolutionem accipias .

Quia verò ea fuit intentio nostra, ut de omnibus & solis Octavis Universalibus differatur, cum illæ idcirco in duas classes distinguantur, nos Opus hoc in duos Tomos distribuimus, in quorum primo de quinque Octavis Privilegiatis, in altero verò sermo erit de octo Communibus seu non Privilegiatis, quæ tamen omnes in Ecclesia Universali celebrantur. Censuimus etiam ad Lectoris eruditionem aliqua eruere ex veteribus Ecclesiæ Ritibus, quæ suis locis opportunè apposita, erunt forsitan Ecclesiasticis venerandæ Antiquitatis studiosis jucunda & pergrata. Ut autem res undique clarior fieret, exemplis plerumque illustravimus Kalendaristicis, quæ ex variis Ecclesiarum, Diocesum, & Religionum Directoriis desumpsimus, prout ratio Concurrentiæ, vel Occurrentiæ, aut etiam Translationis Festorum postulabit.

Sequimur tamen ordinem Divini Officii, ita ut semper primò pro unaquaque Octava tractetur de primis Vesperis, deinde de Matutino cum Laudibus, de Horis Diurnis, de Missa tum privata tum e-

P R Æ F A T I O ;

tiam solemnī, & denique de Secundis Vesperis. Unamquamque Octavam, sive Privilegiatam sive Commune; ab aliis cæteroquin distinctam, & ided sub uno separato Capite comprehensam, in plures dividimus Paragraphos; nam semper agimus de Vigilia, si habeat, deinde de Festo primario, postmodum de Diebus infra Octavam, mox de Dominica infra eandem Octavam incidente, & denique de ipsa Die Octava. Cæterum si aliqua ex meis Opinionibus ræa sit ritè & rectè fundata; eam, omnemque aliam, totumque meum Opusculum humilimè submitto iudicio & censuræ Sanctæ Matris Romanæ Ecclesiæ, quæ unica est & sola Sacrorum Rituum & Cæremoniarum Magistra, à Spiritu Sancto edocta, cujus me fateor & profiteor obedientissimum Filium.

AUCTO.

AUCTORES

QUIBUS USI SUMUS IN HOC TRACTATU DE OCTAVIS.

A

Alphonſi Ciaconii de Vitis Pontificum Romanorum Tomiquatuor, cum Additionibus Andree Viſtorelli, &c. Romæ 1677.

Andree Piſcaræ Caſtaldi Praxis Cæremoniarum, ſeu Sacrorum Romanæ Eccleſiæ Rituum accurata Tractatio. Venetiis 1681.

ejusdem Sacrarum Cæremoniarum, juxta Romanum Ritum, ex uſu Clericorum Regularium, accurata Diſtributio. Neapoli 1613.

Angeli à Lantulca Theatrum Regularium, cum novis Additionibus J. B. P. S. V. Romæ 1717.

Antonii Baldaffari Scriptoris Itali *La Roſa d'Oro Pontificia*. Venetiis 1709.

Aſcanii Tamburini de Jure Abbatum Tomi tres. Auguſtæ Vindelicorum, & Coloniæ Agrippinæ 1691.

Auguſtini Barboſæ Summa Apoſtolicarum Deciſionum. Venetiis 1711.

Auguſtini Matthæucci Officialis Curie Eccleſiaſticæ. Venetiis 1723.

B

Bartholomæi Gavanti Theſaurus Sacrorum Rituum. in duos Tomos diſtributus, Venetiis 1726.

ejusdem Manuale Epiſcoporum. Ibidem, eodem Anno.

Bartholomæi Corſetti noviffima ad inſtar Cæremoniarum Epiſcoporum Praxis. Venetiis 1667.

Bernardi Biſſi Hierurgia, in duos Tomos diſtincta. Genuæ 1686.

Cæremoniale Episcoporum Clementis VIII. primum, dein Innocentii X. postmodum Benedicti XIII. Auctoritate recognitum. Romæ 1729.

Cæsaris S.R.E. Cardinalis Baronii Notationes ad Martyrologium Romanum. Venetiis 1611.

Cajetani Mariæ Merati, Sacræ Rituum Congregationis Consultoris Additiones ad Gavantum, Tomus primus, Pars prima. Romæ 1736. Tomus primus, Pars secunda. Ibidem 1737. Alii duo Tomi desiderantur, sed sunt ibi sub prælo.

Caroli Guyeti Heortologia, sive de Festis propriis Locorum & Ecclesiarum. Lutetia Parisiorum 1657. deinde Venetiis 1729.

Claudii Arnaud Thesauri Sacrorum Rituum Epithome. Venetiis 1674.

Claudii La Croix Theologia Moralis in duos Tomos distincta. Venetiis 1738.

Clementis XI. Pontificis Maximi Bullarium. Romæ 1723.

Collectio Bullarum, Constitutionum, & Ordinationum, ab Innocentio XII. Pontifice Maximo editarum. Romæ 1697.

Cornelii Margarini Bullarium Casinense, in duos Tomos divisum, quorum primus Venetiis 1650. secundus verò Tuderti 1709.

D

Dominici Georgii Rhodigini de Liturgia Romani Pontificis in solempni celebratione Missarum Libri duo. Romæ 1731.

Dominici Macri Hierolexicon, sive, Sacrum Dictionarium. Venetiis 1712.

Dominici Urfayæ in Urbe Advocati Disceptationes Ecclesiasticæ, in quinque Tomos distinctæ. Romæ 1716. 1717. & 1719. deinde additis aliis quatuor Tomis, Venetiis 1724. & 1736.

F

Fœlicis Gabrielli Animadversio super Rubricam *Si non est Dies Obitus*, appositam in Hymno *Iste Confessor*. Patavii. 1713.

Francisci Mariæ Pittonii in Urbe Advocati, deinde Benedicti XIII. Auditoris Disceptationes Ecclesiasticæ, in tres Partes divisæ. Romæ 1704. deinde Venetiis.

Francisci Pagi Breviarium de illustrioribus Pontificum Romanorum Gestis, in quatuor

AUCTORES.

tuor Tomos distributum. Venetiis 1730.

Francisci Monacelli Formularium Legale Practicum, in quatuor Partes distinctum. Venetiis 1707. 1710. & 1715.

G

Georgii Polachi Scriptoris Itali *Aforismi sopra le Cerimonie Sacre, usate dalla Santa Chiesa Romana nel Sacrificio della Messa*. Venetiis 1665.

Georgii Gobati Operum Moralium Tomi tres. Venetiis 1716.

S. Gregorii Papæ I. cognomento Magni Operum Tomus tertius; ubi Liber Sacramentorum. Parisiis 1705.

Gulielmi Durandi Rationale Divinorum Officiorum, cum Additionibus Joannis Belethi. Venetiis 1609.

H

Henrici Pisart Cæremoniæ Ecclesiæ, certis quibusdam Diebus observandæ. Colonia Agrippinæ 1722.

eiusdem Expositio Rubricarum Missalis Romani. Ibidem 1727.

Hieronymi Baruffaldi Commentaria in Rituale Romanum. Venetiis 1731.

Hieronymi Tonellii Sacram

Enchiridium, ea, quæ ad Sacrificium Missæ spectant, ob oculos ponens. Venetiis 1695.

Hieronymi Carelli Scriptoris Itali *Dottrina de' Sacri Riti, ovvero, Esposizione Dialogica sopra le Rubriche del Breviario Romano*. Venetiis 1668.

Hieronymi Nicolii Lucubrations utriusque Juris. Romæ Anno Jubilæi 1700. ejusdem Flosculi ex utroque Jure libati. Venetiis 1706.

Hippolyti à Portu de Cultu Dei & Hominum: Opus Liturgico-Morale. Venetiis 1705. deinde ibidem 1738.

Horatii Christiani Praxis Pontificalis pro majori Hebdomada. Bononiæ 1680.

I

Jacobi Eveillon de Processionibus Ecclesiasticis Liber. Parisiis 1651.

Joannis Cardinalis de Lugo Disputationum Scholasticarum & Moralium Tomus quintus. Venetiis 1719.

Joannis Mabillon de Liturgia Gallicana Libri tres. Parisiis 1729.

Joannis Grancolas Commentarius Historicus in Romanum Breviarium. Venetiis 1734.

Joan-

AUCTORES.

Joannis Clericati Opus de Sacrosancto Missæ Sacrificio, Venetiis 1718.

Joannis Jacobi Scarfanti Animadversiones ad Elucubrationes Canonicas Francisci Ceccoperii, in duas Partes distinctæ. Lucæ 1723. quibus additum est Parergon recentissimis Decisionibus exornatum. Venetiis 1737.

Joannis Baptistæ Braschii Promptuarium Synodale. Romæ 1727.

Joannis Baptistæ Halden Ephemerologium Ecclesiasticorubricisticum novum, continens singularia Dominicarum, ac Feriarum, nec non Festorum, ac Pro-Festorum, seu Vigiliarum, &c. Brixinæ 1715.

Joannis Mariæ Turrini Directorium Sacrificantium, cum Dissertatiuncula Joannis de Comitibus de Litanis Majoribus & Minoribus Venetiis 1732.

L

Lærtii Cherubini Magnum Bullarium Romanum, in quinque Volumina distributum. Lugduni 1692. & 1697. Additis tribus ultimis Tomis novissimè impressis Luxemburgi 1727.

Laurentii de Peyrinis Privilegia Regularium, præfer-

tim Minimorum. Venetiis 1649.

Ludovici Thomassini de Dierum Festorum celebratione Commentarius Historicus & Dogmaticus, Gallicè conscriptus, deindè Latine editus. Venetiis 1729.

M

Marci Antonii Marfilii Columnæ Hydragiologia, sive de Aqua benedicta. Romæ 1586.

Marci Antonii Fagioli Scriptoris Itali *Calendario Perpetuo Rationale*, Bononiæ 1705.

Martyrologium Romanum, Gregorii XIII. jussu editum, & Clementis X. auctoritate recognitum, cum novissimis Sanctorum Elogiis. Venetiis 1732.

Michaelis Bauldry Manuale Sacrarum Cæremoniæ, juxta Ritum Sanctæ Romanæ Ecclesiæ. Venetiis 1726.

Michaelis Timothei in Divinum Officium trecentum Quæstiones. Venetiis 1581.

Missale Ambrosianum, Mediolani editum anno 1618.

N

Nicolai Angeli Caserrii Synthema Vetusstatis. Romæ 1667.

Ofa.

AUCTORES.

O

Octavarium Romanum, sive, Octavarum Festorum, Lectiones scilicet secundi & tertii Nocturni. infra Octavas Sanctorum recitandæ. Venetiis 1720.

Officia propria Sanctorum Monastici Ordinis S. P. Benedicti, pro usu Sanctimonialis ejusdem Ordinis, cum pluribus S. R. C. Decretis per extensum positis. Patavii 1715.

Officia propria Sanctorum Ordinis Canonicorum Regularium Lateranensium, cum pluribus Sacrarum Rituum Congregationis Decretis per extensum positis, Romæ.

P

Paridis Grassi de Ceremoniis Cardinalium & Episcoporum in eorum Dicecesibus Libri duo, Romæ 1580.

Pauli Mariæ Quarti Rubricæ Missalis Romani Commentarii illustratæ. Venetiis 1727.

ejusdem Duplex Sacer Tractatus, de Processionibus scilicet Ecclesiasticis & de Litanis Sanctorum, ac de Sacris Benedictionibus, Ibidem, eodem Anno.

Pompeii Sarnelli Scriptoris Itali Lettere Ecclesiastiche divise in dieci Tomi. Venetiis 1716. & 1718.

ejusdem Commentarij intorno al Rito della Santa Messa. Venetiis 1725.

Pontificale Romanum, Clementis VIII. & Urbani VIII. auctoritate recognitum, Romæ 1726.

R

Rituale Romanum Pauli V. Pontificis Maximi jussu editum. Venetiis 1725.

Rituum Ecclesiasticorum, sive Sacrarum Ceremoniarum SS. Romanæ Ecclesiæ Libri tres, Colonia Agrippinæ 1557.

Ruperti Abbatis Monasterii Tuitiensis, Ordinis S. Benedicti, de Divinis Officiis Libri duodecim, Antuerpiæ 1594.

S

Simonis Buoniovanni Sacrarum Ceremoniarum Sylva. Brixie 1724.

Stephani Quaranta Summa Bullarii, & Constitutionum, Venetiis 1642.

Synodicon S. Beneventanensis Ecclesiæ, continens Concilia XXI. collecta cura, labore, & studio Fr. Vincentii Cardinalis Ursini Archiepiscopi.

AUCTORES.

chiepiscopi, postea Benedicti
XIII. Pontificis Maximi,
Romę 1724.

T

Theodosii Rubei Hora-
rium Universale Perpe-
tuum Ecclesiasticum. Romę
1652.

Thomę Pascucci Compen-
dium ad Consultationes Ca-
nonicas Jacobi Pignatelli,
in duas Partes distinctum.
Romę 1699. deinde Venetiis
1716.

Tobię Lohner Instructio
Practica de SS. Missę Sacri-
ficio juxta Ritum Romanę
Ecclesię offerendo. Dilingę
1707. deinde Venetiis 1734.

V

Vicentii Amplissimi S.R.
E. Cardinalis Petrę Com-
mentaria ad Constitutione.
Apostolicas in quinque Tomis
hactenus redacta. Romę 1705
1706. 1708. & 1726. deios
Venetiis 1729. *ade.*

Z

Zaccarię Pasqualigo de Sa-
crificio novę Legis Ques-
tiones Theologicę Morales
Juridicę, in duos Tomos
distinctę. Venetiis 1707.



CATALOGUS.

Capitum, & Paragraphorum

TOMI PRIMII.

CAPUT PRIMUM.

De Octava Privilegiata Nativitatis Domini, cæterisque Octavis infra eam occurrentibus.

D E Officio in Vigilia Nativitatis Domini. Pagina 3.	§. VII. De Festo S. Joannis Apostoli, & Evangelistæ. 72.
§. I. De iis, quæ spectant ad Missam, & Vesperas in Vigilia Nativitatis Domini. 5.	§. VIII. De Festo SS. Innocentium Martyrum. 80.
§. II. De iis, quæ spectant ad Noctem Nativitatis Domini. 13.	§. IX. De Festo S. Thomæ Episcopi, & Martyris. 92.
§. III. De iis, quæ spectant ad Diem Nativitatis Domini. 32.	§. X. De Dominica infra Octavam Nativitatis Domini. 100.
§. IV. De tribus Missis privatis, & de Vesperis in Die Nativitatis Domini. 43.	§. XI. De Festo S. Silvestri Pape, & Confessoris. 115.
§. V. De quibusdam Notandis in Die Nativitatis Domini. 55.	§. XII. De Circumcisione Domini, & Octava Nativitatis. 122.
§. VI. De Festo Sancti Stephani Protomartyris. 58.	§. XIII. De tribus Diebus Octavis S. Stephani Protomartyris, S. Joannis Apostoli & Evangelistæ, ac SS. Innocentium Martyrum. 128.

CAPUT SECUNDUM.

De Octava Privilegiata Epiphaniæ Domini.

D E tribus Miraculis eodem die secutis, sed officium in Vigilia Epiphaniæ Domini non eodem anno. Pagina 141.	§. I. De iis, quæ spectant ad Epiphaniam Domini. 144.
	§. II. De iis, quæ spectant ad Missam. 144.

<i>Missam, & Vesperas in Vigilia</i>	<i>phania.</i>	175.
<i>Epiphania Domini.</i>	149.	§. VII. De Officio in Domini-
§. III. De iis, qua spectant	ad Officium in ipso Festo Epipha-	ca infra Octavam Epiphania.
<i>nie Domini.</i>	154.	188.
§. IV. De iis, qua spectant	ad Missam, & Vesperas in Festo	§. VIII. De Missa, & Vesper-
<i>Epiphania Domini.</i>	158.	ris in Dominica infra Octavam
§. V. De Officio in Diebus in-	fra Octavam Epiphania Domini	Epiphania.
<i>occurrentibus.</i>	169.	192.
§. VI. De Missa, & Vesperis	in Die Octava Epiphania Domi-	§. IX. De iis, qua spectant
<i>ni.</i>	204.	ad Diem Octavam Epiphania Do-
		mini.
		199.
		§. X. De Missa, & Vesperis
		in Die Octava Epiphania Domi-
		ni.
		204.

CAPUT TERTIUM.

De Octava Privilegiata Paschæ Domini.

Q uam solemnem Festum sit	§. VII. De quibusdam aliis	
<i>Pascha Domini.</i>	scitu dignis, ad Diem Sanctum	
214.	<i>Pascha spectantibus.</i>	286.
§. I. De iis, que spe-	§. VIII. De iis, qua spectant	
<i>ctant ad Sabbatum Sanctum.</i>	ad Feriam secundam infra O-	
217.	<i>ctavam Pascha.</i>	289.
§. II. De Prophetiis, & Pon-	§. IX. De modo dicendi Li-	
<i>tis Benedictione; ac Litanis in</i>	<i>tanias Majores, siue occurrant</i>	
<i>Sabbato Sancto.</i>	<i>in Feria secunda Pascha; siue in</i>	
227.	<i>alia Die infra hanc Octavam.</i>	292.
§. III. De Missa solemniter	§. X. De iis, qua spectant	
<i>celebranda in Sabbato Sancto.</i>	ad Feriam tertiam infra Octa-	
236.	<i>vam Pascha.</i>	305.
§. IV. De quibusdam scitu	§. XI. De iis, qua spectant	
<i>dignis, ad Sabbatum Sanctum</i>	ad Feriam quartam infra Octa-	
<i>spectantibus, extra tamen Fun-</i>	<i>vam Pascha.</i>	309.
<i>ctione Diei.</i>	254.	§. XII. De iis, qua spectant
§. V. De Die Sancto Pascha	ad Feriam quintam infra Octa-	
<i>Resurrectionis Domini Nostri Jesu</i>	<i>vam Pascha.</i>	322.
<i>Christi.</i>	261.	§. XIII. De iis, qua spectant
§. VI. De Missa in Die San-	ad Feriam sextam infra Octa-	
<i>cto Pascha celebranda, ac etiam</i>	<i>vam Pascha.</i>	326.
<i>de Vesperis.</i>	266.	

ad Feriam sextam infra Octa-
vam Pascha. 326.

§. XIV. De iis, qua spectant
ad Sabbatum in Albis. 330.

§. XV. De iis, qua spectant
ad Dominicam in Albis, & in
Octava Pascha. 336.

CAPUT QUARTUM.

De Octava Privilegiata Pentecostes.

Nonnulla de Adventu
Spiritus Sancti. 345.

§. I. De iis, qua spe-
ctant ad Sabbatum in Vigilia
Pentecostes. 347.

§. II. De iis, qua spectant ad
Dominicam in Festo Pentecostes.
357.

§. III. De iis, qua spectant
ad Feriam secundam infra Octa-
vam Pentecostes. 365.

§. IV. De iis, qua spectant
ad Feriam tertiam infra Octa-
vam Pentecostes. 369.

§. V. De iis, qua spectant

ad Feriam quartam Temporum
infra Octavam Pentecostes. 371.

§. VI. De iis, qua spectant
ad Feriam quintam infra Octa-
vam Pentecostes. 378.

§. VII. De iis, qua spectant
ad Feriam sextam Temporum in-
fra Octavam Pentecostes. 381.

§. VIII. De iis, qua spectant
ad Sabbatum quatuor Tempo-
rum infra Octavam Pentecostes.
384.

§. IX. Parva de Festo SS.
Trinitatis, in cuius primis Ves-
peris desinit tempus Paschale. 387.

CAPUT QUINTUM.

De Octava Privilegiata Sacratissimi Corporis Christi

Distillantur aliqua Ver-
ba Evangelica de SS.
Corporis, & Sanguine
Christi. 391.

§. I. De Institutione celebr-
rime Solemnitatis SS. Corporis
Christi. 393.

§. II. De Feria Quarta Fe-
stum SS. Corporis Christi in me-
diato precedente. 396.

§. III. De iis, qua spectant

ad ipsum Diem Festum in Sole-
mnitate SS. Corporis Christi
404.

§. IV. De Diebus infra Oc-
tavam SS. Corporis Christi oc-
currentibus. 412.

§. V. De Festis, seu Officiis
Sanctorum, qua celebrari possunt
infra Octavam SS. Corporis Chri-
sti. 423.

§. VI. An aliquod Festum
duplex

*duplex translatus celebrari possit
infra Octavam SS. Corporis Chri-
sti.*

430.

§. VII. Quomodo intelligen-
da sit illa Rubrica Breviarii de
Nativitate S. Joannis Baptista
veniente in Festo SS. Corporis
Christi.

435.

§. VIII. De iis, qua spectant
ad Dominicam infra Octavam
SS. Corporis Christi.

444.

§. IX. De iis, qua spectant
ad Missam, & Vesperas in Domi-
nica infra Octavam SS. Corporis
Christi.

448.

§. X. De iis, qua spectant
ad Diem Octavam SS. Corporis
Christi.

457.

§. XI. De iis, qua spectant
ad Missam, & Vesperas in Die O-
ctava SS. Corporis Christi.

464.

CAPUT SEXTUM.

De Processione solemnī in Festo SS. Corporis Christi.

DE Institutione celeberrī-
ma Processionis in Die
Festo SS. Corporis Chri-
sti?

474.

§. I. De Præcedentia genera-
liter in Processione SS. Corporis
Christi.

478.

§. II. De Præcedentia Con-
fraternitatum inter se in Proces-
sione SS. Corporis Christi.

481.

§. III. De Præcedentia Regu-
larium inter se in Processione SS.
Corporis Christi.

484.

§. IV. De Præcedentia Ordi-
num Monasticorum in Processio-
ne SS. Corporis Christi.

493.

§. V. De Præcedentia Cleri

Sacularis supra Regulares in
Processione SS. Corporis Christi.

§. VI. De Præcedentia Cleri
Sacularis inter se in Processione
SS. Corporis Christi.

500.

§. VII. De egressu, & inces-
su Processionis in Festo SS. Cor-
poris Christi.

510.

§. VIII. De reditu Processio-
nis ad Ecclesiam in Festo SS. Cor-
poris Christi.

530.

§. IX. De Processione infra
Octavam SS. Corporis Christi, &
præsertim in Dominica infra ean-
dem Octavam.

538.

D E
OCTAVA PRIVILEGIATA
NATIVITATIS DOMINI

*Cæterisque Octavis infra eam
occurrentibus.*

CAPUT PRIMUM.

INter quinque Octavas Privilegiatas, quæ ab Ecclesia Universali celebrantur, principem locum obtinet illa, quæ est Principis Pacis, Salvatoris scilicet Nostri Jesu Christi Regis Pacifici, à qua exordium sumit Annus Ecclesiasticus. Creator enim Temporis, nasci voluit in Tempore, novam daturus Tempori legem, ut quod à Mundi constitutione olim habuerat initium, haberet postmodum ab hac singulari Nativitate, à qua idcirco suum nata est exordium Æra Christiana. Et meritò quidem enumerantur Anni ab hoc Principio, nam & ab illo reverà provenit nostra Salus, unde ipsi Anni benè inscribuntur *nostra Salutis*, vel *ab Orbe redempto*, aut à *Partu Virginis* de qua natus est Christus Salvator.

Antequàm autem deveniamus ad ipsum Festum Nativitatis Domini, de laudabili Novendio, quod in quamplurimis Orbis Ecclesiis devotissimè celebratur, & à quo omnia alia Sanctorum Novendia ortum habuere, opportunum censemus aliquid vel breviter dicere. Hisce etenim diebus præparantur corda nostra Deo, ut ipse postveniens, paratam sibi in nobis inveniat mansionem. Siquidem dum per mentis erectionem, in spiritu humilitatis & in animo contrito piè meditamur, quòd per novem

Tomus Primus,

A

men-

D E O C T A V A

mensum spatium beata viscera Mariæ Virginis portaverunt æterni Patris Filium, postquam in ipso purissimo ejusdem Virginis Matris utero Verbum caro factum est, gratias agimus tantæ Virgini inter tot mille ad hoc præelectæ, quæ nobis dedit Salvatorem Mundi. Ipsi quoque Salvatori gratum animum humillimè ostendimus, quia de Virgine nasci dignatus est, eumque læti suscipientes, cum Ecclesia Catholica devorè canimus: *Jesu tibi sit gloria, qui natus es de Virgine*. Ut igitur frequentior & devotior concurrat Populus fidelis ad hanc piam Ecclesiarum consuetudinem, Sacra Rituum Congregatio in Angren. anno 1658. sub die 28. Septembris sequens dedit Decretum, videlicet: *In novem diebus ante Nativitatem Domini, ubi adest antiquissima consuetudo, vel concursus, potest decantari unica Missa Votiva solemniter Beata Maria Virginis, quamvis in ipsis occurrat Festum S. Thomæ Apostoli, & Dominica tertia vel quarta Adventus, non omissa tamen Conventuali, statuta hora decantanda, ut refert Reverendissimus Pater Cajetanus Maria Merati, ejusdem Sacræ Congregationis Consultor in Addis. ad Gavanti. tom. 1. par. 2. in Indice, sub num. 719. Missa autem erit Votiva illius Temporis, nempe, *Rorate Cœli desuper*; sed si ubi adest dicta antiquissima consuetudo, celebratur die decimaoctava Decembris Festum Expectationis Beatæ Mariæ Virginis, sufficiet ibi eo die Missa de illo Festo, cum sit eadem, ac Votiva de Tempore.*

Hoc etiam notandum est, quodd licuti duæ Processiones non permittuntur de eodem Festo, eadem die, in eodem Loco, & sub eadem hora, quia una turbaret aliam: sic neque duo hujusmodi Novendia, quorum unum præsertim noviter institutum impediret veteri Ecclesiæ suum vigore consuetudinis acquisitum concursum. Ideoque Sacra Episcoporum & Regularium Congregatio anno 1657. sub die 17. Augusti in una Misearum sic rescripsit Vicario Capitulari Brundusino, videlicet: *Si sono doluti i Frati Domenicani di Misagna di coteſta Diocesi, che stando eſſi in poſſeſſo di tempo immemorabile di celebrare la No-*

vena

vena nella loro Chiesa in quei giorni, che precedono la Festività del SS. Natale dopo l'ora di Vespro, da qual- che tempo in quà abbiano i Frati Minori Conventuali ancora preteso d'introdurre la medesima Funzione nella loro Chiesa, contro i Decreti altro volte sopra di ciò usciti dalla Sacra Congregazione, ed in pregiudizio degli Oratori. Onde questi &c. mi hanno commesso di scri- ver a Voi, che quando l'esposto sia vero, inerendo all' antico solito, ordinate alli detti Conventuali, che se ne astengano onninamente, ovvero prescriviate ad essi al- tra ora, che non impedisca il Concorso alla detta Chie- sa de' Domenicani. Eseguirete, dandone avviso: e state sano: Ita refert Hieronymus Nicolius in Lucubr. utriusq. Juris, Canon. lib. 1. tit. 31. sub num. 14. amp̃a 3. pag. 51. Hoc tamen videtur intelligen- dum de Locis parvis, qualis est iste Miseniarum, in quibus vicinitas unius Ecclesiæ potest alteri præ- judicare quoad Populi concursum: nam in Civita- tibus distantia Ecclesiarum, Populique numerositas nullum affert præjudicium, cum in utraque Ecclesia suum possit habere concursum distinctum: aliter potest hora mutari.

At quia Nativitas Domini, quæ caput est hujus Octavæ, habet præcedentem Vigiliam, ideo ali- quid prius de ista debemus jure merito disserere: nos enim excitare debet, ut vigilanter advertamus, quæ in Officio hujus Diei congesta sunt, ut ait Ru- pertus Abbas *de Divin. Offic. lib. 3. cap. 13. pag. mi- bi 135.* Primum autem omnium dicendorum occur- rit Jejunium præceptivum, quo benè hodie serva- to, cum scientia, *quia veniet Dominus*, præparabi- mus nos ad dignè adoranda Christi incunabula, & ad suscipiendam illam Pacem, quam Angeli ceci- nère Hominibus bonæ voluntatis: & sic *die crasti- na*, optimè parati, *videbimus Majestatem Dñi in no- bis.* De hujus namque Vigiliæ Jejunio valè custo- dito aliqua refert Presbyterorum exempla hodie Ba- ronius in *Notas. ad Martyrolog. Roman.* ubi citatis gravibus Auctoribus illa describentibus, sic ibidem remissivè concludit: *ea legant, attendantque, qui sacratissimà illà Nolle ad iniquitates & peccata vigilant.*

His paucis de Jejunio hujus Vigiliæ præmissis , 5
 nonnulla dicenda sunt de ejus Officio taliter privilegiato , ut nullum admittat Festum in eo alicubi
 forsan occurrens , licet sit duplex primæ classis ,
 ut præscribit Rubrica Breviarii X. *de transl. Fe-*
st. sub numer. 1. & clariùs in Notando 1. post Ta-
bellam occurrentia. Itaque Invitatorium hujus Officii
 est proprium suo loco *Hodie scietis, &c.* sed Hym-
 nus est adhuc de Adventu *Verbum supernum, &c.*
 Antiphonæ verò , & Psalmi sumuntur ex illa Fe-
 ria , in quam incidit hæc Vigilia : deinde recurren-
 dum est ad proprium quoad Versiculum , Respon-
 sorium , & Lectiones. Ad Laudes tamen , Officium
 fit duplex , & ideo non dicitur Officium parvum
 Beatæ Mariæ , ut patet ex Rubrica *in calce Brevia-*
rii: 176 & ex eadem ratione omittitur ad Matuti-
 num Antiphona cum Psalmo *Jubilare* , si hæc Vigi-
 lia venerit in Sabbato , quia scilicet dicendus est in
 Laudibus , sed ejus loco recitatur Antiphona cum
 Psalmo *Bonum est confiteri* , ex Rubrica Sabbati *in*
Psalterio : & cum militet eadem ratio , neque di-
 cendum est Officium Defunctorum , si hodie occur-
 rat FERIA secunda , nam verum quidem est , quod
 dicitur in qualibet ex Feriis secundis Adventus ,
 sed illa FERIA non debet esse impedita , ex vigore
 Rubricæ *in fine Breviarii* ; est autem impedita in
 casu nostro , quia Laudes sunt duplices , in quarum
 fine esset dicendum Matutinum Defunctorum ; &
 consequenter neque post Vesperas pridianas dicen-
 tur eorum Vesperæ , sed utrumque omittendum &
 ita probando tenet Gavantus *in Thesaur. Sacr. Rit. tom.*
2. cap. 2. num. 14. quidquid dicat Piscara *in Cæremon.*
sua Relig. lib. 3. cap. 1. num. 9. contra quem insurgit
 ad favorem pro Gavanto Guyetus *in Heortolog. lib. 4.*
cap. 23. quest. 7. Tandem ipsæ Preces feriales non ha-
 bent hodie locum , licet jejunetur , ob sæpè dictam
 rationem , quia Laudes dicuntur sub ritu duplici.

Prima dicitur sicut in duplicibus , & ad absolu-
 tionem Capituli dicitur Capitulum Nonæ. Marty-
 rologicus autem Lector annunciat solemniter Nati-
 vitatem Salvatoris , & ideo cum pervenerit ad illa
 verba ,

NATIVIT. DOM.

5

verba : *In Bethlehem Juda, &c.* omnibus de Choro genua flectentibus, ipse stans elevet vocem : cum verò dixerit, *Nativitas Domini, &c.* dicat altiori voce, & proferat in tono Passionis; surgentibus postmodum omnibus, reliqua pronunciet in tono consueto, ut hodie docet Martyrologium Romanum. Gavantus tamen *in Thesaur. Sacr. Rit. tom. 2. sect. 6. cap. 4. num. 8.* ait, quod circa hodiernam Lectionem Martyrologicam quisque abundat in ritu suo: quapropter in insignioribus Ecclesiis cantatur hæc Lectio cum majori solemnitate, de qua Piscara *in Prax. Carem. lib. 3. sect. 1. cap. 5. n. 7. & seqq. pag. mihi 361.* & ex eo Bauldryus *in Man. Sacrar. Carem. par. 4. cap. 2. à n. 5. pag. 203.* Quia verò à Capite Christo incipit Annus Ecclesiasticus, etiam ab eo incipiunt Elogia Martyrum, ex quibus nomen accipit *Martyrologium*, quasi *Martyrum Elogium*. Unde data occasione, illud S. Gregorii *homil. 27.* addendum adjudicamus, quòd scilicet non recensentur singula Nomina, nam cum apud illum tantum, qui numerat multitudinem Stellarum & omnibus eis Nomina vocat, sint numeranda, nobis Sancti Martyres super arenam multiplicati sunt. Ad Tertiam denique, Sextam, & Nonam, omnia dicuntur ut in Festis, & in proprio de hac Vigilia, nihilque invenio notandum quoad hæc tres Horas.

G. I.

De iis, quæ spectant ad Missam & Vesperas in Vigilia Nativitatis Domini.

Missæ de Vigilia Nativitatis Domini est propria, & quidem in Colore Violaceo celebranda: in qua, si fuerit sollemnis, Ministri utuntur Dalmatica & Tunicella, Rubr. Gener. Missal. *tit. 19. num.*

6. de qualitat. Paramentor. Bauldryus in Man. Sacrar. Caremoniar. lib. 2. cap. 13. num. 11. pag. 367. & cap. 14. num. 1. & cantari debet post Nonam, Rubric. Missal. tit. 15. de Hor. celebr. Miss. num. 2. In hac Missa non dicitur Gloria in excelsis, neque consequenter *Ite Missa est*, sed *Benedicamus Domino*. Oratio est unica, & post Epistolam dicitur Graduale, omiſſis Alleluja, & Versiculo ſequenti. Præfatio verò est communis, quam tamen fuiſſe olim propriam teſtatur Liber Sacramentorum S. Gregorii, pagina quinta, ubi habetur per extenſum, & erat ſequens, ſcilicet: *Verè dignum & juſtum eſt, æquum & ſalutare, nos tibi ſemper, & ubique gratias agere, Domine Sancte, Pater omnipotens, æterne Deus, per Chriſtum Dominum noſtrum: Cuius hodie faciem in conſeſſione prævenimus, & voce ſupplici exoramus; ut ſuperventura noctis Officiis nos ita pervigiles reddat, ut ſinceris mentibus percipere mereamur Natale venturum; in quo inviſibilis ex ſubſtantia tua, viſibilis per carnem apparuit in noſtra; tecumque unus, non tempore genitus, non natura inferior, ad nos venit in tempore natus: Per quem, Maieſtatem tuam laudant Angeli, &c.*

Eandem numero Præſationem, quæ priſcis Eccleſiæ temporibus dicebatur in Miſſa huius Vigiliæ, recitant modò Ambroſiani, ut patet ex eorum Miſſali. Eccleſia verò Gallicana utebatur antiquitùs longiori Præſatione propria, quæ vocabatur modò *Confeſſatio Miſſæ*, modò etiam *Immolatio Miſſæ*. Hanc igitur Præſationem, quæ tamen incluſam integrè continet Gregorianam ſuperiùs extenſam, ex Liturgia Gallicana Joannis Mabillon lib. 3. pag. 188. deſumptam hìc habes, ſequentibus præciſis verbis conceptam, nempè: *Verè dignum & juſtum eſt, nos tibi gratias agere, Domine Sancte, Pater omnipotens, æterne Deus, amanda Pietas, tremenda Virtus, veneranda Maieſtas. Qui hanc Noctem venturam, toto Orbe venerandam, Cælorum gratulatione, & Terrarum remuneratione, Angelica exultatione diſaſti: Ut naſcente in carne Domino Noſtro Jeſu Chriſto Filio tuo, ſuperiora pariter & inferiora gauderent. Aſpice nunc familiam tibi ſupplicem: conſerva populum tuis laudibus perſonantem:*

tem: & superventura Noctis solemnitati ita pervigiles redde, ut sinceris mentibus, Domini Nostri percipere mereamur Natale venturum. In quo invisibilis ex substantia tua, visibilis in carne apparuit in nostra: tecumque unus, non tempore genitus, non natura inferior, ad nos venit in tempore natus. Per cuius Nativitatem indulgentia criminum conceditur, & indulgentia non negatur. Merito itaque omnis terra adorat te, & confitetur tibi. Sed & Caeli Caelorum, & Angelica Potestates non cessant laudare, dicentes: Sanctus, &c. Dictam tamen Præfationem in Missa, aliasque in hac mea opella sparsim propriis locis extensas posuit Mabillon in dicta Liturgia ad ostendendum Lectori Ecclesiastico antiquum Ritus Ecclesiæ Gallicanæ: cæteroque in sua præfatione ad dictam Liturgiam, §. 3. fatetur à tempore Caroli Calvi, Magui nepotis, qui Ritus Romanum tamquam sibi præ cæteris gratum comprobavit, utque ad hanc diem, nemini de restituenda Liturgia Gallicana, Romanæve dimittenda quidquam tentare venisse in animo. Et ut res clarior fiat, addit verba dicti Caroli Calvi de electione facta Romani Ritus, desumpta ex ejusdem Caroli Epistola ad Clerum Ravenatensem, scilicet: *Celebrata etiam sunt coram nobis Missarum solemnia, more Jerosolymitano, auctore Jacobo Apostolo: & more Constantinopolitano, auctore Basilio: sed nos sequendam ducimus Romanam Ecclesiam in Missarum celebratione.*

Quod si hæc Vigilia venerit in Dominica quarta Adventus, non erit anticipatè celebranda in Sabbato præcedenti, ut in hujusmodi casibus fit de cæteris Vigiliis, quia hæc excipitur à Rubrica tum Breviarii titul. 6. sub numer. 2. tum etiam Missalis titul. 3. sub num. itid. 3. Translato igitur in Sabbatum præcedens Jejunio, & unà cum illo quatuor Temporum servato, Officium Vigilæ etiam in Dominica celebratur sub ritu semiduplici, hoc modo, videlicet: Ad Matutinum dicitur Invitatorium proprium Vigilæ *Hodie sciatis, &c.* Hymnus verò *Verbum supernum*, ut in Adventu: Antiphonæ tamen, Psalmi, Versiculi, Lectiones, & Respon-

foria pro primo & secundo Nocturno sumuntur ex Dominica quarta tunc occurrente: Attamen in tertio Nocturno dicuntur quidem Antiphonæ, & Psalmi de Dominica, sed Versiculus erit de Vigilia: Tres Lectiones itidem recitabuntur de Homilia ejusdem Vigiliæ cum suis Responsoriiis, sine nona Lectione Dominicæ, de qua tamen fiet commemoratio in Laudibus dicendis similiter de Vigilia, sed sub ritu duplici. Nescio tamen, cur dictam Dominicæ commemorationem excludat in Laudibus Grancolas in *Commentar. ad Breviar. Roman. lib. 2. cap. 13. vers. Inveſta*, pag. 210. ut clare contra Rubricam. Ad Tertiam denique, Sextam, & Nonam inclusivè celebratur similiter Officium de eadem Vigilia, ex *Rubrica Breviarii hoc loco*.

Quoad verò Missam hujus Vigiliæ in Dominica occurrentis, est pariter dicenda in colore violaceo, sine Gloria; & cum commemoratione Dominicæ, inconsideratè exclusa à Grancolas loco proximè citato, cum sit immediatè contra expressam Rubricæ legem ante Missam hujus Vigiliæ. Post Graduale dicitur *Alleluja*, & Versiculus sequens, lectoque Evangelio, recitatur *Credo* ratione Dominicæ, de qua tamen non legitur Evangelium in fine, sed illud S. Joannis, ut præscribit *Rubrica Missalis ante hanc Missam*. In Missa verò solemnī, Ministri adhibent Dalmaticam & Tunicellam, Rubrica Missalis *ritul. 19. sub numer. 6.* & clariùs Cæremoniale Episcoporum *lib. 2. cap. 14. §. 1. pag. 290. juxta editionem Romanam de Anno 1729. sub Benedicto XIII. cujus auctoritate fuit denuò recognitum*. Ratione autem Dominicæ cantatur hæc Missa post Tertiam, ut patet ex Rubrica Missalis *ritul. 15. sub numer. 2.* quia scilicet non jejunatur, ut explicat Gavantus *tom. 1. ritul. 3. sub numer. 1.* ubi etiam ait, quòd debet præcedere aspersio Aquæ benedictæ, quæ fieri solet in Dominicis, ut in dicto Cæremoniali *lib. 2. cap. 31. §. 3. pag. 397. & §. 4. pag. 398.* At quia ibi dicitur, quod Canonici, Beneficiati, & Clerici ex utraque parte Chori sunt aspergendi, & nihil habetur de modo tenendo, ideo dictam

dictam asperersionem faciendam esse singillatim quibuscumque Dignitatibus & Canonicis, incipiendo ab iis, qui in dextro cornu existunt, non verò unico istu in circulum, declaravit *Sacra Rituum Congregatio sub die 20. Decembris 1601.* ut citatis Auctoribus dixi in mea Collectione de Sacris Ritibus *sub numero marginali 134.* De effectibus asperersionis Aquæ benedictæ, vide Marfilium Columnam de *Hydrogiologia*, ubi, *cap. 6. sub num. 37.* refert in signum dilectionis erga Ordinem Dominicanum Beatissimam Virginem Mariam aspersisse Cellas Fratrum, ipso cernente S. Dominico; & innumera recitat Miracula ex Aquæ asperersione patrata.

Hæc Vigilia Nativitatis Domini in quamcumque incidat Feriam, omnes & singulas excludit Missas Votivas (privatas) & de *Requiem*, quas prohibuit *Sacra Rituum Congregatio sub die 28. Augusti 1627.* ut refert Gavantus *tom. 1. par. 1. tit. 4. num. 3. lit. O.* & Clericatus de *Sacrific. Miss. initio Operis, Decreto 27.* quod quidem Decretum volui habere integrum, in forma authentica, cum magno Sigillo, & cum subscriptione illustrissimi Domini Secretarii N. M. Tedeschi Archiepiscopi Apamæni, & est sequens, videlicet: *An in diebus, quibus prohibitum est fieri de Festo duplici, possint dici Missæ Votive, vel Defunctorum, qua in duplicibus non dicuntur? Et Sacra Rituum Congregatio ad tertium Dubium censuit, Votivas non posse dici, juxta Rubricas.* Gavantus autem loco citato enumerat dies, in quibus vigore hujus Decreti prohibentur dictæ Missæ, & inter eos ponit Vigiliam Nativitatis Domini, quæ reverrà excludit, ut supra diximus, quodcumque duplex. At Decretum intelligitur de Missis privatis, juxta Rubricam Missalis *tit. 4. de Miss. Vot. sub numero. 3.* & in fine ejusdem Missalis *post Missam Dedicationis Anniversaria*, in quibus Rubricis aperte habetur, quod Missæ Votive privatæ dicuntur quocumque die Officium non est duplex: sed Decretum prohibitivum adhæret his Rubricis: ergo intelligitur de Votivis privatis: & sic intelligit omnium novissimus P. Merati in *Addit. ad Gavant. tom. 2. par. 4. tit.*

4. tit. 3. sub numer. 1. pag. 843. juxta primam edn. Roman. de Anno 1737.

Ex quo miror, cur Halden in *Ephemerolog. Eccles.* par. 2. tit. 12. die 24. Decembr. pag. 447. col. 2. teneat, quod in hac Vigilia Nativitatis Domini, neque cantari possit Missa pro Defunctis in Die Obitus, præsentè Corpore in Ecclesia, nam si res gravis exigat, censeo, cantari etiam posse (salvo meliori judicio) quaecumque Missam Votivam, nam si Decretum hodie prohibet privatas, ergo concedit solemnes pro re gravi, neque exclusio Festi duplicis hac die præscripta, facit proscribere Votivas cantatas; alioquin quia infra Octavas Paschatis & Pentecostes non sit de Festo duplici, post primum utriusque triduum non possent cantari Votivæ, quod mihi non probatur: ergo ab exclusionè Festi duplicis non inferitur ad exclusionem Votivarum solemniū, & multo minus ad exclusionem Missæ cantatæ in die Obitus, de qua Halden superius citatus. Præterquàm quod Rubrica 6. de *translat. Fester.* non excipit hanc Vigiliam: sed exceptio firmat regulam in non exceptis: ergo si in hac ipsa Vigilia alicubi occurrit Festum transferendum, potest cantari Missa de eo. Imò, si in aliqua Ecclesia hodie fiat expositio SS. Sacramenti, potest & debet cantari Missa Votiva de eodem, cùm hæc dies non sit inter exceptas à Clemente Undecimo in ejus particulari Bullario Roma impresso, par. 2. Constit. 8. §. 10. Sed & Congregationi Valisoletanæ Ordinis S. Benedicti Sacra Rituum Congregatio confirmavit anno 1633. 19. Novembris immemorabilem consuetudinem canendi singulis diebus Missam Votivam de Beata Virgine, quibusdam diebus exceptis in Decreto Confirmationis enumeratis: sed inter eos dies exceptos non reperitur Vigilia Nativitatis Domini, ut clarè patet legenti Papiucium in *Compend. ad Consult. Canon. Jac. Pignat.* par. 2. tit. de Missa Sacrificio, pag. 31. juxta editionem Venetam. & habet etiam Reverendissimus P. Merati in *Addis. ad Gavant. tom. 1. par. 2. in Indice*, sub num. 273. nisi tamen in hanc Vigiliam incidat

11 incidat Dominica quarta Adventus, quia in ea non cantantur Votivæ, licet pro re gravi, ergo potest ibi cantari hodie dicta Votiva. Verum tamen est, quod in Cathedralibus & Collegiatis cantari debent in hujusmodi casu duæ Missæ.

Vesperæ sunt integræ de Nativitate Domini, 12 quæ incipiunt per Antiphonam *Rex pacificus*, cum reliquis, ut in Breviario. Sicuti autem ab his Vesperis incipit Solemnitas Natalitia, sic in earum fine ad *Alma Redemptoris*, omisiss Versu & Responsorio ac Oratione de Adventu, dicitur eorum loco Versus *Post Partum*, &c. & Responsorium *Dei Genitrix*, &c. cum Oratione *Deus qui salutis*, &c. Et notandum, quod si hæc Vigilia incidat in Dominicam, in qua non jejunatur, & consequenter fit Cœna, poterit incipi Benedictio Mensæ (ubi fieri solet) à Versu *Verbum caro factum est*, *alleluja*, cum reliquis, ut in calce Breviarii, cujus Rubrica licet ibi revera dicat *In Nativitate Domini*, &c. ita ut à Nativitate videatur rigorosè incipiendum, attamen dicta Rubrica venit intelligenda, etiam de hoc casu, in quo certè fit Cœna: quod observat Guyetus in *Heortolog. lib. 4. cap. 20. quæst. 8. pag. 302.*

14 In Cathedrali verò Ecclesia Pontificales Episcopus peragit Vesperas, juxta Cæremoniale Episcoporum *lib. 2. cap. 1. §. 2. pag. 184. in ultima editione Romana de Anno 1729. ibi: Si Episcopus erit solemniter Missam sequenti die celebraturus, Vespera solemnitus peraguntur, quam si non esset celebraturus: quod præcipue in his Vigiliis observari solet, videlicet, Nativitatis Domini Nostri Jesu Christi, &c.* Ideoque debent Canonici omnes in eorum Ecclesiastico & Canonicali habitu, appropinquante hora, ad illum accedere, & ex ea Aula, seu Cubiculo quod ad hoc destinaverit, ad Ecclesiam progredientem bini comitari, & deducere, ut verbis utar ejusdem Cæremonialis *lib. 1. cap. 15. §. 1. pag. 94.* Licet autem dictum Cæremoniale nomet tantum Canonicos, tenentur tamen etiam Dignitates associare Episcopum ex debito, prout declaravit *Sacra Rituum Con-*

*Congregatio sub die 10. Januarii 1609. in Jacen. apud Gavantum in Man. Episcopor. verb. Canonicoz. mun. erga Episc. sub numer. 21. in addit. & refert etiam P. Merati rom. 1. par. 2. in Indice, sub num. 94. pag. 1363. Non tamen debet Episcopus Canonicos cogere ad se associandum sub pœna Excommunicationis, ut decrevit Sacra Episcoporum Congregatio 28. Maji 1584. referente Bauldrio in Man. Sacrar. Cæremoniar. part. 1. cap. 9. num. 2. pag. 23. Dum autem omnes sunt in Choro, Psalmi decantari debent ab ipsismet Canonicis, & Beneficiatis, aliisque de Capitulo, in tono & cantu Gregoriano, cum gravitate & decore, ita ut eorum verba ab omnibus intelligantur, ut habet Cæremoniale Episcoporum lib. 2. cap. 1. §. 8. pag. 187. Dum verò Episcopus repetit Hymnum *Jesu Redemptor omnium*, &c. sibi præintonatum, elevat, & jungit manus, caput versus Altare inclinans, ob reverentiam Divinæ invocationis, ita dictum Cæremoniale d. lib. 2. cap. 14. §. 5. pag. 291. Celebratis solemniter Vesperis, Episcopus dat in earum fine Benedictionem per consueta verba, *Sit Nomen Domini benedictum*, &c. sine tamen Indulgentiarum publicatione, quæ numquam publicantur in Vesperis, ex Cærem. Episcopor. lib. 1. cap. 25. §. 8. pag. 152. & iterum lib. 2. cap. 1. §. 19. pag. 192. Quod si in Cathedrali solemniter cantat Vesperas Episcopus, consequens videtur, ut in Collegiata cantet Prior, in Monasteriali Abbas, in Conventuali Ecclesia Superior Localis, ut de Prælato Conventus habet Piscara, in Cærem. sua Relig. lib. 3. cap. 3. sub num. 9. pag. mihi 146. Ad Completorium denique, & ad omnes Horas terminantur Hymni ejusdem metri cum clausula *Jesu tibi sit gloria, qui natus es de Virgine*, &c. usque ad primas Vesperas Epiphaniæ exclusivè.*

S. II.

De iis, quæ spectant ad Noctem
Nativitatis Domini.

QUÆ hætenus diximus, sufficiat dixisse de Die: 15
nunc verò ad Noctem deveniamus: & primò
quidem de Privilegiatis ante Medinoctium ce-
lebrantibus sermo sit: deinde successivis nocturnis
horis, eà, qua poterimus, claritate, de illis, qui
de jure celebrant post Medinoctium, loquemur. Et
ut incipiamus à Privilegiatis, Francolinus *de temp.*
Horar. Canoniar. cap. 40. num. 2. quem sequitur
Gavantus in *Thesaur. Sacror. Rit. tom. 1. par. 4. tit.*
3. num. 5. monet, quod qui ex privilegio, vel ex
legitima consuetudine celebraturus est ante Medi-
noctium, non est verè dispensatus in jejunio neces-
sario ad Missam: quapropter debet esse jejunus à
Medinoctio anteriori, ita ut in Missa Vigilæ te-
neatur purificationem omittere: & ita sentit etiam
Quarti in *Commen. ad Rubric. Missal. par. 1. tit. 15.*
sub num. 4. pag. 91. juxta editionem Venetam de An-
no 1727. imò idipsum suggerit Piscara in *Prax. Ca-*
remoniar. lib. 3. sect. 2. cap. 1. num. 3. pag. 362. ubi
infert hanc jejunii præcedentis necessitatem ex eo,
quòd illa Missa, quæ ante mediam noctem cele-
bratur, non quidem ad Diem natalis Domini, quæ
à media nocte incipit, sed potiùs ad præcedentem
Diem spectare videtur.

Attamen quoad hoc, Auctor novæ opinionis, sic 16
benè ratiocinatur Cardinalis de Lugo *Disputat. Scho-*
lastic. & Moral. tom. 3. tract. de Euchar. disput. 15.
sect. 2. sub num. 56. & 57. pag. mihi 303. ibi: In
„ Nocte Natalis Domini, Cardinalis, qui celebrat
„ coram Pontifice ante Medinoctium, non dispen-
„ satur à Papa in jejunio naturali, sed Papa vult
„ pro illo Loco, & pro illa Nocte anticipari ali-
„ quan-

„ quantulum initium Diei sequentis, quia jejunium
 „ solum debet esse intra illam Diem. Quando au-
 „ tem incipiet Dies, pendet ab Hominum placito:
 „ Aliqui enim incipiunt ab ortu Solis: Alii ab oc-
 „ casu: Alii ab alio termino: Ecclesia verò com-
 „ putat à media Nocte: Potest ergo eadem Ecclesia
 „ semper, vel aliquando computare Diem ab aliqua
 „ alia Hora: & sic de facto potest Pontifex iustis
 „ de causis anticipare per unam vel duas horas in-
 „ tium illius Diei in illo Loco, sicuti etiam quoad
 „ celebritatem Officii in Sabbato Sancto Ecclesia
 „ anticipat initium Noctis per aliquas horas. Por-
 „ rò mentem Pontificis hoc pacto potius intelligi
 „ debere, quàm quòd velit dispensare in jejunio
 „ naturali ad Missam prærequisito, probant plura
 „ inconvenientia, quæ ex illo alio modo dispensan-
 „ di sequerentur, nempe

Primo, quia si illa Missa censetur esse intra Diem
 „ Vigilæ, & non intra Diem Natalis, non satis-
 „ facerent præcepto audiendi Missam in Die Na-
 „ talis qui illam Missam audirent: quod tamen vi-
 „ detur esse contra mentem Pontificis, qui illam
 „ Missam celebrare facit pro festivitate Natalis.
 „ *Secundo*, si Vigilia sit in Dominica, posset aliquis
 „ nolle audire aliam Missam in ipsa Dominica,
 „ sed expectare ut nocte sequenti satisfaceret præ-
 „ cepto Dominicæ, audiendo illam Missam ante
 „ mediam noctem. *Tertiò*, Celebrans non posset
 „ facere Sacrum ipsa Dominica manè, ne celebra-
 „ ret bis intra eandem Dominicam, quod privile-
 „ gium solum habetur pro Die Natalis. *Quartò*,
 „ posset Die sequenti Natalis alias tres Missas ce-
 „ lebrare, quia de jure conceditur omnibus ter ce-
 „ lebrare illa Die: ipse autem non fecit primum
 „ Sacrum intra, sed ante Diem illam. *Quintò*,
 „ posset post primam illam Missam cœnare, maxi-
 „ mè si Vigilia sit in Dominica: cœnare, inquam,
 „ ante Medinoctium, & postea die sequenti cele-
 „ brare secundam & tertiam Missam, quia verè
 „ esset jejunus intra illam Diem. *Sextò*, posset con-
 „ sequenter, & deberet in prima Missa ablutio-
 „ „ acci-

„ accipere post Communionem, hæc enim non im-
 „ pediret jejunium ad celebrandum die sequenti ;
 „ quod tamen est contra Rubricam illius Missæ ,
 „ & contra praxim , si Cardinalis vult celebrare
 „ secundam & tertiam Missam.

18
 „ Dicta autem omnia inconvenientia cessant, si di-
 „ catur mentem Pontificis non esse dispensare in
 „ jejunio sed anticipare aliquantulum initium Diei
 „ sequentis pro illo Loco: ita ut illa Missa perin-
 „ de se habeat, ac si jam esset transactum medium
 „ noctis: & ita se gerere debeat Celebrans, ac si
 „ verè incæpta sit sequens Dies natalis, qui mo-
 „ dus faciliior, & suavior est, & magis connatu-
 „ ralis: qui enim anticipat Missam, videtur velle
 „ quantum potest, anticipare tempus illius Missæ.
 „ *Hucusque Cardinalis de Lugo, quem sequuntur Aver-*
 „ *sa de Euchar. quest. 8. sect. 8. Diana par. 7. tract.*
 „ *12. resolut. 12. & iterum par. 3. tract. 1. resolut. 89.*
 „ cum alijs.

19
 „ Huic tamen Cardinalis de Lugo opinioni se op-
 „ ponit Pasqualigus *decis. moral. 311. per tot.* ubi pro-
 „ posito Dubio, an in Nocte Natalis Domini, Car-
 „ dinalis celebrans primam Missam post Matutinium
 „ coram Pontifice, celebret absque jejunio, ex dispen-
 „ satione: & data dubitandi ratione, quia scilicet
 „ Missa completur ante mediam noctem Diei, in qua
 „ Celebrans non est jejunus, ita proseguitur: Adhuc
 „ tamen celebrare, & assumere jejunium conten-
 „ dit Joannes de Lugo *dispur. 15. de Sacram. Eu-*
 „ *char. sect. 2. num. 56.* Sed licet hoc acutissimè
 „ excogitatum sit, non est tamen verum, sed con-
 „ tra praxim; quia Pontifex quotannis dispenseset
 „ cum Cardinale celebraturo, ut possit non jeju-
 „ nus celebrare, expediens super hoc speciale Bre-
 „ ve: Et proinde supponitur, quod sit celebratu-
 „ rus intra diem præcedentem Diem Nativitatis.
 „ Neque talis anticipatio Diei præcedentis habet
 „ aliquod fundamentum; quia quòd celebretur Mis-
 „ sa ante mediam noctem non magis facit quòd
 „ anticipetur Dies, quàm quòd Pontifex censeatur
 „ tacitè dispensare cum Celebrante: imò hoc po-
 „ tiùs

„ tius colligitur ; quia dispensatio cadere potest
 „ super specialem Personam, & specialem Locum,
 „ & esse ex speciali occasione ; quia est privile-
 „ gium, quod respicit privatam Personam : & an-
 „ ticipatio Diei ex natura sua est universalis, quia
 „ debet esse secundum naturam temporis, quod
 „ est omnibus commune. Et proinde si admitteretur
 „ tacita dispensatio in casu, in quo non esset
 „ expressa, esset juxta naturam dispensationis : Si
 „ autem admittatur anticipatio Diei, esset con-
 „ tra naturam temporis : & ideo non posset admit-
 „ ti, nisi de hoc apertè constaret. Deinde si ad-
 „ set anticipatio Diei pro illo Loco, posset ali-
 „ quis alius in eadem Loco celebrare ante mediam
 „ noctem, quia jam incæptus esset Dies ; quod ta-
 „ men non censetur licitum.

„ *Ad primum inconueniens* (de quo Cardinalis de 20
 „ Lugo) respondetur, concedendo non satisfacere
 „ præcepto audiendi Missam in Die Nativitatis
 „ Domini, qui illam audiret ; quia licet sit Missa
 „ Diei, non est tamen in Die ; neque præceptum
 „ obligat ad audiendam Missam Diei, sed Missam
 „ in Die. Unde si i Die Festo celebraretur Missa,
 „ quæ non esset Missa Diei (ut contingere potest,
 „ si celebraretur Missa solemnibus Votiva) qui illam
 „ audiret, satisfaceret præcepto. Neque hoc est
 „ contra intentionem Pontificis ; quia aliud est,
 „ quod velit celebrari illam Missam pro festivitate
 „ Nativitatis : & aliud, quod velit celebrari in or-
 „ dine ad satisfaciendum præcepto : non enim hoc
 „ intendit, sed primum.

„ *Ad secundum inconueniens* respondetur, quod qui 21
 „ expectaret illam Missam, verè audiret Missam in
 „ Die Dominica, in qua urget præceptum : atque
 „ adeo satisfaceret præcepto, dummodo præceptum
 „ non obliget ad audiendam Missam infra illud tem-
 „ pus Diei, intra quod conceditur de jure commu-
 „ ni posse celebrari. Quia autem audire Missam
 „ subordinatur celebrationi, ideo etiam præceptum
 „ audiendi Missam videtur subordinatum præcepto
 „ non celebrandi, transactà tali hora Diei : atque
 „ adeo

„ adeo videtur obligare ad audiendam Missam intra
 „ illud tempus , intra quod de jure communi po-
 „ test celebrari , atque adeo nisi audiat , non sa-
 „ tisfit præcepto .

„ *Ad tertium inconueniens* , negatur , non posse Cele- 22
 „ brantem eo die mane celebrare , quia nocte se-
 „ quenti celebrat ex speciali concessione : specialis
 „ autem concessio non tollit , quæ jus commune
 „ concedit . Quod autem non possit quis bis in die
 „ celebrare , procedit secundum jus commune : at
 „ ex speciali concessione potest . Hæc autem specia-
 „ lis concessio habetur , dum Pontifex dispensat ,
 „ ut possit Celebrans anticipare Missam Diei sequen-
 „ tis , & celebrare non jejunus .

„ *Ad quartum inconueniens* , negatur sequela , quia 23
 „ jus non concedit simpliciter ter celebrare , sed ce-
 „ lebrare ter secundum præscriptum Missalis : unde
 „ cum Celebrans die antecedenti semel celebraue-
 „ rit , secundum præscriptum Missalis potest tan-
 „ tum bis celebrare juxta alias duas Missas , quæ
 „ præscribuntur . Hinc quando Pontifex dispen-
 „ sat , ut possit anticipari à non jejunis Missa Diei
 „ sequentis , transfert in diem antecedentem parum
 „ de eo , quod jus comune concedit pro die sequen-
 „ ti : & ideo ratione hujus translationis non re-
 „ manet concessum pro die sequenti , quod est trans-
 „ latum in diem antecedentem : Unde specialis
 „ concessio non tollit quod est concessum juxta jus
 „ commune , sed dat anticipato modo .

„ *Ad quintum inconueniens* , conceditur sequela , quia 24
 „ pro celebratione Diei sequentis requiritur tan-
 „ tum jejunium sequentis diei : & ideo post cele-
 „ bratam Missam potest Celebrans comedere , non
 „ secus ac si non celebrasset , aut esset celebratu-
 „ rus . Et hoc esset secundum praxim Venetiarum ,
 „ ubi Primicerius Ducalis Basilicæ Sancti Marci ,
 „ qui in Vigilia Nativitatis perseverat jejunus quoad-
 „ usque prima nocte celebraverit , postea coenat ,
 „ & die sequenti alias duas Missas celebrat .

„ *Ad sextum inconueniens* , respondetur , non esse 25
 „ contra Rubricam Missalis ablutionem accipere

„ post primam Missam, quia Missale dicit, quod
 „ non accipiat, quia supponit quod celebratur
 „ post mediam noctem: unde etiam dicit quod pri-
 „ ma Missa celebratur post mediam noctem: Quod
 „ si supponeret non celebrari post mediam noctem,
 „ hoc non præciperet. *Hætemus Pasqualigus, cujus*
sententia subscribit Dicastillo de Sacram. rom. 1. tract.
4. disputat. 9. dub. 17. quest. 7. num. 404. & dicit
æquè probabilem Diana par. 10. tract. 14. resolut.
35. Martinon. rom. 3. disputat. 35. num. 64. cum
aliis.

Probata dictus Pasqualigus sua opinione quoad
 celebrantem primam Missam antè mediam noctem,

26

voluit etiam quoad audientem diffusè ostendere non
 adimpleri præceptum pro Die Nativitatis Domini
 per auditionem illius Missæ anticipatè ex privile-
 gio celebratæ: ideoque in suis Quæstionibus Theo-
 logicis Moralibus Juridicis *de Sacrific. nov. Leg. rom.*
 „ 2. *quest. 1262.* sic argumentatur. Est certum,
 „ quod præceptum affixum tempori non impletur,
 „ nisi exhibeatur, quod injungit, intra tempus,
 „ cui est affixum. Rursus certum est etiam, quod
 „ præceptum audiendi Missam affixum est tempo-
 „ ri, nempe, Diei, in quo incidit Festum: & pro
 „ hac affixione computatur Dies naturalis, non au-
 „ tem Ecclesiasticus: Ergo cum audiens illam Mis-
 „ sam, non exhibeat opus præceptum intra illud
 „ tempus, in quo obligat præceptum, non extin-
 „ guetur obligatio præcepti: sed quando superven-
 „ nient, exiget extingui nova auditione Missæ: in
 „ his enim præceptis non habet locum anticipata
 „ solutio.

Confirmatur: Vel obligatio audiendi Missam pro
 „ Die Nativitatis Domini anticipatur, ita ut tunc
 „ superveniat, quando celebratur illa Missa: vel
 „ non anticipatur, sed remanet fixa consueto mo-
 „ do. Si primum, requiritur aliqua causa, quæ in-
 „ ducat hanc anticipationem, quæ non potest esse
 „ alia, quàm potestas Summi Pontificis, à qua so-
 „ la dependet obligatio audiendi Missam pro illo
 „ die quoad sui variationem: unde oporteret pro-

27

„ ducere

„ducere aliquem actum hujus potestatis, per quem
 „inferretur obligationis anticipatio : & quousque
 „non producet, non potest admitti aliqua va-
 „riatio. Si secundum, ergo audiens Missam non
 „satisfacit obligationi, quia nondum advenit obli-
 „gatio : & antequàm adveniat, tanquàm affixa
 „tempori, non potest impleri, quia non exigit
 „præcisè præceptum opus, sed pro tali tempore.

Confirmatur secundo : Auditio Missæ præcipitur
 „ab Ecclesia pro satisfaciendo Diei Festivo, nam
 „est præcipuus actus satisfactionis, cùm magis san-
 „ctificetur per assistentiam Sacrificio, quàm per
 „cessationem ab operibus servilibus: ergo non ha-
 „bet locum auditio Missæ, tanquàm adimpletiva
 „præcepti; nisi quando locum habet sanctificatio
 „exigita à præcepto. Præceptum autem sanctifi-
 „candi Diem Natalis Domini non exigit sanctifi-
 „cationem pro illo tempore, in quo celebratur
 „Missæ illa, sed tantum à media nocte : nam
 „quando exigit sanctificationem, exigit etiam ces-
 „sationem ab operibus servilibus, quam tamen non
 „exigit, nisi à media nocte.

Licet igitur illa Missa computetur pro Die Na-
 „tivitatis, non tamen celebratur in Die Nativita-
 „tis : & ideo auditio ipsius non sufficit pro præ-
 „cepto affixo Diei. Computatur enim tantum in
 „ordine ad Officia Ecclesiastica, non autem in or-
 „dine ad sanctificandum Diem: quia illa anticipa-
 „tio non anticipat sanctificationem Diei, ut con-
 „stat in cessatione ab operibus servilibus: & ideo
 „talis computatio non intrat pro adimplendo præ-
 „cepto de audienda Missa. Et licet celebratio il-
 „lius Missæ sit intra Diem Ecclesiasticum, non est
 „tamen intra Diem naturalem: obligatio autem
 „audiendi Missam est coarctata ad Diem natura-
 „lem, quia provenit ex præcepto affixo Diei na-
 „turali, ut dictum est : & ideo nihil relevat pro
 „adimplendo præcepto, quod est intra Diem Ec-
 „clesiasticum.

Dispensatio denique anticipatè celebrandi non ex-
 „tenditur, ut possit etiam anticipatè impleri præ-

„ ceptum de audienda Missa : est enim dispar ratio in præcepto de non celebrando in illa hora. „ Ut autem posset anticipatè impleri præceptum de audienda Missa , necessaria esset dispensatio alterius præcepti : dispensatio enim in uno præcepto , non extenditur ad aliud , quia est stricti juris : & strictè accipienda. *Ita Pasqualigus.*

Paulus autem Maria Quarti, qui scripsit post Pasqualigum, scripsit etiam quoad hoc contra Pasqualigum : & licèt sit ejusdem Religionis, non tamen est ejusdem opinionis : ideoque contrariam tenet sententiam in *Commentar. ad Rubric. Missal. par. 1. tit. 15. dub. 7. pag. mibi 95. juxta editionem Venetam de Anno 1727.* Ejus ergo rationes, ad probandam satisfactionem præcepti favore Fidelium Missam anticipatè celebratam in nocte Nativitatis Domini audientium, sunt sequentes, videlicèt : „ Tam ipse „ Sacerdos celebrans ante mediam noctem, quàm „ alij præsentés eidem Missæ, præcepto audiendi „ Missam pro Die Natalis verè satisfaciunt : tum „ quia probabile est, illam Missam censeri dictam „ in Die Natalis ampliata ad eum effectum à Summo Pontifice privilegium anticipatæ celebrationis concedente : tum quia, esto non dicatur in Die Natalis, nihilominus verè dicitur pro solemnitate Natalis, nam & Celebrans non dispensatur in numero Missarum, quæ dici possunt in Die Festo Natalis Domini, sed solum in hora celebrandi primam ex illis tribus Missis, quæ conceduntur in Die Natalis : & consequenter ex tacita mente Summi Pontificis satisfit obligationi adnexæ Diei & Festivitati Natalis : sicuti Beneficarii satisfaciunt obligationi recitandi Officium sequentis Diei, si recitent Matutinum post Vesperas Diei antecedentis.

Quando vero Vigilia Natalis incidit in Diem Dominicam, si quis noluerit audire Missam mane Die Dominicæ, sed ad satisfaciendum huic præcepto voluerit expectare Missam illam, quæ dicenda est postremis horis in Ecclesia privilegiata, ante mediam noctem Natalis, non satisfacit præcepto

„ cepto, quia illa Missa, quæ dicitur ante mediam
 „ noctem Natalis, non computatur ullo modo pro
 „ Dominica, sed pro sequenti Festivitate Natalis,
 „ & sic auditione Missæ prædictæ non potest satis-
 „ fieri præcepto Diei Dominicæ: Et confirmatur,
 „ quia non potest satisfieri unico Sacro duobus præ-
 „ ceptis duplicis Festivitatis & duplicis Diei: Cum
 „ ergo eà Missa satisfiat præcepto Diei Natalis,
 „ non potest eadem satisfieri præcepto Dominicæ
 „ præcedentis, ut aliis citatis ait Diana *par. 10.*
 „ *tract. 12. resolur. 22.*

Quamvis autem tam de Lugo, quam Pasqualigus
 nominent tantum Cardinalem, & Primicerium ante
 mediam noctem celebrantes, quos etiam adducit
 solos Piscara in *Prax. Caremoniar. lib. 3. sect. 2. cap.*
1. num. 3. imò & Quarti in *Commentar. ad Rubric.*
Missal. par. 1. tit. 15. dub. 7. prædicta tamen omnia
 inserviunt etiam pro aliis (qui nostris certè tem-
 poribus non pauci sunt in Orbe, imò & plures in
 una tantum Urbe) habentibus privilegium hujus-
 modi anticipatæ celebrationis, hoc est, facultatem
 celebrandi ante medinoctium: quod enim prædica-
 tur de uno, prædicatur de cæteris paribus: & id-
 eo hoc non convenit omnibus, sed solis Privilegia-
 tis. Idcirco Gavantus *tom. 1. par. 4. tit. 3. sub n. 5.*
 videtur generaliter loqui: dum enim ibi ait, *Quod*
si celebraturus sit ante mediam noctem, supponit pri-
 vilegium in pluribus, & scribit pro omnibus hac
 facultate potentibus: & licet suum opus ediderit
 ante scripta Cardinalis de Lugo, & Pasqualigi, ni-
 hilominus tenet, quod Privilegiatus celebrans an-
 te mediam noctem, si in prima Missa Noctis sume-
 ret purificationem, imò & cibum ante medino-
 ctium, posset celebrare secundam & tertiam Mis-
 sam Natalis Domini: & quoad cibi sumptionem
 idipsum dixerat Piscara *loco citato, sub d. n. 3. in fine.*

Expositis, quæ circa Privilegiatos primam Mis-
 sam Natalis Domini ante mediam noctem celebra-
 tes tenent Auctores, nunc de illis, qui post medi-
 noctium de jure celebrant, disseramus. Francolinus
de temp. Horar. Canoniar. cap. 40. sub num. 2.



apud Gavantum in *Theſaur. Sacror. Rit. tom. 1. par. 4. tit. 3. ſub num. 5.* monet celebraturum poſt mediam noctem, ut ſit jejunus per horas circiter ſex, ſed hoc dicitur ex quadam congruentia; ex quo ſequitur; quod poteſt non ſolùm prandere, ſed & cœnare in crepulis vespertinis, cum Medinoctium Mathematicum occurrat hac nocte horâ ſeptimâ cum tribus ſerè quadrantibus: unde ſi celebraturus cœnet hora primâ noctis, erit ſufficienter jejunus ad peragendum Sacrum in Medinoctio: & eo magis, quia Auctores prædicti ponunt quoad hoc congruentiam, non neceſſitatem.

Sive autem Miſſa dicatur ante medinoctium ex privilegio, ſive poſt medinoctium de jure, debent in Eccleſia ardere plures candelæ ad omnia Altaria cum eorum lampadibus accenſis, & plura ponenda ſunt intortitia hinc inde æquali diſtantiâ benè diſpoſita, ut in Cathedrali ſic faciendum præſcribit Cæremoniale Episcoporum *lib. 2. cap. 14. §. 3. pag. mihi 290.* & hoc non ſolùm, ut Eccleſia illuminetur undique ad fugandas noctis tenebras, ſed & ad repræſentandam illam cœleſtem lucem, quæ hac nocte revera apparuit, ita ut de illa dictum fuiſſe credendum ſit à Regio Propheta, *Pſal. 138. verſ. 11. Et Nox ſicut Dies illuminabitur*: quam proſectò lucem Paſtores cuſtodientes vigilias noctis clarè viderunt, nam *claritas Dei circumfulſit illos.*

Sacra tamen huius Noctis functio initium ſumit à Matutino ſolemniter decantando, non ſolùm in Cathedralibus, verùm etiam in Collegiatis, ac in aliis Eccleſiis, in quibus numerofus eſt Clerus, & ubicumque cantari debet, vel mos eſt peragendi cum ſolemnitate hoc Officium. Sacriſta igitur faciat diligenter hac nocte inchoare tali hora Matutinum, ut eo finito incipiat Medinoctium ad cantandam debito tempore Miſſam, ut benè ſuggerit Piſcara in *Prax. Cæremoniar. lib. 3. ſect. 2. cap. 1. num. 9.* niſi Eccleſia ſit privilegiata. Officiator, dum intonat Hymnum *Jeſu Redemptor omnium*, obſervet & ſervet, quæ ſupra dicta ſunt in primis Veſperis. Lectiones dicuntur in medio Chori apud

Legile,

Legillè, hoc enim functionem reddit solemniorem, & magis excitativam devotionis in Populo concurrente. Primi Nocturni Lectiones cantantur à tribus junioribus de Choro : Lectiones verò secundi Nocturni dicuntur à tribus successivè sequentibus, quos Cæremoniarius, vel alius Sacerdos ad hoc destinatus debet priùs admonere, ut possit quisque prælegere, & diligentius cantare. Septimam tamen & octavam Lectionem cantant respectivè illi duo, qui ministrare debent in Missa hujus Noctis, vel, septima dicenda est à Diacono qui Missæ ministrare debet, & octava ab eo qui est dignior à Celebrante, ut sentit Bauldryus in *Man. Sac. Cæremon. par. 4. cap. 2. num. 17.* Nona denique Lectio spectat ad eum, qui est proximè celebraturus.

In Cathedrali autem Ecclesia, officium faciente Episcopo, sex Lectiones competenti voce & tono à totidem Canonicis junioribus, incipiendo à juniore, cantari debent. Septimam & octavam cantabunt hi, qui futuri sunt Assistentes à lateribus Episcopi in Missa. Nona verò & ultima Lectio dicitur ab ipso met Episcopo stante in sua Bede Pontificali, detecto capite, conversa facie ad Altare. Canonici petendo benedictionem, dicunt *Jube Domne*, non autem *Domine* : sed Episcopus dicit *Jube Domine*, non autem *Domne*, nisi adsit in Choro major se, ut habetur in Cæremoniali Episcoporum *lib. 2. cap. 4. §. 4. 5. & 9.* ac etiam *cod. lib. 2. cap. 14. §. 9.*

Romæ verò Lectiones cantantur à Cardinalibus, & ultimam dicit Summus Pontifex in sua Sede, stans detecto capite, qui & versùs Altare dicit *Jube Domine benedicere*, sed nullo benedicente, Cantores respondent *Amen*. Quod si Imperator huic Matutino interesset, ipse Cæsar cantaret septimam Lectionem sub Evangelio *Exiit Edictum à Cesare Augusto*, ut habetur in quodam Libro Colonix Agrippinæ impresso 1557. de *Sacris Cæremoniis SS. Romana Ecclesia*, *lib. 2. cap. de Ordine cantandi Lectiones*, pag. 168, ubi etiam dicitur, sic servatum fuisse sub

se sub Paulo Secundo Barbo Veneto (ex Sorore Nepote Eugénii Quarti Condulmerii itidem Veneti, à quo Purpuram Cardinalitiam accepit) cùm Fridericus Tertius Imperator his celebratibus interfuit anno salutis millesimo quadragesimo sexagesimo octavo : & idem refert Grancolas in *Comment. ad Breviar. Roman. cap. 14. vers. De quibusdam Imperatoribus*, pag. 216. Licet autem Ciaconius *tomo secundo* in Vita dicti Pauli Secundi dicat tantum, quod Fridericus Imperator Romam ingressus est hora noctis tertia in Vigilia Nativitatis Domini anno 1468. Victorellus tamen in *additione* ad dictum Ciaconium, *dicto tomo secundo*, pag. 1079. *juxta editionem Romanam de anno 1677.* subjungit, quod dictus Fridericus hora quinta ejusdem noctis se contulit ad Basilicam Vaticanam, ubi Summus Pontifex voluit iterari Matutinum, in quo Cæsar non ineptè cantavit dictam septimam Lectionem : cui Imperatori Papa dono dedit Ensem & Pileum, quos Romani Pontifices consueverunt in hac Vigilia ante Matutinum benedicere : & quos solent allicui magno Principi, si præsens sit, dare : vel si non sit præsens, ad aliquem Regem vel alium Principem per aliquem ex suis transmittere, ut in dicto Libro Coloniz impresso, *cap. de Ense in Nocte Nativitatis Domini dando, & benedicendo*, pag. 77. Hujusmodi munus Alexander Octavus Otthobonus Venetus transmisit ad Serenissimum Venetiarum Principem Franciscum Maurocenum per suum tunc Cubicularium Michaellem Angelum de Comitibus, postea Sanctæ Romanæ Ecclesiæ Cardinalem, & deinde Summum Pontificem sub nomine Innocentii Decimotertii. Breve autem dicti Alexandri Octavi datum fuit sub die 8. Aprilis 1690. & incipit *Ea, qua Christiana Reipublica, & integrum Domi retineo.*

Celebraturus, cantata nona Lectione, intonat 39
Hymnum *Te Deum laudamus*, quem Chorus profertur, cui & Organum intermisceri poterit, dummodo Versiculus *Te ergo quasumus, &c.* exprimatur voce clara, alioquin cum suavi armonia sine Organo:

no: qui Versiculus dum recitatur, Officiator & omnes de Choro genuflectunt in locis suis, ex Cæremoniali Episcoporum *lib. 1. cap. 28. §. 6. pag. 166.* & iterum *lib. 2. cap. 5. §. 9. in fine.* Dicto Hymno terminato, & præmisso *Dominus vobiscum*, dicitur Oratio *Concede quasumus, &c.* & rursus repetito *Dominus vobiscum*, dictoque *Benedicamus Domino*, non additur *Fidelium anima*, nisi quis extra Chorum terminare vellet Officium Matutini distinctum à Laudibus, quia in hujusmodi privata recitatione addi deberet tum *Fidelium anima*, tum etiam *Pater noster*, ut ait Piscara in *Prax. Cæremoniar. lib. 3. sect. 2. cap. 1. num. 10.* & iterum in *Cæremon. sua Religion. lib. 3. cap. 4. numer. 9.* ac idipsum dicit Bauldryus in *Man. Sacrar. Cæremon. par. 4. cap. 2. num. 21.* Itaque Matutinum in Choro distinguitur hac nocte à Laudibus, quia Matutinum spectat ad noctem, & prima Missa est noctis, non diei: Laudes verò potius pertinent ad diem, quàm ad noctem, & ideo congruè præscriptum est, ut Missa cantetur ante Laudes, inquit Gavantus in *Thesaur. Sacror. Rit. tom. 2. sect. 6. cap. 5. num. 4.* Cùm igitur prima Missa debeat esse media inter Matutinum & Laudes, completo jam Matutino, deveniamus ad Missam solemniter decantandam.

Prima Missa ideo dicitur in media nocte, quia Christus supponitur natus in puncto mediæ noctis, juxta illud Sapientiæ 18. *Dum medium silentium tenerent omnia, & nox in suo cursu medium iter haberet, omnipotens sermo tuus, Domine, de Cælis à regalibus Sedibus venit*, ut habetur in Introitu Domini cæ infra hanc Octavam Natalitiam occurrentis: quæ verba de Nativitate Domini intelligenda esse ostendit Pasqualigus de *Sacrific. nov. Leg. tom. 1. qu. 405.* vel cantatur in nocte, quia significat æternam, & nobis occultam Christi Nativitatem, ex D. Thoma 3. *par. quæst. 83. artic. 2. ad 2.* Quo verò anno Imperii Augusti natus sit Christus, varix sunt Chronologorum & Doctorum sententiæ, quorum septem refert Cornelius à Lapide in *Commentar. ad Evang. Luca, cap. 2. vers. 1.* Certè natus

tus est, cum Cæsar Augustus plenam haberet pacem in toto Orbe, ejus pacis indicium ipsa fuit totius Orbis descriptio, ita dirigente Deo, ut significaret jam Christum nasci, qui pacem toti Orbi afferbat, ut ex Beda sequitur A Lapide, loco *superius citato*. Peperit autem Beata Virgo Maria non ex lassitudine itineris, quod suscepit ad exequendum Cæsaris Edictum, sed naturaliter, perfecta naturali conceptionis temporisque ad parandum usitati periodo. Quare cum Christus conceptus sit die 25. Martii, sequitur eum natum esse die 25. Decembris: inter utrumque enim intercedunt novem menses. Natus est itaque Christus paulo post Solstitium Hyemale, cum crescere incipiunt Dies: Joannes verò Baptista natus est paulo post Solstitium Æstivum, cum Dies incipiunt decrescere, unde videtur, quod hoc voluerit ipse Præcursor significare, cum dixit: *Illum oportet crescere, me autem minui*, ut ait S. Augustinus apud Cornelium à Lapide *ibidem*, vers. 5. Natus est Christus Homo Deus, ejus hypostaticam unionem optimè cecinit Corippus *de laudibus Justiniani minoris*, scilicet: *Natus Homo est, vernusque Deus non destitit esse.*

In Missa igitur hujus noctis Solemniter celebranda, intonata a Celebrante *Gloria in excelsis Deo*, pulsantur omnes Campanæ, tam quæ sunt intra Ecclesiam minores, quàm quæ sunt majores in ejus Turri: & hoc in signum lætitiæ, quia juxta S. Leonem Papam serm. 1. de Nat. Dom. *Salvator noster, dilectissimi, hodie natus est, gaudemus*, quod quidem gaudium Pastoribus annuntiatum, nobisque transmissum, multitudo Militiæ Cœlestis confirmavit in hoc Hymno hac nocte ab Angelis composito & lætanter cantato, ut ex S. Thelesphoro Papa cap. *nocte sancta, de consecr. dist. 1.* ait Piscara in *Carem. sua Relig. lib. 3. cap. 4. num. 10.* & quoad dictam omnium Campanarum pulsationem sic faciendum suggerit etiam Bauldryus in *Man. Sacrar. Carem. par. 4. cap. 2. num. 22.* Unica dicitur Oratio in hac prima Missa, ut præscribitur in Missali. Ad Symbolum verò; cum Cantores pervenerint

rint ad illa verba: *Et incarnatus est, &c.* Celebrans cum Ministris si sit ad Altare, & velit postea sedere, descendit de Altari ad infimum gradum illius, ibique genuflectit, deinde vadit ad sedem: Si verò non velit sedere, satis est ut descendat ad secundum gradum, & inde redit ad medium Altaris: Si verò sedeat post intonatum Symbolum, ad prædictum versum genuflectit propè sedem, ex eodem Bauldryo, *ibidem, sub num. 23.* In Cathedrali verò Ecclesia Episcopus cum Mitra apud Sedem suam, & cæteri in propriis locis genuflectere debent usque ad terram, ut verbis utar Cæremonialis Episcoporum *lib. 2. cap. 14. §. 10. pag. 294.*

Præfatio est propria, illa scilicet, quæ incipit *Quia per incarnati verbi mysterium*, cum suo *Communicantes* itidem proprio, sed in hac prima Missa dicitur *& noctem sacratissimam celebrantes*, ut in Missali. In Libro tamen Sacramentorum S. Gregorii Papæ dicebatur antiquitus hac nocte Præfatio diversa, quæ per extensum ibi habetur pagina sexta, & erat sequens, videlicet: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Cujus Divina Nativitatis potentiam, ingenita virtutis tua genuit magnitudo. Quem semper Filium, & ante tempora æterna genitum, quia tibi pleno, atque perfectò æterni Patris nomen non defuit, predicamus, & honore, majestate, atque virtute æqualem tibi cum Spiritu Sancto confitemur, & in trino vocabulo unicam credimus Majestatem. Et ideo cum Angelis, & Archangelis, &c.*

Quia tamen ostendimus veterum Rituum diversitatem in Præfatione, fore gratum putamus Lectori Ecclesiastico, si & hoc loco aliquid dicamus de prisco usu Benedictionis Episcopalis in Missis solemnibus. Antiqua ergo erat consuetudo, ut Episcopus, antequàm Eucharistiam perciperet, Populo benediceret quibusdam conceptis precationibus unicuique Solemnitati convenientibus, & in Libro Benedictionali nuncupato contentis. Dicto igitur

igitur *Pater noster* in Missa, Diaconus conversus ad Populum dicebat, *Humiliate vos ad Benedictionem*: deinde porrigebat Episcopo dictum Librum, ut habet Hugo Menardus in Notis ad Librum Sacramentorum S. Gregorii, nota 100. pag. mihi 295. Benedictio itaque Episcopalis in Missa huius Sacratissimæ Noctis, quæ habetur in dicto Libro Sacramentorum, pagina sexta, erat sequens, scilicet: *Omnipotens Deus, qui incarnatione Unigeniti sui, Mundi tenebras effugavit, & gloriosa Nativitate hanc sacratissimam Noctem irradiavit, effugiat à vobis tenebras vitiorum, & irradiet corda vestra luce virtutum. Amen. Quique ejus sacratissima Nativitatis gaudium magnum Pastoribus ab Angelo voluit nunciari, ipse super vos Benedictionis suæ gratissimum imbrem infundat: atque ipso Pastore, vos ad æternorum gaudiorum pascuam æterna perducatur. Amen. Et qui per ejus incarnationem terrena celestibus sociavit, interna pacis & bonæ voluntatis vos nectare repleat, & celestis militia consortes efficiat. Amen. Quod ipse prestare dignatur, cujus regnum & imperium sine fine permanet in secula seculorum. Amen. Benedictio Dei Patris, & Filii, & Spiritus Sancti, & Pax Domini sit semper vobiscum.*

Ambrosiani verò recitant etiam his temporibus nostris aliam Præfationem, quæ nec convenit cum Missali Romano, nec cum Libro Sacramentorum S. Gregorii: Brevem quidem habent hac Noctē, sed propriam, quam ex eorum Missali Mediolani impressp̄ desumptam extendere volumus: & est ea, quæ sequitur, videlicet: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus: Quia nostri Salvatoris hodie lux vera processit, qua clara nobis omnia & intellectu manifestavit & visu. Et ideo cum Angelis & Archangelis, &c.*

Expositis, quæ ad eruditionem de veteri Ecclesiæ consuetudine, & de varietate Ritus Ambrosiani dicere volumus, redeamus ad nostra. Celebrans, hausto diligenter toto Sanguine, non sumit purificationem, sed abluit digitos, quibus tetigit SS. Sacramentum, non quidem in Calice, sed in alio

alio Vase mundo ad hoc parato : quæ ablutio, vel sumetur in tertia Mîssa ab ipsomet Celebrante, vel alicui porrigi poterit qui sumpserit Communionem pro ejus purificatione. Dum autem Celebrans facit digitorum abluitionem, dicit consuetas Orationes *Quod ore sumpsimus, &c. & Corpus tuum Domine, &c.* Calix verò non extergatur, sed deferatur à Subdiacono ad Credentiam, & inde ab alio in Sacris ad Sacristiam, decenter servandum usque ad Mîssam secundam vel solemniter vel privatim celebrandam : non enim relinquendus est in Altari, ne impediât incensationem in Laudibus faciendam, ut habet Bauldryus in *Man. Sacrar. Cæremoniar. par. 4. cap. 2. num. 24. & 25.*

Completa Mîssa solemnî, Celebrans descendit cum Ministris, & facta in medio Altaris debita reverentia, vadit ad cornu Epistolæ, ubi depositis Planeta & Manipulo, accipit Pluviale album, adjutus ab iisdem Ministris (postea descendentibus ad ponendam in Sacristia paramenta sua) & salutato Choro, accedit ad locum suum. Ibidem incipit absolutè *Deus, in adiutorium meum intende*, pro Laudibus à Choro decantandis : ita prosequitur Bauldryus, *ibidem, sub num. 27. & 28.* Piscara verò in *Cæremon. sua Relig. lib. 3. cap. 4. numer. 13. & 14.* facit quidem, ut Celebrans redeat cum Pluviali ad suum locum, sed vult more fortan suæ Religionis, quòd Senior de Choro inchoet Laudes, & incensentur Altare, Chorus, ac reliqui, eodem ordine, quo ad Vesperas. Finitis Laudibus cum Antiphona & Oratione de Beata Maria Virgine, datur signum Salutationis Angelicæ cum campana majori, juxta utrumque Auctorem, Piscaram scilicet & Bauldryum *locis superius citatis.*

In Cathedrali verò Ecclesia, Episcopus in fine Mîssæ dabit quidem Benedictionem, sed non Indulgentiam, quia in tertia Mîssa, quam omninò cantabit ipse Episcopus in die, erit Indulgentia publicanda, ex Cæremoniali Episcoporum *lib. 2. cap. 14. §. 11. pag. mihi 294.* & est juxta illud, quod facit ipsemet Papa hac nocte, nam cantata à Cardinali prima

46

47

prima Missa, Summus Pontifex dat Benedictionem, sed non Indulgentias, quia dabit in Missa majoti, quam solemniter celebrare consuevit in Die, inquit Piscara in *Prax. Cæremoniar. lib. 3. sect. 2. cap. 3. num. 4. & 5.* ac etiam *cap. 5. sub num. 6.* Quoad Laudes in dicta Ecclesia Cathedrali, si Episcopus in Matutinis solemne officium peregit, congruum erit, ut etiam Laudes solemniter celebret. Stans igitur Episcopus in sua Sede Episcopali, cum Pluviali, & Mitra, ac aliis paramentis, ut in Vesperis, & cum eo quatuor aut sex Canonici ex dignioribus cum Pluvialibus, inchoabit Laudes, absolute cantando, *Deus in adjutorium meum intende.* Cum vero inchoetur Canticum *Benedictus*, Episcopus, posito prius thure in thuribulum, surget cum Mitra, factoque ibi signo crucis, & assumpto Baculo, associatus à prædictis Canonici paratis, thurificabit Altare, & deinde thurificabitur ipse apud suam Sedem, stans cum Mitra, à digniori ex dictis Canonici paratis, vel ab alio, cui competat. Repetita post Canticum Antiphona, Episcopus cantabit Orationem, prout habetur in Cæremoniali Episcoporum *lib. 2. cap. 7. §. 1. 23. & 5.* cui capiti remissive accedit *cap. 14. ejusd. lib. 2. §. 12. pag. 295.* ubi de Laudibus post Missam hujus Noctis cantandis.

Terminatis Laudibus, terminat etiam magna hujus sacratissimæ Noctis solemnitas, tantis repleta gaudiis, quantis repleti fuerunt Pastores, postquam audierunt ab Angelo: *Ecce Evangelizo vobis gaudium magnum, quod erit omni Populo, quia natus est vobis hodie Salvator, qui est Christus Dominus in Civitate David.* Unde tam magnà lætitià non sunt privandæ Moniales perpetuæ addictæ clausuræ: ideoque & illis potest hac Nocte dici una Missa privata, clausis tamen januis, & post medinoctium, celebranda ab uno ex earum Capellanis, quorum nomine veniunt etiam Mansionarii, qui ex debito tenentur celebrare in earumdem Monialium Ecclesiis: nam quoad hanc Missam privatam, illam concedit *Sacra Rituum Congregatio in Decreto*, de quo habe-

habemus apud Monacelli in *Formular. Leg. Pract. par. 2. tit. 15. formul. 1. num. 6.* & quoad dictos Mansionarios seu Sacerdotes ibi ad Missas obligatos, ita declaravit eadem *Sacra Rituum Congregatio in Tarvisina, sub die 21. Februarii 1702. in responsione ad tertium Dubium*, humillimè petente tunc Reverendissimo Domino Clemente Bartholuccio Vicario Curato S. Laurentii de Tarvisio, & Confessario Monialium S. Benedicti, dum viveret, mihi in amicitia conjunctissimo; de Sacris Ritibus benè merito, & observantissimo.

Ad complementum hujus noctis, unum restat prohibendum, quod omnes ferè antiqui Theologi concedunt. Isti igitur tenent, & firmiter asserunt, posse in hac Nocte celebrari tres Missas privatas simul post mediam noctem, quia nullo jure prohibetur, si causa adsit majoris numeri Sacerdotum, minorisque numeri Altarium, & ejusmodi. At quidquid illis temporibus fuerit, quoad hoc, vel esse potuerit in praxi, certè temporibus nostris est omnino vetitum: & si tunc nullo jure, ut ajunt, prohibebatur, nunc pluribus Decretis est prohibitum, emanatis sub die 7. Decembris 1641. & 9. Augusti 1653. ac 20. Aprilis 1664. in quibus omnibus dicitur, non licere in media nocte Nativitatis Domini, post Missam decantatam, celebrare successivè alias duas Missas, & in eis Sacram Communionem exhibere Fidelibus illam deposcentibus, sed esse utrumque omnibus prohibitum. Et ne tractu temporis inobservata remanerent tria præcitata Decreta, affixo Edicto, ea Romæ innovavit Eminentissimus Urbis Vicarius Gaspar Cardinalis Carpineus, de ordine Sanctissimi, anno 1702. 17. Decembris, cujus Edicti verba habes in *particulari Bullario Clementis XI. par. 2. Constit. 5. quæ incipit Italicè Essendoli introdotto, & modò reperitur etiam in Bullario Romano novissimè Luxemburgi impresso 1727. tom. 8. par. 2. Constit. 5. pag. 245.*

§. III.

*De iis, quæ spectant ad Diem
Nativitatis Domini.*

POst illa, quæ diximus ad Noctem spectantia, dicendum modò occurrit quod pertinet ad Diem. Nativitas Domini Nostri Jesu Christi est magna Solemnitas, quæ celebratur in colore albo sub ritu duplici primæ classis, cui affixum est præceptum audiendi Missam, & vacandi ab operibus servilibus. Nullum Festum est isto dignius, & ideo si hodie alicubi occurrat Dedication Ecclesiæ, præsertim ratione Dominicæ quartæ Mensis interdum in hanc diem incidentis, nemine dubitante, transfertur. Chorus incipit à recitatione Primæ, quæ summo mane dicenda est, in qua terminatur Hymnus cum *Jesu tibi sit gloria, &c.* non tamen adduntur *Alleluja* ad Responsorium breve, sed tamen dicitur Versiculus *Qui natus es de Maria Virgine* usque ad Vigiliam Epiphaniæ inclusivè. Ideo recitanda est Prima summo mane, ut in Aurora cantari possit secunda Missa, quæ tunc reverà cantanda est, ex Rubrica Missalis tit. 15. *de hor. celebran. Miss. sub num. 4.* Ex eo autem, quòd dicta Rubrica habeat, *Dicitur secunda Missa in Aurora, dictis Laudibus, & Prima*, non inde sequitur, quod Laudes dicendæ sint summo mane, & successivè recitanda Prima, cum Laudes constituent unam Horam cum Matutino, & ab eo non sint dividendæ, nisi quantum prima Missa occupat temporis: sed Rubrica intelligenda venit de Laudibus suo loco & tempore præmissis, & de Prima summo mane dicenda, cui in Aurora succedat secunda Missa. Cantatur autem in Aurora propter spirituales Christi Nativitatem, quia Christus oritur tamquam Lucifer in cordibus nostris, ut ex Divo Thoma 3. par. quæst. 83. artic. 2.

ad 2. ait Quarti in Commemo. ad Rubric. Missal. par. 1. tit. 15. sub num. 4.

In hac secunda Missa cantanda in Aurora, dicitur Gloria in excelsis; secunda Oratio erit de S. Anastasia, nisi alicubi transferatur cum Officio novem Lectionum, ut sit Aquilejæ & Concordiæ in Foro-Julii, ac Parentii in Histria, in quibus Diocesibus etiam in hac secunda Missa dicitur unica tantum Oratio. Quod si alicubi occurrat hac die Anniversarium Consecrationis Episcopi, prout contingit Patavii pro Illustrissimo & Reverendissimo D. Joanne Minotto Otthobono vivente, ibi tertia Oratio erit pro eo, & quidem in hac secunda Missa tantum solemni, non verò privata. At circa hanc Episcopi Collectam, sequens emanavit Decretum à Sacra Rituum Congregatione, in Lycien. anno 1705. sub die 4. Aprilis, scilicet: *Quando Dies Anniversaria Consecrationis Episcopi incidit in Diem Nativitatis Domini, non potest dici Missa de dicta Consecratione, sed in ipsa Missa de Die fieri debet Collecta pro Episcopo sub unica conclusionem, ut disponit Cæremoniale Episcoporum: Locus autem dicti Cæremonialis à dicta Sacra Congregatione citati, est lib. 2. cap. 55. §. 1. pag. mibi 419. & loquitur de Missa solemni tantum, ut clarè patet legenti: Vide Reverendissimum P. Merati infra citatum, sub numer. 693. Sacerdotes autem orent pro eo in Memento, ut diù vivat, & benè regat. Nihilominus dicerem eandem Collectam in tertia Missa vigore dicti Decreti: at vide Missam Paschæ. Quod autem Oratio pro Episcopo non sit dicenda in Missis privatis hujus Diei, mihi videtur legitima illatio ex Oratione de SS. Sacramento exposito ratione quadraginta Horarum, & ideo pro se gravi, nam si occurrat in Festo duplici primæ vel secundæ classis, in Missis privatis tacendam esse eius Collectam respondit Sacra Rituum Congregatio in una Canonico-rum Regu-larium Lateranensium anno 1684. sub die 2. Decembris, ad quartum Dubium, apud Monacellum in Formular. Leg. Pract. par. 2. tit. 13. formul. 1. pag. 51. sub num. 2. & novissimè refert P. Merati, ut*

Tomus Primus. C infra

infra, sub numer. 471. si enim non potest pro SS. Sacramento, quod est majus: non poterit pro Episcopo, quod est minus.

Dum cantatur *Credo*, ad illa verba: *Et incarnatus est, &c.* genuflectitur, ut supra diximus in prima Missa de nocte. Sciendum tamen est, quoddum cantatur Symbolum à Choro, Celebrans non prosequitur Missam, sed debet expectare integram ejusdem Symboli decantationem; & postmodum dicere cauendo *Dominus vobiscum*; hoc autem servandum est in omnibus Missis cantatis, in quibus dicitur *Credo*, ut decrevit *Sacra Rituum Congregatio sub die 17. Decembris 1695.* apud Fagioli in *Kalendario perpet. ration. in Aunciat. ad Januar. sub num. 3.* & ita ex Synodico Beneventano *par. 1. tit. 29. cap. 7.* desumpsit Brachius in *Promptuario Synodali, cap. 80. sub num. 39.* & refert Reverendissimus P. Merati in *Addit. ad Gavant. tom. 1. par. 2. in Indice, sub numer. 510.* Imò cum dicitur Symbolum in Missa, non est intermiscendum Organum, sed illud per Chorum cantu intelligibili proferatur, ut verbis utar Cæremonialis Episcoporum *lib. 1. cap. 28. §. 10. pag. mibi 168;* & sic etiam habet Consilium Provinciale Mediolanense Tertium, apud Gavantum in *Man. Episcopor. verb. Missa Conventualis, sub num. 22.*

Præfatio hujus Missæ secundæ est eadem quidem, quæ in Missa prima, nempe, *Quia per incarnati Verbi mysterium*, sed ad *Communicantes* dicitur & *diem sacratissimum celebrantes*, ut & in tertia Missa, ac per totam Octavam. Priscis autem Ecclesiæ temporibus Præfatio erat alia ab illa, quam nos habemus modò in Missali Romano, & dicebatur ea supra posita in prima Missa de nocte pro Ambrosianis, ut videre est in *Libro Sacramentorum S. Gregorii Papa, pag. 7.* Benedictio verò Episcopalis, de qua supra diximus, deficit proprio loco in hac secunda Missa, sed illa reperitur in supplemento hujusmodi Benedictionum in eod. *Lib. Sacramentor. pag. 625.* & erat sequens, nempe: *Populum tuum, quamsumus, Domine, pio favore prosequere; pro qua dignatus*

32

33

tus es in hoc sacratissimo Die tuam Mundo presentiam exhibere. Amen. A cunctis sum adversitatibus paterna pietate custodi, pro quo in Mundo hoc tempore dignatus es ex Virgine nasci. Amen. Ut te Redemptorem semper intelligat, & tuam veraciter gratiam comprehendat. Amen. Quod ipse prestare dignetur, &c. cum reliquis, ut supra in prima Missa. Ritus verò Ambrosianus habet etiam hodie Præfationem propriam in hac Missa secunda, quam volumus hic per extensum ponere, scilicet: Vespè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterna Deus: Et te in omnibus predicare mysteriis. Hodie, quia nostri Salvatoris lux vera processit, qua clausam nobis omnibus vitam reddidit. Is non solum presentem suo splendore dirigeret, sed ad ipsam nos Majestatis immensa gloriam perduceret intuendam, per Christum Dominum nostrum. Per quem, Majestatem tuam laudant Angeli, &c.

Etiam in hac secunda Missa Celebrans se debet abstinere à purificationis sumptione, ne fracto per eam jejunio, non valeat tertiam celebrare: quæ prohibitio venit ab Innocentio III. in cap. ex parte, de celebr. Miss. Hausto igitur Sanguine, facit Sacerdos digitorum ablutionem in aliquo vase mundo, ut de utroque præscribit Rubrica Missalis de def. Etib. in celebrat. Missar. tit. 9. num. 4. ubi sic habetur: Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, & in ultima tantum percipiat purificationem: ergo non in Calice Missæ, cum non deceat, ut vinum ablutionis sit materia consecrationis: & hoc omnes notant scribentes de Sacris Ritibus. Proces autem, quas dicere solet Sacerdos in purificatione Calicis, & digitorum ablutione, neque in hac secunda Missa sunt omittendæ, neque purificatorio Calix ipse extergendus est.

Antequam verò ad tertiam Missam solemnem deveniamus, pro indubitato habemus, quod ex attentione Sacristæ, vel diligentia alterius cui incumbit, Ecclesia in omni eius parte sit munda, & ex-

polita, ac optimè ornata, cum suis Altaribus benè compositis, & super ea adsint candelabra meliora cum cereis accensis, ac Paramenta Ministrorum sint pretiosiora, prout exigit tanta Solemnitas: hæc enim censetur, & dicitur, atque revera est Missa major hujus Diei. His præsuppositis, & cantata vel recitata in Choro Tertia, ut præscribit Rubrica Missalis rit. 15. *de hora celebran. Miss. sub num. 4.* proceditur solemniter ad Missam à Superiore Ecclesiæ indubitanter cantandam, quæ ideo dicitur in die, & clara luce, quia significat corporalem Christi Nativitatem, secundum quam Christus nobis visibilis apparuit natus ex Virgine, ut ait Divus Thomas 3. par. quæst. 83. artic. 2. ad 2. unde & Apostolus dicit ad Tit. 3. b. *Apparuit benignitas, & humanitas Salvatoris nostri Dei.* Si Nativitas Domini venerit in Die Dominico, Dominica erit quidem vacans quoad Officium, sed non quoad asperisionem Aquæ benedictæ: ideoque antequàm hæc tertia Missa inchoetur, facienda erit hujusmodi asperisio, excepta Ecclesia Cathedrali, si Episcopus in ea Pontificaliter celebret, prout excipit Cæremoniale Episcoporum lib. 2. cap. 31. §. 4. pag. mihi 398. ibi: *Si Episcopus celebrare voluerit solemniter, non esset facienda hujusmodi Aqua benedicta asperisio: absente verò Episcopo, & in Collégiatis, semper Dominicis Diebus fit:* Si semper, ergo etiam in Nativitate Domini, quando occurrit in Dominica: quod tamen signanter notat Piscara in *Prax. Cæremoniar. lib. 3. sect. 2. cap. 5. num. 2. & iterum in Cæremoniali sua Relig. lib. 3. cap. 5. num. 25.*

In hac tertia Missa solemniter dicitur Gloria in excelsis, & unica Oratio. Guyetus in *Horolog. lib. 3. sect. 1. cap. 25. quæst. 6. vers. Idem propè confesso, pag. 228. juxta editionem Venetam de Anno 1728.* ait, quod Ecclesia Andegavensis ex antiqua consuetudine post Epistolam cantat in hac tertia Missa Sequentiam illam piam admodum, ac devotam, utique à Sancto Bernardo exaratam, quæ incipit *Lætabundus exultet fidelis chorus.* Hanc Profam etiam Parisiis dici in tertia Missa, refert Grancolas in *Comment.*

ad Roman. Breviar. cap. 14. vers. Non reperitur, pag. 221. sed hoc ad eruditionem dictum sit, non ad imitationem, cum enim Ritus Romanus careat hodie Sequentia, ejus introductio nullibi, nulloque modo fieri potest absque Indulto Apostolico. Quia verò Evangelium principale hujus tertiæ Missæ est illud Sancti Joannis, ideo dum cantatur à Diacono Et Verbum caro factum est, omnes genuflectunt, exceptis Subdiacono, & Ceroferariis, ut benè suggerit Piscara locis superius citatis; sub numeris respectiva vè 3. & 26. Ad Symbolum autem sine Organi pulsatione à Choro cantandum, cum perventum fuerit ad verba: Et incarnatus est, &c. genuflectitur eo prorsus modo, quem supra ostendimus in Missa de Nocte, etiam ab Episcopo, nam Cæremoniale Episcoporum lib. 2. cap. 14. §. 10. pag. 249. unit quoad hoc Missam de Nocte cum Missa de Die, sic præscribendo: Episcopus cum Mitra apud suam Sedem, & ceteri in propriis locis genuflectere debent usque ad terram, hac Nocte & Die sequenti in Missa majori, quam Missam omnino hodie ab Episcopo cantandam esse, subdit dictum Cæremoniale, ibidem, sub §. 11.

Præfatio hujus tertiæ Missæ est propria, atque eadem, quæ in Missa de Nocte, & in Aurora dicta fuit, scilicet: *Quia per incarnati Verbi mysterium, cum suo Communicantes itidem proprio. Hanc tamen Præfationem fuisse olim eandem pro hac tertia Missa, legimus in Libro Sacramentorum S. Gregorii Papæ, pagina octava, ubi subsequitur Benedictio illa, quam Episcopus tunc temporis solebat Populo impartiri: & erat sequens, videlicet: Benedicat vobis omnipotens Deus, vestramque ad superna exciset intentionem, qui hunc sacratissimum Diem Nativitate Filii sui fecit esse solemnem. Amen. Et qui cum, qui est Pater Angelorum, in Prasæpi Ecclesia cibum fecit Fidellum animalium; ipse vos & in prasæpi saculo degustare faciat æternorum dulcedinem gaudiorum, & in futuro perducatur ad satietatem æternorum pramiorum. Amen. Quique ejus infantiam vilibus velis indui pannis, ipse vos cælestium vestimentorum in-*

57

duas ornamentis. Amen. Quod ipse prestare dignetur, &c. cum reliquis, ut supra in prima Missa de No-
te.

Duas alias Præfationes invenio ad hanc tertiam Missam spectantes: quarum prima priscis temporibus recitabatur in Ecclesia Gallicana: altera verò, quæ etiam hodie recitatur apud Ambrosianos: utramque per extensum ponimus, satisfacturi forsitan Lectori Ecclesiastico, vel de antiquis Ritibus eruditè studioso, vel de hodiernis aliorum usibus laudabiliter cupido. Et prima quidem Præfatio; desumpta ex Mabillonio in *Liturg. Gallic. lib. 3. pag. mibi 191.* erat ea, quæ sequitur, nempe: Verè dignum & justum est, æquum & salutare, nos tibi gratias agere, Domine sancte, Pater omnipotens, æterne Deus: Quia hodie Dominus noster Jesus Christus dignatus est visitare Mundum. Processit de Sacratio Corporis Virginis, & descendit pietate de Cælis. Cecinerrunt Angeli Gloria in excelsis, cum humanitas clavis Salvatoris. Omnis denique turba exultabat Angelorum, quia terra Regem suscepit æternum. Maria beata, facta est templum pretiosum, portans Dominum Dominorum. Genuit enim pro nostris delictis vitam præclaram, ut mors pelleretur amara. Illa enim viscera, qua humanam non noverant maculam, Deum portare meruerunt. Natus est in Mundo, qui semper vixit & vivit in Cælo, Jesus Christus Filius tuus, Dominus noster. Fecit quem, Majestatem tuam laudant Angeli, &c.

Alterà verò Præfatio, quam etiam hodie recitant Ambrosiani in hac tertia Missa Nativitatis Domini, ex eorum Missali fideliter deprompta, sequentibus verbis concepta est, scilicet: Verè dignum & justum est, æquum & salutare, nos tibi semper, & ubique gratias agere, Domino sancte, Pater omnipotens, æterne Deus, per Christum Dominum nostrum. Quem Beata Maria sine detrimento Virginis, Mater & Virgo concepit intacta, & non est ejus conceptio sine Virginis inventa pudore. Ut, quod audivit ab Angelo, crederet; & quod crediderat, indubitanter acciperet. Nec in ea honor exterminatus est integritatis, ut Mater sempiterna diceretur castitatis. O beatum, & sacro-

sacrosanctum Maria Virginis uterum! Qua sola meruit inter mulieres suis visceribus Mundi portare Dominum, ad nostram quoque salutem aeternam edidit Christum. Gaudent itaque universus Orbis, quia ex membris virginalibus egressus est Deus. Congratuletur innumerabilis multitudo Angelorum exercitus, cum quibus gloriam tuam canimus, sine fine dicentes.

In hac tertia Missa Celebrans sumit de more purificationem sibi à Subdiacono ministratam, ac facit digitorum ablutionem in Calice Missæ, qui etiam extergitur & mundatur ab eodem Subdiacono. Dicto denique per Diaconum *Ite Missa est*, Subdiaconus præventivè ante Benedictionem defert Missale ad cornu Evangelii, quia in fine hujus tertiæ Missæ legendum est illud Epiphaniæ: *Cum natus esset Jesus in Bethlehem Juda*, nam Evangelium S. Joannis jam dictum fuit principaliter in hac eadem Missa. Dum tamen Celebrans legeudo dicit: *Et procidentes adoraverunt eum*, ipse & Ministri, ac omnes de Choro genuflectunt in propriis locis. Episcopus verò celebrans hanc Missam de Natali Domini in Pontificalibus: vel assistens cum Pluviali vel Cappa, quæ eo die ob maximam solemnitatem numquam conveniret: ex quo sedens legit Evangelium, non debet genuflectere ad Verbum caro factum est, sed solum quando Diaconus illud cantat, ut respondit Sacra Rituum Congregatio in *Bracharen. Dubiorum*, anno 1708. sub die 28. Septembris, teste Reverendissimo P. Merati in *Addit. ad Gavant. tom. 1. par. 2. in Indice*, sub num. 636. & post datam Populo Benedictionem per consueta verba: *Adjutorium nostrum in Nomine Domini*, &c. publicatur Indulgentia, quam in hac sola tertia Missa publicandam esse, diximus supra in fine primæ Missæ de Nocte, ex *Ceremon. Episc.* Romæ autem solet Summus Pontifex hanc tertiam Missam solemniter celebrare, in qua dum pervenit ad Sacram Communionem, sumit unam partem Corporis Domini, Subdiacono continuo Patenam tenente: aliam verò in duas partes dividit pro Diacono & Subdiacono. Cum verò Papa Corpus Christi sumperit, Episcopus

pus Cardinalis porrigit ei calamum aureum; quem ipse Papa ponit in Calice in manibus Diaconi existente, & Sanguinis partem fugit, & residuum cum particula Hostiæ dimittit pro Diacono & Subdiacono, ut habetur in quodam Libro Coloniz Agripinæ impresso 1557. de Sacris Cæremoniis SS. Romanæ Ecclesiæ, lib. 2. cap. de Missa majori in Die Nativitatis Domini, Papa personaliter celebrante, pag. 180. & 181. consuetudinem, qua Romanus Pontifex hodie etiam Christi Sanguinem cum calamo seu fistula haurit, esse antiquissimam eruditè ostendit Georgius Rhodiginus in Liturg. Rom. Pontif. tom. 1. cap. 18. pag. c.

Terminata in Choro per tertiam Missam cantatam antemeridiana Nativitatis Dominicæ Solemnitate, examinandum est, an possit insuper hodie cantari aliqua Missa Votiva pro re gravi. Certè Gavantus in *Thesaur. Sacror. Rit.* tom. 1. par. 1. tit. 4. num. 3. lit. O. in fine, excipit Festa majora, quorum unum est indubitanter hodiernum. Convenit cum Gavanto etiam Quartus in *Commentar. ad Rubric. Missal.* par. 1. tit. 4. dub. 1. de Propriis Votivar. solemn. vers. Tertiò, Missa Vor. sol. pag. 49. & sic uterque apertè negat hujusmodi Missarum decantationem hac die. Pasqualigus tamen de *Sacrific. nov. Leg.* tom. 1. quæst. 243. cùm nullum excipiat Festum duplex primæ classis, videtur concedere etiam hodie Votivas solemnes. Attamen nullam in Nativitate Domini cantandam esse Missam Votivam, clarè patet ex Instructione Clementis Undecimi emanata sub die 20. Januarii 1705. & habetur in ejus particulari Bullario, par. 2. *Constit.* 9. pag. 312. ubi §. 10. sic dicitur circa Expositionem SS. Sacramenti: *Celebretur Missa SS. Sacramenti Votiva pro re gravi, exceptis omnibus diebus, quibus ratione Calendarii tam universalis, quàm particularis illius Ecclesiæ in qua occurrit Expositio, fiat Officium prima vel secundæ classis, in quibus Festis cantetur Missa Convivialis, cum Oratione SS. Sacramenti sub unica conclusione: & ut omnino quoad hoc adimpleatur mens summi Pontificis, statim subditur: & ita servetur inviolabiliter in omnibus Ecclesiis tam Sæcularium quàm Regu.*

Regularium. Unde opinio Pasqualigi fundata in In-
structione, ut ait, edita Romæ pro Oratione qua-
draginta Horarum, modò corrui ex dicta recentio-
ri Instructione Clementina; cùm juxta illam non
possit cantari Missa Votiva de SS. Sacramento, non
solum in Festo duplici primæ classis quod est ma-
jus, sed neque in Festo duplici secundæ classis quod
est minus: & consequenter ratio Pasqualigi sit nul-
la tam pro hac die Nativitatis Domini, quàm pro
alio duplici primæ classis, quoad Missam Votivam
solemnem SS. Sacramenti. Et quod hodie non sit
cantanda Votiva, probatur etiam ex eo, quod Sa-
cra Rituum Congregatio, approbata Congregationi
Vallisoletanæ consuetudine cantandi quotidie Voti-
vam de Beata Maria, excipit aliquot dies, inter
quos est Nativitas Domini, & hoc sub die 19. No-
vembris 1633. ut videre est apud Pascuccium in
*Compend. ad Consult. Canonic. Jac. Pignat. par. 2. tit.
de Missa Sacrificio*, pag. 31. juxta Editionem Veneram
de Anno 1716. post Romanam de Anno 1699.

Et pro exclusionem Votivarum solemnium in Die Na-
tivitatis Domini, facit etiam Cæremoniale Episcopo-
rum lib. 2. cap. 35. §. 1. pag. 419. ubi licet præscribatur
Missa solemnem in Die Anniversario Electionis, seu
Consecrationis Episcopi, vel per ipsum Episcopum,
vel per aliquam Dignitatem, seu Canonicum cantan-
da, si tamen hujusmodi Dies venerit in aliquo die
Festivo, celebrabitur de Festo, cum commemoratione
pro Episcopo: ergo si venerit in Die Nativitatis
Domini, celebrabitur de Nativitate, & quidem fiet
commemoratio hujusmodi in Missa tantùm sole-
ni, ut supra diximus pro casu Patavino hodie oc-
currente. Præterquàm quod si hac die alicubi oc-
currat Dedicatio Ecclesiæ (quæ forsitan potest con-
tingere ratione Dominicæ quartæ Mensis interdum
in hanc diem incidentis, cui dicta Dedicatio sit af-
fixa.) prohibetur Missa solemnem de ea cæteroquin
transferenda, nam inter Festa excepta in quibus
non possunt cantari duæ Missæ, est clarissimè in-
clusa ipsa Nativitas Domini in Rubrica Missalis,
tit. 6. de translat. Fester. Colligitur itaque ex di-
ctis,

dis, nullam Missam Votivam solemnem posse hac die celebrari.

Sed modò videndum est, an in Die Nativitatis Domini cantari saltem possit Missa pro Defunctis in Die Obitus, presente Corpore. Si inspicimus Rituale Romanum *tit. de Exequiis, rubrica 5.* statim concessam cernimus hanc Missam solemnem in Die Festo: At quia ibi subditur, *nisi magna Diei celebritas obster*, oritur quæstio, quænam sit hæc celebritas exclusiva hujusmodi Missæ, nam diversimodè explicant Doctores; Alii enim intelligunt de omni & quocumque duplici primæ classis, inter quos Quartus in *Commentar. ad Rubric. Missal. par. 1. tit. 5. dub. 1. de Propriis Missar. solemn. Defunctor. nu. 7. pag. 56. juxta Editionem Venetam de Anno 1727.* Alii verò de duplici quidem primæ classis, sed non de omni & quocumque, & sic de solis majoribus seu solemnioribus, inter quos Pasqualigus *de Sacrific. nov. Leg. tom. 1. quæst. 285. sub nu. 2.* Attamen cum primi magis attendant æqualitatem ritus, quàm Festorum majoritatem: Secundi verò magis considerent majoritatem Festorum, quàm æqualitatem ritus: illorum idcirco est opinio sequenda, istorum autem cautè tenenda, nam inter æqualia primæ classis non datur magis & minus. Hinc est, quod Sacra Rituum Congregatio respondit in Collensibus, ad octavum Dubium, sub die 5. Julii 1698. *in duplicibus prima classis, etiam presente Corpore, non posse Defunctorum Missam cantari*, quam responsionem ego Domi retineo in forma authentica, cum solito Sigillo, & cum subscriptione de manu propria Illustrissimi D. Secretarii. Consequenter in Die Nativitatis Domini, & quia est magna Diei celebritas juxta Rituale Romanum, & quia est Festum duplex primæ classis juxta responsionem Sacræ Congregationis, non est cantanda hujusmodi Missa in Die Obitus.

S. IV.

*De tribus Missis privatis , & de
Vesperis in Die Nativitatis
Domini celebrandis.*

PRÆMISSIS, quæ spectant ad solemnitatem Missarum, modo nonnulla dicenda sunt de tribus Missis privatis in Die Nativitatis Domini cuique utriusque Cleri Sacerdoti permissis. *Primò* tamen occurrit observandum, a quo sint institutæ: *Secundò*, quid hic trinus numerus significet: *Tertiò*, an necessariò à quovis Sacerdote sint celebrandæ, & a quovis Fidei indubitanter audiendæ: *Quartò* denique, quid attendendum in his tribus privatis celebrationibus. Ut autem unicuique ex dictis quatuor observationibus, ea qua poterimus, claritate satis fiat; & ut eo ordine, quo supra adnotavimus, incipiatur, dico.

Quoad *Primum*: Has tres Missas institutas fuisse à Sancto Telesphoro Papa, refert Ciacconius *rom. 2. in ejus Vita*, pag. 107. juxta *Editionem Romanam de Anno 1679.* ibi enim sic habetur: *Hic, ut in Christi Natali per Sacrificium Missa celebraretur, mandavit: primum, media nocte, cum Christus in Bethlehem natus est: secundum, illucescente aurora, quando à Pastoribus est adoratus: tertium, in hora Diei tertia, qua Dies nobis Redemptionis illuxit: & hoc antea dixerat Platina in Vita ejusdem Pontificis, pag. mihi 15.* Nec desunt Scriptores de Sacris Ritibus id ipsum asserentes, nempe Durandus in *Ration. Divinor. Officior. lib. 6. cap. 43. num. 17.* ac etiam Gavantus in *The-saur. Sacrer. Rit. rom. 1. par. 4. tit. 3. numer. 3.* Cum autem Sanctus Telesphorus creatus fuerit anno Domini 139. die verò 9. Aprilis, & martyrium subierit anno 150. die 5. Januarii, juxta Cherubinum
in Bal.

in Bullario Romano, tomo primo, clarè patet, quàm antiqua sit harum trium Missarum institutio. Hic tamen laudabilis usus non fuit ex illorum temporum acerbitatibus interruptus, nam semper fuisse postmodum hac die trinas Missas celebratas, videtur innuere Sanctus Gregorius Papa, qui creatus fuit anno 590. die 3. Novembris, & obiit anno 604. die 3. Martii, ex eodem Cherubino in d. tom. 1. Bullar. Romani: nam ostendit fuisse etiam suis temporibus consuetudinem celebrandi dictas tres Missas: incipit enim Homiliam octavam in Evangelia cum hoc usu, dicendo: *Quia, largiente Domino; Missarum solemnia ter hodie celebraturi sumus*: ex quibus verbis Gregorianis usum trium Missarum hac die ab Urbe Roma ortum duxisse, infert Græcolas in Commentar. histor. ad Breviar. Roman. cap. 14. vers. Trium Missarum, pag. 218.

Quoad Secundum, iste tres Missæ, quæ in Die Nativitatis Domini celebrantur, significant tres Christi generationes: Prima enim Missa pertinet, ad generationem æternam, secundum quam Christus est de Patre sine Matre, unde in ejus Introitu dicitur, *Dominus dixit ad me: Filius meus es tu; ego hodie genui te*. Secunda verò Missa spectat ad generationem temporalem, secundum quam Christus est de Matre sine Patre, unde in ejus Introitu dicitur, *Hodie natus est nobis Dominus*. Tertia denique Missa utramque respicit generationem simul sumptam, æternam scilicet at temporalem, secundum quam Christus est Filius Dei & Filius Hominis, unde in ejus Introitu dicitur, *Puer natus est nobis, & Filius datus est nobis*. Primam, & secundam Christi generationem comprehendit sanctus Augustinus ferm. 20. de Nativit. dicens: *De Patre Deus, de Matre Homo, sine Matre Deus, sine Patre Homo*. Utramque verò generationem satis superque ostendit ferm. 2. de Nat. 5. de temp. *Accedens ad nos per id quod assumpsit ex nostro ut Homo, ut liberaret nos per id quod mansit in suo, ut Deus*. Et iterum ferm. 4. de Nat. 8. de temp. *Dei Filius factus est Filius Hominis*. Durandus tamen intelligit, quod istæ tres

tres Missæ Nativitatis Domini alias habeant significationes: dicit enim in *Ration. Divinor. Officior. lib. 6. cap. 43. num. 17.* quod ideo dicantur tres, quia ostendunt, quod Christi Nativitas salvavit Patres trium temporum, scilicet, Patres ante Legem, sub Lege, & post Legem: quam quidem significationem etiam refert; & se sumpsisse ex *Gemma lib. 3. cap. 104.* fatetur Gavantus in *Theaur. Sacror. Rit. tom. 1. par. 4. tit. 3. num. 3.*

Quoad Tertium, nec Sacerdotes tenentur ad tria Sacrificia in Die Nativitatis Domini celebranda, nec Fideles ad trium Missarum auditionem, ut communiter docent omnes Theologi & Moralistæ: & revera quoad primam partem, trina celebratio est hodie privilegium: privilegio autem potest quisque renunciare, & sic etiam Sacerdos in nostro casu. Quod autem Sacerdos possit unam tantum Missam celebrare tenent omnes Rubricistæ, & de Sacris Cæremoniis tractantes. Quoad verò secundam partem, Fideles tenentur ex præcepto ad unam tantum Missam audiendam, & adimpleto præcepto per auditionem unius Sacrificii, nihil aliud remanet adimplendum. Attamen & Sacerdotes bene agunt, si tria Sacrificia celebrent, & Fideles si audiant. Licet autem simplices Sacerdotes possint unam tantum Missam celebrare, non tamen possunt Parochi, nisi ex rationabili causa excusentur, sed tenentur tres Missas celebrare, quia privilegium celebrandi tres Missas non est solum concessum Parocho, sed etiam Populo: dum Populus autem non vult renunciare privilegio, Parochus tenetur ad tria Sacrificia, quia privilegium non competit sibi soli: Nec valet dicens; sicuti Parochiani non tenentur nisi unam Missam audire, sic nec Parochi nisi unam celebrare; nam possunt Parochiani velle uti privilegio, quo certè privantur, si Parochi unam celebrent; & possunt in illo die triplex sacrificium simul cum suo Pastore Deo offerre, & percipere illum fructum, quem precipiunt assistentes sacrificio. Ideoque cautè legendi nonnulli Auctores, quos citat, sed non sequitur Pasqualigus

de Sacrific. nov. Leg. tom. 2. quæst. 853.

Quoad Quartum, nonnulla occurrunt observanda & servanda in hac trina Missarum privatarum celebratione, & hæc revera pertinent ad nostram rem. Sacerdos igitur ter hodie celebraturus, tres promptas habeat Hostias ad Altare, quas potest secum deferre super patenam positas, & postmodum reservare sub Corporali extenso, vel melius ex Hostiaria extrahere, quæ ex diligentia Sacristæ ponenda est super unoquoque Altari, ut suo tempore possit Sacerdos facillimè uti. Attendat, ne sumat purificationem in prima & secunda Missa, ut jejunus remaneat, sed faciat digitorum ablutio- nem non in Calice, sed in aliquo vase mundo sive argenteo sive Christallino ad hoc præparato, non tamen omittis solitis Orationibus, nam licet non sumatur purificatio, consuetæ tamen Preces dicuntur. Videat etiam, ne extergat Calicem, neque ejus labia post infusionem vini consecrandi tam pro secunda, quam pro tertia Missa: quod si forsan extenderit, ductus inadvertenter ex usu, non ideo discedat scrupulosus ab Altari post illud Sacrificium, quia sumptio purificationis, & non Calicis extensio est impeditiva sequentis Missæ: sed nihilominus totam adhibeat diligentiam, ne inconsideratè extergat. In omnibus tribus Missis unicum flectitur genu ad *Incaratus* in Symbolo, licet in solemni, Celebrans, & Ministri utrumque flectant, quia isti descendunt de Altari, si ibi sunt, vel si sedeant, accedunt ad Altare, ubi flecti non potest unicum genu: privatim verò Celebrans remanet suo loco, & ideo genuflectit de more.

Quamvis autem remaserint fortè aliquæ species vini in Calice, non tamen propterea debet Sacerdos genuflectere, quando transit ante Calicem, aut ad eum accedit, sed debet ita se agere, ac si non essent præsentés, ut ait Bauldryus in *Man. Sacrar. Cæremoniæ. par. 4. cap. 2. nu. 33*. Quoniam verò guttæ de Sanguine Christi Calici adhærent intus, & ad fundum sensim confluant, æquum esse videtur, ut Sacerdos magna saltem interiori reverentia,

68 tia erga venerabile Sacramentum, a medio Altaris recedat, & ad illud accedat, ut bene suggerit Pifart de Caremon. *Ecles. in Vig. & Feflo Nativit. Dom. num. 4.*

Non tamen facienda est genuflexio, ut respondit Sacra Rituum Congregatio anno 1686. *sub die 20. Julii in Angenopolitana*; in qua sic declaravit atque resolvit hiice præcis verbis, scilicet: *In Natali Domini in tribus Missis post sumptionem Sanguinis, eundo, & rediendo in medium Altari, non est facienda genuflexio, versendo se Celebrans ad Dominum vobiscum, & ad dandam Benedictionem debet renes vespere ad Altare, licet species vini non sint exsiccata in Calice: Et hoc iterum dixit in Veneta, anno 1698. sub die 2. Augusti, sic respondendo, videlicet: In transendo de una ad alteram partem Altaris in prima, secunda, & tertia Missa Nativitatis Domini, servantur Rubricæ Missalis, quæ nullam præscribunt genuflexionem ante Calicem esse faciendam. Utrumque Decretum, ut supra stat & jacet, refert Reverendissimus Pater ejusdem Sacræ Congregationis Consultor, Cajetanus Maria Merati in *Addit. ad Gavarr. tom. 1. par. 2. in Indice Decretor. numer. 487. & 537.* Communior praxis in Germania habet, ut in primis duabus Missis non fiat prima purificatio solius Calicis, sed sumpto sacro Sanguine, statim fiat ablutio digitorum supra Calicem; interim tamen dicitur utraque precatio aliàs dici solita in purificatione Calicis, & ablutione digitorum: vinum autem illud effunditur in aliud vas impositum Corporali & palla tectum, Calixque extergitur, ut habet Claudius La Croix in *Theolog. Moral. tom. 2. lib. 6. par. 2. de Sacrific. Miss. nu. 328.* At quidquid sit de illa Germanica praxi, nos debemus rigorosè servare Rubricam Missalis de *defectib. in celebrat. Missar. tit. 9. sub num. 4.* ubi loquens de hisce Missis Nativitatis Domini, præscribit digitorum ablutionem in aliquo vase mundo: quod si in illo facienda est: ergo non in Calice, qui idcirco non est extergendus.*

69 In secunda Missa sit commemoratio S. Anastasii Martyris: & quæ Urbis tantum Romæ propria erat,

erat, facta est commemoratio totius Orbis, licet Sancta illa in hac Solemnitate nullam habeat relationem ad alias Ecclesias, præterquam ad illam, cujus est Patrona, inquit Grancolas *Commentar. ad Breviar. Roman. cap. 14. pag. 220. vers. Commemoratio S. Anastasia*, ubi paulo inferius testatur, quod extant Mssalia manuscripta, in quibus hæc secunda Missa est tota de S. Anastasia, cum commemoratione Nativitatis Domini, & cum Præfatione de Communi Virginum, quamvis ista Sancta non sit Virgo, fueritque Vidua, quando Martyrium subiit. Micrologus ait, quoddam Romani Orationem de S. Anastasia adjiciunt, quia Stationem in Ecclesia ejusdem Martyris ad eandem Missam agunt: sed statim subdit; *Et nos quoque in illa adjunctione incitamus, licet non eandem adjunctionis occasionem habere videamur.* Certè non est extensa hæc commemoratio ad omnes Orbis Ecclesias, eo quod hodie S. Anastasia interfuerit sanctissimo Virginis puerperio, nam tamquam omnino falsum rejicit Baronius in *Notation. ad Martyrol. Rom. sub hac die, lit. d.* Non placet tamen, quod habet Claudius La Croix in *Theolog. Moral. tom. 2. lib. 6. par. 2. de Sacrific. Miss. sub num. 527.* scilicet, quoddam qui unicam Missam vult legere, quaecumque legat, debet in ea facere commemorationem S. Anastasiæ, nam ideo posita fuit in secunda Missa, quia est minus solemnis, & debemus convenire cum Statione ad eam Sanctam, quæ profectò Statio est in Missa secunda: unde etsi Sacerdos valeat unam ex tribus Missis eligere, si tamen eligat primam vel tertiam, non stat in ejus facultate mutare locum ab Ecclesia rationabiliter assignatum pro dicta S. Anastasia: Et clarius patet ex inferius dicendis ab eodem Auctore positum, nam si Sacerdos qui unicam Missam vult legere, potest etiam eligere tempus unicuique Missæ assignatum, si celebret in Aurora, dicit secundam cum commemoratione S. Anastasiæ: si verò celebret in pleno Die, dicit tertiam cum unica Oratione: ergo etiam per ipsum Auctorem excluditur dicta commemoratio ab illa Missa, quæ non est secunda.

In ter-

In tertia Missa genu flectitur ad utrumque Evangelium, principale scilicet & finale: ad principale quidem, dum dicitur *Et Verbum caro factum est*: ad finale verò (quod debet esse illud Epiphaniæ) quando legitur *Et prociuentes adoraverunt eum*. Sed in hac tertia Missa illud advertendum est, ut Sacerdos, facta Sanguinis sumptione, ipsemet accipiat vasculum; in quo sunt duæ præcedentes digitorum ablutiones, easque infundat in Calicem, & sumat, postmodum dicens, *Quod ore sumpsimus, Domine, &c.* non enim placet, quod vasculum purificationis porrigatur à Ministro, nam cum in illis, digitorum purificationibus possint adesse sacra fragmenta, non decet, ut Minister laicus porrigat: & ideo laudo Piscaram hoc dicentem? in hoc non laudo: nam si non fumantur à Celebrante illæ ablutiones, sumi debent ab alio, qui sit jejunus, ob reverentiam fragmentorum, quæ fortasse ibi sunt corrupta, ait Gavantus tom. 1. par. 3. titul. 9. num. 4. ergo ob eandem reverentiam vasculum non est porrigendum à Ministro. Posset etiam Celebrans, & fortan melius, infusa à seipso ex vaseculo in Calicem præcedente duarum Missarum purificatione, iterum porrigere Calicem Ministro ad tertiam in illum vini infusionem, interim dicendo dictam consuetam Orationem *Quod ore sumpsimus, Domine*, & postea simul sumere: decet enim, ut unusquisque Sacerdos suam sumat purificationem: quid si Celebrans rationabili ex causa ablutionem ipsam seu purificationem in vaseculo custoditam sumere noluerit, vel non potuerit, si à jejuno ut supra non sumatur, projiciatur in piscinam Sacrarii, ait Piscara in *Prax. Cæremoniar. libr. 3. sect. 2. capitul. 4. numer. 7.* & Gavantus loco proxime citato: & eo casu Sacerdos porrigit Ministro Calicem, ut infundat vinum pro purificatione, qua sumpta, abluit supra Calicem digitos cum vino & aqua, interim dicendo alteram solitam precem *Corpus tuum, Domine, quod sumpsi*, sumit, extergit Calicem, eoque parato de more, proseguitur Missam: qua finita, & facta Cruci suo loco reverentia, vel genuflexio-

ne si celebravit ad Altare Ss. Sacramenti, redit in Sacrificium.

Notandum tamen, quòd si qui sunt communicandi, administranda est eis Eucharistia regulariter in hac tertia Missa; ne & Celebrans, & circumstantes turbentur, inquit Piscara *loco superius adnotato, sub num. 4.* & iterum in Cæremoniali suæ Religionis *lib. 3. cap. 4. sub num. 21.* & quidem post sumptionem Sanguinis, antequàm Sacerdos se purificet, ut præscribit Rubrica Missalis *par. 2. tit. 10. de ritu servan. in celebrat. Missæ sub num. 6.* Tolerandum tamen videtur, ut Communio differatur post Missam, si multi communicent, non autem pauci: & hi fortè privantur fructu Orationum earum, quæ post Communionem dicuntur, ait Gavantus in *Thesaur. Sacror. Rit. par. 2. tit. 10. num. 6. litt. d.* ubi refert verba Micrologi ad hanc rem sic adhortantis: *ante has Orationes communicare non negligant, quicumque earundem Orationum benedictione severti desiderant.* Attamen si in Ecclesia adsit hodie concessa aliqua Indulgentia Plenaria, cum numero Com-municandorum concursu, poterit administrari Eucharistia in omnibus & tribus Missis, non solum post dictam Sanguinis sumptionem, sed etiam ante & post quamlibet Missam, præsertim si Sacerdos celebret ad Altare Ss. Sacramenti: & hæc est forsitan una ex rationibus, propter quam Bauldryus in *Man. Sacrar. Cæremoniar. par. 4. capitul. 2. num. 33.* admonens in hac tertia Missa faciendam esse Fide-lium Communionem, statim subdit, *nisi urgente rationabili causa.*

Licet autem Sacerdos, qui unicam vult hodie dicere Missam, possit quamcumque ex tribus eligere, attamen, cum Missa debeat, quoad fieri potest, cum Officio convenire, ut hortatur Rubrica Missalis *titul. 4. de Miss. Voto sub numer. 3. in fine*, omnes idcirco Auctores unanimes & concordēs ad-monent, ut dicat tertiam cujus Oratio præcipue concordat cum Officio, Piscara in *Prax. Cæremoniar. lib. 3. sect. 2. cap. 4. num. 9.* & iterum in Cære-moniali suæ Religionis *lib. 3. cap. 4. sub num. 19.*

G A V A N-

72

73

Gavantus *tom. 1. par. 4. tit. 3. numer. 6.* Bauldryus *loco citato, sub num. 36.* Oratio verò hujus tertiæ Missæ, quæ cum Officio convenit, & incipit *Concede*, refertur ab Alcuino *libro tertio contra Felicem*, & Elipandum: *Us nos Unigeniti, nova per carnem natiuitas*, ut ostendat, Jesum Christum, Filium esse naturalem Dei, & non per adoptionem, sicuti Hæretici illi affirmabant, ut habet Grancolas in *Commentar. ad Breviar. Roman. cap. 14. pag. 221. vers.* Oratio tertia Missæ. Non desunt tamen Auctores apud Claudium La Croix in *Theolog. Moral. tom. 2. lib. 6. par. 2. de Sacrific. Missæ sub num. 327.* suadentes, ut qui unicam tantum Missam vult legere, accipiat accommodatam temporì quo legit: nempe, si legat in nocte, ut accipiat primam: si in aurora, secundam: si in pleno die, tertiam. Quæ quidem opinio mihi probatur, si tamen omitatur prima Missa de nocte, quæ sanè tunc temporis non est privatim dicenda, ut patet ex superius dictis, ubi citantur Decreta prohibitiva: unde bene dicit quoad hoc Pisart de *Ceremon. Eccles. circa Vigil. & Fest. Natiuit. Dom.* ibi enim omissa cautè prima Missa, incipit à secunda: dicit enim, quod Sacerdos unam tantum disturus, sumat eam, quæ congruit temporì quo vult celebrare; *puta: Missam secundam, si celebret in aurora: tertiam verò, si in pleno die sit celebraturus.*

Fateor me plures Auctores vidisse tenentes, quod Sacerdos ter hodie celebraturus, potest non solum ad tria Altaria in una eademque Ecclesia, interposito aliquo temporis spatio celebrare, sed etiam tria Sacrificia facere in tribus distinctis Ecclesiis, dummodò in tertia tantum Missa sumat purificationem. Pulcherrimum quidem Speculationis inventum, nullibi (quod sciam) ad praxim redactum, nullibi (ut reor) ad praxim redigendum. Licet enim sint revera tria Sacrificia distincta, non videtur tamen, quod sint sic celebranda, saltem ex communi usu, qui etiam circa hoc te plura docebit. Et licet ex eo quod nondum aliquid factum sit, non sequatur, non esse faciendum, non est

tamen tam facile faciendum, quod non fuit forte
umquam factum: nam quamvis non sit actio rigo-
rose continuata, est tamen continuanda ex consue-
tudine ubique recepta: & Scandalum etiam passi-
vum, quod ex hac Altarium & Ecclesiarum varie-
tate posset forsan oriri, videtur esse evitandum;
non enim quodcumque fieri potest, faciendum est,
& præsertim si adhuc ubique consuetudo in contra-
rium: quod tamen dictum sit (salvo Doctorum, &
Ecclesiæ iudicio.)

Quia verò in Brevibus Pontificiis Missam conce-
dentibus in Oratoriis privatis semper excipiantur
solemniores Anni Festivitates, una sanè ex illis est
Nativitas Domini, ut clarè excepta patet in *De-
creto Sacra Rituum Congregationis edito anno 1607. 17.
Novembris*, quod ego, citata Auctorum illud refe-
rentium cætera, extendo in mea Collectione de
Sacris Ritibus *sub num. margin. 293. pag. 88. jux-
ta editionem Venetam de Anno 1730.* Unde ad Altare
hujusmodi Oratorii nullus hodie Sacerdos, sive
Sæcularis sive Regularis, potest celebrare. Excep-
tio igitur hujus Diei, aliorumque solemnium fa-
cta est, ut frequentior sit concursus Fidelium, eti-
am Nobilium (quibus semper hujusmodi Privile-
gium conceditur) ad publicas Ecclesias, easque vene-
rentur. Quod si quis hodie celebret, vel cele-
brari faciat in dictis Oratoriis privatis, graviter pec-
cat, imò dupliciter peccat, tum contra gravem
prohibitionem Summi Pontificis hunc Diem ratio-
nabiliter excipientis, tum quia non satisfacit præ-
cepto audiendi Missam, quia audiret in Loco hac
die interdicto, in quo præceptum non adimpletur,
inquit Quartus in *Commentar. ad Rubric. Missal. par.
3. tit. 10. sect. 2. 5. difficult. dub. 10. pag. 393. jux-
ta editionem Venetam de Anno 1727.*

Illud etiam ad rem occurrit hoc loco dicendum,
quòd ad Episcopos spectare cenfeo, si occasio fe-
rat: Armenis etenim denegatur celebratio harum
trium Missarum more Latino in Nativitate Domi-
ni, etiam quoad commorantes in Alma Urbe:
iisdemque Armeni tenentur servare hoc Fastum Na-
tivitatis

tivitatis Dominicæ die vigesimaquinta Decembris, sicuti & nos, & quoad hoc se debent conformare, prout utrumque decrevit Congregatio Generalis Sanctæ Romanæ & Universalis Inquisitionis *sub die 27. Februarii de Anno 1710.* ita referente Eminentissimo Petra in eruditissimis Commentariis ad Constitutiones Apostolicas *tom. 4. circa Constitut. 19. Eugeni IV.* quæ propter Episcopi, in quorum Civitatibus vel Diocæsi- bus extant Armenorum Ecclesiæ, vel ubi ipsi Armeni celebrant, attendant diligenter, ut hoc Decretum inviolabiliter servetur, & suum sortiatur effectum.

At quia supra diximus, quodd Sacerdos, & qui- dem simplex, potest hodie unam tantum celebrare Missam, sciendum tamen est, quod non potest nul- lam hodie celebrare, nisi adsit rationalis causa; communis enim & probabilior sententia docet, quemlibet Sacerdotem teneri ex vi præcisæ Ordinis quater, vel quinquies, in Anno celebrare, & qui- dem in præcipuis Festivitatibus, quarum una pro- culdubio est hæc Nativitatis Domini: ideoque sive velit Sacerdos tres Missas hodie celebrare, vel u- nam tantum, debet necessariò celebrare, quod in- telligitur de Sacerdote raro celebrante, non de Mansionariis Ecclesiarum vel quotidie, vel sæpissi- mè in Anno sacrificantibus: quam necessitatem ho- die celebrandi esse sub peccato mortali, tamquam de una die ex solemnioribus Anni, & hoc ex vi Ordinis, tenet & probat Quartus *ad Rubric. Missal. in Appendice, quæst. 3. punct. 1. pag. mlii. 451.* & ci- tata Doctorum caterva, sustinet Pasqualigus *de Sa- crific. nov. Leg. tom. 2. quæst. 340. num. 5. & 6.* & pro se inter multos allegat Divum Thomam *3. par. quæst. 82. artic. 10.* ubi oppositam sententiam vo- cat irrationabilem. Et quia hæc celebrandi obliga- tio est personalis, Sacerdos non potest per alios satisfacere, sed debet per seipsum, ut ait Pasquali- gus *cod. tom. 2. quæst. 341. sub numer. 8.* Quod au- tem, cessante iusto impedimento, teneatur simplex Sacerdos sub peccato mortali ter, vel quater in Anno celebrare, in Festis præsertim solemnibus

(& consequenter in Die Nativitatis Domini.) Firmat etiam Reiffenstuel in *Theolog. Moral. tract. 14. distinct. 4. quæst. 8. num. 81. & infert ex cap. Dolentes, de celebr. Missar. ubi graviter reprehenduntur ii, qui Missarum solemnità vix quater celebrant in Anno,*

Unum restat addendum, quod cum non possit fieri Votivæ quædam Missæ, quæ propriæ sunt Solemnitatum, ipsisque Solemnitatibus, ita accommodatæ ut eos extra proprios dies absurdum esset dicere: hæc res Nativitatis Domini nullibi, & nullo modo celebrandæ sunt ut Votivæ, prout de ordine Pauli Quinti, specificatis inter alios Missis ejusdem Nativitatis Domini, declaravit & observari mandavit *Sacra Rituum Congregatio*, apud Angelum à Lantusca in *Theatro Regularium*, verbo Missa, sub num. 2. pag. 332. juxta editionem Romanam de Anno 1717. Hoc autem non solum intelligitur infra Annum, sed etiam infra ipsam Octavam Nativitatis Domini, nam die vigesima nona Decembris, si non occurrat Dominica, dicenda est Missa de S. Thoma Cantuariensi, & die trigesima ejusdem Mensis, si incidat in feriam secundam, dicitur itidem Missa de eodem S. Thoma, qui occurrebat in Dominica. Quod si dicta dies trigesima veniat in Sabbato, vel ubi S. Thomas habet ritum duplicem, & ideo celebratur ibi in Dominica, tunc in utroque casu Sabbati, vel Feriæ secundæ, dicenda est Missa propria infra Octavam Nativitatis, quæ composita est ex secunda & tertia Missa: & ita neque infra Octavam ipsam potest ex integro dici una ex tribus Missis, quæ dicuntur in Die Nativitatis Domini.

S. V.

De quibusdam Notandis in Die Nativitatis Domini.

NE tamen aliquid omittatur, quod aliquo modo
 spectet ad Diem Nativitatis Dominicæ, illud
 sciendum est, quod si hodie concessa reperiatur ali-
 cui Ecclesiæ Indulgentia Plenaria, hæc non erit
 extendenda ad totam Octavam ejusdem Nativitatis,
 nam licet apud Rubricistas tota Octava computetur
 pro una Die; apud Theologos tamen, & Moralistas
 concessa pro una die non extenduntur ad totam
 Octavam. Attendenda igitur sunt verba Brevis Apo-
 stolici Indulgentiam concedentis. Certè Barbossa in
Summa Apostolicar. Decis. verbo Indulgentia, Collect.
 419. sub num. 6. refert responsionem Sacre Rituum
 Congregationis in Hispalensi, editam anno 1606.
 sub die 4. Martii, quæ est tenoris sequentis videli-
 cet: *Indulgentia Plenaria concessa in Die Festo, non ex-*
tenduntur per totam Octavam: secus si non sunt Plenaria:
 At hæc responsio supponit pro non Plenariis infra
 Octavam concessionem in Brevibus Apostolicis fa-
 ctam: & ideo, si nulla in eis fiat mentio de Octa-
 va, Indulgentia valet pro Die tantum Festo.

Quia verò magna Diei Solemnitas requirit etiam
 magnam Populi Christiani lætitiā, ideo etiam in
 Mensa eius carniū est in usu, si Nativitas Domi-
 ni incidat in Feriam sextam, vel in Sabbatum. Hoc
 enim communiter concedunt Theologi, & Morali-
 stæ; & patet ex cap. *Explicari 3. de observant. jejun. lib. 3.*
 ubi Honorius III. Episcopo Pragensi super hoc pun-
 cto interroganti sic respondit: *Explicari per Sedem*
Apostolicam postulasti, Et Respondemus, quod illi, qui
nec Voto, nec Regulari Observantia sunt adstricti, in sex-
ta Feria, si Festum Nativitatis Dominica die ipso venire
contingeret, carnis propter Festi excellentiam vesci pos-
sunt,

sunt, secundum consuetudinem Ecclesie generalis. Nec tamen hi reprehendendi sunt, qui ob devotionem voluerint abstinere. Duo inferuntur ex hac declaratione Honorii Tertii: Unum quidem desumptum à Felice Potestate in *Examin. Ecclesiast. tom. 1. par. 3. num. 2833. & 2834.* nempe, quod totus Ordo Minorum S. Francisci, cum habeat ex vi Regulæ jejunium in qualibet Feria sexta, si Nativitas Domini in illam incidat, debet jejunare, quia Honorius excipit Regulari Observantiæ adstrictos: cui declarationi accedit consuetudo, & praxis totius Religionis Franciscanæ. Alterum verò ego infero ex eadem declaratione, nam cum dictus Honorius excipiat Voventes, non solum si isti votum fecerint jejunandi in qualibet feria sexta, sed etiam in qualibet alia die Hebdomadæ, si in illam diem incidat Nativitas Domini, non dispensantur à Voto, sed debent jejunare, nam quod fieri non potest pro una die, neque fieri poterit pro alia, cum ratio Voti valeat & teneat pro qualibet die: ubi enim militat eadem ratio, idem servandum est.

Usus comedendi carnes, quando Natalis incidit in Feriam sextam, antiquissimus omnino testis, ait Grancolas in *Commentar. ad Breviar. Roman. cap. 14. vers. Quoad usum, pag. 221.* Sanctus enim Epiphanius in *Exposit. Fidei* observat, quod non jejunabatur in Die Natalis, quando vel Feria quarta, vel sexta occurreret, quæ Feriæ erant in Oriente toto Anni tempore destinatæ ad jejunium. Concilium Aquisgranense anno 816. inter alia Festa vetat jejunare in Natali Domini. Nicolaus Papa Primus Bulgaros exhortans ad abstinentiam sexta quaque Feria totius Anni, inter octo Festivitates exceptas includit primariò illam Natalis, si in dicta Feria sexta eveniat. Petrus Cluniacensis in *Epist. ad D. Bernard. cap. 5.* non poterat approbare jejunium in Octava Natalis. Matthæus Paris in *sua Histor. Anglic. anno 1255.* loquitur tamquam de ritu in Anglia communi comedendi carnes in Die Natalis, quando incidebat in Feriam sextam: *Erat illo anno, inquit, Dies Natalis Domini Feria sexta, & comederunt carnes ob reverentiam Natalis.*

Ex-

Exposita ante oculos Lectoris Ecclesiastici longa quidem, sed (ut reor) proficua rerum serie ad Diem Nativitatis Domini pertinentium, restat, ut concludamus Solemnitatem cum secundis ejus Vesperis. Hæ igitur secundæ sunt & debent semper esse integræ, cum sola commemoratione sequentis, nempe, S. Stephani Protomartyris, etiam ubi S. Stephanus est Titularis Ecclesiæ, prout est Cathedralis Viennensis in Austria, ubi sæpè celebravi. Imò si cras alicubi occurrat Dedicatio Ecclesiæ, sive ut die vigesima sexta Decembris, sive ut Dominica quarta ejusdem Mensis, quæ interdum incidit, in dictam diem vigesimam sextam, adhuc secundæ Vesperæ erunt integræ de Nativitate, cum commemoratione dumtaxat Dedicacionis. Clarè patet ex Breviario, quod in his secundis Vesperis dicuntur Antiphonæ propriæ, quæ incipiunt *Tecum principium*, cum Psalmis itidem propriis: quæ omnia in Vesperis totius hujus Octavæ, omninò saltem usque ad Capitulum dici debent, quocumque Festo etiam primæ classis alicubi occurrente, ut ex inferiùs dicendis patebit. Istæ Antiphonæ ubique reperiuntur in antiquis, cum quinque ipsismet Psalmis, quos modò nos dicimus, de quibus mentionem facit etiam per totam Octavam Amalarius *de ordin. Antiph. cap. 16.* tum apud Gayantum in *Thesaur. Sacror. Rit. tom. 2. sect. 6. cap. 3. num. 6.* tum etiam apud Grancolas in *Commentar. ad Breviar. Roman. cap. 14. vers. ad Vesperas*, pag. 221.

In privata dictarum Vesperarum recitatione nihil habetur dicendum, cum omnia præscribantur in Breviario. In solempni verò earundem decantatione, Officiator ad Hymnum *Jesus Redemptor omnium*, observet quæ supra dicta sunt in primis Vesperis. In Cathedrali tamen Ecclesia hæ secundæ Vesperæ poterunt etiam per Episcopum eadem solemnitate celebrari, qua per eundem Episcopum celebratæ sunt primæ, de quibus satis superque supra diximus, nam Cæremoniale Episcoporum *lib. 2. cap. 1. §. 3. pag. mibi 184.* inter quasdam secundas Vesperas, quas Episcopus ipse deberet celebrare, nominat & expri-

exprimit hæc secundas Nativitatis Domini, cantandas ut ibi, & ut nos diximus supra. Hæc igitur est conclusio tantæ Solemnitatis hodiernæ, neque aliquid remanet (quod sciam) hic addendum: nam neque aliquid habet distinctum Complectorium, nisi quod ad Hymnum dicenda est clausula de Beata Virgine, nempe, *Iesu tibi sit gloria, &c.*

Illud denique sciendum, quod hæc octava Nativitatis Domini est quadrupliciter privilegiata: *Primo*, quoad Antiphonas & Psalmos in Vesperis, sine ulla variatione, saltem usque ad Capitulum: *Secundo*, quoad commemorationem faciendam etiam in Officio primæ classis alicubi occurrente: *Tertio*, quoad Præfationem in Missa & *Communicantes*: *Quarto* tandem, & quidem ex nova Lege, quoad Votivas privatas omnino prohibitas: De quibus omnibus distinctè & diffusè propriis locis loquemur.

S. VI.

De Festo Sancti Stephani Protomartyris.

Festum S. Stephani à S. Irenæo lib. 3. cap. 12. appellati *Archidiaconi*, seu Diaconorum Capitis, aut Principis vel Primicerii, & Martyrum primi, à primis etiam usque temporibus in Ecclesia fuit celebre. Non tamen hodie celebratur hoc Festum, quia hodie inventæ sint ejus Reliquiæ, de quibus fit Officium die tertia Augusti, ut cæteroquin tenet Durandus in *Ration. Divin. Offic. lib. 2. cap. 21.* ubi sic habetur: *Sancti Stephani Protomartyris inventio facta fuit die illa, qua celebratur ejus passio: & passus est die illa, qua celebratur ejus inventio, scilicet in Augusto.* Lapidibus igitur obrutus fuit & obiit hac die vigesima sexta Decembris, nam cum Martyrologium Romanum dicat, quod à Judæis non longè post *Ascensionem Domini lapidatus est*, Baronius propterea hodie

in

in Notatione ad dict. Martyrolog. intelligit per ly non longè diem hodiernum, & sit computat septem Menses, quod spatium temporis (prosequitur) intercessit à Christi Ascensione ad Martyrium Stephani. Valdè enim ante inventionem Reliquiarum, hæc ipsa dies in honorem ejusdem Protomartyris fuit dicata: & hoc clarè patet ex Sermionibus Gregorii Nysseni, & Asterii Amaseæ, qui Festum Discipuli statim ponunt post Festum Magistri, alludentes ad *heri*, & *hodie*: & tamen isti celebres Auctores quarti Sæculi, ac omni fide digni, multis vixerunt annis ante Reliquiarum inventionem: Præterquam quodd hujusmodi allusionem legimus hodie in Breviario, & in ejus die octava, in Sermone S. Fulgentii, ac in Homilia S. Augustini: ex quibus Sanctis Patribus tam concordibus in expressione Dici, & absque ulla hæsitacione protestantibus S. Stephanum consummasse martyrium posttridie Natalis Domini, insert Baronius die 3. Augusti, ergo ille obiit die vigesima sexta Decembris.

Hæc S. Stephani Festivitas est præceptiva cum obligatione audiendi Missam, & vacandi ab operibus servilibus. Quæritur à Gavanto tom. 2. sect. 6. cap. 6. num. 1. cujus classis sit, nam Piscara facit illam primæ classis, tum in *Prax. Cæremoniar. lib. 3. sect. 3. cap. 6. num. 1.* tum etiam in Cæremoniali suæ Religionis lib. 3. cap. 5. sub num. 1. & ratio ejusest, quia licet in Rubricis non numeretur cum aliis in ordine classis, est tamen solemnis, & ideo primæ classis, & quidem tertii ordinis juxta suam divisionem, Gavanto tamen placet, ut dicatur secundæ classis, & quidem duplici ratione, tum quia sequens Festum S. Joannis non est nisi secundæ classis, ut aliorum Apostolorum, tum quia Stephanus, & Laurentius in Martyrio, Officio, & Octava, sunt pares, ergo etiam pares in ritu. At quidquid tunc temporis dicendum esset de ordine classis, illud sanè modò verum est, quodd hoc Festum S. Stephani reperitur descriptum inter duplicia secundæ classis, statim post Rubricas generales, tam in Breviario Romano, quam in aliis Ordinibus Regularium.

Quoad

Quoad Officium hodiernum, Invitatorium est proprium, sed Hymnus, Antiphonæ, Psalmi, V. & R. Nocturnorum sumuntur ex Communi unius Martyris. Lectiones verò omnes cum suis Responsoriis sunt propriæ. Ad Laudes Antiphonæ *Lapidaverunt Stephanum, &c.* & post Orationem Festi fit commemoratio de Nativitate Domini. Ad Primam in Responsorio brevi dicitur Versus *Qui natus es de Maria Virgine*: & ad omnes Horas clausula Hymnorum erit *Jesu tibi sit gloria, &c.* Si hodie occurrat Dominica, nihil fit de ea, & ideo dicitur *vacans*.

Missæ verò in Festo S. Stephani est propria, & celebratur in colore rubeo. Adhiberitamen possunt Paramenta aurea, ubi habentur, quia ad colorem aureum concurrunt omnes præcipui, & nobiliores colores, præsertim albus & rubeus, quippe & lucidus est cum albo, & igneus cum rubeo: ergo Paramenta aurea convenienter substitui possunt loco aliorum colorum, præcipuè in Festis, in quibus vel albo, vel rubeo (ut hodie) colore utimur, nam verè color aureus festivus est, ut probat Quartus in *Commentar. ad Rubric. Missal. par. 1. tit. 18. dub. 2.* Quotiescumque in hanc diem inciderit Dominica, ante Missam solemnem fiet aspersio Aquæ benedictæ: In hac Missa dicitur *Gloria*, cum secunda Oratione Nativitatis, & *Credo*. Præfatio erit *Quia per incarnati Verbi mysterium*, cum Communicantes de Nativitate: Placet tamen hic inserere Præfationem propriam huic Festo convenientem, quæ antiquitùs legebatur in hodierna Missa, desumpta ex Libro Sacramentorum S. Gregorii Papæ, pagina nona, & erat sequens, scilicet: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterno Deus, Beati Stephani Levisæ simul & Martyris Natalitia recolentes. Qui Fidei, qui Sacra Militia, qui dispensationis & castitatis egregia, qui predicationis mirabilisque constantia, qui confessionis, & patientiæ nobis exempla veneranda proposuit; Et ideo Nativitatem Filii tui merito præceteris passionis suæ festivitate prosequitur, cujus gloria semper æterna primus Martyr occubuit, Per quem, Majestatem tuam laudant Angeli, &c.* Et

Et quia tunc temporis solebat Episcopus Populo benedicere, ut supra diximus in Missa de Noſte Natalitia, Benedictio hodierna, juxta veterem Ecclesiæ usum, erat ea, quæ sequitur, deprompta ex eodem Sacramentario Gregoriano, dicta pagina nona, videlicet: *Deus, qui Beatum Stephanum Protomartyrem coronavit & confessione Fidei & agone Martyrii, mentes vestras circumdēs in presenti sæculo corona justitia, & in futuro perducas vos ad coronam gloria. Amen. Illius obſentem tribuat vobis Dei & Proximi charitate semper excubare, qui hanc studuit etiam inter lapidantium impetus obtinere. Amen. Quo ejus exemplo roborati, & intercessione muniti, ab eo, quem ille à dextris Dei vidit ſtantem, mereamini benedici. Amen. Quod ipse præſtare dignetur, cujus regnum, & imperium sine fine permanet in sæcula sæculorum. Amen. Benedictio Dei Patris, & Filii, & Spiritus Sancti, & Pax Domini ſit ſemper vobiſcum.*

In Ecclesia tamen Gallicana, ante annos mille, in uſu erat hodie ſequens propria, & quidem proluxa Præſatio, quam habet Mabillonius in *Liturg. Gallic. lib. 3. pag. 194.* & quam integram ex eo loco tranſumptam ſub oculis ponimus ſtudioſorum Antiquitatis Eccleſiaſticæ, nempe: *Verè æquum & juſtum eſt telaudare, teque benedicere, tibi gratias agere, omnipotens ſempiterna Deus: Qui gloriaris in conventu Sanctorum tuorum; quos ante Mundi conſtitutionem præleſtos, ſpiritali in Cœleſtibus benedictione ſignaviſti: quouſque Unigenito tuo per aſſumptionem carnis, & Crucis redemptionem ſociaviſti: In quibus Spiritum tuum Sanctum regnare ſeciſti, per quem ad ſelicis Martyrii gloriam, pietatis tuæ favere venerunt. Dignè igitur tibi, Domine virtutum, feſtivarum Solemnitas agitur, tibi hac Dies ſacrata celebratur, qua Beati Stephani primi Martyris tui ſanguis in tua veritatis teſtimonio proſuſus, magnificum Nominis tui honorem ſignaviſti. Hic eſt enim illius Nominis primus Confeſſor, quod eſt ſupra omne nomen, in quo. unicum noſtra ſalutis præſidium, Pater æternæ, poſuiſti. Hic in Eccleſia tua quam ſplendidum ad cunctorum animos conſirmandos unica laudis præceſſit exemplum. Hic poſt paſſionem Domini noſtri Jeſu Chriſti, victoria palmam primus invaſiſti. Hic*

us Levitico ministerio per Spiritum Sanctum ab Apostolis
 consecratus est, niveo candore confestim emicuit, Martyrii
 cruento purpurens. O benedictum Abraha semen, Apostoli-
 ca doctrina, & Dominica Crucis prior omnium factus
 imitator & testis! Merito Caelos apertos vidit, & Jesum
 stantem ad dexteram Dei. Digne igitur ac iuste talem
 sub sui Nominis confessione laudamus, omnipotens Deus,
 quem ad tantam gloriam vocare dignatus es. Suffragia
 ejus nobis pro tua pietate concede. Talis pro hac Plebe
 precetur, qualem illum post trophæa venientem exultans
 Christus excepit. Illi pro nobis oculi sublimentur, qui ad-
 huc in hoc mortis corpore constituti, stantem ad dexteram
 Patris Filium. Del in ipsa passionis hora viderunt. Ille
 pro nobis obtineat, qui pro persecutoribus suis, dum lapi-
 daretur, orabat ad te, Pater omnipotens, per Dominum
 nostrum Jesum Christum Filium tuum. Qui pro peccatis
 nostris nasci carne per Virginem, & pati dignatus est
 mortem, ut Martyres suos suo pati doceret exemplo. Cui
 merito omnes Angeli atque Archangeli sine cessatione præ-
 clamant: Sanctus, Sanctus, Sanctus.

Quanto tamen longior erat priscis illis temporibus
 Præfatio in Ecclesia Gallicana, tanto brevior est
 ista, quæ etiam modò in Festo S. Stephani recitatur
 apud Ambrosianos, ut videre est hodie in eorum
 particulari Missali, ex quo desumpta est ea, quæ
 sequitur, scilicet: Verè dignum & iustum est, æquum &
 salutare, nos tibi semper, & ubique gratias agere, Do-
 mine sancte, Pater omnipotens, æternæ Deus: Qui Levi-
 tarum præconem vocasti. Hic tibi primus dedicavit Martyrii
 nomen: Hic tibi inchoavit primus effundere sanguinem:
 Hic meruit videre Caelos apertos, & Filium stantem ad
 dexteram Patris. In Terris hominem adorabat, & in Cæ-
 lo Filium Patris esse clamabat. Hic Magistri verba rese-
 rebat, quia quod Christus dixit in Cruce, hoc Stephanus
 docuit in sanguinis sui morte. Christus in Cruce indal-
 gentiam seminabat, & Stephanus pro suis lapidatoribus
 Dominum supplicabat. Propterea cum Angelis, & Ar-
 changelis, &c.

Expositis, quæ ad Missam S. Stephani spectabant,
 oritur modò Dubium, an hodie cani possit aliqua
 Votivæ pro re gravi. Ratio dubitandi est, quia ju-
 sta

xta regulam generalem, quam aliqui tradunt, vi-
 detur, quod possit cantari. Regula autem illa do-
 cet, quod Missæ Votivæ, quæ pro re gravi, vel pro
 publica Ecclesiæ causa solemniter celebrantur, in
 illis diebus locum habeant, in quibus conceditur
 Missa Festi, quod transferri debet, ut in Rubrica
 Missalis *titul. 6. de translat. Festor.* secundum quam
 hujusmodi Missæ videntur regulari debere, cantata
 prius Missa Diei: sed in hac Rubrica nullum exci-
 pitur Festum duplex secundæ classis: ergo in Festo
 duplici secundæ classis potest cantari Votiva: & con-
 sequenter etiam in hoc Festo S. Stephani. Hæc ta-
 men Regula mihi quidem probaretur totumque ar-
 gumentum valeret, nisi obstaret Instructio pro ex-
 positione SS. Sacramenti ratione Orationis quadra-
 ginta Horarum, edita à Clemente Undecimo, quam
 habes in ejus particulari Bullario, *par. 2. Constitut.*
 9. ubi §. 10. præscribitur quidem Missa de SS. Sa-
 cramento Votiva pro re gravi, sed inter Dies ex-
 ceptos includitur expressè Officium duplex secundæ
 classis tam universale, (ut hodie) quam particula-
 re illius Ecclesiæ, in qua fit expositio: Unde sic
 argumentor: Si in Festo duplici secundæ classis non
 potest cantari Votiva de SS. Sacramento, quod est
 majus: ergo non potest cani alia Votiva, quod est
 minus: & consequenter hac die canenda erit de S.
 Stephano, cum secunda Oratione de Nativitate Do-
 mini, & 3. vel *Deus, qui nobis sub Sacramento mirabili,*
 si fiat Expositio: vel *Deus, cujus misericordia non est nu-*
merus, si sit reddenda gratiarum actio: vel *Deus omnium*
Fidelium Pastor, si occurrat Anniversaria Dies Ele-
 ctionis seu Consecrationis Episcopi: vel denique *alia*
Oratio, si alia sit ratio dicendi. Quod si Pasqualigus
de Sacrific. nov. Leg. tom. 1. quæst. 143. ex eo, quod
 in Instrukione, ut asserit, edita Romæ pro Oratio-
 ne continua quadraginta Horarum præscribebatur
 Missa Votiva sollemnis de SS. Sacramento, desu-
 mit, quod possit cantari etiam in duplicibus primæ
 classis, quia his diebus potest occurrere: & ex illa
 Missa infert, quod cantari possint omnes Missæ Vo-
 tivæ pro re gravi in dictis duplicibus occurrentes:

ergo

ergo (infero ego) nulla Missa Votiva solemnisi dici potest in duplicibus secundæ classis, quia in Instructione Clementina superius citata neque permittitur in eis Votiva solemnisi de SS. Sacramento, ut clare patet legenti.

In hoc tamen Festo S. Stephani potest procul dubio cantari Missa Defunctorum in Die Obitus, præsentem Corpore: tum quia hodie non est una ex illis magnis celebritatibus, quas ad hunc effectum obitare dicit, & ideo excipit Rituale Romanum *tit. de Exequ. rubric. 5.* tum etiam quia omnia duplicia primæ classis, & ideo non secundæ classis, excludunt hujusmodi Missam solemnem, prout supplicantibus Capitulo & Canonicis Cathedralis Cellensis respondit *Sacra Rituum Congregatio sub die 5. Julii 1698. ad 8. Dubium*; & hoc etiam retuli in mea Collectione de Sacris Ritibus, *sub num. margin. 1117.* & refert etiam P. Merati in *Addit. ad Garant. tom. 1. par. 2. in Indice, sub numer. 325.* Illud tamen hoc loco notandum occurrit, quod sicuti una dumtaxat permittitur Missa solemnisi in Die Obitus, sic plures non sunt canendæ in una eademque Ecclesia eodem die pro uno eodemque Defuncto: idcirco si plura convenient Capitula ad hujusmodi Exequias, dignius Missam cantabit, cæteris respondentibus in Choro. Neque valet dicere, quod Missa est semper una respectivè ad unumquodque Capitulum seorsim sumptum: nam una Missa non accipitur tali modo, sed respectivè ad unam Ecclesiam. Ubi tamen S. Stephanus est Titularis alicujus Ecclesiæ, sicuti ibi celebratur sub ritu duplici primæ classis, ut Venetiis in Ecclesia Regulari Augustinianorum, sic non erit ibidem cantanda dicta Missa in Die Obitus, quia tunc intrat tum magna Diei celebritas, ut in citato Rituali Romano, tum qualitas ritus, ut in præfata responsione. Imò datur casus, in quo una integra Civitas & tota Diocesis habeat hujusmodi impedimentum: ubi scilicet S. Stephanus est Titularis Ecclesiæ Cathedralis, prout est Viennæ in Austria.

Non potest tamen in hoc Festo S. Stephani can-

tari Missa Defunctorum in Anniversario, nam Alexander Septimus concessit dumtaxat hujusmodi Missas solemnes in Festo duplici majori, si in illud incidat Anniversarium, ut patet ex Bullario Romano, tom. 5. *Constit.* 176. *hujus Pontific.* Et in Anniversario occurrente in Festo duplici secundæ classis non posse cantari Missam de *Requiem*, expressè respondit *Sacra Rituum Congregatio in Collen. sub die 5. Jul. 1698. ad 7. Dubium.* Sed hæc spectant ad omnia duplicia secundæ classis in genere. Adest & alia Lex specialis pro Octavis privilegiatis, inter quas est & ista Nativitatis Domini: in quovis enim ex diebus infra hanc Octavam occurrentibus prohibita est Missa in Anniversario Defunctorum, ut ad favorem omnium Octavarum privilegiatarum respondit *Sacra Rituum Congregatio in dicta Collen. ad 9. Dubium*: quas responsiones ego Domi retineo in forma authentica, cum solito Sigillo, & cum subscriptione Illustrissimi D. Secretarii ejusdem Sacræ Congregationis.

In Oratoriis verò privatis celebrari potest in hoc Festo S. Stephani, nam Decretum Dierum solemniorum prohibitivum, (de quo in mea Collectione de Sacris Ritibus *sub numero margin.* 293.) expressè loquitur de solo Die Natalis Domini, non verò etiam de Festis successivè occurrentibus, ex quibus unum immediatum est hodiernum, prout de Feriis secunda & tertia post Dominicas Resurrectionis & Pentecostes in eodem Decreto non comprehensis, suo loco dicemus. Quia tamen in Formula Brevis Apostolici ad hoc expediri soliti quam per extensum ponit Monacellius *par. 4. in supplem. ad 2. Tom. Formular. num. 470.* clarè dicitur: *Per quemcumque Sacerdotem ab Ordinario approbatum, Sæcularem, seu de Superiorum suorum licentia Regularem*; hæc verba non important specialem Episcopi approbationem, cum sufficiat generalis celebrandi Missam, quoad Sacerdotes Sæculares: & multo minus requirunt licentiam Parochi, in cujus Districtu est Oratorium privatum, nam Parochus non venit sub nomine Ordinarii in Brevis Apostolico expressi, &

Tomus Primus.

E

con-

consequenter non habet in hoc casu jus prohibendi. Quoad verò Sacerdotes Regulares, sufficit licentia tacita seu præsumpta suorum Superiorum, quia tacitum habetur pro expresso, *l. cum quid, & l. si Filiusfam. ff. de cert. per.* ut tenent Pasqualigus de Sacrific. nov. Leg. rom. 1. quæst. 642. & Quartus in Commentar. ad Rubric. Missal. par. 3. tit. 10. sect. 2. difficult. 5. dub. 8.

Illud etiam sciendum quoad celebrationem in Oratoriis privatis, non deesse Auctores scrupulosam quæstionem moventes, an Sacerdos ibi celebrans satisfaciatur præcepto de audienda Missa. Ratio dubitandi apud ipsos est, quia in Brevis Apostolico dicitur: *In tua, ac Familia, & Hospitum Nobillorum tuorum præsentia celebrari facere libere & licite possis & valeas*: sed Sacerdos celebrans, non est de Familia, ut supponitur, neque Hospes: ergo non satisfacit. Respondeo, quod argumentum valeret, si Sacerdos nec Familiaris, nec Hospes vellet ibi audire, & nullibi eo die celebrare: sed dum Papa concedit ut celebret, & actu celebrat, concedit ut satisfaciatur, & actu satisfacit. Ubicumque enim potest Sacerdos celebrare, potest & ibi præceptum adimplere: sed potest celebrare in Oratoriis privatis ex concessione Papæ: ergo potest ibi præceptum adimplere: nec ille locus est sibi prohibitus ad audiendum, qui est sibi permissus ad celebrandum. Esset autem durus sermo, at quis posset eum audire, quod Sacerdos celebrando non adimpleret: eique impositum esset onus grave, si post celebrationem teneretur ad auditionem. Verum quidem est, quod cum in dicto Brevis Apostolico etiam dicatur: *Unam Missam pro unaqueque die*, si post unam Missam ibi jam celebratam accederet alius Sacerdos & celebraret, præter peccatum transgressionis in re gravi & etiam puniendæ, committeret & aliud præcepti non adimpleti quoad auditionem Missæ in Die Festo, quia Papa dat facultatem uni tantum Sacerdoti, non pluribus, & sicuti primus adimplet, sic secundus non satisfacit.

Ubi S. Stephanus fuerit Titularis Ecclesiæ, de-

cet, ut illa Ecclesia in suo solemniori Festo splendidior appareat: & ideo primum à parte exteriori ornandæ erunt valvæ ipsius Ecclesiæ, floribus, ramis, & frondibus virentibus, bracteolis, aut fasciis diversi coloris, appensis, vel colligatis, quo splendidius pro Locorum consuetudine, ac temporum qualitate fieri poterit. Supra verò Portæ superliminare Imago S. Stephani, cujus Dies Festus agitur, pariter ornata, & sub illa Insignia Summi Pontificis, Legati, Cardinalium, aut Nuntii Apostolici, Episcopi, Reipublicæ, Principis, aut Civitatis, pro libito ponentur, servando in eorum positione ordinem Dignitatum: Inferioris verò ordinis hominum, maximè laicorum, insignia non sunt apponenda. Si Ecclesia habebit Porticum, congruum erit, etiam illam pannis aliis pulchris ex serico, sive ex corio, ex aliave honesta materia confectis, seu elaboratis, prout haberi poterunt, exornari: in quibus tamen Picturæ intextæ, seu pictæ, non sint profanæ, vel indecentes: quod & in aliis pannis, in apparatu interiori, & exteriori Ecclesiæ observandum erit: & maximè, ut non ponantur ibidem ullæ Effigies, nisi Sanctorum, vel Summorum Pontificum. Intus quoque, si fieri poterit, parietes Ecclesiæ aulæis, tribunæ verò holosericis, aut nobilioribus cortinis coloris Festo convenientis contegantur. Ambones, ubi Epistolæ & Evangelia decantari solent, si qui erunt, nec non & Pulpitum, ubi sermo vel concio haberi solet, consentaneum est, pannis sericis ejusdem coloris, cujus sunt cætera paramento, exornari: ita tamen, ut locus Evangelii pulchrius ornatur. Prædicta omnia reperiuntur præscripta in Cæremoniale Episcoporum lib. 1. cap. 12. de ornatu Ecclesiæ, pag. mibi 72. juxta novissimam editionem & recognitionem Romanam sub Benedicte XIII.

Quod si S. Stephanus sit Titularis Ecclesiæ Cathedralis, prout est Viennæ in Austria, Episcopus à Canonici de more associatus accedet ad suam Ecclesiam, primas Vesperas cantaturus, quæ tamen erunt secundæ de Nativitate, cum sola commemo-

ratione S. Stephani, ut in Breviario: Et si potest Episcopus cantare secundas Vesperas *saltem* in quibusdam expressis Festis solemnioribus Anni, inter quas sunt hodiernæ de Nativitate, debet certè interesse pro primis Vesperis sui Titularis Pontificaliter decantandis, ut habetur in Cæremoniali Episcoporum *lib. 2. cap. 1. §. 2. & 3. pagin. 184.* quæ quidem Vesperæ licèt sint integræ de Nativitate, non cessant esse primæ de S. Stephano, quamvis de eo sola fiat commemoratio. Missa quoque erit Pontificalis, juxta *d. lib. 2. cap. 34. §. 2. pagin. 416.* ubi inter Festa ab Episcopo Pontificaliter celebranda, adscribitur etiam illud Titularis Cathedralis. In dicta tamen Missa fiet commemoratio de Nativitate tamquàm de Octava privilegiata, quæ commemorationem non amittit in Festo duplici primæ classis, quale est istud S. Stephani in Ecclesia propria. Si verò hoc Festum Titulare Cathedralis venerit in Dominica, & Episcopus Pontificaliter celebraverit, omittetur aspersio Aquæ benedictæ, quæ cæteroquin Episcopo absente, vel Missæ solemnè dumtaxat interessente, facienda erit omninò, ac etiam in Collegiatis, ex eodem Cæremoniali *d. lib. 2. cap. 31. §. 3. & 4. pag. 397. & 398.* Cæterùm infra Octavam Titularis non est discedendum à Breviario, cum jam S. Stephanus suam ibi commemorationem habeat statim post illam digniorem Nativitatis, & ideo ratione Tituli habet sufficientem præcedentiam supra alias Octavas.

In secundis Vesperis hodiernis, dicuntur Antiphonæ *Tecum principium*, cum Psalmis de Nativitate, Capitulum verò de S. Stephano, cum commemoratione S. Joannis, & Nativitatis, ut in Breviario. At ubi S. Joannes sit Titularis Ecclesiæ, prout est Papiæ in Ducatu Mediolanensi, scilicet in Collegiata insigni eidem dicata, & à Gundeburga Longobardorum Regina magnificè ædificata, in hodiernis Vesperis Antiphonæ quidem & Psalmi erunt de Nativitate, ut supra, sed Capitulum de S. Joanne *Qui timet Deum*, Hymnus verò *Exultet Orbis gaudiis*, cum Versiculo, Responorio, Antipho-

na ad Magnificat, & Oratione, ut hodie in Bre-
viario post Orationem S. Stephani: deinde fit com-
memoratio de eodem S. Stephano, ac etiam Nati-
vitat. Quod autem dictum est de S. Joanne tam-
quam Titulari, intelligendum venit de Dedicatio-
ne Ecclesiæ alicubi cras occurrente, ita ut à Ca-
pitulo fiat de ea, ut in ejus Communi, cum com-
memorationibus S. Stephani, & Nativitatis, non
verò S. Joannis, cujus Festum erit ibi transferen-
dum, ut infra dicemus. In Cathedrali verò Eccle-
sia, cujus est Titulus S. Stephanus, Episcopus has
secundas Vesperas Pontificaliter peraget, nam *ly*
saltem positum pro secundis Vesperis Pontificalibus,
comprehendit etiam secundas Vesperas de Titulari
Cathedralis expressè nominatas in Cæremoniali E-
piscoporum *lib. 2. cap. 1. §. 3. pag. 416.*

Unum remanet dicendum, antequàm huic Festo
S. Stephani finem imponamus. Si enim hodie oc-
currat alicubi Dedicatio Ecclesiæ, vel tamquàm
die vigesima sexta Decembris, vel tamquàm Domi-
nica quarta Mensis, cui sit affixum hujusmodi An-
niversarium, & quæ interdum hac die occurrit,
certè agendum erit de eadem Dedicazione, ut in
ejus Communi, cum sola commemoratione in Lau-
dibus & in Missis de Nativitate Domini. Attamen
cantandæ erunt duæ Missæ, tum quia Dedicatio
non impedit Missam de Festo transferendo, cum
non reperiatur excepta in Rubrica Missalis *tir. 6.*
de translat. Festor. tum etiam, quia si Dedicatio oc-
currat in Nativitate Beatæ Virginis Mariæ, duas
esse cantandas Missas decrevit *Sacra Rituum Con-*
gregatio sub die 16. Octobris 1604. ut pluribus rela-
tis dixi in mea Collectione de Sacris Ritibus *sub*
hum. margin. 225. & ubi militat eadem ratio, se-
quenda est eadem regula. In Missa tamen de De-
dicatione fiet commemoratio Nativitatis Domini
cæteroquin omittenda in Missa S. Stephani, in qua
dicetur *Gloria cum Credo, Præfatio, & Communican-*
tes de Nativitate. In secundis verò Vesperis Anti-
phonæ quidem & Psalmi erunt, ut in die Nati-
vitat. sed Capitulum cum reliquis de Dedicatio-

ne, post cujus Orationem facienda erit commemoratio S. Joannis, & Nativitatis, ut in Breviario.

At quid agendum de Festo S. Stephani in prædicta occurrentiâ Dedicationis? Observandum erit, in quam Feriam incidat, nam ex varietate Ferie variabitur quoque Dies translationis seu repositionis hujus Festi translati, cum modò reponi possit infra Octavam, modò in ejus Die Octava, & modò extra totam Octavam. Si igitur venerit in Dominica, non erit reponendum die trigesima in Feria quinta quia eo die fit de Dominica infra Octavam Nativitatis tamquam de semiduplici occurrente, quæ soli cedit duplici Festo, si occurrat juxta morem Dominicarum: ergo reponendum erit in ejus Die Octava, licet sit Dominica, nam hæc Dominica, cum nullum habeat Officium, dicitur idcirco *vacans*, & nisi reponeretur Festum principale translatum, quodnam Officium in hoc casu esset recitandum? Sed de hoc clariùs dicemus in ejus Die Octava. Si verò incidat in Feriam secundam, etiam in hoc casu celebrabitur in sua Die Octava, non verò die trigesima in Feria sexta ex impedimento Dominicæ eo die celebrandæ, ut supra diximus. Attamen si occurrat in Feria tertia, fiet de eo in Sabbato, in quo alioquin Officium fieret de Die infra Octavam Nativitatis, infra quam si fieri potest de semiduplici translato, nempe S. Thomæ, multò magis de duplici secundæ classis, ut etiam ita sentit *Gavantus tom. 2. sect. 6. cap. 6. num. 11.*

Quod si dictum Festum S. Stephani incidat in Feriam quartam, quia eo anno omnes dies infra Octavam Nativitatis sunt impediti, transferendum erit ad ejus Diem Octavam. Non tamen reponendum erit die trigesima in Feria secunda, si occurrat in Feria quinta: licet enim Gavantus in Festo SS. Innocentium citandus, teneat, quodd de duobus translatis, duplici scilicet & semiduplici, dignius locum habeat à minus digno, & ideo reponit prius Festum SS. Innocentium in dicta Feria secunda, deinde Festum S. Thomæ Cantuariensis mittit celebrandum post Octavam Epiphaniæ ad pri-

primam diem non impeditam : attamen ejus opinio, quæ tunc temporis poterat amplecti, nostris temporibus non est sequenda propter Decretum Sacræ Rituum Congregationis emanatum sub die 16. Septembris 1702. (de quo in Tomo Secundo *de Officiis Communibus* in Dom. infr. Octav. Ascens.) in quo tantum juris tribuitur Festo semiduplici, quod occurrit in Dominica infra Octavam, si sit translatum in Feriam secundam non impeditam, ut non cedat duplici primæ classis translato: & si non cedit dicto duplici primæ classis, minus cedit duplici secundæ classis itidem translato, à quo locum habet duplex primæ classis, ex regula illa: *si vinco vincentem te, multo magis vinco te*: quapropter in tali casu, celebrato Festo S. Thomæ in dicta Feria secunda, Officium S. Stephani celebrabitur translatum in ejus Die Octava, nisi in illa Ecclesia dictum Festum S. Thomæ esset duplex, quia sicuti fieret de eo in Dominica, sic Feria secunda non esset amplius impedita, & ideo in ea reponi posset dictum Festum S. Stephani. Occurrente denique in Feria sexta, vel in Sabbato, in utroque casu erit reponendum in sua Die Octava. Extra Octavam verò tunc & eo casu transferretur, si in illa Ecclesia, in qua occurrit Dedicatio propria in Festo S. Stephani, in Die Octava occurreret Dedicatio Cathedralis, nisi Festum dicti S. Stephani incidere in Feriam tertiam, quia celebraretur in Sabbato: vel nisi veniret in Feria quinta, & ibi fieret de S. Thoma sub ritu duplici, quia tunc transferretur ad Feriam secundam, ut diximus supra, & in Festo Dedicacionis fieret commemoratio de ejus die Octava.

*De Festo S. Joannis Apostoli,
& Evangelistæ.*

HIC est ille Joannes, de quo in hodierno Evangelio interroganti Petro: *Hic autem quid?* respondit Jesus: *Sic cum volo manere donec veniam, quid ad te?* At commendanda est Evangelistæ prudentia in corrigendis Fratribus, qui ex prædictis verbis Jesu interebant, quod Discipulus ille non erat moriturus. Ideoque Joannes fidelissimus testis de auditu, statim subdit, quod non dixit ei Jesus, *Non moritur*: ex quo sustulit Discipulorum opinionem, ut exponit D. Thomas in *Catena aurea*, cap. 21. in *Joan.* Et modestus Evangelista falsam corrigit illorum suspensionem de se, quod non esset moriturus, & ostendit alium fuisse sensum verborum Christi, ut explicat Cornelius à Lapide in *Joan.* d. cap. 21. vers. 24. Dum autem Jesus addit, *Quid ad te?* videtur tantum retundere velle curiositatem Petri interrogantis. Obiit ergo Joannes, & obiit hodie, ut Ecclesia docet in Martyrologio Romano sub hac die, ibi: *Apud Ephesum Natalis S. Joannis Apostoli. & Evangelistæ*: Quod autem naturali morte defunctus sit, passim tradunt Patres, inter quos S. Hieronymus, & cum eo tenet Ecclesia in hodiernis Breviarii Lectionibus, scilicet: *Confessus senio, sexagesimo octavo. post passionem Domini anno mortuus Ephesi, juxta eandem Urbem sepultus est.* Et ita refert etiam Tertullianus in *Libro de Anima*, apud Baronium in *Notation. ad Martyrolog. Roman. sub hac die*, videlicet: *Obiit & Joannes, quem in adventum Domini remansurum frustra spes erat.*

. Hoc Festum S. Joannis est præceptivum, cum obligatione audiendi Missam, & vacandi ab operibus servilibus. Celebratur autem sub ritu duplici secundæ classis, & in colore albo, cujus loco adhiberi

beri potest color aureus , si habeatur , ex ratione superius allata de colore rubeo in Festo S. Stephani . Piscara in *Prax. Cæremoniar. lib. 3. sect. 2. cap. 6. num. 4.* observat , quod Festum S. Joannis non habet Vigiliam , ut reliqui Apostoli , sed hoc provenit ex eo , quod Natalis Domini Festum sequitur , ut notat Innocepius III. in *cap. consilium , de obser. jejun.* Dum autem dixit Piscara quod reliqui Apostoli habent , non observavit , neque habere Vigiliam Festum SS. Philippi & Jacobi , eo quia occurrit intra tempus Pasquale , in quo non jejunatur : ideoque nil mirum , si propter Nativitatem Domini non jejunatur pro S. Joanne , dum propter lætitiā Dominicæ Resurrectionis non fit jejunium pro dictis duobus Apostolis . Ad Matutinum hujusce Festi , Invitatorium , Hymnus , Antiphonæ , Psalmi , & Versiculi Nocturnorum sumuntur ex Comuni Apostolorum : Lectiones verò cum suis Responsoriiis sunt propriæ . Ad Laudes Antiphonæ *Valdè honorandus est , &c.* & post Orationem Festi fit commemoratio Nativitatis , & S. Stephani . Ad Primam in Responso brevi dicitur Versus *Qui natus es de Maria Virgine :* & ad omnes Horas clauduntur Hymni cum *Jesu tibi sis gloria , &c.* Quod si hodie occurrat Dominica , nihil fit in Officio de ea , & ideo dicitur *vacans* .

Missæ verò in Festo S. Joannis est propria , in qua dicitur *Gloria* , secunda Oratio Nativitatis , & tertia S. Stephani , cum *Credo* . Licet autem sit hodie Festum Apostoli propriam Præfationem habentis , ex privilegio tamen Nativitatis , Præfatio erit de ea , nempe : *Quia per incarnati Verbi mysterium , cum suo Communicantes proprio , ut hodie præscribit Missale .* Si hodie occurrat Dominica , erit vacans , sed non quoad asperisionem Aquæ benedictæ , quæ ante Missam solemnem erit omnino facienda , juxta Cæremoniale Episcoporum *libr. 2. cap. 31. §. 3. pagin. 397.* Antiquitus in hac Missa dicebatur Præfatio , quæ erat propria hujusce Festi , & erat sequens , desumpta ex Libro Sacramentorum S. Gregorii Papæ , pagina decima , videlicet : *Verè dignum*

& iustum est, aquum & salutare, nos tibi semper, & ubique gratias agere, Domine Sancte, Pater omnipotens, aeternae Deus: Beati Apostoli tui & Evangelista Natalitia recensentes: Qui Domini Nostri Jesu Christi Filii tui vocatione suscepti, terrarum respuit patrem, ut posset invenire caelestem, adeptus in regno Caelorum sedem Apostolici culminis, quitantumvetitacarnalia contempserat genitoris: Quique ab Unigenito tuo sic familiariter est dilectus, & immensa gratia muneribus approbatus, ut eum idem Dominus in Cruce jam positus, vicarium sua Matri Virgini filium subrogaret: quatenus Beata Genitricis integritati, probati dilectique Discipuli virginitas deserviret. Nam & in Cæna mystica sacrosancto Convivio super ipsum vitam fontem aeternum, scilicet, pectus recubuerat Salvatoris. De quo perenniter manantia caelestis hauriens fluentia doctrina, tam profundis ac mysticis revelationibus est imbutus, ut omnem transgrediens creaturam, excelsa monte conspiceret, & Evangelica voce proferret, quod in principio erat Verbum, & Verbum erat apud Deum, & Deus, erat Verbum. Et ideo cum Angelis & Archangelis, &c.

Benedictio autem Episcopalis, de cuius prisco Ecclesiae more diximus supra in Missa Nocturna Nativitatis Dominicæ, hodie erat illa, quæ sequitur, & quam depromptimus ex dicto Libro Gregoriano, loco superius citato: Omnipotens Deus dignetur vobis per intercessionem Beati Joannis Apostoli & Evangelista benedicere, qui per eum arcana Verbi sui voluit Ecclesia revelare. Amen. Concedat vobis, ut quod ille Spiritus Sancti munera afflatus vestris auribus infudit, ejusdem Spiritus dono capere mente valeatis. Amen. Quo ejus documento de Divinitate nostri Redemptoris edocti, & amando quod tradidit, & exequendo quod iussit, ad dona pervenire mereamini, qua idem Jesus Christus Dominus Noster repromissit. Amen. Quod ipse prestare dignetur &c., cum reliquis, ut supra in Festo S. Stephani.

Ecclesia tamen Gallicana ante annos nongentos celebrabat hodie sub uno Festo solemnitatem duorum Apostolorum Jacobi & Joannis, ut habet Mabillonius in *Liturgia Gallicana*, lib. 3. pagin. 196. & ideo

ideo hac die recitabat in Missa sequentem propriam Præfationem utrique Apostolo communem, nempe: *Verè æquum & justum est, nos tibi gratias agere, & vota persolvere, Domine sancte, Pater omnipotens, æterne Deus. Quoniam tibi vivimus omnia opera tua, & in factura eorum te collaudant & benedicunt omnes Sancti tui & quos prædestinasti conformes fieri imagini Filii tui. In quo exaltatum est cornu salutis eorum; qui Nomen ejus, quod est super omne nomen; coram Regibus & Potestatibus hujus sæculi vbec libera confidentes, ipsius Domini Salvatoris exemplo per patibula panarum, de persecutoribus suis & diabolo triumpharunt: & corpora sua hostiam dantes Deo; pretiosa tibi morte ceciderunt. Ex quibus extant beatissimi Apostoli & Martyres tui Jacobus & Joannes, quorum Natalem hodie celebramus, obsecrantes misericordiam tuam, piissime, atque omnipotens Deus, ut eorum meritis suffragantibus, preces nostras propitius exaudias, per Dominum Nostrum Jesum Christum Filium tuum, qui est Sanctorum omnium virtus & gloria, victoria Martyrum & corona, Pastor Ovium, & Hostia Sacerdotum, Redemptio Gentium, & propitiatio peccatorum. Ante cujus sacramentum Sedem stant Angeli atque Archangeli, & sine cessatione proclamant, Sanctus, Sanctus, Sanctus.*

Prædictis duabus Præfationibus, Gregorianæ scilicet & Gallicanæ, quæ præcis temporibus dicebantur in Missa S. Joannis, aliam adjungimus, & itidem propriam, ac à superioribus diversam, sed breviorē, quam temporibus etiam nostris hodierna die recitant Ambrosiani: est autem sequens, ex particulari eorum Missali fideliter transumpta, videlicet: *Verè dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus: Beati Joannis Evangelista merita recolentes. Quam Dominus Jesus Christus non solum peculiari semper decore ornavit, sed & in Cruce positus, tamquam hereditario munere prosecutus, vicarium pro se Matri Filium clementer attribuit. Quem in tantum benignitas indulget præfecit, ut & factus ex Piscatore Discipulus, & humana dispensationis modum excedens, ipsam Verbi sui sine initio Deitatem præ ceteris*
& men-

et mente conspiceres, et voce proferres. Propterea cum Angelis et Archangelis, &c.

In hoc Festo S. Joannis, tamquam duplici secundæ classis, nulla cantari potest Missa Votiva, licet pro re gravi, sed si hac die forsan occurrat, cantetur Missa de Die, cum secunda Oratione Nativitatis, & tertia de S. Stephano, & quarta sit una ex illis Collectis, quæ currenti indigentia conveniet. Unica verò Missa solemnis pro Defunctis, in Die tamen Obitus & præsentis Corpore, potest hodie cantari, unica inquam, non plures, licet plura accedant Capitula. Quod autem dicitur de Die Obitus, non intelligitur extendum ad Anniversarium Defunctorum, de quo idcirco neque hac die, neque infra hanc Octavam Nativitatis tamquam privilegiatam erit Missa canenda. Attamen celebratio unicæ Missæ in quolibet Oratorio privato Indultum Apostolicum habente est hodie omnino permissa: De quibus omnibus fusè diximus supra in Festo S. Stephani.

Ubi verò S. Joannes fuerit Titularis Ecclesiæ, interius exteriusque ipsa Ecclesia exornabitur: & si Ecclesia sit Cathedralis, Episcopus utraque Vesperas peraget, & Missam cantabit Pontificalem, prout de ornatu, & de Pontificalium exercitio supra dictum est in Festo præcedenti. Ad Laudes autem & ad Missam, siue Titulus sit Parochialis, siue Collegiatus; siue Cathedralis, facta commemoratione de Nativitate, omittitur illa S. Stephani, quia in hoc casu Festum S. Joannis est duplex primæ classis, juxta Gavantum in *Thesaur. Sacror. Rit. tom. 2. sect. 6. cap. 6. num. 6.* Bauldryus in *Man. Sacrar. Cærimoniar. par. 4. cap. 2. num. 37.* Piscara in *Prax. Cærimon. lib. 3. sect. 2. cap. 6. numer. 5.* & iterum in *Cærimon. sua Relig. lib. 3. cap. 5. num. 4.* Infra Octavam verò S. Joannis Titularis, ex eadem ratione altioris ritus, fiet commemoratio de eo statim post illam Nativitatis. Quod si Festum S. Joannis venerit in Dominica, licet sit illa Dominica vacans, in Cathedralibus & Collegiatis etiam non dicatis S. Joanni, facienda erit aspersio Aquæ benedictæ, omit.

omittenda tamen ubi Episcopus Pontificaliter celebret, ex Cæremoniali Episcoporum *lib. 2. cap. 31. §. 3. & 4. pagin. 397. & 398.*

In secundis Vesperis de S. Joanne, Antiphonæ quidem & Psalmi dicuntur de Nativitate, sed Capitulum est S. Joannis, cum commemoratione Innocentium, & Nativitatis, ac S. Stephani, quæ ultima commemoratio omittitur in Ecclesia S. Joanni dicata. Quod si Festum SS. Innocentium sit alicubi Titulare, in illa Ecclesia post Antiphonas & Psalmos de Nativitate, Capitulum in hodiernis Vesperis erit de sequenti, nempe: *Vidi supra mentio Sion*, Hymnus verò de Landibus: *Salvete flores Martyrum*, Versiculus *Herodes iratus*, Responsorium *In Bethleem Juda*, & post eorum Orationem *Deus, cujus hodierna die præconium*, fiet commemoratio S. Joannis, & Nativitatis, sed non S. Stephani.

Non est tamen casus simpliciter imaginarius, quod hodie alicubi S. Joannes sit Titularis, & cras in eandem Ecclesia occurrat Dedicatio, nam in pluribus Cathedralibus hoc accidit: sic Aquilejensis in Forojulii die duodecima Julij agit de SS. Hermagora & Fortunato Titularibus, & die sequenti celebrat suam Dedicatorem: Sic Concordiensis in eodem Forojulii die tertia Augusti habet Festum Titulare Inventionis S. Stephani, & Dedicatorem die quarta ejusdem Mensis: Sic Passaviensis in Austria die quarta Augusti celebrat Translationem S. Valentini Titularis, & die sequentis agit de Dedicatorem: Sic Torcelli propè Venetias die decimaquinta ejusdem Augusti habet Titularem Assumptionem Beatæ Mariæ Virginis, & Dedicatorem die sequenti. Sicut igitur dantur multi casus hujusmodi, sic dari potest & iste hodiernus S. Joannis Titularis, & Crastinus Dedicatorem: Ibi itaque hodiernæ Vesperæ quoad Antiphonas & Psalmos erunt proculdubio de Nativitate, sed Capitulum de Dedicatorem tanquam de digniori, cum commemoratione S. Joannis Titularis, & Nativitatis, non tamen S. Stephani; & de SS. Innocentibus fiet alia die, ut infra.

At si

At si in hoc Festo S. Joannis occurrat alicubi Dedicatio Ecclesiæ, agetur hodie de ea, cum sola commemoratione Nativitatis in Laudibus & in Missa; cantantur tamen duæ Missæ, juxta ea, quæ diximus supra in Festo S. Stephani. In secundis Vesperis de Nativitate, Capitulum erit de eadem Dedicatione, cum commemoratione prius de SS. Innocentibus, deinde de Nativitate, omiſſa illa de S. Stephano. Festum verò S. Joannis erit transferendum: sed in quam diem? Gavantus diceret, quod regulariter celebrandum erit in ejus Die Octava, prout dicit de SS. Innocentibus *scm. 2. sect. 6. cap. 6. num. 11.* sed Bauldryus, omisso ly *regulariter*, absolute ad Diem Octavam illud transfert in *Man. Sacrar. Cæremoniar. par. 4. cap. 2. num. 38.* Ego autem dico, quod supra dixi de Festo S. Stephani, posse scilicet transferri modò infra Octavam Nativitatis, modò ad ejus Diem Octavam, & modò extra totam ejus Octavam, juxta Feriarum occurrentiam. Idcirco si hoc Festum S. Joannis occurrerit in Dominica, vel in Feria secunda, tertia, quinta, aut in Sabbato, certum est, quod erit transferendum ad ejus Diem Octavam, unde bene diceret Gavantus, si *regulariter* diceret, quia reverà dies trigesima est impedita Officio Dominicæ infra Octavam Nativitatis, quæ licet plerumque non sit dies Festivus, est tamen assignatus tamquam fixus pro illa Dominica, quæ more aliarum Dominicarum non recipit Festum translatum licet primæ classis, sed tantum duplex occurrens.

Si verò dictum Festum S. Joannis venerit in Feria sexta, Gavantus reponeret in Feria secunda, translato ad aliam diem non impeditam Festo S. Thomæ, quod in hoc casu occurrebat heri in Dominica, ea ratione, quia de duobus translatis dignius est primo loco celebrandum: ut ipse tenet loco citato, *sub num. 11.* Attamen, quod supra diximus de Festo S. Stephani transferendo, idem prorsus dicendum de repositione S. Joannis translati, & consequenter agendum de eo in ejus Die itidem Octava: nisi ubi occurrit Dedicatio in casu proposito, fieret

fieret de S. Thoma sub ritu duplici, quia sicuti celebraretur in Dominica, sic Feria secunda esset libera, & locum daret repositioni S. Joannis, nam alioquin ageretur in illa Feria secunda de die infra Octavam Nativitatis, ut pro parte Canonicorum Lateranensium respondit Sacra Rituum Congregatio sub die 1. Martii 1681. ad septimum Dubium. Si denique inciderit in Feriam quartam, proculdubio fiet de dicto S. Joanne translato in Sabbato, quod non est impeditum, nisi ab Officio de die infra Octavam admittente Festa translata.

At quia diximus, quod dari potest casus reponendi dictum Festum translatum S. Joannis extra totam ejus Octavam, videndum est qualem sit iste casus. Sicuti igitur occurrere potest Dedicatio Ecclesie particularis in dicto Festo S. Joannis, sic potest in eadem Civitate occurrere Dedicatio Cathedralis in Die Octava, vel è contra, occurrere Dedicatio Cathedralis in ipso Festo, & particularis in Die Octava. Insuper potest in aliqua Civitate occurrere Dedicatio Cathedralis in dicto Festo, & simul habere Octavam, sive ex immemorabili consuetudine, sive ex speciali Indulto Apostolico, cum ceteroquin hoc tempore non fiant Octavae, nisi istae universales. Sive igitur in Die Octava S. Joannis occurrat Dedicatio, sive Dies Octava Dedicationis, semper Festum S. Joannis erit transferendum extra totam Octavam in praedictis casibus, in quibus diximus reponendum esse in ejus die Octava.

S. VIII.

De Feflo SS. Innocentium
Martyrum.

ANtiqua fanè Sanctorum Innocentium Festivitas eſt; ſiquidem D. Auguſtinus pluribus in locis eos tamquam verè Martyres laudibus proſequitur, quia, inquit P. Thomaffinus *de Dier. Feſtor. celebrat. lib. 1. cap. 6. numer. 3. fortasſè optime noverat, eos ab Eccleſia coli*. Quod etiam probatur ex vetuſtiſſimo Kalendario Carthagenenſi, relato à P. Mabillonio *Veter. Analector. tom. 3. ubi habetur: V. Kal. Jan. Sanctorum Infantum, quos Herodes occidiſt*. Ad quæ verba notat Mabillonius: *Ex hoc loco patet antiquitas huius Feſti: ſed longè antiquior ejus mentio apud Origenem in Homil. 3. in Matth.*

Licèt autem hodie celebret Eccleſia hoc Feſtum, non tamen hodie occiſi ſunt Sancti Innocentes, ſed idèò celebrat mox à Nativitate, quia propter Chriſtum fuerunt occiſi, ut Nativitatem Chriſti iſdem condecoraret & exornet. Cæterùm ab Herode occiſi ſunt, cùm Chriſtus ageret annum ætatis ſecundum, in Vere, & in Martio. Cur autem Herodes diſtulerit hoc Infanticidium uſque ad ſecundum annum ab ortu Stellæ & Chriſti, Abulenſis apud Cornelium à Lapide *in Matth. cap. 2. verſ. 16. cenſet*, Herodem deſcriptos priùs voluiſſe parvulos cum nomine & ætate, ne quis à Matre abſconderetur, & necem evaderet; quod eſt probabile, nam ſecuta huiusmodi deſcriptione, juffit occidi Infantes à bimatu & infra, ſecundùm tempus, quod exquiſierat à Magis: niſi enim multum temporis conſumpſiſſet in formatione talis catalogi, non erat opus exprimere in juffione bimatum.

Tres autem ſunt ſententiæ ſuper tèxtum Hieremias loquentis de Rachele Filios ſuos plorante, & con-

115

116

117

consolari nolente, quia non sunt. Prima igitur explicat de cæde Beniaminitarum ob vim illatam uxori Levitæ, ut habetur *Judic. 20*. Secunda verò exponit de lāmentatione Matrum in excidio Hierosolymæ per Titum. Tertia denique interpretatur de captivitate, vel Babylonica duarum tribuum, vel Assyriaca decem tribuum. At Cornelius à Lapide addit quartam & veram in *Hierem. cap. 31. vers. 16*. dicit enim, Hieremiam loqui ad litteram de plantu Matrum Bethlehemitarum ob Infanticidium Herodis. Enimverò, cum in hodierno Evangelio Matthæus tam constanter dicat: *Tunc adimpletum est, quod dictum est per Hieremiam Prophetam dicentem, &c.* quomodo potest hæc Prophetia attribui diverso eventui? S. Augustinus diceret de Matthæo, quod dixit de Joanne, *tract. 1. in Jo. circa medium, Crede ergo Evangelista.*

Hi Sancti Innocentes, quia in odium Christi ab Herode occisi sunt, verè sunt Martyres, & ut tales ab Ecclesia coluntur, ac Festo celebrantur. Martyres tamen sunt ex gratuita & liberali Dei ordinatione, ut ait Cornelius à Lapide in *Matth. cap. 2. vers. 16*. Calvus etiam in Libro Italicè conscripto, cui titulus, *Trattamento Istórico sopra i Santi Vangelij, lib. 3. cap. 6.* dicit, quod hi Infantes ab Herode occisi, ab Ecclesia coluntur inter Martyres, non quia his acceleraretur usus rationis, unde mortem voluntate religiosa acceptarent, neque quia Filiorum incapacitati suppleret Genitorum fides & devotio, cum illis mortibus universaliter Matres & Patres repugnarent: sed quia Dominus Noster Jesus Christus illas Victimæ acceptavit, quæ à Barbaro fuerunt mactatæ in ejus odium: & fuerunt Martyres ex privilegio. *Hæc Calvinus.*

Hoc Sanctorum Innocentium Festum est præceptivum, cum obligatione audiendi Missam, & vacandi ab operibus servilibus. Celebratur autem sub ritu duplici secundæ classis, sed in colore violaceo, cujus loco non est adhibendus color aureus, quia iste est color festivus & lætus, unde non videtur absolutè substituendus pro violaceo in diebus affli-

82. D E O C T A V A

ctionis, quorum unus est sanè hodiernus, quamvis aliquod ornamentum ex auro decentissimè etiam parentis violaceis superponatur, ut ait Quartus in *Commentar. ad Rubric. Missal. par. 1. tit. 18. dub. 2. pag. mihi 116.* Duplici verò ex causa utimur hodie hoc violaceo colore. Prima oritur ex parte Matrum Filios suos ab Herode occisos tali voce plorantium, ut usque Rhamam audita sit; de quarum Matrum lamentatione egregiè S. Augustinus *serm. 1. de Innocen.* Secunda verò causa provenit ex parte ipsorum Infantium, de quibus Micrologus *cap. 36. Merito*, inquit, *passio Sanctorum Innocentium minus festivè celebratur, quia licet Martyrio coronati, nondum tamen ad gloriam, sed ad infernalem pœnam discesserunt: ad infernalem pœnam, scilicet, descenderunt in Limbum, ut habet Gavantus in Thesaur. Sacror. Rit. tom. 1. par. 4. tit. 4. num. 9.* ibi enim expectarunt post mortem Christi.

Quoad Matutinum in hoc Festo SS. Innocentium, 120
Invitatorium est de Communi plurimorum Martyrum *Regem Martyrum Dominum*; sed Hymnus est proprius *Audit tyrannus anxius*: Antiphonæ verò, Psalmi, & Versiculi Nocturnorum sumuntur ex eodem Communi: In tertio tamen Nocturno secunda Antiphona est propria, *Isti sunt, qui venerunt ex magna tribulatione*, & valde convenit, sicuti non conveniret illa de Communi *Tradiderunt corpora sua in mortem, ne servirent Idolis*, quia SS. Innocentes, non loquendo, sed moriendo confessi sunt. Lectiones autem omnium & trium Nocturnorum sunt omnes & novem propriæ cum suis Responsoris. Non dicitur *Te Deum*, est enim Hymnus lætus: sed ejus loco recitatur novum Responsorium, est enim mœstum, & quadrat Festo.

Ad Laudes hujus Officij sunt propriæ omnes Antiphonæ *Herodes iratus*, sed Capitulum est *Vidi supra montem Sion*, in quo Capitulo nominantur centum quadraginta quatuor millia, ex quo aliqui opinionem traxerunt tot fuisse parvulos ab Herode occisos: sed revera Ecclesia hoc ponit, ut ostendat magnum fuisse & penè innumerum numerum occiso- 121
rum,

rum, qui sanè grandis censendus est, dum non solum in Bethlehem, sed in omnibus finibus ejus occisi fuerunt omnes parvuli, Hymnus ad Laudes magnificus & elegantissimus dicitur à Grancolas in *Commentar. ad Breviar. Roman. cap. 20. pag. 230.* & compositus fuit à Prudentio, quem ad rem laudat etiam Cornelius à Lapide in *Matth. cap. 2. vers. 16.* ubi ex eodem Hymno suam confirmat opinionem, quod Innocentes occisi sint in Vere, quasi verni Flores à Terra Bethlehemitica Solis Justitiæ radiis tepescata producti, & Christo Nazaræno, idest florido oblatis: unde canit Prudentius; *Salvete, Flores Martyrum, quos lucis ipso in limine Christi insecutor sustulit, seu turbo nascentes Rasas.* Oratio est itidem propria, *Deus, cujus hodierna die præconium, &c.* quam omnium ferè pulcherrimam, elegantissimam, atque optimè expressam jure merito vocat Grancolas loco superius citato. Post Collectam Festi fit commemoratio Nativitatis, & S. Stephani, ac S. Joannis, ut in Breviario. Ad Primam in Responso breviter dicitur Versus *Qui natus es de Maria Virgine; & ad omnes Horas Clausula Hymnorum est Jesu tibi sit gloria, &c.* Reliqua habentur proprio in Breviario.

Quotiescumque hoc Festum inciderit in Dominicam, illa erit semper vacans, quia hodie nullum habet Officium Dominicale, sed ejus ratione aliquid retinent distinctum Sancti Innocentes ob lætitiâ Resurrectionis, quæ in qualibet Dominica representatur: ideoque in Choro deposita mœstitia coloris violacei, assumitur color rubeus: & ad Matutinum loco noni Responso dicitur Hymnus festivus *Te Deum laudamus:* attamen in hoc casu ad octavum Responso *Vidi sub altare Dei* additur *Gloria Patri*, cum repetitione Versiculi *Vindica, Domine.*

Missâ hodierna est propria, in colore violaceo celebranda: & dicitur sine *Gloria in excelsis*, tum ratione coloris violacei, tum etiam noni Responso, nam ubi color violaceus & nonum Responso in Officio; ibi numquam *Gloria* in Missâ, ex Rubrica

brica Missalis tit. 8. de Introitu, &c. sub num. 3. & 4. Ubi autem non dicitur *Gloria*, neque dicitur *Ite missa est* in fine Missæ, sed *Benedicamus Domino*. Post Orationem Festi dicuntur aliæ tres sub unica conclusione, nempe Nativitatis, & S. Stephani, ac S. Joannis. In fine Epistolæ, lecto Graduali, & omisso *Alleluja* cum Versiculo sequenti, dicitur statim Tractus *Effuderunt sanguinem Sanctorum*. Symbolum verò dicitur in hac Missa ratione aliarum Octavarum, non tamen SS. Innocentium, ut clarè patet ex eorum Die Octava,* ubi Rubrica expressè habet, quod non dicitur *Credo*. Præfatio verò est de Nativitate *Quia per incarnati Verbi mysterium*, cum suo *Communicantes* proprio.

Ambrosiani, etiam nostris temporibus, recitant, paucis tantùm immutatis verbis, & retento omninò sensu, Præfationem propriam huic Festo SS. Innocentium convenientem, quæ ex veteri Ecclesiæ consuetudine dicebatur in hac Missa, & habetur in Libro Sacramentorum S. Gregorii Papæ, pag. 12, ex quo loco desumpta erat sequens, nempe: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æternæ Deus: Et in pretiosis moribus Parvulorum, quos propter Nostri Redemptoris infantiam bestiali savitia Herodes funestus occidit, immensa clementia tua donapradicare. In quibus fulget magis gratia quàm voluntas, & clara est prius confessio quàm loquela, ante passio quàm membra idonea passioni. Existunt testes Christi, qui ejus nondum fuerunt agnitores. O infinita benignitas! O ineffabilis misericordia! qua pro suo nomine trucidatis meritum gloria perire non patitur, sed proprio cruore persusus & salus regenerationis adhibetur, & imputatur corona Martyrii. Et ideo cum Angelis & Archangelis, &c.*

Benedictio verò Episcopalis, qua olim utebatur Ecclesia hac die, & quæ reperitur per extensum in memorato Libro Sacramentorum S. Gregorii, loco superius citato, sequenti formula concipiebatur, videlicet: *Omnipotens Deus, pro cuius Unigeniti veneranda infantia, infantium Innocentium cæteras Herodis fustigi*

• *neſti peremis ſavitia, ſua vobis Benedictionis tribuat dona gratiſſima. Amen. Et qui eis conceſſit, ut unicum Filium ejus Dominum Noſtrum non loquendo, ſed moriendo conſecrerentur, concedat vobis ut Fidem veram, quam lingua veſtra ſateſtur, etiam mores probi & vita inculpabilis fateantur. Amen. Quique eos primitivum fructum ſancta ſua ſuſcepit Eccleſia, cum fructu bonorum operum vos faciat pervenire ad gaudia aterna Patria. Amen. Quod ipſe praſtare dignetur, &c. cum reliquis, ut ſupra in Miſſa S. Stephani.*

Sed & Eccleſia Gallicana ſuam in hoc Feſto habebat Praefationem propriam à Gregoriana diverſam. Cenſemus autem fore gratum Lectori, ſi & ipſam extendamus vetuſtate venerandam, quam cæteroquin refert Mabillonius in *Liturg. Gallic. pag. 199. lib. 3.* Erat igitur ea, quæ ſequitur, ſcilicet: *Verè dignum & juſtum eſt, nos tibi ſemper, & ubique gratias agere: Pro his præcipuè, quorum hodierno die annua Feſtivitate recolentes memoriam paſſionis celebramus: Quos Herodianus Satelles lactantium Matrum uberibus abſtraixit: Qui jure dicuntur Martyrum flores, qui in medio frigore infidelitatis exorti, veluti primas erumpentes Eccleſie gemmas quadam perſecutionis pruina diſcuſſit, rutilante Fonte in Bethlehem Civitate. Infantes enim, quia ætate loqui non poterant, laudem Domini cum gaudio (forti, gladio) reſonabant. Occiſi prædicant, quod vivi non poterant. Loquuntur ſanguine, quod lingua nequiverunt. Conſulis his Martyrium laudem, quibus abnegaverat lingua ſermonem. Pramittis infantes infans Chriſtus ad Cælos, tranſmittis nova exenia Patri, primitias exhibit Genitori Parvulorum prima Martyria, Herodis ſcelere perpetrata. Praſtat hoſtis corpori dum nocet, beneficium tribuit dum occidit. Moriendo vivitur, eadendo reſurgitur, victoria per interitum comprobatur. Pro his ergo beneficiis, & pro præſenti Solemnitate, immenſas pietati tuae gratias referentes, potius quàm rependentes, cum ſanctis Angelis, & Archangelis, qui Unum te Deum dominantem, Diſtinctum nec diviſum, Trinum nec triplicem, Solum nec ſolitarium, conſona laudamus voce, dicentes: Sanctus, Sanctus, Sanctus.*

Si hoc Feſtum SS. Innocentium venerit in Do-

minica, cæteroquin vacante, color in Missa erit rubeus, ex Rubrica Missalis *sir.* 18. *de Color. Paramen. sub num.* 3. & in hoc casu inserviet color aureus ubi habetur, ut supra diximus in Festo S. Stephani. Dicitur *Gloria in excelsis*, & Graduale cum *Alleluja*, ac Versu sequenti, sine Tractu, & cum *Re missa est* in ejus fine, ut patet ex Rubrica in hoc Festo. Ante Missam tamen solemnem fiet aspersio Aquæ benedictæ, tam in Cathedralibus quàm in Collegiatis, sed ubi Episcopus Pontificaliter celebraverit, omititur dicta aspersio, ex Cæremoniali Episcoporum *lib.* 2. *cap.* 31. §. 3. & 4. *pag.* 397. & 398. Piscara verò distinguit Festum in Dominica à Festo extra Dominicam, nam quando venit in Dominica, ordinat Missam cantatam: quando verò occurrit extra Dominicam, expressè dicit, quod non cantatur Missa solemnis, ut videre est in *Cærem. sua Relig. lib.* 3. *cap.* 5. *num.* 7. & 8. & censeo sic ordinare, ut in colore violaceo non audiat cantus huic Die mœstissimo non conveniens: audiat autem in colore rubeo ratione Dominicæ lætitiæ præferentis. Attamen generaliter loquendo, Missa canenda, ubi est solitum, & quidem cum Ministris Dalmatica & Tunicella indutis, sive occurrat Dominica, sive non.

Nulla tamen in hoc Festo SS. Innocentium, tamquam duplici secundæ classis, canenda est Missa Votiva, quamvis pro re gravi: sed si hac die alicubi forsan occurrat, cantetur Missa de Die, cum secunda Oratione Nativitatis, tertiâ de S. Stephano, quarta de S. Joanne, quinta verò sit una ex illis Collectis, quæ currenti indigentia conveniat. Unica tamen Missa solemnis pro Defunctis, in Die quidem Obitus & præsentis Corpore potest hodie cantari: unica, inquam, non plures, licet plura accedant Capitula. Quod autem dicitur de Die Obitus, non intelligitur extensum ad Anniversarium Defunctorum, de quo idcirco neque hac die, neque infra hanc Octavam Nativitatis tamquam privilegiatam, erit Missa canenda. Attamen celebratio unice Missæ in quolibet Oratorio privato Indultum

Apo-

Apostolicum habente est hodie omnino permiffa: De quibus omnibus fusè diximus fupra in Feflo S. Stephani, ubi & rationes reddidimus.

Ubi autem SS. Innocentes funt Titulares Ecclefiæ, ficuti ibi eft magna Solemnitas, fic removenda omnis mœftitia; nihil enim fpectat ad planctum, ubi totum eft ad gaudium: ideoque depofito colore violaceo, affumendus eft rubeus, imò & aureus, qui plus habet Feflivitatis, & pro rubeo infervit, ut fupra diximus in Feflo S. Stephani. Ad Matutinum loco noni Refponforii dicendus eft Hymnus *Te Deum*, addito idcirco *Gloria Patri* ad octavum Refponforium, cum repetitione Verficuli *Vindica, Domine*, ficuti fit, quando hoc Feflum occurrit in Dominica. Ad Laudes verb. poft Orationem Diei fit commemoratio Nativitatis, fed non S. Stephani, neque S. Joannis: ita & in Miffa, in qua dicitur *Gloria in excelsis*, & poft Graduale dicitur *Alleluja* cum fuo Verfu fequenti, omiffio Tractus: Ita enim fentit, & benè fentit Gavantus in arte peritus; & hujus opinionis Auctor in *Theaur. Sacror. Rit. tom. 2. fefl. 6. cap. 6. num. 7.* cui fubfcribit Bauldryus in *Man. Sacrar. Cæremoniæ. par. 4. cap. 2. num. 37.* Ratio autem Gavanti eft, quia fi hæc conceduntur Dominicæ, in qua non eft dolendum, cur dolemus in Feflo Titularis Ecclefiæ folemni?

Prædicta opinio Gavanti mœftitiam excludentis in Ecclefiâ SS. Innocentibus dicata, mihi magis probatur, quia fi die vigefima quinta Aprilis terminetur Proceffio Litaniarum ad Ecclefiâ S. Marci, non cantant ibi Miffa de Rogationibus in colore violaceo, ne contaminetur Solemnitas, fed Miffa feftiva de S. Marco in colore rubeo: ergo à pari (quia in in utroque cafu agimus de Titulari) in Ecclefiâ SS. Innocentium non eft adhibendus color violaceus neque dicenda in Officio & Miffa quæ fpectant ad mœrorem, ne minor fiat Solemnitas. Præterquàm quod Cæremoniæ Epifcoporum *libr. 1. cap. 12. §. 3. pagin. 73.* præfcribit & defcribit ornatum Ecclefiæ intus & foris faciendum in folemnioribus ejufdem Ecclefiæ Feflivitatibus, ex quibus unam &

quidem principaliorem esse illam Titularis nemo est qui neget. Quomodo ergo simul stabunt ornatus festivus Ecclesiæ, & color violaceus, sine *Te Deum*, sine *Gloria*, sine *Alleluja*?

Imò quæ superius dicta sunt de SS. Innocentibus uti Titularibus, cenfeo ea prorsus servanda, in illa Ecclesia, in qua habetur aliquod eorum Corpuscultum, aut insignis Reliquia, nam & ibi est Solemnitas, quæ non videtur contaminanda cum colore lugubri, qualis est violaceus; ideoque si ubi est solemnitas, ibi est lætitia, ergo ibi agendum quod de Titulo, quod de Dominica diximus: præsertim quia multæ Ecclesiæ solent ratione Corporis vel insignis Reliquiæ prævenire Festum cum festiva campanarum pulsatione, & solemnizare cum magno exteriori interiorique ornatu, cum Processione & apparatu viarum. Et quamvis Bauldryus in *Man. Sacrar. Caremoniar. par. 4. cap. 2. num. 38.* dicat, quod licet habeatur aliquod Corpuscultum, vel insignis eorum Reliquia, nihilominus adhibenda sint Paramenta violacea, addit tamen statim, *nisi aliter à Majoribus ordinetur, aut nisi sit alia laudabilis consuetudo cum concursu Populi, quia tunc videtur conveniens, ut fiat Officium in Paramentis rubeis, cum reliquis quæ sapiunt lætitiā.*

In secundis Vesperis de SS. Innocentibus, Antiphonæ sunt *Tegum principium*, cum Psalmis de Nativitate: sed à Capitulo fit de Festo SS. Innocentium, cum commemoratione S. Thomæ, & trium Octavarum. Quod si cras occurrat Dominica infra Octavam Nativitatis, loco commemorationis S. Thomæ, fit commemoratio Dominicæ, & trium Octavarum. Ubi autem S. Thomas est duplex minus, prout est in tota Congregatione Canonicorum Regularium Lateranensium, si in eo occurrat Dominica, in hodiernis Vesperis fit prius commemoratio S. Thomæ, deinde Dominicæ, & postea trium Octavarum. At quid agendum, si alicubi Festum S. Thomæ sit duplex secundæ classis? In Vesperis de Nativitate dicerem Capitulum de S. Thoma, ut in ejus communi, & facerem commemorationem

non

non solum SS. Innocentium, & Nativitatis, sed etiam S. Stephani, & S. Joannis, quia ita sit infra Octavam Nativitatis in aliis Festis duplicibus secundæ classis etiam præceptivis. Dicerem autem Capitulum de S. Thoma, quia si SS. Innocentes non loquendo sed moriendo confessi sunt, S. Thomas confessus est & loquendo & moriendo, unde dignior videtur Martyr, & consequenter distinguendus à Capitulo in his Vesperis. At ubi S. Thomas est Titularis (ut est Patavii in Ecclesia Congregationis Oratorii S. Philippi Neri) ibi dato Capitulo S. Thomæ Titulari, & facta prius commemoratione de SS. Innocentibus, deinde de Nativitate, nihil fit de S. Stephano, & de S. Joanne. In Ecclesia verò SS. Innocentibus dicata, omittitur itidem commemoratio S. Stephani, & S. Joannis. Ubi autem SS. Innocentes sunt Titulares, si in eadem Ecclesia cras agendum sit de Dedicatione propriæ, vel Cathedralis Ecclesiæ, etiam ibi Capitulum erit de sequenti, quia cum Dedictio sit Festum Domini, locum habere debet à Festo Servorum Domini.

Si tamen in hoc Festum SS. Innocentium incidat alicubi Dedictio Ecclesiæ (quam occurrentiam affert Gavantus tom. 2. sect. 6. num. 11.) Officium & Missa erunt quidem de ea, cum sola commemoratione Nativitatis, sed canentur duæ Missæ, juxta ea, quæ supra diximus in Festo S. Stephani: & in secundis ejus Vesperis post Antiphonas & Psalmos de Nativitate, Capitulum erit de Dedicatione, cum commemoratione S. Thomæ, quæ tamen ex superius dictis poterit in solemnibus omitti: deinde fiet commemoratio Nativitatis, sed non aliarum Octavarum. Festum verò SS. Innocentium regulariter transferendum erit ad ejus Diem Octavam, ut bene notat Gavantus loco citato, & cum eo Bauldryus in Man. Sacrar. Ceremoniar. par. 4. cap. 2. num. 38. licet iste loquatur absolute, quasi nullus detur casus, in quo reponendum sit infra Octavam Nativitatis, cum etiam alius dari possit, in quo transferatur extra totam Octavam.

Supposita igitur dicta occurrentia Dedicationis Eccle-

diximus, & consequenter cum *Credo* in Missa. Quod quidam Symbolum dicendum esset etiam in Ecclesia, in qua asservaretur aliquod SS. Innocentium Corpusculum, vel insignis Reliquia, nam translatio extra totam Octavam non tollit jus acquisitum vigore Rubricæ *tit. 11. de Symbolo*, in qua dicitur: *Ubi habetur Corpus vel insignis Reliquia Sancti, de quo agitur.* Cum igitur de SS. Innocentibus nihil actum sit infra totam eorum Octavam, ut præsupponitur, eo die, quo celebratur Festum, celebrari debet cum omni jure, quod ei convenit.

S. IX.

De Festo Sancti Thomæ Episcopi, & Martyris.

Hic est ille Episcopus, qui voluit esse Martyr, ne Ecclesia pateretur. Aperuit Templi ostium, ut citius sibi aperiretur janua Cœli. Secutus est exemplum Christi Magistri verus Discipulus. Dixerat Christus in Horto Militibus: *Sinite hos abire.* Dixit Thomas in Ecclesia, nefariis Satellitibus. *Cavete, ne cupiam meorum regentis.* Tandem gladiis impiorum occubuit. Interemptus in Ecclesia, vivit inter supernos Choros. Vespere autem facto captus est Jesus. Vespertinis Horis Thomas operam dando, occisus est, sed *relictis hisce Festis, transit ad celebritatem Angelorum.* S. Dionysius, qui paulò ante audiverat orantem, paulò post obviam ivit triumphanti. Itaque Alexander Tertius, qui exceperat benignè profugum in Terris, declaravit Sanctum permanentem in Cœlis. Gaudeat igitur Ecclesia de suo Defensore, quem agnoscit Propugnatorem gloriosum. Relatus fuit solemniter inter Sanctos Feria quarta Cinerum 1173. cum ipse cæteroquin obiisset anno

138

1170. Triennium vix incæptum, fuit fatis ad ejus sanctitatem declarandam, quia fatis fuerunt Miracula ad eum reddendum illustrem.

Hoc Festum S. Thomæ celebratur sub ritu semiduplici in colore rubeo. Quoad Officium, Matutini, Invitatorium, Antiphonæ, Psalmi, & Versiculi Nocturnorum sumuntur ex Communi unius Martyris, ex quo etiam Lectiones primi Nocturni incipientes *A Mileto*, quæ omnibus conveniunt & solis Martyribus simul & Pontificibus, si dicendæ sint, ut in hoc Festo. In secundo verò, & tertio Nocturno Lectiones sunt propriæ in Breviario. Ad Laudes omnia itidem dicuntur, ut in eodem Communi, & post Orationem propriam Festi, fit commemoratio quatuor Octavarum, sine Suffragiis Sanctorum, quæ si omittuntur infra Octavas communes, vigore Rubricæ tit. 35. sub numer. 1. eo magis omittenda sunt infra hanc Octavam privilegiatam. Ad Primam in Responsorio brevi dicitur Versiculus *Qui natus es de Maria Virgine*, sine Prebus Dominicalibus, cum nequedicantur infra Octavas non privilegiatas, ut habet Rubrica titul. 34. sub numer. 2. Hymni tamen omnium Horarum clauduntur cum strophe *Jesu tibi sit gloria, &c.*

Missæ S. Thomæ est propriâ, in qua dicitur *Gloria*, sunt commemorationes quatuor Octavarum, recitatur *Credo*, cum Præfatione & *Communicantes* de Nativitate. Ex occasione hujus Festi semiduplicis, notandum est ad eruditionem, quod in *Libro Sacramentorum S. Gregorii Pape*, pag. 228. habentur nonnullæ *Apologia*. Est autem hoc loco *Apologia* excusatio, & purgatio, qua Sacerdos excuset se, eo quod indignus ad tam veneranda & tremenda mysteria accedat, ut ait Hugo Menardus in *Notis eruditissimis ad dictum Librum Sacramentorum*, Nota 786. Unam igitur, vel alteram ex dictis *Apologiis* recitabat antiquitus Sacerdos in Missa ante Offertorium: & forsan inserviebat pro illa Oratione, quam modo nos dicimus pro tertia ad libitum in quibusdam Festis semiduplicibus, de quibus loquitur Rubrica Missalis tit. 9. de Orat. sub num. 2. & inscribitur

Pre

Pro seipſo Sacerdote. Sequentem ponimus per extenſum, in gratiam veteris conſuetudinis, ſcilicet: *Ante oculos tuos, Domine, reus conſcientia teſtis aſſiſto. Rogare vix audeo, quod impetrare non mereor. Tu enim ſcis, Domine, omnia, qua aguntur in nobis. Erubeſcamus conſiteri, quod per nos non timemus admittere. Verbis tibi tantum obſequimur, corde mentimur: & quod velle nos dicimus, nolle noſtris actibus approbamus. Parce, Domine: conſitentibus ignoſce. Pec- cavimus, miſerere, te rogamus. Et quia in Sacramen- tis tuis meus ſenſus infirmus eſt, preſta quaſumus, ut qui ex nobis duri cordis verba non ſuſcipis, per te no- bis veniam largiaris. Per Dominum, &c.*

Neque hodie in Feſto S. Thomæ, neque cras di- ci poſſunt Miſſæ votivæ privatæ, aut pro Defun- ctis, quas infra hanc Octavam Nativitatis prohibuit *Sacra Rituum Congregatio, ſub die 25. Septemb. 1706. & confirmavit huiusmodi prohibitionem anno 1714. ſub die 15. Septembris, approbante Clemente Unde- cimo die 29. ejuſdem Menſis & Anni.* Itaque non ſunt ampliùs quoad hoc ſequendi illi Auctores, qui cùm ante Decretum dictarum Miſſarum prohibiti- vum ſcripſerint, eas infra hanc Octavam admife- runt, prout debebant, inter quos Gavantus *tom. 1. par. 1. tit. 4. numer. 3. ſub lit. O. circa fin. & ite- rum d. par. tit. 12. num. 4. lit. d.* ac etiam Guye- tus in *Heortolog. lib. 4. cap. 21. quaſt. 14.* In eodem tamen Decreto ut ſupra confirmato conceduntur Miſſæ Votivæ ſolemnes pro re gravi infra hanc eandem Octavam celebrandæ: ſed præſcribitur, ut in eis dicatur Præfatio juxta Rubricam generalem *titul. 12. ſub num. 4.* Ex qua Rubrica nescio quo- modo inferat Præſationem Nativitatis Piſart *de Ca- reman. Eccleſ. pag. 12.* & poſt Turrin. in *Diſſor. Sa- crifican. pag. 211.* cùm præcitata Rubrica ſic ha- beat: *In Miſſis Votivis dicitur etiam Præfatio propria, ſi propriam habeant:* ergo Præfatio Votivæ propriam habentis, non neceſſariò & illativè Nativitatis di- cenda eſt.

In dictis Votivis Miſſis ſolemnibus propriam ha- bentibus Præſationem dicitur nihilominùs *Commu-*

nican.

141

142

nicantes de Nativitate : non sunt enim ita simul hæc duo conjuncta , ut unum manere non possit sine alio : & hoc legitimè inferitur ex Decreto Sacrae Rituum Congregationis de die 28. Augusti 1627. in quo dicitur , quòd separari potest & debet *Communicantes* à sua Præfatione infra illam Octavam Ascensionis : & ratio est ; quia *Communicantes* habet infra illam Octavam quasi rationem de tempore , ait Gavantus tom. 1. tit. 12. num. 3. lit. g. Et quod in Missis Votivis , propriam Præfationem habentibus , & infra Octavam etiam Nativitatis celebrandis dici debeat *Communicantes* de Octava , expressè tenet Guyetus in *Heortolog. lib. 4. cap. 21. quæst. 14. vers. Ad casum* , & hoc , licet non solum non dicatur Præfatio Nativitatis , sed neque fiat ejus commemoratio , quia Votivæ non correspondent Officio , ut dicit Rubrica Missalis tit. 13. sub num. 5. & benè notat Quartus in *Commentar. ad Rubric. Missal. par. 1. tit. 4. dub. 1. pag. 49. juxta editionem Veneram de Anno 1727.* ubi addit , quod commemorationes , quæ omitti non possunt , fiunt in altera Missa Conventuali , seu de Die. Sic Rhodigii in Dialecto Adriensi , ubi Episcopus residet ratione sanioris aeris , die trigesima prima Decembris cantatur ex Voto Civitatis Missa Votiva de Beata Maria ad Altare SS. Rosarii in Ecclesia Patrum Prædicatorum , & in dicta Missa dicitur quidem Præfatio *Et te in Festivitate* , sed *Communicantes* Nativitatis.

Potest etiam in hoc Festo S. Thomæ cantari una Missa pro Defunctis in Die Obitus , præsentè Corpore : non tamen in Anniversario Defunctorum , quia cum hæc Octava Nativitatis sit privilegiata , infra hujusmodi Octava non posse cantari Missas de *Requiem* in Anniversario , declaravit *Sacra Rituum Congregatio in Collen. sub die 1. Julii 1698. in responsione ad novum Dubium.* Prohibitio verò Missarum privatarum pro Defunctis , de qua supra , non tollit vim Privilegio Apostolico Altaribus concessio , sed Missæ de Die ad hujusmodi Altaria celebratæ suffragantur perinde ac si celebratæ fuissent pro Defun-

Defunctis, juxta formam Privilegiorum, ut dixit Innocentius Indecimus in Constitut. qua incipit: Aliàs postquam, edita sub die 4. Maji 1682. apud Monacell. in Formular. Leg. Pract. par. 2. tit. 116. form. 6. num. 6. pag. 330. ubi licet inter Octavas privilegiatas ibi expressas non nominet istam Nativitatis, quæ tunc temporis non erat quoad hoc privilegiata, addit tamen, aliisque Anni diebus, quibus, licet à Festo duplici non impediatur, adhuc tamen Missa Defunctorum (privatæ) juxta ritum & morem Ecclesiæ ac Rubricas celebrari nequeunt: ex quibus verbis Pontifex habuit in mente legem suam etiam in tempus futurum servandam quoad nova Decreta, prout est illud superius citatum pro Octava Nativitatis, privatas Missas de Requiem non admit- tens.

Ubi verò Festum S. Thomæ est duplex secundæ classis, vel alicubi apud Regulares occurrat hodie Dedicatio Ecclesiæ Cathedralis, quæ ab ipsis sub eodem ritu secundæ classis celebratur ex Decreto Sacra Rituum Congregationis sub die 1. Aprilis 1662. confirmato in Tarvisina 1702. 11. Februarii, ad secundum Dubium, ibi ad Laudes, & Missa sit commemoratio non solum Nativitatis, sed & aliarum trium Octavarum, quia sic pariter fit in tribus præcedentibus Festis eundem ritum duplicem secundæ classis habentibus, unde quoad Ecclesiā particularis se debet conformare cum Ecclesiā Universalī. Attamen si S. Thomas sit Titularis, vel apud Clerum Sæcularem occurrat hac die Dedicatio Ecclesiæ, cum utrumque Festum sit duplex primæ classis, omisis in Laudibus & in Missa commemorationibus trium Octavarum, fit tantum illa de Nativitate, ut clarè inferitur ex Gavanto tom. 2. sect. 6. c. 6. sub n. 11. & ex Piscara in Prax. Cæremoniæ. lib. 3. sect. 2. cap. 6. num. 5. ac etiam ex Bauldryo in Man. Sacrar. Cæremoniæ. par. 4. cap. 2. num. 37. Quod si in Festo S. Thomæ occurrat Dominica, in Ecclesiā Universalī fiet integrum Officium & Missa de eadem Dominica, ut inferius suo loco dicemus, ubi etiam de Festo duplici occurrente in ea, & de

de Initio Epistolæ Paulinæ ad Romanos tunc im-
pedito & reponendo.

Vesperæ in Festo simiduplici S. Thomæ sunt de
Nativitate, Capitulum vero erit, prout die sequen-
ti fiet Officium, nam si cras agendum fuerit de
Dominica infra Octavam, dicetur Capitulum de
Dominica, cum commemoratione S. Thomæ, &
quatuor Octavarum: Quod si Festum Sancti Thomæ
venerit in Feria sexta, Capitulum erit de Nativi-
tate, cum commemoratione S. Thomæ, & trium
Octavarum: At si in Festo S. Thomæ occurrat Do-
minica, Capitulum fiet de Dominica, cum com-
memoratione S. Thomæ sequentis, tunc in Feria secun-
da celebrandi, & quatuor Octavarum: & ita qui-
dem in Ecclesia Universalis. In Ecclesia vero par-
ticulari nonnulla possunt occurrere varianda in his
Vesperis.

Prima igitur Vesperarum particularium varietas
consideranda venit in Festo S. Thomæ tamquam se-
miduplici. Itaque si cras occurrat alicubi Festum
duplex majus vel minus, ut Aquilejæ & Concor-
diæ in Foro-Julii, ac Tergeste in Histria occurrit
Festum duplex minus S. Nicephori Martyris, nec
non & Firmi in Marchia Anconitana sit de Festo
duplici minori S. Sabini Episcopi & Martyris,
sicuti etiam in pluribus Hispaniarum Urbibus, ut
Abulæ, Legione, &c. celebratur Festum duplex
majus Translationis S. Jacobi Apostoli: ibi Anti-
phonæ & Psalmi duplicantur de Nativitate, cum
Capitulo Festi sequentis, & cum commemoratione
S. Thomæ præcedentis, & quatuor Octavarum:
& si cum Festo sequenti occurrat, vel fiat de Do-
minica infra Octavam, post Orationem de Festo
duplici sit prius commemoratio Dominicæ, deinde
S. Thomæ, & quatuor Octavarum: si vero die vi-
gesima nona veniat Dominica, prima commemora-
tio est de ea, deinde quatuor Octavarum, & Fe-
stum S. Thomæ transfertur post Octavam Epipha-
niæ in primam diem non impeditam. Quod si cras
alicubi occurrat Festum duplex secundæ classis, ut
apud Regulares in aliqua Civitate potest occurre-

re Dedicatio Ecclesiæ Cathedralis, Capitulum Vesperarum erit hodie de Festo sequenti, cum commemoratione quatuor Octavarum, non verò S. Thomæ præcedentis: & si cum Festo sequenti occurrat, vel fiat de Dominica infra Octavam, sit commemoratio de ea ante commemorationem S. Thomæ: si verò die vigesima nona occurrat Dominica, Capitulum erit quidem de duplici secundæ classis sequenti, cum commemoratione quatuor Octavarum, sed non Dominicæ præcedentis, quia licet Octava Nativitatis sit privilegiata quoad commemorationem in quibusvis Vesperis, non tamen est privilegiata Dominica infra eam occurrens, & ideo subjacet Rubricis generalibus *tit. 9. de Commemor. sub num. 7.* ac etiam *tit. 11. de Concurr. sub num. 4.* in quibus Rubricis prohibetur commemoratio Dominicæ, si concurrat cum sequenti Festo duplici primæ vel secundæ classis: & in tali casu S. Thomas transfertur, ut supra.

Ubi autem Dedicatio Cathedralis est duplex primæ classis, ut apud Clerum Sæcularem, si die trigesima agendum sit de ea, hodie in Vesperis Capitulum erit quidem de sequenti, cum commemoratione Dominicæ si sequatur, & Nativitatis, non S. Thomæ, non Dominicæ si præcedat, non denique trium aliarum Octavarum. Quod si hodie fiat de Dedicatione sub ritu duplici primæ classis, & simul occurrat Dominica, Capitulum Vesperarum erit de Dedicatione, cum commemoratione Nativitatis, sed prius Dominicæ, & tertio loco S. Thomæ semiduplicis, si fiat de eo in feria secundæ sequenti: quæ quidem commemoratio S. Thomæ potest omitti in Cathedrali in Vesperis solemnibus, non autem in Ecclesiis per Civitatem, quia licet Gavântus dicat absolute, quod in secundis Vesperis solemnibus de Festo duplici primæ classis omitti potest commemoratio de Festo semiduplici sequenti, cum tamen intelligendum censet de Ecclesiâ, in qua principaliter celebratur illud Festum duplex primæ classis, quia ibi revera est integra Solemnitas, non autem de omnibus aliis Ecclesiis sæcu-

ſæcularibus, quæ exiſtunt in Civitate, in quibus licet occurrat idem ritus; non tamen eſt eadem ſolemnitas.

Secunda verò Veſperarum particularium varietas ſtat in Feſto S. Thomæ tamquam duplici. Ubi igitur Feſtum S. Thomæ eſt duplex minus, prout eſt in duabus Congregationibus Regularibus; Lateranenſi ſcilicet & Cillarcienſi; Antiphonæ & Pſalmi dicuntur de Nativitate; ſed Capitulum de S. Thoma, cum commemoratione Dominicæ præcedentis vel ſubſequentis, ſi occurrat, vel Diei ſequentis infra Octavam Nativitatis, ſi cras agendum ſit de tali Officio; additis commemorationibus quatuor Octavarum in primo caſu, vel trium in ſecundo. At ſi in aliqua Eccleſia unius ex memoratis duabus Congregationibus Regularibus cras occurrat propria Dedicatio, cui convenit ritus duplex primæ claſſis; Capitulum erit de ſequenti Dedicatio-
ne, cum commemoratione Dominicæ craſtina die occurrentis, & Nativitatis, non verò Dominicæ præcedentis, ſed neque de S. Thoma; licet ibi ritum habeat duplicem minorem, & hoc ex vi Rubricæ generalis tit. 9. de Commemor. ſub num. 4. & clariùs in Tabella de Concurr. ſub numer. 1. ubi ordinatur totum de ſequenti, nihil de præcedenti: Quòd ſi in una ex prædictis Eccleſiis cras occurrat Dedicatio Cathedralis; quæ apud Regulares celebratur ſub ritu duplici ſecundæ claſſis, poſt Orationem Dicationis ſit commemoratio S. Thomæ duplicis minoris, & Dominicæ ſequentis, ac quatuor Octavarum, non verò Dominicæ præcedentis, ſi in Feſtum S. Thomæ incidat.

Si tamen hodie fiat de Feſto S. Thomæ ſub ritu duplici; & cras ibidem de alio Feſto duplici; ut Toleti in Caſtella nova Hiſpaniarum die vigesima nona ſit de S. Thoma ſub ritu duplici minori, die verò trigesima de Translatione S. Jacobi Apoſtoli duplici majori; in hodiernis Veſperis, Capitulum eſt de Translatione; cum commemoratione S. Thomæ, & Dominicæ, ſi præcedat vel ſequatur, ac quatuor Octavarum. Attamen occurrente hodie Fe-

brica Missalis *tit. 8. de Introitu, &c. sub num. 3. & 4.* Ubi autem non dicitur *Gloria*, neque dicitur *Ite missa est* in fine Missæ, sed *Benedicamus Domino*. Post Orationem Festi dicuntur aliæ tres sub unica conclusione, nempe Nativitatis, & S. Stephani, ac S. Joannis. In fine Epistolæ, lecto Graduali, & omisso *Alleluja* cum Versiculo sequenti, dicitur statim Tractus *Effuderunt sanguinem Sanctorum*. Symbolum verò dicitur in hac Missâ ratione aliarum Octavarum, non tamen SS. Innocentium, ut clarè patet ex eorum Die Octava, ubi Rubrica expressè habet, quod non dicitur *Credo*. Præfatio verò eisdem Nativitate *Quia per incarnati Verbi mysterium*, cum suo *Communicantes* proprio.

Ambrosiani, etiam nostris temporibus, recitant, paucis tantum immutatis verbis, & retento omnino sensu, Præfationem propriam huic Festo SS. Innocentium convenientem, quæ ex veteri Ecclesiæ consuetudine dicebatur in hac Missâ, & habetur in Libro Sacramentorum S. Gregorii Papæ, pag. 12, ex quo loco desumpta erat sequens, nempe: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æternæ Deus: Et in pretiosis mortibus Parvulorum, quos propter Nostri Redemptoris infantiam bestiali savitia Herodes funestus occidit, immensa clementiæ tuæ donâ prædicare. In quibus fulget magis gratia quàm voluntas, & clara est prius confessio quàm loquela, ante passio quàm membra idonea passioni. Existunt testes Christi, qui ejus nondum fuerunt agnitores. O infinita benignitas! O ineffabilis misericordia! quæ pro suo nomine trucidatis meritum gloria perire non patitur, sed proprio cruore persusis & salutis regenerationis adhibetur, & imputatur corona Martirii. Et ideo cum Angelis & Archangelis, &c.*

Benedictio verò Episcopalis, qua olim utebatur Ecclesia hac die, & quæ reperitur per extensum in memorato Libro Sacramentorum S. Gregorii, loco superius citato, sequenti formula concipiebatur, videlicet: *Omnipotens Deus, pro cujus Unigeniti veneranda infantia, infantium Innocentium cæteras Herodis funestis*

124

125

• *nesti peremissis favitis, sua vobis Benedictionis tribuat dona gratissima. Amen. Et qui eis concessit, ut unicum Filium ejus Dominum Nostrum non loquendo, sed moriendo confiterentur, concedat vobis ut Fidem veram, quam lingua vestra fateatur, etiam mores probi & vita inculpabilis fateantur. Amen. Quique eos primitivum fructum sanctæ suæ suscepit Ecclesia, cum fructu bonorum operum vos faciat pervenire ad gaudia æterna Patria. Amen. Quod ipse prestare dignetur, &c. cum reliquis, ut supra in Missa S. Stephani.*

Sed & Ecclesia Gallicana suam in hoc Festo habebat Præfationem propriam à Gregoriana diversam. Censemus autem fote gratum Lectori, si & ipsam extendamus vetustate venerandam, quam cæteroquin refert Mabillonius in *Liturg. Gallic. pag. 199. lib. 3.* Erat igitur ea, quæ sequitur, scilicet: *Verè dignum & justum est, nos tibi semper, & ubique gratias agere: Pro his præcipuè, quorum hodierno die annua Festivitate recolentes memoriam passionis celebramus: Quos Herodianus Satelles lactantium Matrum uberibus abstraxit: Qui jure dicuntur Martyrum flores, qui in medio frigore infidelitatis exorti, veluti primas erumpentes Ecclesie gemmas quadam persecutionis pruina discussit, rutilante Fonte in Bethlehem Civitate. Infantes enim, quia ætate loqui non poterant, laudem Domini cum gaudio (forti, gladio) resonabant. Occisi prædicant, quod vivi non poterant. Loquuntur sanguine, quod lingua nequiverunt. Contulit his Martyrium laudem, quibus abnegaverat lingua sermonem. Præmittit infantes infans Christus ad Cælos, transmittit nova exenia Patri, primitias exhibet Genitori Parvulorum prima Martyria, Herodis scelere perpetrata. Præstat hostis corpori dum nocet, beneficium tribuit dum occidit. Moriendo vivitur, cadendo resurgitur, victoria per interitum comprobatur. Pro his ergo beneficiis, & pro præsentì Solemnitate, immensas pietati tuæ gratias referentes, potius quàm rependentes, cum sanctis Angelis, & Archangelis, qui Unum te Deum dominantem, Distinctum nec divisum, Trinum nec triplicem, Solum nec solitarium, consona laudamus voce, dicentes: Sanctus, Sanctus, Sanctus.*

Si hoc Festum SS. Innocentium venerit in Do-

minica, cæteroquin vacante, color in Missa erit rubeus, ex Rubrica Missalis *sic*. 18. *de Color. Paramen. sub num.* 3. & in hoc casu interserviet color aureus ubi habetur, ut supra diximus in Festo S. Stephani. Dicitur *Gloria in excelsis*, & Graduale cum *Alleluja*, ac Versu sequenti, sine Tractu, & cum *ne missa est* in ejus fine, ut patet ex Rubrica in hoc Festo. Ante Missam tamen solemnem fiet aspersio Aquæ benedictæ, tam in Cathedralibus quàm in Collegiatis, sed ubi Episcopus Pontificaliter celebraverit, omititur dicta aspersio, ex Cæremoniali Episcoporum *lib.* 2. *cap.* 31. *§.* 3. & 4. *pag.* 397. & 398. Piscara verò distinguit Festum in Dominica à Festo extra Dominicam, nam quando venit in Dominica, ordinat Missam cantatam: quando verò occurrit extra Dominicam, expressè dicit, quod non cantatur Missa solemnis, ut videre est in *Cæremon. sua Relig. lib.* 3. *cap.* 5. *num.* 7. & 8. & censeo sic ordinare, ut in colore violaceo non audiat cantus huic Diei mœstissimo non conveniens: audiat autem in colore rubeo ratione Dominicæ lætitiæ præferentis. Attamen generaliter loquendo, Missa canenda, ubi est solitum, & quidem cum Ministris Dalmatica & Tunicella indutis, sive occurrat Dominica, sive non.

Nulla tamen in hoc Festo SS. Innocentium, tamquam duplici secundæ classis, canenda est Missa Votiva, quamvis pro re gravi: sed si hac die alicubi forsan occurrat, cantetur Missa de Die, cum secunda Oratione Nativitatis, tertia de S. Stephano, quarta de S. Joanne, quinta verò sit una ex illis Collectis, quæ currenti indigentia conveniat. Unica tamen Missa solemnis pro Defunctis, in Die quidem Obitus & præsentis Corpore potest hodie cantari: unica, inquam, non plures, licet plura accedant Capitula. Quod autem dicitur de Die Obitus, non intelligitur extensum ad Anniversarium Defunctorum, de quo idcirco neque hac die, neque infra hanc Octavam Nativitatis tamquam privilegiatam, erit Missa canenda. Attamen celebratio unicæ Missæ in quolibet Oratorio privato Indultum Apo-

Apostolicum habente est hodie omnino permiffa: De quibus omnibus fusè diximus fupra in Feflo S. Stephani, ubi & rationes reddidimus.

Ubi autem SS. Innocentes funt Titulares Ecclefia, ficuti ibi eft magna Solemnitas, fic removenda omnis mœftitia; nihil enim fpectat ad planctum, ubi totum eft ad gaudium: ideoque depofito colore violaceo, affumendus eft rubeus, imò & aureus, qui plus habet Feflivitatis, & pro rubeo infervit, ut fupra diximus in Feflo S. Stephani. Ad Matutinum loco noni Refponforii dicendus eft Hymnus *Te Deum*, addito idcirco *Gloria Patri* ad octavum Refponforium, cum repetitione Verficuli *Vindica, Domine*, ficuti fit, quando hoc Feflum occurrit in Dominica. Ad Laudes verò post Orationem Diei fit commemoratio Nativitatis, fed non S. Stephani, neque S. Joannis: ita & in Miffa, in qua dicitur *Gloria in excelsis*, & post Graduale dicitur *Alleluja* cum fuo Verfu fequenti, omiffio Tractu: Ita enim fentis & benè fentit Gavantus in arte peritus, & hujus opinionis Auctor in *Thefaur. Sacror. Rit. tom. 2. fefl. 6. cap. 6. num. 7.* cui fubfcribit Bauldryus in *Man. Sacrar. Cæremoniæ. par. 4. cap. 2. num. 37.* Ratiõ autem Gavanti eft, quia fi hæc conceduntur Dominicæ, in qua non eft dolendum, cur dolemus in Feflo Titularis Ecclefia: folemni?

Prædicta opinio Gavanti mœftitiam excludentis in Ecclefia SS. Innocentibus dicata, mihi magis probatur, quia fi die vigefima quinta Aprilis terminetur Proceffio Litaniarum ad Ecclefiam S. Marci, non cantatur ibi Miffa de Rogationibus in colore violaceo, ne contaminetur Solemnitas, fed Miffa feftiva de S. Marco in colore rubeo: ergo à pari (quia in in utroque cafu agimus de Titulari) in Ecclefia SS. Innocentium non eft adhibendus color violaceus neque dicenda in Officio & Miffa quæ fpectant ad mœrorem, ne minor fiat Solemnitas. Præterquàm quod Cæremoniæ Epifcoporum *libr. 1. cap. 12. §. 3. pagin. 73.* præfcribit & defcribit ornatum Ecclefia: intus & foris faciendum in folemnioribus ejuſdem Ecclefia: Feflivitatibus, ex quibus unam &

quidem principaliorem esse illam Titularis nemo est qui neget. Quomodo ergo simul stabunt ornatus festivus Ecclesiæ, & color violaceus, sine *Te Deum*, sine *Gloria*, sine *Alleluja*?

Imo quæ superius dicta sunt de SS. Innocentibus 131
uti Titularibus, censeo ea prorsus servanda, in illa Ecclesia, in qua habetur aliquod eorum Corpusculum, aut insignis Reliquia, nam & ibi est Solemnitas, quæ non videtur contaminanda cum colore lugubri, qualis est violaceus; ideoque si ubi est solemnitas, ibi est lætitia, ergo ibi agendum quod de Titulo, quod de Dominica diximus: præsertim quia multæ Ecclesiæ solent ratione Corporis vel insignis Reliquiæ prævenire Festum cum festiva campanarum pulsatione, & solemnizare cum magno exteriori interiorique ornatu, cum Processione & apparatu viarum. Et quamvis Bauldryus in *Man. Sacrar. Cæremoniæ. par. 4. cap. 2. num. 38.* dicat, quod licet habeatur aliquod Corpusculum, vel insignis eorum Reliquia, nihilominus adhibenda sint Paramenta violacea, addit tamen statim, *nisi aliter à Majoribus ordinetur, aut nisi sit alia laudabilis consuetudo cum concursu Populi, quia tunc videtur conveniens, ut fiat Officium in Paramentis rubeis, cum reliquis quæ sapiunt lætitiæ.*

In secundis Vesperis de SS. Innocentibus, Antiphonæ sunt *Tecum principium*, cum Psalmis de Nativitate: sed à Capitulo fit de Festo SS. Innocentium, cum commemoratione S. Thomæ, & trium Octavarum. Quod si cras occurrat Dominica infra Octavam Nativitatis, loco commemorationis S. Thomæ, fit commemoratio Dominicæ, & trium Octavarum. Ubi autem S. Thomas est duplex minus, prout est in tota Congregatione Canonicorum Regularium Lateranensium, si in eo occurrat Dominica, in hodiernis Vesperis fit prius commemoratio S. Thomæ, deinde Dominicæ, & postea trium Octavarum. At quid agendum, si alicubi Festum S. Thomæ sit duplex secundæ classis? In Vesperis de Nativitate dicerem Capitulum de S. Thoma, ut in ejus communi, & facerem commemorationem 132
non

non solum SS. Innocentium, & Nativitatis, sed etiam S. Stephani, & S. Joannis, quia ita fit infra Octavam Nativitatis in aliis Festis duplicibus secundæ classis etiam præceptivis. Dicerem autem Capitulum de S. Thoma, quia si SS. Innocentes non loquendo sed moriendo confessi sunt, S. Thomas confessus est & loquendo & moriendo, unde dignior videtur Martyr, & consequenter distinguendus à Capitulo in his Vesperis. At ubi S. Thomas est Titularis (ut est Patavii in Ecclesia Congregationis Oratorii S. Philippi Neri) ibi dato Capitulo S. Thomæ Titulari, & facta prius commemoratione de SS. Innocentibus, deinde de Nativitate, nihil fit de S. Stephano, & de S. Joanne. In Ecclesia verò SS. Innocentibus dicata, omittitur itidem commemoratio S. Stephani, & S. Joannis. Ubi autem SS. Innocentes sunt Titulares, si in eadem Ecclesia cras agendum sit de Dedicatione propriæ, vel Cathedralis Ecclesiæ, etiam ibi Capitulum erit de sequenti, quia cum Dedictio sit Festum Domini, locum habere debet à Festo Servorum Domini.

Si tamen in hoc Festum SS. Innocentium incidat alicubi Dedictio Ecclesiæ (quam occurrentiam affert Gavantus tom. 2. sect. 6. num. 11.) Officium & Missa erunt quidem de ea, cum sola commemoratione Nativitatis, sed canentur duæ Missæ, juxta ea, quæ supra diximus in Festo S. Stephani: & in secundis ejus Vesperis post Antiphonas & Psalmos de Nativitate, Capitulum erit de Dedicatione, cum commemoratione S. Thomæ, quæ tamen ex superius dictis poterit in solemnibus omitti: deinde fiet commemoratio Nativitatis, sed non aliarum Octavarum. Festum verò SS. Innocentium regulariter transferendum erit ad ejus Diem Octavam, ut bene notat Gavantus loco citato, & cum eo Bauldryus in Man. Sacrar. Ceremoniar. par. 4. cap. 2. num. 38. licet iste loquatur absolute, quasi nullus detur casus, in quo reponendum sit infra Octavam Nativitatis, cum etiam alius dari possit, in quo transferatur extra totam Octavam.

Supposita igitur dicta occurrentia Dedicationis Eccle-

Ecclesiæ, si Festum SS. Innocentium venerit in Dominica, vel in Feria secunda, tertia, quarta, aut sexta, proculdubio transferendum erit ad eius Diem Octavam, quia revera dies trigesima Decembris est impedita Officiò Dominicæ infra Octavam Nativitatis, quæ licet plerumque non sit Dies festivus, est tamen assignatus tamquam fixus, pro tali Dominica non recipiente Festum translatum cujuscumque ritus, sed tantum duplex occurrens etiam minus. Si verò incidet in Feriam quintam, erit reponendum in Sabbato, quia, cessante hujusmodi translatione; fieret alioquin de die infra Octavam Nativitatis. At si occurrat in Sabbato, Gavantus d. tom. 2. sect. 6. cap. 6. num. 11. reponit in Feria secunda, ob eam, quam assert, rationem, quia de duobus Festis translati, Innocentium, & S. Thoma, de digniori prius est recitandum Officium: & Festum S. Thoma celebrabitur prima die non impedita post Octavam Epiphania, ex vulgatis Rubricis. Hæc ille, cui tamen non possum adhærere ex nova Lege explicativâ Rubricæ Generalis Breviarii tit. 10. de translatione. Festor. sub num. 5. nam Semiduplex, quod occurrit in Dominica infra Octavam, tantum habet juris in illa Feria secunda sequenti non impedita, ut non cedat duplici primæ classis translato, prout supplicante P. Abbate Heclore Gironda Ordinis Cœlestinorum, declaravit Sacra Rituum Congregatio sub die 16. Septembris 1702. Si ergo dictum Semiduplex non cedit duplici primæ classis, multo minus cedet duplici secundæ classis, quale est istud SS. Innocentium, ex axioma illo legali, Si vinco vincentem 10., multo magis vinco te.

Verum tamen est, quod si forsan in illa Ecclesia, in qua ob Dedicationis occurrentiam transferendum est Festum SS. Innocentium, fieret de S. Thoma sub ritu duplici, sicut ibi celebraretur in Dominica, sic Feria illa secunda esset omnino libera, & consequenter reponeretur ritè & rectè in eadem dictum Festum SS. Innocentium, quia casus Rubricæ de Officiò Diei infra Octavam Nativitatis in Sabbato, est casus Ecclesiæ Universalis, iste autem

secun-

secundus est casus Ecclesiæ particularis, in qua, nisi haberetur reponendum Festum SS. Innocentium, agendum esset de eadem Die infra Octavam, sicuti in Sabbato. Data igitur huiusmodi casus contingentia, & non aliter, nec alio modo, translatio Gavanti in Feriam secundam esset sequenda. Nec iste casus videtur esse simpliciter idealis, nam cum in duabus Congregationibus Regularibus, Lateranensi & Cisterciensi, Festum S. Thomæ celebratur sub ritu duplici, & consequenter fiat de eo in Dominicâ, in aliqua ex penè innumeris Ecclesiis per Orbem existentibus utriusque Religionis potest occurrere Dedicatio in Festo SS. Innocentium, quod ibi reponendum sit in dicta Feria secunda.

Duplex autem dari potest casus transferendi extra totam Octavam Festum SS. Innocentium. Et primus quidem est, si in ea Ecclesia, in qua die vigesima octava Decembris occurrit Dedicatio propria, incidat in Diem Octavam SS. Innocentium Dedicatio Cathedralis: & è contra, si in Festo SS. Innocentium occurrat Dedicatio Cathedralis, & in Die Octava agendum sit de Dedicatione propria. Secundus verbò casus est, si Dedicatio Cathedralis, vel particularis, occurrens in memorato Festo SS. Innocentium, habeat Octavam vel ex immemorabili consuetudine, vel ex Privilegio Apostolico. Sive igitur in Die Octava SS. Innocentium occurrat alia Dedicatio, sive Dies Octava Dedicationis, semper dictum Festum SS. Innocentium erit transferendum extra totam Octavam, in illis scilicet casibus, in quibus supra diximus, reponendum esse in Die Octava.

Translatis denique SS. Innocentibus extra totam eorum Octavam, in præsupposito casu, erit Festum celebrandum quidem, ut in Die, sed sine *Credo* in Missa, nisi casus Dedicationis Cathedralis cum Octava occurreret in Ecclesia SS. Innocentibus dicata, quia Dedicatio haberet locum ab his Titularibus. In hac igitur Ecclesia agendum esset Festum etiam sic translatum extra totam Octavam, in colore rubeo, cum omnibus consequentiis festivis, ut supra dixi-

diximus, & consequenter cum *Credo* in Missa. Quod quidam Symbolum dicendum esset etiam in Ecclesia, in qua asservaretur aliquod SS. Innocentium Corpusculum, vel insignis Reliquia, nam translatio extra totam Octavam non tollit jus acquisitum vigore Rubricæ tit. 11. de Symbolo, in qua dicitur: *Ubi habetur Corpus vel insignis Reliquia Sancti, de quo agitur.* Cum igitur de SS. Innocentibus nihil actum sit infra totam eorum Octavam, ut præsupponitur, eo die, quò celebratur Festum, celebrari debet cum omni jure, quod ei convenit.

S. IX.

De Festo Sancti Thomæ Episcopi, & Martyris.

Hic est ille Episcopus, qui voluit esse Martyr, ne Ecclesia pateretur. Aperuit Templi ostium, ut citius sibi aperiretur janua Cœli. Secutus est exemplum Christi Magistri verus Discipulus. Dixerat Christus in Horto Militibus: *Sinite hos abire.* Dixit Thomas in Ecclesia, nefariis Satellitibus. *Cavete, ne enipiam meorum regentis.* Tandem gladis impiorum occubuit. Interemptus in Ecclesia, vivit inter supernos Choros. Vespere autem factò captus est Jesus. Vespertinis Horis Thomas operam dando, occisus est, sed *relictis hisce Festis, transit ad celebritatem Angelorum.* S. Dionysius, qui paulò ante audiverat orantem, paulò post obviam ivit triumphanti. Itaque Alexander Tertius, qui exceperat benignè profugum in Terris, declaravit Sanctum permanentem in Cœlis. Gaudeat igitur Ecclesia de suo Defensore, quem agnoscit Propugnatorem gloriosum. Relatus fuit solemniter inter Sanctos Feria quarta Cinerum. 1173. cum ipse cæteroquin obiisset anno

135

1170. Triennium vix incæptum, fuit satis ad ejus sanctitatem declarandam, quia satis fuerunt Miracula ad eum reddendum illustrem.

Hoc Festum S. Thomæ celebratur sub ritu semiduplici in colore rubeo. Quoad Officium, Matutini, Invitatorium, Antiphonæ, Psalmi, & Versiculi Nocturnorum sumuntur ex Communi unius Martyris, ex quo etiam Lectiones primi Nocturni incipientes *A Mileto*, quæ omnibus conveniunt & solis Martyribus simul & Pontificibus, si dicendæ sint, ut in hoc Festo. In secundo verò, & tertio Nocturno Lectiones sunt propriæ in Breviario. Ad Laudes omnia itidem dicuntur, ut in eodem Communi, & post Orationem propriam Festi, fit commemoratio quatuor Octavarum, sine Suffragiis Sanctorum, quæ si omittuntur infra Octavas communes, vigore Rubricæ *tit. 35. sub numer. 1.* eo magis omittenda sunt infra hanc Octavam privilegiatam. Ad Primam in Responsorio brevi dicitur Versiculus *Qui natus es de Maria Virgine*, sine Prebus Dominicalibus, cum nequedicantur infra Octavas non privilegiatas, ut habet Rubrica *titul. 34. sub numer. 2.* Hymni tamen omnium Horarum clauduntur cum strophe *Jesu tibi sit gloria, &c.*

Missæ S. Thomæ est propriâ, in qua dicitur *Gloria*, sunt commemorationes quatuor Octavarum, recitatur *Credo*, cum Præfatione & *Communicantes* de Nativitate. Ex occasione hujus Festi semiduplicis, notandum est ad eruditionem, quod in *Libro Sacramentorum S. Gregorii Pæpa*, pag. 228. habentur nonnullæ *Apologia*. Est autem hoc loco *Apologia* excusatio, & purgatio, qua Sacerdos excuset se, eo quod indignus ad tam veneranda & tremenda mysteria accedat, ut ait Hugo Menardus in *Notis eruditissimis ad dictum Librum Sacramentorum*, Nota 786. Unam igitur, vel alteram ex dictis *Apologiis* recitabat antiquitus Sacerdos in Missa ante Offertorium: & forsan inserviebat pro illa Oratione, quam modo nos dicimus pro tertia ad libitum in quibusdam Festis semiduplicibus, de quibus loquitur Rubrica *Missalis tit. 9. de Orat. sub num. 2.* & inscribitur

Pro

Pro seipſo Sacerdote. Sequentem ponimus per extenſum, in gratiam veteris conſuetudinis, ſcilicet: *Ante oculos tuos, Domine, reus conſcientia teſtis aſſiſto. Rogare vix audeo, quod impetrare non mereor. Tu enim ſcis, Domine, omnia, qua aguntur in nobis. Erubeſcamus conſiteri, quod per nos non timemus admittere. Verbis tibi tantum obſequimur, corde mentimur: & quod velle nos dicimus, nolle noſtris actibus approbamus. Parce, Domine: conſitentibus ignoſce. Pec- cavimus, miſerere, te rogamus. Et quia in Sacramen- tis tuis meus ſenſus infirmus eſt, preſta quaſumus, ut qui ex nobis duri cordis verba non ſuſcipis, per te no- bis veniam largiaris. Per Dominum, &c.*

Neque hodie in Feſto S. Thomæ, neque cras di- ci poſſunt Miſſæ votivæ privatæ; aut pro Defun- ctis, quas infra hanc Octavam Nativitatis prohibuit *Sacra Rituum Congregatio, ſub die 25. Septemb. 1706. & confirmavit huiusmodi prohibitionem anno 1714. ſub die 15. Septembris, approbante Clemente Unde- cimo die 29. ejuſdem Menſis & Anni.* Itaque non ſunt amplius quoad hoc ſequendi illi Auctores, qui cùm ante Decretum dictarum Miſſarum prohibiti- vum ſcripſerint, eas infra hanc Octavam admife- runt, prout debebant, inter quos Gavantus *tom. 1. par. 1. tit. 4. numer. 3. ſub lit. O. circa fin. & ite- rum d. par. tit. 12. num. 4. lit. d. ac etiam Guye- tus in Heortolog. lib. 4. cap. 21. quaſt. 14.* In eodem tamen Decreto ut ſupra confirmato conceduntur Miſſæ Votivæ ſolemnes pro re gravi infra hanc eandem Octavam celebrandæ: ſed præſcribitur, ut in eis dicatur Præfatio juxta Rubricam generalem *titul. 12. ſub num. 4.* Ex qua Rubrica neſcio quo- modo inferat Præſationem Nativitatis Piſart *de Ca- reman. Eccleſ. pag. 12. & poſt Turrin. in Diſſor. Sa- crifican. pag. 211.* cùm præcitata Rubrica ſic ha- beat: *In Miſſis Votivis dicitur etiam Præfatio propria, ſi propriam habeant:* ergo Præfatio Votivæ propriam habentis, non neceſſariò & illative Nativitatis di- cenda eſt.

In dictis Votivis Miſſis ſolemnibus propriam ha- bentibus Præſationem dicitur nihilominus *Commu- nican-*

141

142

nicantes de Nativitate : non sunt enim ita simul hæc duo conjuncta , ut unum manere non possit sine alio : & hoc legitime infertur ex Decreto Sacrae Rituum Congregationis de die 28. Augusti 1627. in quo dicitur , quod separari potest & debet *Communicantes* à sua Præfatione infra illam Octavam Ascensionis : & ratio est ; quia *Communicantes* habet infra illam Octavam quasi rationem de tempore , ait Gavantus *tom. 1. tit. 12. num. 3. lit. g.* Et quod in Missis Votivis , propriam Præfationem habentibus , & infra Octavam etiam Nativitatis celebrandis dici debeat *Communicantes* de Octava , expressè tenet Guyetus in *Hoortolog. lib. 4. cap. 21. quæst. 14. vers. Ad casum* , & hoc , licet non solum non dicatur Præfatio Nativitatis , sed neque fiat ejus commemoratio , quia Votivæ non correspondent Officio , ut dicit Rubrica Missalis *tit. 19. sub num. 5.* & benè notat Quartus in *Commentar. ad Rubric. Missal. par. 1. tit. 4. dub. 1. pag. 49. juxta editionem Veneram de Anno 1727.* ubi addit , quod commemorationes , quæ omitti non possunt , sunt in altera Missa Conventuali , seu de Die. Sic Rhodigii in Diœcesi Adriensi , ubi Episcopus residet ratione sanioris aeris , die trigesima prima Decembris cantatur ex Voto Civitatis Missa Votiva de Beata Maria ad Altare SS. Rosarii in Ecclesia Patrum Prædicatorum , & in dicta Missa dicitur quidem Præfatio *Et te in Festivitate* , sed *Communicantes* Nativitatis.

Potest etiam in hoc Festo S. Thomæ cantari una Missa pro Defunctis in Die Obitus , præfente Corpore : non tamen in Anniversario Defunctorum , quia cùm hæc Octava Nativitatis sit privilegiata , infra hujusmodi Octava non posse cantari Missas de Requiem in Anniversario , declaravit Sacra Rituum Congregatio in Collen. *sub die 1. Julii 1698. in responsione ad novum Dubium.* Prohibitio verò Missarum privatarum pro Defunctis , de qua supra , non tollit vim Privilegio Apostolico Altaribus concessio , sed Missæ de Die ad hujusmodi Altaria celebratæ suffragantur perinde ac si celebratæ fuissent pro Defun-

Defunctis, juxta formam Privilegiorum, ut dixit Innocentius Undecimus in Constitut. qua incipit: Aliàs postquam, edita sub die 4. Mài 1688. apud Monacell. in Formular. Leg. Pract. par. 2. tit. 16. form. 6. num. 6. pag. 330. ubi licet inter Octavas privilegiatas ibi expressas non nominet istam Nativitatis, quæ tunc temporis non erat quoad hoc privilegiata, addit tamen, aliisque Annis diebus, quibus, licet à Festo duplici non impediatur, adhuc tamen Missa Defunctorum (privatæ) juxta ritum & morem Ecclesiæ ac Rubricas celebrari nequeunt: ex quibus verbis Pontifex habuit in mente legem suam etiam in tempus futurum servandam quoad nova Decreta, prout est illud superius citatum pro Octava Nativitatis, privatas Missas de Requiem non admit- tens.

Ubi verò Festum S. Thomæ est duplex secundæ classis, vel alicubi apud Regulares occurrat hoc Festum Dedicatio Ecclesiæ Cathedralis, quæ ab ipsis sub eodem ritu secundæ classis celebratur ex Decreto Sacra. Rituum Congregationis sub die 1. Aprilis 1662. confirmato in Tarvisina 1702. 11. Februarii, ad secundum Dubium, ibi ad Laudes, & Missa fit commemoratio non solum Nativitatis, sed & aliarum trium Octavarum, quia sic pariter fit in tribus præcedentibus Festis eundem ritum duplicem secundæ classis habentibus, unde quoad Ecclesiā particularis se debet conformare cum Ecclesiā Universali. At tamen si S. Thomas sit Titularis, vel apud Clerum Sæcularem occurrat hac die Dedicatio Ecclesiæ, cum utrumque Festum sit duplex primæ classis, omittis in Laudibus & in Missa commemorationibus trium Octavarum, fit tantum illa de Nativitate, ut clarè inferitur ex Gavanto tom. 2. sect. 6. c. 6. sub n. 11. & ex Piscara in Prax. Cæremoniæ. lib. 3. sect. 2. cap. 6. num. 5. ac etiam ex Bauldryo in Man. Sacrar. Cæremoniæ. par. 4. cap. 2. num. 37. Quòd si in Festo S. Thomæ occurrat Dominica, in Ecclesiā Universali fiet integrum Officium & Missa de eadem Dominica, ut inferius suo loco dicemus, ubi etiam de Festo duplici occurrente in ea, & de

de Igitio Epistolæ Paulinæ *ad Romanos* tunc im-
pedito & reponendo.

Vesperæ in Festo semiduplici S. Thomæ sunt de
Nativitate, Capitulum vero erit, prout die sequen-
ti fiet Officium, nam si cras agendum fuerit de
Dominica infra Octavam, dicetur Capitulum de
Dominica, cum commemoratione S. Thomæ, &
quatuor Octavarum: Quod si Festum Sancti Thomæ
venerit in Feria sexta, Capitulum erit de Nativi-
tate, cum commemoratione S. Thomæ, & trium
Octavarum: At si in Festo S. Thomæ occurrat Do-
minica, Capitulum fiet de Dominica, cum commemo-
ratione S. Thomæ sequentis, tunc in Feria secun-
da celebrandi, & quatuor Octavarum: & ita qui-
dem in Ecclesia Universalis. In Ecclesia vero par-
ticulari nonnulla possunt occurrere varianda in his
Vesperis.

Prima igitur Vesperarum particularium varietas
consideranda venit in Festo S. Thomæ tamquam se-
miduplici. Itaque si cras occurrat alicubi Festum
duplex majus vel minus, ut Aquilejæ & Concor-
diæ in Foro-Julii, ac Tergeste in Histria occurrit
Festum duplex minus S. Nicephori Martyris, nec
non & Firmi in Marchia Anconitana sit de Festo
duplici minori S. Sabini Episcopi & Martyris,
sicuti etiam in pluribus Hispaniarum Urbibus, ut
Abulæ, Legionis, &c. celebratur Festum duplex
majus Translationis S. Jacobi Apostoli: ibi Anti-
phonæ & Psalmi duplicantur de Nativitate, cum
Capitulo Festi sequentis, & cum commemoratione
S. Thomæ præcedentis, & quatuor Octavarum:
& si cum Festo sequenti occurrat, vel fiat de Do-
minica infra Octavam, post Orationem de Festo
duplici sit prius commemoratio Dominicæ, deinde
S. Thomæ, & quatuor Octavarum: si vero die vi-
gesima nona veniat Dominica, prima commemo-
ratio est de ea, deinde quatuor Octavarum, & Fe-
stum S. Thomæ transfertur post Octavam Epipha-
niæ in primam diem non impeditam. Quod si cras
alicubi occurrat Festum duplex secundæ classis, ut
apud Regulares in aliqua Civitate potest occurre-

re Dedicatio Ecclesiæ Cathedralis, Capitulum Vesperarum erit hodie de Festo sequenti, cum commemoratione quatuor Octavarum, non verò S. Thomæ præcedentis: & si cum Festo sequenti occurrat, vel fiat de Dominica infra Octavam, sit commemoratio de ea ante commemorationem S. Thomæ: si verò die vigesima nona occurrat Dominica, Capitulum erit quidem de duplici secundæ classis sequenti, cum commemoratione quatuor Octavarum, sed non Dominicæ præcedentis, quia licet Octava Nativitatis sit privilegiata quoad commemorationem in quibusvis Vesperis, non tamen est privilegiata Dominica infra eam occurrens, & ideo subjacet Rubricis generalibus *tit. 9. de Commemor. sub num. 7.* ac etiam *tit. 11. de Concurr. sub num. 4.* in quibus Rubricis prohibetur commemoratio Dominicæ, si concurrat cum sequenti Festo duplici primæ vel secundæ classis: & in tali casu S. Thomas transfertur, ut supra.

Ubi autem Dedicatio Cathedralis est duplex primæ classis, ut apud Clerum Sæcularem, si die trigesima agendum sit de ea, hodie in Vesperis Capitulum erit quidem de sequenti, cum commemoratione Dominicæ si sequatur, & Nativitatis, non S. Thomæ, non Dominicæ si præcedat, non denique trium aliarum Octavarum. Quod si hodie fiat de Dedicatione sub ritu duplici primæ classis, & simul occurrat Dominica, Capitulum Vesperarum erit de Dedicatione, cum commemoratione Nativitatis, sed prius Dominicæ, & tertio loco S. Thomæ semiduplicis, si fiat de eo in feria secunda sequenti: quæ quidem commemoratio S. Thomæ potest omitti in Cathedrali in Vesperis solemnibus, non autem in Ecclesiis per Civitatem, quia licet Gavantus dicat absolutè, quod in secundis Vesperis solemnibus de Festo duplici primæ classis omitti potest commemoratio de Festo semiduplici sequenti, cum tamen intelligendum censeo de Ecclesia, in qua principaliter celebratur illud Festum duplex primæ classis, quia ibi revera est integra Solemnitas, non autem de omnibus aliis Ecclesiis

147
sæcu-

ſæcularibus, quæ exiſtunt in Civitate, in quibus licet occurrat idem ritus, non tamen eſt eadem ſolemnitas.

Secunda verò Veſperarum particularium varietas ſtat in Feſto S. Thomæ tamquam duplici. Ubi igitur Feſtum S. Thomæ eſt duplex minus, prout eſt in duabus Congregationibus Regularibus; Lateranienſi ſcilicet & Ciſterciënſi; Antiphonæ & Pſalmi dicuntur de Nativitate; ſed Capitulum de S. Thoma, cum commemoratione Dominicæ præcedentis vel ſubſequentis, ſi occurrat, vel Dici ſequentis infra Octavam Nativitatis, ſi cras agendum ſit de tali Officio; additis commemorationibus quatuor Octavarum in primo caſu, vel trium in ſecundo. At ſi in aliqua Ecclēſia unius ex memoratis duabus Congregationibus Regularibus cras occurrat propria Dedicatio, cui convenit ritus duplex primæ claſſis; Capitulum erit de ſequenti Dedicatio-
ne, cum commemoratione Dominicæ craſtina die occurrentis, & Nativitatis, non verò Dominicæ præcedentis, ſed neque de S. Thoma, licet ibi ritum habeat duplicem minorem; & hoc ex vi Rubricæ generalis tit. 9. de Commemor. ſub num. 4. & clariùs in Tabella de Concurr. ſub numer. 1. ubi ordinatur totum de ſequenti, nihil de præcedenti: Quod ſi in una ex prædictis Eccleſiis cras occurrat Dedicatio Cathedralis, quæ apud Regulares celebratur ſub ritu duplici ſecundæ claſſis, poſt Orationem Dedicationis ſit commemoratio S. Thomæ duplicis minoris, & Dominicæ ſequentis, ac quatuor Octavarum, non verò Dominicæ præcedentis, ſi in Feſtum S. Thomæ incidat.

Si tamen hodie fiat de Feſto S. Thomæ ſub ritu duplici; & cras ibidem de alio Feſto duplici; ut Toleti in Caſtella nova Hiſpaniarum die vigeſima nona ſit de S. Thoma ſub ritu duplici minori, die verò trigēſima de Translatione S. Jacobi Apoſtoli duplici majori; in hodiernis Veſperis, Capitulum eſt de Translatione; cum commemoratione S. Thomæ, & Dominicæ, ſi præcedat vel ſequatur, ac quatuor Octavarum. Attamen occurrente hodie Fe-

sto S. Thomæ sub ritu duplici minori, cras verò Festo duplici secundæ classis, ut Compostellæ in Galicia die vigesima nona sit de S. Thoma sub ritu duplici minori, & die trigesima celebratur memorata Translatio S. Jacobi Apostoli sub ritu duplici secundæ classis, fiunt ibi Vesperæ à Capitulo de dicta Translatione, cum commemoratione Sancti Thomæ duplicis, & Dominicæ si sequatur, non tamen si præcedat, deinde quatuor Octavarum. Si denique S. Thomas sit Titularis Ecclesiæ, ut supra diximus esse Patavii in Ecclesia Congregationis Oratorii S. Philippi Neri, & sit consequenter duplex primæ classis, Capitulum de hodiernis Vesperis erit S. Thomæ, cum commemoratione Dominicæ simul occurrentis vel subsequenter, si Festum S. Thomæ veniat in Sabbato, & Nativitatis, non aliarum trium Octavarum.

§. X.

*De Dominica infra Octavam
Nativitatis Domini.*

TRibus dumtaxat diebus potest hæc Dominica occurrere, & de ea fieri vel integrum Officium, vel saltem nona lectio & commemoratio, scilicet, vigesima nona, trigesima, & trigesima prima seu ultima Decembris: Dominica enim, quæ ante hoc triduum occurrit, dicitur *vacans*, quia omnino caret Officio, ut supra propriis locis adnotavimus. Ut autem aliquid de antiquo tangamus, hæc Dominica vocabatur *Officium*, *Dum medium silentium*, sumpto nomine ex primis verbis positis in Introitu Missæ: ita vocat Rupertus Abbas de *Divin. Offic. lib. 3. cap. 23.* ita vocat Micrologus de *Ecclesiast. Observat. cap. 37.* & meminit Gavantus *tom. 1. par. 4. tit. 4. num. 1.* ac ex recentioribus Grancolas in *Comment. ad Breviar. Ro-*

MAN. cap. 22. pag. 234. ubi etiam ait, quod per verba illa: *Dum medium silentium*, deprompta ex *cap. 18. Sapientia*, nos docet Ecclesia, quod sicut Deus mediæ noctis tempore Populum suum ab Ægypti captivitate liberaverat, ita etiam media nocte per incarnationem Verbi Populum suum à servitute peccati liberavit.

Quia tamen hæc Dominica quibusdam diebus est vacans, ne umquam vacet quoad Officium, assignata est ei pro casibus etiam non festivis dies trigesima Decembris tamquam dies fixa, in qua universaliter agendum sit de ea cum suo ritu semiduplici, tamquam si occurreret. Itaque præter ejus diem festivum, in quem interdum dicta dies trigesima incidit, adhuc eadem die fieri debet Officium de hac Dominica, quotiescumque in sæpè memorata die trigesima occurrat FERIA tertia, vel quarta, vel quinta, aut sexta: & ideo Rubrica tum Breviarii, tum etiam Missalis eam ponit statim post Festum S. Thomæ, quia plerumque celebratur dicta die trigesima, quæ immediatè sequitur dictum Festum. Hæc autem dies trigesima non est sedes solius Dominicæ, sed modò est Dominicæ, modò S. Thomæ translati, & modò Diei infra Octavam Nativitatis: de quibus omnibus hoc loco est differendum: & primò quidem de Dominica, non solum quia nobilior est, sed etiam quia sæpè celebratur in dicta die trigesima, & quia, sequendo Rubricam, est prima in ordine trium horum Officiorum.

Itaque Dominica infra Octavam Nativitatis celebratur sub ritu semiduplici in colore albo: Quoad ejus Officium, nihil sumit de Psalterio, ut sit in Dominicis infra Octavas communes occurrentibus: sed omnia dicuntur, ut in Die Nativitatis, exceptis Lectionibus trium Nocturnorum, aliisque propriis claro ordine dispositis in Breviario. Ad Laudes fit commemoratio quatuor Octavarum: sine Suffragiis, quæ si non dicuntur in Dominicis infra Octavas non privilegiatis, multo minus dicenda sunt in hac Dominica. Ad Primam omittitur Psalmus *Confitemini*, & Symbolum S. Athanasii *Quicum-*

que: & ad Responsorium breve dicitur Versiculus,
Qui vnus es de Maria Virgine, sine Precibus Domi-
 nicalibus, & cum clausula Hymnorum *Jesu tibi sit*
gloria ad omnes Horas.

Missâ hujus Dominicæ infra Octavam Nativitatis
 occurrentis est propria, in qua & *Gloria*, & com-
 memoratio quatuor Octavarum, & *Credo*, & Præ-
 fatio Nativitatis cum ejus *Communicantes*. In Ec-
 clesiis verò Ritus Ambrosiani dicitur in hac Domi-
 nica etiam nostris temporibus alia Præfatio, quam
 ex particulari illius moris Missali fideliter transur-
 ptam volumus hic extendere, & est sequens, bre-
 vis quidem, sed scitu digna, videlicet: *Verè dignum*
& iustum est, æquum & salutare, nos tibi semper, &
ubique gratias agere, Domine sancte, Pater omnipo-
tens, æterno Deus; suppliciter implerantes, ut Filius
tuus Jesus Christus, qui se usque in finem sæculi suis
promisit Fidelibus assuturum, & præsentia corporalis my-
steriis non deserat quos redemit, & Majestatis sua be-
neficiis non derelinquat. Quem laudant Angeli, atque
Archangeli, &c.

Quia tamen antiquitus recitabatur in Ecclesia
 Dei Præfatio diversa in hac Dominica, ut videre
 est in Libro Sacramentorum S. Gregorii Papæ, pa-
 gina decima quarta, etiam ista hoc proprio loco
 ponitur per extensum, scilicet: *Verè dignum & ju-*
stum est, æquum & salutare, nos tibi semper, & ubi-
que gratias agere, Domine sancte, Pater omnipotens,
æterne Deus: Qui peccato primi Parentis hominem à
salutis finibus exultantem, pietatis indulgentia ad ve-
niam vitamque revocasti, mittendo nobis Unigenitum
Filium Dominum & Salvatorem nostrum. Per quem,
Majestatem tuam laudant Angeli, &c. Benedictio verò
Episcopalis, quæ, attenta prisca Ecclesiæ con-
suetudine, tribuebatur Populo intra Missam, ut
supra diximus in Nocte Nativitatis Domini, in
hac Dominica infra Octavam erat ea, quæ sequi-
tur, nempe: Deus, qui Unigenitum suum misit, ut
Mundum salvaret: ejusdem salutis vos participes effi-
ciet, & in ea perseverabiles reddat. Amen. Iram,
quæ super infideles manet; à vobis amoveat. Amen.
Spiri-

Spiritum Filii sui vobis attribuat, ejusque donis vos affatim exuberare concedat. Amen. Quod ipse prestare dignetur, &c. cum reliquis, ut supra in Missa de S. Stephano.

Si hæc Dominica infra Octavam occurrat die vigesima nona, vel trigesima Decembris, in Ecclesia Universali fit Officium de eadem Dominica. Attamen si in una ex prædictis duabus diebus occurrat alicubi Festum duplex, licet primæ classis, legitur in eo nona Lectio Dominicæ occurrentis ad Matutinum, & fit in Laudibus commemoratio de ea, ac etiam in Missa, in cujus fine recitatur Evangelium ejusdem Dominicæ. Idem dicendum, si die trigesima fiat de dicta Dominica, non solum quando occurrit in die festivo, sed etiam quando occurrit eo die FERIA tertia, vel quarta, vel quinta, aut sexta, nam in qualibet ex dictis quatuor Feriis agendum erit de eadem Dominica infra Octavam: sed illud notandum, quod in dictis quatuor Feriarum occurrentiis, hæc Dominica licet non festiva, non tamen recipit duplex translatum, sed tantum occurrens, quia Dominica in hujusmodi casibus consideratur tamquam in propria sede, & in die fixa ac propria: unde ubi habetur translatum Festum duplex S. Anastasiæ, quod occurrebat in Die Nativitatis Domini, & nullum ibi occurrit hodie duplex Officium, non reponitur hac die dictum Festum S. Anastasiæ: unde ubi hodie occurrit Festum duplex, ut Aquilejæ in Foro-Julii Festum S. Nicephori Martyris, vel Firmi in Marchia Anconitana Festum S. Sabini Episcopi & Martyris, vel in omnibus ferè Diocæsesibus Hispaniarum Translatio S. Jacobi Apostoli, ibi fit nona lectio & commemoratio Dominicæ, cum ejus Evangelio in fine Missæ.

At, quia infra hanc Octavam Nativitatis non dicuntur Missæ Votivæ privatz, neque de *Requiem*, ut supra diximus in Festo S. Thomæ cum citatione Decreti prohibitivi, cautè idcirco legendas Gavantus, qui *tom. 1. par. 1. tit. 4. num. 3. lit. O. circa fin.* tenet, quod exceptio Missarum Votivarum

rum in Dominicis, expressa in Rubrica in fine Missalis, non habeat locum in hac Dominica infra Octavam, quando celebratur die trigesima non festiva in Feria tertia, vel quarta, vel quinta, aut sexta, ea ratione, quia verba Rubricæ sonant ipsum Diem Dominicum, qui colitur à Populo, cui non convenit Missa Votiva privata. Hæc ille, sed quod suo tempore verificabatur, nunc temporis non est ampliùs admittendum ex nova Lege Votivarum privatarum exclusiva infra hanc Octavam. Quod autem dictum est de cauta lectione Gavanti circa hanc Dominicam, intelligendum est de aliis Auctoribus illum quoad hoc sequentibus, & præsertim de Arnaudo *Epistomæ tract. 1. part. 1. titul. 4. num. 4.*

Quia verò in hac Dominica infra Octavam Nativitatis ponitur in primo Nocturno *Initium Epistola Pauli ad Romanos*, necesse est, ut aliquid super hoc dicamus, cum non semper legi possit propria die. In Ecclesia itaque Universali unicus tantum datur casus impediendi, plures tamen in Ecclesiis particularibus. Et quidem in Ecclesia Universali tunc anticipatur dictum *Initium*, quando Dominica occurrit in Festo S. Silvestri, nam eo casu ponitur *Initium* in Sabbato præcedenti, ut præscribit Rubrica Breviarii statim post Officium Dominicæ, de quo nos infra dicemus, cum de Die infra Octavam Nativitatis sermo erit. Extra verò Ecclesiam Universalem ponendum est præfatum *Initium* in Feria secunda, ubi Festum S. Thomæ celebratur sub ritu duplici, & occurrit in Dominica, ut apud Regulares Lateranenses & Cistercienses, & etiam quoad hoc dicemus infra proprio loco. Quodd si alicubi die vigesima nona Decembris occurrat in Dominica Festum duplex proprias habens Lectiones primi Nocturni, *Initium* Dominicæ non erit ponendum in Feria secunda, si in ea fiat de Festo S. Thomæ quod fuit heri, sed legetur in Festo S. Silvestri tunc currentis in Feria tertia. Idem dicendum, si die trigesima occurrat Dominica in die festivo, sive fiat de ea tamquam in die fixa feriali, & simul
agen-

agendum sit de simili Festo duplici cum lectionibus primi Nocturni propriis, nam & in hoc casu Festum S. Silvestri erit locus hujus *Initii*.

Guyetus tamen in *Heortolog. lib. 4. cap. 18. quest. 9. pag. 287. juxta editionem Venetam*, tollit à Festo S. Thomæ lectiones tamquam proprias *A. Milerò*; & ponit earum loco prædictum *Initium Epistolæ ad Romanos*, supposito, quòd die trigesima Decembris occurrat Dominica impedita ab Officio duplici cum lectionibus propriis in primo Nocturno; & dato simul, quòd die trigesima prima simile Festum sit celebrandum. Et ut rite & recte fundata sit ejus opinio, eam confirmat exemplo Breviarii. In Festo enim SS. Angelorum Custodum (ait) lectiones primi Nocturni sunt omnino propriæ, & nihilominus ibi habetur Rubrica, in qua dicitur, quòd dictæ lectiones propriæ omittuntur eo anno, quo in præcedentibus diebus non potuit legi *Initium Libri Esther*; Ergo à pari, omittuntur lectiones *A. Mileto* in Festo S. Thomæ, quando non potest alia die legi *Initium Epistolæ ad Romanos*. Hæc ille: &, ut veritatem fatear, hæc opinio mihi probatur, nam & paritas currit, licet amplius non currat illa Rubrica, quæ tunc observanda erat, quando Officium SS. Angelorum Custodum poterat celebrari prima die Octobris, in qua interdum occurrit Sabbatum pro repositione dicti *Initii Esther*: sed postquam assignata fuit dies secunda ejusdem Octobris præfato Officio SS. Angelorum, remanente nihilominus paritate, casus repositionis evanuit, nam in quamcumque feriam incidat dicta dies secunda, *Initium Esther* lectum fuit in Ecclesia Universali, vel occurrit infra Hebdomadam primam Octobris: In Ecclesia verò particulari, si dies secunda veniat in Feria sexta debent haberi tria Officia specialia cum lectionibus propriis in primo Nocturno, antequam *Initium Esther* reponatur in Festo SS. Angelorum, nempe, die vigesima septima in ipsa Dominica quinta Septembris, die vigesima octava in Feria secunda, & die prima Octobris in Feria quinta. Si verò eadem dies secunda occurrat in Sabbato, desideran-

derantur quatuor Officia particularia dictum *Initium Esther* non admittentia, scilicet, die vigesima sexta in Dominica quinta septembris, die vigesima septima in Feria secunda, die vigesima octava in Feria tertia, & die prima Octobris in Feria sexta: quæ quidem Officia inveniri videtur ferè impossibile.

Non video tamen, cur in casu Guyeti supra posito non possit poni *Initium Epistola ad Romanos* in Die Octava SS. Innocentium: nam si dicatur, quòd poneretur *Initium* post incæptam Epistolam in Die Circumcisionis; respondeo; quòd illæ lectiones Circumcisionis non considerantur de scriptura occurrente, sed ut propriæ, tamquam ad rem loquentes de eadem Circumcisione, ita ut nisi hoc tempore legeretur de hac Epistola, adhuc, meo iudicio, essent ea die positæ propter convenientiam cum Festo: Et quod fatetur Guyetus, ne in Die Circumcisionis ponatur *Initium*, ego censeo, ne considerentur Scripturales: ait enim d. lib. 4. cap. 18. quæst. 9. *Lectiones in Die Circumcisionis ita sunt de Scriptura, ut sint nihilominus propria Festi*. Unde Grancolas in *Commentar. ad Breviar. Roman. cap. 24. in fine*, sic habet: *Prætermittendum non est, inopinato accidisse, ut prima tres lectiones de Circumcisione absque ullo delectu dispositæ, illius Diei mysteriis convenirent; dum ergo fatetur convenire, facit proprias: licet in eo erret, quòd sine delectu sint dispositæ, nam quamvis sint successiva Capita Epistolæ, non sunt tamen successivi Epistolæ Numeri, sed imò cum delectu sunt positæ, ut clarè patet ex Sacris Bibliis: Prima enim Lectio in Officio Circumcisionis sumitur ex Capite tertio ejusdem Epistolæ à numero primo ad numerum sextum inclusivè: Secunda verò Lectio patenter demonstrat delectum, nam præmissis viginti duobus Numeris præfati Capituli tertii, qui ad rem non faciunt, incipit à numero vigesimo nono ejusdem Capituli, deinde includit Caput quartum à numero primo usque ad numerum septimum inclusivè: quod mihi sufficit ad ostendendum delectum. Si ergo sunt selectæ, ad*
hoc

hoc ut essent propriæ, ergo non considerandæ tamquam de prosecutione Epistolæ: ergo post eas poni potest dictum *Initium ad Romanos* in casu Guyetis, scilicet in Die Octava SS. Innocentium, nam & Lectiones eo die positæ, nihil habent cum Innocentibus; quod dictum sit, salva semper meliori opinione, & ad favorem S. Thomæ, ut habeat in primo Nocturno suas assignatas Lectiones, quoad fieri potest.

Casum denique de tribus Festis propriis illo tri-
duo occurrentibus, nempe die vigesima nona, tri-
gesima, & trigesima prima Decembris, in quibus
omnibus habeantur in primo Nocturno Lectiones
propriæ, noluisse proponere fatetur Guyetus *d. lib.*
4. cap. 18. quæst. 9. in fine, ratus nihil hujusmodi
ullibi contingere: si tamen contingat, sentit ex su-
perius dictis, ponendum itidem in aliquo illorum
prædictum *Initium Epistolæ Paulinæ ad Romanos*, omis-
sis aliis Lectionibus sive propriis sive de Communi
assignatis. Huic opinioni potius adhæreo, sed & in
hoc casu poni posset in Die Octava SS. Innocen-
tium, ut supra dixi. Casus autem Guyetanus mi-
hi non videtur difficilis inventu, ut ipse putat,
nam Toleti in Castella nova Hispaniarum, & Com-
postellæ in Gallicia sit die vigesima nona de Festo
S. Thomæ sub ritu duplici minori, cum Lectioni-
bus *A Mileto*, ut in Ecclesia Universali: die verò
trigesima celebratur Translatio S. Jacobi Apostoli
sub ritu duplici majori, & respectivè secundæ clas-
sis. Non est tamen difficile, quodd in aliqua Eccle-
sia unus ex prædictis duabus Civitatibus vel Diœ-
cesibus vel occurrat die trigesima prima Dedicatio
propria, vel S. Silvester sit Titularis. In quamcum-
que ergo ex dictis tribus diebus occurrat Domini-
ca, juxta Guyetum ponitur *Initium* in Festo S. Tho-
mæ, sed ego ponerem, ut supra dixi, in dicta Die
Octava SS. Innocentium,

Explicatis, ea, quæ potuimus, claritate, quæ
ad Dominicam ejusque *Initium* spectabant, nunc ad
secundum Officium, quod die trigesima interdum
occurrat, deveniendum est, de quo superius innui-
mus.

mus. Est itaque Festum S. Thomæ, quod, si occurrat in Dominica infra Octavam, transferendum esse in Feriam secundam immediatè sequentem non impeditam, nempe in diem trigessimam Decembris, clarè patet ex Rubrica tam Breviarii, quàm etiam Missalis, statim posita ante Festum S. Thomæ. Officium verò sit, ut supra diximus in propria die, cum commemoratione quatuor Octavarum in Laudibus, & in Missa. Hæc autem Missa de Festo semiduplex etiam translato ad eò necessariò dicenda est, ubi nullum aliud occurrit Officium, ut nulla hodie dici possit Missa Votiva privata, aut de Requiem, non quidem ratione Festi, sed ratione Octavæ, quæ etiam quoad hoc est privilegiata ex nova Lege à Sacra Rituum Congregatione emanata anno 1706. sub die 25. Septembris, & confirmata sub die 15. Septembris 1714. approbante Clemente Undecimo sub die 29. ejusdem Mensis & anni: ubi etiam dicitur, Votivas solennes posse cantari, cum Præfatione propria si habeant: ita ibi, sed cum *Communicantes* de Octava, ut infertur ex Octava Ascensionis.

Ubi autem habetur duplex etiam primæ classis translatum, non raponitur die trigesima in Feria secunda, quia Festum semiduplex S. Thomæ, quod occurrebat in Dominica infra Octavam, tantum habet juris in dicta Feria secunda non impedita, ut nulli cedat Festo duplici translato, nam hæc Dies reputatur in hoc casu tamquam firma & fixa, ut fusiùs diximus in Festo SS. Innocentium, contra Gavantium, excusatum tamen, quia scripsit ante Decretum ibidem citatum & à nobis relatum ex integro tom. 2. in Dom. infr. Oct. Ascens. Quòd si alicubi prædicta die trigesima occurrat Festum etiam semiduplex, sit de eo, nam si potest fieri de semiduplexi quod fuit heri in Dominica, majori ratione fiet de semiduplexi quod hodie occurrit: Neque mireris, quod infra hanc Octavam cæteroquin in multis privilegiatam admittatur Festum semiduplex, non solum occurrens, sed etiam translatum, quia Schola Nativitatis Christi est Officina Humilitatis,

ut

ut ex S. Augustino ait Gavantus in *Thesaur. Sacror. Rit. tom. 2. sect. 3. cap. 8. sub num. 2.* At quia ubi militat eadem ratio, eadem regula utimur, nam casus identitas eadem lege resolvitur, ideo, si ubi Festum S. Thomæ est duplex, occurrat ibidem eadem die aliud Festum semiduplex, & sit Dominica, illud semiduplex particulare erit reponendum in dicta Feria secunda non impedita, cum non sit major ratio de uno, quam de alio in paritate casus. Impedita verò alicubi Feria secunda à quovis Festo occurrente, ut Firmi in Marchia Anconitana, ubi die trigesima fit de S. Sabino Episcopo & Martyre, ibi Festum S. Thomæ semiduplex transfertur in primam diem non impeditam post Octavam Epiphaniæ.

Licet paucis verbis locuti simus de secundo Officio in die trigesima interdum celebrando, quia tamen forsitan principaliora, ut putamus, diximus, satis superque credimus dixisse: Unde de tertio Officio, quod dicta trigesima die aliquando occurrit, modò est differendum. Casus autem hujus tertii Officii est unicus in Ecclesia Universali, & etiam rarus, quia solummodò in occurrentia Sabbati, imò & rariorum quandoque facit Annus Bissestilis propter additionem diei in Mense Februario. In Ecclesia verò particulari bis potest contingere, non tamen eodem Anno, ut inferiùs dicetur. Occurrente igitur die trigesima Decembris in Sabbato, hoc tertium Officium erit de Die infra Octavam Nativitatis Domini, ut præscribit utraque Rubrica, Breviarii scilicet & Missalis, statim post Festum S. Thomæ: Hoc tamen tertium Officium, quod diximus raro contingere celebrandum, numquam alicubi celebratur, nam ubi die trigesima occurret Festum etiam semiduplex, ibi numquam fit de dicta Die infra Octavam, cum Rubrica veniat intelligenda de Sabbato non impedito, prout non est in Ecclesia Universali.

Officium itaque de Die infra Octavam Nativitatis in Sabbato fit sub ritu semiduplici in colore albo. Ad Matutinum omnia dicuntur, ut in Die Nati-

Nativitatis. Lectiones tamen primi & secundi Nocturni, nempe *Initium* Epistolæ Paulinæ ad Romanos *Paulus servus Jesu Christi*, & sermo S. Leonis Papæ *Excedit quidem, ailectissimi*, cum suis Responsoriiis, sumuntur ex Dominica sequenti infra Octavam impedita à Festo S. Silvestri. In tertio verò Nocturno legitur Homilia S. Ambrosii Episcopi, incipiens: *Videi festinare Pastores*; in Evangelium *Pastores loquebantur ad invicem*, cum Responsoriiis ibidem positis: quæ Homilia habetur in Breviario immediate post Officium dictæ Dominicæ infra Octavam: Ad Laudes omnia itidem dicuntur, sicut in Nativitate, & post Orationem fit commemoratio de S. Stephano, & de reliquis Octavis. Ad Primam in Responso breviter dicitur Versiculus *Qui natus es de Maria Virgine*: & ad omnes Horas, quæ similiter dicuntur sicut in Nativitate Domini; clauduntur Hymni cum Strophe *Jesu tibi sit gloria*, &c. Missa est propria de Die infra Octavam Nativitatis, in qua dicitur *Gloria*, fit commemoratio trium Octavarum, cum *Credo*; & cum Præfatione, ac *Communicantes* de Nativitate. Quia tamen hæc Octava non admittit Votivas privatas, neque pro Defunctis, ut patet ex superius dictis in Festo S. Thomæ, ideo hæc Missa de Die infra Octavam nec sario dicenda est, ubi non occurrat hodie aliquod Festum etiam semiduplex.

Quod si die trigesima, in qua occurrit dictum Officium de Die infra Octavam Nativitatis, occurrat alicubi Festum etiam semiduplex, sit de eo, cum commemoratione quatuor Octavarum: non tamen fit in hoc Sabbato Festum semiduplex, quo heri occurrebat in Feria sexta: Unde si die vigesima nona in aliqua Ecclesia fiat de Festo duplici ibi occurrente, Festum semiduplex S. Thomæ non transferatur in hoc Sabbatum, in quo occurrit Officium de dicta Die infra Octavam, nam privilegium Festi semiduplicis transferendi in diem immediate sequentem non impeditam infra Octavam, spectat dumtaxat ad illud, quod occurrebat in Dominica, quidquid sentiant alii non recte intelligentes Rubricam Bre.

Breviarii *sic*, 10. de *translat.* *Festor.* sub *numer.* 5. nempè: *ita ut Festum semiduplex infra Octavam non transferatur, nisi in proximè sequentem diem*: putantes, quod hic sensus Rubricæ non sit unitus cum præcedenti de semiduplici occurrente in Dominica infra Octavam. Quod denique declaravit Sacra Rituum Congregatio in *Decreto Urbis & Urbis emanato sub die 22. Decembris 1696.* in quo dicitur: *ita tamen, ut nihil penitus circa semiduplicia in Dominicis infra Octavas occurrentia veniat immutandum; & ut sciatur quod dicta Rubrica in omnibus & per omnia loquitur solum de semiduplici occurrente in Dominica infra Octavam, statim subditur in dicto Decreto: pro quibus Generalis Rubrica cap. 10. num. 5. omnino servanda est: si servanda est pro semiduplici in Dominica, ergo non est servanda pro semiduplici occurrente in duplici, cum exceptio firmet regulam in non exceptis.* Quod si heri in die vigesima nona occurrebat alicubi Festum duplex saltem majus, ibique Festum S. Thomæ celebretur sub ritu duplici minori, hodie in Sabbato fieri potest de eodem Festo S. Thomæ, quod fuit heri, dummodò non habeantur ibidem alia Festa prius translata ejusdem ritus.

At quia supra diximus, præter casum universalis Ecclesiæ etiam particulariter servandum, si nullum obstat Festum occurrens in Sabbato, dari quoque alium specialem agendi die trigesima Decembris de Die infra Octavam Nativitatis Domini, illum invenit perspicacissimus casuum particularium investigator Carolus Guyetus in *Heortolog. lib. 4. cap. 18. quæst. 7. pag. 287. juxta editionem Venetam de Anno 1729* Ubi enim Festum S. Thomæ celebratur sub ritu duplici, prout in duabus alijs citatis Congregationibus Regularibus, Lateranensi scilicet & Cisterciensi, si occurrat in Dominica, sit utique de eodem Festo, cum nona Lectione Dominicæ ad Matutinum, & cum ejus commemoratione ad Laudes. Ibi itaque in Feria secunda sequenti non impedita agendum est de dicta Die infra Octavam Nativitatis, eo prorsus modo, quo supra diximus agi debe-
re

re in Ecclesia Universalī, quando die trigesima occurrit Sabbatum. Cū autem Guyetus suum Opus anno 1657. Lutetiæ Parisiorum ediderit, humillimè postmodum requisita Sacra Rituū Congregatio, quid agendum in casu proposito, sub die 1. Martii 1681. respondit in una Canonicorum Lateranensium ad septimum Dubium, *Die trigesima Decembris in Feria secunda agendum de Die infra Octavam Nativitatis.*

Cū autem ex dictis pateat, tria occurrere Officia in die trigesima Decembris, quæ uno vel altero Anno omnia celebrantur, ex hac Officiorum varietate erunt etiam Vesperæ utique in aliquo variandæ. Et primò quidem in Ecclesia Universalī: deinde, juxtam diversam propriorum Festorum qualitatem, ordinandæ erunt in Ecclesia particulari. Si ergo die trigesima occurrat vel fiat de Dominica, in Vesperis de Nativitate fit Capitulum de sequenti, cum commemoratione Dominicæ præcedentis, & quatuor Octavarum. Quòd si fiat Officium de Die infra Octavam, in Sabbato Capitulum utique erit de S. Silvestro, cum commemoratione Dominicæ sequentis, & Nativitatis præcedentis, ac aliarum trium Octavarum. At si dicta die trigesima sit Feria secunda, in qua fiat de Festo semiduplici S. Thomæ, quod heri occurrebat in Dominica, Capitulum Vesperarum dicitur de sequenti, cum commemoratione S. Thomæ, & quatuor Octavarum. Ad hunc locum tamen spectat, quod observat Gavantus tom. 2. sect. 3. cap. 11. sub num. 39. nempe, quòd in ordine commemorationum post Orationem S. Silvestri videtur, debere fieri prius commemorationem Nativitatis, deinde S. Thomæ, nam quando Festum S. Thomæ occurrit in Feria sexta, in Vesperis etiam Capitulum est de Die sequenti infra Octavam, & consequenter commemoratio S. Thomæ fit post Orationem Nativitatis: Unde sicuti in eocasu Dies infra Octavam habet præcedentiam in Vesperis à Festo semiduplici, ita in casu nostro deberet fieri commemoratio Nativitatis ante illam S. Thomæ, At res revera non ita se habet: ideoque

que Gavantus peritissimus Rubricarum interpres, ingeniosam loco citato & pulcherrimam affert inter utrumque casum disparitatem, quam uti verissimam sequitur Guyetus in *Heortolog. lib. 4. cap. 13. quasi. 9. vers. Quod insuper pag. 276.* facta enim casus à casu distinctione, ait, quòd in ratione Officii dividuntur Vesperæ, ita ut ad præcedens Festum prima pars spectet, ad sequens vero altera à Capitulo: At in ratione simplicis commemorationis, putà, quando Semiduplex concurret cum Duplici infra Octavam Festi Octavam habentis (ut in nostro casu Festum semiduplex S. Thomæ cum Festo duplici S. Silvestri infra hanc Octavam Nativitatis) quia Semiduplex Festum ut tale est nobilius per se loquendo, quàm Dies infra Octavam quæ est continuatio Festi, idcirco fit commemoratio Semiduplicis ante Diem infra Octavam.

Prædicta autem Vesperarum ordinatio spectat ad Ecclesiam Universalem: Sed in Ecclesiis particularibus dantur aliæ varietates: nam si die trigesima Decembris fiat alicubi de Festo duplici minori, ut Firmi in Marchia Anconitana sit de S. Sabino Episcopo & Martyre sub ritu duplici minori, in Vesperis de Nativitate Capitulum erit nihilominus de S. Silvestro, non de illo Festo duplici particulari, quia in hoc casu fit divisio Vesperarum, deinde commemoratio Festi duplicis minoris præcedentis, & Dominicæ occurrentis vel subsequæ si occurrat, ac quatuor Octavarum, Ubi verò dicta die trigesima fiat de Festo duplici majori, ac Toleti in Castella nova Hispaniarum sit de Translatione S. Jacobi Apostoli sub ritu duplici majori, Capitulum legitur de dicta Translatione, cum commemoratione S. Silvestri, & Dominicæ præcedentis vel subsequæ, deinde quatuor Octavarum. At si alicubi occurrat Festum duplex secundæ classis, ut Compostellæ in Galicia sit de prædicta Translatione S. Jacobi Apostoli, sed sub ritu secundæ classis, ibi Capitulum de occurrente duplici, cum commemoratione S. Silvestri, & Dominicæ sequentis si occurrat, non verò Dominicæ præcedentis si occurrebat, deinde non

Tomus Primus.

H

solùm

solùm Nativitatis, sed etiã aliarum trium Octavarum, ut factum fuit in tribus præcedentibus Festis Univesalibus S. Stephani, & S. Joannis, ac etiã SS. Innocentium.

Ubi autem S. Silvester, est Titularis, prout est Venetiis in Parochiali & Collegiata Ecclesia eidem dicata, quam consecravit Alexander Papa Tertius, Antiphonæ quidem sunt *Tecum principium*, cum Psalmis de Nativitate, sed Capitulum de S. Silvestro, cum commemoratione Dominicæ si subsequatur, & Nativitatis, non Dominicæ si præcedat, non S. Thomæ si de eo actum sit in Feria secunda, non denique aliarum trium Octavarum. Quod si die trigesima in Ecclesia, in qua S. Silvester est Titularis agendum sit de Dedicatione Cathedralis sub ritu duplici primæ classis, Capitulum in Vesperis erit de Dedicatione tamquam de digniori, cum commemoratione Titularis tamquam minus digni, & Dominicæ si sequatur, non si occurrat, deinde Nativitatis, omiſſis aliarum trium Octavarum commemorationibus. At ubi dicta die trigesima occurrat Dedicatione propria, & cras Dedicatione Cathedralis, utraque in Officio duplici primæ classis: vel è contra, hodie Dedicatione Cathedralis, & cras Dedicatione propria: in prima concurrentia Capitulum erit de Dedicatione propria, cum commemoratione Dedicationis sequentis, & Dominicæ si sequatur, non si occurrat, & Nativitatis, non aliarum trium Octavarum: in secunda verò concurrentia, Capitulum Vesperarum dicetur de Dedicatione sequenti, cum commemoratione Dedicationis præcedentis, & Dominicæ, ac Nativitatis, ut supra in prima concurrentia. Quod enim inter Dedicationem unius particularis Ecclesiæ, & Dedicationem Cathedralis, maior dignitas danda sit Dedicationi particulari, sæpè sæpius resolvit Sacra Rota Romana, & signanter in *Casaraugustana Dedicationis* 14. Decembris 1624. coram Manzanedo, decis. 801. à num. 2. usq. ad 5. & sequendo meminit Gavantus tom. 2. sect. 8. cap. 5. sub num. 6.

S. XI.

De Festo S. Silvestri Papæ, & Confessoris.

LAtitabat Silvester, ne inveniretur: Quærebat Constantinus, ut inveniret. Quia verò non inquirebat persequendo, factum est, ut prosequendo reperiret. Descenderat Jesus de Monte ad eos qui venerant, ut sanarentur à languoribus suis: Ediscens à Magistro Silvester, descendit etiam ipse de Monte, ut sanet Constantinum: scit enim, quòd *in excelsis infirmi esse non possunt*. Recognoscit Imperator in Pontifice imagines Apostolorum: & benè recognoscit, quia licèt non sit Petrus in persona, est revera Petrus in successiva Dignitate. Recognoscit etiam Pontifex in Imperatore incrementum Fidei, quia dum videt Constantinus Miracula Ecclesiæ, videt Silvester Ecclesiæ exaltationem. Effundit igitur medicinam lustralem, & fugit Lepra. Mundato Imperatore, Pontifex aperit Templum Christianorum antea clausa, & claudit Fana Gentilium antea aperta. Erigitur super Altaria Crux Christi publicè veneranda: & ut una dumtaxat adoretur, omnes aliæ tolluntur. Descendit itaque Silvester, ut erigat Ecclesiam: Sanitas Constantino cœlitus reddita, sanat itidem Fidem Catholicam ab Arlo infirmatam: ideoque Pontifex damnat Hæresiarcham, ipso in Conciliis præsentem Imperatore. Lætetur ergo Orbis Terrarum, quia à tanto Pontifice tot Bona provenerunt Catholicæ Fidei.

Hoc Festum S. Silvestri est præceptivum cum obligatione audiendi Missam, & vacandi ab operibus servilibus. Celebratur autem sub ritu duplici minori in colore albo. Græci agunt de hoc Festo Kalendis Januarii, ut patet ex eorum Menologio, ubi Elogium, quod per extensum ponit Baronius in

Notation. ad Martyrolog. Roman. In Ecclesia verò S. Dionysii in Gallia transfertur ad diem secundam Januarii, ut ait Grancolas in *Commentar. ad Breviar. Roman. cap. 23.* Quoad Officium, omnia sumuntur ex Communi Confessoris Pontificis: Lektionen tamen omnium & trium Nocturnorum dicendæ sunt, ut hodie in Breviario: sed in primo Nocturno possunt alicubi variari, ut hac die legatur *Inizium Epistola Paulina ad Romanos*, ut supra diximus, cum de Dominica infra Octavam locuti sumus. Ad Laudes fit commemoratio quatuor Octavarum, Nativitatis, S. Stephani, S. Joannis, & SS. Innocentium, ut in Festo S. Thomæ post ejus nonam Lectionem. Ad Primam in Responsorio brevi dicitur Versiculus *Qui natus es de Maria Virgine*, cum clausula Hymnorum ad omnes Horas *Jesu tibi sit gloria, &c.* Si verò hodie occurrat Dominica infra Octavam Nativitatis, ejus *Inizium* non legitur hac die, sed Lectiones primi & secundi Nocturni dicuntur eo casu in Sabbato præcedenti in Officio de Die infra Octavam, ut suo loco dictum est: At si alicubi in illo Sabbato actum sit de Festo proprias habente Lectiones primi Nocturni, legitur dictum *Inizium* in hoc Festo S. Silvestri tunc occurrente in Dominica: & ad Matutinum dicitur nona Lectio ejusdem Dominicæ, cum ejus commemoratione in Laudibus ante illas quatuor Octavarum.

Missæ verò in Festo S. Silvestri habetur per extensum hodie in Missali, quæ tamen sumpta est ex diversis Communibus, nam Introitus est de Communi Confessoris Pontificis ex secundo loco: Orationes depromptæ sunt ex primo loco ejusdem Communis: Epistola est de Communi Doctorum: Evangelium de primo loco Confessoris non Pontificis: Graduale denique, Offertorium, & Communio desumuntur partim ex uno, partim ex altero loco Confessoris Pontificis. In hac Missa dicitur *Gloria*, fit commemoratio de quatuor Octavis; recitatur *Credo*; & Præfatio ac *Communicantes* sunt de Nativitate. Quòd si occurrat Dominica, fit prius de ea commemoratio, & legitur ejus Evangelium in fine,

cum asperſione Aquæ benediſtæ ante Miſſam ſolemnem. Hodie tamen poſſunt cantari quæcumque Miſſæ Votivæ pro re gravi, cum Præſatione propria, ſi habeant, ſed cum *Communicantes* de Octava, licet in eis non ſit facienda commemoratio de Nativitate, & multò minus de aliis Octavis, ut ſupra diximus in Feſto S. Thomæ, ubi & caſum Rhodiginum attulimus de Votiva Beatæ Mariæ, quæ in hoc Feſto S. Silveſtri ex voto illius Civitatis quotannis cantatur, & in ea dicitur Præſatio Beatæ Virginis, cum *Communicantes* de Octava.

Ubi tamen S. Silveſter eſt Titularis, prout eſt Bononiæ in Statu Eccleſiaſtico in Eccleſia Parochiali eidem dicata, omiſſis in primo Nocturno Lectionibus Epistolæ Paulinæ ad Romanos, ſumuntur ex ejus Communi, nempe, *Fidelis ſermo*, ut benè ſuggerit Piſcara in *Caremon. ſua Religion. lib. 3. cap. 5. num. 15. pag. mihi 151.* ubi etiam ait, & verum dicit, quodd ſit commemoratio de ſola Nativitate, niſi venerit in Dominica, quia tunc legitur nona Leſtio de ea, & ſit ejus commemoratio in Laudibus ante illam Nativitatis, ita & in Miſſa, in cujus fine dicitur Evangelium ipſius Dominicæ. Idem reſpectivè dicendum, ſi hodie alicubi occurrat Dedicatione propriæ Eccleſiæ, quia ibi eſt duplex primæ claſſis. At ſi contingat fieri de Dedicatione Cathedralis ſub ritu duplici ſecundæ claſſis, ut apud Regulares, omnes erunt faciendæ commemorationes Octavarum, non ſolius Nativitatis, ut factum fuit ſupra in Feſtis duplicibus ſecundæ claſſis univerſalibus.

Vesperæ hodiernæ ſunt integræ de Circumciſione, ſine commemoratione S. Silveſtri, licet ſit Feſtum duplex minus, quod in concurrentia duplicis ſecundæ claſſis debet habere ſuam commemorationem, vigore Rubricæ generalis Breviarii tit. 9. de *Commemor. ſub num. 6.* ubi habetur, quodd in Feſtis ſecundi ordinis, nempe ſecundæ claſſis, ſit in primis Vesperis commemoratio Feſti duplicis eo die celebrati: At quia ſtatim additur, niſi aliter in propriis locis notetur, ideo in noſtro caſu attendenda eſt Rubrica ſpecialis poſita in primis Vesperis de Circumciſione, quæ

sic habet, *Et non fit aliqua commemoratio*: ex quo sequitur, quod neque facienda est de Dominica occurrente in Festo S. Silvestri, & hoc juxta Rubricam generalem, ac etiam specialem. In Ecclesia tamen, in qua S. Silvester est Titularis, Antiphonæ de Nativitate *Tecum principium* non habent ampliùs locum, terminatæ in primis Vesperis S. Silvestri: ergo sumendæ erunt de Communi Confessoris Pontificis, nempe, *Ecce Sacerdos magnus*, cum Antiphona ad Magnificat *Dum esset Summus Pontifex*, quæ omnibus convenit & solis Summis Pontificibus in secundis eorum Vesperis, & cum sola commemoratione Circumcisionis, ut tenet Gavantus in *Thesaur. tom. 2. sect. 6. cap. 6. num. 9.* & ejus Compiler Arnaldus in *Epitoma, tract. 2. par. 4. tit. 7. num. 4.* Piscara in *Caramon. sua Religion. lib. 3. cap. 5. num. 15.* ac Baldryus in *Manuali, par. 4. cap. 2. num. 39.* Unde apud ipsos, si in Festo S. Silvestri occurrat alicubi Dedicatio Ecclesiæ sub ritu duplici primæ classis, in secundis ejus Vesperis Antiphonæ erunt *Domum tuam, Domine, decet Sanctitudo*, ut in Communi Dedicacionis, cum commemoratione Circumcisionis.

Attamen meliorem, ut reor, opinionem, fortiorque ac Rubricæ magis adhærentem rationem, ad sustinendas Antiphonas de Nativitate etiam in secundis Vesperis de S. Silvestro Titulari, invenit Guyetus in *Heortolog. lib. 4. cap. 13. quest. 5. pag. 286. juxta editionem Venetam de Anno 1729.* Unde enim (ait hic Auctor) habetur, terminatas fuisse pridie illas Antiphonas Nativitatis, nisi quia hæc die Vesperæ fiunt de sequenti Festo Circumcisionis, quod proprias habet Antiphonas & Psalmos? Sed posito, quod hæc die Vesperæ non sint de Circumcisione, annon semper continuatur in Octava Nativitatis? adeoque locum habet Rubrica de istis Antiphonis & Psalmis posita in secundis Vesperis S. Stephani, *Et dicuntur etiam in aliis Festis infra hanc Octavam occurrentibus.* Et verò, si idem fieret Officium in Circumcisione seu Octava Nativitatis, quod fit in Die, annon stante præfacta Rubrica ut est,

est, dicerentur in casu proposito prædictæ Antiphonæ? Certè nihil eis sui juris adimit Officium Circumcisionis: sed nec ipsa quidquam adimit celebritas Festi proprii. Ita, & benè meo iudicio Guyetus: nam si Vesperæ sunt de S. Silvestro Titulari, sunt Vesperæ infra Octavam Nativitatis: ergo celebrandæ cum Antiphonis *Tecum principium*, cum Capitulo S. Silvestri, & cum commemoratione Circumcisionis, non autem Dominicæ, si occurrat, & multò minus duarum aliarum Octavarum. Unde non placeret, si Arimini, diè trigesima prima Decembris in secundis Vesperis de S. Columba Virgines & Martyre illius Cathedralis, Titulari dicerentur Antiphonæ de ejus Communi, & non de Nativitate.

Sequitur ex dictis cum eodem Guyeto, quodd si hac die ultima Decembris occurrat alicubi Dedicatio Ecclesiæ, sive ut tali die Mensis, sive ut Dominica ultima Mensis, sive ut Dominica infra Octavam Nativitatis, quæ in talem diem quandoque incidit, in ejus secundis Vesperis licet duplicibus primæ classis, Antiphonæ erunt *Tecum principium* de Nativitate, non verò *Domum tuam, Domine, decet sanctificando*, de Communi Dedicationis, cum non sit major ratio de S. Silvestro Titulari, quàm de Dedicatione Ecclesiæ. Quapropter, si verum fateri volo, mihi magis probatur, magisque me movet hæc opinio Guyeti, quàm illa Gavanti, cum ratio stet potius pro Guyetana Rubricæ adhærente, quàm pro Gavantina se potius removente à Rubrica. Non sic tamen intelligendum venit, si Dedicatio Ecclesiæ hodie alicubi occurrens, sit duplex secundæ classis, prout est Dedicatio Cathedralis apud Regulares, nam cum ibi Vesperæ sint de Circumcisione tamquam de digniori in paritate ritus, cessant in hoc casu Antiphonæ de Nativitate, quia Vesperæ sunt de sequenti, cum commemoratione præcedentis, licet Rubrica in Circumcisione dicat, quodd in primis Vesperis nulla sit commemoratio, quia loquitur de Vesperis, prout in Ecclesia Universalis, non in casu particulari, in quo duplex

secundæ classis minus dignum concurret cum duplici secundæ classis digniori.

At si alicubi Circumcisio Domini sit duplex primæ classis, prout est Abulæ in Hispania (ut patet ex annuo ejus Directorio, quod modò præ manibus teneo, & sub oculos habeo, in quo vocatur duplex primæ classis in tota Diœcesi) dato, quòd in illa Civitate vel Diœcesi sit aliqua Ecclesia, in qua S. Silvester sit Titularis, vel ibi occurrat propria Dedicatio, in Vesperis hodiernis neque dicendæ erunt Antiphonæ *Ecce Sacerdos magnus* pro S. Silvestro, neque *Domum suam, Domine, decet sanctificatio* pro Dedicatione, neque *Tecum principium* de Octava Nativitatis: sed sicuti Vesperæ fient ex integro de Circumcisione, sic etiam Antiphonæ erunt *O admirabile commercium*, cum sola commemoratione vel S. Silvestri Titularis, vel Dedicationis Ecclesiæ, prout dabitur concurrentia, nam cum utrumque Festum sit ibi duplex primæ classis, ubi non datur disparitas ritus, intrat ratio majoris dignitatis: & ideo Circumcisio habet locum in Vesperis.

Quæri tamen hoc loco potest, an in secundis Vesperis de S. Silvestro uti Titulari, vel de Dedicatione Ecclesiæ, faciendâ sit commemoratio de Dominica hodie occurrente, statim post commemorationem Circumcisionis. Ratio dubitandi est, quia duplex primæ classis, ut est Titularis vel Dedicatio, admittit in secundis Vesperis commemorationem hujusmodi, ut clarè patet ex generali Rubrica Breviarii tit. 9. de Commemor. sub num. 4. sed duplex secundæ classis, ut est Circumcisio Domini, excludit in primis Vesperis commemorationem Dominicæ præcedentis, ex eadem Rubrica sub num. 6. Unum igitur includit quod ei debetur: alterum excludit quod ei non convenit: Quid itaque agendum? Dubium meo judicio facilè resolvitur. Cui dantur integræ Vesperæ, illud Festum consequitur, quod permittit vel negat: sed Vesperæ in casu proposito dantur integræ S. Silvestro Titulari, vel Dedicationi: ergo Festum S. Silvestri, vel Dedicationis

con-

177.

178

consequitur; quod permittit: ergo commemoratio Dominicæ occurrentis facienda. Cum igitur de Circumcisione fiat solum commemoratio, per simplicem commemorationem non habet locum prædictus numerus sextus Rubricæ de duplici secundæ classis, sed quartus ejusdem Rubricæ numerus de duplici primæ classis integras Vesperas tamquam sui juris habente: & hoc tamen salvo semper meliori iudicio.

Ad complementum denique hujus Diei ultimæ Decembris remanet observandum, quod Oratio Circumcisionis est omnino eadem, quæ dicitur in conclusione Officii post *Alma Redemptoris*, nempe: *Deus, qui salutis aterna*: Utraque nihilominus, etsi eadem, dicenda est, una nempe pro Vesperis, altera post Vesperas, si statim eis cantatis terminetur Officium in Choro: nihil enim interest, quod dicatur eadem oratio, & in fine Vesperarum tamquam principalis, & in conclusione illius Horæ tamquam finis illius Officii post Antiphonam de Beata Maria: Commutatio enim Orationis (de qua loquitur Rubrica Breviarii tit. 9. de Commemor. sub num. 8.) intelligitur de identitate & ipseitate duarum Orationum in eadem Hora Canonica occurrentium, in qua fiunt commemorationes, non verò post eandem Horam, sive extra Horam, ut in hoc casu. Sæpe, ut verum fatear, requisitus fui à Scrupulosis, quid agendum in hac (ut putabant) occurrentia? quibus etiam sæpè respondi cum Regio Propheta, Psalm. 52. quod *illic trepidaverunt timore, ubi non erat timor*. Et idè, eos charitative admonui, istam non esse occurrentiam, neque concurrentiam, nullamque Rubricam præcipere commutationem, tamquam nullo modo necessariam, quia oratio finalis dicitur post Vesperas satis superque ex integro completas.

S. XII.

De Circumcisione Domini, & Octava Nativitatis.

Duplici vocabulo appellatur Ecclesiasticè Dies ista, *Circumcisionis Domini* scilicet & *Octava Nativitatis*. Dicitur ergo *Circumcisio Domini*, quia Iesus hodie fuit circumcissus: liberè tamen & spontè, non ex obligatione, quia ipse erat, qui lege Circumcisionis à se lata non obligabatur: Et cum Circumcisio esset instituta ad abolendum peccatum originale, nullum peccatum erat in Christo, ut teneretur ad Circumcisionem: unde S. Leo Papa *serm. 1. de Nativit. Dom.* ait: *Alienum ab hac Nativitate est, quod de omnibus legitur: Nemo mundus à sorde, nec infans, cujus est unius diei vita super terram: Nihil ergo in istam singularem Nativitatem de carnis concupiscentia transiit, nihil de peccati lege manavit.* Dicitur præterea Dies ista *Octava Nativitatis*, quia revera Dies erat Octavus à Nativitate Christi, quo ipse juxta legem circumcidendus erat. Voluit autem circumcidi novem de causis remissivè videndis apud Cornelium à Lapide in *Comment. ad Evang. Luc. cap. 2. vers. 21.*

A veritate non abhorret, Circumcisionis solemnitate pridem Gallis innotuisse. Certè non ita multò post, Anno videlicet quingentesimo sexagesimo septimo Concilium Turonense Secundum decrevit, Calendis Januarii, Ethnicorum superstitioni obviandum esse tantum Litaniarum, & Sacrum Circumcisionis faciendum: Eadem autem est vis vocis illius *Sacrum* seu *Missa*, & *Festi Diei*, inquit Thomassinus in *Commentar. de Dier. Festor. celebrat. lib. 1. cap. 4. num. 12.* In antiquis tamen Ordinibus Romanis Officium erat de Octava Natalis tantum, cum Collecta, *Deus, qui nobis nati Salvatoris Diem cele-*

180

181

celebrare concedis Octavum, ut refert Grancolas in *Commentar. ad Breviar. Roman. cap. 24.* ubi etiam ait ex Joanne Beletio, quod solebant duæ Missæ hac die celebrari, altera de Virgine, altera de Octava Natalis. Hoc Festum Circumcisionis, ut ad nos devenimus, est præceptivum cum obligatione audiendi Missam, & vacandi ab operibus servilibus: Celebratur verò sub ritu duplici secundæ classis, in colore albo. Licet autem sit duplex secundæ classis, non tamen cedit in occurrentia Festo duplici primæ classis, ideoque si hodie alicubi occurrat Dedicatio Ecclesiæ, transfertur post Octavam Epiphaniæ in primam diem non impeditam, ut docet Rubrica Breviarii *tit. 10. de translac. Festsor. sub num. 1.* & clarius patet ex *1. Rubric. post tabellam de Occurrentia*. Quoad Officium hodiernum, omnia sunt propria, sed ad Laudes non fit commemoratio de Octavis. Ad Primam in Responsorio brevi dicitur Versiculus: *Qui natus es de Maria Virgine:* & ad omnes Horas clauduntur Hymni cum Strophe *Jesu tibi sit gloria, &c.* Quod si occurrat Dominica, ista erit *vacans*, & propterea nihil de ea. Si verò post Laudes sit terminandum Officium in Choro, non interest, quòd post *Alma Redemptoris* iterum dicatur Oratio *Deus, qui salutaris*, quæ jam dicta fuit in Officio, ut diximus in primis Vesperis hujusce Festi.

Missæ de Circumcisione Domini est propria, nec fit intra Annum Votiva, ut declaravit Sacra Rituum Congregatio de ordine Pauli V. apud Angelum à Lantulca in *Theatro Regular. verb. Missa Ritus, sub num. 2.* In hac Missa dicitur *Gloria*, unica Oratio, *Credo*, Præfatio, & *Communicantes* de Nativitate. Ex prisca verò Ecclesiæ consuetudine recitabatur hodie alia Præfatio, quam ex Libro Sacramentorum S. Gregorii Papæ desumptam placet hoc proprio loco inferere, & erat sequens, videlicet: *Verè dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum; Cujus hodie Circumcisionis Diem, &*
Nati.

Natiuitatis octauam celebrantes, tua, Domine, mirabilia veneramur. Quia, quæ peperit, & Mater & Virgo est: Qui natus est, & Infans & Deus est. Et ideo cum Angelis, & Archangelis, &c. Et ne omittamus, quoad antiquitatem Ritus, Benedictionem Episcopalem huic solemnitati convenientem, quæ, ut alibi diximus, tribuebatur in diebus Anni præcipuis, eam ex eodem Libro Sacramentorum depromptam extendimus, nempe: Omnipotens Deus, cujus Unigenitus hodierna die, ne legem solveret quam adimplere venerat, corporalem suscepit Circumcisionem, spiritali circumcissione mentes vestras ab omnibus vitiorum incentiuis expurget, & suam in vos infundat Benedictionem. Amen. Et qui legem per Moysen dedit, ut per Mediatorem nostrum Benedictionem daret, exuat vos mortificatione vitiorum, & faciat perseverare in novitate virtutum. Amen. Quo sic in senarii numeri perfectione in hoc seculo vivatis, & in septenario inter Beatorum Spirituum agmina, requiescat: quatenus in octavo resurrectione renovati, & iubelæ remissione ditati, ad gaudia sine fine mansura perveniat. Amen. Quod ipse prestare dignetur, &c. cum reliquis, ut supra in Missa S. Stephani.

Etiam Ecclesia Gallicana antiquis temporibus suam propriam in Die Circumcisionis recitabat Præfationem, quam in Missali Gothico exhibet Mabilonius in Liturg. Gallic. lib. 3. & eam eo transumptam sub oculos ponimus Lectoris Ecclesiastici priscorum Rituum studiosi, scilicet: Verè æquum & iustum est, nos tibi gratias agere, teque benedicere in omni tempore, omnipotens, æterne Deus: Quia in te vivimus, movemur, & sumus: & nullum tempus; nullumque momentum est, quo à beneficiis pietatis tuæ vacuum transagamus. His autem diebus, quod variis solemnitatum causis, salutarium nobis operum tuorum & munerum memoria signavit, vel innovante lætitia præteriti gaudii, vel permanentis boni tempus agnoscimus. Et propterea exultamus uberius, quia sicut in recens gaudium, de venerabilis gratia recordatione reviviscimus. Unde hodiernum diem à die salutiferi Natalis octavum, legitima Domini secundum carnem geniti, Circumcissione signa-

signatum, ordinata commemoratione recolentes, sacrificium pacis in votis solemnibus honoramus, & tanta dignationis opus in Domini Altissimi pia humilitate veneramus. Qui sicuti mortalitatem nostram assumpsit ut mortem consumeret, ita & jugum legis in sua carne suscepit, ut jugum diaboli à nostra cervice discerneret. Circumcisus est in carne corporis nostri, ut nos per verbum Spiritus sui in corde purgati, sine carnis vulnere circumcideremur in spiritu: Ut utrique sexui proficeret circumcisio spiritualis, quia pro universitate generis humani Salvator advenerat. Unde utrumque sexum sacramentum Incarnationis amplexus est, suscipiens Virum, natus ex Femina. Quamobrem, Domine, Sacrificium Circumcisionis solemnitatem votiva pro nostra aeternitatis gaudio suppliciter offerentes, placido dignare conspectu conispicere, & offerentium preces placatus exaudi, per Christum Dominum nostrum. Per quem, Majestatem tuam laudant Angeli, &c.

Ut autem Lector noster, non solum Ecclesiasticæ vetustatis studiosus, verum etiam diversorum Rituum in viridi observantia existentium amator, sciat, quid nostris etiam temporibus sit in praxi quoad hanc Mislam Circumcisionis, aliam extendimus Præstationem ex particulari Ambrosianorum Mislali transcriptam, quam recitant hodie, brevem quidem, sed valde Festo convenientem: Est igitur ea, quæ sequitur, nempe: Verè dignum & justum est, aquum & salutare, nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum. Qui ut nos à gravi servitute legis redimeres, Circumcisionis legalis purificationem accepit. In qua & observationis antiquæ probator existeret, & humanam in se naturam vetustate expoliens innovaret. Præteriti Sacramentorum consummator mysterii, idem legislator & custos, præcipiens & obediens, dives in suo, pauper in nostro. Quem una tecum, &c.

Si hoc Festum Circumcisionis venerit in Dominica, erit quidem Dominica vacans quoad Officium, sed non quoad asperisionem Aquæ benedictæ ante Mislam solemnem de more faciendam, illa tantum excepta

cepta Ecclesia, in qua Episcopus forsitan Pontificaliter celebraret, juxta Cæremoniale Episcoporum *lib. 2. cap. 31. §. 3. & 4. pag. 397. & seq.* licet Episcopus non teneatur hodie solemniter celebrare, cum tantum debeat interesse Missæ, paratus cum Pluviali, ut præscribit idem Cæremoniale *d. lib. 2. cap. 15. §. 2. pag. 295. juxta novissimam editionem Romanam de Anno 1729. sub Benedicto Decimotertio, cujus auctoritate recognitum & editum fuit.*

Non tamen dicuntur hodie Missæ Votivæ solennes, licet pro re gravi, ex ratione superius allata in Festo S. Stephani, ad quod Lectorem remittimus. Si occurrat idcirco aliqua occasio rei gravis, Missa cantatur de Circumcisione, cum secunda oratione pro re gravi sub unica conclusione, ut de SS. Sacramento si in aliqua Ecclesia sit hodie exponendum pro Oratione quadraginta Horarum. Quamvis autem non possint cantari Votivæ, cani tamen potest Missa de Festo fortan hodie occurrente, sed transferendo, ut si alicubi occurrat Dedicatio, vel Festum cum concursu Populi, quia Circumcisio non est unum de Festis exceptis in Rubrica Missalis *tit. 6. de translac. Festor.* unde sequitur, quod si exceptio firmat regulam in non exceptis, dum non est excepta Circumcisio, ergo admittit alteram Missam solemnem de Festo occurrente, sed transferendo. Ex eo tamen, quod hodie cantari potest dicta Missa, non inferitur, ergo possunt cani Missæ Votivæ, quia Missa de Festo occurrente, sed transferendo, est veluti secunda Missa de Die: Votiva autem, est Missa omnino extra Diem.

Potest autem hodie cantari Missa pro Defunctis in Die Obitus, præsentem Corpore, nam licet Circumcisio Domini sit solemnitas, non ideo est una ex illis magnis celebritatibus, quas ad hunc effectum obflare dicit, & ideo excipit Rituale Romanum *tit. de Exequiis, rubric. 5.* Præterquam quod sacra Rituum Congregatio sola excipit duplicia primæ classis, ut resolvit in *Collen. sub die 5. Julii 1698. in responsione ad oblatum Dubium: quam Resolutionem*

ego

ego Domi retineo in forma authentica, cum magno Sigillo, & cum subscriptione Illustrissimi D. Secretarii, & refert etiam Reverendissimus P. Merati in *Addit. ad Gavant. tom. 1. par. 2. in Indice, sub num. 525.* Cum igitur Circumcisio sit secundæ classis, inde sequitur, posse hodie cantari dictam Missam in Die Obitus, si tamen Corpus sit præsens, quod intelligitur de præsentia in Ecclesia, non Domi. Anniversaria verò Defunctorum non possunt hac die cantari quoad Missam, nam Alexander Septimus concessit quidem hujusmodi Missam etiam in duplicibus majoribus, sed non secundæ classis ut est Festum istud Circumcisionis: quod denique declaravit Sacra Rituum Congregatio in d. *Collen. ad septimum Dubium.* Nulla denique est prohibitio celebrandi hac die in Oratoriis privatis Apostolicum Indultum habentibus.

Sed veniamus ad secundas Vesperas Circumcisionis. Hæ sunt integræ in Ecclesia Universalis, cum commemoratione de sequenti Die Octava S. Stephani propriam habente Orationem, ab illa distinctam, quæ dicta fuit per Octavam. De aliis verò Octavis, S. Joannis scilicet & SS. Innocentium, nihil fit in his secundis Vesperis, quia de illis non fit Officium die sequenti, ut ex Rubrica generali Breviarii tit. 9. de Commemor. sub numer. 6. notat Gavantus tom. 2. sect. 6. cap. 6. num. 12. & observat Piscara in *Ceremon. sua. Religion. lib. 3. cap. 5. num. 16. in fine.* Quod si in Ecclesia particulari cras fiat de duplici secundæ classis, ut forsan de Dedicatione Cathedralis apud Regulares, vel alicubi de Festo principali S. Stephani in hanc ejus Diem Octavam translato in casibus suo loco expressis: adhuc Vesperæ erunt ibi de Circumcisione, cum commemoratione Dedicationis sub eodem ritu duplici secundæ classis, & de Die Octava S. Stephani; vel de Festo S. Stephani tantum. At si die sequenti fiat de duplici primæ classis, ut de Dedicatione propriæ Ecclesiæ, vel Ecclesiæ Cathedralis per Civitatem apud Clerum Sæcularem, in hoc casu Vesperæ sunt ex integro de sequenti, cum com-
memo-

memoratione Circumcisionis, & de Octava S. Stephani. Quia verò Abulæ in Hispania celebratur Circumcisio sub ritu duplici primæ classis, ut supra innuimus, si cras in aliqua Ecclesia illius Civitatis vel Diocesis occurreret Dedicatio, in hac ritus paritate locum haberet Circumcisio, ideoque in ejus secundis Vesperis fieret commemoratio sequentis, & de Die Octava S. Stephani.

S. XIII.

De tribus Diebus Octavis S. Stephani, S. Joannis, & SS. Innocentium.

JAm in Festo Circumcisionis complevimus Octavam Nativitatis Domini: sed quia infra eam tre-
alix occurrebant Octavæ, quæ post Circumcisio-
nem terminantur, ideo, ne relinquantur incomple-
tæ, prosequendum est usque ad Vigiliam Epipha-
niæ exclusivè. In hisce tamen tribus Diebus Octa-
vis aliquid adhuc de suo habet Octava Nativitatis:
retinet enim ad Primam in Responsorio brevi Ver-
siculum suum *Qui natus es de Maria Virgine*: Ad
Hymnos omnium Horarum servatur clausula *Jesu
tibi sit gloria*: suamque Præfationem, sed sine *Com-
municantes*, facit de tempore in Missa, nisi fiat de
Festo propriam habente. Quoad dictam continua-
tionem Versiculi ad Primam, clausulæ ad Hym-
nos, & Præfationis in Missa, reviviscit quodammo-
do antiqua in quibusdam Ecclesiis tunc temporis diù
servata consuetudo, juxta quam vel dicebantur
hisce tribus diebus Psalmi de Feria, sed Antiphonæ
& Hymni erant de Nativitate: vel si inter Cir-
cumcisionem & Epiphaniam occurrebat Dominica,
repetebatur Officium de Dominica infra Octavam
Nativitatis: vel vocabatur Dominica post Circum-
cisio-

cisionem, prout Parisiis est etiam hodie in viridi observantia, ubi plura sumuntur ex ipsa Circumcisione, quæ est Dies Octava Nativitatis. His paucis præmissis, incipiamus a prima Die Octava.

Dies igitur Octava S. Stephani Protomartyris fit sub ritu duplici in colore rubeo. Sed quodnam duplex est. Duplex Dierum Octavarum communium, nempe, duplex per Annum, sive majus sive minus: ita ut si hodie alicubi occurreret Festum duplex majus, esset transferendum, ut ex Rubrica generali Breviarii sit. 10. de translat. Fester. sub num. 2. & ex Tabella de Occurrentia infert Gavantus tom. 2. sect. 3. cap. 8. sub num. 13. Et revera ita sæpe declaravit Sacra Rituum Congregatio, ut videre est in mea Collectione de Sacris Ritibus sub numeris marginalibus 950. 1174. & 1286. Sed & in Octava vario Romano plures dantur casus hujusmodi translationis, & signanter die octava Maji fit de Die Octava SS. Apostolorum Philippi & Jacobi, & transfertur Festum duplex majus de Apparitione S. Michaelis Archangeli: Die verò prima Augusti celebratur Dies Octava S. Jacobi Apostoli, & transfertur Festum duplex majus S. Petri ad Vincula: Ita etiam die quinta ejusdem Augusti agitur de Die Octava S. Marthæ Virginis, & transfertur Festum duplex majus S. Mariæ ad Nives.

Quoad Officium in hac Die Octava S. Stephani, omnia dicuntur, sicut in die Festi: Lectiones verò trium Nocturnorum sunt propriæ; ita & Oratio, quæ hodie est alia ab illa Festi. Ad Laudes post Orationem Dicitur commemoratio S. Joannis, & SS. Innocentium, ut in Breviario. Ad Primam in Responsorio brevi dicitur Versiculus *Qui natus es de Maria Virgine*: & ad omnes Horas in fine Hymnorum dicitur *Jesu tibi sit gloria*: Si hodie occurrat Dominica, erit vacans, & idem nihil de ea in hoc Officio. Missa verò hodierna est ut in Die, excepta prima Oratione. Hæc Missa dicitur cum Gloria, cum commemoratione duarum Octavarum, cum Credo, & cum Præfatione Nativitatis, sed sine ejus Communicantes. Quod si in hanc Diem Octava

vam incidat Dominica; licet sit vacans: quoad Officium, ejus tamen ratione fiet de more ante Missam solemnem asperisio Aquæ benedictæ in Ecclesiis, in quibus est facienda.

Si tamen alicubi transferendum sit in hanc Diem Octavam S. Stephani principale ejus Festum in casibus suo loco jam expressis, ego recitarem in primo Nocturno simul sumptas Lectiones de Festo & de hac Die Octava; binas scilicet pro una, ut integra legatur historia Martyrii: Sed hoc est consilium, non præceptum: Sicuti Gavantus *tom. 2. sect. 6. cap. 21. sub num. 11.* ponit ad arbitrium legentis plures Lectiones uno eodemque die recitandas in gratiam Martyrii Machabæorum, si desit locus legendi totam eorum historiam. In hoc verbò casu, ad laudes non fiet commemoratio S. Joannis, neque SS. Innocentium, quia cum sumus extra Octavam Nativitatis, intra quam hujusmodi commemorationes admittebantur etiam in duplicibus secundæ classis, intrat Rubrica generalis Breviarii *tit. 9. de Commemor. sub num. 6.* ubi in prædictis duplicibus secundæ classis non fit commemoratio de die infra Octavam communem: Et idèd Festum S. Stephani in hanc suam Diem Octavam translatum recuperat suum jus, quod intra Octavam Nativitatis amisisset, si plures occurrissent in eo commemorationes diversorum dierum infra alias Octavas. Transferri autem potest, etiamsi hodie occurrat Dominica, nam cum hæc nullum habeat Officium, ex quo dicitur *vacans*; nisi reponeretur Festum principale, quòdnam esset Officium recitandum?

Quòd autem Festum principale Octavam habens, transferri possit, si necessitas cogat, in ejus Diem Octavam, omnes uno ore conveniunt; inter quos Gavantus *tom. 2. sect. 6. cap. 6. sub numer. 11.* & ejus Compiler Arnaldus in *Epithem. tract. 2. par. 4. tit. 3. sub num. 3. pag. mihi 362.* ac etiam Bauldryus in *Manuel. par. 4. cap. 2. sub num. 38. pag. 207.* qui licet reverà loquantur de Festo SS. Innocentium in eorum Diem Octavam transferendo, ex illo tamen casu, quid in similibus sit faciendum, ostendunt.

ostenditur, cum à simili valeat argumentum. At ne scrupulosi censeant hunc casum esse specialem, & ideo non tradendum in exemplum, juxta axiomata legale, *Quyetus in Hortolog. lib. 4. sect. 2. cap. 12. quasi. 2. pag. 267. juxta novissimam editionem Venetam*, eos facit certiores de universalitate, nam ibi loquitur generalitèr de omnibus & singulis Festis Octavam habentibus, transferendis, si opus sit, in eorum Diem Octavam: deinde *ibid. quasi. 8. par. 269.* specialem facit mentionem de hisce tribus Festis, S. Stephani, S. Joannis, & SS. Innocentium. Dies verò Octava erit temper libera, etià si eo die perpetuò occurrat Festum duplex majus, quia cum Dies Octava numquam sit transferenda, sic nec in nostro casu locum unquam habebit illud duplex majus: & sicuti semper Dies illa est sedes Diei Octavæ, ita semper erit sedes Festi principalis quandoque & alicubi in eam translatus. Quod aliqui non benè intellexerunt, putantes, quod si Festum S. Marci in Ecclesiis, in quibus est Titulare, sit impeditum usque ad ejus Diem Octavam exclusivè, die secunda Maii agendum sit de S. Athanasio Episcopo & Confessore, & non de Festo principali S. Marci ad ejus Diem Octavam translato. Impedimentum verò in aliis casibus erit Dominica, quæ in presenti casu S. Stephani non officit, quia non habet Officium. In nostro tamen casu, sicuti in similibus obstabit occurrentia duplicis primæ vel secundæ classis, & tunc Festum principale S. Stephani, vel aliud simile esset transferendum extra totam eius Octavam, & reponendum prima die non impedita, juxta Rubricas.

Quod si in Die Octava S. Stephani occurrat Dedicatio Cathedralis, sive sub ritu duplici primæ classis, ut apud Clerum Sæcularem, sive sub ritu duplici secundæ classis, ut apud Regulares, in utraque Ecclesia totum Officium erit de Dedicatio-
ne, desumendum integrè ex ejus Communi. Ad Laudes verò fiet quidem commemoratio de Die Octava S. Stephani, sed non de S. Joanne, neque de SS. Innocentibus: ita & in Missa, in qua dice-

tur Præfatio Nativitatis, cum *Communicantes*, ut in Canone. In hoc tamen casu, in quo Dies Octava S. Stephani est impedita, recitarem die vigesima sexta Decembris in ejus Festo principali Lectiones primi Nocturni de hac Die Octava simul cum illis de Festo, & de senis facerem tres, ex ratione superius allata, licet Clerus non teneatur ad hujusmodi recitationem, sed tantum possit, si velit: & si velit, totam audiet historiam Martyrii.

In secundis Vesperis de Die Octava S. Stephani dicuntur Antiphonæ de Laudibus *Lapidaverunt Stephanum*, Capitulum verò est de sequenti Die Octava S. Joannis, cum commemoratione de præcedenti Die Octava S. Stephani, & SS. Innocentium. At si in hanc Diem Octavam S. Stephani translatum fuerit ejus Festum principale, in secundis Vesperis Antiphonæ itidem de Laudibus Psalmi ex ejus Communi, Capitulum *Stephanus autem*, Hymnus *Deus tuorum Militum*, Versiculus *Stephanus vidit*, Responsorium *Vidit & introivit*, ad Magnificat Antiphona *Sepelierunt Stephanum*, Oratio *Da nobis, quasumus, Domine*, ut in Festo, non verò *Omnipotens sempiterne Deus*, ut in Die Octava, cum commemoratione de sequenti Die Octava S. Joannis, sed non SS. Innocentium. Quod si hodie actum sit alicubi de Dedicatione Cathedralis sub ritu duplici primæ classis vel etiam secundæ ut apud Regulares, in secundis Vesperis omnia ut in Communi Dedicationis, cum commemoratione de sequenti Die Octava S. Joannis, deinde de præcedenti Die Octava S. Stephani, omissa illa de SS. Innocentibus. Si verò die sequenti fiat in aliqua Ecclesia de Festo principali S. Joannis sub ritu duplici secundæ classis in suam Diem Octavam translato, Vesperæ hodiernæ erunt de sequenti, nempe, Antiphonæ de Laudibus Festi *Valde honorandus est*, Psalmi ex ejus Communi, Capitulum *Qui timet Deum*, Hymnus *Exulter Orbis gaudiis*, Versiculus *Valde honorandus est*, Responsorium *Qui supra pectus Domini*, ad Magnificat Antiphona *Iste est Joannes*, Oratio *Ecclesiam tuam, Domine*, cum commemoratione de die Octa-

Octava S. Stephani, sed non SS. Innocentium. At si cras agendum sit de Festo duplici primæ classis, veluti de Dedicatione Ecclesiæ, Vesperæ hodiernæ erunt quidem ex integro de sequenti, ut in ejus Communi, cum commemoratione de Die Octava S. Joannis, sed non de præcedenti Die Octava S. Stephani, & multo minus de SS. Innocentibus. Et hæc satis de occurrentia, & concurrentia in Officio hujus Diei: Itaque descendamus ad secundam Diem Octavam.

Dies Octava S. Joannis Apostoli & Evangelista celebratur in colore albo, sub ritu duplici ejusdem qualitatis, cujus esse diximus diem Octavam S. Stephani. Quoad Officium, omnia dicuntur, sicut in Die: Sed Lectiones trium Nocturnorum sunt propriæ. Ad Laudes post Orationem Diei fit commemoratio SS. Innocentium. Ad Primam in Responsorio brevi dicitur Versiculus *Qui natus es de Maria Virgine*: & ad omnes Horas clauduntur Hymni cum *Jesu tibi sit gloria*: Si hodie occurrat Dominica, erit *vacans*, & ideo nihil de ea in hoc Officio. Missa hujus Diei Octavæ est omnino eadem, quæ dicta fuit in Festo: in qua *Gloria*, secunda Oratio SS. Innocentium, cum *Credo*: Præfatio vero, quæ in Die erat de Nativitate, hodie dicitur de Apostolis, cum *Communicantes*, ut in Canone: De Dominica occurrente nihil fit in hac Missa, & nihilominus ante Missam solemnem fit consueta aspersio Aquæ benedictæ.

At si in aliqua Ecclesia translatum sit Festum principale S. Joannis in hanc ejus Diem Octavam in casibus suo loco expressis (ut transferri posse, etiamsi occurrat Dominica, jam satis superque diximus) neque in Laudibus, neque in Missa fit commemoratio SS. Innocentium, ex ratione superius allata in Die Octava S. Stephani: Si verò hodie fiat alicubi de Dedicatione Ecclesiæ, in Laudibus fit commemoratio de sola Die Octava S. Joannis, ita & in Missa, in qua dicitur Præfatio de Octava, scilicet, de Apostolis. Idem dicendum, si hac die occurrat aliud quodvis Festum duplex primæ classis,

classis, ut Patavii occurrit Translatio S. Danielis Martyris, unius ex quatuor Patronis illius Civitatis, qui omnes ibi celebrantur sub ritu duplici primæ classis cum Octava. Imò, licet Festum, occurrens, etiet duplex secundæ classis, duntaxat, adhuc in Laudibus & in Missa omitteretur commemoratio SS. Innocentium, ut si apud Regulares hodie fieret de Dedicatione Cathedralis, quæ apud ipsos celebratur sub ritu duplici secundæ classis. Parisius vero fit hodie de S. Genovefa Virgine sub ritu duplici maiori, cum commemoratione de Die Octava S. Joannis, & SS. Innocentium, sed ibi Dies Octava S. Joannis est semiduplex, prout ante Pium Quintum erat ubique, & facta fuit duplex ab eodem Pontifice, teste Gavanto *tom. 2. fest. 6. cap. 6. sub num. 14.* De Officio hodierno S. Genovefe meminuit, sed non ad rem nostram, Grancelas in *Commentar. ad Breviar. Roman. cap. 27.* Ritus autem duplex maior patet ex *Directorio Parisiensi*, quod modo præ manibus teneo, & sub oculos habeo.

Vesperæ in Die Octava S. Joannis Apostoli & Evangelistæ non dividuntur a Capitulo cum Die Octava SS. Innocentium, sed integra sunt cum sola commemoratione sequentis: quamvis enim generalis Rubrica Breviarii *tit. 11. de Concurrent. sub numer. 7.* dicat, quod Die Octava concurrente cum alia Die Octava, a Capitulo fit de sequenti cum commemoratione præcedentis, statim tamen ibidem additur, *excepto, quando aliter in propriis locis notatur*: Sed hodie in secundis Vesperis de Die Octava S. Joannis notatur sola commemoratio sequentis: ergo est exceptio Regulæ generalis: Rationem tamen convenientem affert hujus exceptionis Gavantus *tom. 2. fest. 6. capitul. 6. sub numer. 13.* quia scilicet Vesperæ sunt de digniori, & hanc maiorem dignitatem legitimè infert ex *diff. tit. 11. de Concurrent. sub numer. 2.* ubi revera dicitur, quod inter Festa æqualia fervetur hic ordo, ut Festa Angelorum & Apostolorum præferantur cæteris Festis Sanctorum: Quam autem concurrentia consideretur in Vesp.

in Vesperis, & hodie occurrat Octava Dies unius ex Apostolis, rectè Vesperæ sunt integræ de Apostolo, cum commemoratione de Die Octava SS. Innocentium.

Quòd si hodie actum sit alicubi de Festo principali S. Joannis Apostoli & Evangelistæ, in hanc ejus Diem Octavam translato majori ratione in secundis Vesperis de eo fiet tantum commemoratio de Die Octava SS. Innocentium, quia præter majorem dignitatem S. Joannis, quam habet ut Apostolus, considerandus etiam venit ritus duplex secundæ classis, quam habet in Ecclesia Universali. Si verò in aliqua Ecclesia factum sit Officium de Dedicatione, vel de alio quovis Festo duplici primæ, vel etiam secundæ classis, in secundis ejus Vesperis commemoratio erit prius de Die Octava S. Joannis, deinde de sequenti Die Octava SS. Innocentium, quia si ex dictis S. Joannes præferendus est quoad integras secundas Vesperas, debet etiam habere locum in commemoratione. At si cras fiat de Festo principali SS. Innocentium in suam Diem Octavam translato, Vesperæ erunt de sequenti, nempe, Antiphonæ de Laudibus Festi, *Herodes iratus*, Capitulum verò *Vidi supra montem Sion*, Hymnus Laudum *Salvete Flores Martyrum*, Verticulus *Herodes iratus*, Responsorium *In Bethlehém Juda*, ad Magnificat Antiphona *Hic sunt, qui cum mulieribus*, Oratio *Deus, ejus hodierna die præconium*, deinde fit commemoratio de Die Octava S. Joannis. Si verò crastina die agendum alicubi sit de Festo duplici secundæ classis, in Vesperis de sequenti faciendæ erit commemoratio prius de Die Octava S. Joannis, deinde SS. Innocentium: & hujusmodi calus dari potest apud Regulares, si die sequenti occurrat fortan Dedictio Ecclesiæ Cathedralis, quæ apud ipsos celebratur sub ritu duplici secundæ classis. Quia tamen potest cras in aliqua Ecclesia occurrere Festum duplex primæ classis, ut Dedictio propria, eo casu Vesperæ erunt quidem de sequenti, cum commemoratione de Die Octava SS. Innocentium, sed non de Die Octava S. Joannis.

Sed quia hæc nobis sufficiunt de Officio hujus Die, transeamus ad tertiam Diem Octavam.

Dies Octava SS. Innocentium Martyrum celebratur sub ritu duplici de qualitate superius expressa in Die Octava S. Stephani. Variatur autem hodie color, nam de violaceo fit rubeus, quia Dies Octava beatitudinem significat, ait Gavantus *tom. 2. sect. 6. capitul. 6. sub numer. 3.* in qua nihil mœstitiæ: & ideo in hodierno Officio recitando, ut in Die, præter Lectiones trium Nocturnorum legendæ ut hodie in Breviario, non dicitur nonum Responsorium, sed ejus loco *Te Deum laudamus*: attamen cum Octavum Responsorium sit hac die ultimum, addendum est ei *Gloria Patri*, cum repetitione Versiculi *Vindica Domine*. Ad Primam in Responso-rio brevi dicitur Versus *Qui natus es de Maria Vir-gine*: & ad omnes Horas clauduntur Hymni cum Strophe *Jesu tibi sit gloria*. Quod si hodie occurrat Dominica, sicuti erit *vacans*, sic nihil de ea in hodierno Officio.

Missæ quoque in hac Die Octava SS. Innocentium sumitur in omnibus & per omnia ex eorum Festo, sed in ea dicitur *Gloria*, cum unica Oratione. Post Epistolam, dicto Graduali cum *Alleluja* & versu sequenti, omittitur Tractus. In hac Missa non dicitur *Credo*, nisi occurrat Dominica, vel simus in Ecclesia eisdem dicata, vel simul incidat alicubi dies infra aliam Octavam, ut Patavii hodie est dies secunda infra Octavam Translationis S. Danielis Martyris. Non tamen dicitur *Credo*, ut reor, ratione Corporis vel insignis Reliquiæ, ut debere dici in hac Die Octava tenet Bauldryus in *Man. Sacrar. Cæremoniar. par. 4. capitul. 2. sub numer. 38. pag. mihi 207.* nam ratione Corporis vel insignis Reliquiæ dicitur quidem *Credo* in ipso Die Festo, sed non attenditur ad totam ejus Octavam, nisi in Ecclesia Titulari: Ex eo enim, quod dicitur Symbolum in Festo S. Joannis Baptistæ, si in eo veniat Dominica, vel alicubi simul occurrat Dies Octava, ut in Congregatione Regulari S. Hieronymi occurrit Dies Octava Beati Petri de Pisis Fundatoris: &

Pisis

Pilis etiam in Hetruria occurrit Dies Octava S. Raynerii Confessoris: non inde inferitur, quod *Credo* dicendum sit etiam ibi diebus sequentibus infra Octavam Præcurſoris: Et quod dicitur de Feſto S. Joannis Baptiſtæ, intelligitur de Feſto S. Laurentii Levitæ, ſi in illud incidat Dominica, vel alicubi Dies Octava, ut Concordiæ in Foro Julii, & Paſſavii in Auſtria incidit Dies Octava de Inventione S. Stephani Protomartyris: Unde ſi in Die Feſto dicitur *Credo* ratione Corporis vel inſignis Reliquiæ, non dicitur ex eadem ratione infra Octavam, & conſequenter neque in Die Octava, quod mihi eſt pro indubitato. In hac Miſſa de Die Octava SS. Innocentium Præſatio eſt de Nativitate, ſed ſine ejus *Communicantes*, & terminatur cum *Ita miſſa eſt*, quod habet correlationem cum *Te Deum* in Officio, ex Rubrica Miſſalis tit. 2. ſub num. 3. Quod ſi hodie occurrat Dominica, ante Miſſam ſolemnnem ſit conſueſta aſperſio Aquæ benediſtæ, licet nihil agendum ſit de ea tamquam vacante.

Si ad hanc Diem Octavam SS. Innocentium tranſferendum ſit alicubi eorum Feſtum principale in caſibus ſuo loco expreſſis (ut de hujusmodi translatione ſupra diximus in Die Octava S. Stephani) in ſecundo Nocturno unirem tribus Lectionibus de Feſto etiam tres Lectiones pulcherrimas de hac Die Octava, quia licet non ſint de eodem ſermone S. Auguſtini, ſunt tamen de eodem Auſtore; & quod me magis monet, perbellè faciunt ad rem: non tamen cogo ut uniantur, ſed tantum hortor ut recitentur, cum cæteroquin hoc non ſit de præcepto, ſed ſolum de conſilio. At ſi hodie in aliqua Eccleſia occurrat Dedicatio, ad Laudes & in Miſſa ſit commemoratio de die Octava SS. Innocentium, ſive Dedicatio ſit duplex ſecundæ claſſis, ut Dedicatio Cathedralis apud Regulares, ſive etiam duplex primæ claſſis, ut Dedicatio ejusdem Cathedralis apud Clerum Sæcularem. In prædicto tamen caſu occurrentis Dedicacionis, vel alterius Feſti duplicis primæ aut ſecundæ claſſis, ſicuti impedita remanet

Dies

Dies Octava SS. Innocentium, sic die vigesima octava Decembris anticipatè recitarem in eorum Festo principali Lectiones secundi Nocturni de hac Die Octava simul cum illis de Festo, ne omittatur Sermo ad rem tam benè faciens, ut supra diximus: sed hoc ex recitantium arbitratu, non ex necessitate recitationis.

Quisnam verò color erit adhibendus, si in hac Die Octava SS. Innocentium reponendum sit eorum Festum principale translatum? Dicendum videtur, quòd adhiberi debeat violaceus, nam aliud est quòd celebretur Dies Octava, quæ repræsentat Beaticudinem post Martyrium acquisitam: & aliud est quòd celebretur Dies ipsa Martyrii licèt translata, in qua Rachel plorat Filios suos, & non vult consolari, quia non sunt. Dum igitur à Festo incipimus, deperdita Octava, color etiam Festi nempe violaceus esset adhibendus; ex quo etiam videtur sequi, quòd nonum Responsorium sit recitandum ad Matutinum, omissis pariter *Gloria, Alleluja, & Ite Missa est* in Missa. Nihilominus Gavantus *tom. 2. sect. 6. cap. 6. sub num. 11.* ait, quòd in hoc casu, quia non fit de SS. Innocentibus Octava, poterit dici *Te Deum*, cum consequentibus, unà cum Ecclesia Universalis: & idem habet Bauldryus *in Man. par. 3. cap. 2. sub num. 38. pag. mihi 207.*

Secundæ Vesperæ de Die Octava SS. Innocentium dicuntur integræ, ut in Breviario, cum commemoratione de Vigilia Epiphaniæ, ac de S. Telesphoro Papa & Martyre. Fit autem in his Vesperis commemoratio de dicta Vigilia contra rationem Vigiliarum, quarum Officium nonnisi à Matutino incipit, ex quo uno constare hanc Vigiliam esse ad instar Dominicæ; ait Guyetus *in Herolog. lib. 4. cap. 12. quest. 7. pag. 269.* Eodem modo ordinandæ sunt hæ secundæ Vesperæ in ea Ecclesia, in qua actum hodie sit de Festo principali translato SS. Innocentium. At ubi celebrata forsitan fuit hac die Dedicatio Cathedralis sub ritu duplici secundæ classis, ut apud Regulares, in secundis Vesperis Dedicatio-

cationis fit commemoratio de Die Octava SS. Innocentium, & Vigilæ Epiphaniæ, ac S. Telephori. Quod si factum fuit alicubi de Festo duplici primæ classis, in secundis Vesperis de illo Festo fit commemoratio de Die Octava SS. Innocentium, & Vigilæ, sed non S. Telephori. At si cras occurrat duplex minus, Vesperæ sunt à capitulo de sequenti, cum commemoratione de Die Octava SS. Innocentium, & Vigilæ, ac S. Telephori. Si verò crassina die agendum sit de duplici majori, ut Passavii in Austria fit de S. Severino Abbate sub dicto ritu, Vesperæ hodiernæ sunt de sequenti, cum commemorationibus de Die Octava, de Vigilia, & de S. Telephoro. At si cras fiat de duplici secundæ classis, in Vesperis de sequenti fit quidem commemoratio de Die Octava, & de Vigilia, sed non de S. Telephoro: Occurrente denique die crassina Festo duplici primæ classis, Vesperæ erunt de sequenti, cum commemoratione Vigilæ, non verò de præcedenti Die Octava, & multo minus de S. Telephoro.

Ut autem in compendium redigantur hujus Octavæ Privilegia: ea est privilegiata, quia ad Vesperas vult semper suas Antiphonas & suos Psalmos: quia nullam admittit Præfationem, nisi Nativitatis, etiam in Festis propriam habentibus, solis exceptis Votivis solemnibus si propriam habeant, in quibus tamen suum retinet *Communicantes*: quia fit de ea commemoratio in quocumque Festo etiam primæ classis: quia non admittit Votivas privatas, neque de *Requiem*, neque solemnes in Anniversariis Defunctorum: quia recipit de nocte Missam Solemnem, in toto Anno cæteroquin prohibita: quia Missæ de Festo, vel de Octava, suffragantur ad Altare Privilegiatum, perinde ac si celebratæ fuissent pro Defunctis: quia in Festis duplicibus secundæ classis fit commemoratio de alijs Octavis extra præscriptum Rubricæ generalis: quia Dominicæ infra Octavam nihil tribuit de Psalterio, sed totum de Festo: quia eadem Dominicæ concedit locum etiam in die non festi-

140 DE OCTAVA
 festivo, si non potest habere festivum: quia denique
 præter Octavas, quas continet, nullas alias admit-
 tit, nisi ex speciali concessione Sedis Apostolicæ.
 Hucusque dicta, satis superque censemus dicta 206
 de Octava Nativitatis Domini, & de cæteris Octa-
 vis infra eam occurrentibus: quapropter finem im-
 ponimus, alium finem reportare inde sperantes, ju-
 vandi hiis nostris scriptis utrumque Clerum; quod
 Deus faxit, à quo Bona cuncta procedunt.



OCTAVA PRIVILEGIATA

EPIPHANIÆ DOMINI.

C A P U T II.

SEcunda ex Octavis Privilegiatis, quæ in Ecclesia Universalis celebrantur, est illa de Epiphania seu Teophania, utraque vox Græca, qua Theologi Græci, & ex eis Latini, usi sunt ad significandam Christi Apparitionem; nam hodie tripliciter Christus manifestatus est. Hisce tamen tribus Apparitionibus diversum nomen Durandus adscribit, ait enim in *Ration. Divinor. Offic. lib. 6. cap. 16. sub num. 1. 5. & 7.* quod dicitur Epiphania ex apparitione Domini hodie Magis facta per Stellam: *Theophania* ex apparitione Domini hodie quidem, sed revolutis annis, facta in Baptismo, quia ibi tota Trinitas apparuit, Pater scilicet in voce, Filius in carne, Spiritus Sanctus in Columba: Dicitur denique *Bethphania* ex apparitione Domini hodie, sed non eodem anno, facta in Domo Nuptiarum, ubi aperto Miraculo mutata fuit Aqua in Vinum: De quibus tribus Apparitionibus sic hodie mentio in Officio Vesperarum ad Antiphonam Cantici, videlicet: *Tribus Miraculis ornatum Diem sanctum colimus.* Licet autem Græci hac die agant Festum Baptismatis Christi in Jordane, unde in hujusmodi memoriam multis cæremoniis benediciunt Aquam: Ecclesia tamen Latina præcipuè Magorum adorationem celebrat.

Quia verò hodie principaliter Magi adoratores considerantur, sciendum etiam est, quod sicut isti valde periti erant in Astronomia, sic clarissimè cognoverunt, quia Stella illa non erat ex constitutis ab initio. Itaque cognita ex mirabili signo majesta-

207

208

te

te magni Regis, secum tulerunt mystica munera : erat quippe antiquus mos deferendi pretiosa dona ad Reges, ut de Regina Saba Regem Salomonem visitante, habetur *lib. 3. Reg. capi. 10.* Quem verò Regem cognoverunt Magi muneribus, recognoverunt adorationibus Deum: unde S. Fulgentius *serm. de Epiph. Attende (inquit) quid obtulerint, & agnosce quid crediderint:* Et S. Leo *serm. 1. itidem de Epiph. Scienter Divinam Humanamque naturam in unitate venerantes: quod cordibus credunt, muneribus protestantur:* Sed clarè hoc patet ex Evangelista, nam *proidentes, adoraverunt eum.* At quia crediderunt, ideo cœlitus admoniti, *per aliam viam reversi sunt in Regionem suam,* relicto Herode illos anxie expectante, cui callidè requirenti nullum dederant responsum de reditu, sed solummodò cum *anâissent Regem, abierunt.* De his autem Regibus, de Stella, & Nativitate Domini videtur illud à Regali Propheta prædictum *Psal. Ambulabunt Reges in splendore ortus sui.* Hi autem tres Magi in magna sunt veneratione, non solum Coloniz Agrippinæ, ubi tria eorum Capita honorificè asservantur, sed etiam per totam Germaniam: nulla enim reperitur janua Domorum, in qua unâ cum Anno corrente non sint interpositæ tres primæ literæ eorum Nominum, hoc ordine, 1. G. 7. M. 3. B. 8. scilicet: *Gaspas, Melchior, Balihasar,* 1738. quod ego ubique vidi, dum illam ferè totam perlustravi Regionem: imò & mecum tuli plura devota Brevia ibidem impressa cum sacris eorum Imaginibus, & cum tribus sequentibus exametris Carminibus.

Gaspas fert Myrrham, Melchior Thus, Balihasar Aurum:

*Hæc tria qui secum portavit Nomina Regum,
Solvitur à Morbo, Domini pietate, caduco.*

Epiphania igitur est Solemnitas ab ipsis Apostolis instituta, ut ait Macrius in *Hierolexic. ver. Epiphania*, ubi etiam refert, quod pro impiis habebantur Imperatores, si huic solemnissimo Festo non interveniebant: quam demonstrationem simulare voluit idemmet Julianus Apostata, dum in Gallia morabatur

rabatur : quod etiam fecerunt alii Augusti , licet Ariani fuissent . Certè in Ecclesia Dei celebratur hoc Festum cum magna lætitiâ , ita ut gaudio concepto de Nativitate Domini , novum immediatè succedat de ejus apparitione : & ideo possumus jure merito dicere cum S. Leone serm. 2. de Epiph. *Epiphania nobis veneranda Festivitas dat perseverantiam gaudiorum , ut inter cognatarum Solemnitatum vicina sacramenta , exultationis vigor , & fervor Fidei non tepescat .* Hinc est , quod præcedit festiva campanarum pullatio : adornantur Ecclesiæ cum omni pompa : ad Missas & Vesperas pretiosiora Paramenta adhibentur : & ad quodvis Altare benè compositum plures accenduntur cerei , ut ex illa majori illuminatione devote inferamus , quanta luce fulserit Stella illa mirabilis , de qua Magi interrogati responderunt Herodi : *Stellam vidimus fulgentem , cujus splendor illuminat Mundum ,* ut læta canit Ecclesiâ quarta die infra hanc Octavam , in Antiphona ad Magnificat : Et ideo hodie legitur illud Isaïæ 60. *Illuminare , Jerusalem , quia venit lumen tuum .* Hæc autem major Ecclesiarum illuminatio suum habet fundamentum ab antiqua hujusce Solemnitatis denominatione , nam præter alios , Festum *Luminum* appellat Nazianzenus apud dictum Macrium loco superius citato , sed ante eum , hoc idem retulerat Thomassinus de *Dier. Festor. celebrat. lib. 2. cap. 7. §. 2. pag. mihi 53.* Non tamen candêlas accendimus ad fugandas tenebras rutilantè Sole , sed in signum spiritualis lætitiæ , quia lumine Fidei & Gratiae à Christo illustrati , à tenebris infidelitatis & ignorantiae eruti sumus ; & hæc est potissima ratio , qua S. Hieronymus convincit Vigilantium veræ lucis inimicum .

S. I.

De iis , quæ spectant ad Vigiliam Epiphaniæ Domini .

HUic Festo Epiphaniæ præcedit sua Vigilia , in qua tamquam Aurora Diem præcurrente Sanctus Eugenius Episcopus Carthaginensis Felicem cæcum Dei virtute illuminavit , ut hodie refert Baronius in *Notat. ad Martyrolog. Roman.* Est tamen hæc Vigilia sine Jejunio , ex *Concilio Turonensi II.* celebrato anno 567. *cap. 13.* & satis superque hoc exprimit Rubrica tum Breviarii *titul. 6. sub num. 6.* tum etiam Missalis *tit. 3. sub num. itid. 6.* ob Nativitatem Domini , ait Gavantus in *Theaur. Sacror. Rit. tom. 1. par. 4. tit. 3. sub num. 14.* nam ob Natalis Christi lætitiâ , duodecim illi Dies , qui à Natali usque ad Epiphaniam intercedunt , olim jejunio vacabant , inquit Menardus in *Notis ad Libr. Sacramentor. S. Gregor. Pap. nota 139. pag. 301.* Ex eodem Turonensi Canone discimus , nullum jejunii relictum fuisse locum , ne in Cænobijis quidem , in Epiphaniæ Pervigilio , nam Lanfrancus Cantuariensis Insula postea auctus , in pauca contraxit mores Benedictinæ disciplinæ , & Pervigilium Epiphaniæ nullis coli jejuniiis statuit , dicendo : *In Vigilia Epiphania non jejunetur.* Et Uldaricus quidquam simile pro Cluniacensibus præstitit , ac idem sic testatur : *Eo die non jejunamus* , ut refert eruditissimus Thomassinus de *Dier. Festor. celebrat. lib. 2. cap. 6. sub num. 14. pag. mibi 51.*

Officium hujus Vigiliæ celebratur sub ritu semiduplici in colore albo. Ad Matutinum dicitur Invitatorium , Antiphonæ , & Psalmi , ut in Circumcisione Domini , quæ est etiam Octava Nativitatis. Lectiones verò omnium & trium Nocturnorum sunt propriæ , cum Responsoriis tamen de dicta Circumcisione :

210

211

cisione: & in fine nonæ Lectionis dicitur *Te Deum*. Ad Laudes autem, Antiphonæ & Hymnus de Die Octava Nativitatis: reliqua verò usque ad Vesperas exclusivè ex Dominica infra Octavam ejusdem Nativitatis. Post Orationem Dicitur fit commemoratio S. Telephori Papæ & Martyris, nec dicuntur Sanctorum Suffragia. Ad primam in Responsorio brevi dicitur Versiculus *Qui natus es de Maria Virgine*, sine Precibus: & ad omnes Horas usque ad Nonam inclusivè, terminantur Hymni cum Strophe *Jesu tibi sit gloria, qui natus es de Virgine*. Si occurrat Dominica, nihil fit de ea, & ideo inscribitur *vacans*, nec ejus ratione transfertur hæc Vigilia anticipatè in Sabbatum præcedens, sicuti fit de aliis Vigiliis, ex Rubrica Breviarii titul. 6. sub numero. 2. & Missalis titul. 3. sub numero. itid. 3. nam nullum Officium haberetur recitandum hac die quinta mensis, quia Dominica dicitur vacare, quia caret Officio.

Quodd si in hac Vigilia Epiphaniæ occurrat alicubi Festum semiduplex, illud transferatur post Octavam ejusdem Epiphaniæ in primam diem non impeditam, quia in paritate ritus præcedit Vigilia, quæ cum etiam habeat rationem Dominicæ, non admittit, nisi Festa, quæ fieri possunt in Dominica, Bissus in Hierurg. tom. 2. lit. V. sub numero. 52. & habere rationem Dominicæ tenet Guyetus in Heortolog. lib. 4. cap. 6. quæst. 5. vers. De Festo semiduplici, pag. mihi 250. ubi remissivè ad dict. lib. 4. cap. 12. quæst. 7. vers. Quod autem, pag. 269. Gavantus quoque tom. 2. sect. 6. cap. 7. sub numero. 1. absolute transfert Festum semiduplex in hac Vigilia occurrens, subdens quod hæc ipsa Vigilia est longè superior, quàm Feria sexta post Octavam Ascensionis, in qua fit de semiduplici translato, licet & ea sit semiduplex. Etiam Grancolas in Commentar. ad Breviar. Roman. cap. 29. observat, quod hæc Vigilia multum habet de ratione Dominicæ, ait enim: *Nihil in toto hodierno Officio referri potest ad titulum: In Vigilia Epiphaniæ, id est ad Epiphaniam: totum est, sicut in Dominica infra Octavam Nativitatis, E-*
Ternus Primus. K *vange-*

vangelium tantum proprium est: unde Bergomi in Dominio Veneto transfertur Festum semiduplex Sancti Domnonis Martyris hodie ibi occurrens.

At quid agendum, si alicubi occurrat hodie aliqua Dies infra Octavam, quæ ibi sive ex privilegio Apostolico, sive ex immemorabili consuetudine celebretur, cum ex nova lege ab Urbano Octavo lata, à die decima septima Decembris usque ad diem Epiphaniæ non sint celebrandæ Octavæ? Certè agendum erit de Vigilia, cum commemoratione de Die infra Octavam: nam si Vigilia ex dictis habet locum à Festo semiduplici, cui Festo semiduplici cedit Dies infra Octavam, multò magis debet habere à Die infra Octavam, juxta illud communiter receptum Axioma: *si vinco vincentem te, multo magis vinco te*: Unde Patavii in Dominio Veneto rectè sit hodie de Vigilia Epiphaniæ cum commemoratione de Die tertia infra Octavam Inventionis S. Danielis Martyris, unius ex quatuor Patronis illius Civitatis, qui omnes ibi celebrantur sub ritu duplici primæ classis cum Octava. Guyetus tamen, qui ex usu Romano approbat Officium de Vigilia cum commemoratione de Die infra Octavam *lib. 4. cap. 12. quest. 7. pag. 269.* non reprobatur tamen usum Parisiensem: ait enim, quòd in Breviario Parisiensi edito anno 1636. in quo posita est Octava S. Genovesæ, die quinta Januarii sic inscribitur: *De Octava S. Genovesæ, cum commemoratione Vigilia Epiphania.* At Directorium Parisiense, quod Domi retineo, & modò sub oculis habeo, editum Parisiis pro Anno 1699. ordinat vice versa, nempe: *Vigilia Epiphania, cum commemoratione de Die tertia infra Octavam S. Genovesæ*: ex quo sequitur, quòd vel Praxis Parisiensis est contraria ordinationi illius Breviarii, vel ordinatio Breviarii fuit postmodum correctæ: Unde exemplum Guyetanum, saltem hisce temporibus, non valet ad commendandum usum particularem agendi principaliter de Die infra Octavam in Vigilia Epiphaniæ.

Quòd si in hac Vigilia occurrat in aliqua Ecclesia Festum duplex, prout Passavii in Bavaria occurrit

rit Festum duplex majus S. Severini Abbatis, sit quidem Officium de eo, sed cum nona Lectione Vigiliæ ad Matutinum, ejusque commemoratione in Laudibus, deinde etiam S. Telesphori. Idem dicendum, si occurrat duplex secundæ classis, imò etsi esset Festum primæ classis, in quo tamen omit-tenda esset commemoratio S. Telesphori, ut de Fe-sto etiam duplici primæ classis clarè & bonè sentit Guyetus in *Heortolog. lib. 4. cap. 4. quest. 5. pag. mi-bi 250.* & ratio est, quia Vigilia Epiphaniæ non comprehenditur in Rubrica Missalis tit. 3. sub num. 2. ubi sic habetur: *Quod si Vigilia occurrat in die alicujus Festi ex majoribus prima classe, in Missa non fit commemoratio de ea, sicut nec in Officio: illa et-enim Rubrica loquitur de Vigiliis communibus: Vi-gilia autem Epiphaniæ est privilegiata, & satis su-perque excipitur in Rubrica Breviarii tit. 6. de Vi-gil. sub numer. 2. ibi: Si autem in Vigilia occurrat Festum solemne alicujus Loci, vel ex solemnitatibus infra Annum (ut si in Vigilia S. Joannis Baptistæ venerit Festum Corporis Christi) nihil tunc prorsus, nec com-memoratio fit de Vigilia: excepta Vigilia Epiphania. Ita-dem & in alia Rubrica ejusdem Breviarii clarè ha-betur per exceptionem, quòd de Vigilia Epiphaniæ fit commemoratio in duplici primæ classis occurren-te, nam tit. 9. de Commemor. sub num. 4. ita legi-tur: Nisi illud Festum novem Lectionum fuerit solemne principale alicujus Loci, nam in primis Vesperis, & Laudibus hujusmodi Festi, nulla fit commemoratio Fe-sti simplicis occurrentis, nec alicujus Vigilia: excepta Vi-gilia Epiphania.*

Festum verò translatum, etiam si fuerit duplex primæ classis, non reponitur in hac Vigilia, tum quia est semiduplex occurrens, distinctum à Feria sexta post Octavam Ascensionis, quæ licet sit se-miduplex, admittit tamen etiam semiduplex trans-latum, & in Festo duplici primæ & secundæ clas-sis suam amittit commemorationem, vigore Rubri-cæ sic clarè ibi loquentis: tum etiam quia, ut pa-tet ex dictis, hæc Vigilia non recipit nisi Festa, quæ fieri possunt in Dominica: sed in Dominica

non fit de quovis duplici translato : ergo neque in hac Vigilia. Gavantus tamen *tom. 2. sect. 6. cap. 7. sub numer. 1.* ait, quodd Hispanis concessum fuit à Gregorio Decimotertio, posse in hac Vigilia fieri Officium translatum (licet semiduplex) de S. Thoma Cantuariensi ob Festum Translationis S. Jacobi Apostoli, quod ibi die sequenti sub ritu duplici occurrit: sed statim addit: *est singulare Privilegium, non Lex.* Quia verò non refert ipse verba Bullæ Gregorianæ ad hanc rem emanatæ anno 1573. *sub die 30. Decembris,* & incipientis Pastoralis officii: ided ea nos volumus hoc suo loco ponere, ut visis & benè consideratis concessionibus in ea contentis, clarè pateat quid dicat, & cui Privilegium concedat. Verba igitur fideliter transumpta, sunt sequentia, videlicet:

Et quoniam in Regno Castella in pluribus Ecclesiis celebratur die trigesima Decembris Translatio S. Jacobi Apostoli, Hispaniarum Patroni, præcipuum Duplex, & in Breviario ponitur die vigesima nona festivitas S. Thoma Archiepiscopi Cantuariensis & Martyris, Semiduplex: & in anno, quo festivitas S. Thoma occurrit in Dominica, juxta Regulam Breviarii transfertur in diem sequentem, quo die in eo Regno celebratur supradicta festivitas S. Jacobi, posteaquam per plures dies non venit aliqua dies vacua, in qua possit celebrari festivitas prædicti S. Thoma: volumus, ut in eo anno Festum ipsum S. Thoma transferatur ad primam diem Duplici non impeditam, qua erit Vigilia Epiphania, & tum de Vigilia fiat tantum commemoratio. Hactenus Gregorius Decimustertius. Cum autem Gavantus videatur intelligere de omnibus Regnis Hispaniæ: colligitur primò ex verbis Bullæ, quodd hujusmodi Privilegium omnibus & solis Ecclesiis in dicto Regno Castellæ existentibus concessum est: ergo extra illas Ecclesias non est facienda eadem translatio in ipsam Vigiliam. Colligitur secundò, quodd non quovis anno in iisdem Ecclesiis Castellæ transfertur festivitas S. Thomæ, sed dumtaxat, quando occurrit in Dominica. Colligitur tertio, quodd si in aliqua ex prædictis Ecclesiis Castellæ Festum S. Tho-
ma

mæ sit duplex, cessat ibi translatio, quia celebratur in Dominica. Dictum tamen Privilegium Castellæ est valdè considerandum: nam si in hac Vigilia non potest ex dictis fieri de Festo semiduplexi occurrente, multo minùs de translato: & si non celebratur Duplex translatum, multo minùs Semiduplex. At quia Gregorius XIII. supradictus restringit Privilegium ad solum Regnum Castellæ, alia Regna Hispaniæ non possunt eo uti: siquidem in materia Sacrorum Rituum non datur communicatio Privilegiorum: & sic ubi non extenditur Privilegium, servandæ sunt Rubricæ de translatione Festorum.

S. II.

*De iis, quæ spectant ad Missam
& Vesperas in Vigilia Epi-
phanie Domini.*

Missa de Vigilia Epiphaniæ est propria, quæ tamen, excepto Evangelio, est tota de Dominica infra Octavam Nativitatis Domini. In hac Missa dicitur *Gloria*, cum secunda Oratione S. Telephori, & tertia *Deus, qui salutis*, sine *Credo*. Ubi tamen occurrit Dies infra Octavam, secunda Oratio erit de ea, & tertia de S. Telephoro, cum Symbolo si Octava illud requirat, ut dicitur Patavii ratione diei tertiæ infra Octavam S. Danielis Martyris, Urbisque Patroni. Præfatio verò etiam hodie est de Nativitate Domini, sed absque ejus *Communicantes*. Antiquitus tamen legebatur in hac Vigilia Præfatio diversa, quam habet per extensum Liber Sacramentorum S. Gregorii Papæ, pagina decimaquinta, & erat sequens, videlicet: *Verè dignum & iustum est, æquum & salutare, nos tibi semper, & ubique gratias agere, Domi-*

217

ne sancte, Pater omnipotens, aterne Deus : Et te laudare mirabilem Dominum in omnibus operibus tuis, quibus sacratissimi regni tui mysteria revelasti. Hanc enim Festivitatem Dominica Apparitionis index Stella præcessit, qua natum in Terra Cæli Dominum, Magis stupentibus, nuntiaret. Ut manifestandus Mundo Deus, & cælesti denunciaretur indicio, & temporaliter procreatus ; Signorum temporalium ministerio panderetur. Et ideo cum Angelis, & Archangelis, &c. Sed & Ecclesia Gallicana, juxta præscam ejus consuetudinem, recitabat hodie aliam Præfationem sibi propriam, relata à Mabillonio in Liturg. Gallic. lib. 3. pag. mihi 207. & sequentibus verbis conceptam, scilicet: Verè dignum & justum est, nos te laudare, omnipotens sempiternæ Deus : Quia notam fecisti in Populis virtutem tuam, & salutare tuum cunctis Gentibus declarasti, hodiernum declarans Diem, in qua ad adorandam veri Regis infantiam, excitatos de Mundi partibus viros clarior cæteris sideribus Stella perduceret : & Cæli ac Terra Dominum, in salutem omnium corporaliter natum, radius tua lucis ostenderet. Propterea profusus gaudiis totus per orbem terrarum Mundus exultat : Sed & superna concinunt Potestates hymnum gloria tua, sine fine dicentes : Sanctus, Sanctus, Sanctus, &c. Vidimus quas recitabant Præfationes Antiqui : videamus modò, quam recitent à præmissis remotam, sed Festo proximam Ambrosiani : nam etiam nostris temporibus legunt in Missa hujus Vigiliæ sequentem Præfationem, in qua tria currentis Solemnitatis Miracula perbellè comprehenduntur : est igitur ea brevis, quæ hic extenditur, fideliter sumpta ex eorum particulari Missali, nempe : Verè dignum & justum est, aquum & salutare, nos tibi semper, & ubique gratias agere, Domine sancte, Pater omnipotens, aterne Deus, per Christum Dominum nostrum. Quia puerperio cælesti intulit Mundo sua miracula Majestatis. Ut adorandam Magis ostenderet Stellam : & transacto temporis intervallo, aquam mutaret in vinum : & suo quoque Baptismate sanctificaret fluentia Jordanis idem Jesus Christus Dominus noster. Quem unà, &c.

Quotiescumque Dominica venerit in hac Vigilia
Epipha-

Epiphaniæ, nihil fit de ea, quia vacat: ejus tamen ratione dicitur *Credo*: & ante Missam solemnem fit aspersio Aquæ benedictæ, juxta Cæremoniales Episcoporum *lib. 2. cap. 31. §. 3. pag. mihi 397.* Si tamen occurrat hodie in aliqua Ecclesia Festum duplex, etiam primæ classis, fiet quidem Missa de eo, sed cum commemoratione Vigilæ, & cum ejus Evangelio in fine, quia habet Evangelium proprium, & ideo non omittendum, Guyetus *lib. 4. cap. 4. quest. 5. pag. 250.* In dicta occurrentia Festi duplicis, facienda erit vel omittenda commemoratio S. Telesphori, juxta qualitatem duplicis occurrentis. An verò in dicta occurrentia Festi duplicis, in Cathedralibus & Collegiatis cantandæ sint duæ Missæ? Ego, ut fatear quod sentio, unam tantum admitterem de Festo, cum commemoratione Vigilæ: non ratione non jejunandi hac die, sed ratione Officii semiduplicis: ex quo videtur convenire opinio Guyeti *loco proxime citato* dicentis, quod etiam Vigilia Ascensionis est sine jejunio, & tamen duæ imò tres cantantur: nam Vigilia Ascensionis habet quidem paritatem cum Vigilia Epiphaniæ quoad carentiam jejunii, non tamen habet quoad ritum: cum enim illa sit ritus simplicis, admittit plures Missas solemnes: Vigilia autem, de qua modò loquimur, celebratur cum Officio novem Lectionum, & habet ex dictis (ipso concedentes Guyeto) rationem Dominicæ: sed in Dominica impedita non cantantur duæ Missæ, una scilicet de Festo duplici, & altera de Dominica: ergo neque in hac Vigilia, quæ habet rationem Dominicæ.

Cum enim hæc Vigilia habeat rationem Dominicæ, habet etiam rationem Festi novem Lectionum: sed nomine Festi novem Lectionum venit etiam Dominica, ut declaravit Sacra Congregatio Rituum anno 1618. sub die 12. Martii, apud Bissum in *Hierurg. tom. 1. verb. Feria, sub num. 18. §. 8. pag. 426.* ergo (infert ex eadem declaratione Gavantus *tom. 1. p. 1. tit. 7. sub n. 2.*) ergo Dominica non est Feria prima, neque in ea duæ Missæ sunt

219

cantandæ . Unde si vera Dominica est Vigilia ista Epiphaniæ , ut veram esse tenet ipse Guyetus *d. lib. cap. 4. quæst. 5. pag. 250.* & clariùs etiam *cap. 12. quæst. 7. eod. lib. 4. pag. 269.* non possum cum eo existimare , Rubricæ de Vigiliis futurum conformius , si duæ Missæ cantentur , cum de duobus Festis eodem die celebrandis unica dumtaxat sit cantanda : & ideo Rubrica de Vigiliis intelligenda venit de Vigiliis communibus ritum simplicem habentibus . Casus denique unius Conventus Parisiensis Minorum duas Missas cantantis in Dominica impedita à Festo duplici , cæteroquin relatus de visu ab eodem Guyeto *lib. 4. cap. 2. quæst. 5. pag. 246.* mihi videtur parùm probare : tum quia est unicus in una Ecclesia unius Civitatis , & non per totam Civitatem : tum quia , si esset etiam per omnes Ecclesias unius Civitatis , adhuc esset casus specialis : casus autem specialis unius Urbis , non traditur in exemplum totius Orbis : & licet non improbem , si alicubi sit usus cantandi duas Missas in casu nostro , non tamen possum illum dicere Rubricis de Vigiliis conformem , & praxi universalis Ecclesiæ .

In hac tamen Vigilia Epiphaniæ non sunt dicendæ Missæ Votivæ privatæ , neque de *Requiem* , ex duplici Sacræ Rituum Congregationis Resolutione earumdem Missarum prohibitiva . Quia verò aliqui in Calendariis Locorum , de hoc benè conscii , affirmant esse hac die prohibitas : & aliqui è contra , hujusmodi notitia carentes , aut in dubium revocantes , apertè negant : ut ea , qua decet , uniformitate conveniant , omnesque ex tuta Decretorum existentia certò sciant , non posse hodie celebrari dictas Votivas privatas , ponimus hic per extensum utrumque Decretum , quod ego Domi retineo , ut in annuis Diœcesium Directoriis una eademque sit Cleri admonitio de hujusmodi prohibitione . Primum igitur est tenoris sequentis , videlicet : *Panormitana , Cum Joseph Gamba Confessarius Monialium S. Benedicti Panormi , Sacra Rituum Congregationi humiliter supplicaverit , responderi infra-*
scriptis

pris quasitis : Quinto (cæteris omiſſis ad noſtram rem non facientibus) An in Vigilia Epiphania dici poſſint Miſſæ privata Defunctorum , in qua à Capitulis S. Petri , & S. Joannis Lateranenſis non fit de S. Telephoro Papa & Martyre occurrente in diſta Vigilia ? Sacra eadem Rituum Congregatio , ad relationem Eminentiffimi & Reverendiſſimi D. Cardinalis Colloredi , cenſuit reſpondendum : Ad Quintum , Negativè . Et ita declaravit . Die 27. Aprilis 1697. Secundum verò ſimile eſt primo , & quidem clariùs , in quo inſuper habetur mandatum de ejus obſervantia , hiſce ſequentibus verbis , ſcilicet : *Æſina* . Cum ex parte Magiſtri Cæremoniarum Eccleſiæ Cathedralis *Æſina* , Sacra Rituum Congregationi pro declaratione Dubii humillimè ſupplicatum fuerit : An in Vigilia Epiphania Miſſa Votiva & Defunctorum celebrari poſſint ? Sacra eadem Rituum Congregatio reſpondit , Negativè : & ita decrevit ac ſervari mandavit . Die 10. Decembris 1718. Quia tamen ubique Locorum non pervenerunt diſta Decreta , idè iterum propoſito Dubio hujusmodi , ſacra eadem Rituum Congregatio in una Ordinis Hieroſolymitani anno 1730. ſub die 16. Septembris , ad Septimum Dubium : An in Vigilia Epiphania Domini poſſint celebrari Miſſa privata de Requiem , & Votiva ? ad relationem Eminentiffimi & Reverendiſſimi Domini Cardinalis Zondadarii , reſcribendum cenſuit , Negativè , & ita decrevit & ſervari mandavit : hoc autem Decretum , una cum aliis ſex eadem die emanatis , ſed modò ad noſtram rem non facientibus Domi aſſervo , ex benignitate Reverendiſſimi Magiſtri Melitenſis Cæremoniarum ad me tranſmiſſum : & poſtmodum refert etiam Reverendiſſimus P. Merati in *Addit. ad Gavanti* . tom. 1. part. 2. in *Indice* , ſub num. 651. Cum autem prohibitio unius ſit conceſſio alterius , ideo ex prohibitione Votivarum privatarum inſurgit permiſſio Votivarum ſolemnium , quæ omnes poſſunt pro re gravi celebrari in hac Vigilia .

Vesperæ hodiernæ dicuntur ex integro de Epiphania per Antiphonam *Ante luciferum genitus* , cum reliquis , ut in Breviario , Non ſit in his Vesperis aliqua

aliqua commemoratio, nisi alicubi in hac Vigilia actum sit de Festo duplici primæ vel secundæ classis, de quo erit commemoratio facienda: sicuti & de Die Octava, si cras in Festo Epiphaniæ in aliqua Ecclesia simul occurreret ex privilegio vel ex immemorabili consuetudine. Hymnus, qui in his Vesperis dicitur, Sedulio adscribitur, ait Grancolas in *Commentar. ad Breviar. Roman. c. 30. vers. Hymnus*, ubi observat comprehendi in eo tria hujus Festi objecta, nempe, adorationem Magorum, *Ibant Magi*: Jesu Christi Baptismum, *Lavacro puri gurgitis*: & primum Miraculum, *Novum genus petentia*. In Collecta tamen adoratio Magorum tantum commemoratur, quia, ut supra diximus, Ecclesia Latina præcipue celebrat dictam Magorum adorationem. In Cathedrali tamen Ecclesia cantantur hodie Vesperæ Pontificales, ex Cæremoniali Episcoporum *lib. 2. cap. 1. §. 2. pag. mihi 184*. Quoad associationem Episcopi, Psalmorum decantationem, Benedictionem finalem, sine Indulgentiarum publicatione, vide quæ diximus in primis Vesperis Pontificalibus de Nativitate Domini. Cantante autem solemnnes Vesperas Episcopo in sua Cathedrali, valde congruum est, ut Prior seu quovis nomine nuncupata prima Dignitas cantet in Collegiata, in Monasteriali Abbas, in Conventuali Superior Localis, ut de Prælato Conventus advertit Piscara in Cæremoniali suæ Religionis *libr. 3. cap. 5. sub nu. 20. pag. 152. juxta primam editionem, ipso corrigente Auctore, Neapoli facta anno 1613*. Ad Hymnum denique Completorii ultima Strophe muranda est, dicendo ejus loco *Jesu tibi sit gloria, qui apparuisti Gentibus*. Cæterum extra Officium, hac nocte in Cæna facienda est Benedictio Mensæ (ubi scilicet fieri solet) per verba *Rexes Tharsis, &c.* cum reliquis, ut in fine Breviarii.

Ne tamen aliquid desit quod ad hanc Vigiliam Epiphaniæ possit pertinere, illud duntaxat censeo remanere dicendum, quod est muneris Pontificalis. Benedictus etenim Decimustertius Pontificalem ordinavit Aquarum Benedictionem cum Indulgentia interef-

interessentibus concessa, quam voluit faciendam in hac Vigilia, & quam idcirco veluti novam Functionem ab ipso Pontificalem appellatam, Pontificali Romano addendam esse reor. Hanc tamen Aquarum Benedictionem à me diligenter collatam cum illa, quæ in fine Ritualis Romani Pauli Quinti paucis ab hinc annis legebatur impressa, inveni totaliter concordare: & in hoc dumtaxat una differt ab alia, quòd illa sæpè in Rubricis dat Officiatori nomen *Sacerdotis*, ista verò Benedicti Decimertii dat nomen *Pontificis*.

S. III.

*De iis, quæ spectant ad ipsum
Festum Epiphaniæ
Domini.*

Epiphanía Domini celebratur sub ritu duplici primæ classis in colore albo, eique affixum est præceptum audiendi Missam, & vacandi ab operibus servilibus. Nulla particularis Celebritas, quantumvis solemnis, locum habet ab hac universali Festivitate: unde si hodie occurrat alicubi Dedicatio Ecclesiæ, vel tamquam affixa huic Diei sextæ Januarii, vel tamquam consignata Dominicæ primæ Mensis in hanc Diem quandoque incidentis, transfertur post Octavam ejusdem Epiphaniæ, non verò infra Octavam, ut clarè patet ex inferiùs dicendis. Aliquibus in Ecclesiis Germaniæ & Poloniæ fit solemnis Benedictio Auri, Thuris, & Myrrhæ, in devotam trium Munerum memoriam à Magis hodie Jesu Christo parvulo oblato- rum. Festum autem Epiphaniæ erat antiquitùs unum ex illis statutis Diebus, in quibus fiebat ab Episcopo Benedictio Virginum: ita enim statuitur in Epistola Gelasii Papæ ad Episcopos Lucaniæ:

Drus.

Devotis quoque Deo Virginibus, nisi aut Epiphaniarum Die, aut in Albis Paschalibus, aut in Apostolorum Natalitiis, sacrum minimè velamen imponant: ut in sacra eruditione benè versatus refert Menardus in notis ad Libr. Sacramentor. S. Gregorii Pp. nota 603. Ratione verò Baptismi Christi non confertur hodie solemniter, hoc est cum Benedictione Fontis, Baptisma: cùm enim quidam in hac Festivitate baptizassent, & hic mos in Sicilia inolevisset, fustulit S. Leo Pàpa Epist. 4. Et cùm etiam in Gallia idem mos obrepisset, saltem in Neustria seu Normandia, sublatu est in Concilio Rothomagensi, celebrato anno 1072. ibi: Vigilia, vel Die Epiphania, ut nullus, nisi infirmitatis necessitate, baptizetur, omnino interdiximus: prout habet dictus Menardus ibidem, nota 91. pagin. 398.

Quoad officium in Festo Epiphaniæ recitandum, habetur hodie aliquid à communi ritu alienum & singulare: nam ad Matutinum dictis secreto de more *Pater noster, Ave Maria, & Credo*, extra morem omittuntur *Dominelabia men aperies, Invitatorium & Hymnus*, & incipitur absolute ab Antiphona primi Psalmi *Afferte Domino filii Dei*. Non dicimus enim Invitatorium, in quo est invitatio ad adorationem Christi: tum quia Magi ad adorandum Christum non invitati venerunt: tum quia privatim reversi sunt in Regionem suam, evitando Herodem jam fingentem se velle adorare Christum, ut conscius perderet, fraudolenter idcirco eis dicens: *ut & ego veniens, adorem eum*: sic enim videtur voluisse exponere Beeth in explicat. *Divinor. Officior. capit. 73.* Licet autem hac die non dicatur Invitatorium, dicitur tamen in tertio Nocturno Psalmus invitatorius nonagesimus quartus, scilicet, *Venite, exultemus Domino*, cum intercalari Antiphonæ repetitione, & hoc non sine mysterio: ostenditur enim, quòd in tertio tempore, nempe, tempore gratiæ, sufficienter invitata est Ecclesia de Gentibus, & nullus se excusare potest de adoratione Christi, quia *in omnem terram exiit sonus eorum*, inquit Durandus in *Ration. Divinor. Officior. libr. 6. cap. 16. sub nu. 9.*

nu. 9. pag. mihi 185. ubi etiam observat, quòd dictus Psalmus invitatorius dicitur ad septimam Antiphonam, ad denotandum quòd per Baptisma datur Spiritus septiformis.

Satis autem congruè in aliquibus Ecclesiis solemniori cantu, in principio dicti tertii Nocturni, à Cantoribus ex utraque parte Chori ad hoc designatis, alternatim cantantur Versus dicti Psalmi nonagesimi quarti, Antiphona verò semper à toto Choro repetitur: quem morem commendat Piscara in *Prax. Caremoniar. lib. 3. sect. 3. cap. 1. sub. numer. 2. pag. mihi 369.* Primum Responsorium hujus Matutini, *Hodie in Jordane*, est distinctum ab illo, quod dicendum est infra Octavam: nec dicitur hodie tantum, sed & in Dominica, & in Die Octava, ut suo loco patebit. Ad septimum autem & octavum Responsorium non genuflectitur, dum pronunciantur verba illa; *Et procidentes, adoraverunt eum*, ut docet Gavantus *rom. 2. sect. 10. cap. 2. sub. numer. 4.* ubi tamen, quod standum erit. Ad Laudes omnia sunt propria, quæ concluduntur cum unica Oratione Festi, nisi alicubi occurrat Dies Octava, vel ex privilegio Apostolico concessa, vel ex immemorabili consuetudine introducta, nam in hoc casu fieret de ea commemoratio. Ad Primam in Responso breviter dicitur versiculus *Qui apparuisti hodie*, qui in Urbana Hymnorum correctione retentus fuit de antiquo sine tamen *Alleluja*, licet addatur ad ceteras Horas, ad quas omnes sicut & ad Primam clauduntur Hymni cum Strophe *Jesu tibi sit gloria, qui apparuisti Gentibus.* Quòd si hoc Festum venerit in Dominica, illa erit vacans, & consequenter nihil de ea in Officio.

S. IV.

De iis , quæ spectant ad Missam , & Vesperas in Festo Epiphaniæ Domini .

Missa in Die Epiphaniæ est propria , cum Gloria , & cum unica Oratione , nisi faci- 226
cienda sit in aliqua Ecclesia commemora-
tio de Die Octava , ratione Privilegii Apostolici
vel consuetudinis immemorabilis . Dicitur Credo si-
ne tamen Organo in solemni , expectante Celebran-
te integram ejusdem Symboli decantationem ante-
quàm prosequatur , de quibus satis superque dictum
est supra in secunda Missa de Nativitate Domini .
Præfatio quoque hodierna est propria , scilicet ,
Quia cum Unigenitus tuus , cum suo Communicantes
itidem proprio : quæ quidem Præfatio ex antiquis-
simo tempore recitatur in hac Missa , nam eadem
est numero in *Libr. Sacramentor. S. Gregorii. Pp. pag.*
16. ubi & habetur Benedictio , quam juxta illius
temporis consuetudinem Episcopus Populo largieba-
tur , antequàm Eucharistiam sumeret , ut fusiùs pa-
tet ex superiùs dictis in Missa de Nocte Nativitatis
Domini : & sicuti in quolibet Festo erat propria ,
sic pro hoc Festo Epiphaniæ Benedictio Episcopalis
sequentibus erat precationibus efformata , videlicet :
Deus lumen verum , qui Unigenitum suum hodierna die ,
Stella duce , Gentibus voluit revelare , sua vos dignetur
Benedictione ditare . Amen . Quo exemplo Magorum ,
mystica Domino Jesu Christo munera offerentes , spreto
antiquo hoste , spretisque contagiis vitiorum , ad ater-
nam Patriam redire valeatis per viam virtutum . A-
men . Detque vobis veram mentium innocentiam qui su-
per Unigenitum suum Spiritum Sanctum demonstrare
voluit per columbam : eaque virtute mentes vestra exer-

ceantur ad intelligenda Divina Legis arcana, qua in Cana Galilea lympba est in vinum conversa. Amen. Quod ipse prestare dignetur, cujus regnum & imperium sine fine permanet in secula seculorum. Amen. Benedictio Dei Patris, & Filii, & Spiritus Sancti, & Pax Domini sit semper vobiscum.

Duas tamen alias Præfationes ad hanc Missam spectantes volumus etiam extendere ad eruditionem: quarum una jam recitabatur antiquitus: alterius verò recitatio est adhuc in viridi observantia. Et prima quidem est Ecclesiæ Gallicanæ, quæ suam habebat hodie Præfationem propriam, à Romana diversam, & quæ tunc temporis vocabatur *Confessario*. Hanc ponit per extensum Mabillonius in *Liturg. Gallicana lib. 3. pag. 209.* & nos ex eo, eratque sequens, videlicet: *Verè dignum & justum est, nos tibi semper, & ubique gratias agere, Domine sancte, Pater omnipotens, aterne Deus. Qui nobis super Jordanis alveum de Cælis vocem in modum tonitru i præbuisi, ut Salvatorem sæculi demonstrares, & Patrem luminis aterni ostenderes. Cælos aperuisti, aerem benedixisti, fontem purificasti, & tuum Unicum per columbam Sancti Spiritus demonstrasti. Susceperunt fontes hodie benedictionem tuam, & tulerunt maledictionem nostram: ita ut credentibus purificationem omnium delictorum exhibeant, & Deo filios regenerando faciant ad vitam æternam, quos ad temporalem vitam carnalis natiuitas fuderat, Nam quos mors per pravariationem ceperat, hos vita æterna à morte recipiens, ad Cælorum regna revocat. Unde debita exultatione voces nostras jungimus confessionibus Angelorum, qui gloriam tuam mirabile sacramento hodierna Solemnitate venerantes, pro apparitione Jesu Christi Domini nostri, & pro nostra vocationis exordio sacrificium tibi laudis offerimus, per ipsum Dominum nostrum: Per quem, Majestatem tuam laudant Angeli, &c.* Secunda verò Præfatio, quæ nostris etiam temporibus dicitur hac die, est Ambrosianorum: & ex particulari eorum Missali, desumpta, extenditur integra hoc loco, omnino quidem distincta à Romana sed paucis mutatis paucisque demptis, concordat cum Gallicana: estque ea, quæ sequi-

sequitur, scilicet: *Verè dignum & iustum est, aquam & salutare, nos tibi semper, & ubique gratias agere, Domine sancte, Pater omnipotens, aeterna Deus. Qui te nobis super Jordanis alveum de Cœlis in voce sonitui prabuisti, ut Salvatorem Cœli demonstrares, & te Patrem æterni luminis ostenderes. Cœlos aperuisti, aerem benedixisti, fontem purificasti, & tuum unicum Filium per speciem columba, Sancto Spiritu declarasti. Susceperunt hodie fontes benedictionem tuam, & abstulerunt maledictionem nostram. Ita ut credentibus purificationem omnium delictorum exhibeant, & Dei filios adoptione faciant ad vitam æternam. Nam quos ad temporalem vitam carnalis nativitas fuderat; quos mors per pravariationem ceperat, hos vita æterna recipiens, ad regni Cœlorum gloriam revocavit. Per eundem, &c. Per quem, &c.*

Si Festum Epiphaniæ venerit in Dominica, nihil prorsus agendum erit de ea, quia vacat etiam quoad commemorationem in Missa: ejus tamen ratione sit aspersio Aquæ benedictæ ante Missam solemnem, excepta Ecclesia, in qua Episcopus Pontificaliter est celebraturus, juxta Cæremoniale Episcoporum lib. 2. cap. 31. §. 3. & 4. pag. 397. & 398. secundum editionem Romanam de Anno 1727. sub Benedictio Decimotertio ejusdem Cæremonialis recognitore. Data verò hoc proprio loco occasione, moveor dicere, quòd qui benedicit Aquam postea aspergendam, debet prius purgare conscientiam suam, si indigeat, deinde ad benedictionem devenire: hæc est enim vox Dei sic loquentis in Deuteronom. cap. 21. ibi: *Sacerdotes accedant ad me, & benedicant in nomine meo: Accedant scilicet ad me per debitam contritionem, & benedicant per fervidam orationem: cùm enim magni ponderis sit munus Aquæ benedicendæ, cavendum est, ne accedatur ad benedicendum absque Divinæ Gratiæ argumentis: Unde Beatus Vincentius de Valentia de benedict. Aqua, dist. 21. notat, quòd qui in peccatis mortiferis fuerint, à benedicendo abstineant. Ut autem prosequamur quod ad rem nostram spectat: Episcopus ipse deberet hodie in sua Cathedrali celebrare, si poterit, quod valde conveniens esset,*

esset, ut verbis utar Cæremonialis Episcoporum *lib. 2. cap. 15. §. 3. pag. mihi 295.* In quacumque verò Ecclesia cantetur hac die Missa cum Ministris, cantari debet ab eo, qui primas peregit Vesperas solemnes, ut supra dictum est: & dum ad Evangelium cantantur verba illa *Es procidentes, adoraverunt eum*, Celebrans, & omnes de Choro genuflectant, versùs Altare conversi: Diaconus tamen conversus ad Librum, etiam ipse genuflectit, Subdiacono & Ceroferariis stantibus, qui numquam moventur, ut ex Rubrica Missalis *tir. 17. de ord. genuflect. sub num. 4.* ait Piscara in *Praxi Cæremoniarum lib. 3. sect. 3. cap. 1. sub num. 3.*

Cantato in Missa solemnì per Diaconum Evangelio, publicantur Festa mobilia currentis Anni, & hoc ex antiquissima Ecclesiæ consuetudine: nam ex Concilio Aurelianensi Quarto, de anno 541. *Canon primo*, hunc laudabilem morem cepisse, ait Gavantus *tom. 1. par. 4. tir. 3. sub num. 14.* & refert etiam Grancolas in *Commensar. ad Breviar. Roman. cap. 30. vers. Antiquus mos*, ubi addit verba illius Canonis primi, nempe: *Epiphaniarum die in Ecclesia Populus denunciatur Pascha.* Hæc autem Festorum publicatio non est necessariò faciendâ per Diaconum Evangelii, sed fieri potest ab illo, cui de consuetudine demandari solet: unde quoad hoc sic habet Cæremoniale Episcoporum *lib. 2. cap. 15. §. 3. pag. 295.* *Quo die, cantato Evangelio, aliquis Canonicus, vel Beneficiatus, aut alius, juxta consuetudinem Locì, paratus Pluviali, ascendet ambonem, vel pulpitum, & ibidem Populo publicabit Festa mobilia Anni currentis in forma, prout in Pontificali Romano.* Dicta verò forma Pontificalis Romani remissivè citata à prædicto Cæremoniali, habetur *par. 3. in principio*, in qua insertam cernes etiam Diem Synodi Diocesanæ, qui certè Dies cum pendeat ab arbitrio Episcopi, nec semper sit eadem, sit eo anno mobilis. Ut autem omnibus innotescat ipsa forma publicationis, ea hic ponitur perextensum, ex dicto Pontificali fideliter transumpta, cui tantùm de anno in annum addendus erit Dies, & Mensis proprius,

Tomus Primus,

L

in

in quibus Festa mobilia annuatim occurrent: Forma igitur est ea, quæ sequitur, videlicet, *Noventis, Fratres charissimi, quod, annuente Dei misericordia, sicuti de Nativitate Domini Nostri Jesu Christi gavisus sumus, ita & de Resurrectione ejusdem Salvatoris Nostri gaudium vobis annunciamus. Die... Mensis..... erit Dominica in Septuagesima. Die... Mensis..... Dies Cinerum, & initium Jejunii sacratissima Quadragesima. Die... Mensis..... sanctum Pascha Domini Nostri Jesu Christi cum gaudio celebrabitur. Dominica secunda (vel alia Die, quo erit habenda) Mensis..... Diocesana Synodus habebitur. Die... Mensis..... erit Ascensio Domini Nostri Jesu Christi. Die... Mensis..... Festum Pentecostes. Die... Mensis..... Festum Sacratissimi Corporis Christi. Die... Mensis..... Dominica prima Adventus Domini Nostri Jesu Christi, cui est honor & gloria in sacula seculorum. Amen.*

Licet autem Pontificale Romanum in prædicta forma publicationis Festorum in Die Epiphaniæ post Evangelii decantationem faciendæ, non habeat, nisi Synodum Diocesanam, non erit tamen omittenda publicatio Concilii Provincialis, ubi & si habenda fuerit, tam in Metropolitana, quàm in Cathedralibus Provinciæ, aliisque Ecclesiis. Ista enim fuit prima Actio Concilii Provincialis Primi, ab Eminentissimo Cardinale Vincentio Ursino Archiepiscopo Beneventano (postea Summo Pontifice sub nomine Benedicti Decimiertii) laudabiliter celebrati anno 1693. de quo in ejus Vita à me Italicè conscripta: & patet ex Synodico, in Append. ad præfat. Concil. sub num. 24. pag. 592. secundum editionem Romanam de Anno 1724. & est juxta Cæremonialem Episcoporum, in quo hoc expressè demandatur, lib. 1. cap. 31. §. 3. pag. 178. sequentibus præcisius verbis, videlicet: *Et ut plenius Dies Concilii Provincialis habendi & inchoandi divulgetur, in Die Epiphania, dum frequenti Populo intra Missarum solennia Festivitates ejus Anni solemniores denunciantur, poterit loco suo inter ipsos Dies festos pronunciari & promulgari; tam in Ecclesia Metropolitana, quàm in quibuscumque aliis Cathedralibus ei subiectis.*

Sed

230 Sed & alia Festa, ut reor, erunt quandoque publicanda in Die Epiphaniæ, quæ aliquo Anno possunt fieri mobilia. Et quidem in Ecclesia Universalis, quando Festum Annunciationis Beatissimæ Virginis Mariæ occurrit in Feria sexta Parasceves vel in Sabbato Sancto, transfertur unà cum præcepto ad Feriam secundam post Dominicam in Albis: ex duplici Decreto Alexandri Octavi de Anno 1690. *sub diebus 11. Februarii, & 11. Martii*. Eo igitur casu eveniente, dictum Festum sit mobile, & consequenter videtur eo Anno in Die Epiphaniæ proprio loco inter Festa mobilia publicandum. In Ecclesia verò particulari dari potest casus similis. Ubi enim Festum Patroni Loci occurrit in uno ex dictis diebus Parasceves vel Sabbati Sancti, & ei ex hac ratione per concessionem Apostolicam sit affixa aliqua Dies post Octavam Paschæ unà cum præcepto audiendi Missam, & vacandi ab operibus servilibus, non video, cur non possit hodie inferi inter Festa publicanda. Sic Ferrariæ hoc Anno, in quo hæc scribo, millesimo septingentesimo trigésimo quarto, celebratum fuit ex Indulto Apostolico de Anno 1732. sub die 23. Augusti Festum S. Georgii Martyris illius Civitatis Patroni principalis Feria tertia post Dominicam in Albis cum translatione præcepti ad eandem Diem, quia occurrebat ibidem die vigesima quarta in Sabbato Sancto, ut patet ex Directorio seu Calendario illius Diocesis, quod modò præ manibus teneo, & sub oculos habeo: Poterat igitur (meo iudicio) ibi publicari hoc Anno dictum Festum inter alia mobilia in Die Epiphaniæ.

232 Hæc tamen Missa Epiphaniæ dici non debet uti Votiva infra Annum: cum enim propria sit hujus dumtaxat Solemnitatis, ideò extra propriam Diem, ejusque Octavam, celebrari non posse declaravit *Sacra Rituum Congregatio de ordine Pauli Quinti*, apud Angelum à Lantusca in *Theatro Regular. verb. Missa Ritus, sub num. 2. pag. mihi 332. juxta sextam editionem Romanam de Anno 1717.* cui ego in fine novissimas Additiones adnexui septuaginta quinque

Decretorum ad Regulares spectantium. Qui verò raro celebrat, debet hodie necessarò celebrare, nam cum Sacerdos teatur quater vel quinquies in Anno sacrificare ex vi præcisa Ordinis, & quidem in præcipuis Festivitatibus, una ex illis est proculdubio hodierna Epiphaniæ Solemnitas, in qua, justo impedimento cessante, non celebrando, peccat mortaliter, ut tenent Quartus, Pasqualigus, & Reiffenstuel, ad hanc rem superius citati in Die Nativitatis Domini. Huc etiam accedit, quod si hodie alicui Ecclesiæ sit concessa Indulgentia, ea non intelligitur extensa ad totam Octavam, nisi in Brevi concessionis fiat expressa mentio de ipsa Octava, sipe qua mentione specifica non valet Indulgentia, nisi pro solo Die Fello, nam verba hujusmodi Brevium tantum valent, quantum sonant.

Cæterum in Die Epiphaniæ non dicitur Missa Votiva de SS. Sacramento pro Oratione quadraginta Horarum: sed si hodie in aliqua Ecclesia occurrat ejus Expositio, cantatur Missa de Epiphania, cum Collecta *Deus, qui nobis sub Sacramento mirabili*, & quidem sub unica conclusione, ut præcipit Clemens Undecimus in Instructione ad hanc rem emanata, quæ reperitur in *ejus particulari Bullario*, par. 2. *Constitut.* 9. & habetur etiam in *noviss. Bullar. Rom. tom. 8. par. 2. Constit. itid. 9. §. 10.* Dicta tamen Collecta omittenda est in Missis privatis, nam in Festis primæ & secundæ classis non esse dicendam, ad quartum Dubium respondit Sacra Rituum Congregatio in *una Canonico-rum Lateranensium anno 1684. sub die 2. Decembris*, apud Monacelli in *Formular. Leg. Præst. par. 2. tit. 13. formul. 1. pag. 51. sub num. 2.* & refert etiam P. Merati in *Addit. ad Gavant. tom. 1. par. 2. in Indice, sub num. 471.* Quod si non potest hac die cantari Votiva de SS. Sacramento, quod est majus: non poterit profectò cantari alia quævis Votiva pro re gravi, quod est minus: sed sicuti de SS. Sacramento potest dici Collecta sub unica conclusione in Missa solemni de Epiphania, sic etiam dici poterit pro alia Votiva, quæ esset alicubi, cæteroquin hodie

233

can-

cantanda, de qua tamen non dicetur Collecta in Missis privatis, quia in eis neque dicitur pro SS. Sacramento exposito, ut clarè patet ex superius dictis. Unde si in Festo Epiphaniæ forsan alicubi occurrat Anniversaria Dies Electionis, & Consecrationis Episcopi, erit quidem dicenda ejus Collecta in Missa solemni, sed non in privatis. Ad hanc rem teneo Domi sequens particulare Dubium cum sua responsione: Quæritum enim fuit à quodam Ecclesiastico mihi in amicitiam, dum viveret: conjunctissimo: *An occurrente Die Anniversaria Consecrationis Episcopi in Festo prima classis, debeat celebrari Missa, vel saltem dici Oratio ejusdem Anniversarii in Missis dicti Festi prima classis.* Et responsum ei fuit à Viro, cæteroquin præstantissimo, & de Sacris Ritibus benè merito, hoc modo: *In Cæremoniâ Episcoporum lib. 2. cap. 35. aperte disponitur, quod Anniversario Consecrationis Episcopi incidente in aliquo Die festivo (quod usique intelligi debet de festivo impediente celebrationem Missa Consecrationis Episcopi, prout sunt Festa prima & secunda classis) Missa solemnis celebrari debeat de Festo, cum commemoratione pro Episcopo, quam dici congruum est sub unica conclusione, juxta praxim universalem omnium Ecclesiarum.*

Attamen ille quæsierat de Missis, iste verò ritè & rectè respondit de Missa, nam revera Cæremoniale non loquitur de Missis privatis, sed de Missa solemni, ut clarè patet legenti. Quare cum Amicus ille meus intelligere voluerit de Missis privatis, fecit per plures Annos adnotari in Calendario Diocesis secundam Orationem pro Episcopo in Missis privatis de Festo Patroni principalis illius Urbis, quæ meo judicio non erat adnotanda. Quòd si supra in secunda Missa de Nativitate Domini dixi faciendam esse commemorationem, etiam in Missis privatis, de hujusmodi Die Anniversaria, si alicubi occurrat, prout occurrit Patavii in Dominio Veneto pro Illustrissimo ac Reverendissimo D. Episcopo Joanne Minotto Otthobonò, idèò hoc dixi, quia illa Missa secunda non est tantæ solemnitatis, quantæ est prima & tertia, & idcirco in ea fit

etiam commemoratio de Feflo fimplici S. Anaftafie: ex quo non eft inferendum ad noftrum cafum. Sicuti igitur mihi femp̄ displicuit, quodd Kalendarifta Tarvifinus, cæteroquin peritus, per totum tempus Epifcopatus Illuftriffimi quondam & Reverendiffimi D. Fortunati Mauroceni ordinaverit die vigefima feptima Aprilis in Miffis privatis Collektam pro eo in Feflo S. Liberalis Confefloris, illius Civitatis Patroni principalis: fic mihi placet filentium Kalendariftæ Ferrarienfis, qui, cùm die vigefima-quarta Aprilis occurrat ibi Dies Anniverfaria Elektionis Eminentiffimi & Reverendiffimi D. Epifcopi Thomæ Rufi in Feflo S. Georgii Martyris, præcipui illius Urbis Patroni, admonet de Anniverfario, fed tamen tacet Collektam fcienter, ut nihil dicendo, fciant Diocefani non efle dicendum, fed in hujusmodi Fefliimpedimento, recordentur Sacerdotes de Epifcopo fuo in *Memento vivorum*. Sed quoad hoc habemus Decretum Sacræ Ritum Congregationis in Lycien. de Anno 1705. fub die 4. Aprilis, tenoris fequentis, videlicet: *Quando Dies Anniverfaria Consecrationis Epifcopi incidit in Dominicam primæ claffis, infra Hebdomadam Majorem, in Diem Pafcha, Pentecofte, Nativitatis Domini, vel alio folemniore, non poteft dici Miffa de dicta Consecratione, fed in ipfa Miffa de Die fieri debet Collektæ pro Epifcopo fub unica conclufione, ut difponit Cæremoniale Epifcoporum: ita enim refert digniffimus testis de vifu, Reverendiffimus P. Cajetanus Maria Merati, ejufdem Sacræ Congregationis Confultor, in Addis. ad Gavanti. tom. 1. par. 2. in Indice, fub num. 693. Locus autem ejufdem Cæremonialis eft ille fupra citatus. Dum autem in dicto Decreto dicitur, vel alio folemniore, quis non inclufum intelliget hunc etiam Diem folemnem Epiphaniæ?*

Neque in hac Die Epiphaniæ cantanda eft Miffa de Feflo alicubi forfan occurrente, & neceffariò transferendo, licèt fit duplex primæ claffis, & cum Populi concurfu, juxta fpecificam hujufce Fefli exceptionem in Rubrica Miffalis titul. 6. de *translat. Feflorum*. Imò & Miffa pro Defunctis folemnis in
Die

Die Obitus, etiam præfente Corpore in Ecclesia, hodie non habet locum, tum quia Epiphania est una ex magnis Celebritatibus, quas obfistere dicit, & idè excipit Rituale Romanum *titul. de Exequ. rubrica* 5. tum etiam quia non esse cantandam hujusmodi Missam in duplicibus primæ classis, declarando respondit Sacra Rituum Congregatio in *Collessi, ad octavum Dubium, sub die 5. Julii 1698.* quam Responsionem, seu potius Decretum quia respicit totam Ecclesiam, ego Domi retineo in forma authentica, cum magno Sigillo, & cum subscriptione Illustrissimi D. Secretarii. Ex hoc Decreto corrumpit opinio tum Gavanti in *Theaur. Sacror. Rit. tom. 1. par. 1. tit. 5. sub num. 2. lit. X.* tum etiam Quarti in *Commentar. ad Rubric. Missal. par. 1. tit. 5. dub. 2. pag. mihi 57.* tenentium, quòd si quis moriatur in Die Palchæ, Corpus ejus sit reservandum in sequentem diem, sepeliendum cum Missa: nam sequens Dies est duplex primæ classis: quare ex eorum assertionem benè poterat inferre Pasqualigus, *ergo in duplicibus prima classis cantari potest Missa in Die Obitus*, prout infert de *Sacrific. nov. Leg. tom. 1. qu. 285.* Unde, licet non viderit Responsionem à me superius citatam, melius tamen intelligit Baruffaldus in *Commentar. ad Rituale Rom. tit. 34. sub num. 44.* ubi magnam Diei celebritatem à Rituali exceptam optimè explicat de celebritate non solum universalis, sed etiam particularis Ecclesiæ, si in ista sepeliendus sit Defunctus eo die, quo ibi occurrat Festum Dedicationis, vel Titularis, quæ sunt Festa primæ classis. In privatis denique Oratoriis Pontificum Indultum habentibus non est hac Die celebrandum, nam præterquam quòd in hujusmodi Brevis excipiuntur semper Festa solemniora, inter quæ pro indubitata est hodierna Solemnitas: specificè, & expressè hoc Festum Epiphaniæ inter alia Anni præcipua excepit Sacra Rituum Congregatio in *Decreto emanato sub die 17. Novembris 1607.* ut citata Doctorum caterva illud referentium, dixi in mea Collectione de Sacris Ritibus, *sub numer. margin, 293. pag. 88. juxta editionem Paternam de Anno*

168 D E O C T A V A
1730. & tandem tradit etiam P. Merati in *Addit.
ad Gavant. tom. 1. par. 2. in Indice, sub num. 74. pag.
1361.*

In secundis Vesperis de Epiphania, nulla occurrit
facienda commemoratio, nisi hoc Festum venerit in
Sabbato, quia tunc fiet commemoratio de sequenti
Dominica infra Octavam, ut mox dicemus: & hoc
quidem in Ecclesia Universalis. In Ecclesia verò par-
ticulari dari potest vel commemoratio de aliqua Die
Octava hodie forsan alicubi occurrente ex Privile-
gio Apostolico aut ex immemorabili consuetudine:
vel potest fieri commemoratio de sequenti duplici
primæ classis, si tamen cras occurrat, ut Venetiis
in Ecclesia Parochiali & Collegiata S. Juliani (cu-
jus ego sum Parochianus à nativitate) occurrit die
septima Januarii Festum sui Titularis Martyris, &
consequenter in secundis hodiernis Vesperis de E-
piphania fit ibi commemoratio sola de eo. Sed &
si alicubi cras occurreret Dedicatio Ecclesiæ, adhuc
Vesperæ essent integræ de Epiphania, cum com-
memoratione Dedicationis, quia in paritate ritus
attenditur major dignitas Festi, quæ certo certius
danda est Epiphaniæ. In Cathedrali verò Ecclesia
secundæ Vesperæ poterunt per Episcopum eadem
solemnitate celebrari, quæ primæ, nam licet Cære-
moniale Episcoporum lib. 2. cap. 1. §. 3. pag. mihi
184. loquens de secundis Vesperis ab Episcopo Pon-
tificaliter celebrandis, dicat, quodd Episcopus pote-
rit celebrare secundas Vesperas *saltem in Dominica
Resurrectionis, & in Die Nativitatis Domini Nostri Jesu
Christi, ac in Festo Sancti Titularis Ecclesiæ, & Sancti
Patroni Civitatis*: Ly tamen *saltem* est quidem restri-
ctivum ad quatuor Festa expressa, sed non exclusi-
vum aliorum Festorum ejusdem solemnitatis. Nihi-
lominus hoc est arbitrium Episcopi.

S. V.

De Diebus infra Octavam Epiphaniæ occurrentibus.

PRiscis Ecclesiæ temporibus, singulis hujusce Octavæ Diebus tres tantum dicebantur Psalmi, & tres Lectiones, cum suis Antiphonis, & Responsoriiis, ut refert Benedictus, Canonicus S. Petri Romæ, qui Ordinem Romanum conscripsit ante Annum 1145. & ex eo asserit Græcolas in *Commentar. ad Breviar. Roman. lib. 2. cap. 31.* Hic tamen antiquus mos celebrandi Dies infra Octavas cum tribus Psalmis, & tribus Lectionibus, adhuc retinetur in Diebus infra Octavas Paschatis, & Pentecostes, de quibus suo loco sermo erit. Horum tamen Dictum Officium celebratur modò sub ritu semiduplici in colore albo, cum novem Antiphonis, novemque Psalmis, & totidem Lectionibus: totumque desumitur ex Festo, iis tantum exceptis, de quibus statim. Ad Matutinum enim dicitur more solito Versus *Domine, labia mea aperies*: & Invitatorium, quod in Festo omissum fuit, in hisce Diebus infra Octavam admittitur, nempe, *Christus apparuit nobis, Venite adoremus*, diciturque in persona Magorum, aliis, qui non viderant, nunciantium, ait Durandus in *Ration. Divinor. Officior. lib. 6. cap. 16. sub num. 9.* Omisso quoque primo Responso *Hodie in Jordane*, aliud ejus loco dicitur, videlicet, *Tria sunt munera*, ut clarè patet ex Rubrica Breviarii in Festo posita. Variatur itidem in tertio Nocturno prima Antiphona cum primo Psalmo *Venite*, ne bis dicatur in Invitatorio, & in tertio Nocturno, inquit Gavantus in *Thesaur. Sacror. Rit. tom. 2. sect. 6. cap. 7. sub num. 6.* & ideo dicitur Antiphona *Homo natus est*, cum suo Psalmo *Fundamenta ejus*.

Quinque

Quinque autem habentur dumtaxat Dies infra hanc Octavam in Breviario: & in hoc differt ista Octava ab aliis Octavis, quæ communiter sex habent Dies, ex quibus ille tamen omittitur, in quem incidit Dominica, ut observat Piscara in Cæremoniæ suæ Religionis *lib. 3. cap. 6. sub num. 5. pag. 153.* Nihilominus est Octava perfecta, nam si quinque illis Diebus addimus Dominicam, sunt proculdubio sex Dies, qui unâ cum Festo, ejusque Die Octava, integrum nobis constituunt octo Dierum circulum. Sciendum tamen est, quòd Dominica intercedens non computatur in hoc Dierum numero, tamquam si non intercederet: ex quo fit, ut die sequenti prosequamur Diem infra Octavam à numero Sabbati præcedentis: ut si Dominica venerit die octava Januarii, quæ cæteroquin est Dies tertia Octavæ, quia verò in Sabbato actum fuit de Die secunda infra Octavam, idè in Feria secunda agetur de Die tertia, non autem de Die quarta: ita ut semper continuetur in Feria secunda ille numerus Dierum infra Octavam, qui positus fuit in Sabbato, non enumerata quoad hoc Dominica interposita: nam licet Dominica sit revera unus ex octo Diebus Octavæ, non est tamen unus ex Diebus infra Octavam in hoc casu, qui (ut supra diximus) differt ab aliis Octavis. Tunc autem omnes isti quinque Dies successivè ponentur sine aliqua interpositione, quando Epiphania occurrerit in Dominica: eo etenim casu, in Sabbato ante Diem Octavam fiet de Dominica infra Octavam extra diem festivum, ut suo loco dicemus.

In prædictis quinque Diebus infra Octavam Epiphaniæ Officia sunt propria quoad omnes Lectiones trium Nocturnorum, & quoad Antiphonas ad *Benedictus*, & ad *Magnificat*: reliqua verò, una cum Oratione, sumuntur ex Festo. Pro commemoratione autem Octavæ datur quandoque aliqua verborum ipseitas in Vesperis ratione Dominicæ concurrentis, de qua identitate necessariò varianda dicemus, cum de ipsa Dominica suo loco erit differendum. In primo Nocturno cujusque ex dictis quinque

que Diebus ponuntur Lectiones Paulinæ de *Epistola ad Romanos*, quæ tunc omnes leguntur in Ecclesia Universali, quando die septima Januarii fuerit Festiva secunda. At si Dominica intercedat in suo Die festivo, in ea ponitur *Initium Epistolæ primæ ad Corinthios*, & de illa Epistola legitur diebus sequentibus, omiſſis dictis Lectionibus *ad Romanos* per tot dies, quot recurrent post dictam Dominicam: & tunc omnes Lectiones *ad Romanos* omittuntur, quando Epiphania venerit in Sabbato, nam quotiescunque casus hujusmodi contigerit, die sequenti erit Dominica, in qua, ut diximus, erit dicendum *Initium ad Corinthios*. Ad Laudes horum Dierum infra Octavam omnia dicuntur ut in Festo, excepta Antiphona propria ad *Benedictus*, sumenda ex Die occurrente infra Octavam, & nulla sit commemoratio, nisi de Festo simplici, si occurrat, ut de S. Hygino Papa & Martyre die undecima Januarii in Ecclesia universali: vel de S. Erhardo Episcopo & Confessore die octava ejusdem Mentis, ut Brixinæ in Comitatu Tyrolensi: vel alibi, si Festum simplex ibidem occurrat. Ubi autem fiat de alia Octava, etiam de illa facienda erit commemoratio in hisce Laudibus, ut Passavii in Bavaria pro S. Valentino Episcopo & Confessore, cujus Festum ibi celebratur die septima Januarii: ut Venetiis pro S. Laurentio Justiniano, Primo Urbis Patriarcha & Confessore, occurrente ejus Festo die octava ejusdem Mensis: ut Feltriæ in Dominio Veneto pro Dedicatione Ecclesiæ Cathedralis, quæ occurrit die decima Januarii. Sicuti verò infra Octavam Epiphaniæ non fit, nisi de Festo duplici primæ classis occurrente (ut paulo post dicemus) sic si alicubi occurrat Dies Octava, celebratur etiam ista per solam commemorationem, ut Patavii die decima Januarii fit commemoratio de Die Octava Inventionis S. Danielis Martyris, cujus Festum occurrit ibidem die tertia dicti Mensis. Ad Primam dicitur quotidie Versus *Qui apparuisti hodie*: & ad omnes Horas toto hoc octiduo clauduntur Hymni cum Strophe *Jesu tibi sis gloria, qui apparuisti Gentibus*. Quoad

Quoad Festa , quæ fieri possunt infra Octavam Epiphaniæ : translatis Festis semiduplicibus alicubi occurrentibus , nec non & duplicibus , sive minoribus , sive maioribus , sive etiam secundæ classis , sola Festa duplicia primæ classis celebrantur , si tamen occurrant . Dixi , *si occurrant* , nam Rubrica Breviarii posita statim post secundas Vesperas Festi , sic habet : *Infra Octavam Epiphania si occurrat Festum duplex vel semiduplex transfertur post Octavam , nisi fuerit Patroni , vel Titularis Ecclesia , vel Dedicationis ejusdem , ut dicitur in Rubrica de Octavis* . Ubi duo observo , quæ in hac Rubrica continentur : Primum quidem , quod *si occurrat* , non habet relationem tantum ad Festa transferenda , sed etiam habet ad celebranda infra hanc Octavam : Secundum verò , quod Festa sive transferenda , sive celebranda , debent occurrere infra Octavam , non autem ante Octavam . Idem enim est , ac si diceretur : *si occurrat duplex vel semiduplex , & quidem infra Octavam , transfertur : quod si occurrat duplex prima classis , & itidem infra eandem Octavam , celebratur* . Et quia in dicta Rubrica subjungitur : *ut dicitur in Rubrica de Octavis* : videamus modò , quid Rubrica ista dicat ad hanc rem ; igitur tit. 7. de Oct. sub num. 3. ita lego : *Infra Octavam Epiphania , fit tantum de Patrono , vel Titulari Ecclesia , & Dedicatione ejusdem : non tamen in Die Octava* . Ex qua secunda Rubrica sic argumentor : Si quoad primam partem possum agere infra Octavam cum Guyeto inferius citando , de duplicibus primæ classis translatis : ergo quoad secundam partem , possum in Die Octava celebrare Festum duplex primæ classis occurrens : nam idem est , ac si diceretur : *Infra Octavam fit de duplicibus prima classis etiam translatis : sed in Die Octava non fit , nisi de duplici prima classis occurrente* : Neutrum tamen dici potest , tum quia in Rubricis verbum *occurrere* non importat translatum , ut in prima Rubrica : tum quia particula *Non* excludit occurrens , ut in secunda Rubrica . Ergo sensus Rubricæ est , quod potest fieri de duplici primæ classis occurrente infra Octavam , sed

de ta-

de tali duplici occurrente fieri non potest in Die Octava: nam Officium, quod in Die Octava fieri non potest, debet esse ejusdem naturæ, cujus est illud, quod fieri potest infra Octavam: sed in Die Octava non potest fieri de duplici primæ classis occurrente: ergo infra Octavam fieri potest de hujusmodi duplici itidem occurrente.

At quia præmissimus rationes pro parte affirmativa occurrente, ante opinionem Auctoris superius citati, & negativam partem tenentis: nunc restat videndum, quid dicat Guyetus. Hic igitur in *Heretolog. lib. 4. cap. 8. quæst. 8. pag. 261.* quærens, in quem diem transferenda sint Festa, si suo die fuerint impedita, absolute respondet hisce præcis verbis: *Infra Octavas Epiphania, & Corporis Christi sola duplicia primæ classis translata à die suo, locum habent.* At ego sic arguo: Infra Octavam Corporis Christi, quia Rubrica se exprimit, habent locum duplicia primæ classis translata: ergo, quia Rubrica infra Octavam Epiphaniæ non se exprimit, dicta duplicia primæ classis translata non habent locum. Ex una igitur Rubrica non infertur ad aliam: neque enim pari passu currunt istæ duæ Octavæ. Rubrica itaque Breviarii tit. 10. de *translat. Festor. sub num. 1.* sic expressè loquitur de Octava Corporis Christi: *Si Festum Nativitatis S. Joannis Baptista venerit in die Corporis Christi, transfertur in sequentem diem:* Dies autem sequens est proculdubio infra Octavam ipsius Corporis Christi: & ex hac sola Rubrica dicimus posse infra dictam Octavam Corporis Christi fieri de duplici primæ classis translato. At quænam, quæso, Rubrica vel clarè vel obscurè nos docet, posse agi de duplici primæ classis translato infra Octavam Epiphaniæ? Concludendum igitur videtur cum illo communiter recepto Axiomate: *Si Papa voluisset, expressisset, ut expressit infra Octavam Corporis Christi: non expressit infra Octavam Epiphaniæ: ergo noluit.* Unde de sola occurrentia Festi duplicis primæ classis intelligit Piscara in Cæremoniali suæ Religionis *lib. 3. cap. 6, sub num. 5. pag. mibi 154, nec non & Halden*
in

in *Ephemerolog. par. 2. tit. 1. sub numer. 6. pag. 7. column. 1.* Quapropter, si in aliqua Ecclesia occur-
rat propria Dedicatio in Dominica prima Mensis
Januarii (ut ante novam constructionem nostris
temporibus factam, occurrebat Venetiis in Ecclesia
S. Rocchi Confessoris, ubi asservatur ejus Corpus)
& hæc Dominica veniet in Festo Epiphaniæ, non
fit in Feria secunda infra Octavam de dicta Dedi-
catione, quæ fuit heri, sed transfertur post Octa-
vam in primam diem non impeditam.

In prædictis Festis duplicibus primæ classis infra
Octavam Epiphaniæ currentibus, fit commemo-
ratio Octavæ in utrisque Vesperis, & Laudibus,
quia cùm hæc sit Octava privilegiata, neque in di-
ctis duplicibus suam amittit commemorationem,
prout in hujusmodi casibus amittunt Octavæ com-
munes: & hoc satis superque patet ex duplici Ru-
bricarum documento, scilicet *de Octav. tit. 7. sub
num. 3.* nec non & *in rubric. 5. post Tabell. de Oc-
currentia*: Sic Passavii in Bavaria die septima Ja-
nuarii fit de S. Valentino Episcopo & Confessore:
sic Venetiis die octava ejusdem Mensis fit de S.
Laurentio Justiniano, Primo Urbis Patriarcha &
Confessore: Sic Feltriæ die decima dicti Januarii
fit de Dedicazione Ecclesiæ Cathedralis: Omnia &
tria præmissa Festa sunt in dictis Locis duplicia
primæ classis, ibique fit in quolibet ex eis com-
memoratio Octavæ. Quod si alicubi una cum duplici
primæ classis occurrat alia Octava, non fit de ea
commemoratio, tum ex dicta Rubrica *de Octav.
titul. 7. sub numer. 3.* tum etiam *de Commemorat.
titul. 9. sub numer. 4.* tum denique *de Concurren.
Offic. titul. 11. sub numer. 4.* unde Venetiis in Ec-
clesia Parochiali & Collegiata S. Juliani die oc-
tava Januarii fit de prædicto Festo Dioecesano S.
Laurentii Justiniani sub ritu duplici primæ classis,
cum commemoratione quidem de Epiphania, sed
non de die secunda infra Octavam sui Titulari:
Nec itidem fit commemoratio de Festo simplici,
nam Rubrica Breviarii posita statim post secundas
Vesperas Epiphaniæ admittit hujusmodi commemo-
ratio-

rationem in Officio de Die infra Octavam, non verò in Festo duplici infra eam occurrente: & ideo si die octava Januarii in aliqua Ecclesia Diocesis Brixinensis in Tyrolensi Comitatu occurrat Dedicatio, fit in ea commemoratio Epiphaniæ, sed non de Festo ibi simplici S. Erhardi Episcopi Confessoris: & ideo si die undecima ejusdem Januarii fiat alicubi in Orbe de Festo duplici primæ classis occurrente, facta in eo commemoratione Epiphaniæ, omittitur commemoratio de Festo simplici universali S. Hygini Papæ & Martyris. In dictis verò duplicibus primæ classis, ad Responsorialia breviora Horarum non adduntur duo *Alleluja*, quia hæc additio spectat dumtaxat ad Officium de Octava. Ad Primam tamen in Responsorio brevi dicitur Versus *Qui apparuisti hodie*: omnesque Hymni ejusdem metri sumunt clausulam ex Festo Epiphaniæ, scilicet, *Jesu tibi sit gloria, qui apparuisti Gentibus.*

§. VI.

De Missa, & Vesperis in Diebus infra Octavam Epiphaniæ.

Missa infra Octavam Epiphaniæ est semper eadem, quæ dicta fuit in Festo: In ea dicitur *Gloria*, cum secunda Oratione *Deus, qui salutis*, & tertia *Ecclesia*, vel *pro Papa*: quæ quidem Oratio *pro Papa* deberet alternatim dici, ita ut una die legatur *Ecclesia*, altera verò die *pro Papa*, licet Rubrica det Sacerdoti libertatem dicendi qualemcumque velit ex illis duabus assignatis, ut ly vel clarè ostendit: ea tamen die, qua dicitur *Ecclesia* in una Ecclesia, omnes Sacerdotes deberent eam uniformiter recitare: & sic altera die, si dicatur

tatur Oratio *pro Papa*. Benè tamen facerent Kalendaristæ Locorum, si tali modo disponerent in annuis. Directoris: & ipsi Ecclesiarum Sacristæ, si suis Sacerdotibus uniformitatem insinuerent: aliter esset Oratio supervacue posita, quod non est tam facile credendum. At si Sedes Apostolica vacaverit, tertia Oratio erit *Ecclesia* & quarta pro eligendo Summo Pontifice, ut in ejus Missa, quia est pro re gravi, & idè addenda. Si quis autem ex Sacerdotibus haberet ex Litteris particularibus sibi Roma transmissis certam sed privitam notitiam de jam secuta novi Pontificis creatione, cum expressione Nominis sibi impositi, non ideo debet infra hanc Octavam dicere tertiam Orationem *pro Papa*, sed tenetur expectare signum publicum per festivam campanarum pullationem, nam hujusmodi notitia sumitur à superioribus, non verò à privatis.

Quòd si infra hanc Octavam Epiphaniæ occurrat Festum simplex. (ut supra diximus occurrere Brixinæ die octava Januarii, & in Ecclesia Universali die undecima ejusdem Mensis) in Missa de Octava erit secunda Oratio de simplici, & tertia de Beata Maria *Deus, qui salutis*. Idem dicendum quoad secundam Orationem, si alicubi occurrat aliqua Dies infra Octavam specialem: quæ quidem secunda Oratio Octavæ particularis, si sumenda sit ex Missa *In virtute tua*, ut in primo loco de Communi unius Martyris non Pontificis, varianda erit *Secreta* de Beata Maria, cujus loco dicetur, *Tua, Domine*, ut in altera ejus Missa Votiva, juxta Rubricam in Dominica Septuagesimæ positam, quia erit idem casus, & idè eadem regula servanda. Si verò dicta commemoratio de Die infra Octavam particularem sumi debeat, vel ex Missa *Sacerdotes Dei*, ut in Communi unius Martyris Pontificis de secundo loco, vel ex Missa *Salus autem Justorum*, ut in Communi plurimorum Martyrum, commutanda erit *Postcommunio* de eadem Beata Maria, cujus loco dicetur, *Sumptis, Domine*, ut in eadem Missa Votiva: nisi tamen occurrat Dominica, vel Festum sim-

simplex, quia in primo casu secunda Oratio erit de Epiphania, & tertia de alia Octava: sed in casu secundo secunda Oratio erit de alia Octava, & tertia de simplici. Licet autem de Die Octava particulari, si occurrat, non fiat, nisi sola commemoratio, quia tamen est duplex, non dicitur in Missa de Epiphania tertia Oratio, ut Patavii in Dominio Veneto die decima Januarii in Missa dicitur secunda tantum Oratio de Die Octava Inventionis S. Danielis Martyris: quod intelligitur, nisi facienda sit aliqua alia commemoratio, ut simul occurrat Dominica, nam in Missa de Dominica erit secunda Oratio de Die Octava particulari, & tertia de Epiphania. Illud insuper notandum venit, quod ratione solius commemorationis, quæ alicubi sit de Die infra Octavam Dedicationis Ecclesiæ, non est in Missa dicenda tertia Oratio *Concede*, assignata cæteroquin Diebus infra Octavam ejusdem Dedicationis: quia cum accessorium sequatur naturam sui principalis, dum Missa est de Octava Epiphaniæ, etiam Orationes debent esse de assignatis infra ejus Octavam. Post Octavam verò Epiphaniæ Dedicationis assumit suum jus in re per suas proprias Orationes: unde Feltriæ die decima sexta Januarii in Missa S. Marcelli dicitur secunda Oratio de Die septima infra Octavam Dedicationis Cathedralis, cum tertia Oratione *Concede*. Quod autem ait Notandum textum post *Tabellam Breviarii de Occurrentia*, nempe, non esse faciendas Octavas particulares à die decima septima Decembris usque ad Epiphaniam, intelligitur de Octavis, quæ celebrantur alicubi, vel sine immemorabili consuetudine, vel absque Indulto Apostolico. Nec tamen in hujusmodi prohibitionem inclusus est circulus Dierum infra Octavam Epiphaniæ recurrentium, ita ut dicendo usque ad Epiphaniam, intelligendum veniat usque ad Diem Octavam Epiphania, inclusive, cum debeamus intelligere usque ad Diem ipsam Epiphania inclusive, & non ulterius, ut bene notat Guyetus *Heortolog. libr. 1. cap. 13. quæst. 11. vers. Secundum sumpsit, pag. 34.*

At si facienda sit expositio SS. Sacramenti pro Oratione quadraginta Horarum, in Missa privata de Octava Epiphaniæ, secunda Oratio erit de Beata Maria, tertia *Ecclesia*, vel pro Papa, & quarta de SS. Sacramento, quia hæc Oratio in hujusmodi casibus superadditur assignatis infra hanc Octavam, & sic nulla ex eis erit omittenda: & hoc videtur inferri ex iis, quæ habet Gavantus *rom. 1. par. 1. tit. 9. sub num. 16.* ac esse censeo juxta Resolutionem Sacræ Rituum Congregationis emanatam sub die 2. Decembris 1684. de qua in mea Collectione de Sacris Ritibus *sub num. margin. 992. pag. 318.* & refert etiam P. Merati *rom. 2. par. 2. in Indice, sub num. 476.* Idem dicendum de Die Anniversario Consecrationis Episcopi, si infra hanc Octavam occurrat, ita ut in Missa de Epiphania secunda Oratio sit de Beata Maria, tertia *Ecclesia*, non autem pro Papa, quia quarta est pro Episcopo, & bis diceretur eadem Oratio, cum sola Nominis commutatione. Laudabilis autem in Ecclesia viguit antiquus usus, ut Dies Anniversaria ageretur, qua quis alicui Sedi præfectus esset Episcopus: id etenim tam in Occidentali Ecclesia, quam in Orientali etiam observatum, innumera ferè doceant exempla, ait Barobius in *Notation. ad Martyrolog. Roman. sub die 18. Januarii.* Cæterum in hac Missa de Octava Epiphaniæ genui ætur ad illa verba Evangelii: *Et procidentes, adoraverunt eum.* Dicitur in ea *Credo*, cum Præfatione, & *Communicantes*, ut in Festo. Quod si dicenda sit Missa de Festo duplici primæ classis occurrente, sit in ea commemoratio de Epiphania, cum ejus Præfatione, & *Communicantes*: Unde si Festum propriam haberet Præfationem, adhuc *Communicantes* esset de Octava, ut sit in Festis infra Octavam Ascensionis occurrentibus, & propriam habentibus Præfationem: de quib. asservo Domi sequentem Sacræ Rituum Congregationis Resolutionem in forma authentica, cum magno Sigillo, & cum subscriptione Illustrissimi D. Secretarii, nempe: *Ad secundum Dubium: An occurrente infra Octavam Ascensionis Domini*

Mini Feste SS. Philippi & Jacobi, sem Inventionis Sanctae Crucis, quae habent propriam Praefationem, & non admittunt commemorationem praedictae Octavae, sit dicendum in Missa Communicantes de Ascensione? Et Sacra Rituum Congregatio censuit esse dicendum, Die 28. Augusti 1617. Et rationem affert Gavantus tom. 1. par. 1. tit. 12. sub lit. g. in fine, quia scilicet Communicantes habet infra illam Octavam quasi rationem de tempore, sicuti habet etiam Praefatio de Octava in praedictis Festis, si propriam Praefationem non haberent. Ex quo ego infero: Si Communicantes de Ascensione habet rationem de tempore intra suam Octavam: ergo à pari etiam Communicantes de Epiphania, & ideo dicendum in Festis primae classis infra hanc Octavam occurrentibus, quamvis propriam haberent Praefationem.

Cantari potest infra hanc Octavam Epiphaniae Missa de Festo occurrente & transferendo, & hoc ratione concursus si addit: hi enim Dies non sunt excepti in Rubrica Missalis titul. 6. de translat. Fester. ubi tamen duae praescribuntur Missae cantandae, una scilicet de Die, alia de Festo: Neque dicas, quod de Die infra Octavam, & de Festo non cantantur dum Missae, nam hic non agitur de Festo, de quo fiat Officium, sed de Festo transferendo. Imò & cantari potest Votiva solemnitis de SS. Sacramento pro Oratione quadraginta Horarum: hos enim Dies non excipit Clemens Undecimus in Instruct. pro huiusmodi Exposit. de qua in eius particulari Bullar. part. 2. Constitut. 9. §. 10. & postmodum etiam in Bullar. Rom. novissimae editionis Luxemburgensis tom. 8. par. 2. Constitut. itid. 9. ubi etiam quod celebranda erit post Nonam, & ultra Conventualem in Ecclesiis, in quibus adest obligatio eam cantandi. In dicta Votiva solemnitis de SS. Sacramento nulla fiet commemoratio Octavae, cum Praefatione quidem Quia per incarnati Verbi mysterium, sed cum Communicantes de Epiphania. Licet autem cantari possit praedicta Missa Votiva de SS. Sacramento ratione Orationis quadraginta Horarum, non tamen potest cantari Votiva de Ver-

nerabili in cantu fundata : hujusmodi enim Missa non est cantanda in duplicibus, neque in aliis diebus duplicia excludentibus: sed cantari debet de Festo, vel de Die, cum applicatione Sacrificii: sicque satisfieri, & Benefactorum mentem impleri resolvit, non obstante quacumque consuetudine in contrarium, quam abusum esse declaravit *Sacra Rituum Congregatio sub die 24. Julii 1683. apud Pisartum in Exposit. Rubricar. Missal. Rom. par. 1. tit. 4. de Miss. Vor. sub num. 8. pag. 8. & refert etiam P. Merati tom. 1. par. 2. in Indico, sub num. 463. & intelligitur de Missa relicta, vel ordinata à solis Benefactoribus. Omnes etiam aliæ Missæ Votivæ solemnes pro re gravi possunt dici. Quæ autem non sunt pro re gravi, non sunt cantandæ, nisi habeatur Speciale Indultum Apostolicum, prout habet Congregatio Vallisoletana Ordinis S. Benedicti cantandi quotidie Missam Votivam de Beata Maria, paucis exceptis diebus, inter quos est quidem ipsa Dies Epiphaniæ, sed non ejus Octava, ut confirmando consuetudinem immemorabilem, indulgit *Sacra Rituum Congregatio sub die 19. Novembris 1633. apud Palsuccium in Compend. ad Consultat. Canon. Jacobi Pignatelli, par. 2. tit. de Missæ Sacrificio, pag. 31. juxta editionem Veneram: & etiam in hac Missa Præfatio dicenda est de Beata Maria, cum Communiantes tamen de Epiphania. Receptio autem ad Habitum, & Professionem Religiosam non venit sub nomine rei gravis, ut possit cantari Votiva de Spiritu Sancto hisce diebus, ita S. R. C. in Rurmunden. 1683. 24. Julii.**

Non tamen celebrari possunt infra hanc Octavam Missæ Votivæ privatæ, neque pro Defunctis, ex Decreto Sacræ Rituum Congregationis, de quo Cavantus tom. 1. par. 1. tit. 4. sub numer. 3. lit. O. & nos extendimus supra in Vigilia Nativitatis Domini. Unica tamen solemnis pro Defunctis in Die Obitus, insepulto Corpore, cantari potest, quia nec obstat magna Diei celebritas, de qua Rituale Romanum titul. de Exequ. rubric. 5. nec impedit Decretum superius citatum in die Epiphania

Epiphania, quia sola excipit duplicia primæ classis. Gavantus loco citato, tit. 5. lit. X. per ly. insepulto Corpore intelligit præsentiam Corporis in Ecclesia, quod licet non defuit qui negent, nihilominus hæc Missa solemnitas mihi videtur concessa Corpori præsentem, quæ est ratio potissima concessionis: & hoc expresse habetur in Rituali dict. tit. de Exequ. rub. 4. ibi: *Quod antiquissimi est instituti, illud quantum fieri poterit, retineatur, ut Missa præsentem Corpore Defuncti pro eo celebretur, antequam Sepultura tradatur*: & iterum loquitur de præsentia Corporis seq. rub. 5. videlicet: *Si quis die festo sit sepeliendus, Missa propria pro Defunctis præsentem Corpore celebrari poterit, &c.* ergo concessio hujusmodi Missæ, solemnitas respicit Corporis sepeliendi præsentiam: & bene notat Baruffaldus in Commentar. ad dict. Rituale tit. 34. à numer. 36. ad 38. Quoad illam verò quæstionem, quàm studiosè movet, & eruditè resolvit Quartus in Commentar. ad Rubric. Missal. par. 1. tit. 5. de Miss. Defunctor. sub numer. 3. scilicet: an Dies Obitus sit idem, ac Dies Depositionis, vel unus differat ab alio? Ego revera ejus rationibus innixus, censeo, esse duos Dies distinctos: nam hujusmodi Missa inscribitur non solum in Die Obitus, sed etiam seu Depositionis: ubi ly seu videtur significare differentiam: Unde Gavantus tom. 1. par. 4. tit. 18. sub num. 9. postquam dixisset quòd S. Ambrosius serm. 70. accipit Depositionis vocabulum tam pro Sepultura, quàm pro Obitu, statim subdit: *licet Ecclesia videatur distinguere inter Obitum, & Depositionem*. Nihilominus, dum loquimur de Missa solemnitate præsentem Corpore cantanda, unum Diem facimus, & quidem illum, quo Cadaver est in Ecclesia eodem Die sepeliendum.

Quia tamen diximus supra, unicam posse cantari Missam in Die Obitus, & quidem præsentem Corpore, infra Octavam Epiphaniæ: hinc infero, quòd si plura convenient Capitula ad eam Ecclesiam, ubi adest Cadaver, non possit unumquodque illorum cantare Missam pro illo Defuncto: licet enim respectu uniuscujusque Capituli distincti una revera

fit Missa solemnis, respectu tamen Ecclesiæ, in qua una tantum conceditur cantata, sunt proculdubio plures Missæ solemnes in Die Obitus; & ideo in hujusmodi casibus dignius Capitulum (ut reor) cantare debet, cæteris præsentibus, & solemniter Celebranti respondentibus, si teneantur assistere Exequiis. Hæc autem Missæ solemnis unicitas videtur etiam inferri ex Missa unica Sabbati Sancti statuta in Collegiata insigni Basilica S. Ambrosii Mediolanensis. Cum enim duo ibi extent Capitula, unum Canonicorum Sæcularium, alterum verò Monachorum Cisterciensium; & utrumque quotidie canat Missam Conventualem; unum scilicet post alterum; tamen in Sabbato Sancto una tantum canenda est ab illo, cui per turnum, ut decrevit Urbanus Octavus in Bulla, Rom. tom. 9. *Constit.* 151. quæ incipit: *Gregis Dominici*; Ergo plura Capitula non possunt à simili canere plures Missas eodem Die, in eadem Ecclesia, pro eodem Defuncto: quia si in Sabbato Sancto una tantum numero conceditur de Die, infra Octavam Epiphaniæ una tantum numero permittitur in Die Obitus.

Ex præmissis tamen oritur Dubium, an infra Octavam Epiphaniæ cantari possit in Die Obitus pro eo, de cujus morte remotè secuta habetur hiis diebus certa notitia? Ratio dubitandi est, quia ad hoc, ut possit hujusmodi Missa cantari infra hanc Octavam, debet concurrere Dies Obitus, seu Depositionis Defuncti, cum effectiva Corporis præsentia in Ecclesia: Neutrum verificatur in casu proposito: Ergo non est cantanda hæc Missa. Atamen, cum omnis Regula suas habeat exceptiones, videtur nihilominus amplectenda pars affirmativa, quia prima certa notitia consideratur pro Die Obitus, & ad favorem illius Defuncti confertur præsens ejus Cadaver. Nam & Vivi ipsi gaudent spiritalibus Vivorum privilegiis, etiam extra tempus alijs assignatum: siquidem & Nautæ cum omnibus suis, post diuturnam Maris trajectionem, cum primum pervenerint ad Locum, ubi jam completus est Jubilæus, ipsammet nihilominus lucrantur Indul-

dulgentiam, perinde ac si pervenissent in tempore aliis generaliter statuto. Sic & remote Defuncti potiri debent Mortuorum privilegiis, cum primum per mortis notitiam pervenerint ad Loca Suorum, licet ibi non currat pro ipsis verus Dies Obitus, nec eorum revera adsint in Ecclesiis realiter Cadavera. Hoc enim tamquam regulam certam & generalem tradit Fagiolus in *Kalendario perpetuo*, ration. in *Annotat. ad Januarium*, sub numer. 33. pag. 78. juxta alteram editionem Bononiensem de Anno 1705. Et pro Congregatione Canonicorum Regularium Lateranensium, patet de Missa in Die Obitus ex iis, quæ sequuntur, nempe: Prior Canonicorum Regularium Congregationis Lateranensis. S. Maria de Pace in Urbe, pro onere sui Officii, supplicavit apud Sacram Rituum Congregationem pro resolutione sequentium Dubiorum, videlicet: Secundo: (cæteris omissis, ad nostram rem non facientibus) Ex dispositione Constitutionum Congregationis Canonicorum Lateranensium, cum primum accipitur Nuncium de obitu in Loco disito alicujus de gremio ejusdem Congregationis, in quolibet Monasterio cantatur Missa de Requiem, ut in Die Obitus, pro ejus Anima: Quæritur, an dicta Missa de Requiem cantari possit in Festo duplici majori vel minori, non tamen de precepto, statim ac Nuncium accipitur de obitu, ut citius suffragetur Anima Defuncti? Et eadem Sacra Rituum Congregatio, ad prædicta Dubia (nota bene) transmissa, prius per manus Eminentissimorum Cardinalium eidem Sacra Congregationi Præpositorum, respondit ut infra: Ad secundum: Indulgeri posse, non relicta tamen Missa in cantu de Festo duplici minori occurrente, quatenus adsit obligatio cantandi. Die 4. Maji 1686. Hanc Responsum, unâ cum aliis, Domi aservo in forma authentica, cum magno Sigillo, & cum subscriptione Illustrissimi D. Secretarii: & refert etiam P. Merati tom. 1. par. 2. in *Indice*, sub num. 484. Gavantus tamen tom. 1. par. 4. tit. 18. sub num. 15, tenet, quod pro eo, qui proximè obiit, longè tamen à nobis, prius vice possit dici Missa in Die Tertio, omisso verbo Tertium, Attamen si longè à nobis obiit, Dies Tertius

non videtur polse inservire, nam longitudo itineris supponit majorem numerum dierum, & ideo ultra Tertium: unde potius debemus incipere à Die Obitus, quàm à Die Tertio.

In Anniversario verò Defunctorum non potest hinc Diebus infra Octavam Epiphaniæ occurrentibus Missa cantari, nam licet Alexander Septimus indulserit, ut hujusmodi Missæ, etiam in Festo duplici majori cantari possint, ut patet ex ejus Decreto, de quo in mea Collectione de Sacris Ritibus *sub numer. margin. 838. pag. 260.* quia tamen hæc Octava Epiphaniæ neque admittit Festa duplicia secundæ classis etiam occurrentia, consequens est, ut neque cantentur Anniversaria, si occurrant. Attamen omissis speculativis illationibus, Sacra Rituum Congregatio novissimè & clarissimè Anniversaria prohibuit in omnibus Diebus infra Octavas privilegiatas occurrentibus, ut videre est in sequenti Responsione, quam Domi retineo in forma authentica, cum magno Sigillo, & cum subscriptione Illustrissimi D. Secretarii, nempe: *Supplicantibus humiliter Capitulo & Canonicis Cathedralis Cellensis Sacra Rituum Congregationi pro declaratione infrascriptorum Dubitorum, videlicet: Nonum: cæteris omissis ad nostram rem non facientibus) An infra Octavas privilegiatas possit cantari Missa Defunctorum in Anniversario, & Officio solemni? Sacra eadem Rituum Congregatio respondit: Ad Nonum: Negativè.* Missæ tamen privatæ de Die infra Octavam Epiphaniæ, celebratæ ad Altare Animabus quomodolibet Privilegiatum, suffragantur, perindè ac si celebratæ fuissent pro Defunctis, juxta formam Privilegiorum, ut confirmando Decretum Sacræ Rituum Congregationis, declaravit *Innocentius Undecimus in Constit. qua incipit: Aliàs postquam, emanata Anno 1688. sub die 4. Maji, quam habes per extensum tum apud Monacelli in Formular. Leg. Pract. par. 2. tit. 16. formul. 6. pag. 330. tum etiam apud Matthæucium in Officiali Cur. Ecclesiast. cap. 4. sub num. 2.*

Speciat etiam ad Missam hujus Octavæ, quod venit in consequentiam ex solemniū aperiitione Nuptia-

250

251

ptiarum, quæ sit die septima Januarii, nam si infra hanc Octavam benedicendæ sint Nuptiæ, in Missa de Epiphania dicenda erit quarto loco Oratio pro Sponso & Sponsa, cum reliquis, quæ pro Communione, & complemento Benedictionis habentur in Missa propria in fine Missalis. Dixi *quarto loco*, nulla enim omittenda est ex assignatis: ideoque secunda legetur de Beata Maria, tertia *Ecclesia* vel *pro Papa*, & quarta pro Sponsis: nisi sit Dominica, quia secunda dicitur de Octava, & tertia Sponsorum: at si in Dominica occurrat Simplex, Oratio pro Sponso & Sponsa erit adhuc quarto loco dicenda, quia secunda recitabitur de Octava, tertia de Simplici: idem dicendum quacunque Die infra Octavam occurrat Simplex, quia secunda dicitur de Simplici, tertia *Ecclesia* vel *pro Papa*, & quarta Sponsorum: sed & alicubi poni potest quinto loco, ut quando die undecima Januarii est Dominica, Palsavii in Bavaria legetur secunda Oratio de Epiphania, tertia de Die quinta infra Octavam S. Valentini Episcopi & Confessoris, quarta de S. Hygino Papa & Martyre, & quinta (si benedicendæ sint Nuptiæ) pro Sponso & Sponsa: ita Venetiis, ubi tertia Oratio est de Die quarta infra Octavam S. Laurentii Justiniani: ita etiam Feltrix, quia ibi tertia Oratio dicitur de Die secunda infra Octavam Dedicationis Cathedralis. Licet autem Rubrica statim ante hanc Sponsorum Missam posita, dicat, quodd si Nuptiarum Benedictio facienda sit Die Dominico, vel alio Die Festo, in Missa de Dominica vel Festo sit commemoratio Sponsorum, & ita etiam exponit Gavantus *rom. 1. par. 4. tit. 27. sub num. 22.* nihilominus intelligenda venit dicta Rubrica etiam de Diebus Missas Votivas privatas excludentibus, ut sunt isti infra Octavam Epiphaniæ, infra quos (si benedicendæ sint Nuptiæ) erit suo loco dicenda Oratio pro Sponsis, tamquam Oratio pro re gravi: nam si occurreret Dies Anniversaria Consecrationis Episcopi, diceretur Collecta pro eo: & si Episcopus ordinaret extra tempora vigore Brevis Apostolici, legeret Orationem pro

pro Ordinandis, quam etiam dicit in Sabbato Sancto, quod est majus, ut clare patet ex Pontificali Romano, *par. 1. tit. 2. de Ordinib. conferen. inter rubric. vers. Si vero Sabbato Sancto.*

Sic ita autem diebus permixtis propria Missa pro Sponso & Sponsa, sic dicta Sponsorum Oratio, cum reliquis, quæ pro Communionem & complemento Benedictionis habentur in eadem Missa in fine Missalis, non potest dici infra hanc Octavam Epiphaniæ, nisi à proprio Parocho, cum Nuptiarum Benedictio sit de Jure Parochiali, & consequenter de jure fieri debeat ab ipso proprio Parocho, ut ex Concilio Tridentino *sess. 24. de Matrim. cap. 1.* notat Baruffaldus in *Commentar. ad Rituale Rom. tit. 42. §. 7. sub num. 73. pag. 251.* ubi etiam addit (& verum addit) nisi ab Ordinario, vel à Parocho, alteri Sacerdoti data sit facultas benedicens. Hinc est, quod etiam Regulares possunt hujusmodi Benedictionem facere, cum licentia tamen Parochi: unde cum tali licentia posse Carmelitas benedicere Sponsos, respondit *Sacra Congregatio Concilii in Aquen. Jurium Parochialium sub die 9. Junii 1708.* ut habetur in particulari Bullario Clementis Undecimi *par. 3. Constitut. 3. qua incipit: Aegre ferens, ad octavum Dubium.* Nam hanc Sponsorum Benedictionem non esse generaliter à Regularibus faciendam absque Curatorum consensu, multò antea statuit Leo Decimus apud Cherubinum in *Bullario Rom. tom. 1. Constitut. qua incipit: Dum intra, §. 13. edita anno 1516. sub die 19. Decembris*, ut egiomet retuli in mea Collectione de Matrimonio *tom. 1. sub numer. margin. 8.* & iterum in altera itidem mea Collectione de Regularibus *tom. 1. sub numer. margin. 599. pag. 244.* Non potest tamen Parochus, nec qui ab eo facultatem habet, Benedictionem hujusmodi facere extra Ecclesiam, cum fieri debeat in Ecclesia, ut rescripsit *dicta Sacra Congregatio Concilii in Britinorien. anno 1649. sub die 17. Aprilis*; quod & ex Pascuccio in *Compend. ad Consultat. Canon. sac. Pignatell. par. 2. tit. de Matrimonio*, egiomet dicebam in mea Collectione pro Paro.

Parochiis utriusque Cleri, *sub numer. margin. 398. pag. 285. juxta tertiam Paternam editionem*: in Ecclesia, inquam, & quidem inter Missarum solemnias, ut declaravit *dicta Congregatio Concilii in Pisaurum*, apud Barbosam *in Summa Apostolicar. Decret. Collect. 523. de Nuptiis, sub num. 4.*

Explicatis, quæ ad Missas spectabant tum privatas tum etiam solennes in Diebus infra Octavam Epiphaniæ occurrentibus celebrandas, restat modò, ut de Vesperis eorundem Dierum disseramus. Vesperæ igitur hujus Octavæ dicuntur semper integræ, ut in secundis Vesperis Festi: quod tamen non est speciale horum Dierum, sed omnibus convenit & solis Octavis sive privilegiatis sive communibus, vigore Rubricæ Breviarii *de Octav. tit. 7. sub numer. 5.* ubi sic expressè præscribitur: *In Vesperis infra Octavam omnia dicuntur, sicut in secundis Vesperis Festi*: & quidem absque ulla commemoratione, Dixi, *integra*, quia suppono, quòd die sequenti fiat Officium de eadem Octava, nam in tali casu Vesperæ debent revera esse integræ, cum non detur ulla ratio divisionis à Capitulo, & ideo dicuntur, ut in secundis Vesperis Festi, excepta tamen Antiphona ad *Magnificat*, quæ quolibet die est propria. Dixi, *absque ulla commemoratione*, quia plerumque nulla habetur commemoratio facienda, nisi die sequenti occurrat Festum simplex, ut die decima Januarii facienda est in Vesperis commemoratio S. Hygini Papæ & Martyris cras occurrentis in Ecclesia Universal: ita Brixinæ in Comitatu Tyrolensi in Vesperis Diei septimæ ejusdem Mensis fit commemoratio Sancti Erhardi Episcopi & Confessoris, de quo ibi agitur die octava Januarii, sub ritu simplici. Quòd si alicubi occurrat Dies infra aliam Octavam, faciendæ est in Vesperis commemoratio de ea: ita Passavii in Bavaria per totam Octavam Epiphaniæ fit in Vesperis commemoratio de Die infra Octavam S. Valentini Episcopi & Confessoris, cujus Festum celebratur ibi die septima Januarii sub ritu duplici primæ classis. At si infra hanc Octavam Epiphaniæ occurrat in aliqua Ecclesia vel

per

per Civitatem Festum duplex primæ classis, utraq; Vesperæ erunt de eo, cum commemoratione Epiphaniæ: nisi Vesperæ unius Festi duplicis primæ classis concurrant cum alio Festo duplici ejusdem ritus, quia tunc Vesperæ erunt de digniori, cum commemoratione de minus digno, deinde de Epiphania: ita Feltriæ in primo casu, die nona Januarii Vesperæ sunt de sequenti Dedicatione Cathedralis, cum commemoratione Octavæ, de qua etiam die decima sit commemoratio in secundis Vesperis ejusdem Dedicationis: ita Venetis in secundo casu, in Ecclesia Parochiali & Collegiata S. Juliani Martyris die septima Januarii in secundis Vesperis de suo Titulari sit commemoratio de sequenti Festo Diocesano S. Laurentii Justiniani, & de Octava Epiphaniæ. Quoad verò concurrentiam Diei infra Octavam ipsius Epiphaniæ cum Dominica infra eandem Octavam, dicemus suo loco, cum de hac Dominica sermo erit, ubi & de aliqua commutatione, ratione ipsiusmodi verborum.

S. VII.

De Dominica infra Octavam Epiphaniæ Domini.

HÆc Dominica duas sortitur denominationes: siquidem per unam nuncupatur *Dominica prima post Epiphaniam*: per alteram verò appellatur *Dominica infra Octavam Epiphaniæ*. Hæ duæ tamen denominationes ferè semper simul concurrunt: & semel tantum fit de eis divisio: ex qua earum separatione, Dominica infra Octavam, novam acquirit sedem in Sabbato extra diem festivum. Tunc igitur ambæ denominationes uniuntur, quando Dominica occurrit à die septima Januarii usque ad diem duodecimam ejusdem Mensis inclusive: vocatur enim in tali casu *Dominica prima post Epiphaniam*, & simul *Dominica infra Octavam*. Tunc verò

verò dividuntur, quando Dominica festiva incidit in Diem Octavam Epiphaniæ, nam in hujusmodi casu dicitur tantum *Dominica prima post Epiphaniam*: & in Sabbato præcedenti fit Officium de Dominica, quæ in tali casu nominatur dumtaxat *Dominica infra Octavam Epiphania*. Ut Dominica prima post Epiphaniam habet in primo Nocturno *Initium Epistolæ primæ ad Corinthios*. Ut Dominica solummodò infra Octavam & in Sabbato posita extra Diem Festum, habet in primo Nocturno continuationem Epistolæ *ad Romanos*. Quando Dominica occurrit die septima Januarii, per totam Octavam omittuntur Lectiones *ad Romanos*: quando autem venit in Die Octava, per totam Octavam omittuntur Lectiones *ad Corinthios*: quia tunc incipiunt in ipsa die Octava occurrente in Dominica: Quæcumque verò alia die occurrerit infra eandem Octavam, partim legitur *ad Romanos*, & partim *ad Corinthios*, juxta occurrentiam ipsius Dominicæ, ita ut ante Dominicam semper legatur *ad Romanos*, & in Dominica ac deinceps semper *ad Corinthios*. His præmissis, Officium Dominicæ infra Octavam Epiphaniæ, incipit plerumque in primis Vesperis à Capitulo, siquidem Antiphonæ & Psalmi Vesperarum sumuntur ex secundis Vesperis Festi. Capitulum igitur est proprium, sicuti etiam Antiphona *ad Magnificat*, & Oratio: quæ quidem Oratio præcis Ecclesiæ temporibus erat diversa, & in Evangelio hujus Dominicæ fundata, ac desumpta ex Romanis Sacramentariis refertur à Græcolas loco *inferius citando*, cui tamen addo congruentias: sequentibus ergo verbis concipiebatur, nempe: *Deus, qui temporalem Filii tui pueritiam, quia describitur constitutus in ætate duodecim annorum: fecisti mirabilem, quia inventus fuit in Templo in medio Doctorum, audiens illos, & interrogans eos, cum omnium stupore: quique illum Parentibus temporaliter subdi voluisti, quia erat subditus illis: spiritu prudentia, propter responsa: corda nostra, quasumus, illustra, atque humilitatis, propter subjectionem: & pietatis, propter existentiam in Templo: muneribus miserratus nos informa.*

Per eundem, &c. In prædictis primis Vesperis de Dominica, fit commemoratio Octavæ cum Antiphona propria cuilibet Diei infra Octavam assignata, sed cum Versiculo & Responsorio, ut in dictis primis Vesperis Dominicæ, & hoc ad varietatem, ne bis dicantur pro Dominica, & pro Octavæ commemoratione. Quod si Dominica venerit die septima Januarii, in secundis Vesperis de Festo Epiphaniæ fit commemoratio Dominicæ, cujus Versiculus cum suo Responsorio erit mutandus propter identitatem cum illo de Festo, ideoque ejus loco erit dicendus Versiculus *Omnis de Saba*, &c. cum suo Responsorio *Aurum*, & *Thus*, &c. At si Sabbatum incidat in diem decimam Januarii, quia tunc agitur de Die quinta infra Octavam, in qua ad *Magnificat* ponitur Antiphona *Omnis de Saba*, ideo in primis Vesperis de Dominica pro commemoratione Epiphaniæ variabitur Versiculus cum suo Responsorio, quia est idem cum Antiphona Diei quintæ eo calu occurrentis infra Octavam, & ideo dicetur *Adorate Deum*, &c. ut in Laudibus Festi. Præter commemorationem Octavæ dari potest in primis Vesperis de Dominica etiam commemoratio de Festo simplici, si simul occurrat in dicta Dominica: imò & alterius Octavæ alicubi occurrentis: si ergo Dominica veniat die undecima Januarii, Venerit die decima in primis Vesperis Dominicalibus post commemorationem Epiphaniæ fit commemoratio tum de Die tertia infra Octavam S. Laurentii Justiniani, tum etiam S. Hygini. Attamen occurrente in Sabbato vel in ipsa Dominica Festo duplici primæ classis: in primo casu, in secundis Vesperis de Festo fit commemoratio Dominicæ, & Octavæ: in secundo verò casu, Vesperæ erunt de Festo, cum iisdem commemorationibus Dominicæ, & Octavæ: & hoc contingere potest Beltriæ, quando Dedicatio Ecclesiæ Cathedralis, quæ ibi celebratur die decima Januarii, veniat in Sabbato, vel in Dominica.

Ad Matutinum verò, Dominica nihil habet de Psalterio, quod antiquitus sumebat ex eo, sicut aliz Domini.

Dominicæ occurrentes infra Octavas communes, ut refert Grancolas in *Commentar. ad Breviar. Roman. lib. 2. cap. 31. vers. Quoad Dominicam. pag. 249.* Antiphonæ igitur, & Psalmi omnium & trium Nocturnorum sunt de Festo. In primo tamen Nocturno, si simul sit Dominica prima post Epiphaniam & Dominica infra Octavam, legitur Initium *ad Corinthios*: Si autem sit tantum Dominica infra Octavam, sicuti celebrabitur in Sabbato extra diem festivum, sic suas retinebit Lectiones *ad Romanos*, quia Initium prædictum legeretur in Dominica prima tunc occurrente in Die Octava, ut suo loco dicemus. In secundo & tertio Nocturno Lectiones sunt propriæ in ipsa Dominica infra Octavam, sed Responsorialia de Festo, quorum tamen primum *Hodie in Jordane*, non autem *Tria sunt munera*. Ad Laudes omnia dicuntur, ut in Breviario, & post Orationem Dominicæ sit commemoratio Octavæ per Antiphonam Festi, non Diei infra Octavam, quia, ut supra diximus, Dominica non computatur inter illos Dies: Versiculus tamen cum suo Responso pro commemoratione Octavæ est *Omnes de Sabbato* ad varietatem, ne bis dicatur in eadem Hora *Adorate Deum*, quia dicitur pro Dominica in hisce Laudibus. Ad Primam omittitur Psalmus *Construamini*, & Symbolum *Quicumque*, sed in Responso brevi dicitur Versus *Qui apparuisti hodie*: Et ad omnes Horas terminantur Hymni cum Strophe de Octava *Jesu tibi sit gloria, qui apparuisti Gentibus*. At si in hac Dominica occurrat alicubi Festum duplex primæ classis, sit de eo, sed ad Matutinum legitur nona Lectio de Dominica, & in Laudibus sit ejus commemoratio ante illam Octavæ: Initium autem *ad Corinthios* dicto casu eveniente ponitur in Feria secunda: ut si Dominica incidat in diem septimam Januarii, Passavii in Bavaria, propter Festum duplex primæ classis ibi eo die occurrens S. Valentini Episcopi & Confessoris, transfertur dictum *Initium Epistolæ* ad Feriam sequentem, quæ est secunda & si Feria secunda sit itidem impedita simili Festo, *Initium* transfertur ulterius: ut Venetiis, si dicta die

die septima Mensis occurrat Dominica, sit de Festo duplici primæ classis S. Juliani Martyris in ejus Ecclesia Parochiali & Collegiata: die verò octava Januarii sit ibidem de Festo Diocesano S. Laurentii Justiniani sub eodem ritu, & consequenter *Initium ad Corinthios* transfertur in dicta Ecclesia ad Feriam tertiam. Quando tamen Dominica prima sit separanda à Dominica infra Octavam, eo quod occurrat in Die Octava Epiphaniæ; sicuti dicta Dominica infra Octavam, tunc fiet in Sabbato præcedenti, sic nulla erit facienda mutatio Lectionum in primo Nocturno, sed legetur de Epistola *ad Romanos*, prout stat & jacet in ipsa Dominica infra Octavam: de qua tamen Dominica tunc in Sabbato sic reposita fiet nona Lectio ad Matutinum, & commemoratio in Laudibus, si die duodecima Januarii celebratur alicubi Festum duplex primæ classis occurrens, tamquam si esset Dominica veniens in die festivo.

S. VIII.

De Missa, & Vesperis in Dominica infra Octavam Epiphaniæ.

Missa de Dominica infra Octavam est propria, in qua dicitur *Gloria*, cum sola secunda Oratione Octavæ, juxta Rubricam Missalis *de Orat. tit. 9. sub numer. 10.* Idem dicendum, si hæc Dominica celebretur in Sabbato extra Diem Festum, quia dicta Rubrica absolutè præscribit, in Dominicis infra Octavas dicendas esse duas tantum Orationes: & cum Lex non distinguat inter Dominicam in Die Festo, & Dominicam extra Diem Festum, nec nos debemus distinguere: quod & intelligit Gavantus *tom. 1. par. 4. tit. 3. sub num. 16.*

16. & sentit Pisartus in *Exposit. Rubricar. Missal. Rom. par. 4. tit. 3. sub num. 1. pag. 129.* Rubrica tamen intelligenda venit, quod non dicatur tertia Oratio *Deus qui salutis*, quæ assignatur in Missa de Die infra Octavam, non autem, quod non fiant commemorationes, quotquot possunt occurrere: ex quo sequitur, posse in hac Dominica dici tres, quatuor, & etiam quinque Orationes: de tribus quidem in Ecclesia Universalis, quando Dominica occurrit die undecima Januarii, nam secunda Oratio est Octavæ, & tertia S. Hygini: de quatuor verò, Venetiis in eadem occurrentia Dominicæ in die undecima, nam secunda Oratio est de Epiphania, tertia de Die quarta infra Octavam S. Laurentii Justiniani, & quarta de S. Hygino: Quinque denique Orationes dicuntur in Ecclesia S. Juliani Venetiarum, quia secunda est Epiphaniæ, tertia de quinta Die infra Octavam sui Titularis, quarta de Die quarta infra Octavam dicti S. Laurentii Justiniani, & quinta S. Hygini. Præterquàm quod dici etiam potest in privatis Collecta de SS. Sacramento, si sit expositum: de Anniversario Consecrationis Episcopi, si occurrat: de Gratiarum actione, si sit reddenda: de Benedictione Nuptiarum, si facienda sit, &c.

In dicta Missa de Dominica infra Octavam dicitur quoque *Credo*, cum Præfatione, & *Communiantes* de Epiphania. Eamdem numero Præfationem habet etiam in hac Dominica Liber Sacramentorum S. Gregorii Papæ, *pagina decima septima*; sed non habet eamdem Benedictionem Episcopalem, quæ in Festo; & idcirco tunc temporis erat ea, quæ sequitur, conformis antiquæ Orationi supra extensæ in primis Vesperis hujusce Dominicæ, videlicet: *Deus, qui Filii sui temporalem pueritiam fecit esse mirabilem, spiritu prudentia corda vestra illustrare ac docere dignetur. Amen. Quinque illum Parentibus temporaliter subdi voluit, ipse vos humilitatis & pietatis muneribus miseratus informet. Amen. Et qui cum sapientia, atate, & gratia proficere tribuit, spiritualium vobis profectuum incrementa propitius largiatur. Amen. Quod ipse præfate dignetur, &c.* cum reliquis, ut supra in

Tonus Primus.

N

Festo

257;

Festo Epiphaniæ. Attamen Ambrosiani, etiam hodie, diversam recitant Præfationem, quam ex particulari eorum Missali depromptam hic extendimus, ut si Lector Ecclesiasticus de antiqua Ecclesiæ consuetudine quoad Benedictionem factus est conscius, videat etiam quid varietatis quoad Præfationem sit adhuc alicubi in viridi observantia. Hodierna igitur Præfatio Ambrosiana est sequens, scilicet: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus: Ut, qui, te auctore, subsistimus; te dispensante dirigamur. Non nostris sensibus relinquamur, sed tua reducti tramite veritatis, hac studeamus exercere qua præcipis, ut dona possimus percipere qua promittis, per Christum Dominum nostrum. Per quem, Majestatem tuam laudant Angeli, &c.*

At si in hac Dominica infra Octavam Epiphaniæ (sive in Die Festo celebretur, sive in Sabbato extra Diem Festum) occurrat Festum duplex primæ classis, Missa quidem dicitur de eo, sed sit commemoratio Dominicæ ante illam Octavæ, cum Evangelio ejusdem Dominicæ in fine: sine tamen commemoratione aliarum Octavarum alicubi occurrentium, ut si Dominica occurrat die Octava Januarii Venetiis in Ecclesia Parochiali S. Juliani dicitur Missa de Festo Diocesano S. Laurentii Justiniani, quod ea die occurrit, cum commemoratione quidem Dominicæ, & Epiphaniæ, sed non de Die secunda infra Octavam sui Titularis: Imò in dicta Missa de Festo duplici primæ classis occurrente in hac Dominica non fit commemoratio de Festo simplici simul incidente: ut si alicubi die undecima Januarii veniat Dedicatio Ecclesiæ, & hæc simul Dominica, post commemorationem Dominicæ, & Epiphaniæ, omittitur in Missa Oratio quarta de S. Hygino, sive autem Missa sit de hac Dominica, sive de Festo duplici primæ classis in hanc eandem Dominicam incidens, ante Missam solemnem facienda est aspersio Aquæ benedictæ, juxta id, quod de omnibus Dominicis præscribit Cæremoniale Episcoporum *lib. 2. cap. 31. §. 3. pag. mibi 397. nisi illud*

illud Festum foret de Titulari Cathedralis Ecclesiæ, vel de ejus Dedicatione, & Episcopus (ut decet) Pontificaliter celebraret quia eo casu omittenda esset dicta aspersio, ut habetur in dicto Cæremoniali loco citato, §. 4. vel nisi agatur de eadem Dominica in Sabbato extra diem festivum.

An autem cantandæ sint duæ Missæ, ubi datur
259
occurentia Festi duplicis primæ classis, & simul hujusce Dominicæ infra Octavam? Negat Gavantus in *Thesaur. Sacror. Rit. tom. 1. par. 1. tit. 7. sub num. 2.* quia, inquit ex Francolino, ambæ cantandæ essent post Tertiam: & distinguenda est Dominica à Feriis majoribus: nec adest ulla Rubrica de duabus Missis dicendis de quatuor Temporibus, & de Vigiliis S. Matthæi & S. Thomæ, si in eundem incidant diem, quia essent ambæ cantandæ post Nonam: Dominica verò venit sub nomine Festi novem Lectionum, ut intelligit Sacra Rituum Congregatio sub die 12. Martii 1618. ergo non est Feria prima, neque in ea duæ Missæ sunt cantandæ. *Hucusque Gavantus*, cujus tamen auditis rationibus non libenter adhæret Guyetus in *Heortolog. lib. 4. cap. 2. quæst. 5. pag. 246.* commendat enim, si quibus in Ecclesiis ritus ille indutus est, ut præter Missam Festi occurrentis, Missa alia de Dominica perindè cantetur, atque Missa de Feria in die Junii, præsertim in Dominicis Quadragesimæ; quando contingit eas sic impediri, cum in nullo die per hebdomadam resumì possint: *Ita Guyetus*: At, si verum fateri volo, & in hoc Dubio tutiorem partem sequi, quoad hoc standum est Gavanto, & non Guyeto, nam prima opinio roborata postmodum fuit sequenti Decreto: Supplicantibus enim humiliter Capitulo & Canonicis Cathedralis Collensis Sacræ Rituum Congregationi, pro declaratione nonnullorum Dubiorum, inter quæ decimumquartum (cæteris omis, ad nostram rem non facientibus) fuit tenoris sequentis, videlicet: *An in Dominicis Adventus, & Quadragesima, in quibus sit de duplici prima classis, sint cantanda duæ Missæ?* Sacra eadem Rituum Congregatio ad Decimumquartum, die 5. Ju-

lil 1698. respondit: *Negativè*: quam quidem Resolutionem, unà cum aliis in Supplicatione expressis, ego Domi retineo in forma authentica, cum magno Sigillo, & cum subscriptione Illustrissimi D. Secretarii: & refert etiam P. Merati *tom. 1. par. 2. in Indice sub num. 528*. Unde corrui potissima ratio Guyeti de Dominicis Quadragesimæ, & erigitur illa Gavanti. Si enim non cantantur duæ Missæ in Dominicis majoribus & privilegiatis: ergo non cantabuntur in hac Dominica infra Octavam, quæ est minor & non privilegiata, licet privilegiata sit Octava.

Non mirentur quæso Rubricistæ, si sum modò propositurus quemdam casum, qui videtur spectare ad hanc Dominicam infra Octavam, sed reverà non est de hac Octava: siquidem propono, quia in praxi eum vidi in quodam Diocesano Divinorum Officiorum Directorio. In hac Dominica occurrit alicubi Festum semiduplex: Quæritur, an sit transferendum in Feriam secundam sequentem non impeditam? Si peterem ab illo Kalendarista, responderet affirmativè, quia jam admisit hujusmodi translationem. Nescio profectò, cui Rubricæ innixus hoc fecerit, nam Rubrica Breviarii *de transl. Fester. sub num. 5*. loquitur de Festo semiduplici occurrente in Dominica infra Octavas communes & Festa semiduplicia admittentes, quæ cum locum concedant occurrentibus, negant tamen translatis, & ex privilegio Rubricæ introducunt translatum in Feriam secundam sequentem Festum semiduplex, quod occurrebat in Dominica. Non tamen loquitur de Octavis privilegiatis, qualis est ista Epiphaniæ, infra quam non solum non fit de Festo semiduplici, sed neque de duplici, nisi sit primæ classis, & occurret. Hinc est, quòd si in hac Dominica occurrerent alicubi duo Festa duplicia primæ classis, quorum unum Diocesani talidiei Mensis affixum, alterum verò proprium alicujus Ecclesiæ in eadem Diocesi existentis, & huic Dominicæ assignatum: de transferendo neque ratione Dominicæ, neque ratione vicinitatis, neque ratione hujus Octavæ, agendum esset

esset in Feria secunda sequenti, licet non impedita. Concordiæ igitur in Foro Julii die septima Januarii occurrit Festum S. Juliani Martyris sub ritu semiduplici, & Augustæ Vindelicorum in Svevia die octava ejusdem Mensis occurrit Festum semiduplex S. Erhardi Episcopi & Confessoris: Kalendaristæ illarum Diœcesum, sicuti quovis anno transferunt post Octavam illa Festa semiduplicita, in primam scilicet diem non impeditam, sic numquam ea reponunt in Feria secunda infra Octavam, quando occurrunt in Dominica.

Dubium tamen majoris momenti mihi venit modo in mente resolvendum. Consecrator Ecclesiæ assignavit pro Die ejus Anniversaria Dominicam infra Octavam Epiphaniz, & nihil aliud addidit. Quæritur, an sit celebrandum hoc Festum in Sabbato, quando in eo sit de Dominica infra Octavam extra diem festivum? Ratio dubitandi est, quia videtur Episcopus intellexisse de die festivo: sed in casu proposito non est dies festivus: ergo, eo casu eveniente, non videtur celebrandum, sed transferendum. Respondeo tamen, esse nihilominus celebrandum in dicto Sabbato, nam dum Episcopus dumtaxat se expressit de Dominica infra Octavam, etiam in illo Sabbato est revera Dominica infra Octavam. Cum enim hæc Dominica duas habeat sedes: una in die festivo, quando occurrit à die septima Januarii usque ad diem duodecimam ejusdem Mensis inclusivè: altera verò in Sabbato extra diem festivum, quando videlicet separatur à Dominica prima post Epiphaniam tunc occurrente in Die Octava: in utroque casu est revera Dominica occurrens infra Octavam, & consequenter Festum prædictum Dedicationis eidem Dominicæ assignatum, erit eo anno, & eo die celebrandum. Nec interest, quòd quandoque non sit dies festivus, nam mens Consecratoris est interpretanda favorabiliter, & non rigorosè: favorabiliter autem interpretatur, si etiam ea anno celebretur Deductio cum tota sua Octava, quam integrè proculdubio deperderet, si esset transferenda. Quod igitur raro contingit, non ha-

betur in consideratione: nam cæteroquin, quot sunt Dedicationes per Orbem, quæ celebrantur ferè quovis anno in diebus ferialibus assignatis? Non videt è contra (salva meliori opinione) cur etiam hæc Dedicatio, quæ plerumque celebratur in Dominica festiva, non possit interdum fieri de ea etiam in eadem Dominica non festiva.

Quoad Vesperas secundas de Dominica infra Octavam Epiphaniæ, omnia dicuntur, ut in secundis Vesperis Felli, exceptis Capitulo, Antiphona ad *Magnificat*, & Oratione, quæ sunt propria hujus Dominicæ: & in eis fit deinde commemoratio Octavæ dumtaxat, dummodo in Feria secunda non occurrat Festum simplex, de quo erit facienda commemoratio post illam de Octava: ut si Dominica veniat die septima Januarii, Brixinæ in Comitatu Tyrolensi, in secundis Vesperis de hac Dominica fit commemoratio Octavæ, & S. Erhardi Episcopi & Confessoris, cras ibi occurrentis sub ritu simplici: si verò Dominica incidat in diem decimam ejusdem Januarii, fit commemoratio etiam S. Hygini Papæ & Martyris die sequenti in Ecclesia Universalis occurrentis. At si alicubi occurrat aliqua Dies infra unam, vel plures Octavas, de illa vel illis facienda est commemoratio in his secundis Vesperis Dominicæ: ideoque si Dominica veniat die octava Januarii, Passavii in Bavaria in secundis Vesperis Dominicalibus fit commemoratio Epiphaniæ, & de Diè secunda infra Octavam S. Valentini: Si verò incidat in diem decimam ejusdem Mensis, Venetiis in Ecclesia Parochiali & Collegiata S. Juliani Martyris post commemorationem Epiphaniæ fit commemoratio de Die quarta infra Octavam sui Titularis, & de Die tertia infra Octavam S. Laurentii Justiniani, ac denique S. Hygini. Quodd si in Feria secunda venerit alicubi Festum duplex primæ classis, Vesperæ erunt de sequenti, cum commemoratione quidem Epiphaniæ, sed non Dominicæ præcedentis, nam licet Octava Epiphaniæ sit privilegiata, non est tamen privilegiata Dominica intermedia, sed subjecta est Rubricæ Breviarii de Con-

curren. Offic. tit. 11. sub num. 4. ubi excluditur commemoratio Dominicæ concurrentis cum duplici primæ classis: unde si Dominica occurrat die nona Januarii, Feltriæ in Dominio Veneto Vesperæ sunt de sequenti, nempe de Dedicatione Cathedralis, cum commemoratione Octavæ, non verò Dominicæ. Quando verò Dominica vel occurrat die duodecima Januarii in die festivo, vel eadem die celebratur in Sabbato, & consequenter extra diem festivum, ordinabimus Vesperas in sequenti Paragrapho de Die Octava.

§. IX.

*De iis, quæ spectant ad Diem
Octavam Epiphaniæ
Domini.*

IN hac Die Octava totam Officium est de Baptismo Jesu Christi, in Missa verò totum Evangelium. Græci autem Baptismum appellant Sacramentum Luminis, quòd in eo Fidei lumen recipiatur: & quia ipsi celebrant hunc Baptismum in ipso Festo Epiphaniæ, ideo Patres illius Nationis Epiphaniam vocant modò *Sancta Lumina*, modò *Festum Luminum*. Ecclesia tamen Latina, quæ totam Octavam considerat tamquam unam Diem, in Festo Epiphaniæ celebrat Magorum adorationem, & in hac Die Octava Baptismum Jesu Christi: & sic una Die celebrat, quod revolutis annis una & eadem Die factum est. Non conveniunt Auctores in assignatione Feriæ, quæ ea die occurrebat, qua baptizatus est Christus: siquidem Gavantus *tom. 1. par. 4. titul. 3. sub numer. 17.* ait, quòd Durandus facit Feriam tertiam, Ciacconius verò in Vita Christi facit Feriam sextam. Et revera Durandus in *Ration. Divinor. Officior. lib. 6. cap. 23. sub num.*

263

13. volens probare, quòd nos incipimus à Feria quarta Jeiunium Quadragesimale, quia in tali Feria incæpit Christus, sic ratiocinatur: *Christus legitur quarta Feria suum jeiunium inchoasse; quod inde videtur, quia natus est Die Dominica: & si quis diligenter computet annos ex tunc usque ad trigesimum, secundum rationes computi inveniet, eum in tertia Feria baptizatum fuisse, & sequenti die intrans in Desertum, inchoavit jeiunium.* At quoad Ciacconium; fateor veritatem: perlegi Vitam Christi ab ipso conscriptam, nec tamen potui invenire locum, in quo asserat de Feria sexta: nam dum loquitur de adoratione Magorum, tunc revera sic habet: *Sexta Feria, Magi, sive Sapientes, & Philosophi, sive Reges Orientales, ex Perside, Armenia, India, adoratum infantem Christum veniunt, Stella duce, qua biennium ferme ante illis apparuit, muneribus & donis eum prosecuti.* Quando verò disserit de Christi Baptismo, nullam facit mentionem de Feria tunc occurrente, nisi alio in loco de ea expressè loquatur, & ego non viderim: ubi ergo legi, sic ait: *Sub Tiberio Christus Baptismum suscepit: Anno ejus namque imperii quintodecimo per quatuor menses & dies octodecim labente, Christus trigesimam annum ingressus, hoc est, vigesimum nonum expletum, & trigesimum tredecim diebus inchoatum, à Joanne Zacharia Filio, trigesimum etiam tunc annum agente, in Jordanis fluentis baptizatus, &c.* ex quibus verbis nulla habetur expressio Feriæ sextæ eo die occurrentis, nisi inferenda sit dicta Feria ex hoc computo Ciacconiano, vel alibi hic Auctor exprimat. Dato tamen, quòd aliquo in loco hujus Auctoris, Feria sexta exprimitur; dum discordant in assignatione Feriæ, concordant tamen in assignatione Diei sextæ, quod sufficit.

Dies Octava Epiphaniæ celebratur sub ritu duplici majori: non tamen per hoc, quòd hujusmodi ritum, potest in ea celebrari Festum duplex primæ classis occurrens. Et licet Guyetus in *Heorolog. lib. 4. cap. 8. quæst. 2. pag. 258.* asserat exemplum tum Rhemenis Ecclesiæ Festum S. Remigii in hoc Die Octava celebrantis, tum Ecclesiæ Ambianensis de Inven-

Inventione S. Firmini hodie agentis, tum denique Pictaviensis Ecclesiæ Officium hac die facientis de S. Hilario: quæ omnia & tria Festa sunt in suis respectivè Locis duplicia primæ classis: hujusmodi nihilominus usus, sicuti sunt à Romano diversi, sic si originem non trahant à Privilegio Apostolico, adversantur Rubricæ Breviarii Romani *de translat. Fests. tit. 10. sub numer. 2.* & primo Notando post *Tabellam Occurrentia*, in quibusclarè mandatur translatio omnium & singulorum duplicium primæ classis in dicta Die Octava Epiphaniæ occurrentium: & quidem præcipiuntur transferenda in primam diem non impeditam: quidquid dicat Piscara in Cæremoniali suæ Religionis *libr. 3. cap. 6. sub num. 11. pag. 156.* ubi in sequentem diem ordinat translationem Festi duplicis primæ classis in hac Die Octava occurrentis: nam die sequenti fit de Festo univèrsali S. Hilarii, quod etiam suo tempore occurrebat ea die sub ritu semiduplici, quia è simplici erexit Pius Quintus, ait Gavantus *tom. 2. sect. 7. capis. 3. die 14. Januar.* Pius autem Quintus Ecclesiæ præfuit à die 26. Decembris 1560. usque ad diem 9. itidem Decembris 1565. juxta chronologiam Cherubini in *Bullario Romano*. Piscara verò suum primò edidit Cæremoniale Neapoli anno 1613. unde nescio, quomodò post cursum multorum annorum ab erectione dicti Officii S. Hilarii, nempè à Pio Quinto ad suam editionem, ordinaverit in diem sequentem scienter impeditam, translationem Festi duplicis primæ classis in hac Die Octava occurrentis: si quidem neque celebrandum foret eo anno, quo cum translatione S. Hilarii agendum est die decimaquarta Januarii de Dominica secunda post Epiphaniam in Officio seriali ob viciniorem Septuagesimam, ad sensum Rubricæ ritè & rectè intellecte à Gavanto *tom. 2. sect. 6. cap. 8. sub num. 2. & 3.* nam si eo casu eveniente tollitur de sua sede Festum occurrens S. Hilarii, ergo non reponitur aliud Festum translatum ejusvisus ritus.

Officium de Die Octava Epiphaniæ incipit à primis Vesperis, quæ dicuntur integræ, ut in primis Vesp-

Vesperis Festi, solâ excepta Oratione propria, & ideo alia ab ea, quæ dicta fuit in Festo & per ejus Octavam. In his primis Vesperis nulla in Ecclesia universali occurrit facienda commemoratio: nisi die præcedenti duodecima Januarii actum sit de Dominica infra Octavam in suo die festivo, vel de eadem Dominica in Sabbato, & sic extra diem festivum: in utroque enim ex duobus prædictis casibus, qui ad unum tamen dumtaxat rediguntur, in primis Vesperis de Die Octava sit commemoratio illius Dominicæ, cujus Versiculus cum suo Responsorio erit commutandus propter ipseitatem verborum cum illo de Die Octava, & ideo dicendus Versiculus, *Omnes de Saba, &c.* cum suo Responsorio, *Aurum, & Thus, &c.* ut docet Rubrica hoc loco, qui quidem Versiculus & Responsorium sumuntur ex commemoratione Octavæ in primis Vesperis de ipsa Dominica. Extra Ecclesiam verò universalem occurrere possunt aliæ commemoraciones, & aliter ordinari Vesperæ: siquidem ubi contingit Dies infra unam vel plures Octavas, de illa vel illis facienda est in his primis Vesperis commemoratio, ut Passavii, Venetiis, & Feltriæ, Vesperæ sunt proculdubio de Die Octava Epiphaniæ, sed cum commemoratione respectivè vel de Die sexta infra Octavam S. Valentini, vel de Die quinta infra Octavam S. Laurentii Justiniani, vel de Die tertia, infra Octavam Dedicationis Cathedralis. De duabus verò Octavis simul specialiter occurrentibus exemplum habetur Venetiis in Ecclesia S. Juliani, ubi in primis Vesperis de hac Die Octava Epiphaniæ sit commemoratio de Die sexta infra Octavam sui Titularis, & deinde de Die quinta infra Octavam Diocesanam S. Laurentii Justiniani: & si dicta die duodecima Januarii occurrat vel fiet de Dominica, ejus commemoratio habet locum ante omnes Octavas particulares. Quòd si prædicta die duodecima actum sit alicubi de Festo duplici primæ classis occurrente, etiam Vesperæ secundæ erunt integræ de eo, cum commemoratione de Die Octava Epiphaniæ, & etiam Dominicæ quandoque venientis.

tis: licet enim Dies Octava non cedat duplici primæ classis in concurrentia, ut mox dicemus, ei tamen in concurrentia locum tribuit. Si verò in Die Octava occurrat Dominica prima post Epiphaniam, sicuti dicitur, & est reverà *vacans*, sic in his Vesperis nihil sit de ea, quia ut talis non habet Officium, & eo casu eveniente satis actum est in Sabbato præcedenti de Dominica infra Octavam, quæ est vera Dominica quoad Officium.

Ad Matutinum in Die Octava Epiphaniæ, Invitatorium, Hymnus, Antiphonæ, Psalmi, Versiculi, ac Responsorio omnium & trium Nocturnorum, sumuntur ex Festo. In primo autem Nocturno sunt certæ quidem Lectiones de Epistola prima *ad Corinthios*, sed non stabilis earum specialis qualitas: modò enim continuatur hodie dicta Epistola, modò verò incipitur. Quando Dominica prima post Epiphaniam occurrit simul cum Dominica infra Octavam (nam potest occurrere à die septima Januarii usque ad diem duodecimam ejusdem Mensis inclusivè) tunc in hac Die Octava recitantur Lectiones, quæ sunt continuativæ illius Epistolæ: Quando verò in Die Octava venit Dominica, sicuti erit ista Dominica prima post Epiphaniam, licet in reliquis sit *vacans*, non tamen vacabit quoad Lectiones primi Nocturni, quæ idcirco dicentur de initio ejusdem Epistolæ, & semper cum primo Responsorio *Hodie in Jordane*, ut docet Rubrica in ipso Festo Epiphaniæ. Dominica verò infra Octavam jam in hoc casu celebrata fuit in Sabbato præcedenti, cum suis Lectionibus primi Nocturni *ad Romanos*. Quòd si quæras, cur in prædicto casu Dominicæ primæ in hac Die Octava currentis, agatur in Sabbato de Dominica infra Octavam? Respondet cum Macro *in Hierolexic. verb. Octava*: ut scilicet servetur ordo vitæ Christi, nam in Dominica infra Octavam describitur constitutus in ætate duodecim annorum: in Die autem Octava, sicut in ea celebratur ejus Baptismus, sic consideratur in ætate annorum triginta: quæ ratio adeò est vera, ut nullum habere debeat contradicteorem, nisi illum,

lum, in quo nullus ordo, sed sola confusio actio-
num inhabitet. Lectiones tamen secundi & tertii
Nocturni sunt propriæ in hac Die Octava, sed cum
Responsoriis, ut in Festo. Ad Laudes omnia di-
cuntur, ut in Die Epiphaniæ, excepta Oratione,
quæ est propria, ut supra diximus in primis Ves-
peris: nec fit ulla commemoratio, nisi alicubi oc-
currat Dies infra Octavam, de qua esset com-
memoratio ibi facienda. Dixi, *nisi occurrat Dies infra Octa-
vam*, quia nullibi potest hodie occurrere alia Dies
Octava: cum enim omne Festum duplex primæ
classis occurrens in Die Epiphaniæ sit transferen-
dum, ut patet ex superius dictis: & infra Octa-
vam non fiat de duplici primæ classis translato, ut
jam ostendimus: consequens est, ut neque hodie
dari possit alia Dies Octava.

§. X.

*De Missa, & Vesperis in Die
Octavam Epiphaniæ.
Domini.*

Missa in hac Die Octava Epiphaniæ est qui-
dem extensa in Missali, in qua tres Ora-
tiones sunt propriæ, unâ cum Evangelio,
sed cætera sumuntur ex Missa Festi. Dicitur in ea
Gloria, cum unica Oratione: nisi alicubi occurrat
aliqua Dies infra Octavam specialem, ut Passavii
fit commemoratio de Die septima infra Octavam S.
Valentini, Venetiis legitur secunda Oratio de Die
sexta infra Octavam S. Laurentii Justiniani, & Fel-
triæ recitatur Oratio secunda de Die quarta infra
Octavam Dedicationis Cathedralis. Non video au-
tem, quod possit dari tertia Oratio ratione Officii,
nisi in aliqua Ecclesia occurrerent duo Dies infra
duas Octavas, ut Venetiis in Ecclesia Parochiali
& Col.

267

& Collegiata S. Juliani, in qua secunda Oratio est de Die septima infra Octavam sui Titularis, & tertia de Die sexta infra Octavam Diocesanam S. Laurentii Justiniani. Potest tamen dici Collecta pro SS. Sacramento exposito, pro Die Anniversaria Consecrationis Episcopi, pro Gratiarum actione, pro Sponso & Sponsa, vel pro alia Ecclesiæ indigentia, si una vel altera ex dictis Collectis alicubi occurrat in Missis privatis dicenda. In hac Missa de Die Octava dicitur etiam *Credo*, cum Præfatione, & *Communicantes* de Octava. Eandem tamen numero Præfationem, quam nos recitamus, censeo fuisse etiam antiquitus, siquidem hodie nulla fit mentio de Præfatione in Libro Sacramentorum S. Gregorii Papæ *pagina decima octava*, ubi cæteroquin extenditur Missa de hac Die Octava, sed tacetur Præfatio: unde forsitan dicebatur nostra, sicuti recitabatur in Festo, & in Dominica, ut suo loco jam diximus: Licet autem nulla habeatur Præfatio propria in dicto Sacramentario Gregoriano, habetur tamen propria Benedictio Episcopalis, quam priscis Ecclesiæ temporibus solebat Episcopus Populo impertiri: & quamvis extensa non legatur in Missa de hac Die Octava, ea tamen reperitur in alio Benedictionum Episcopaliū Supplemento ibidem existente, *pagina 627.* & est sequens, videlicet: *Deus, qui præsentem diem ita dignatus es eligere, & ut eligeres tot Miracula demonstrare, in quo Te ad adorandum Stella nova Magos perduxit: & Jordanis tuo Baptismo sanctificari meruit: necnon & aqua pallor in Cana Galilæa Vina produxit: esto, quasumus, tua Familia ipse Lux itineris, qui Stella indice clarificatus es Rex salutis. Amen. Da Plebi tue, Redemptoris sui plenum cognoscere fulgorem, ut per ejus incrementa, ad perpetuam claritatem perveniat. Amen. Convertte ad Te quærendum corda Fidellum, ut juncta cum An gelis in excelsis, tibi Deo cantet gloriam Plebs devota. Amen. Et qui dignatus es hodie à Jordanis fonte, Fons aqua viva, descendere, & tuo Baptismate sanctificare, tribue Populis tuis perpetua pace gaudere, & splendore gratia tua cor eorum semper accendere.*

Amen.

Amen, *Quod ipse prestare dignetur, &c.* cum reliquis, ut supra in Festo Epiphaniæ.

Quodd si in hac Die Octava Epiphaniæ occurrat Dominica prima post eandem Epiphaniam, sicuti fuit *vacans* in Officio, præter Lectiones primi Nocturni: sic & vacabit in Missa, præter asperisionem Aquæ benedictæ, quæ erit proculdubio ante Missam solemnem in illis Ecclesiis facienda, in quibus mos est & obligatio faciendi, juxta Cæremoniale Episcoporum supra citatum in Missale, Dominica infra Octavam. Etsi autem Festum duplex primæ classis hac die occurrens, sit transferendum juxta Rubricas superius allatas, poterit tamen de eo cantari hodie Missa, tum ratione Tituli, si Festum est de Invocatione Ecclesiæ; tum etiam ratione Concurfus Popularis, si reverà soleat adesse ad celebrandum Festum cæteroquin translationi tradendum; altera tamen prius cantata de Die: ut de hujusmodi Festo transferendo concedit; & de duabus Missis cantandis, præscribit Rubrica Missalis *de translat. Fessor. tit. 6.* ubi exceptio Diei Epiphaniæ firmat regulam in non excepta hac Die Octava: quod & dictæ Rubricæ innixus, & exemplo etiam allato suggerit Piscara in Cæremoniali suæ Religionis *lib. 3. cap. 7. sub numer. 13. pag. mihi 156.* Imò, (sine præjudicio Missæ Conventualis, ubi adest obligatio eam cantandi) dici potest Votiva solemnisi de SS. Sacramento exponendò pro Oratione quadraginta Horarum, & cantari quæcumque Votiva pro re gravi: sicuti etiam Missa solemnisi Defunctorum in Die Obitus, præsentem quidem Corpore in Ecclesia; aliud enim est, quodd *Dies Obitus* occurrat in Festo duplici primæ classis, quod semper hujusmodi Missam excludit: & aliud est, quod *Dies ipsius Obitus* incidat in Diem, Festum duplex primæ classis excludentem, & non semper dictam Missam solemnem Defunctorum rejicientem.

Antequam autem finem hodierno Officio imponamus, aliquid de secundis Vesperis debemus disse-
rere. Hæ igitur Vespetæ sunt ferè semper integræ de Die Octava Epiphaniæ: & in eis omnia dicun-
tur,

261
 tur, ut in secundis Vesperis Festi, præter Orationem, quæ est propria. Duæ regulariter fiunt commemorationes, una scilicet de S. Hilario Episcopo & Confessore, & altera de S. Felice Martyre, quorum Festa simul occurrunt die sequenti, nempe decimaquarta Januarii. Dixi, *serè semper*: unicus enim in Ecclesia Universali datur casus, in quo Vesperæ sint de sequenti, quando scilicet hæc Dies Octava incidit in Sabbatum: tunc siquidem Vesperæ sunt de Festo SS. Nominis JESU, quod sub ritu duplici secundæ classis celebratur in Dominica secunda post Epiphaniam: & sanè, eo casu eveniente, in primis Vesperis de sequenti fit commemoratio de præcedenti Die Octava Epiphanix, & etiam dictæ Dominicæ secundæ, non verò S. Felicis, juxta morem duplicis secundæ classis non admittentis in primis Vesperis commemorationem de Festo simplici simul occurrente, vigore generalis Rubricæ. Ad rem autem pertinet, quòd excusandus quidem est, sed modò non amplius sequendus Halden, qui in *Ephemerolog. par. 2. tit. 1. sub numer. 13. pag. iid. 13.* datis integris Vesperis Diei Octavæ Epiphanix, facit commemorationem tantum sequentis Dominicæ secundæ, quia reverà, eo adhuc scribente, non erat extensum ad Ecclesiam Universalem dictum Festum SS. Nominis JESU: suum enim addidit Auctor proficuum Opus Brixinæ in Comitatu Tyrolensi anno 1715. sed Festum SS. Nominis JESU extensum postmodum fuit anno 1721. sub die 29. Novembris. Datur etiam casus, in quo secundæ Vesperæ de Die Octava Epiphanix solam admittunt commemorationem S. Felicis Martyris: eo videlicet anno, quo die decimaquarta Januarii agendum est in Officio seriali dicta Dominica secunda post Epiphaniam cum translatione Festi S. Hilarii ratione viciniore Septuagesimæ, juxta Rubricam in *Proprio de Tempore, ante Dominicam primam post Epiphaniam*. Ibi etenim assignato loco dictæ Dominicæ secundæ in seriali Officio celebrandæ, cum translatione Festi semiduplicis, sic habetur: *prima die post Octavam fiat Officium de Feria: sed*
 269
 prima

primâ die post Octavam occurrit Festum semiduplex S. Hilarii : ergo istud erit transferendum ; ut etiam benè sentit peritus in arte, verusque Rubricarum interpres, Gavantus *rom. 2. sect. 6. cap. 8. sub num. 3.* Quando igitur occurrat Tabula prima, vel secunda Ordinis perpetui, tunc in secundis Vesperis de Die Octava Epiphaniæ sola fiet commemoratio S. Felicis. Et hæc quidem in Ecclesia Universalis.

In Ecclesiis verò particularibus, Vesperæ de Die Octava Epiphaniæ possunt esse integræ quidem, sed cum additione alicujus specialis commemorationis, nempe, de aliquo Die infra Octavam, vel de alia sequenti Die Octava : ita Feltriæ in Dominio Veneto, in secundis Vesperis de Die Octava fit commemoratio de S. Hilario, & de Die quarta infra Octavam Dedicationis Cathedralis, ac postea de S. Felice : ita Passavii in Bavaria fit commemoratio priùs de Die Octava sequenti S. Valentini, deinde S. Felicis. At si die decimaquarta Januarii occurrat Dominica secunda, Feltriæ in Vesp. de SS. Nominè Jesu fit commemoratio de Die Octava Epiphaniæ, ac etiam Dominicæ, non autem Diei quartæ infra dictam Octavam Dedicationis, neque S. Felicis : Passavii verò, post commemorationem de Die Octava Epiphaniæ fit commemoratio de sequenti Die Octava S. Valentini, & Dominicæ, sed non de S. Felice. Quòd si die decima quarta Januarii, in qua, translato Festo semiduplici S. Hilarii, agendum sit de Dominica secunda post Epiphaniam, occurrat alicubi Dies infra Octavam, sive Officium sit feriale cum commemoratione de Die infra Octavam, juxta Gavantum *rom. 2. sect. 6. cap. 8. sub numer. 5.* sive sit de Die infra Octavam cum nona lectione & commemoratione Dominicæ secundæ anticipatæ, ut tenet Guyetus in *Heortolog. lib. 4. cap. 18. quæst. 14. pag. 283.* quidquid enim sit de una vel altera opinione, quæ modò non est à nobis examinanda, semper verum est, quòd si fiat de Die infra Octavam, in secundis Vesperis de die Octava Epiphaniæ faciendâ est commemoratio de illa Die alicubi

alicubi occurrente infra Octavam, deinde S. Felicis, quia Dies Octava Epiphaniæ est duplex majus, & ut tale admittit commemorationem de Die infra Octavam in secundis Vesperis.

At si dicta die decimaquarta Januarii occurrat alicubi Festum duplex etiam minus, agendum est de illo, & Dominica secunda ponetur die decimasexta ejusdem Mensis in Officio feriali, cum translatione alterius Festi semiduplicis, nempe S. Marcelli: unde Venetiis & in toto Dominio, eo casu eveniente, recitatis de Die Octava integris Vesperis, fiet commemoratio de Festo duplici minori sequenti S. Petri Urleoli primum Venetiarum Ducis, deinde Monachi Ordinis S. Benedicti, addita secunda commemoratione de S. Felice. Dum autem hæc Dies Octava Epiphaniæ cedit in concurrentia Festo duplici secundæ classis, ut patet ex superius dictis de SS. Nomine JESU, multo magis cederet Festo duplici primæ classis alicubi die decimaquarta Januarii occurrenti: ideoque Bergomi in Dominio Veneto, Vesperæ sunt de sequenti Festo Dedicationis Cathedralis, cum commemoratione de præcedenti Die Octava Epiphaniæ, non autem S. Felicis: & sic Parmæ ordinantur Vesperæ primæ de S. Hilario Urbis Patrono principali, & consequenter de sequenti Festo duplici primæ classis: & si simul occurrat Dominica secunda, tam Bergomi, quam Parmæ, altera commemoratio erit de eadem Dominica, cum translatione Festi de SS. Nomine JESU.

Unum remanet Dubium pro complemento hujusce Octavæ resolvendum. Consecrator Ecclesiæ assignavit pro Anniversario Dedicationis Dominicam primam post Epiphaniam. Quæritur: quid agendum eo anno, quo hæc Dominica designata incidit in Diem Octavam Epiphaniæ privilegiatam? Gobatus *Oper. moral. tom. 1. tract. 3. sub num. 696. Append. 3. lit. K. 3.* firmissimè probando tenet ex mente cujusdam Theologi hanc quæstionem in domestica Casuum Conscientiæ conferentiâ proponentis, & ingeniosè (ut ait) resolvētis: tenet, inquam, De-

Tonus Primus.

O

dica-

271

272

dicationem tali casu, & eo anno celebrandam in Dominica prima post Octavam Epiphaniæ; quia cum ex clavis Rubricis non possit fieri de Festo duplici primæ classis in dicta Die Octava Epiphaniæ, venit in consequentiam, quod Consecrator non intenderit illo anno Dominicam ab Officio Dedicationis exclusivo impeditam: nam si hoc intendisset, actum egisset: atqui nemo præsumitur intendere actum invalidum, qui semper est ita interpretandus, ut non sit inutilis: ergo intendit Dominicam proximam post Octavam Epiphaniæ. Etiam Claudius La Croix in *Theolog. moral. tom. 2. lib. 4. sub num. 1271.* supponit cum dicto Gobato, hic non intervenire translationem propriæ & canonicæ loquendo, sed dici debere, quod Dedicationis Festum ab initio statim fuerit pro tali anno & occurrence constitutum in illa Dominica. Halden quoque novissimus hujus opinionis sectator in *Ephemerolog. par. 2. tit. 1. sub num. 13. pag. 16.* approbat cum eodem Gobato praxim Collegii Cenipontani Societatis JESU, Festum Dedicationis suæ Basilicæ SS. TRINITATI dicatæ (quam pluries oraturus intravi, dum totam ferè perlustravi Germaniam) sæpè quidem in Dominica prima infra Octavam recurrente celebrantis, sed annis illis, quibus Dies Octava Epiphaniæ incidit in Dominicam, de dicto Festo liberè agentis in Dominica proxima post Octavam Epiphaniæ: quia Consecrator ponens Anniversarium Dedicationis in sæpè memorata Dominica prima post Epiphaniam, simulque sciens, singulis ferè Quinquenniis aut Septenniis esse impeditam à Die Octava ejusdem Epiphaniæ, censendus est, pro casu talis occurrence designasse dictam Dominicam proximam post Octavam Epiphaniæ.

Hucusque omnes illi & tres cæteroquin à me summo honore habiti Auctores, quorum auctoritate pluribus in locis usus sum inter mea scripta typis postmodum demandata. Attamen quoad hanc eorum concorditer firmatam opinionem debeo (parcant, quæso) aliquid in contrarium dicere. Siquidem, dum interpretantur Consecratoris mentem,

dant ei plus, quàm ipse dare possit: Consecrator enim in casu proposito duos assignaret Dies Anniversario Dedicationis, unum quidem quando Dominica prima occurrit infra Octavam Epiphaniæ, alterum verò quando eadem Dominica occurrit in Die Octava: atqui Consecrator non potest assignare, nisi unum Diem: ergo dant ei plus juris, quàm ipse habet. Potest igitur Consecrator una Die consecrare Ecclesiam, & in actu Consecrationis aliam Diem statuere pro Anniversario, sed non habet in facultatibus assignationem duorum Dierum, unius scilicet quando est liber, & alterius quando est impeditus. Dixi *aliam Diem statuere*, quia sunt verba Decreti à pluribus relati, ut patet ex mea Collectione de Sacris Ritibus *sub num. margin. 37.* dum ergo Decretum dicit *aliam*, non potest Consecrator facere plurale quod est singulare. Nec facit actum invalidum pro anno impediti, quia in tali casu remittit Rubricis Rreviarii Festum transferendum: alioquin esset actus invalidus, quando Anniversarium Dedicationis alicui Dominicæ Mensis affixum, impeditur à Dominica Paschatis vel Pentecostes: & sic in tali casu celebrandum esset in prima Dominica post Dominicam in Albis vel SS. Trinitatis: igitur in hujusmodi casibus habentur Rubricæ, audiantur illæ. Sequitur ex dictis, quod neque ego possum vocare translationem, sed occurrentiam alterius Diei, si celebretur Dedicationis in proxima Dominica post Octavam Epiphaniæ, sed semper manet viva ratio deficientis facultatis in Consecratore: Unde cum ab initio non sit pro tali anno ita provisum, corrumpit ratio initii, & ideo labefactatur laudata Praxis Enipontana fundata super hujusmodi initium, quod accipitur à Consecratore extra limites suæ facultatis in actu Consecrationis sibi concessæ: ex quo intrat illud communiter receptum axioma: *quod ab initio non subsistit, non firmatur tractu temporis.*

Ipse tamen Halden *diff. par. 2. tit. 1. sub numer. 13. pag. 16.* subjungit, quod tandem præstatum Collegium Enipontanum supplicavit Sacræ Rituum

tuum Congregationi pro assignatione alterius Diei, quam etiam consecutum fuisse asserit pro Dominica illa, quæ vicinior cadit Festo Visitationis Beatæ MARIE Virginis: unde Collegium illud à veteri jure supposito in Consecratore, benè recessit per novum jus legitimè quæsitum, & sibi ex gratia concessum, ex quo omnes tolluntur difficultates. In hujusmodi igitur casibus, vel transferendum juxta Rubricas Festum Dedicationis: vel non interpretanda mens Consecratoris, sed requirenda est mens Summi Pontificis, ut ipse declaret an rectè id fiat, cum ejus sit interpretari, cujus est condere: vel petenda à Sancta Sede assignatio alterius Diei nulum in posterum impedimentum invenientis. Verum quidem est, quod Ecclesiarum Consecratores deberent maturè considerare Diem assignandum, ut semper integram habeat Dedicatio suam Octavam.

Expletis, quæ dici poterant de Festo Epiphaniæ, deque tota ejus Octava: ut memoriæ facilius tradantur diffusius extenta Privilegia, restrictum Privilegiorum corollarium huic Octavæ concessorum censemus hoc loco adnectere: nam sicut peroratio in Sacris Sermonibus per compendiosam rerum dictarum enarrationem, fructuosam reddit integram orationem audienti: sic epitome in Sacris Ritibus proficuum facit legenti totam hujusce Octavæ descriptionem. Hæc igitur Octava est privilegiata, quia in Festo non admittit Missam cantatam de Solemnitate cujusvis ritus occurrente, & transferenda, neque ratione Concurfus: quia in ipso Festo nullas recipit Votivas solemnes, neque pro Defunctis n Die Obitus: quia admissis infra Octavam duplicibus primæ classis occurrentibus, excludit eisdem ritus translata: quia in duplicibus primæ classis occurrentibus suam numquam deperdit commemorationem in utrisque Vesperis, in Laudibus, & in Missa: quia acceptata Simplicis commemoratione, non introducit ejus nonam Lectionem: quia rejicit Votivas privatas, & de *Requiem*, ac solemnes in Anniversariis Defunctorum: quia non admittit in Feria secunda Festum semiduplex, quod occurrebat

in

in Dominica infra Octavam: quia Dominicæ infra Octavam nihil tribuit de Psalterio, sed totum concedit de Festo, præter propria: quia in Missis Votis solemnibus alicubi occurrentibus, concessa Pæfatione propria si habeant, requirit in eis suum *Communicantes* proprium: quia eadem numero Missa semper dicitur in Diebus infra Octavam: quia denique in Diem Octavam non introducitur Festum primæ classis occurrens.

Et hæc sufficienter censuimus dicta de Octava privilegiata Epiphaniæ, quam sicuti ea, qua scivimus, cognitione explicavimus, non quidem deletionem scribendi, sed desiderio juvandi: sic sinat Deus Cordium scrutator, ut recta intentio suum finem consequatur, ut qui primus fuit in intentione, suum habeat modò locum in executione, juvando.

276



OCTAVA PRIVILEGIATA

PASCHÆ DOMINI.

CAPUT III.

Tertio ex Octavis Privilegiatis, quæ in Ecclesia Universali celebrantur, est illa Paschæ Domini, quæ semper occurrit in Vere, in quo resflerent omnia: Et sicuti reviviscunt tunc temporis Flores, sic repræsentant Resurrectionem Jesu Christi, qui *Flos Campi* appellatur & *Lilium Convallium*: Unde Isaias cap. 11. dicit: *Et Flos de radice ejus ascendet*: quæ verba exponens Divus Hieronymus *lib. 4. in d. cap. 11. per Florem intelligit Dominum Salvatorem, qui Nazareus vocatur, id est, Floridus*. Propterea Pascha, & nobilitas Anni, & Mensis decus, & alma Die-rum, & splendor Horarum nuncupatur à Ruperto Abbate *de Divin. Offic. lib. 6. cap. 26. pag. mibi 376.* quia Christus per suam Resurrectionem decoravit Annum, Mensē, Diē, & Horas: Et tunc reverà *Flores apparuerunt in Terra nostra*, scilicet multi Sancti, qui exeuntes de Monumentis post Resurrectionem ejus, venerunt in Sanctam Civitatem, & apparuerunt multis: unde dicitur: *Sancti tui, Domine, floreunt sicut Lilium*. Jure merito igitur invitamur ad lætitiā, quia hæc est Dies, quam fecit Dominus, Lux Gratiæ, Splendor Gloriæ, Fluvius Deliciarum, Inundatio Pacis, Laus Consilii Divini, ut prosequitur Rupertus *loco superius citato*. Gaudeamus ergo, quia qui jacuit in morte, surrexit in gloria. Benè Evangelista ait, quoddam piæ Mulieres venerunt ad Monumentum, *orto jam Sole*, quia jam surrexerat Sol Justitiæ, Chri-

Christus Deus noster: unde audire metuerunt: *Survexit: non est hic*. Angelus autem præcepit, ut ipsæ Mulieres notam facerent Discipulis Resurrectionem, quia sicuti per Mulierem Evam mors nunciata est, sic & per Mulierem vita resurgens, *nam mortem nostram moriendo destruxit, & vitam resurgendo reparavit*. Nominatur verò ab Angelo specialiter Petrus: *Dicite Discipulis ejus, & Petro*: ut quem Fæmina fecit negare, Fæmina quoque faceret confiteri. Prima tamen Christi manifestatio facta fuit Mariæ Magdalenz, quia sollicita in perquisitione, solata fuit in perseverantia: quare ei rectè convenit illud Canticorum: *Quæsi, & inveni quem diligit Anima mea*: Et ideo S. Gregorius *Homil. 25. in Evang. Perseveravit*, inquit, *ut quæreres: unde & contigit, ut invenires*. Ut ergo in nobis resurgat Christus, debemus quærere Christum.

Dies sanctus Paschæ, est Festum Festorum maximum: & in Sacramentario Gregoriano appellatur *Dominica Sancta*: Ab Andrea verò Piscara Castaldo in *Prax. Cæremoniar. lib. 3. sect. 9. cap. 1. sub num. 1. pag. 429.* dicitur Pascha Solemnitas Solemnitatum, sed hanc denominationem desumpsit forsitan à Sancto Gregorio Nazianzeno *orat. de Pasch.* à quo ibidem vocatur etiam *Festivitas Festivitatum*. A Sancto Gregorio Magno vocatur: *Celebritas cæterarum princeps*, ut habet Thomasinus *de Dier. Fæst. celebrat. lib. 2. cap. 15. sub num. 12.* Longiori tamen elogio utitur Halden novissimus Sacrorum Rituum Scriptores in suo *Ephemerolog. par. 1. tit. 21. pag. 119.* ubi sic incipit: *Festorum, quæ ab Ecclesia Catholica Romana per Anni decursum celebrantur, omnium solemnissimum est Festum Pasche.* Est igitur Dies Domini magnus, quem fecit Christus insignem per suam Resurrectionem. Romæ primùm institutum fuit in Die Dominico Festum hocce Paschæ: quod subinde post multas antiquas quæstiones super Diei assignatione, statutum est denique, ut Romanus usus ubique servaretur. At quia adhuc in quæstionem venit, quænam deberet esse Dominica, decretum fuit, ut esset Dominica post quartamdecimam diem

Lunæ primi Menſis, nempe Martii, quæ VERNUM Æquinoctium ſubſequitur vel in ipſum incidit, eo quodd Jeſus Chriſtus reſurrexit eà Dominica, quæ magis Judæorum Paſchæ proxima erat: cum quibus noluit Eccleſia Chriſtianos convenire: Judæi enim Paſcha celebrabant, non poſt decimam quartam ut nos, ſed in ipſa decimaquarta die: ex quo ſequitur, quodd ſi decimaquarta die occurrat Dominica, nos transferimus Paſcha ad Dominicam immediate ſequentem. Cum autem Æquinoctium VERNUM juxta Eccleſiæ aſſignationem ſemper incidat in diem vigefimamprimam Martii: unde carmen illud: *Æquales noctes tribuit Benediſtus in Orbe*, vel etiam *Noctes atque Dies aquat Benediſtus in Orbe*: hinc fit, quodd Paſcha non poteſt celebrari ante diem vigefimam ſecundam ejusdem Martii. Cur autem hoc Æquinoctium, Concilii Nicæni Decreto aſſixum dicto diei vigefimæ primæ pro radice Paſchæ omniumque Feſtorum mobilium, tardiùs adhibeat Eccleſia, hoc præſertim factum, ad evitanda Aſtronomorum litigia in ſcrupuloſa ſupputatione, aliisque de cauſis, quæ videri poſſunt apud Clavium in *Calendar. Gregor. cap. 5.* Quia tamen non omnes ſciebant hanc Dominicam invenire, rogatus fuit Papa, ut quotannis per litteras dignaretur docere de vera Dominica, ut uniformitas eſſet per Orbem in celebratione talis Diei. Aſſenſum benignè præbuit Summus Pontifex, ſed tandem ſtabilitum fuit, ut in Feſto Epiphaniæ Populis annuntiaretur: qui mos ad nos uſque pervenit, ut ſupra diximus, cum de Epiphania locuti ſumus.

S. I.

De iis , quæ spectant ad Sab-
baturum Sanctum.

Pascha ex institutione Apostolorum cum tota 279
Ostava suam recognoscit originem , ut ex
Baronio in *Annalib. ad Annum 58. sub num.*
82. ait Gavantus tom. v. par. 4. tit. 11. sub num. 2.
Hebdomada autem ista in Sacramentario Gelasiano
dicitur *Hebdomada Alba* ; quia ejus Feriæ omnes
nuncupabantur in *Albis* ; propterea quoddam Baptizati
per hoc octo dies vestem albam deferrebant , in-
quit Grancolas in *Commentar. ad Breviarium Roman.*
lib. 2. cap. 73. pag. 337. Quia tamen hæc Ostava ini-
tium sumit à Sabbato Sancto ; quod propterea vo-
cabatur *Sabbatum Pascha* , ut infra dicemus : ideo
de isto debemus primo loco differere. Cum enim
Officia hujus Sabbati antiquitus celebrarentur de
nocte , erat idcirco hora illa Resurrectioni Christi
vicina : hæc autem vicinitas ab Ecclesia represen-
tatur per illa verba à Diacono arundinem deferen-
te prolata , scilicet : *Lumen Christi* : quæ verba ter
repetuntur juxta numerum trium candelarum ex
novo benedicto igne accensarum : nam illæ tres
Candelæ , cum debeant in calce unum quid esse ,
& deinde in tres distingui , designant mysterium U-
nitatis & Trinitatis Dei : & dicitur ter *Lumen*
Christi , quia Christus in Trinitate est Deus.

Hic autem ritus benedicendi hodie novum ignem 280
ex lapide excussum , institutus fuit à S. Zacharia
Papa , qui creatus fuit anno 741. die 1. Decembris ,
& obiit anno 752. 15. Martii , ex quo patet anti-
quitas hujus Benedictionis . Instituit tamen propter
insigne Miraculum olim à Deo patrari solitum in
Civitate Sancta Jerusalem : Siquidem congregatis
Fidelibus in Ecclesia , descendebat ignis de Cælo ,
omni-

omnibus videntibus & admirantibus, & ex eodem igne lampades jam extinctæ, incipiente Officio Resurrectionis, miraculose accendebantur, ut refert *Quartus tract. 2. de Benedict. tit. 2. sect. 4. pralud. 1. pag. 113. juxta editionem Venetam de Anno 1727.* ubi etiam ait, quod causa finalis est repræsentatio Mysterii Resurrectionis Christi, & excitatio Fidelium ad actus charitatis, & amoris Dei per ignem significati, quem ipse Christus lapis angularis venit mittere in terram, & voluit vehementer accendi. De hoc novo igne loquitur Leo Papa. Quartus, qui creatus est anno 847. die 12. Aprilis, & obiit anno 855. die 17. Julii, sic enim habet *homil. de aur. Pastor.* ubi etiam Sabbatum Sanctum vocat *Sabbatum Pascha*, de quo supra diximus: *In Sabbato Pascha*, inquit, *extincto veteri, novus ignis benedicatur*, ex Græcolis, *lib. 2. cap. 65. circa finem*. Excutitur autem ignis de lapide, nempe de Christo, quia Christus lapis est in caput anguli, Petra autem erat Christus. Hæc autem benedictio & accensio ignis fit foris ante portam Ecclesiæ, quia extra portam passus est Christus: *Lumen autem Christi*, dicitur intra Ecclesiam, quia resurgente Christo, lætatur Mater Ecclesia tantæ luminis adornata fulgoribus.

Ex dicta luminis Christi vicinitate intramus in illam perfectam lucem, quæ Christus est: ait enim de se: *Ego sum Lux Mundi*: unde hodie canit lætanter Ecclesia: *Gaudet & Tellus, æterni Regis splendore illustrata*. Benedicitur Cereus, qui idcirco Pascalis vocatur: & prius extinctus denotat Christum mortuum, postmodum verò accensus significat Christum à mortuis resurgentem, & quidem cum quinque Plagis per quinque grana Incensi in dicto Cereo infixæ significantis, quas ipse Christus jam suscitatus Discipulis ostendit & Thomæ. Et ideo ab hoc Sabbato Sancto accenditur Cereus iste Pascalis usque ad Evangelium in Festo Ascensionis, quia revera tanto tempore Christus *præbuit seipsum vivum post Passionem suam*, *Act. 1.* De hujus autem Cerei Pascalis institutione variz sunt scriptorum opinio-

nes:

nes : alii enim Zosimum Papam , alii verò Theodorum Primum , alii etiam Gregorium Magnum faciunt Auctorem : sed dum non constat de vera ejus origine , dicendum tamen est , hunc ritum benedicendi hujusmodi Cereum esse antiquissimum in Ecclesia . Antiquitùs autem unà cum Cereo benedicebatur lampas , qua Cereus ipse accendebatur , & utramque fieri benedictionem in honorem Dominicæ Resurrectionis , constat ex Concilio Toletano Quarto , canone nono , ibi : *Lucerna, & Cereus in Pervigiis Pascha apud quasdam Ecclesias non benedicuntur : & cur à nobis benedicantur , inquirunt : Propter gloriosum noctis ipsius sacramentum solemniter hac benedicimus , ut sacra Resurrectionis Christi mysterium , quod tempore hujus votiva noctis advenit , in benedictione sancti luminis suscipiamus : Et quia hac observatio per multarum loca terrarum , regionesque Hispania in Ecclesiis commendatur , dignum est , ut propter unitatem pacis , in Gallicanis Ecclesiis conservetur , ut refert Grancolas dicto libro 2. cap. 66. pag. 317.*

Quia verò , ut supra diximus , Cereus iste Paschalis significat Christum , in quibusdam Ecclesiis est triginta trium librarum pondo , in honorem triginta trium annorum Domini Nostri . Olim autem ardebat tota nocte , ut clarè patet ex illis verbis hujus Præconii : *Flammis ejus lucifer matutinus inveniat* : quod adhuc est in viridi observantia apud utramque Ecclesiam Turonensem , tum Metropolitana , tum Collegiatam S. Martini ; in quibus à prima sui accensione in Sabbato Sancto facta , non extinguitur Cereus ille usque ad Vesperam diei Paschæ , sed reliquo die Sabbati , totaque nocte , ac die sequenti perpetuò ardet , prout refert , & laudabilem valde illarum Ecclesiarum consuetudinem approbat Guyetus in *Heortolog. lib. 4. cap. 18. quest. 30. pag. 294. juxta editionem Venetam de Anno 1729. post illam Parisiensem de Anno 1657.* Causa autem finalis hujus Benedictionis est repræsentatio Resurrectionis Christi , & excitatio Fidelium ad gratiarum actionem , & exultationem de beneficiis innumeris nobis à Deo collatis per Mysterium Redemptionis ,

&c

& Resurrectionis Christi Domini, inquit *Quartus tract. 2. de Benedict. titul. 2. sect. 6. pralud. 1. pag. 119. ex Veneta editione de Anno 1727. post primam Romanam*. Cereus iste ab origine sua, Columna erat cerea; & sicuti Christum repræsentat, sic in ea stylo quodam imprimebatur Annus currens ab ejus Incarnatione: Alii verò appendebant ad eum Tabellam cum duabus hisce Literis majusculis B. A. hoc est, *Breve Anni*, quia in Tabella erat brevis descriptus ordo Officii totius Anni usque ad futurum Pascha, cujus loco post inventionem Typographiæ factus est Libellus Diœcesanus adhuc abbreviatus, ceu Directorium divinorum Officiorum.

Diaconus, qui Dalmatica indutus albi coloris ter annuntiavit Fidelibus *Lumen Christi*, debet etiam ex Pulpito, incensato prius Libro, cantare elegans hujusce Cerei benedicendi præconium scilicet *Exultet, &c.* cujus precationis Auctorem facit S. Ambrosium Honorius in *Gemma Anima, lib. 3. capitul. 102.* sed excepto præmio, Benedictio nostra discordat ab Ambrosiana, ut ex illius Ecclesiæ Missali testatur Gavantus *tom. 1. par. 4. tit. 10. sub numer. 7.* In Missali verò Gothico Gallicano inscripta est hoc titulo: *Benedictio Cerei B. Augustini, quam, cum adhuc Diaconus esset, edidit & cecinit*: Attamen Auctor fortasse judicatus est S. Augustinus ex quodam textu, ubi *de Civit. lib. 15. cap. 22.* sic reverà habet expressè: *In laude quadam Cerei breviter versibus dixi, &c.* verùm cum isti versus in precatione non reperiantur, nullo modo Auctorem fuisse illum censet Grancolas in *Commentar. ad Breviar. Roman. lib. 2. cap. 66. pag. 319.* sed hæc est probatio Antiquitatis, quæ nescit invenire rerum Auctores: Dicta autem verba Missalis Gothici à Grancolas citati, repewiri in sexto Tomo Bibliothecæ Patrum, ubi totum vetustissimum illud Missale, notat Dominicus Macrius in *Hierolexic. verb. Cereus Paschalis*.

Quartus tamen *tract. 2. de Benedict. tit. 2. sect. 6. dubitat. 1. pag. 120.* quærit, an hujus Cerei Benedictio convenienter fiat à Diacono? Cui dubitationi

283

284

ni

ni respondet, nullam aliam Benedictionem, hac sola excepta, fieri posse a Ministris Sacerdote inferioribus: Hæc autem Cerei Benedictio ex ordinatione Ecclesiæ convenienter Diacono committitur, quamvis de mandato Sacerdotis, ut tamquam organum ejusdem Sacerdotis ibi præsentis seu celebrantis hoc munus exerceat: unde prius in hunc finem ipse Diaconus petit à Celebrante benedictionem: Ratio autem mystica est, quia Christus post Resurrectionem commisit Apostolis prædicationem Evangelii, & præsertim mysterii suæ Resurrectionis: Diaconi autem, quibus ex munere competit legere Evangelium, Prædicatores Evangelii designantur: Hinc Celebrans, qui Christum repræsentat, committit Diacono ut cantet præconium, & gloriam Resurrectionis Christi annunciet Populo. Sed antiquior Quarto hanc eandem movit dubitationem Rupertus Abbas de *Divin. Offic. lib. 6. cap. 30. pag. mibi 389.* ubi diversam affert rationem: tantæ enim (inquit) dignitatis Benedictionem super Cereum pronuntiat Diaconus, præsentem Sacerdote, vel etiam Pontifice, quia constat, bonum sanctæ Resurrectionis nuncium per minorem sexum, id est, per Mulieres, sanctis Apostolis evangelizatum esse. Hoc autem tam rationabili Divinitatis dispositione actum est, ut inter illa, quæ significativè sunt ab Ecclesiâ, memoriale suum omnino jure habere debeat: Rectè itaque gradus inferioris Minister, tam pulchra tamque melliflua Cerei Benedictione, tantæ Solemnitatis nostræ gaudium inchoat: Et fere idipsum dicit Durandus in *Ration. Divinor. Officior. lib. 6. cap. 80. sub num. 3. pag. 232. à tergo.*

Cum autem Diaconus dixerit illa verba præconii: *Rutilans ignis accendit*, Cereum ex arundine, seu etiam candelula sibi ab Acolytho porrecta accendit, ait Piscara in *Prax. Cærimon. l. 3. sect. 8. c. 3. sub numer. 5.* sed hunc usum candelulæ improbat data ratione Gavantus *tom. 1. par. 4. tit. 10. sub num. 10.* Et reverà Cærimoniale Episcoporum *lib. 2. cap. 27. §. 10. pag. 377.* expressè loquitur de accensione Cerei cum una ex Candelis arundinis: ibi enim

enim sic habet: *Diaconus suo tempore illuminaſſe Cæ-
renum cum una ex tribus candelis in arundine poſitis ,
prout in Miſſali* Cui Cæremoniali ritè & rectè ad-
hæret , iisdemque utiq̃ue verbis Bauldryus in *Man.
Sacrar. Cæremon. par. 4. cap. 11. artic. 3. ſub nu. 8.*
ergo non cum candelula accendendus eſt: ergo quo-
ad hoc non attendendus Piſcara . Quia verò ipſe
Diaconus debet in eodem Præconio nominare ex-
preſſè Summum Pontificem , & Antiſtitem Locī ,
ac Imperatorem , ne cantando deperdat nominum
memoriam , benè faciet , ſi illa hæbeat optimè ſcri-
pta in ſuo reſpectivè caſu ablativo vel accuſativo ,
ut cùm pervenerit ad proprium eorum locum ,
promptus ſit ad expreſſionem : Audivi enim quem-
dam Diaconum , qui bis & ter pronuntiato *ſc. An-
tiſtite noſtro* , numquam potuit proferre nomen ſui-
met Episcopī : cui tandem unus de Choro acceſ-
ſit , & ejus memoriæ illud reddidit . Quod ſi Se-
des Apoſtolica , vel Episcopalis vacaverit , ommit-
tet Diaconus illa verba *una cum Beatiffimo Papa No-
ſtro* , vel reſpectivè *Antiſtite Noſtro* , ut benè admo-
net Gavantus loco citato , *ſub numer. 12.* & etiã
ſuggerit Bauldryus , *ut ſupra , ſub numer. 9.*

Si tamèn Imperator non fuerit coronatus , Dia-
conus non legat tunc poſtillam Miſſalis , ſed ea au-
te perleſſa , promptus ſuo loco cantet: *Reſpice etiã
ad devotiſſimum electum Imperatorem Noſtrum* , expreſſo
nomine . At quid dicendum , ſi Sedes Imperialis va-
caverit ? Eruntne omittenda verba illa ? Dominicus
Macrius in *Hierolexic. verb. Cærens Paſchalis* , circa
finem , ait , quod ſedente Leone Decimo , anno
1519. diſputatum fuerat , quomodo deberet cani ſo-
lita Imperatoris acclamatio in diſto Præconio au-
notata , cùm Cæſar vita functus erat : Aliqui relin-
quendam exiſtimaverunt : ſed poſt maturam diſcuſ-
ſionem reſert Paris de Graſſis Cæremoniarum Dire-
ctor , hoc conſilium præbuiſſe , ut nempe mutaren-
tur illa verba ſic : *Reſpice etiã ad Romanum Impe-
rium , cujus tu Deus Fidelium vota præſcens , &c.*
quæ opinio à præfato Pontifice approbata fuerat :
Ac in ſimili caſu de anno 1658. cùm incidiffemus ,
dubi-

dubitantibus de omissione hujus Orationis Cæremoniarum Magistris, resolutionem prædictam præbui, quam ex Manuscriptis Angeli Rocca in Bibliotheca Angelica asservatis delumperam, & ab Alexandro Septimo tunc regnante, approbata, & à Sacra Rituum Congregatione observari mandatum fuit: *Hucusque Maurini.* (Et, reverà, die duodecima Januarii 1519. sub Leone Decimo obiit Maximilianus, cui Carolus Quintus Hispaniarum Rex die suæ electionis 18. Junii ejusdem Anni 1519. immediatè successit: Die verò 2. Aprilis 1657. sub Alexandro Septimo obiit Ferdinandus Tertius, & ei Leopoldus Ignatius die suæ electionis 18. Julii 1658. fuit immediatus successor: ex quibus clarè patet, dictis duobus annis in utroque casu Sedem Imperialem vacasse in Sabbato Sancto.

Episcopus tamen in dicto Præconio à Diacono nominandus, debet esse verus Episcopus Diocæsanus, non verò Episcopus alterius Diocæsis, deputatus Administrator Ecclesiæ vacantis, licet cum amplissimis facultatibus: nam sicuti ejus Nomen non debet in Canone memorari per Sacerdotes celebrantes, ut respondit *Sacra Rituum Congregatio in Sarsinaten. Functionum Episcopaliū sub die 22. Augusti 1722. ad quintum Dubium*, apud Ursayam in hac Caula Scriptorem *Disceptat. Ecclesiast. tom. 5. par. 1. disceptat. 2. sub num. 1. in argumento, & sub num. 65. in resolutione*: ita non erit per Diaconum hodie nominandus in dicto loco Præconii, sed juxta Gavantum, omittenda illa verba: & *Antistite Nostro*. Sed neque Vicarius Apostolicus Roma missus, nominandus est, cum non sit amotus verus Diocæsanus, nec ipse dicatur electus in Episcopum illius Diocæsis, sed tantum vocetur Diocæsis Director cum certis facultatum concessionibus limitativè ei factis: ad hoc enim, ut verè dici possit: & *Antistite Nostro*, debet esse verus Loci Episcopus. Quoad verò Nomina in Præconio à Diacono exprimenda, Gavantus *tom. 1. par. 4. tit. 10. sub numer. 12. ait*, quod excepto Papa, Episcopo, & Imperatore, nemo alius nominari debet, inconsulta Sede Apostolica.

237

286

lica: Juxta morem Regionum, Bauldryus Gallus
asserit in *Man. Satrar. Cæmoniar. par. 4. cap. 11.
artic. 3. sub num. 9. pag. 258.* quod in Gallia est
consuetudo, ut nominetur Rex Christianissimus N.
Et Venetiis post Imperatorem statim subjungitur:
& ad Serenissimum Principem Nostrium N. N. quorum in
Dent, &c. ut in annuo Divinorum Officiorum Di-
rectorio sic hodie adnotatur.

Circa accensionem hujus Cerei Paschalis, Sacra
Rituum Congregatio sub die 19. Maji 1607. cen-
suit, regulariter accendi debere ad Missas, & Ve-
speras solemnes in triduo Paschatis, in Sabbato in
Albis, & in Dominicis usque ad Ascensionem: in
aliis servandam esse consuetudinem locorum: Quod
quidem Decretum omnes referunt Sacrorum Ri-
tuum Scriptores, quorum catervam citavi in mea
Collectione de Sacris Ritibus, *sub numer. margin.
277. pag. 84. juxta editionem paternam de Anno 1730.
& ex me tradit La Croix in Theolog. moral. tom. 2.
lib. 6. par. 2. tract. 4. sub numer. 2055. Decreto 120.*
Piscara verò Castaldus sequentem præscribit ritum
accendendi hunc Cereum: nam in *Prax. Cæmoniar.
lib. 3. sect. 8. cap. 8. sub num. 3. pag. 428.* ait,
quod accenditur in ipso die Sabbati Sancti ad pro-
prium locum à principio Benedictionis usque ad fi-
nem Missæ, ac pariter ad Completorium: In Die
sancto Paschæ ad totum Matutinum solemne, ac
Laudes, item in Missa, ad Vesperas, & Comple-
torium: Duobus verò sequentibus Diebus, & Die-
bus Dominicis, ad Laudes, Missam solemnem, &
Vesperas: In Diebus Festis, sive Domini, sive San-
ctorum, per id tempus occurrentibus: Non tamen
in luctuosis, quando violacea adhibentur paramen-
ta, ut in Rogationibus: Nec cum pro Defunctis
celebratur: Tandem in Die Ascensionis accenditur
ad primas Vesperas, ad Laudes, & ad Missam
usque ad Evangelium, quo dicto, statim extingui-
tur: nec amplius accenditur usque ad Sabbatum
Pentecostes in Benedictione Fontis, & post Missam
amovetur. *Hallenus. Piscara,* cujus ordinem accen-
sionis approbat & commendat. Quartus tit. 2. de Be-
nedict.

benedict. fest. 6. dubitat. 3. pag. 121. Ritu autem ferè totum præfatum habet etiam Guyetus in *Heortolog. lib. 4. cap. 18. quæst. 30. pag. 294. juxta editionem Venetam post Parisiensem*: ibi tamen addit, quodd ubi servatur consuetudo procedendi ad Fontes in Vesperis Hebdomadæ Paschalis, geltari debet Cereus accensus: quam quidem consuetudinem habet Venetiis Basilica Ducalis S. Marci. Illud denique restat dicendum, quodd si dicatur Missa Parochialis seu Conventualis non solemnns, ad eam item Die Dominico accendi potest, inquit Gavantus *tom. 1. par. 4. tit. 10. sub numer. 48.* quem omnes sequuntur.

Quæri tamen hoc loco potest, an Cereus semel 289
benedictus in Sabbato Sancto hujus Anni, addita solùm de novo parte absumpta, possit sic refectus licitè iterùm benedici Anno sequenti? Quartus *tit. 2. de Benedict. fest. 6. dubitat. 2. pag. 120. juxta editionem Venetam de Anno 1727.* sic respondet: Si Cereus Anni præteriti consumptus fuerit quoad majorem partem, ita ut pars illa, quæ de novo additur, superet aliam partem, quæ remanserat, seu cui fit additio: tunc potest licitè Cereus sic refectus, & renovatus iterùm benedici Anno sequenti: quia per additionem majoris partis perditur prior Benedictio, cùm major pars non benedicta trahat ad se minorem: atque adeo non benedicitur in hoc casu Cereus benedictus, sed Cereus carens Benedictione, & absolutè Cereus novus, qualis benedici debet ex vi Rubricarum Missalis, & ex vi Formæ Benedictionis, seu Præconii, quæ supponit Cereum debere esse novum, & aliàs non benedictum. Quodd si Cereus Anni præteriti solùm reficiatur quoad minorem partem, non potest licitè iterùm benedici Anno sequenti, & absque peccato veniali: quia frustraretur suo effectu secunda Benedictio contra reverentiam ei debitam.

At ubi erit Cereus iste Paschalis firmiter collocandis pro toto tempore, quo debet manere in Ecclesia, diebus assignatis accendendus? Dicendum constanter est, quodd cùm ex sæpè dictis significet 290

Christum, ponendus est à cornu Evangelii: & quidem super Candelabrum magnum benè constructum, saltem in Ecclesiis majoribus, in quibus omnia sunt cum majestate paranda: nam in Pagis & Villis toleranda est Ecclesiarum paupertas, propter quam ponitur ille à cornu quidem Evangelii, sed sine aliquo Candelabro: &, ut vidi, lacero firmatus cingulo, super miseram tabellam vetusto tapete cooperatam. Certè illud mihi semper placuit excelsum Candelabrum, quod habetur Patavii in celebri Ecclesia Conventuali S. Antonii, ex ænea materia perpulchrè efformatum, figuris hinc inde optimè dispositis, & miro ingenio à perito Artifice inventis & elaboratis. Magnum Constantinum ingentes Cerei columnas, ut in Paschæ nocte arderent, fabricari jussisse, in ejus vita Eusebius scribit, ut ex eo refert Dominicus Macrius in *Hierolexic. verb. Cereus Paschalis*: attamen cùm nihil dicat de Candelabris, probabile est, quoddam posita fuerint super pavimentum, ut patet ex eorum magnitudine in figura columnarum: nec mirum, quoddam tunc temporis dictam figuram haberet Cereus Paschalis; nam ab origine sua Columnam fuisse ceream asserit Græcolas supra citatus, *lib. 2. cap. 66. pag. 318.* de cujus columnæ significatione plura tradunt Rupertus Abbas de *Divin. Offic. lib. 6. cap. 29. pag. mihi 383.* & Durandus in *Ration. Diviner. Officior. lib. 6. cap. 80. sub numer. 4. 5. & 6.* Et de factò adhuc retinentur in Præconio verba illa: *Sed jam Columna hujus præconia novimus.*

S. II.

De Prophetiis, & Fontis Benedictione, ac Litanis in Sabbato Sancto.

Completa Benedictione Cerei, Diaconus, depositis albis, sumit violacea paramenta, & vadit ad Celebrantem, qui exiit Pluviali, & sumit Manipulum, & Casulam violacei coloris. Postea leguntur Prophetiæ sine titulo, & Celebrans legit eas submissa voce ad Altare in cornu Epistolæ. Ante, vel interim dum Prophetiæ leguntur, Præsbyteri catechizent Catechumenos baptizandos, & præparent ad Baptismum: Ita Rubrica Missalis. Hæ autem Lectiones, seu Prophetiæ, nos docent gloriam Dei, & instruunt de beneficiis ejus ac potentia, & specialiter de Baptismo, qui est clavis ad Cælum, primusque ac magis necessarius inter Sacramenta. Sunt autem numero duodecim, quia designant duodecim Apostolos post Resurrectionem Christi eandem doctrinam prædicantes, ut ait Tobias Lonher in *Instruct. pract. de SS. Missa Sacrific. par. 4. tit. 15. sub num. VII. litt. i. pag. 186. juxta edit. Venet. de Anno 1734.* Ad hunc igitur effectum locatur in medio Chori vel Præsbyterii pulpitem sive legile nudum, ut præscribit Cæremoniale Episcoporum *lib. 2. cap. 27. §. 13. pag. mibi 379.* ubi scilicet ab omnibus audiri queat Lector, subdit Gavantus *tom. 1. par. 4. tit. 10. sub numer. 13. litt. u.* ubi etiam addit *sub numer. 19.* quod ordo servandus in legendis hisce Prophetiis, hic est, ut primas legant minores, postremas verò majores, nisi aliud necessitas suadeat: idedque ubi pauciores sunt in Choro, potest quidem unus plures cantare, non tamen successivè, sed cum interruptione aliquarum:

& ii ita ad id eligantur, ut qui fortiori voce pol-
lent, longiores ipsi decantent, ut bene suggerit
Bauldryus in *Man. Sacrar. Cereemoniar. par. 4. cap. 11. artic. 3. sub num. 18. pag. 258.* Debent autem can-
tari voce sonora & intelligibili; non tamen moro-
se, sed expeditè, inquit Piscara in *Præx. Cere-
moniar. lib. 3. sect. 8. cap. 3. sub num. 8. pag. 420.* &
ex eo etiam Hippolytus à Portu *de cultu Dei, & Homin. par. 3. art. 3. rubric. 8. sub num. 6. pag. 317.*
Euntes autem ad Legile, vadant manibus junctis :
cantantes verò, teneant manus hinc inde exten-
sas.

Dum Celebrans cantat Orationes post Prophetias,
Ministri stant unus post alium : quando verò ante
Orationes profert *Oremus*, Diaconus dicens *Flecti-
mus genua*, primus omnium genuflectit : Subdiacon-
us autem subdens *Levate*, primus omnium surgit :
& eodem modo alii omnes genuflectunt & surgunt,
excepto Celebrante, qui numquam genuflectit, sed
dicto *Oremus*, & expectato à Subdiacono *Levate*,
cantat immediatè Orationem, & sic post quamlibet
Prophetiam : excepta ultima Oratione, nam ante il-
lam non dicitur *Flectamus*, neque consequenter *Le-
vate*, quia illi tres Pueri, de quibus in ultima Pro-
phetia, noluerunt genua flectere Statuæ Nabucho-
donosoris : quam rationem & quidem optimam tra-
dit Gavantus *rom. 1. par. 4. tit. 10. sub numer. 17.*
& ideo Celebrans statim ac completa est illa ulti-
ma Prophetia, dicto *Oremus*, incipit illicò Oratio-
nem. Cum autem Celebrans Prophetias legit ad
Altare in cornu Epistolæ, Ministri interim assunt,
videlicet, Diaconus à dextris Celebrantis, Subdia-
conus verò à dextris Diaconi. Si tamen Celebrans,
postquam legerit unam, velit sedere, sedeat tecto
capite cum Ministris super nudo scamno in latere
Epistolæ, ad quod capite nudo procedit per bre-
viorem viam, facta priùs inclinatione Cruci cum
Ministris : & per eandem viam redit, ne sit in-
commodum tam sæpè per gradus anteriores redire :
& tunc nulla ab ipso & Ministris debet fieri ge-
nuflexio, cum non accedant ad medium Altaris :
numquam

numquam autem sedeat ad Altare, quia est proprium tantum Episcopi: neque etiam sedeat post lectionem seu Prophetiam brevem: Ita Bauldryus *loco proxime citato, sub numer. 20.* Mihi tamen videtur cæremonia propior, gravior, & oculis adstantium devotior, ut Celebrans in reditu ad Altare, vadat per longiorem viam; & medius inter Ministros, debitas faciat reverentias ante medium Altaris, ut docet Gavantus *ut supra, numer. 18.* Quodd si in hoc Sabbato Sancto Episcopus habiturus sit Ordinationes, officium incipitur à prima Prophetia, & continuatur, prout in Pontificali Romano *par. 1. tit. 2. de Ordinib. conferen. rubric. 20.*

292

Expletis Prophetiis cum Subsequentibus Orationibus, si Ecclesia habuerit Fontem Baptismalem, Sacerdos benedicturus Fontem, accipit Pluviale violaceum, & præcedente Cruce, cum candelabris, & Cereo benedicto accenso, descendit cum Clero, & Ministris paratis ad Fontem, & interim cantatur Tractus: *Sicut cervus desiderat ad fontes aquarum, &c.* Hæc est Rubrica Missalis, ex qua licet videatur, quodd Cereus Paschalis accensus debeat portari in hac Processione post Crucem, deferendus tamen est ante ipsam Crucem, nam Cæremoniale Episcoporum *lib. 2. cap. 27. §. 16. pag. 380.* sic reverà habet: *Præcedente Cruce, cum Cereo benedicto accenso, qui portabitur immediatè ante Crucem.* Quoad verò ipsam Fontis Benedictionem, omnia fiant, & diligenter serventur, quæ præscribuntur in Missali, cum Auctores nihil addunt magni momenti. Hæc autem sacra Fontis Baptismalis functio, est propria hujus temporis, cum Christus post Resurrectionem suam instituens Sacramentum Baptismi, tradiderit Apostolis formam hisce præcisus verbis: *Euntes ergo, docete omnes Gentes, baptizantes eos in nomine, Patris, & Filii, & Spiritus Sancti.* Et quia præmittit Christus instructionem Gentium, ideo inter Prophetiarum decantationem catechizantur priùs Cathecumini, ut supra diximus, deinde Baptismum suscipiunt.

293

Antiquus est ritus benedicendi Fonti Baptismalis,

294

ut colligitur ex S. Cypriano *Epistola* 70. ait Grancolas in *Commentar. ad Breviar. Rom. libr. 2. cap. 168.* sed illa *Epistola* non loquitur revera de ritu benedicendi Fontem, sed de Baptismo conferendo, an scilicet Hæretici & Schismatici, ad Ecclesiam Catholicam, quæ una & vera est, venientes, baptizari debeant? Nihilominus, quia Grancolas dicit, colligitur illa *Epistola* 70. Sic in veritate habet: *Oportet prius mundari, & sanctificari aquam à Sacerdote, ut possit Baptismo suo peccata hominis, qui baptizatur, ablueri. Gavantus tamen tom. 1. par. 4. tit. 10. sub numer. 20. lit. a, notat de Tractu in Processione ad Fontem dicendo, quodd de hoc ritu meminit S. Augustinus: & revera Oper. tom. 4. in enarrat. ad Psalm. 41. sub numer. 1. ita explicat. Sicut desiderat cervus ad fontes aquarum, sic desiderat anima mea ad te, Deus: Et quidam non malè intelligitur vox esse eorum, qui cum sint Catechumeni, ad gratiam sancti Lavacri sessinapt: unde & solemniter cantatur hic Psalmus, ut ita desiderant fontem remissionis peccatorum, quemadmodum desiderat cervus ad fontes aquarum: Sit hoc, habeatque locum intellectus iste in Ecclesia & veracem & solemnem: Ubi certè alludit ad Fontem Baptismatis in Sabbato Sancto, in quo Cathecumini baptizantur: nam cum de vestium albarum depositione, quas ab hoc Sabbato usque ad Octavam Paschæ deferebant, loquitur, ita *serm. 1. in Oct. Pasch.* qui est 157. de Temp. ait: *Hodie Neophytorum habitus commutatur: ita tamen, ut candor, qui de habitu deponitur, semper in corde teneatur: & ut notum faciat, quodd de solempni Baptismo in Sabbato Sancto dislerat, ibidem subdit, ad Catechumenos conversus: Vos alioquin loquimur, novella germina sanctitatis, regenerata ex aqua, & Spiritu Sancto. Marcellus verd Columna in Hidragiolog. sect. 2. cap. 3. sub num. 35. pag. mibi 162. juxta edit. Roman. de Anno 1586. antiquiorem affert testem de hoc Ritu Fontis Baptismalis, nempe S. Dionysium Areopagitam, qui Ecclesiast. Hierarch. capit. 12. part. 2. §. 7. pag. mibi 253. juxta editionem Græco - Latinam Antuerpia factam**

Etiam

Etam de Anno 1634. sic revera habet : Ipsa autem Sacerdos ad adoptionis Matrem (id est Fontem , seu Baptisterium) vadit , cuius aquas postquam sacris invocationibus sanctificavit , nec non tribus sacratissimi unguenti crucis forma effusionibus , totidem sacri unguenti appositionibus sacrosanctum Deo afflatorum Prophetarum Divina adpirationis Hymnum concinendo (id est , Psalmum 28. Vox Domini super aquas) consecravit , adduci virum jubet , ac Sacerdote quopiam descripto cum ipsum tum susceptorem proclamante , initiandus Sacerdotum manibus in aquam ducitur ad manum Pontificis . Ex quo Ritum consecrandi & sanctificandi Aquam Baptifinalem , originem ducere ex traditione Apostolorum , infert Quartus vir. 2. de Benedict. sect. 7. prelud. 1. pag. 12. juxta edit. Venet. de Anno 1727.

Ut autem ex Ritibus transeamus ad jurisdictionalia : Hæc Fontis Benedictio fieri non potest à Capellanis Confraternitatum , quia spectat ad Parochum , ut declaravit *Sacra Rituum Congregatio sub die 18. Maii 1602. & pluribus rælatis dixi in mea Collectione de Sacris Ritibus , sub num. margin. 148. nec pertinet ad Vicarium perpetuum Ecclesiæ Collegiæ , sed ad Canonicos , ut dixit Rota in Melevisana Parochialis 19. Februarii 1680. coram Guaxardo , decis. recent. par. 18. tom. 1. decis. 400. sub num. 33. & retuli in alia mea Collectione de Vicariis utriusque Cleri , sub num. margin. 596. Parochi autem Ecclesiarum Filialium tenentur accedere ad Matricem ad hanc Fontis Benedictiorem , ut respondit *Sacra Concilii Congregatio in Savonen. Jurium Parochialium sub die 17. Novembris 1691. apud Eminentissimum Petram in Commentariis ad Constitutiones Apostolicas tom. 3. circa Constitut. 5. Innoc. IV. sect. unic. sub nu. 19. pag. 53. iux. edit. Roman. etiam Curati Religionis Hierosolymitanæ quia tenentur ad omnes Functiones , ad quas cæteri Curati ; & consequenter ad hanc Sabbati Sancti , ut censuit *Sacra Episcoporum & Regularium Congregatio sub die 18. Aprilis 1599. & postmodum sub die 20. Maii 1646. juxta relatos in mea***

Collectione de Regularibus, tom. 2. sub num. margin. 1314. Licet autem hæc Fontis Benedictio non sit de Juribus mere Parochialibus, fieri tamen debet à Parochis, ut re maturè discussa, respondendum esse censuit *Sacra Rituum Congregatio in Decreto Urbis & Orbis, ad sextum Dubium, sub die 10. Decembris 1703. approbante Clemente XI. sub die 12. Januarii 1704. apud particulare ejusdem Pontificis Bullarium, par. 3. Constitur. 1. qua incipit Ad debitum, pag. mihi 540. juxta edit. Roman. de Anno 1723.* Sed illud hoc loco notandum est, quod Benedictio Aquæ in Sabbato Sancto, etiam sine effusione Olei Sancti fieri non potest in Ecclesiis non habentibus Fontem Baptismalem: quamvis usus sit in hujusmodi Ecclesiastalem Benedictionem fieri, ut respondit *Sacra Rituum Congregatio in Januenn. anno 1697. sub die 13. Julii, ita referente P. Merati, tom. 1. par. 2. in Indice, sub num. 516. pag. 1407.*

Quod si Episcopus, finitis Lectionibus, voluerit ipsemet benedicere Fontem, quod valdè convenit, ut ait Cæremoniale Episcoporum lib. 2. cap. 27. §. 16. pag. mihi 380. deposità Planeta, & sumpto Pluviali violaceo, ac Baculo, ibit, præcedente Cruce, cum Cereo benedicto accenso, qui portabitur immediatè ante Crucem, & Canonicis paratis, ac aliis de Glero, ad illum benedicendum: & alia fiunt, & cantantur, etiam circa Baptismum, prout in Missali. Si verò non potuerit Episcopus id præstare, destinabit aliquem ex dignioribus Capituli, qui Pluviali paratus, comitantibus aliquot Acolythis, & Ministris cum Cereo accenso, & Cruce, ea omnia faciet. Quibus peractis, si aderunt Catechumeni, baptizentur more solito ab Episcopo, aut à digniore ex Capitulo: *Hucusque dictum Cæremoniale.* Antiquus est ritus baptizandi in Paschate: In pluribus Ecclesiarum Ordinariis commendatur, ut ierventur Infantes aliqui baptizandi in hoc Sabbato, dum Baptismalis Fontis Benedictio peragitur, ut scilicet & præsentis Ecclesiæ exprimat finis, & istius cæremoniæ designetur antiquitas: Id Ro-

mæ ac-

mæ accuratissimè fieri cernimus, & aliquis plerumque in tali Sabbato baptizatur, ait Græncolas in *Commentar. ad Breviar. Rom. libr. 2. capit. 68. pag. 320.*

Baptizandi tamen, si adsint, & catechizati sint (ut supra diximus) inter Prophetiarum decantationem, debent aliqua formula vocari vel per Cæremoniarum Magistrum, vel per alium ad hoc destinatum. Venetiis in Ducali Basilica S. Marci, in qua fit hæc Fontis Benedictio coram Serenissimo Principe, vocantur per Diaconum paratum, qui suo tempore conversus ad Populum, sic ter Italicè dicit clara voce: *E' quì Alcuno, che si voglia battezzare? E' quì Alcuno, che voglia battezzarsi? E' quì Alcuno, che voglia esser battezzato?* Ut habetur ex Officio Hebdomadæ Sanctæ ad usum illius Ducalis Basilicæ impressio. Quia verò in ipso Solis occubitu incipiebat olim Paschalis Solemnitas, hoc est vespere Sabbati, & ipsa nocte Baptisma celebrabatur, ut constat ex Officio hujus Sabbati, & ex Epistola Paschasini Episcopi Lilybetani ad S. Leonem Papam: hinc fit, ut juxta vulgarem loquendi modum dicatur Baptisma in ipso Sabbato Paschæ celebrari: & ita loquitur S. Gregorius *lib. 4. Dialogor. cap. 32.* ubi sic habet: *Quidam Curialis Sacratissimo Paschali Sabbato juvenulam cujusdam filiam in Baptismo suscepit, ut labet eruditissimus Menardus in Notis ad Librum Sacramentorum dicti S. Gregorii, nota 391. pagina verò mihi 399.* ubi etiam refert ex eadem Epistola ad S. Leonem; quòd olim in Sicilia, in possessione, quæ Melkinus dicitur, Fons Baptisterii quotaannis in die Paschæ divinitus implebatur. Cæterum ille debet hodie solemniter baptizare, qui Fontem solemniter benedixit: qui autem Fontem benedixit, debet necessariò cantare Missam sequentem, ut respondit ad hanc rem *Sacra Rituum Congregatio in Brundusina, sub die 12. Junii 1627. ad 3. dub. apud Ursayam dotissimum Almæ Urbis Advocatum Disceptat. Ecclesiasticar. 10. 2. par. 2. disceptat. 2. sub nu. 87. & 92.* & egomet retuli in mea Collectione de Canonicis utriusque Eccle.

Ecclesiæ, *sub nu. margin. 647. juxta secundam editionem Paternam de Anno 1722.*

Post Fontis Benedictionem, revertentibus Sacerdote, & Ministris ad Altare, cantantur Litanix à duobus Clericis. & Chorus idem simul repetit, scilicet, duplicantur. Quia verò Rubrica Missalis dicit, quod Ministri revertuntur ad Altare: ergo ad Altare Litanix inchoantur, non verò ad Fontem, ut Aliqui perperam scripsere, quos pudet nominare. In dictis Litiis post invocationem S. Joannis Baptistæ statim additur nomen S. Josephi, dicendo: *Sancte Joannes Baptista, ora pro nobis: Sancte Joseph, ora pro nobis: Omnes Sancti Patriarcha, & Propheta, orate pro nobis, &c.* ut hanc additionem voluit Benedictus XIII. in Decreto Urbis & Orbis edito 19. Decembris 1726. à me relato in mea Collectione de Sacris Ritibus, *sub nu. marg. 1462.* & meo consilio præstitum est, ut nova Missalia Romana, Breviaria, & Ritualia hanc additionem proprio loco retineant.

Non desunt Auctores, putantes in his Litiis geminandum esse verbum illum, *Per sanctam Resurrectionem tuam*, sed nullo antiquo fundamento, inquit Gavantus tom. 1. par. 4. tit. 10. *sub num. 30. lit. c.* & negat Bauldryus in *Man. Sacrar. Cereemoniar. par. 4. cap. 11. artic. 5. sub num. 3. pag. 261.* Et ideo non audiendus quoad hoc Pitcara Castaldus, qui in Cæremoniali suæ Religionis primum edito Neapolitano 1613. (& ideo paulò ante opus Gavanti) *lib. 3. cap. 19. sub numer. 17. pag. 193.* docet, quòd dictus Litaniarum versus sit in hoc Sabbato Sancto geminandus, & lætiori voce cantandus: & idem dicit in *Prax. Cereemoniar. libr. 3. sect. 8. cap. 5. sub num. 2. pag. 422.* & in utroque loco fatetur, se tale sumpsisse documentum ex Parride Crasso de *Cereemon. Cardinal. & Episcopor. in eor. Diocesib. l. 2. cap. 28. pag. 110. juxta edit. Roman. de Anno 1580.* ubi revera, ut modò lego, sic habet. *Disputatum aliàs fuit, an hujusmodi Litanie sint de pertinentiis Officii Sabbatini jam acti, an Missa Paschalis inchoanda, ita ut geminari potius debeant versus ille,*

ille, videlicet, Per Mortem, & sepulturam tuam, quam alius versus, videlicet, Per gloriosam Resurrectionem tuam? Sed *verior opinio videtur, quòd sit de per-
tinentiis Missæ: & propterea quòd versus ille, Per glorio-
sam Resurrectionem tuam, non solum geminatur, sed
etiam solus & unicus Versus ipse cum tripudio, & hilari me-
lodia canetur geminatus in cantu figurato, quatuor
vocius. Ita ille, sed cum nulla habeatur Rubrica
& ex Pio Quinto prohibeantur additiones, non
est duplicandus. Vacante tamen Sede Apostolica,
omittitur in his Litaniis ly *Domnum Apostolicum*,
per cujus omissionem intelligitur Papa eo calu de-
functus, nam deberi omitti docet Gavantus tom. 2.
sect. 9. cap. 4. sub num. 11. ea motus ratione, quia
si vacet dicta Sedes Apostolica, jubemur in Canone
tacere nomen Pontificis, & vocem ipsam, ut
reverà ait Rubrica Missalis de ordin. servan. in cole-
brat. Miss. tit. 8. sub num. 2.*

Si Episcopus id præstiterit, eodem ordine post
Fontis Benedictionem redibit ad Altare majus, ubi
deposito Pluviali, cum Mitra procumbit ante illud
super Faldistorio, & pariter omnes in suis locis ge-
nuflexunt: & duo Capellani, sive Cantores genu-
flexi ante scabellum versus cornu Epistolæ retrò
Episcopum, habentes ante se Librum, inchoabunt
Litanias: & si aderunt Ordinandi, prosternent se
per gyrum, dum dicuntur Litanie, & alia fient,
prout in Pontificali Romano de Ordinibus dandis,
respondente Choro, & repetente omnia, quæ ipsi
Capellani, seu Cantores dicunt, ut præscribit Cæ-
remoniale Episcoporum lib. 2. cap. 27. §. 19. pag.
mibi 381. Ubi verò non est Fons Baptismalis, fini-
ta ultima Prophetia cum sua Oratione, Celebrans
Casulam deponit, & cum Ministris ante Altare
procumbit: & alijs omnibus genuflexis, cantantur
Litanie in medio Chori à duobus Cantoribus,
utroque Choro idem simul respondente. Capitibus
tamen Celebrantis, & Ministrorum in Albis pro-
cumbentium supponi possunt cussini coriacei, in-
quit Gavantus tom. 1. par. 4. tit. 10. sub num. 30.
lit. b. & ita habet Bauldryus in Man. Sacrar. Cæ-

remoniav. par. 3. cap. 11. artic. 3. sub num. 1.

Cum autem in dictis Litiis perventum fuerit ad Versum *Peccatores, te rogamus*; Sacerdos & Ministri surgunt, & accedentes ad Sacristiam, induuntur paramentis albi coloris pro Missa solemniter celebranda: & interim accenduntur luminaria in Altari. Quod si Sacristia non est vicina, ibunt in locum viciniorem & decentem post Altare, nam ante Altare nemo Episcopo inferior est vestiendus, licet sit loci Superior, nisi Mitra utatur, ait Gavantus *loco proximè citato, lit. d.* Ideoque in Cathedrali, dicto in Litiis, *Peccatores*, Episcopus surgit, & ibidem stans, deponit paramenta violacea, & accipit alba, ac Pallium, si est Archiepiscopus: Diaconus autem, & Subdiaconus, paulò ante depositis Planetis violaceis ante plicatis, assumunt Dalmaticam & Tunicellam albas, ut prestò sint ad induendum Episcopum: Interim remouentur etiam ab Altari, & Sede Episcopali pallia violacea, & accenduntur luminaria: Capellani verò, seu Cantores jam dicti prosequuntur Litanias usque in finem, respondente Choro, ut supra: ita Cæremoniale Episcoporum *d. lib. 2. cap. 27. à §. 19. ad 21.* Dicto autem à Cantoribus in fine Litaniarum *Christe, audi nos: Christe exaudi nos*, vadunt in Chorum.

301

§. III.

De Missa solemniter celebranda in Sabbato Sancto.

302

Finis Litaniarum est initium Missæ solemniter celebrandæ, quæ revera est de Resurrectione Domini, & ab hac Missa incipit principaliter Octava Paschalis, nam Orationes, Epistolæ, & Evangelium sunt de Resurrectione omnino. Hæc Missa non habet Introitum, qui est caput Missæ,

fæ,

1æ, eo quod ille, qui est caput & principium no-
 strum, subtractus est, & in Sepulchro flet: & li-
 cet nocte surrexisset, tamen à suis nesciebatur:
 unde cum Maria Magdalena invenit Monumentum
 vacuum, credit eum esse sublatum, ut habet Du-
 randus in *Ration. Divinor. Officior. lib. 6. cap. 85. sub*
numer. 2. Fuisse solum celebrari hanc Missam in
 nocte sequenti, extra difficultatem est, sed in prin-
 cipio noctis subsequenti Sabbathum, & præcedentis
 Diem Dominicam, quod desumitur ex Ordine Ro-
 mano de Sabbato Sancto, ibi: *Ut fuerit prima stella*
visa, sonant signa, & incipiunt canere Litanias ad In-
troitum: Si prima stella visa, hoc fiebat: ergo ini-
 tio noctis, non post mediam noctem, ut plures vo-
 lunt citati à Pasqualigo de *Sacrific. nov. Leg. tom. 1.*
quest. 410. Completis igitur Litanis, Cantores so-
 lemniter incipiunt pro Missa, *Kyrie eleison, Christe*
eleison, Kyrie eleison, & ter singula repetuntur. In-
 terim Sacerdos cum Ministris in paramentis albis
 accedit ad Altare, & dicto Psalmo *Judica me, Deus,*
 cum *Gloria Patri*, facit confessionem, ut moris
 est, in loco consueto: deinde ascendens, osculatur
 Altare, & incensat more solito. Ut autem prædi-
 cta omnia fieri possint commodè à Celebrante, Can-
 tores debent cum convenienti tarditate cantare *Ky-*
rie eleison, ut bene admonet Piscara in *Prax. Cere-*
moniar. lib. 3. sect. 8. cap. 5. sub numer. 5. pag. 422.
 Finitis à Choro *Kyrie eleison*, Sacerdos incipit so-
 lemniter *Gloria in excelsis*, & pulsantur Campanæ. In
 Cathedrali verò Ecclesia Episcopus, postquam est
 albis paramentis indutus, facit confessionem cum
 Ministris more solito, ascendit ad Altare, illudque
 ac Librum Evangeliorum osculatur, imponit incen-
 sum in thuribulum, & benedicit, incensat Altare,
 & incensatur ipse à Diacono, & revertitur ad suam
 Sedem, ubi dicto *Kyrie eleison*, cantant *Gloria in*
excelsis Deo: Tunc pulsantur campanæ & organum,
 & prius debent moneri aliæ Ecclesiæ Civitatis,
 ne pulsent campanas, nisi prius audito signo cam-
 panarum Ecclesiæ Cathedralis: ita Cæremoniale E-
 piscoporum *lib. 2, cap. 27. §. 22. & 23. pag. 382.*

Dida Campanarum pulsatio ita est in Sabbato
 Sancto post signum Cathedralis vel Matricis Eccle-
 siæ facienda, ut tam Regulares, quàm alii Clerici
 Sæculares, etiam super hoc Apostolicæ Sedis pri-
 vilegio muniti, si contrafaciant, pœnam centum
 ducatorum incurrunt à Leone Decimo inflictam,
 apud Cherubinum in *Bullar. Rom. tom. 1. Const. 22.*
ejusd. Pontific. qua incipit: Dum intra, edita in Con-
cilio Lateranensi sub die 19. Decembris 1516. Unde Sa-
 cra Concilii Congregatio sub die 23. Aprilis 1591.
 sic scripsit Archiepiscopo Capuano: *Il Priore, ed i*
Frati di S. Maria sono stati ragionevolmente posti in
prigione per aver nel Sabbato Santo sciolte le campane,
prima che ciò si fosse fatto nella Metropolitana di V. S.
alla quale, come capo dovevano aver rispetto: e paren-
do, che basti il risentimento fatto, alla ricevuta di
questo Foglio li farà scarcerare, tol far loro una buo-
na monizione: avvertendo però, che non paghino cosa
alcuna per pena, ut refert Thomas Pascucci in
Compend. ad Consultat. Canonic. Jac. Pignatell. par. 2.
sit. de Regularibus, pag. 298. vel 184. juxta edit.
Roman. vel Venet. Ecclesia tamen Parochialis in Diœ-
cesi venit sub nomine Matricis, antè quam idcirco
neque Regulares, neque Confratriæ possunt cam-
panas pulsare in Sabbato Sancto, ut declaravit Sa-
cra Rituum Congregatio sub die 9. Februarii 1608.
apud Gavantum in Man. Episcop. verb. Campana,
sub num. 2. & refert etiam Angelus à Lantusca in
Theatro Regular. sub eod. verb. numer. 3. & dixi in
mea Collectione pro Parochis utriusque Cleri, sub
num. margin. 460. juxta tertiam Patris mei editionem
de Anno 1737. Etiam si Collegiata habeat omnimo-
dam præcedentiam supra Matricem, non potest ta-
men hac die prius pulsare campanas, prout resolvit
eadem Sacra Rituum Congregatio sub die 23. Februa-
rii 1619. ut retuli in alia mea Collectione de Ca-
nonicis Ecclesiæ Cathedralis & Collegiatæ, sub
numer. margin. 530. in secunda editione Paterna de
Anno 1722. & ex me refert etiam La Croix in
Theol. moral. tom. 2. lib. 6. par. 2. tract. 4. sub num.
2055. Decreto 130.

Licet autem in Sabbato Sancto non possint Regulares ante Cathedrali seu Matricem pullare Campanas, hoc tamen fallit, ubi Religiosi ex immemorabili consuetudine semper & continuo consueverint ad libitum campanas pullare, nulla habita ratione, an prius fuerint pullatæ in dicta Cathedrali seu Matrice, quia immemorabilis non est sublata à Constitutione Leonis Decimi *supra citata*, neque à Cæremoniali Episcoporum *lib. 2. cap. 27. §. 23. ut dixit Rota in Ca aguriana Juris pulsandi Campanas 11. Martii 1619. coram Dunozerro*, & postmodum in eadem Causa 17. Februarii 1620. coram Verospio, nec non & iterum in eadem 29. Aprilis 1624. coram Merlino, apud Alcanium Tamburinum de Jure Abbat. tom. 1. disputat. 15. quæsto 7. sub num. 28. & egomet retuli in mea Collectione de Regularibus, tom. 2. sub numer. margin. 2203. Et de facto, quod Cæremoniale Episcoporum non tollat immemorabilem, sæpè declaratum fuit, ut videre est in mea Collectione de Sacris Ritibus sub num. margin. 234. 258. 357. & 1182. Non obstante tamen vi & efficacia immemorabilis consuetudinis, quæ dicitur magistra Probationis ab Ansaldo in *Tranen. Praeeminentiarum*, §. *Immemorabilis*, nihilominus Episcopi, si adversus ea, quæ in Cæremoniali Episcoporum statuta sunt, consuetudinem etiam immemorabilem allegari contingat, postquam recognoverint, aut eam non satis probari, aut etiam probatam suffragari, utpotè irrationabilem, de jure non posse, executioni eorum, quæ in dicto Cæremoniali constituta sunt, diligenter incumbant, nec ulla suspensio aut appellatio admittatur, ut demandat Innocentius XIII. in *Constitut. qua incipit: Apostolici ministerii*, §. 20. edita anno 1723. sub die 13. Maji, apud Urfayam *Discept. Ecclesiast. tom. 3. par. 2. in fine*: quam Constitutionem postmodum ex integro confirmavit Benedictus XIII. in *Constit. qua incipit: In supremo*, emanata anno 1724. 23. Septembris, & habetur in Bullario Romano novissimæ editionis Luxemburgensis tom. 8. par. 2. *Constitut. 1. pag. 472.*

Ad effectum verò dictæ pulsationis Campanarum in Sabbato Sancto, sufficit probare, Ecclesiam esse Parochialem, antiquiorem, digniorem, & majorem, ex quibus concluditur esse Matricem, ut declaravit *Sacra Rituum Congregatio in Sorana sub die 8. Junii 1641. apud Pascuccium in Compend. ad Consultat. Canonic. Jac. Pignat. par. 2. tit. de Regularibus, pag. 299. vel 184. juxta edit. Roman. vel Vener.* Quamvis autem hæc prima Campanarum pulsatio non sit de Juribus merè Parochialibus, spectat tamen ad Ecclesiam digniorem, ad formam Constitutionis Leonis Decimi supra memorata, ut ad nonum Dubium sic respondendum esse censuit eadem *Sacra Rituum Congregatio in Decreto Urbis & Orbis, emanato sub die 10. Decembr. 1703. approbante Clemente Undecimo, sub die 12. Januarii 1704. apud Monacelli in Formular. Leg. Præf. par. 2. tit. 13. formul. 1. sub num. 46. pag. 15. & refert etiam P. Marati tom. 1. par. 2. in Indice, sub numer. 568.* Nondum tamen dato signo majoris Ecclesiæ, eæ tantum interim pulsabuntur eo casu Campanæ, quæ sunt inter parietes Ecclesiæ: & dato deinde signo à Cathedrali seu Matrice, dabitur etiam solemne signum ab omnibus aliis Ecclesiis Loci, cum Campanis majoribus, licet detur longè post Gloria in excelsis, inquit Gavantus tom. 1. par. 4. tit. 10. sub num. 31. lit. h. & ita sentit Piscara in Prax. Cæremoniæ, lib. 3. sect. 8. cap. 5. sub numer. 6. pag. 422. nec non & Bauldryus in Manuali Sacrar. Cæremoniæ, par. 4. cap. 11. artic. 5. sub num. 11. pag. 261. At si Ecclesiæ subjectæ nimis distent à Matrice in Diocesi, possunt ante ipsam Matricem pulsare Campanas, quia nimia distantia eas excusat ab expectatione signi Ecclesiæ majoris, ut respondit *Sacra Congregatio Episcoporum & Regularium in Surrentina sub die 16. Julii 1601. & postmodum in Thelesina sub die 15. Februarii 1622. apud Pascuccium loco supra citato.*

Sed prosequamur Missam solemnem hujus Sabbati Sancti: Completa in Choro Hymni Angelici decantatione, Sacerdos dicit, *Domini vobiscum.* Episcopus

scopus verò surgens sine Mitra, dicit versus Populum, *Pax vobis*: quidquid supponat Durandus in *Ration. Diviner. Officior., lib. 6. cap. 85. sub num. 7. circa fin. pag. mihi 243. à tergo*, ubi ex eo, quòd in hac Missa non datur Pax, putat, quòd Episcopus non dicat *Pax vobis*: & ejus verba sunt sequentia, videlicet: unde fortè hic modus salutationis, scilicet, *Pax vobis*, ab Episcopo in principio hujus Missa non dicitur: Durandi quoque opinioni subscribit Dominicus Macrius in *Hierolexic. verb. Pax vobis*. Sed standum est Cæremoniali Episcoporum, quod talem reverà habet salutationem *lib. 2. cap. 27. de Sabb. Sanct. §. 24. pag. 382*. Postea dicitur Oratio, ex qua infertur, quòd hæc Missa dicebatur antiquitus de nocte, ut supra iunnuimus, nam adhuc in ea retinentur illa verba *sacratissimam noctem*. Unica est, quia unitas Orationis significat solemnitatem. Solus autem Episcopus potest addere secundam pro Ordinandis, si hodie Ordinationes habeat, ut præscribit Pontificale Romanum *par. 1. tit. 2. de Ordinib. conferen. rubr. 20. ubi ita habetur: Si verò Sabbato Sancto Ordinationes fiant, Pontifex dicit Orationem ordinariam, cum alia pro Ordinandis*. At quia Pontificale nihil aliud dicit, dictam secundam Orationem dicendam esse sub unica conclusione tradit Horatius Christianus in *Prax. Pontific. pro maj. Hebdom. sect. 5. de Sabb. Sanct. cap. 14. sub numer. 3. pagin. 468*.

Cantata per Celebrantem Oratione, Subdiaconus cantat Epistolam, qua finita, Sacerdos ter cantat *Alleluja*, in cornu Epistolæ, ut docet Gavantus *tom. 1. par. 4. tit. 10. sub num. 34. cantat, inquam, elevando vocem gradatim: & Chorus stans, post quamlibet vicem, in eodem tono repetit illud idem. Alleluja* Latinæ Lingue peregrinum nomen est, cujus mystecium, veluti quoddam gaudii stillicidium, de divitiis supernæ Hierusalem, primum in mente Patriarcharum & Prophetarum, postea in Apostolorum ora pleniùs per Spiritum Sanctum delapsum est, ait Rupertus Abbas de *Divin. Offic. lib. 1. cap. 35. pag. mihi 43*. Est igitur nomen Hebrai-

Tomus Primus.

Q

cum

cum lætitiā sonans, ideo ab Ecclesia retentum, ut peregrinum ab hac vitā gaudium, peregrinum quoque vocabulum signaret potius, quam exprimeret, inquit Innocentius III. *lib. 2. Myst. capis. 32.* & ex eo Guyetus in *Heortolog. libr. 3. capis. 25. quæst. 4. pagina 227.* Unde utum canendi *Alleluja* in Ecclesia antiquissimum esse probat Baronius in *Notat. ad Martyrolog. Roman. sub die 5. Aprilis, lit. e.* In Cathedrali verò Ecclesia, finita Epistola, Subdiaconus dimisso Libro in manu Cæremoniarii, immediatē accedens ante Sedem Episcopi, clara voce dicat: *Reverendissime Pater, annuncio vobis gaudium magnum, quod est Alleluja:* & statim accedens osculatur ejus manum. Tunc is, cui ex officio id incumbit, vel aliquis Canonicus præintonat Episcopo *Alleluja*, qui surgens sine Mitra ter cantat *Alleluja*, semper elevando vocem gradatim: & Chorus post quamlibet vicem repetit illud idem, ut habetur in Cæremoniali Episcoporum *lib. 2. cap. 27. §. 25. pag. 382.* Et reverā annuntiatur per *Alleluja* gaudium magnum, nam cum sit vox lætitiæ, dum Christo resurgente, resurrectionem Mortuorum esse credimus, nos quoque resurrecturos sperantes, jure gaudemus, quia est lætitiæ cordis nostri materia, ait Rupertus Abbas *lib. 6. cap. 26. pag. mihi 374.*

Post trinam illius lætæ vocis decantationem, nempe *Alleluja*, Chorus prosequitur canendo versiculum *Confitemini*, deinde dicendo Tractum *Laudate Dominum*, ut in Missali: ex quo notandum occurrit, quodd *Alleluja* præcedit Tractum: & ecce gaudium Paschale, sed non plenum, quia Tractus luctum significat: est ergo lætitia in spe proxima, ut ait Gavantus *tom. 1. par. 4. tit. 10. sub numer. 34.* Ex eo autem, quodd dicitur *Alleluja*, est illicd Tractus, Petrus Damianus eorum opinionem refutat, qui solvere jejunium credebant, postquam dictum erat *Alleluja*, ait enim *lib. 6. epist. 35.* per subsequentiem Tractum Missam pœnitentiæ designari: *Missæ*, inquit, *simul Quadragesimalis esse videtur, atque Paschalis, dum postquam Alleluja canitur, mox Tractus, qui Quadragesima propius est, adhibetur, ut refert*

refert Grancolas in *Commentar. ad Breviar. Roman. lib. 2. cap. 71. vers. ex eo, quod, pag. 329.* ubi tamen addit, quod observatio ista non habet locum, nisi postquam hora, & ordo hujus Missæ inversus est.

Ad Evangelium in hac Missa Sabbati Sancti non portantur luminaria, sed tantum incensum: petitur Benedictio, & alia sunt de more. Licet autem non portantur luminaria, stant tamen sine candelabris duo Ceroferarii seu Acolythi manibus junctis à lateribus Subdiaconi, & tunc se signant cum Diacono, ut docet Piscara in *Prax. Cereemoniar. lib. 3. sect. 8. cap. 5. sub num. 10. pag. 423.* Bauldryus in *Man. Sacrar. Cereemoniar. par. 4. cap. 11. art. 5. sub num. 14. pag. 262.* nec non & postremus Sacrorum Rituum Germanus Auctor Joannes Baptista Halden in *Ephemerolog. par. 1. tit. 20. §. 3. vers. Porro, pag. 113.* Non deferuntur autem luminaria, quia ille, qui est lumen, nondum nobis redditus est, quia Resurrectio Christi nondum erat manifesta, imò credebatur adhuc in Sepulchro latere: Incensum tamen fertur in signum, quod Mulieres tulerunt aromata, ut ungerent Jesum: Præterquam quod Orationis affectio, quæ per incensum exprimitur, animis inîrmorum non deerat, sed veritatis lux, quæ per accensa luminaria designatur, eis certitudinaliter non clarebat propter Domini Sepulturam, ait Durandus in *Ration. Divinor. Officior. lib. 6. cap. 85. sub num. 5. pag. mihi 243. à tergo.*

Cum tamen in hoc Evangelio S. Matthæi de Missa Sabbati Sancti dicatur: *Vespere autem Sabbati, qua lucebat in prima Sabbati:* volumus explanare quid sibi velint hæc verba, ne alicui Sacerdoti ca legenti dici possit illud Actuum Apostolorum 8. *Petræ intelligenis, qua legis? & eo magis, quia non sunt verba tam facilis intelligentiæ, nam Cornelius à Lapide in Matth. cap. 28. vers. 1. ait, quod difficilis est hic antilogia: Quomodo enim erat vespere vel vespere, si lucebat, imò, ut Marcus ait, vespere jam Sole? Igitur vespere sive vespere Sabbati erat nox, quæ sequebatur Sabbatum: quæ nox*

lucēscit, id est, terminatur & desinit in lucem, in *prima Sabbati*, id est, mane Diei Dominicæ, quæ prima Dies est post Sabbatum: unde Marcus clarè ita explicat, dicens: & cum transisset Sabbatum. Matthæus autem perstringit tempus, quo convenerunt Mulieres, seseque compararunt omen- do aromata ad visendum & ungendum Christum jam sepultum, quod erat vespera, sive statim trans- acto Sabbato, quò ab hoc opere aliisque juxta Le- gem debuerant quiescere: Voluit quoque indicare tempus, quo ad Sepulchrum venerunt, quod fuit illucescente Die Dominica: unde Rabanus: *vespere venire caperunt, paraverunt enim aromata, sed luce- scente manè pervenerunt.* Et Marcus, qui solet esse interpret Matthæi, sic habet cap. 16. vers. 1. *Cum transisset Sabbatum, Maria Magdalene, & Maria Ja- cobi, & Salome, emerunt aromata, ut venientes unge- rent Jesum: & valde manè una Sabbatorum veniunt ad Monumentum, orto jam Sole.* Dicitur autem *Ves- pere*, qua, & non *Vespere*, qui, nam vespere est adverbium denotans *tardè*, & *serò*, quod tamen in se includit & significat nomen, scilicet vesperam & noctem, ad quam refertur pronomen *qua*. Di- citur denique, in *prima Sabbati*, scilicet die prima post Sabbatum, id est, Die Dominica. Hebræi e- nim à Sabbato utpotè Sanctissimo (magnus enim erat Dies ille Sabbati) denominabant omnes Heb- domadæ Dies: Sic secunda Sabbati, id est, post Sabbatum, erat Feria secunda: tertia Sabbati, erat Feria tertia, &c. Hinc tota Hebdomada vocabatur quoque Sabbatum, ut *sejuno bis in Sabbato*, id est, in Hebdomada, Luca 18. Ita hinc *prima Sabbati* ac- cipi potest prima Dies Hebdomadæ, putà, Domi- nica. Hucusque Cornelius à Lapide.

In Missa hujus Sabbati non dicitur *Credo*, quia nondum Apostoli credebant Resurrectionem Christi, inquit Gavantus *10. 1. par. 4. tit. 10. sub num. 36. lit. i.* Unde illi duo Discipuli, in Castel- lum nomine Emmaus euntes, Christo fuscitato & apud illos formam Peregrini habenti dixerunt: *Nos autem sperabamus, quia ipsa esset redempturus Israel, & nunc*

Et nunc super hac omnia, tertia dies est hodie, quod hac facta sunt: quos Christus reprehendit, dicens: O stulti, & tardi corde ad credendum: & hæc est ratio, propter quam non dicitur hodie *Credo* in Missa. Sed neque dicitur *Offertorium*, quia Mulieres sub silentio ibant cum aromatibus offerendis ad Sepulchrum, ut habet Gavantus loco proxime citato, sub lit. l. & quia latenter venerunt ad Monumentum; oblatio aromatum fuit secreta: ergo earum more Cantores silent, omisso *Offertorio*, ait Durandus in *Ratione Divinorum Officiorum*, li. 6. cap. 85. sub num. 6. pag. mihi 243. à tergo. Finito igitur Evangelio, Sacerdos dicit *Dominus vobiscum*, & postea *Oremus*, & Subdiaconus simul cum Calice defert ad Altare Bursam Corporalium, Bauldryus in *Man. par.* 4. cap. 11. artic. 5. sub num. 14. pag. 26e. *Riscara in Prax.* lib. 3. sect. 8. cap. 5. sub numer. 11. pag. 423. Ad Psalmum tamen *Lavabo* Celebrans addit hac die *Gloria Patri*; quæ diebus præteritis tacebatur.

Præfatio in hac Missa Sabbati Sancti est quidem Paschalis, scilicet, *Te quidem, Domine, omni tempore*, hodie tamen dicitur, sed in hac potissimum nocte: sicuti & in proprio *Communicantes* in ista tantummodò Missa dicitur, & noctem sacratissimam celebrantes: ex quibus patet, hanc Missam fuisse antiquitùs nocturnam, & modò anticipatè celebrari. Post *Communicantes* proprium, habetur etiam propria *Hanc igitur oblationem*: unum spectat ad Resurrectionem, alterum ad Baptismum. Ex hac Missæ anticipatione infert Cardinalis de Lugo, quòd in nocte Nativitatis Domini anticipatur Dies pro illis Sacerdotibus, qui ex Privilegio celebrant ante medinoctium, & verba Auctoris habes supra in Vigilia ejusdem Nativitatis. Ex veteri tamen Ecclesiæ ritu habebat hæc Missa Sabbati Sancti Præfationem ab hodierna diversam, quæ per extensum legitur in Libro Sacramentorum S. Gregorii Papæ, pagina 74. & erat sequens, videlicet: *Verè dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus.*

Te omni quidem tempore , sed in hac potissimum nocte gloriosius collaudare & predicare , per Christum Dominum nostrum : Qui inferorum claustra distrumpens , victoria sua clara vexilla suscepit , & triumphato diabolo , victor à mortuis resurrexit . Et ideo cum Angelis , & Archangelis , &c. Et quia , antequàm Eucharistiam sumeret , Episcopus Benedictionem Populo imperiebatur , sub formula unicuique Festivitati conveniente (ut fusiùs diximus supra in Missa de nocte Nativitatis Domini) benè credimus ad eruditionem extendere sequentem Benedictionem , quæ huic erat Nocti adæquata , scilicet : Dens , qui Ecclesia sua intemerato utero novos populos producens , eam , virginitate manente , nova semper prole facundat ; fidei , spei , & charitatis vos munero repleat , & sua in vos Benedictionis dona infundat . Amen . Et qui hanc sacratissimam noctem , Redemptoris nostri Resurrectionem voluit illustrare , mentes vestras peccatorum tenebris mundatas , virtutum copiis faciat corruscare . Amen . Quo eorum , qui modo renati sunt , innocentiam imitari certetis ; & vascula mentium vestrarum exemplo præsentium luminum illustretis : ut cum bonorum operum lampadibus , ad ejus Sponsi thalamum , cujus Resurrectionem celebratis , cum prædentibus Virginibus intrare possitis . Amen . Quod ipse præstare dignetur , cujus regnum & imperium sine fine permanet in secula sæculorum . Amen . Benedictio Dei Patris , & Filii , & Spiritus Sancti sit semper vobiscum .

Ut autem & aliam ponamus antiquitatem in Præfatione hujus Sabbati Sancti , & non omittamus adhuc vigentem utum alterius Præfationis : sciendum est , quod in Ecclesia Gallicana priscis temporibus propria dicebatur hodie Præfatio , quæ in nihilo concordat cum Gregoriana supra relata , ut videre est apud Mabillonium in Liturg. Gallic. lib. 3. pagina 250. & nos ex eo fideliter transumptam , extendimus sequentibus verbis conceptam , nempe : Dignum & iustum est , æquum & iustum est , nos tibi hic , & ubique gratias agere , tibi laudes dicere , & bestias immolare , & confiteri misericordias tuas , Domine sancte , Pater omnipotens , æterne Dens : Quoniam ma-
gnus

gnus es tu, & faciens mirabilia; tu es Deus solus: Tu fecisti Cælum in intellectu: tu formasti Terram super aquas: tu fecisti luminaria magna, Solem in potestatem Diei, Lunam & Stellas in potestatem Noctis. Tu fecisti nos, & non ipsi nos: opera manuum tuarum non omittas. Tuus est Dies, & tua est Nox: in Die enim mandasti misericordiam tuam, & in Nocte declarasti: quam hodiernis Vigiliis in luminis huius Festivitate celebramus. Hec est enim Nox; salutarium conscia Sacramentorum: Nox, in qua veniam peccatoribus prestat: de veteribus hominibus novos efficit: de senibus effectis maturos reddis infantes, quos in novam creaturam renatos, de sacro Fonte producis. Hæc Nocte in æternum Diem renascentes populi procreantur, Regni Cælestis atria referantur, & beata lege commercii divinis humana mutantur. Hæc est enim Nox illa, quæ facta est in deliciis: in qua maxime delectasti nos, Domine, in factura tua. Nox, in qua inferna patuerunt: Nox, in qua absolutus est Adam. Nox, in qua inventa est dragma quæ perierat: Nox, in qua boni Pastoris humeris reportata est ovis perditæ. Nox, in qua diabolus occubuit, & Sol iustitiæ Christus exortus est: & solutis inferni nexibus, claustrisque confractis, multa Sanctorum corpora, de Sepulchris erumpentia, intraverunt in sanctam Civitatem. O vere beata Nox, quæ sola meruit scire tempus & horam, quæ Christus resurrexit! de qua jam in Psalmo fuerat prophetatum, quia Nox ut Dies illuminabitur. Nox, in qua exorta est resurrectio in æternum. Te enim, omnipotens Deus, Creaturarum Cælestium multitudo, & innumerabiles Angelorum Chori sine cessatione proclamant, dicentes: Sanctus, Sanctus, Sanctus. Altera verò Præfatio, quæ nostris etiam temporibus in Missa Sabbati Sancti cantatur, est illa Ambrosianorum, ex quorum particulari Missali Mediolani impresso de verbo ad verbum desumpsimus, & hoc proprio loco à paucis visam, & multis forsitan gratam volumus modò ponere, in nonnullis cum Romana concordantem, in aliquibus verò diversam, & est ea, quæ sequitur: videlicet: Verè dignum & iustum est, æquum & salutare, nos te quidem, Domine, omni tempore benedi-

tere : sed in hac potissimum nocte profusius exultantibus animis predicare , cum Pascha nostrum immolatus est Christus . Ille enim verus est Agnus , qui abstulit peccata Mundi . Qui mortem nostram moriendo destruxit , & vitam resurgendo reparavit . Unde profusis gaudiis , totus in orbe terrarum Mundus exultat . Sed & superna virtutes , & Angelica concinunt potestates hymnum gloria tua perpetim , sine fine dicentes .

Dicitur quidem in hac Missa de Sabbato Sancto *Pax Domini sit semper vobiscum* , sed pacis osculum non datur , quia nondum Christus resuscitatus dixerat Apostolis *Pax vobis* ; inquit Gavantus *tom. 1. par. 4. tit. 10. sub num. 37. lit. m.* Non dicitur hodie *Agnus Dei* , quia Christus nondum credebatur Redemptor Animarum ad tollenda peccata Mundi , Horatius Christianus in *Prax. Pontific. pro maj. Hebdom. sect. 5. de Sabb. San. cap. 17. in fine , lit. f. pag. 495.* dicuntur tamen tres consuetæ Orationes ante Communionem . Nemo regulariter communicat in hac Missa , excepto Celebrante , & iis , qui sub hac Missa ad Sacros Ordines promoventur , si Episcopus hodie habeat Ordinationes , ut notat Halden in *Ephemerolog. par. 1. tit. 20. §. 3. de Sabb. San. pag. 114.* Et revera , quia in hac Missa non communicabant , non dicitur hodie *Postcommunio* : est enim Missa noctis : & neque temporibus nostris faciendam esse in hac Missa Communionem Populi , sed tamquàm abusum omittendam , tenet Dominius Macrius in *Hierolexic. verb. Communio* . Post sumptionem SS. Sacramenti , Celebrans non deponit Castam , ut assumat Pluviale , quia non est finita Missa , nam terminat hodie cum Vesperis , Gavantus loco citato , *sub numer. 39. lit. p.* Dignior igitur de Choro præintonat Antiphonam *Alleluja* pro Vesperis , quam ipse Chorus prosequitur , & deinde alternatim cantat integrum Psalmum *Laudate Dominum omnes gentes* , cum *Gloria Patri* in fine , & postea repetitur eadem Antiphona : quæ omnia dicuntur à Celebrante in cornu Epistolæ . Capitulum , Hymnus , & Versus non dicuntur , sed statim Celebrans incantu incipit Antiphonam ad Magnificat

gnificat *Vespere autem Sabbati*, quam prosequitur Chorus: deinde cantatur *Magnificat* cum *Gloria Patri* in fine.

Repetita Antiphona; Celebrans, præmisso *Dominus vobiscum*, cantat Orationem *Spiritum nobis, Domine, &c.* deinde iterum repetit *Dominus vobiscum*: & Diaconus vertens se ad Populum cantat, *Ite missa est, alleluja, alleluja*, respondente Choro, *Deo gratias, alleluja, alleluja*: & Sacerdos, dicto *Placeat tibi, sancta Trinitas*, dat Benedictionem more solito, & lecto Evangelio S. Joannis, omnes læti recedunt, Dominicæ Resurrectionis gaudia mutuo sibi annunciantes, Piscara in *Prax. lib. 3. sect. 8. cap. 5. sub num. 19. pag. 423.* Bauldryus in *Man. par. 4. cap. 11. art. 5. sub num. 20. pag. 262.* Halden quoque loco *supra citato*. Completis Vesperis extinguuntur illæ tres candelæ, quæ sunt in arundinæ positæ, non enim ultra has Vesperas ardere debent, alioquin gratis ardebunt, & sine causa, ait Gavantus *dict. titul. 10. sub numer. 50.* & cum eo etiam Bauldryus *sub num. 21.* nec non Halden *dict. §. 3. pag. 115.* & ideo arundo est amovenda, Hippolytus à *Portu de cultu Dei, & Homin. par. 3. cap. 3. art. 4. in fine, pag. 327.* Hoc tamen loco notandum est, quodd in Ecclesiis, tam Parochialibus quàm non Parochialibus, ubi deest numerus Cantorum, non potest celebrari in Sabbato Sancto unica Missa privata, loco solemnisi, ut in eisdem Ecclesiis fiat Benedictio tam Luminis & Cerei, quàm Aquæ, attentis maximè Decretis 11. Februarii & 11. Martii 1690. prohibentibus celebrationem Missarum privatarum, & unicam tantum Missam Conventualem, unà cum Officio Sabbati Sancti celebrari præcipientibus, ut respondit Sacra Rituum Congregatio in *Januen. anno 1697. sub die 13. Julii*, apud P. Merati in *Addit. ad Gavant. tom. 1. par. 2. in Indice, sub num. 515.*

In Cathedrali verò Ecclesia, Episcopus, facta post Communionem purificatione, lavat manus, reedit ad Altare, & Chorus incipit *Alleluja* pro Vesperis, Episcopo sedente. Ad *Magnificat*. Subdiaconus præ-

into-

intonat ei Antiphonam, quam surgens repetit: deinde sedet cum Mitra, & imponit incensum more solito. Cum inchoatur *Magnificat*, Episcopus descendit ad Altare, & deposita Mitra, facit Cruci reverentiam, osculatur Altare, & illud incensat: mox revertitur ad Sedem, & incensatur ipse, & alii more solito: & ipse stans sine Mitra, expectat finem Cantici *Magnificat*. Cum repetitur Antiphona, sedet, accepta Mitra: & ea finita, descendit ad Altare, dicit *Dominus vobiscum*, & Orationem, & Diaconus *Itē missa est* cum duplici *Alleluja*: Datur Benedictio, & publicantur Indulgentiæ, ut alias: Ita Cæremoniale Episcoporum lib. 2. cap. 27. à §. 26. usq. ad fin. illius cap. Pragæ verò in Bohemia additur tertium *Alleluja* in fine hujus Missæ, seu ad *Itē Missa est* in Metropolitana ex immemorabili illius Basilicæ consuetudine, ut mihi dictum fuit à quodam Pragensi, sed hoc est tamen extra Ritus Romanum, cum juxta illum duo tantum sint dicenda.

In privata tamen Vesperarum recitatione, dicto *Pater noster*, & *Ave Maria*, Vesperæ inchoantur absolute ab Antiphona *Alleluja*, cum reliquis ut supra, & loco *Itē missa est*, *alleluja*, *alleluja*, dicitur versiculus *Benedicamus Domino*, *alleluja*, *alleluja*, cum suo responso Deo gratias, *alleluja*, *alleluja*: deinde additur *Pater noster*, & nihil aliud. Ad Completorium autem dicitur *Iube Domine*, Lectio Brevis, *Fratres Sobrii esto*, Versiculus *Adjuvatorum nostrum*, ac etiam *Pater noster*, & facta Confessione, & Absolutione, dicitur versiculus *Convertite nos, Deus*, Versiculus *Deus in adjutorium cum Gloria Patri*, & amplius non dicitur *Laus tibi, Domine, Rex æterna gloria*, sed ejus loco deinceps dicitur *Alleluja*. Deinde sine Antiphona dicuntur Psalmi consueti. Capitulum, Versiculus, & Hymnus non dicuntur. Ad *Nunc dimittis*, Antiphona *Vespere autem Sabbati*, ut supra in Vesperis: sed Gayantus tom. 2. sect. 6. cap. 13. sub num. 28. advertit, quòd dicta Antiphona ad Canticum Completorii dicenda est ad modum ritus semiduplicis, ita ut ante Canticum inci-

* incipiatur dumtaxat, & post Canticum integra recitetur: quod & habet Bauldryus in *Mæn. Sacrar. Caremoniar. par. 4. cap. 11. art. 5. sub num. 22. pag. 263.* ac etiam Halden in *Ephemerolog. par. 3. titul. 20. §. 3. in fine, pag. 118.* Post dictam Antiphonam *Vespere autem Sabbati*, dicitur consueta Oratio *Vista, quasumus, Domine*, & in fine Antiphona *Regina Cæli*, quæ dicitur stando, ut docet Rubrica Brevariarii hoc loco, quia non flectuntur genua toto tempore Paschali: sed hoc intelligitur de Oratione, non de Adoratione, quæ semper fit cum genuflexione, sequitur Gavantus loco supra citato. Qui tamen intendit lucrari Indulgentiam a Benedictio Decimotertio sub die 14. Septembris 1724. concessam recitantibus Orationem *Angelus Domini*, &c. manè vel meridie vel vespere ad pullationem campanæ, debet necessariò etiam hoc tempore Paschali genuflectere: nec acquiritur dicendo ejus loco Antiphonam currentem *Regina Cæli*, ut supposita tali Indulgentia, dicit & verum dicit Bissus in *Hierurg. tom. 2. verb. Signum Salutationis Angelica*, sub num. 162. §. 4. pag. 469.

Quia verò Rubrica Missalis circa finem Benedictionis Fontis in Sabbato Sancto, sic habet: *Interim unus ex Ministris Ecclesie accipit in vase aliquo de eadem aqua, ad aspergendum in Domibus, & aliis Locis: ideo hodie Parochus, seu alius Sacerdos Superpelliceo & Stola alba indutus, cum Ministro deferente vas Aquæ ex Benedictione Fontium ante perfusionem Chrismatis acceptæ, visitat Domos suæ Parochiæ, aspergens eas eadem Aqua benedicta, dicendo Preces, ut in Rituali Romano tit. de Benedictionib. Non tamen placet ratio Baruffaldi in Commentar. ad ipsum Rituale tit. 57. sub num. 10. pag. 265. ubi ait, quòd hodie non adimpletur iste ritus quoad Diem & quoad Aquam, quia cum Parochiæ sint ut plurimum vastæ, nec unà die circui commodè possint, anticipatio videtur quasi necessaria, cum Aqua Lustrali consueta, quia illa de Benedictione Fontis nondum consecrata est: nam sic defraudatur mens Pontificis in Rubricis Missalis & Ritua-*

Ritualis, qui vult ut Domorum Benedictio fiat hac Die, & cum Aqua Fontis: & intelligendum venit de tot Domibus, per quot hodie fieri potest: quapropter potius sentio de postpositione, non de anticipatione: unde si hac eadem die non possunt omnes Domus benedici, benedicantur reliquæ in primo vel secundo die post Dominicam Resurrectionis, juxta usum Lusitaniæ, cum Barbosa *de potest. Paroch. par. 1. cap. 12. sub numer. 11.* Si enim Parochi volunt suum commodum expectare, expectent illud potius à parte post, cum Aqua præceptiva Fontis; non verò à parte ante, sine tali Aqua: & sic adimplebitur mens Pontificis volentis, ut fiat Benedictio Domorum cum Aqua Sabbati Sancti: nam hujusmodi aspersiones in hoc Sabbato post factam Fontis benedictionem, in Italia fieri solitum esse, ipse testatur Barbosa *loco proxime citato*, & tamen uti Episcopus satis erat de Parochiarum vastitate conscius.

Ritus autem benedicendi Domos, originem ducit à mandato Christi, quo jussit Apostolis, ut inquamcumque Domum intrassent, primum dicerent *Pax huic Domui*, quibus verbis Benedictio continetur: nec dubium, quin Apostoli id exactè observaverint, aliisque commiserint, ut idem successivè facerent: & ideo Ecclesia Benedictionem incipit ab iisdem verbis. Renovatur tamen quotannis hæc Domorum Benedictio in Sabbato Sancto, ut si ex malitia habitantium maligni spiritus ibi fixerint sedem, virtute Benedictionis, & Resurrectionis Christi expellantur, sicuti à Christo triumphante in sua Resurrectione Princeps hujus Mundi ejectus est foras, ait Quartus *tit. 3. de Benedict. fest. 10. prælud. 1. c. 2. pag. 164. juxta edit. Venet. de Anno 1727.* Hæc verò Domorum Benedictio ita est propria Parochi, ut nequeat ab aliis fieri, nam in Rituali Romano designatur Parochus: & quamvis ibi addatur, *vel alius Sacerdos*, intelligi debet de licentia Parochi, ne Jura Parochorum violentur: unde Barbosa *de potest. Parochi, par. 1. cap. 12. sub num. 11.* dicit, quòd cum aspersiones Domorum in die Sabbati Sancti in-

ter Functiones Parochiales connumerentur, spectant
solum ad Parochos privative quoad alios Ecclesiæ
Clericos. Quapropter Sacra Concilii Congregatio
sub die 23. Novembris 1619. censuit, non posse Re-
gulares in Sabbato Sancto benedicere Domos Lai-
corum, ut refert Gavantus in Man. Episcopor. verb.
Regularium jura sub Episcopo, in additione, sub num.
5. & egomet retuli in mea Collectione de Parochis
utriusque Cleri, sub numer. margin. 602. juxta ter-
tiam editionem Paternam de Anno 1737. Imò cum
Curati Civitatis & Diœcesis Bononiensis humiliter
supplicassent eidem Sacræ Congregationi Concilii
inter alia declarari: An Regulares possint benedicere in
Hebdomada Sancta Domos Diœcesis, eo quia hoc est of-
ficium Curati, ut legitur in Rituali Romano? eadem
Sacra Concilii Congregatio ad decimumquartum
Dubium sub die 2. Julij 1620. respondit, Non posse:
ut citata referentium caterva, dixi in mea Colle-
ctione de Regularibus, tom. 2. sub numer. margin.
2073. pag. 345. Ubi denique fieri solet Benedictio
Mensæ, ut præcipue inter Claustrales, pro Sabba-
to Sancto habetur specialis Benedictio per Versicu-
lum Vespere autem Sabbati, cum reliquis, ut in fine
Breviarii: & quia hodie variatur, hæc Benedictio,
& pro hodierna dñe dumtaxat inservit, ideo eam,
notat etiam Halden in Ephemerolog, par. 1. tit. 20,
§. 3. de Sabb. San. pag. 117.

S. IV.

*De quibusdam scitu dignis, ad
Sabbatum Sanctum spectan-
tibus, extra tamen
Functiones Diei.*

TRes mihi obviam veniunt Dubitationes ad hoc Sabbatum Sanctum extra Officium Diei pertinentes, quæ hoc loco ea, qua poterimus claritate sunt resolvendæ. *Prima* scilicet, an hodie cantari possit Missa de Festo occurrente & transferendo, ubi quid agendum de Festo præceptivo alicubi in hanc Diem incidente, & quid de Votivis solemnibus? *Secunda*, an possit hodie cani Missa cæteroquin privilegiata pro Defunctis in Die Obitus, præsentem Corpore? *Tertia* denique, an celebrari hodie queant Missæ privatæ de Die? Quoad primam igitur primæ Dubitationis partem, absolute respondendum est negativè, siquidem ælubrica Missalis rit. 16. de *translat. Festor.* excipit clarè & disertis verbis totam Hebdomadam majorem circa Missam cantandam de Festo occurrente & transferendo, licèt sit de Titulari Ecclesiæ, vel soleat concurrere Populus ad illud celebrandum: sed inter Hebdomadam majorem connumeratur Sabbatum Sanctum: ergo in Sabbato Sancto non potest cani hujusmodi Missa: Quare si hoc Sabbatum occurrat die vigesima septima Martii, ut in *Tabula septima Ordinis perpetui*, Salisburgi propè Comitatum Tyrolensem hodie non canitur Missa de Sancto Ruperto Confessore Pontifice, primario illius pulcherrimæ Urbis à me libenter olim Visæ Patrono: Si incidat in diem quintam Aprilis, ut in *Tabula decima sexta*, Perusiæ in Statu Ecclesiastico hodie non cantatur Missa de Dedicatione Ecclesiæ Cathedralis:

lis: Si denique Sabbatum Sanctum veniat die vigesima quarta ejusdem Aprilis, ut in *Tabula hujus Anni 1734. in quo scribo, trigesima quinta*, Ferrariæ in eodem Statu Ecclesiastico non canitur hodie Missa de S. Georgio Martyre Titulari illius Ecclesiæ Cathedralis, ibi occurrente dicta die, non verò die vigesima tertia, ut in Ecclesiâ Universali,

Quoad verò secundam primæ Dubitationis partem, si in Sabbato Sancto occurrat Festum Annunciationis Beatæ Mariæ Virginis, cui annexum est præceptum audiendi Missam & vacandi ab operibus servilibus, nihil hac die fit de eo, sed unà cum præcepto transfertur ad Feriam secundam post Dominicam in Albis, protracto ad aliam diem quocunque alio Festo in ea occurrente, quod non sit altioris ritus, ut decrevit *Sacra Rituum Congregatio, approbante Alexandro Octavo sub die 11. Februarii, & 11. Martii 1690. ita in Bullar. Roman. novissimæ editionis Luxemburgensis, tom. 9. par. 1. post Constit. 21. pag. 72. & ex meâ Collectione de Sacris Ritibus tradit La Croix in Theolog. moral. tom. 2. lib. 6. par. 2. tract. 4. sub num. 1055. Decreto 296. An verò idem dicendum de Patrono principaliori Loci affixum habente tale præceptum audiendi Missam & vacandi ab operibus servilibus, si alicubi incidat in Sabbatum Sanctum? Primo intuitu videtur respondendum affirmativè, nam ubi militat eadem ratio, eadem regula sequenda est. At revera negativa pars est firmiter tenenda: siquidem est Privilegium specialiter Annunciationi concessum: quod autem conceditur per Privilegium, sine illo fieri non potest, leg. *Jus singulare 15. ff. de leg. Baldus consil. 281. sub num. 7. lib. 5. ideoque casus specialis non traditur in exemplum.**

Unde hoc Anno 1734. in quo scribo, Ferrariæ concessa fuit facultas transferendi etiam cum Octava Festum præceptivum S. Georgii Martyris Patroni principalis, ibidem die Aprilis vigesima quarta Occurrentis, & ideo in Sabbato Sancto, & Decretum anticipatè emanatum sub die 23. Augusti 1732. est tenoris sequentis, videlicet: *Ferrarien.,... Porre-*
dis

321

324

Elis in Sacra Rituum Congregatione non minus Eminen-
 tissimi & Reverendissimi D. Cardinalis Russe Episcopi,
 quàm humillimis Capituli Cathedralis Ferraria instan-
 tiis, pro translatione Officii & Missa cum Octava, San-
 cti Georgii Martyris, illius Civitatis & Diœcesis Pro-
 fectoris Principalis, ac prefata Cathedralis Titularis, in
 Hebdomada majori occurrentis, supplicantium, eisque
 relatis: Sacra eadem Congregatio dictum Officium,
 quando in Hebdomada majori occurrat, ad Feriam ter-
 tiam post Dominicam in Albis, in Civitate & Diœcesi
 prædictis, unà cum Octava, juxta petita transferendum
 esse benignè concessit. Die 23. Augusti 1732.... A. T.
 Card. Zondadari Pro-Prefectus.... N. M. Ted. Archiep.
 S. R. C. Secret. Unde benè in Calendario Ferra-
 riensi hujus Anni 1734. adnotatum fuit die quarta
 Maji, quæ fuit FERIA illa tertia in Decreto assigna-
 ta, Festum Sancti Patroni, cum translatione S. Mo-
 nicæ Viduæ eà die occurrentis. At si in aliqua Ec-
 clesia illius Civitatis vel Diœcesis occurrisset De-
 dicatio propria, Festum S. Georgii fuisset in ea
 ultèrius transferendum, & celebranda Dedicatio,
 juxta Gavantum tom. 2. sect. 3. cap. 8. sub numer. 7.
 Patet ex dictis, quòd ubi non habetur speciale
 quoad hoc Privilegium, Festum Patroni principalis
 in Sabbato Sancto occurrentis, transferendum est
 juxta Rubricas Breviarii: ideoque Genuæ in Ligu-
 ria, ubi casus idemmet Ferrariensis*, quia nullum
 obtentum fuit Privilegium determinatæ translatio-
 nis cum affixione Diei post Dominicam in Albis,
 & cum Octava, translatum fuit Festum S. Georgii
 Martyris Patroni Principalis, quòd hoc eodem An-
 no 1734. occurrebat in Sabbato Sancto, ad Diem
 undecimam Maji omninò liberam juxta Rubricas,
 ut clarè patet ex Calendario ejusdem Anni, quòd
 modò præ manibus habeo, & sub oculis teneo: ex
 quo legitime inferitur, quòd in hujusmodi casibus
 tot debent esse specialiter privilegiatæ Ecclesiæ,
 quot sunt casus similes.

Quoad denique tertiam primæ Dubitationis par-
 tem: quid scilicet agendum de Missis Votis solem-
 niter celebrandis, & in Sabbato Sancto occurren-
 tibus?

ribus? Non esse hodie cantandas respondendum est, licet pro re gravi, ut bene notat Gavantus *tom. 1. par. 4. tit. 10. sub numer. 45.* & ratio est, quia si non potest cantari de Festo occurrente, (ut supra diximus) quod certè aliquid habet juris in sua die, multo minus cantari poterit Votiva, quæ est inferioris occurrentiæ respectu Festi eadem die venientis & ritum specialiter habentis primæ classis. Et reverà cum in Congregatione Vallisoletana Ordinis Sancti Benedicti Hispaniarum adesset immemorabilis consuetudo cantandi singulis diebus Missam Votivam de Beata Virgine, dum tamen supplicatum fuit pro confirmatione, Sacra Rituum Congregatio sub die 19. Novembris 1633. approbavit quidem, quibusdam tamen exceptis diebus, inter quos tota reperitur Hebdomada major, & consequenter Sabbatum Sanctum, ut retuli in mea Collectione de Regularibus, *tom. 2. sub num. margin. 2620. pagin. 337.* Sed & clarè patet ex eo, quòd neque in eadem Ecclesia, in qua duo adsunt Capitula Missam solemnem quotidie diversis horis celebrantia, possunt cantari duæ Missæ de die in Sabbato Sancto: ut pro Ecclesia S. Ambrosii Mediolanensis, in qua sunt duo Collegia, unum Canoniorum Sæcularium, alterum verò Monachorum Cisterciensium, decrevit Urbanus Octavus in Bullar. Roman. *tom. 5. Constitut. 151. qua incipit: Gregis Dominici, emanata anno 1630. sub die 7. Decembris*, quòd licet quotidie ibi cantentur duæ Missæ, una post alteram ab unoquoque Capitulo, attamen in Sabbato Sancto una tantum canatur à Capitulo, cui contingit per turnum, ut dixi in mea Collectione de Canonicis, *sub num. margin. 717. juxta secundam editionem Paternam de Anno 1722.* Et confirmatur ex duobus Decretis Sacræ Rituum Congregationis supra citatis & editis sub diebus 11. Februarii. & 11. Martii 1690. in quibus translato Festo Annunciationis occurrente in Sabbato Sancto ad Feriam secundam post Dominicam in Albis, sic postea dicitur: & *nica tantum Missa Conventualis una cum Officio ejusdem Sabbati Sancti celebretur; ergo nulla alia Missa*

Tomus Primus, R Voti.

Votiva canenda est: quod clariùs dixit *Clemens Undecimus in Const. 17. edita anno 1712. sub die 15. Martii, in suo particulari Bullario, tom. 2. ubi reverà sic habetur: Sanctissimas Suas non intendis, quòd in Sabbato Sancto celebratur alia Missa, sed solum Conventualis.*

Circa secundam Dubitationem: An in Sabbato Sancto cani possit Missa pro Defunctis in Die Obitus, præsentè Corpore? Ad hoc Dubium absque dubio respondet affirmativè Pasqualigus de Sacrific. nov. Leg. tom. 1. quæst. 286. ubi sic argumentatur: Rituale Romanum excipit tantum magnam Diei celebritatem: sed hæc magna celebritas non occurrit in Sabbato Sancto: ergo in Sabbato Sancto potest celebrari solemniter pro Defunctis in Die Obitus. Sed huic Pasqualigi argumento videtur neganda minor. Quomodo enim non occurrit magna celebritas in Sabbato Sancto, in quo Officium est duplex primæ classis? in quo verè incipit Octava Paschæ? in quo sit illa tam solemnis Cerei & Fontis Benedictio? in quo ipse Episcopus celebrat, qui ex Cæremoniali Episcoporum celebrat dumtaxat in solemnioribus Anni Festivitatibus? Sabbatum igitur Sanctum firmiter tenendum est pro una ex illis magnis celebritatibus, quas ob stare dicit, & ideo excipit Rituale præfatum *tit. de Exequiis, sub rubric. 5.* Attamen hodie contra Pasqualigum clarè patet hæc veritas ex tribus supra relatis Decretis Alexandri Octavi, & Clementis Undecimi, in quibus omnibus specificè præscribitur *una tantum Missa Conventualis*, ubi sub nomine unius intelligitur exclusa quæcumque alia Missa solemnis, etiam pro Defunctis in Die Obitus. Præterquam quòd, cum Officium Sabbati Sancti sit duplex primæ classis, omnia huiusmodi duplicia obstant prædictæ Missæ, ita ut cantari non possit in Die Obitus, etiam præsentè Corpore, ut declaravit *Sacra Rituum Congregatio in Collen. sub die 5. Julii 1698. ad 8. Dubium:* quam resolutionem, unà cum nonnullis aliis eodem die emanatis, ego Domi retineo in forma authentica, cum magno Sigillo, & cum subscriptione de propria manu Illustrissimi D. Secretarii: & etiam retuli

retuli in mea Collectione de Sacris Ritibus *sub num. margin.* 1117. pag. 370. juxta editionem Paternam de Anno 1730. ac tradit etiam P. Merati *tom. 1. par. 2. in Indice, num. 525.* Dubitari tamen potest, an patrum mores Durandi sint amplius retinendi, ita ut data occasione Sepulturæ, sit cantanda in hoc Sabbato Missa pro Defuncto, præsentè Corpore, ut sentit Gavantus *tom. 1. par. 1. tit. 5. lit. X.* Sed cum majores Anni celebritates ad exclusionem hujusmodi Missæ, sint ex dictis omnia duplicia primæ classis, & Sabbatum Sanctum sit unum ex dictis duplicibus, videtur nova Lex servanda, etiam ubi viget consuetudo sepeliendi Defunctos simul cum Missa: nec video oriri scandalum à Gavanto suppositum, si in hoc Sabbato Sancto sepeliatur Cadaver sine Missa solemni in Die Obitus: Lex enim tollit scandala, non introducit.

Circa tertiam, & ultimam Dubitationem, scilicet: An celebrari possint in Sabbato Sancto Missæ privatæ de Die? Negative respondendum est, & firmissimè tenendum nullo modo posse celebrari: id etenim absolutè & expressè prohibet Alexander Octavus in prælaudatis duobus Decretis de die 11. Februarii, & 11. Martii 1690. in quibus sic clarè habetur: *In Sabbato Sancto celebrationes Missarum privatarum omninò prohibeantur in quibuscumque Ecclesiis, & Oratoriis privatis, non obstante quacumque contraria consuetudine.* Et Clemens Undecimus postmodum confirmavit, nam in Edicto Urbis emanato sub die 15. Martii 1712. ita servari præcepit: *Sanctissimas Suas non intendit, quòd in Sabbato Sancto celebrentur Missæ privatæ:* Licet autem in Decreto Sacræ Rituum Congregationis edito sub die 17. Novembris 1607. inter specificam Festorum solemniorum exceptionem pro Oratorio privato Indultum Apostolicum habente non connumeretur hoc Sabbatum, ut videre est in mea Collectione de Sacris Ritibus *sub num. margin.* 293. ubi pluribus citatis illud refero: attamen ex nova Lege exceptum intelligitur, & diebus in eo contentis superadditum. Ex prædictis ergo tribus Decretis uniformiter & clarè prohibitionem

Missarum privatarum exprimentibus, corrui nonnullorum Auctorum opinio, constanter tenentium, posse in prædicto Sabbato Sancto celebrari Missas privatas de Die: inter quos, citata Doctorem catterva, est Pasqualigus de *Sacrific. nov. Leg. tom. 1. tract. 1. quest. 338.* ubi non solum admittit Missas privatas secretò, sed etiam publicè: & *quest. 360.* iterum publicè admittit, si in Sabbato Sancto occurrat Festum Annunciationis Beatæ Mariæ Virginis, in quò casu non Votivam, sed de Die tenet esse dicendam: sed quoad hoc non est amplius audiendus. Imo dato, quòd in aliqua Ecclesia adesset Altare Privilegiatum pro Defunctis in qualibet Anni Sabbato, certè in Sabbato Sancto Privilegium cessaret, quia non dicuntur Missæ privatæ de Die:

Diximus supra, & probavimus, quòd in Sabbato Sancto non potest cantari Missa Defunctorum in Die Obitus, utcumque urgeat præsentia Corporis in Ecclesia. Nunc remanet videndum, an sepeliendi sint Defuncti hac die. Mihi, ut verum fageat, videtur, non esse hodie aperienda sepulchra: sed si necessitas cogat, reponi debent Cadavera in remotiori Ecclesiæ loco, ibique, & non in publico Choro Officium sine cantu erit recitandum, juxta sequens recentissimum Decretum Sacræ Rituum Congregationis, emanatum in *Placentina*, anno 1736. *sub die 11. Augusti*, ubi sic resolutum fuit, nempe: *In secundo triduo majoris Hebdomadæ non possunt celebrari Exequia Defunctorum: & Officium, & Preces recitentur privatim: sed in dicto secundo triduo includitur, ut clare patet, Sabbatum Sanctum: ergo in Sabbato Sancto Cadaver est sepeliendum privatim, non publicè, quia nec publicè cantandum est Officium pro illo Defuncto. In Exequiis verò Parvulorum in Feria quinta, & sexta, & Sabbato Sancto dictæ majoris Hebdomadæ potest omitti Gloria Patri in Psalmis, qui dicuntur, pro conformitate temporis, in quo Gloria Patri tacetur, ut hisce præcis verbis respondit eadem Sacra Rituum Congregatio in Hispalen, anno 1677. sub die 16. Januarii: utrum-*

utrumque enim Decretum refert Reverendissimus
P. Cajetanus Maria Merati, ejusdem Sacræ Rituum
Congregationis Consultor, in *Addit. ad Gavanti.*
tom. 1. par. 2. in Indice, sub num. 451. & 690.

S. V.

De Die Sancto Paschæ Resur-
rectionis Domini Nostri
Jesu Christi.

PAUCA occurrunt dicenda in hoc Festo, inquit 327
Bauldryus in *Man. Sacrar. Cæremoniæ, par. 4.*
cap. 12. sub numer. 1. pag. 265. Pauciora verò
habet Piscara Castaldus in *Præx. Cæremoniæ, lib. 3.*
sect. 9. cap. 1. sub num. 1. pag. 429. Gavantus itidem
breviter se expedit, tam de *Missa tom. 1. par. 4.*
tir. 11. quàm etiam de Officio tom. 2. sect. 6. cap.
14. Ego verò prolixior ero; nam si magno & sin-
gulari studio ista à nobis est colenda Festivitas,
quæ omnium Ecclesiasticarum Solemnitatum Sole-
mnissima prædicatur, non video quomodo tam re-
strictè disserendum sit de ea. Sanè tam jucundam
Solemnitatem, tam miram veri Luminis clarita-
tem, tam splendidam Gratiæ celsitudinem, omnis
sexus agnoscere, omnis ætas in mente habere, o-
mnis debet conditio suscipere: Nescire enim, cala-
mitatis: non habere, captivitatis: non diligere,
damnationis: Siquidem Paganus, quia nescit, mi-
ser est: quia non habet Judæus, captivus est: dam-
natus est Hæreticus, quia non diligit, ait Ruper-
tus Abbas de *Divin. Offic. lib. 6. cap. 27. de Pascha,*
pag. mibi 377. Ut igitur Ecclesia nobiliorem induit
apparatum, cum religiosa Altarium pompa, ac de-
centi illuminatione, ita & Populus in sua quisque
Parochia debet hodiè frequens adesse ad Divinorum
auditionem Officiorum, invitatus à Regio Prophe-

ta Psalm. 117. versic. 26. *Constituize Diem solemnem in condensis* (id est, in frequentationibus, seu in multitudine) *usque ad cornu Altaris* : ne Jeremias suas renovet lamentationes, eo quod non sint, qui veniant ad Solemnitatem . Ut igitur absque alia mora incipiamus ab hodierno Officio : Dies Sanctus Paschæ, seu Dominica Resurrectionis Domini Nostri Jesu Christi, celebratur sub ritu duplici primæ classis in colore albo, & annexum habet præceptum audiendi Missam, & vacandi ab operibus servilibus. Nul- lum Officium est isto dignius, & ideo quodcumque aliud hac die occurrens, etiam duplex primæ clas- sis quavis solemnitate celebrandum, transfertur in primam diem non impeditam post Dominicam in Albis, & quidem sine Octava, nisi specialiter sit alicui Ecclesiæ vel Religioni etiam in hoc casu concessa : Et ideo si Pascha incidat in diem vigesi- mam quintam Martii, ut in Tibula quarta Ordinis perpetui, Camerini in Marchia Anconitana trans- fertur Festum Annunciationis Beatæ Mariæ Virgi- nis Titulare illius Ecclesiæ Cathedralis, & conse- quenter duplex primæ classis : Si verò veniat die decimatertia Aprilis, ut in Tabula vigesimatertia, Ravennæ in Romandiola transfertur Festum duplex primæ classis de Dedicatione Ecclesiæ Majoris : Si autem Pascha occurrat die vigesima quinta ejusdem Aprilis, ut in Tabula trigesima quinta hujus Anni 1734. in quo scribo, Venetiis transferetur Festum S. Marci Evangelistæ nostri præcipui Patroni, quodd ideo ritu duplici primæ classis est decora- tum.

Piscara *diff. cap. 2. sub numer. 2. pag. 429.* no- tat, quodd Matutinum pro die Paschæ solemniter celebratur ante Auroram, qua hora surrexisset Dominum Nostrum Jesum Christum credimus. At- tamen quoad hoc potest esse praxis aliquarum Re- ligionum, sed non omnium Ecclesiarum : Unde di- ctus Piscara in Cæremoniali suæ Religionis *libr. 3. cap. 20. sub num. 1. pag. 195.* advertit suos, ut in die sancto Paschæ ad Matutinum pulsetur pauldan- te Auroram, ut de more illorum Religiosorum, non

non verò de ritu universali . Quapropter Bauldryus *diff. cap. 12. sub num. 1. pag. 265.* non loquitur absolute , sed dicit decere , ut Matutinæ solemniter saltem ante Auroram celebrentur . Commendo nihilominus hunc morem , sed nullam circa hoc invenio Rubricam , & certè Gavantus nullibi mentionem facit , quem scio vidisse Piscaram , dum non semel eum citat . Habet tamen Matutinum hodiernum aliquas singularitates , per quas distinguitur à consueta ejus recitatione . Præmissis etenim *Pater noster* , atque *Ave Maria* una cum *Credo* , nec non *Domine , labia mea aperies* , sicuti etiam *Deus in adjutorium* , cum *Gloria Patri* , & *Alleluja* , incipitur quidem à lætitia Resurrectionis in Invitatorio dicendo , *Surrexit Dominus verè Alleluja* , sed non dicuntur Hymni , neque per Octavam , ob rationem allatam à Durando in *Ration. Divinor. Officior. lib. 6. cap. 87. sub num. 2. pag. mihi 247. à tergo* , quem sequitur Gavantus *tom. 2. sect. 6. cap. 14. sub num. 2.* quia scilicet Tempus Paschale significat statum Beatorum , quorum Hymnus est *Alleluja* . Neque dicuntur *Capitula* , quia cùm in Capitulis contineatur exhortatio , in statu Beatorum non est locus exhortationi , prosequitur Gavantus *loco citato , sub numer. 3.* Dicuntur deinde tres tantùm Antiphonæ cum tribus Psalmis , tresque Lectiones cum tribus Responsoriiis : quia sicuti heri in Sabbato Sancto paravimus per solemnem Fontis Benedictionem materiam Baptismi , ita hodie per repetitam ternarii numeri appositionem docemur Baptismatis formam , quam post Resurrectionem suam Dominus Jesus Christus Apostolis tradidit , dicens : *Baptizantes eos in nomine Patris , & Filii , & Spiritus Sancti.*

Illæ tres numero Lectiones quæ hisce Diebus infra hanc Octavam dicuntur ad Matutinum , denotant magisterium , siquidem Christus ante traditam Baptismi formam , præmisit : *Docet omnes Gentes* , scilicet mysterium Trinitatis , quod in trinis Lectionibus significatur . Et quia tres sunt , qui testimonium dant in Cælo , *Pater , & Filius , & Spiritus Sanctus.*

etus, & hi tres unum sunt : & quia in Trilagio Angelico ter dicitur, *Sanctus, Sanctus, Sanctus*, & semel *Dominus Deus Sabaoth*, hæc Personarum Divinarum Trinitas benè notatur in trino numero Antiphonarum, Psalmorum, Lectionum, & Responsiorum : Unitas verò Deitatis benè significatur in uno solo Nocturno hac die recitando, & per Octavam, quæ tota unum Diem constituit. Præterquam quòd dictus ternarius numerus satis superque explicat, quòd Christus tertia die surrexit à mortuis. Hic autem ritus sic recitandi Matutinum est antiquissimus; & certè multo ante Gregorium Septimum, nam iste Pontifex, dum confirmat, declarat vetustum : in suo enim Decreto per Gratianum *de consecrat. dist. 5. cap. 15.* relato, sic ait : *In Die Resurrectionis usque in Sabbatum in Albis tres Psalmos tantum nocturnos, tresque Lectiones antiquo more cantamus, & legimus*, ut refert Grancolas in Commentario ad Breviarium Romanum *lib. 2. c. 72. vers. Hodiernum Officium, pagin. 332.* Gregorius verò Septimus creatus fuit anno 1073. 22. Aprilis, & obiit anno 1085. 25. Maii, & tamen ritum non instituit novum, sed confirmavit antiquum.

Ad Laudes Antiphonæ sunt propriæ, quæ etiam inserviunt toti Octavæ, nempe *Angelus autem Domini* : Psalmus verò *Dominus regnavit*, cum reliquis de Dominica in Psalterio. *Capitulum* tamen, & *Hymnus*, ut supra diximus, non dicuntur, sed eorum loco dicitur Antiphona *Hæc Dies, quam fecit Dominus*, desumpta à Psalmo centesimo decimo septimo, cui titulus est *Alleluja* : & significat lætitiæ magnitudinem, nam in statu Beatorum, sibi invicem gaudent & gratulantur, ut ex Honorio Augustodonenſi in *Gemma Anima, lib. 3. cap. 128.* dicit Gavantus *tom. 2. sect. 6. cap. 14. sub num. 5.* Postmodum dicitur Antiphona propria ad *Benedictus* : qua repetita, recitatur *Oratio*, & quidem unica, licet occurrat Festum simplex, de quo hodie nihil : & ad *Benedicamus Domino* duo adduntur *Alleluja*, sicuti etiam ad *Deo gratias*, & sic per totam Octavam. Ad Primam verò, post *Dens in adjutorium*, cum

cum *Gloria Patri*, dicuntur tres Psalmi consueti, ut in Festis, sine Symbolo S. Athanasii, quia in statu Beatorum non est Fides: qui status repræsentatur in Christi Resurrectione; ait Gavantus loco citato, sub numer. 6. sed & tacetur etiam, quia non dicitur ratione Rubricæ illud admittentis in Dominicis tantum, quæ sumunt Officium ex Psalterio, non verò in hac Dominica solemni, neque in aliis, in quibus non sit de eis, excepta Dominica Trinitatis ratione mysterii; Finitis Psalmis, dicitur Antiphona *Hac Dies, quam fecit Dominus*; postea Oratio, quæ ad Primam dicitur, ut in Psalterio, scilicet, *Dominè Deus omnipotens*.

Martyrologicus autem Lector, antequàm hodie ad Primam ad Kalendarum Lunarisque ætatis deveniat pronunciationem, dicat *Hac Die quam fecit Dominus, Solemnitas Solemnitatum, & Pascha nostrum: Resurrectio Salvatoris nostri Jesu Christi secundum carnem*: hoc enim spectat ad diem hodiernum, & ideo præmittendum: cætera verò ad sequentem, & ideo postponenda. Dum autem dictus Lector annunciat Paschalem Solemnitatem, omnes in Choro stant detecto capite: cum verò Kalendæ dicuntur, omnes sedent more solito, *Piscara in Prax. Cæremoniar. lib. 3. sect. 9. cap. 1. sub num. 2. & iterum in Cæremoniali suæ Religionis lib. 3. cap. 20. sub numer. 3. pag. mihi 196. nec non & Bauldryus in Man. Sacr. Cæremoniar. pag. 4. cap. 12. sub numer. 1. pag. 265. Post Lectionem Martyrologii dicitur Pre-tiosa in conspectu Domini, cum reliquis de more: & ad Absolutionem Capituli dicitur Lectio brevis Si consurrexistis cum Christo, ut in Psalterio. Ad alias autem Horas, post Antiphonam *Hac Dies, quam fecit Dominus*, dicitur Oratio, quæ ponitur in Laudibus, nec tamen ad *Benedicamus Domino* adduntur duo *Alleluja*. Nescio profecto (ut hoc obiter addam) cui rationi innixi aliqui Auctores traxerint opinionem cæteroquin à veritate aberrantem, scilicet, quòd *In Die Palmarum recitans Officium Paschale, satisfaciis præcepto*: Unde jure merito damnata fuit hæc Propositio à Sacra Congregatione Universalis*

salis Inquisitionis habita coram Alexandro Septimo sub die 18. Martii 1666. in Bullar. Roman. rom. 5. Constit. 167. ejusd. Pontific. qua incipit Sanctissimus, Propos. 33. & referunt fere omnes Theologi, ut dixi in mea Collectione de Sacris Ritibus, sub nu. margin. 250. pag. 264.

S. VI.

De Missa in Die Sancto Paschæ celebranda, ac etiam de Vesperis.

Missa in hoc Paschæ Festo est propria: & ante eam solemniter celebrandam fit aspersio Populi cum Aqua pridie benedicta in Fonte Baptismali, & in hunc diem reservata: quod intelligitur de Ecclesiis Fontem hujusmodi habentibus, nam in Ecclesiis non habentibus Fontem fit aspersio cum Aqua hodie benedicta, Bauldryus in Man. Sacrar. Caremoniar. par. 4. cap. 12. sub num. 4. pag. 265. Quartus tract. 2. de Benedict. rit. 3. sect. 2. dubitat. 4. pag. mihi 148. Barruffaldus in Commensar. ad Rituale Roman. tit. 45. sub numer. 16. pag. 261. qui tamen sumpserunt ex Missali in ejus fine, de ordin. ad faciend. Aqu. bened. ubi etiam, quod hodie incipit Antiphona *Vidi aquam*, & ad Versiculum *Ostende nobis, Domine*, additur *Alleluja*. In hac Missa dicitur *Gloria*, & Oratio debet esse unica, etiamsi occurrat simplex, de quo hac die nihil: At si incidat Dies Anniversaria Consecrationis Episcopi, in Missa tantum solemniter dicitur ejus Collecta sub unica conclusione, ex Decreto supra extenso in Missa de Epiphania; & quoad Missas privatas sufficit in hoc casu, quod Sacerdotes illum mentaliter habeant in *Memento Vivorum*. Post Graduale dicitur *Sequentia*, seu ut alii vocant, *Prosa*

Prosa, quam esse antiquissimam, patet ex eo, quòd adhuc desideratur Auctor hætenus incognitus, ait Gavantus tom. 1. par. 4. tit. 11. sub numer. 3. At tamen Grancolas in *Commentar. ad Breviar. Roman. lib. 2. cap. 72. pag. 334. vers.* Quoad Missam, dicit, quod de hac Prosa nullus vetus Auctor meminit, nisi Durandus in *Ration. Divinor. Officior. lib. 6. cap. 87. sub num. 5. pag. 247. à tergo*, ait enim, quòd quidem faciunt certam cæremoniam ad Missam, cum dicitur *Sequentia illa*: Sed saltem ex eo, quòd meminit Durandus, ista Prosa est pervetusta; ille enim scripsit circa Annum 1285. teste ipso Grancolas *dist. lib. 2. cap. 81. vers. 1. pag. 363.* ergo *sequentia* est multo antiquior Durando, & eo magis, quia Durandus nominat eam quodam modo antiquitatis, nam dicit *sequentia illa*: Hæc tamen *Sequentia* antiquis temporibus longior erat: quartus enim versus, videlicet, *Dic nobis, Maria, &c.* geminabatur ante *Angelicos testes*, & tertio ante *Surrexistis Christus*, post quem versum alius addebatur, scilicet, *Credendum est magis soli Maria veraci, quam Judæorum turba fallaci*, ut habet Turrinus in *Director. Sacrif. par. 3. sect. 3. capit. 1. pag. 181. juxta edit. Venet. de Anno 1732.* In plerisque Ecclesiis fiebat ad locum *Sequentiæ* quædam Repræsentatio, siquidem tres seniores Clerici retrò Altare, Mariarum formam, induebant, candido velo super albam imposito, & dum Chorus canebat *Victima Paschali*, alter Chorus veniebat ad Altare, ubi erant Mariæ, & dicebat, *Dic nobis, Maria*: & ipsæ respondebant *Sepulchrum Christi viventis*: & postea Chorus subjungebat *Scimus Christum*. Verum curiositate, & risu Populi factum est, ut hujusmodi spectaculum ac cæremonia supprimeretur: ut refert Grancolas loco citato, *vers. In plerisque, pag. 333.* Invigilent igitur Episcopi, ne in Ecclesiis sibi subjectis aliquid fiat, quod evellat & destruat devotionem, & non edificet & plantet & tollant de medio quasculque hujusmodi consuetudines etiam immemorabiles.

Cantato Evangelio in hac Missa de Die Paschæ,
dicitur

dicitur *Credo* sine intermedia Organi pulsatione , juxta Cæremoniale Episcoporum *lib. 1. cap. 28. §. 10. pag. 168.* ubi sic habetur : *Cum dicitur Symbolum in Missa , non est intermiscendum Organum ; sed illud per Chorum cantu intelligibili proferatur :* Confessio enim nostræ Fidei non est delectabiliter interrumpenda , sed seriò continuanda . Quòd si in Die sancto Paschæ occurrat Festum Annunciationis Beatæ Mariæ Virginis , ut in Tabulâ quarta ordinis perpetui (& occurrenceia fuit Anno 1731. & erit Anno 1742.) Celebrans cum Ministris , omnesque de Choro genuflectunt hodie ad verba Symboli *Et incarnatus est* , quia licet transferatur Annunciationis Festum , hac die tamen recurrit mysterium Incarnationis . Præfatio hujus Missæ est illa hesternâ , nempe , *Te quidem , Domine , omni tempore , & statim dicitur , sed in hac potissimum die :* & sic etiam ad Communicantes proprium legitur , *& diem sacratissimum celebrantes :* quod semel dixisse sufficiat pro tota Octava . Hanc igitur quoque est propria , & cum tota Missa sit de Resurrectione , dicta tamen Hanc igitur est pro Baptizatis , unde dicitur , *quos regenerare dignatus es ex aqua , & Spiritu Sancto* , Prædicta Præfatio est eadem numero in Libro Sacramentorum S. Gregorii Papæ , *pagina 75.* sed Benedictio Episcopalis antiquitùs dari solita in Missa , de qua supra in Missa Sabbati Sancti , hodierna die erat sequens , nempe : *Benedicat vos omnipotens Deus , hodierna interveniente Paschali Solemnitate , & ab omni miseratus dignetur defendere pravitate . Amen . Et qui ad æternam vitam in Unigeniti sui Resurrectione vos reperat , in ipsius adventu , immortalitatis vos gaudiis vestiât . Amen . Et qui expletis jejuniorum , sive Passionis Dominica diebus , Paschalis Festi gaudia celebratis , ad ea Festa , qua non sunt annua , sed continua , ipso opitulante , exultantibus animis veniatis . Amen . Quod ipse præstare dignetur , &c.* cum reliquis , ut supra , in Missa Sabbati Sancti .

Non tamen mihi videntur omittendæ aliæ duæ Præfationes , quarum prima olim dicebatur apud

Gallos

Gallos : altera verò , quæ etiam hodie viget apud Ambrosianos in hoc Festo Paschæ . Illa ergo longior , quæ erat Ecclesiæ Gallicanæ , desumpta ex Mabillonio in Liturg. Gallic. l. 3. pag. 253. sequentibus concipiebatur verbis , videlicet : *Dignum & iustum est , æquum & salutare , nos tibi hic , & ubique semper gratias agere ; Domine sancte , Pater omnipotens , æterne Deus : Sed in hac die Resurrectionis Domini nostri Jesu Christi Filii tui gratulatio major exultat in cordibus nostris . Hic est enim Dies , in quo nobis exorta est perpetua causa lætitiæ . Hic est Dies resurrectionis humana , & vitæ natalis æterna , Hic est Dies , in quo satiati sumus manè misericordia tua : quò nobis ille Benedictus , qui venit in nomine Domini , Deus noster illuxit nobis . Hic enim Dominus noster Jesus Christus Filius tuus , adimplens Prophetias temporibus præstitutis , visitavit nos post biduum , die tertia resurrexit . Hic est enim Dies tanti muneris benedictione signatus , qui hodierna festivitate gaudentibus in toto orbe mortalibus frequentatur . Quia omnium mors perempta est in Cruce Christi , & in Resurrectione ejus omnium vita surrexit . Et nunc , Domine sancte , Pater omnipotens , æterne Deus , supplices deprecamur , ut hanc oblationem benedicere , & sanctificare digneris , per Christum Dominum nostrum . Per quem , Majestatem tuam laudant Angeli , &c.*

Alterà verò Præfatio quæ , juxta ritum Ambrosianum nostris etiam temporibus vigentem , reperitur impressa Mediolani in particulari illius Ecclesiæ Missali , est ea brevior , quæ sequitur , diligenter transcripta , scilicet : *Verè dignum & iustum est , æquum & salutare , nos tibi , sancte Deus omnipotens , gratias agere : nos devotas laudes referre , Pater inclite , omnium Auctor & Conditor . Quia cum Dominus esset Majestatis Christus Jesus Filius tuus , ob liberationem humani generis Crucem subire dignatus est . Quem dudum Abraham præfigurabas in filio , turba moysayca immaculati Agni immolatione signabas . Ipse est enim , quem sacra tuba cecinerat Prophetarum : qui omnium peccata portaret , aboleret & crimina . Hoc est illud Pascha , Christi nobilitatum cruce , in quo fidelis Populus*

*pulus præcipua devotionis exultat . O mysterium gratia-
plenum ! O ineffabile Divini muneris sacramentum ! O
solemnitatum omnium honoranda Solemnitas ! in qua ,
ut servos redimeret , mortalibus se præbuit occidendum .
Quàm utique beata mors , qua mortis nodos resolvit .
Jam nunc sentiet se Tartareus princeps astritum : &
nos de profundis labo educti , ad Cœleste Regnum con-
scendisse gratulemur . Et ideo cum Angelis , & Archan-
gelis , &c. His de varia tum antiquarum , tum eti-
am hodiernarum Præfationum recitatione pronun-
ciatis , restat , ut videamus quid adnotandum sit
usque ad finem Missæ . Et certè nihil aliud reman-
et , nisi , ut ad *Ita missa est* duo addantur *Alleluja* ,
sicuti etiam ad *Deo gratias* ; & hoc usque ad Sab-
batum sequens in Albis inclusivè , in omnibus Mis-
sis , tam solemnibus , quàm privatis .*

Pulcherrima quidem , & omni gravitate pollens ,
est cæremonia illa , quæ sit Hodie Venetiis in Du-
cali Basilica S. Marci , ante Missam vero. solemnem ,
quam Pontificaliter celebrat Illustrissimus & Reve-
rendissimus Dominus pro tempore existens ejusdem
Ducalis Basilicæ Primicerius . Numerosus enim ille
cujusvis ordinis Clerus solemnibus indutus Pluvia-
libus , exit Processionaliter per Portam quæ dicitur
S. Clementis , & rectà ad Scalam majorem ad
sinistram sub Porticu contendit . Subsistit autem sub
Porticu Superioris Palatii , & facto Choro ab utra-
que parte , Reverendissimus Vicarius , comite Cæ-
remoniarum Magistro , ascendens Scalam Ducalem ,
occurrit Serenissimo Principi è Scala quam vocant
Collegii descendenti , ubi , priùs facta debita reve-
rentia , offert Candelam accensam Sux Serenitati :
aliam Procuratori Ecclesiæ eò anno Capfario exi-
stenti , qui hoc Processionis itinere præcedit de mo-
re cæteros Oratores , & est propè Serenissimum Prin-
cipem , sed in reditu locum petit suum . Tertiam
Candelam Reverendissimus Vicarius sibi retinet .
Quibus Candelis oblatis , prædictus Clerus summa
modestia descendens è Scala majori Palatii , exit
per Portam auream , & cum Crux Processionalis
ingreditur Plateam , Campanæ pulsantur . Cum per-
venerit

venerit autem Processio ad Ecclesiam, omnes procedunt usque ad secundam Januam majorem Ecclesiæ, quæ clausa est, & omnes aliæ clausæ sunt : & facto Choro inter duas illas Januas majores sub Porticu Ecclesiæ, intrat etiam Serenissimus Princeps in idem atrium, seu Porticum cum Procuratore, & Oratoribus. Reverendissimus Vicarius accedit ad Januam clausam, & pulsat ter cum annulo æneo pendente ex ipsa, tribus ictibus pro qualibet vice. Et Cantores interiùs cantant : *Quem quaritis in Sepulchro, Christicola ?* Et illi de foris extrinsecùs cantantes, respondent : *Jesum Nazarenum Crucifixum, & Celicole :* Et illi deintùs dicunt : *Non est hic, surrexit, sicut prædixerat : Ite nunciate, quia surrexit, dicentes.* Quo facto, iterum dicunt, qui deintùs sunt : *Venite, & videte locum, ubi positus erat Dominus : Alleluja, alleluja.* Cum autem dicunt, *Venite, & videte,* panduntur fores Ecclesiæ, & omnibus in eam ingredientibus, procedit Clerus ordinatè contra Sepulchrum. Ad quod cum Serenissimus Princeps pervenerit, sistit se, facie ad Sepulchrum versa. Tunc Reverendissimus Vicarius ascendit, & immisso capite utrinque, erigens se, versa facie ad Serenissimum Principem in porta Sepulchri, cantat vericulum, *Surrexit Christus ;* & Chorus respondet, *Deo gratias.* Deinde in medio spatio Chori hinc inde ad Sepulchrum existentis idem decantat, aliquantulùm extollens vocem : & Chorus eo modo, quo supra, respondet. Tertio canit apud Serenissimum Principem in debita distantia, semper exaltando vocem, *Surrexit Christus :* & Chorus respondet *Deo gratias.* Postea Serenissimus Princeps cum Excellentissimo Senatu ascendit Chorum, & cantatur Missa plenè Organis resonante omnium vocum musicalium devota simul & læta harmonia. Hæc omnia habentur in Rubrica impressa Officii Hebdomadæ Sanctæ, secundùm consuetudinem hujus Ducalis Basilicæ, cui per nonnullos annos ego inservi.

In Ecclesia verò Cathedrali hodie Episcopus, nisi aliquo legitimo impedimento fuerit præpeditus, Mis-

Missam solemnem omninò celebrare debet, juxta Cæremoniale Episcoporum *lib. 2. cap. 29. §. 1. pag. 389.* Servatis omnibus, quæ de Missa solemnè, Episcopo celebrante, præscribuntur *dicto lib. 2. cap. 8. pag. 223.* exceptà tamen ante Missam aspersione Aquæ benedictæ, quæ dum Episcopus solemniter celebrat, non est faciendà, *dicto lib. 2. cap. 31. §. 4. pag. 398.* In hodierna tamen Missa fit Communio generalis per ipsum Episcopum, eo quidem ordine, qui traditur *dicto lib. 2. cap. 29. à §. 3. usque ad 6. inclusive.* Romæ autem Papa cantat Missam, in qua cùm communicaverit se, & Diaconum ac Subdiaconum, se purificat, sed digitos non abluit. Tunc Diaconus Evangelii accedit ad sinistram Papæ in Solio sine Mitra stantis pro honore SS. Sacramenti in Altare positi, stansque dicit in tono consueto *Confiteor Deo &c.* quo dicto, Diaconus revertitur ad Altare ad locum suum. Tum Papa stans sine Mitra, tenente Librum Episcopo Cardinali assistente, dicit in cantu more solito, *Misereatur vestri &c.* deinde, *Indulgentiam, absolutionem, &c.* & Cardinali Episcopo à dextris sibi assistente, Patenam cum pluribus Hostiis tenente, facit Communionem generalem unicuique dicens, *Corpus Domini nostri, &c.*

Quòd si Imperator, aut Rex aliquis esset hodie à Papa communicandus, tunc postquam Papa communicavit se, & Diaconum ac Subdiaconum, Diaconus dicto ante Pontificem *Confiteor Deo, &c.* vadit ad Altare, & unam tantùm Hostiam ponit super Patenam pro Imperatore, vel Rege: factisque circulis consuetis, illam dat Subdiacono ad Pontificem deferendam. Imperator, vel Rex deducitur à priore Episcoporum Cardinalium ad pedes Pontificis, & recipitur ad osculum oris. Postremo ab eodem Cardinali ducitur ad Altare, & per manus Diaconi purificat, & reducitur ad sedem suam à Cardinali eodem: Deinde portantur aliæ Hostiæ pro Diaconibus Cardinalibus, & aliis. Hoc servatum fuit tempore Innocentii Sexti, cùm Petrus Rex Arogonum venit ad Romanam Curiam anno 1386. ut habetur in quodam Libro Coloniz Agrippinæ

impresso 1557. cui titulus : *Rituum Ecclesiasticorum, sive Sacrarum Cæremoniarum SS. Romana Ecclesia Libri tres*, ubi prædicta leguntur *lib. 2. Sect. 2. cap. 1. pag. 136. & 139.* ubi etiam ait, quod Communione facta, Papa facit reverentiam Sacramento, & Subdiaconus reportat Hostias, quæ remanserunt, ad Altare, ubi manent usque ad finem Missæ. Tunc Papa sedet, & priore Præbiterorum Cardinalium infundente vinum supra Patenam auream, Pontifex abluit digitos sine Mitra, qua postea accepta, lavat manus more consueto. Deinde descendit ad Altare, & finitur Missa, & eà finita, stans in Altari sine Mitra, dat Benedictionem, sed non Indulgentias, nam postmodum comitatus ab Officialibus, & Prælatis omnibus paratis, vadit ad locum Benedictionis publicæ, ubi sub Baldachino solemniter benedicit Populum, & dat Indulgentias Plenarias, quas Diaconus à dextris pronunciat Latino, & alius à sinistris Vulgari idiomate.

Ex occasione Communionis antedictæ, quam Summus Pontifex in Die Sancto Paschæ administrat & etiam Episcopus in sua Ecclesia Cathedrali, illud hoc proprio loco adnotandum venit, quod docet Rituale Romanum *de ordin. ministrand. Sac. Commun.* nempe, quod Sacerdos, qui Sanctissimam Eucharistiam administrat, ad Antiphonam *O Sacrum Convivium* debet addere hoc tempore Paschali *Alleluja*; sicuti & aliud ad Versiculum *Panem de Calo &c.* & dicere Orationem hujus temporis, scilicet, *Spiritus nobis, Domine, tua charitatis infunde, &c.* Et quia in qualibet Ecclesia Parochiali fit hodie Communio generalis pro adimplendo præcepto Ecclesiæ, ut in Canone *Omnis utriusque sexus*, ideo Sacrista paratas habeat in uno vel pluribus vasculis sufficientes Hostias consecratas in Tabernaculo. Quod si præ multitudinem Communicandorum forsitan agnoscat eas non sufficere, invigilet, ut aliæ iterùm consecrentur, ne desint. Sacerdos verò, si dum vadit ad Altare celebraturus, fiat Populi Communio, non debet permanere genuflexus, donec & quousque Communio terminetur, ut ad decimum nonum Dubium

Temus Primus,

S

ref-

respondit *Sacra Rituum Congregatio in Collen. sub die 5. Julii 1698.* quæ Resolutio apud me manet in forma authentica, ut dixi in mea Collectione de Sacris Ritibus *sub numer. margin. 1128. pagin. 372.* & refert etiam P. Merati *tom. 1. par. 1. in Indice sub num. 532.* Post factam autem adorationem genibus flexis, & capite detecto, quando Sacerdos se erigit, caput cooperiat, & cum birreto capiti imposito vadat ad Altare, in quo est celebraturus, ut confirmatur Decreto de Anno 1638. *sub die 7. Septembris; statuit Clemens XI. in Bullar. Roman. editionis novissima tom. 8. par. 2. Constit. 9. §. 5. emanata Anno 1705. sub die 20. Januarii.* Quoad verò notanda circa Communionem Paschalem, cum hæc non spectet ad Rubricillas, sed ad Theologos & Canonistas, ideo Parochialium Ecclesiarum Curati videant potius, si placet, meam Collectionem de Parochis Sæcularibus, & Regularibus, vel alteram de Confessariis utriusque Cleri, ubi nonnulla inveniunt Decreta ad hanc rem emanata, ex quibus, dum volunt observantiam Præcepti Ecclesiastici in Ecclesia Parochiali, intacta præservantur etiam quoad hoc Jura Parochialia: nam omni quidem tempore, sed in hoc potissimum Paschali illud Evangelii debet verificari de Parochis & Parochianis: *Ego cognosco Oves meas, & cognoscunt me mea. Joann. 10.*

Absente verò Episcopo in Ecclesiis Cathedralibus, & in Collegiatis, aliquis Canonicus, seu Dignitas, vel is, ad quem de consuetudine spectat hac die Paschæ celebrare in absentia Episcopi, paretur in Sacristia more solito cum Pluviali albo, & accedat ad Altare, medius inter Diaconum & Subdiaconum paratos omnibus paramentis ipsis convenientibus: & facta Altari reverentia, ac salutatis hinc inde Canonicis, accepto de manu Diaconi. Aspersorio cum Aqua Benedicta, dicens *Vidi aquam*, prout in Missali, aspergit primò Altare, deinde seipsum, mox Diaconum & Subdiaconum, tum alios Canonicos, & omnes de Choro, & Populum more solito. Quo facto deposito Pluviali, capiet Planetam, & facta iterum reverentia Altari, &

Ca.

Canonicis, inchoabit Missam, quam prosequitur more solito, secundum Rubricas Missalis. Postquam Celebrans Sanguinem sumplerit, & antequam se purificaverit, & digitos abluerit, dicta confessione per Diaconum, nempe, *Confiteor Deo*, &c. communicabit primò Diaconum & Subdiaconum, si non sint Sacerdotes qui hac die celebrent, deinde singulos Canonicos, Beneficiatos, seu Mansionarios, Clericos, & Cantores, non Presbyteros, ac etiam suo loco Officiales, Magistratus, si adsint; & communicari voluerint in hac Missa. Cæteri verò de Parochia utriusque sexus communicari poterunt in alio Altari, seu Capella ad hoc præparata, per Parochum, seu Sacristam, ubi continuè, tam ante Missam majorem, quàm post, ac etiam dum Missa decantatur, secundum concursum & frequentiam Populi, adsit Curatus Ecclesiæ, vel alius Sacerdos, qui Communionem præbeat singulis accedentibus: qui locus, seu Cappella non debet esse in conspectu Altaris majoris, sed in navi, seu loco separato, ita ut, quoad fieri possit, non videatur ab his, qui Missæ majori intersunt, ne continuè genuflectere cogantur, propter reverentiam Sanctissimi Sacramenti. Finita Communione, Celebrans se purificabit, & abluet digitos, & prosequetur Missam more solito. Hucusque Cæremoniale Episcoporum lib. 2. cap. 30. per tot. pagina. 394.

Expositis, quæ de manè agenda sunt, transeamus ad Vesperas. Ad has igitur siue solemniter cantandas, siue recitandas privatim, dicitur Antiphona *Angelus autem Domini* cum reliquis de Laudibus; Psalmus verò *Dixit Dominus* cum reliquis de Dominica in Psalterio. Deinde dicitur Antiphona *Hac Dies, quam fecit Dominus*, &c. quam in solemnibus Vesperarum decantatione Officiarius intonat solemniter, Bauldrius in *Man. Sacrar. Cæremoniar. par. 4. cap. 12. sub num. 5. pag. 265.* & tono solemniter esse inchoandam à Celebrante, dicit Piscara in Cæremoniali suæ Religionis lib. 3. cap. 20. sub numer. 5. pag. 196. & Chorus canendo prosequitur. Postmodum

dicitur Antiphona ad *Magnificat*, & ea post Canticum repetita, Officiator cantat Orationem; quæ debet esse unica, licet Feria secunda sequenti occurat Festum simplex, quia eo Anno mittitur, Anno sequenti non impedito resumendum. Ad *Benedicamus Domino*, sicuti etiam ad *Deo gratias* duo adduntur *Alleluja*, & sic per totam hanc Hebdomadam. Ut autem aliquid ex priscis temporibus sumamus, Psalmi Vesperarum dividebuntur, nam *Dixit Dominus*, *Confitebor*, ac *Beatus vir* dicuntur quidem in Choro, sed *Laudate Pueri*, & *In exitu Israel* cantabuntur ad Fontes Baptismales. Ratio autem hujus antiqui ritus esse potest, quia *Laudate Pueri* spectat ad Baptizatos, nam Neophyti facti sunt Pueri à vitiis expurgati, unde Nicodemo dicenti: *Quomodo potest homo nasci, cum sit senex?* respondit Christus: *nisi quis renatus fuerit ex aqua, & Spiritu Sancto, non potest intrare in regnum Dei.* Alter verò Psalmus spectat ad Baptismum, scilicet, *In exitu Israel*, quia in eo fit mentio Jordanis, qui fuit locus Baptismi: & dicitur: *Qui convertit ripem in Fontes aquarum*, quod intelligi potest de Baptisterio semper lapideo in quo est verus Fons aquarum viventium: & Christo redduntur gratiæ, quia *Dominus memorfuit nostri* in institutione Baptismi, quia ipse est qui baptizat. Ubi autem non erant Fontes Baptismales, canebantur Psalmi sine dicta divisione, ait Gavantus tom. 2. sect. 6. cap. 14. sub num. 7. Romæ autem talem fuisse usum, ita ut duo ultimi Psalmi dicerentur per duas Stationes, scilicet, ad Fontes, & ad Crucifixum, testatur Amalaricus lib. 8. de *Divin. Offic.* ubi sic revera habet: *Notum est Matrem nostram Ecclesiam Romanam tres Psalmos dicere, & duo per diversa Altaria Psalmos, scilicet ad Fontem, & ad crucem*, ut ex eodem Amalarico refert Græcolas in *Commentar. ad Breviar Roman.* lib. 2. cap. 72. circa finem pag. 335. ubi etiam ait, quod incipiebantur Vesperæ per *Kyrie*, & *Christe eleison*, sicuti etiam nunc incipiunt Carmelitæ: At tamen non est ritus specialis Carmelitarum, si quidem & Venetiis in Ducali Basilica S. Marci ex antiquissimu usque sic incipiuntur Vesperæ ut patet ex Officio impres-

presso Hebdomadæ Sanctæ secundum consuetudinem
istius Ducalis Basilicæ.

In Ecclesia verò Cathedrali deberet Episcopus Pontificaliter peragere etiam hæcæ Vesperas, nam Cæremoniæ Episcoporum *lib. 2. cap. 1. §. 2. & 3. pag. 184.* postquam dixit, quod si Episcopus erit solemniter Missam die sequenti celebraturus, Vesperæ solemnius peraguntur, quam si non esset celebraturus: statim addit, quod secundæ Vesperæ poterunt etiam per Episcopum eadem solemnitate celebrari saltem in Dominica Resurrectionis, &c. ubi ly *Saltem* adeo includit hæcæ secundas Vesperas, ut videatur necessaria Episcopi functio: est enim dictio exclusiva quodammodo non expressorum, sed certè inclusiva rei expressæ, Dicuntur igitur Vesperæ in Cathedrali, prout præscribitur in dicto Cæremoniali loco proxime citato: Sed cantatis Psalmis, & ultimâ Antiphonâ, Pontifex depositâ Mitrà surgit, & cum eo surgunt pariter omnes detectis capitibus, sicque stant, donec à Choro cantetur Antiphona *Hæc, Dies quam fecit Dominus, &c.* quâ completa, præintonatur Episcopo stanti Antiphona ad Magnificat *Et respicientes, &c.* & ea repetita, Episcopus sedet, & accipit Mitram pretiosam, omnesque pariter sedent. Dum tamen cantatur per Chorum dicta Antiphona, Episcopus imponit thus in thuribulum, & cum Chorus incipit *Magnificat*, surgit cum Mitra omnibus surgentibus, pergit ad Altare, illud sine Mitra incensat ibique Mitra recepta, redit cum Baculo ad Sedem Suam, ubi stans cum Mitra incensatur, & Mitra depositâ adhuc stans, retento tamen Baculo inter manus junctas, stat usque ad finem Cantici, & Versiculi *Sicut erat, &c.* Iterum thurificantur alij ordine suo: & repetita Antiphona Cantici, Episcopus deponit Baculum, sedet, & recipit Mitram. Finita Antiphona, & Organo silente, Episcopus depositâ Mitrà surgit, cantat *Dominus vobiscum*, deinde *Oremus*, & mox Orationem, & repetit *Dominus vobiscum*, disloquæ per Chorum *Benedicamus Domino, Alleluja, alleluja*, & vel per eundem Chorum vel per Organum cantato.

Deo gratias, Alleluja, alleluja, Episcopus dat solemnem Benedictionem, dicens, *Sit Nomen Domini Benedictum, &c.*

Ut autem compleamus hodiernum Officium cum suo Completorio: istud significat, gaudium Electorum, quod, completo eorum numero, complebit Deus in Sanctis suis in die generalis Resurrectionis, in fine Mundi: & ideo in fine Diei recitatur, ait Gavantus *tom. 2. Sect. 5. cap. 6. sub numer. 5.* Hoc igitur Completorium, quod (quia semper est idem) invariabile vocatur ab eodem Gavanto *dicto tom. 2. sect. 4. cap. 3. sub num. 12.* ac etiam à Dominico Macro in *Hierolexic. verb. Completorium*: Attamen hæc regula fallit hodie, & diebus sequentibus usque ad Sabbatum in Albis exclusivè, nam variatur prædictis diebus, & differt à solito, quia veluti accessorium, sequitur naturam sui principalis, nempe totius præcedentis Officii: Siquidem, dum dicti Auditores contemplantur in Completorio permanentiam ejusdem Hymni, Capituli, Responsorii brevis, & Versiculi, hisce Diebus Octavæ Paschalis prædicta omnia omittuntur, & ideo variatur saltem quoad omissionem. Verum quidem est, quòd incipitur more solito: Dicitur enim Versus *Sube Domne*, Lectio brevis *Fratres, Sobrii estote*, cum Versiculo *Adjutrium nostrum*, & etiam cum *Pater noster*: Deinde facta Confessione & Absolutione, dicitur quoque Versus *Converte nos Deus*, nec non & Versus *Deus in adjutrium*, cum *Gloria Patri*. Hisce dictis, sine ullo initio Antiphonæ dicuntur immediatè tres Psalmi consueti: quibus finitis, statim succedunt quatuor *Alleluja*. Mox omisissis, ut supra diximus, Hymno, Capitulo, Responsorio brevi, & Versiculo, dicitur nulla inchoata Antiphona Canticum Simeonis *Nunc dimittis*: Postmodum Antiphona *Hac Dies, quam fecit Dominus, &c.* & subinde Oratio consuetæ *Visita, quasumus, Domine*, cum Antiphona finali Beatæ Virginis *Regina Cæli, &c.*

In Ecclesia verò Cathedrali, si Episcopus Completorio interesse, & per se Officium facere voluerit, depositis Vesperarum paramentis, descendens

de Sede Pontificali, assistet cum sua Cappa in Choro in suo loco seu stallo; panno aliquo vel tapete cum pulvinaribus ornato. Stantibus igitur Episcopo & omnibus aliis sine birreto, Cantor in medio Chori dicet canendo, *Iube Domne benedicere*, Episcopus verò in eodem tono cantabit, *Noctem quietam*, &c. Terminata à Cantore Lectione, & responso a Choro *Deo gratias*, Episcopus sine cantu, sed alta voce dicat, *Adjutorium nostrum*, &c. deinde *Pater noster*, quem omnes secretò recitant. Inde Episcopus eadem intelligibili voce sine cantu facit Confessionem, & Absolutionem de more. Mox cum cantu intonat *Converte nos Deus*, &c. & postea *Deus in adjutorium*, &c. Intonato tamen à Cantoribus primo Psalmo *Cum invocarem*, &c. Episcopus sedebit, & omnes alii, tectis capitibus. Cantatis Psalmis consuetis, nec non & quatuor *Alleluja*, surgunt omnes de tectis capitibus, & dicto solemniter Cantico *Nunc dimittis*, ad quod nulla fit Altaris incensatio, atque successivè cantata Antiphona *Hæc Dies, quam fecit Dominus*, &c. Episcopus cantat Orationem, *Visita, quasumus, Domine*, &c. Cætera autem per Hebdomadarium, & Chorum complentur. Ad hoc tamen Completorium sic solemniter cantatum adhiberi poterit Organum. Cùm verò Episcopus præsens erit, & Officium non faciet, omnia prædicta per Hebdomadarium in suo habitu Canonicali fient, observatis tamen debitis reverentiis versùs Episcopum: nam ipse Hebdomadarius ad Versiculum *Indulgentiam*, &c. in principio, & ad alium Versiculum *Benedicas, & custodias nos*, &c. in fine, inclinabit se profundè versùs Episcopum: In Collegiatis denique Ecclesiis, vel absente Episcopo, eadem observantur per Hebdomadarium. Hæc ferè omnia, desumpta tamen ex Cæremoniali Episcoporum *libr. 2. capit. 4. per tot. pag. 207.* habet Horatius Christianus in *Prax. Pontific. sect. 6. capit. 7. de Completor. in Domin. Resurrect.*

*De quibusdam aliis scitu dignis,
ad Diem Sanctum Pa-
schæ spectantibus.*

INter nonnulla, quæ hoc loco occurrunt notanda: *Primò* se offert firmissima Doctorum assertio, per quam qui legitimè non impeditus, ter vel quater aut etiam quinquies in Anno non celebrat, peccat mortaliter, quia ex vi præcisa Ordinis Sacerdotalis tenetur saltem tribus vel quatuor, aut quinque diebus infra Annum celebrare: quæ assertio illos tantum specialiter tangit, qui rarè in Anno solent Sacrum facere, ut tenet Quartus in *Commentar. ad Rubric. Missal. in Append. post ejus Opus, quæst. 3. puncti. 1. pag. 451. & citata Doctorum cæterva sustinet Pasqualigus de Sacrific. nov. Leg. tom. 2. quæst. 430. sub numer. 5. & 6.* Cum autem Sacerdos teneatur saltem, ut diximus, ter vel quater aut quinquies intra Annum celebrare, debet eligere solemniore Anni Festivitates, inter quas, quis dubitet, an Dies sanctus Paschæ sit connumerandus? Et certè postmodum *Sacra Congregatio Concilii in Torronen. Mense Novembri 1696.* sic revera respondit: *Si Sacerdos sine justa causa, ter vel quater in Anno non celebret, cum peccet mortaliter, potest ab Episcopo vigore Decreti Synodalis, aut aliâ monitione præmissa, mulctari & puniri, ut refert Franciscus Monacelli in Formular. Leg. Pract. par. 1. tit. 5. formul. 9. sub num. 15.* Hisce dictis de obligatione Sacerdotis rarè celebrantis ad hodiernum Sacrificium peragendum: *Secundò* notandum est, quodd hæc Missa de Dominica Resurrectionis non potest infra Annum fieri Votiva, cum omnia adeo in ea sint propria hujus Diei, ut non valeant verificari,

rificari, & ideo extendi ad alias Dies, ut inter varias exceptas hujusmodi proprietatis Solemnitates, hanc expressè connumeravit *Sacra Rituum Congregatio de ordine Pauli Quinti*, apud Angelum à Lantusca in *Theatro Regular. vero. Missæ Ritus*, sub nu. 2. pag. 332. juxta edit. Roman.

Sed & alia hodie observanda sunt: *Tertio* enim notandum est, quòd de Festo occurrente & consequenter transferendo, utcumque illud sit solemne, sive Patroni Loci, sive Titularis Ecclesiæ, sive etiam Dedicætionis, non potest hac die Paschæ cantari Missa, neque ratione Concursum, quia Rubrica Missalis tit. 6. de *translat. Festor.* expressam in exceptionibus mentionem facit de Dominica ista Resurrectionis, ut clarè patet legenti: Quòd si non potest cantari de Festo aliquod jus hodie habente, quod est majus: neque cantari poterit alia quævis Votiva, quod est minus. *Quarto* etiam notandum est, quòd neque in hac Paschæ solemnitate celebrari potest Missa, cum cantu pro Defunctis in Die Obitus, etiam præsentè Corpore in Ecclesia, tum quia hæc est verè magna Diei celebritas, de cujus exceptione loquitur *Rituale Romanum tit. de Exeq. rubric. 5.* tum quia est Festum duplex primæ classis, de quo ad hanc rem supra dixi in Sabbato Sancto ad favorem cuiusvis Officii eundem ritum habentis, citata *Sacræ Rituum Congregationis declaratione*. Non solùm autem non est in Die Paschæ cantanda dicta Missa in Die Obitus, sed neque aperiendum hodie Sepulchrum, Piscara in *Prax. Cæremoniæ. lib. 3. sect. 9. cap. 2. sub nu. 7. pag. 430.* & ex Gavanto tradit etiam Barruffaldus in *Commentar. ad Rituale Roman. tit. 34. sub num. 42. pag. 188.* dum enim dicunt, quòd si quis in Die Paschæ, moriatur, Corpus ejus servetur in sequentem diem: ergo non est sepeliendum in Die Paschæ, ob reverentiam (ut addunt) Paschæ: Et revera, quia Christus hodie surrexit à mortuis, & surrexit de Sepulchro, nullus Defunctus debet idcirco in Sepulchrum intrare, quia unde exivit vita, non debet mors illuc ingredi. Quòd si necessitas cogat, aperiatur privatim

tim Sepulchrum , & reposito prius Cadavere in aliquo remotiori Ecclesiæ loco post Vesperas , sine cantu fiant legendo Exequiæ pro ejus Anima.

Unum restat hoc loco dicendum quoad Missam .
 Quinto igitur notandum est, quod in hoc Die Sancto Paschæ celebrari non debet in Oratoriis privatis: tum quia in Brevibus Apostolicis Indultum hujusmodi continentibus excipiuntur semper Festa Anni solemniora, inter quæ nemo est qui ambigat esse connumeratum Pascha: tum quia Decretum Sacræ Rituum Congregationis *de Anno 1607. sub die 17. Novembris* omnem tollit dubitandi rationem, siquidem in eo expresse excepta legitur hæc Dominica Resurrectionis, ut videre est in mea Collectio-
 ne de Sacris Ritibus *sub num. margin. 293. pagina 33.* ubi citata conspicitur Doctorum caterva dictum Decretum referentium, & ex eo tradit etiam La Croix in *Theolog. moral. tom. 2. libr. 6. part. 2. tract. 4. sub numer. 2055. Decreto 128.* Et hanc specificam Paschæ exceptionem voluit Clemens Undecimus hisce præcisus verbis sequentibus, scilicet: *In Oratoriis privatis, quæ per Sanctam Sedem concessa fuerint, non liceat Regularibus cujusvis Ordinis, aut Instituti, seu Congregationis, etiam Societatis Jesu, aut etiam cujuscumque Ordinis Militaris, etiam S. Joannis Hierosolymitani, aut alias quibuscumque Sacerdotibus, celebrare in diebus Paschatis Sanctissima Resurrectionis Domini Nostri Jesu Christi, aliisque Anni Festis solemnioribus, ac diebus in Indulto exceptis, ut habetur in particulari Bullario dicti Pontificis, par. 3. Constitut. 1. quæ incipit Quoniam Sancta sanctè, pag. 540. emanata anno 1703. sub die 15. Decembris, & refert etiam Eminentissimus Petra in sæpè laudatis, semperque laudandis Commentariis ad Constitutiones Apostolicas, tom. 2. circa Constitut. 2. Honorii III. fest. unic. sub num. 66. pag. 501.* Quod si Regulares celebraverint in Oratoriis privatis Domicellorum diebus exceptis (& consequenter hoc Die Paschæ) potest Episcopus in eos animadvertere, servata forma Concilii, ut respondit *Sacra Concilii Congregatio in Neapolitana sub die 30. Maii 1699. apud*
 Fran-

Franciscum Monacelli in *Formular. Log. Pract. par. 1. tit. 6. formul. 20. sub numer. 21. pag. 235. & agomet retuli in mea Collectione de Regularibus cujuscumque Ordinis, tom. 3. sub nu. margin. 4092. pag. 469.*

Quodd si Litanix majores, quæ præscribuntur recitandæ die vigesima quinta Aprilis, occurrant in Die Sancto Paschæ (ut contigit hoc Anno 1734. in quo scribo : & sic vidi utrumque Pascha, modo longius, & antea brevius, Anno scilicet 1693.) earum Processio, unâ cum Missa, transfertur ad Feriam tertiam festivam immediatè sequentem infra hanc Octavam, ex Decreto Sacræ Rituum Congregationis de die 25. Septembris 1627. quod Decretum à pluribus relatum, factum postmodum fuit Rubrica Breviarii & Missalis Romani in *Festo S. Marci Evangelista* : quidquid dicat Bauldryus quoad hoc, cautè legendus, qui in *Man. Sacrar. Cereemoniar. par. 4. cap. 12. sub numer. 9. pag. 265.* transfert in Feriam secundam, cum Decretum supra citatum præcesserit ejus Opus, in quo sæpè ipse Bauldryus Gavantum citat, cui forsàn quoad hoc noluit fidem præstare. Gavantus autem, quo petente emanatum fuit Decretum ipsum, affert etiam justas suæ petitionis rationes, nam *tom. 2. sess. 2. cap. 6. die 25. Aprilis*, ait, quodd ideo non est facienda in Die Sancto Paschæ Processio Litaniarum majorum, quia Missa Episcopalis, Communio totius Populi, & Cleri, & ob has causas occupatio, impediunt dictam Processionem, in Die tamen Festo faciendam (ut addit) ex institutione S. Gregorii : sed circa hoc, mihi potiùs videtur dicendum, ex Decreto supracitato, nam S. Gregorius instituit in Die non Festivo, prout est illa S. Marci, qui solùm festivus est, ubi S. Marcus est Patronus Loci principalior, ut est Venetiis. Hæc tamen Processionis translatio, est solius Diei Paschæ privilegium, non autem dierum, qui sequuntur.

Quia verò non solent hodie Fideles aliquid manducare, quod non sit priùs benedictum : ideo Sacerdos benedicturus Agnum Paschalem, Ova, Panem,

nem, & cætera comestibilia, sit indutus Superpelliceo, & Stola alba, assistentibus duobus Clericis cum Cortis, uno cum vase Aquæ benedictæ, alter vero cum Rituali Romano vel Missali, ex quo sumendæ sunt Benedictiones, ut benè suggerit Piscara in *Prax. Cæremoniar. lib. 3. sect. 9. sub num. 8. pag. 429.* Prædictas tamen Benedictiones non esse de Juribus merè Parochialibus, & consequenter fieri posse etiam à Capellanis Confraternitatibus, declaravit *Sacra Rituum Congregatio in Decreto Urbis & Orbis, emanato sub die 10. Decembris, approbante Clemente Undecimo sub die 12. Januarii 1704.* ut ego met retuli in mea Collectione de Parochis, utriusque Cleri, *sub numer. margin. 1680. juxta tertiam editionem Paternam de Anno 1737.* & post me dixit quoad Ovorum Benedictionem Barruffaldus in *Commentar. ad Rituale Rom. tit. 58. sub num. 5. pagina 276.* Hanc tamen Agni in Pascha, & Ovorum Benedictionem, cum sit antiquissima, ab Apostolis introductam fuisse, probabiliter tenet Quartus *tit. 3. de Benedict. sect. 3. & 4. utrobique pralud. 1.* At Panis Benedictio originem ducit proculdubio ab ipso Christo, qui pluries benedixit Panes: ut ex ejus modo benedicendi & frangendi cognoverunt eum illi duo Discipuli, qui coegerunt illum, dicentes: *Mane nobiscum, Domine, quoniam advesperascit.*

Ultimo loco succedit Benedictio Mensæ, quæ sicuti ponitur in fine Breviarii, sic ego eam pono in fine hujusce Diei. Ubi igitur fieri solet hæc Benedictio, ut præsertim apud Claustrales numquam omittitur, in hoc Sancto Die Paschæ, & deinceps usque ad Cœnam sequentis Sabbati, dicitur Versiculus, *Hæc Dies, quam fecit Dominus, &c.* cum Psalmo *Confitemini.* Quàm autem antiquus sit mos benedicendi Mensam, patet ex eo, quòd originem habet à Christo, qui post Benedictionem Panis, distribuit ut manducarent. Apostoli itaque Christum imitati, docuere posteros Benedictionem Mensæ. Effectus verò hujusmodi Benedictionis, est præservatio Fidelium à peccatisgula, & damnis inde sequen-

quentibus: & sicuti hæc Benedictio est actus Fidei, sic si quid mortiferi ederint, vel biberint, non eis nocebit. Idcirco in quacumque Domo, sumpto à Claustralibus exemplo, fieri deberet Benedictio huiusmodi; nam & in Deuter. 8. dicitur: *Cum comederis, & biberis, memor esto Domini Dei tui*. Hinc S. Joannes Chrysostomus homil. 82. in *Matth.* sic habet, corrigens negligentes: *Audiant omnes, qui quasi porci, cum jam comederint, temulenti consurgunt, quando gratias agere Deo deberent*. Sed & S. Hieronymus hortatur ad huiusmodi Benedictionem ante Mensam, & post Mensam ad actionem gratiarum, nam Epist. 22. ad Eustochium, sic ait: *Nec tibi sumantur, nisi oratione premissa: nec recedatur a Mensa, nisi referatur Creatori gratia*. Non solum autem Claustrales, sed multi pii Episcopi volunt ad Mensam sacras Lectiones, ut mentes cum corporibus reficiantur: & in fine Cænæ legi solet Martyrologium pro die sequenti, præsertim in Refectoriis Collegiorum, ut discatur sufferentia passionum, & imitatio virtutum.

S. VIII.

*De iis, quæ spectant ad Feriam
secundam infra Octavam
Paschæ.*

Feria secunda infra Octavam Paschæ habet annexum præceptum audiendi Missam, & vacandæ ab operibus servilibus. Ejus Officium celebratur sub ritu duplici primæ classis in colore albo: Attamen nullum Festum hodie occurrens celebrari potest, quocumque ritu sit decoratum: Unde si hæc Feria secunda incidat in diem sextam Aprilis, ut in Tabula decima quinta ordinis perpetui, Mantuæ in Ducatu hujus nominis transferetur Festum

Festum S. Cœlestini Papæ & Martyris, Titularis Ecclesiæ Cathedralis, & consequenter duplex primæ classis: Si verò occurrat die duodecima ejusdem Mensis, ut in Tabula vigesima prima, Veronæ in Dominio Veneto transtertur sub ritu duplici primæ classis Festum Sancti Zenonis Episcopi & Martyris, præcipui Urbis Patroni: Si autem dicta Feria secunda veniat die vigesima quarta dicti Aprilis, ut in Tabula trigesima tertia, Patavii apud Venetos transtertur Dedicatio Ecclesiæ Cathedralis, donec fortan nova dies assignetur: (quia in meliorem formam ex integro reducitur) vel reservetur antiqua. Quia verò quilibet Dies hujus Octavæ inscribatur in *Albis Paschalibus*, antiquitus hoc tempore fiebat ab Episcopo Benedictio Virginum: ita enim statuitur in Epistola Gelasii Papæ ad Episcopos Lucaniæ: *Devotis quoque Deo Virginibus, nisi, aut Epiphaniam Die, aut in Albis Paschalibus, aut in Apostolorum Natalitiis, sacrum minime velamen imponant*, ut refert eruditissimus Menardus in *Notis ad Libr. Sacramentor. S. Gregor. Pp. nota 603. ubi etiam nota 604. addit ad rem verba S. Ambrosii in ipsa Resurrectionis Dominicæ Solemnitate, libro ad Virginem lapsam: Non es recordata diei sancta Dominica Resurrectionis, in quo Divino Altari te obtulisti velandam*. Quoad verò hodierni Officii recitationem, omnia dicuntur, ut in Die Paschæ, exceptis propriis hujus Feriæ secundæ. Propria autem sunt, Versiculus *surrexit Dominus de Sepulchro*, Responsorium *Qui pro nobis*, tres Lectiones de Homilia S. Gregorii Papæ in Evangelium Lucæ *Duo ex Discipulis Jesu*, cum suis Responsoriis, Antiphona ad Benedictus *Jesu junxit se*, ac etiam Oratio *Dñs, qui solemnitate Paschali*, sine commemoratione Festi simplicis, si hodie occurrat.

Missæ hujus Feriæ secundæ est propria, in qua dicitur *Gloria*, unica Oratio, omiſſa tum commemoratione Festi simplicis hodie currentis, tum Collecta de Anniversaria Die Electionis & Consecrationis Episcopi si incidat, quia in duplicibus primæ classis non est facienda hujusmodi commemoratio: 352

moratio : unde hoc Anno 1734 benè se gessit Kalendarista Genuensis , qui die undecima Maji , tamquam prima die non impedita , ordinavit Officium translatum duplex primæ classis de S. Georgio Martyre , Patrono Urbis Principali , tunc occurrente in Sabbato Sancto , & addidit : *Dies Electionis Illustrissimi , ac Reverendissimi Domini Domini Fratris Nicolai Maria de Franchis , Oratoris Prædicatorum , de qua hoc anno nihil , neque in Missa solemni , sed subdit , quoddam Sacerdotes orent pro eo , & proculdubio intelligit in Memento Vivorum , sine Collecta : & idem dicit die septima Julii ejusdem Anni , in qua occurrit Festum S. Syri Episcopi , quod ibi celebratur sub ritu duplici primæ classis , & simul cadit Dies Consecrationis ejusdem Archiepiscopi . Nihilominus quoad Missam solemnem , vide supra Decretum positum de Missa in Epiphania . Cæterum in hac eadem Missa dicitur *Sequentia* post Graduale , & post Evangelium *Credo* , cum Præfatione *Te quidem Domine omni tempore* , & cum *Communicantes* , sicuti etiam *Hanc igitur* de Octava .*

Ex veteri tamen Ecclesiæ consuetudine Præfatio hodiernæ Missæ erat alia ab illa , quæ habetur modo in Missali , quam ex Libro Sacramentorum S. Gregorii Papæ desumptam , hic ad litteram transcribimus , & ante oculos ponimus Lectoris Ecclesiastici , videlicet : *Verè dignum & iustum est , æquum & salutare , nos tibi semper , & ubique gratias agere , Domine sancte , Pater omnipotens , æternus Deus : Et te suppliciter exorare , ut Fidelibus tuis dignanter impendas , quo & Paschalia capiant sacramenta , & desideranter expectent ventura : Ut in mysteriis , quibus renati sunt , permanentes , ad novam vitam his operantibus perducantur , per Christum Dominum nostrum : Per quem , Majestatem tuam laudant Angeli , &c. Benedictio verò Episcopalis , de cujus antiquo usu jam supra diximus in Missa Sabbati Sancti , itidem deprompta ex eodem Libro Sacramentorum , sub sequentibus præcis verbis continebatur pro hac Feria secunda Paschæ , scilicet , *Deus , qui pro vobis suscepit injuriam Crucis , lacrimis vos innovet sua Resurrexio.**

restitutionis. Amen. Et qui pendenti secum in Cruce Latroni omisit delictum, vos salvet à cunctis nexibus peccatorum. Amen. Ut Redemptionis vestra mysterium & dignè conservetis in opere, & locupletius aterna perfra-
mini remuneratione. Amen. Quod ipse præstare dignetur, &c. cum reliquis, ut supra in dicta Missa Sabbati Sancti.

Sed & alias duas Præfationes volumus de more nostro hic adnectere ad eruditionem, ut Lector Ecclesiasticus & sciat quam olim recitabant aliquæ Ecclesiæ, & quam etiam modò legunt à Romana diversam. Brevem igitur dicebat antiquitus Ecclesia Gallicana, ut patet ex Mabillonio in *Liturg. Gallic. lib. 3. pag. 254.* & ex eo transcriptam habes hic sequentem, nempe: *Verè dignum & iustum est: quia verus ille Agnus, qui pro nobis est immolatus. Qui mortem nostram moriendo destruxit, & vitam nostram resurgendo reparavit Jesus Christus Dominus noster. Cui merito omnes Angeli, &c. Quæ autem etiam nostris temporibus legitur. Præfatio in particularibus Ecclesiis, est illa Ambrosianorum, non longa quidem, sed in sua brevitate differt ab aliis, quam pro Feria ista secunda continet eorum Missale Mediolani impressum, & est ea, quæ sequitur, videlicet: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum. Qui semper in notis Paschale perficiat Sacramentum: ut per initiata remedia, continuis educare non desistat augmentis. Unde profusus gaudiis totus in orbe terrarum Mundus exultat; Sed & superna virtutes, & Angelica continent potestates hymnum gloria tua perpetim, sine fine dicentes.**

Ut autem aliquod vel breviter differamus de iis, quæ fieri possunt vel nequeunt in hac Feria secunda Paschæ, imprimis de Fello occurrente & transferendo, utcumque solemnè & concursum habente, non potest Missa cantari, quia Rubrica Missalis *rit. 6. de translat. Fektor.* complectitur in exceptione etiam hanc Feriam secundam, imò & tertiam sequentem. Sed neque cantanda est Missa Votiva, neque

neque pro Defunctis in Die Obitus, ex rationibus supra allatis in Dominica Resurrectionis. Quoad Oratoria verò privata Indultum Apostolicum habentia, potest ibi celebrari in hac Feria secunda: ex eo enim, quod nulla cani potest ex dictis Missa Votiva, non infertur ad prohibitionem Missæ privatæ de Die in præfatis Oratoriis: nam de Missa non cantanda satis clarè loquitur Rubrica Missalis supra citata, ubi expressè legitur excepta *Dominica Resurrectionis cum duobus Diebus sequentibus*: Decretum verò de exceptione Dierum solemniorum pro celebratione in memoratis Oratoriis, nullam facit mentionem de duobus Diebus sequentibus, sed tantum dicit in *Paschate*: ergo hæc Feria secunda non est excepta: Idcirco sicut in publicis Ecclesiis non cantatur Votiva, quia Rubrica excipit, sic dicitur privata de Die in Oratoriis, quia Decretum non excipit: Et hæc forsitan potest esse ratio, propter quam communiter sentiunt tum Theologi, tum Rubricistæ, quod hodie, & feria tertia sequenti dici possit Missa in sæpè dictis Oratoriis privatis, ut pluribus relatis hanc opinionem sequentibus tenet Pasqualigus de *Sacrific. nov. Leg. tom. 1. tractat. 1. quæst. 639. sub numer. 2.* ne alios nominatim dicam Auctores quoad hoc unanimes & concordēs. At quia in Brevibus Privilegiorum de Altaribus exprimitur Missa pro Defunctis, ita ut Doctores sentiant, quod nisi dicatur talis Missa, Privilegium non valeat, ideo sciendum, quod Missæ de hac Octava Paschæ ad Altare quomodolibet Privilegiatum celebratæ, suffragantur perinde, ac si celebratæ essent pro Defunctis, juxta formam Privilegiorum, ut concedit *Innocentius Undecimus in Constitut. qua incipit: Aliàs postquam, edita anno 1682 die 4. Maji, apud Monacelli in Formular. Leg. Pract. par. 2. tit. 16. formnl. 6. sub num. 6. pag. 330. & refert etiam Matthæuccius in Offic. Cur. Ecclesiast. cap. 4. sub num. 3.*

Licet autem Rubrica Breviarii & Missalis dicat in die S. Marci Evangelistæ, quod si in die Sancto Paschæ occurrant Litanie majores, transferen-

Tempus Primus.

T

dæ

dæ sint in Feriam tertiam sequentem, non inde sequitur, quòd si hæc FERIA secunda incidat in diem vigesimam quintam Aprilis, (ut in Tabula trigesima quarta ordinis perpetui) non sint eo die celebrandæ. Hujusmodi igitur casu eveniente, sit hodie earum Processio, & consequenter cantatur Missa de Rogationibus in colore violaceo: & hæc est unica Missa privilegiata, quæ potest hac die cantari, vel FERIA tertia sequenti. At quia extat Decretum Sacræ Rituum Congregationis de die 23. Maij 1603. in quo dicitur: *Si terminetur Processio Litaniarum majorum ad Ecclesiam S. Marci, cantatur ibi Missa de S. Marco*, ut clariùs infra dicetur in FERIA quarta sequenti: non ideo in hac FERIA secunda, nec in sequenti tertia, canenda est hujusmodi Missa: nam Decretum loquitur de Missa S. Marci possibiliter canenda: sed in nostro casu ex dictis non potest cantari: ergo cantanda est de Rogationibus, quæ hodie conceditur, & est privilegiata, non tamen omissa Conventuali, seu altera de Die. Præterquàm quòd ideo in aliis casibus cantanda est dicta Missa S. Marci in Ecclesia propria, quia titulus est Ecclesiæ, & lætitiæ locus eo die, ait Gavantus *tom. 1. par. 4. tit. 11. sub numer. 10.* sed in casu proposito celsat ratio lætitiæ, & non contaminandæ solemnitatis, quia prævalet in omnibus & per omnia Missa de FERIA secunda, vel tertia sequenti, & nihil fieri potest de solemnitate Titularis: ergo celsante ratione, celsat & Missa de S. Marco in sua Ecclesia.

Cæterùm in Missa Rogationum, quæ cantari debet in prædicta FERIA secunda, vel tertia sequenti infra Octavam Paschæ non dicitur *Gloria*, quia utitur colore violaceo, cum quo non bene stat Hymnus Angelicus, ut habet Rubrica Missalis *tit. 8. sub num. 4.* nec fit in eà commemoratio de Octava, sed in Cathedralibus & Collegiatis cantantur duæ Missæ, una scilicet de Die, & altera de Rogationibus. In hac tamen Missa Rogationum cantanda, dicitur secunda Oratio de Beata Maria *Cantate*, & tertia *Ecclesia*, vel *pro Papa*, nisi Sedes vacet,

caret, quia eo casu tertia Oratio semper esset *Ecclesia*. Et cum sit Missa extra Octavam, sic nec dicitur *Credo* ratione Octavæ: Unde cum ad rem nostram Capitulum & Canonici Cathedralis Coloniensis humiliter supplicassent Sacra Rituum Congregationi pro declaratione viginti duorum Dubiorum, inter ea fuit sequens, videlicet: *An occurrente Festo S. Marci infra Octavam Paschatis, in Missa Rogationum sit dicendum, Credo?* Sacra eadem Rituum Congregatio ad decimum septimum dubium respondit: *Negative, sub die 5. Julii 1698.* quæ quidem Declaratio, unâ cum omnibus aliis eadem die emanatis, quod me reperitur in forma authentica, cum magno Sigillo, & cum subscriptione de propria manu Illustrissimi D. Secretarii, & refert etiam P. Merati tom. 1. par. 2. in *Indice*, sub numer. 530.

Præfatio tamen in eadem Missa de Rogationibus dicitur de Octava, sed in cantu feriali, cum *Communicantes*, ac etiam *Hanc igitur*, quia considerantur de tempore. In fine hujus Missæ de Rogationibus, ad *Benedicamus Domino* non adduntur duo *Alleluja*, ut benè notat Piscara Castaldus in Cæremoniali suæ Religionis lib. 3. cap. 21. sub numer. 6. pag. 199. cujus ratio esse potest, tum quia in colore violaceo, & in Missa mœeroris non dantur signa lætitiæ, quam significat *Alleluja*: tum quia dicuntur tantum in Missa de Octava: tum denique quia Rubrica expressè dicit ad *Ite Missa est*, & ideo non etiam ad *Benedicamus Domino*. Tandem ad hanc Missam non accenditur Cereus Paschalis, ut uno ore omnes sentiunt, Piscara in *Prax. Cæremoniar.* lib. 3. sect. 8. cap. 8. sub numer. 4. pag. 428. Bauldryus in *Man. Sacrar. Cæremoniar.* par. 4. cap. 11. artic. 5. sub numer. 24. pag. 263. Quartus de *Benedict.* sect. 6. dubitat. 3. pag. mihi 121. Guyetus in *Horolog.* lib. 4. cap. 18. quest. 30. pag. 294. juxta edit. Venet. & denique Halden in *Ephemerolog.* par. 1. tit. 21. pag. 127. quorum rationem esse existimo, quia cum Cereus Paschalis repræsentet Christum resurgentem, ut alibi diximus, non est accendendus in

Missis luctuosis, nam per Resurrectionem Christi
sas funeri, sas lacrymis, sas est datum doloribus.

De Vesperis in hac Feria secunda Paschæ, sive
 solemnibus sive privatis, parum occurrit dicen-
 dum: omnia enim dicuntur, ut in secundis Vesp-
 eris de Dominica Resurrectionis: exceptis dumtaxat
 Antiphona ad *Magnificat*, quæ hodie est *Qui sunt*
hi sermones, &c. & Oratione propria hujus Feriæ
 secundæ, nempe: *Deus, qui solemnitate Paschali*,
 &c. Et Oratio quidem debet esse unica, ita ut
 neque facienda sit commemoratio de Festo simpli-
 ci, si cras occurrat: unde si hæc Feria secunda
 incidat in diem decimam tertiam, vel decimam
 sextam Aprilis, ut in Tabula vigesima secunda,
 vel vigesima quinta ordinis perpetui, nihil in his
 Vesperis de SS. Tiburtio, & Sociis, nihil de San-
 cto Aniceto, cras respective currentibus. Com-
 pletorium verò omnino dicitur, ut in Die sancto
 Paschæ.

§. IX.

*De modo dicendi Litanias ma-
 jores, sive occurrant in Fe-
 ria secunda Paschæ, sive in
 alia Die infra hanc Octa-
 vam.*

Nonnulla occurrunt hoc loco dicenda de Li-
 tanijs majoribus, sive in Feriam secundam
 Paschæ, sive in aliam quamcumque Diem
 infra hanc Octavam incidentibus. Nihil tamen in-
 tendimus dicere de earum institutione: siquidem,
 cum non convenient inter se Auctores, nec veritas
 rei idcirco clarè appareat, Lector curiosus audiat
 illos,

illos, quos remissivè videre poterit. Et eo magis tacenda videtur earum instigatio, quia & Institutorem ignorari, & Auctorem hujus Processionis nesciri, fatetur Quartus de Processi. sect. 2. punct. 9. pag. mihi 26. Unum dici potest, quoddam Litaniarum nuncupantur forsitan majores, quia antiquitus majori solemnitate fuerint celebratæ, majori videlicet Ecclesiasticorum & Sæcularium concursu, majori apparatu, majori luminum copia, quibus Litanias Rogationum minores idèd appellatas excedebant, ut videtur velle dicere licet non tam clarè, Piscara in Prax. Cæremoniæ, lib. 2. sect. 10. cap. 7. sub num. 1. pag. 275. Nostrium hoc loco præcipuè est, antequam loquamur de modo, disserere de præcepto. Rubrica enim Breviarii in Festo S. Marci Evangelistæ sic habet: *Hodie qui non interfunt Processioni Litaniarum, dicant illas privatim, &c.* ubi proculdubio ly dicant esse verbum præceptivum, observat Gavantus tom. 2. sect. 6. cap. 16. sub num. 3. & consequenter earum omisso est lethalis, in quo omnes conveniunt: & omnium novissimus quoscumque saceris Ordinibus initiatos ad has recitandas teneri sub culpa gravi dixit Reverendissimus Dominus mihi in amicitia conjunctissimus Joannes de Comitibus Patochus Archipresbyter in loco La Tisana nuncupato Diocesis Venetæ, in sua erudita Dissertatiuncula de hujusmodi Litiis, quam, ne perperda evaderet, impressam volui in fine Libri, cui titulus: *Directorium Sacrificantium, Auctore Joanne Maria Turrino, Venetiis 1732.*

Cum ergo hæ Litaniæ sint præceptivæ, debent peculiari mentis attentione, & cordis fervore cantari vel recitari: unde qui volunt satisfacere, non debent fabulari, vel materialiter tantum cum aliis cantare. Privatim recitantes, debent eas dicere flexis genibus, nam tempore Paschali genua non fleximus, sed stantes oramus, nisi in duabus Litiis, ait Joannes Belethus in brevi explicat. Divinor. Officior. cap. 121. in fine, pag. mihi 360. Nec observandum est, quodd hoc tempore non jejunemus, nam Romanæ consuetudine vocatur *Litania major*

non in jejuniis, ut habent Ordo Romanus, Aleu-
nus, & Amalarius, citati à Jacobo Eveillon Cano-
nico Ecclesiæ Andegavensis in Libro de Processi-
onibus, cap. 20. pag. mibi 227. juxta edit. Parisiensem, de
Anno 1651. Et jure merito genua sunt flexenda,
in hac etenim Supplicatione statum peccatorum re-
præsentamus, rogantes humiliter Deum, ut nobis
parcendo, & avertendo iram suam à nobis, fru-
ctus terra dare, & conservare dignetur: Siquidem insti-
tutæ sunt Mense Aprili, quia hoc tempore segetes
omnes sunt in via ad profectum, messes pullulant,
arbores florescunt, Vineæ, & Olivæ prorumpunt:
quare citatus Ordo Romanus sic habet: *Ex qualita-
te temporis colligimus, Litaniam necessariam esse, ad
fruges conservandas, ut habet dictus Eveillon loco ci-
tato, pag. 233.*

His præmissis de præcepto recitandi Litanias ma-
jores, veniamus ad modum eas cantandi in Proce-
ssione, Clerus igitur, & Populus, hora statuta,
manè in Ecclesia congregati: in Ecclesia scilicet
majori, inquit Piscara in *Præf. Cæremoniæ. libr. 2.
sect. 10. cap. 7. sub numer. 2. pag. 275.* omnes con-
trito corde, & humili corde Deum flexis genibus
paulisper precentur: non tamen canendo, sed vel
vocaliter submissa voce, vel mentaliter: quam Ri-
tualis Romani Rubricam raro servari vidi, cum
ferè quovis anno in uno vel altero Loco sim hoc
tempore præsens huic Processioni: unde non fuit
solus in hujusmodi observatione Baruffaldus in *Com-
mentar. ad Rituale Rom. tit. 79. sub num. 27. pagin.
331.* Sacerdos Pluviali cum Ministris, vel saltem
Superpelliceo, & Stola violacei coloris sit indutus:
in majoribus autem Ecclesiis, non solum ipse Plu-
viali indui debet, verum etiam Ministri paramen-
tis sui Ordinis, Piscara loco citato, sub numer. 2.
Cæteri verò Sacerdotes, & Clerici Superpelliceis
induti, sequentem Antiphonam stantes concinant,
nempe: *Exurge Domine, &c.* cum Psalmo *Deus au-
ribus nostris, &c.* & cum Gloria Patri: Postmodum
repetant dictam Antiphonam *Exurge Domine, &c.*
ut in Rituali Romano. Deinde genuflectant omnes,
& duo

& duo Clerici ante Altare majus genuflexi, devotè Litanias cantare incipiant, cæteris eadem voce respondentibus. Dum Rituale dicit, quodd debeant respondere eadem voce, oritur Dubium, an respondere debeant iisdem verbis invocationum, ut supra diximus de Sabbato Sancto. Primus omnium hoc Dubium postea ferè ab omnibus excitatum proposuit Gavantus *tom. 2. sect. 6. cap. 16. sub numer. 5.* ubi ad solutionem respondet cum distinctione, videlicet: Si Processio sit longior, cantantur cum repetitione: si verò brevior, sine repetitione hujusmodi: sed tamen hæc distinctio respicit Ecclesiarum consuetudinem: unde Auctor concludit, hanc repetitionem esse propriam Sabbati Sancti: ideoque si in longiori Processione non sufficiant Litanie, possunt vel repeti, vel addi Psalmi hoc loco à Rituali assignati. Non ideo sunt dicendi Hymni; vel Cantica lætitiæ, quia est Processio de luctuosis: unde consuetudinem quorundam Locorum Responsoria & Hymnos canentium reprobatur Bauldryus in *Man. Sacrar. Cæremoniæ. par. 4. cap. 12. sub numer. 11. pag. 265.* Quapropter Cæremoniale Episcoporum inferiùs citandum præscribit, ut per viam Processionis cantentur quæ in Rituali Romano continentur, & statim addit, & nihil ultra.

Cùm autem cantatum erit, Sancta Maria, Ora pro nobis, inclusive, surgunt omnes, & ordinatim procedunt, egredientes, Litaniasque prosequentes, præcedente Cruce, cum Candelabris & cereis accensis, ut benè notat Piscara in *Præf. Cæremoniæ. lib. 2. sect. 10. cap. 7. sub num. 2. pag. 275.* Exeunte Processione ab Ecclesia, Clerus imponit capiti Birretum Sacerdotale, non tamen Galerum, nisi pluvia cogente, quem cæteroquin prohibet Rituale Romanum, *tit. de Process. rubric. 3.* cui Rituali inhærens Sacra Rituum Congregatio, neque Regulares uti posse pileo, non obstante prætenso solito, decrevit, & ita servari mandavit in *una Aquipendii, sub die 26. Aprilis 1692. apud Monacelli in Formular. Leg. Præf. par. 3. in supplement. ad l. Tomum, pag. 9. sub num. 81. & 82.* & novissime ut Sacri Ritus in

Functionibus Ecclesiasticis. ad ammussim ferventur, dictam dispositionem Ritualis Romani, quoad prohibitionem Galeri in Processionibus, observandam esse, non solum ab Ecclesiasticis Sæcularibus, sed etiam Regularibus, præcepit Clemens. Undecimus in Bullario Romano postrema editionis Luxemburgensis, tom. 8. par. 2. Decreto 8. emanato sub die 9. Decembris 1704. Crux verò debet præcedere, quia ejus prælatione protestantur Fideles se Christo Crucifixi nomen dedisse, sub ejus Signis militare, quorum primum & magis conspicuum est Crucis Vexillum, de quo Ecclesia, *Vexilla Regis prodeunt, fulget Crucis mysterium*, ut dicit, & optimè dicit Paulus Maria Quartus de Process. fact. 1. punct. 6. considerat. 2. pag. 6. ubi etiam egregiè addit, quodd, cum signum Crucis magnam vim habeat fugandi Dæmones, ad cujus præsentiam contremiscunt, quo ipsi debellati fuerunt, *Ecce Crucem Domini, fugite partes adversa*, merito in Processionibus, quæ diriguntur ut castrorum acies ordinata contra Dæmones, erigitur Crux in principio ut fugatis inimicis, via tutissima paretur. Et revera illis amoris, attentè & devotè possumus orate, quid à pravis cogitationibus in mente mundati, humilius Deum rogamus in Litanis, ut mentes nostras ad celestia desideria erigat.

In prædictis Litanis, post nomen S. Joannis Baptistæ, statim addendum illud S. Josephi, dicendo: *Sancte Joannes Baptista, ora pro nobis: Sancte Joseph, ora pro nobis: Omnes Sancti Patriarcha &c.* de qua additione vide, quæ diximus in Litanis Sabbati Sancti prout dictum nomen S. Josephi eodem loco ad omnes Sanctorum Litanias apponi mandavit Benedictus Decimus tertius in Decreto Urbis & Orbis, edito sub die 19. Decembris 1726. Attamen hæc notitia pro illis tantum inservit, qui Breviaria habent & Ritualia veteris editionis, nam in nostris recentioribus jam hujusmodi additio, me suadente cum ostensione Decreti, omnino cernitur impressa. Notandum tamen venit, quodd post Versiculum *Ab ira tua*, non est dicendus, imò absolutè omittendus ille alius Versiculus *A flagello terramotus*: & idèd caute quo-

ad hoc legendus Baruffaldus (cæteroquin in pluribus sequendus) in *Commentar. ad Rituale Rom. rit. 79. sub num. 8. pag. 329.* hic etenim error, qui in aliquibus Breviariis apud nos impressis irrepsit, fuit post modum, me admonente, correctus: Si quidem Clemens Undecimus à dicto Baruffaldo citatus fecit ordinationem specialem pro Alma Urbe Regnoque Neapolitano, tunc temporis terræmotu veratis: non tamen fuit ordinatio generalis, nec consequenter additio in Breviariis & Ritualibus imprimenda. Vacante verò Sede Apostolica, omittendum est ly *Domnum Apostolicum*: & cum dictæ Litaniæ terminandæ sint cum Precibus & Orationibus, ex Rituali Romano, hinc est, quoddam etiam omitti debet, tum Versiculus post Psalmum in Precibus, *Oremus pro Pontifice Nostro*, tum etiam Oratio pro eodem, *Omnipotens sempiterna Deus, misere famulo tuo Pontifice Nostro*, ea ratione, quia Papa non est, si vocat Sedes, ut monet Gavantus *som. 2. sect. 9. cap. 4. sub numer. 11.* & ipsum rectè monere dicit Carolus Guyetus in *Hæretolog. lib. 4. cap. 20. quæst. 7. in fine*, pag. 302. juxta editionem Venetam de Anno 1729. post *Parisensem de Anno 1657.*

In his Litanis nulla alia Sanctorum nomina sunt exprimenda, præter ibi descripta, nec de Sancto Urbis Patrono, nec de Titulari Ecclesiæ, si ejus invocatio non reperitur in Litanis, inconsultâ Sede Apostolica, quæ hujusmodi additionem denegavit Canonicis Cathedralis Regiensis, *sub die 22. Martii 1631.* ut citata Doctorum cæterva, dixi in mea Collectione de Sacris Ritibus, *sub numer. margin. 582. pag. 177.* licet consuetudinem Ecclesiarum Sanctos suos [Litanis inferentium pro virili tueatur Guyetus loco proxime citato, *quæst. 7. vers. Ex his verò colligas, pag. 301.* Multò minùs invocari debent, qui nondum sunt canonizati, neque privatim recitando Litanias, ut citatis auctoribus tenet Gavantus *dicta sect. 9. cap. 4. sub numer. 10.* & subscribit Guyetus *ibidem, vers. Quod dictum*: Sed post eos declaravit Sacra Rituum Congregatio, approbante Alexandro Septimo, in *Decreto Generali de Beatis*

Beatis emanato sub die 27. Septembris 1659. ubi revera sic expresse habetur sub numero decimo: Publicis in Precibus, præter indulta, & à Sede Apostolica approbantes, Beati non invocentur; ut refert Angelus à Lantusca in Theatro Regular. verb. Beati, & refert etiam P. Merati tom. 1. par. 2. in Indice, sub num. 370. Unde Patribus Servitis concessa quidem fuit facultas describendi juxta proprias classes in Litanis majoribus in Ecclesiis Ordinis tantum recitandis, nomina Beatorum Ordinis præfati, sed tamen post illorum descriptionem in Sanctorum Albo, ut cum tali conditione indulset Benedictus Decimus tertius anno 1729: sub die 20. Martii, in Decreto Roma impresso, typis Reverenda Camera Apostolica 1729. quod ego integrum Domi asservo.

Quod si aliqua Religio habeat Privilegium Apostolicum nominandi in Litanis Fundatorem Ordinis, non ideo ex sola Privilegiorum communicatione possunt aliæ Religionēs uti eo Privilegio, sed debent speciale obtinere, prout ad tertium Dubium ita declaravit, ac servari voluit, & insuper imprimi mandavit Sacra Rituum Congregatio in Decreto generali de die 20. Martii 1706. in Bullario particulari Clementis XI. Romæ impresso 1723. par. 3. Constitut. 6. pag. 565. ac etiam in Bullario Romano novo, tom. 8. par. 2. Decreto 6. pag. 434. sed modò reperitur initio Breviarii novissimi. Religio verò, quæ gaudet hujusmodi Privilegio, dum invocatur in Litanis Sanctum Ordinis Fundatorem, non debet addere nomen Patriæ, dicendo exempli gratia: *Sancte Franciscus de Paula, ora pro nobis*; quod clarè patet ex Decreto Sacræ Rituum Congregationis, emanato sub die 23. Decembris 1624. & per extensum relato à Peyrino de Privileg. Regular. tom. 1. circa Constitut. 17. Leonis X. sub numer. 2. pag. 138. in quo dicitur, quòd Regulares Ordinis Minorum, dum in Litanis Orationibus, Versiculis, cæterisque actibus inter Divina Officia occurrentibus invocant Sanctum Franciscum suæ Religionis Fundatorem, non debent addere *de Paula*: ex quo solo, licet unico exemplo, quid in similibus

bus sit faciendum, ostenditur: non enim hic casus est unus ex illis specialibus, qui trahi non possit in exemplum similium: sed neque videtur, quod sit ita particularis prohibitio, ut extendi non valeat ad quascumque alias Religiones in suorum invocatione sanctorum in Litanis ex Privilegio facienda: & novissimè hoc idem decrevit eadem Sacra Rituum Congregatio in *Einselden*, hoc nostro anno 1736. sub die 23. Junii, hisce præcis verbis, unde licet: *Ab Orationibus ex pungenda sunt cognomina, & Patria Sanctorum*, prout refert fidelissimus testis de visu, Reverendissimus P. Gajetanus Maria Merati, ejusdem Sacræ Congregationis Consultat, in *Addit. ad Gavans*, tom. 1. par. 2. in *Judice*, sub numer. 682.

Si ad unam, vel plures Ecclesias in via sit divertendum, ingressis Ecclesiam, intermissisque Litanis vel Psalmis, cantatur Antiphona cum Versu, & Oratione Sancti Patroni illius Ecclesiæ, Deinde egredientes, resumptis Precibus, eodem ordine procedunt usque ad Ecclesiam, ubi cum Precibus, omnibusque Orationibus Processio terminatur, ut in fine Breviarii Romani post Psalmos Pœnitentiales: Ita Rituale Romanum *de ordine servando in Litaniarum majorum Processione*. Circa hanc Rubricam notandum primò venit, quod pauldante quam Processio illam ingrediatur Ecclesiam, sunt pulsandæ campanæ, nec debent filere donec omnes de Processione sint de illa Ecclesia omnino egressi. Notandum secundò, quod aliquis Sacerdos Superpelliceo indutus, intra ostium Ecclesiæ debet Aqua benedicta ingrediens aspergere, ne interrumpatur Processio in accessu ad concham. Notandum tertio, quod Antiphona cum Versu cantanda pro Titulari illius Ecclesiæ, sumenda est ex ejus Communi in Breviario: Oratio verò non est dicenda, ut in Festo ejusdem Sancti, sed ea cantanda est, quæ dici solet pro eo in Suffragiis seu Commemorationibus communibus, ut ait Piscara in *Prax. Cæremoniæ*, lib. 2. sess. 10. cap. 7. sub numer. 4. pagina 276. Et hæc Oratio præparetur ab illa Ecclesia, ut

ut Officiator, qui secum habere non solet, nisi Rituale, possit eam opportuno tempore cantare. Non video tamen, cur non valeat cani etiam Oratio Festi, si in illa non habeantur verba eidem Festo dumtaxat convenientia. Notandum quartò, quòd ex concessione cantandi Orationem de Titulari illius Ecclesiæ, non inferitur ejus invocatio in egressu Processionis, ut Aliqui faciunt, licet descriptus sit in Litanis: tum quia facillimè discontinuatur ordo Invocationum resumendarum: tum quia sæpè contingit, quòd Sanctus ille non est de ea classe, ex qua sunt alii, qui successivè sunt invocandi: Unde Bauldryus in *Man. Sacrar. Ceremoniar. par. 4. cap. 12. sub num. 13. pag. 266.* neque concedit, si Titularis sit de eadem classe, quando inverti debeat ordo præscriptus: ut si Sanctus Ecclesiæ Patronus sit S. Laurentius, non est nominandus ante S. Stephanum, à quo essent resumendæ Litanie, licet ambo sint de eadem classe, quia in Litanis est primus S. Stephanus: tunc tamen posset egrediendo nominari S. Laurentius Titularis, si Processio ingrediendo terminasset cum S. Stephano inclusivè: quòd potius benè esset, si fieri potest.

Cùm autem quæsitum fuisset: An ille, qui recitat vespèri Matutinum cum Laudibus, possit etiam statim recitare has Litanias? Gavantus *rom. 2. sect. 6. cap. 16. sub numer. 6.* tuctur affirmativam: & ideo respondet, quòd potest recitare: ejusque ratio est, quia Rubrica conjungit Litanias cum Laudibus idcirco adimitur Versiculus *Fidelium Anima*, &c. vigore Rubricæ Breviarii *sir. 30. de Oratione*, sub num. 3. in fine, ubi revera sic habetur: *Qui Versus (Fidelium Animæ) non dicitur, quando post aliquam Horam immediatè sequuntur sola Litanie*: Sed in hoc casu Litanie sunt accessorium: ergo sequuntur naturam sui principalis: sed principale sunt Laudes: Ergo si possunt dici ipsæ, potest & dici accessorium, nempe Litanie: Sic videtur velle argumentari Gavantus. Huic tamen opinativæ ratiocinationi Gavanti adversatur Guyetus in *Heortolog. libr. 4. cap. 20. quæst. 6. pag. 300.* & contra Hominem insurgit

furgit cum argumento ad hominem: Ait enim: Refert ipsemet Gavantus *tom. 2. sect. 7. cap. 13. ad 2. Novembr.* Decretum Sacre Rituum Congregationis *de die 1. Septembris 1607.* ne pridie Commemorationis omnium Fidelium defunctorum vesperi recitetur eorum Matutinum, sed ipsa die manè: sed Matutinum & Laudes Defunctorum æquè pars sunt Laudum Diei, ac Litanie, nam æquè Laudibus adjunguntur per Rubricam, & æquè iis adimitur Versus *Fidelium Anima*: ergo à pari, si non potest vesperi dici Matutinum cum Laudibus Defunctorum, neque possunt dici Vesperi Litanie. Præterquàm quòd ratio Decreti prohibitivi ea vel maxime esse potest, quia cum dies secunda Novembris addita sit pro Defunctis, anticipatò vesperi eorum Matutino cum Laudibus, superesset Orationis in ipsa Die: Sed ejusmodi ratio æquè pugnat pro Litanis Diei vigesimæquintæ Aprilis additis: Ergo si vesperi anticipentur, nihil supererit ejusmodi Præcum in ipso Die, cum tamen anticipato pridie Officio Defunctorum, adhuc supersit ipso Die Missa à singulis Sacerdotibus pro Defunctis celebranda. *Hac Guyetus.*

Attamen dicta Guyeti paritas mihi forsàn videtur subsistere, suumque integrum robur habere, nisi aliquid in contrarium invenissem; nam si usus est (ut ipse ibidem ait) multarum Ecclesiarum, ut vesperi decantent Matutinum & Laudes Defunctorum publicè, quod est majus, & absque prævia in Choro Matutini cum Laudibus Diei recitatione, ut etiam in Cathedralibus concedit Cæremoniale Episcoporum *lib. 2. cap. 10. §. 1. & 5. pag. mihi 267. & 269.* & ipsemet Gavantus non reprobatur ex consuetudine in Ecclesiis Regularium *tom. 2. sect. 9. cap. 2. sub numer. 17.* potuerunt quidem, & majori ratione, post solitam-anticipatam Matutini recitationem cum Laudibus Diei, recitari vesperi, & proprio recitationis loco, Litanie privatim, quod est minus: siquidem hoc potiùs à pari mihi videtur inferendum: cum enim in utroque casu efflux sit recitationi præcisus Dies, concessa unius anticipa-
tione,

ritione, concessa videtur & altera: ex uno namque casu commodum potius respiciente vel usum, quam privilegium, ex eodem Gavanto loco citato, sub numero. 16. quid in similibus sit faciendum, ostenditur: ex quo subsistere non censeo, quod addit Guyetus: *Nullibi receptum est, ut Litania pridie decantentur*, nam Gavantus non loquitur de publica earum decantatione, sed de recitatione privata. Secuta verò à privatis vespertina Litaniarum recitatione, quomodo quæso nihil restat pro Die sequenti? Nonne facienda est manè solemnis earundem Litaniarum Processio, cum interventu etiam privatim recitantium, qui ferè omnes saltem ex devotione, si non ex debito, iterum eas eum aliis decantant? Nonne restat canenda Missa de Rogationibus, cui totus Ecclesiæ Clerus assistit cantando? Et cum applicatio Missarum in Die Defunctorum sit ad libitum Sacardotum, & non necessariò pro omnibus, ut supponit Guyetus, cum fieri possit pro aliquibus in specie, ex declaratione Sacræ Rituum Congregationis de Anno 1663. sub die 4. Augusti, nonne possunt Sacerdotes privatim vespere Litania recitantes, in Missa de Die rogare Deum in Memento Vivorum juxta intentionem Ecclesiæ, respectu finis, propter quem sunt institutæ? His igitur confutationibus iunxit (parcat Guyetus) adhæreo potius opinioni Gavanti privatam vespere Litaniarum recitationem admittentis ex usu.

In Cathedrali denique Ecclesia solemnius celebratur hæc Litaniarum Processio. Die igitur vigesima quinta Aprilis congregatur de mandato Episcopi totus Clerus Sæcularis & Regularis, ac etiam, ubi consuetum est, Confraternitates Laicorum, cum eorum insignibus, ante fores Ecclesiæ unde Processio discedere debet, seu etiam intra Ecclesiam si sit capax: ibique expectant, donec erit tempus. Tunc incipiet à Deputatis dirigi Processio ordine solito, in qua prius procedent Confraternitates Laicorum, deinde Religiosi, postmodum Clerus, & Ecclesiæ Collegiæ, & ultimò Clerus Ecclesiæ Cathedralis, 370
cujus

tujus Canonici omnes, si commodè fieri poterit, erunt parati paramentis sibi competentibus violacei coloris, quemadmodum solent; Episcopo celebrante, vel saltem sex vel octo eorum erunt cum Pluvialibus. Ultimo loco procedet Episcopus paratus Pluviali similiter violaceo, & Mitra simplici, medius inter duos Canonicos Diaconos assistentes, paratos Dalmaticis, & manu sinistra Baculum Pastoralem gestabit; dexterà verò Populo benedicet. Si erit Archiepiscopus, præbit Crux Archiepiscopalis ante Canonicos Ecclesiæ Cathedralis: & si consuetum sit, in hujusmodi Processione portari aliquas Sanctorum Reliquias & Sacras Imagines, servabitur consuetudo: removendi tamen erunt à Processionibus ludiori, & indecori actus. Hæc ordine ibit Processio usque ad Ecclesiam, ad quam juxta consuetudinem Civitatis dirigitur, ejus Ecclesiæ Clerus, ubi ita consuetum est, procedet obviam, usque extra portam Ecclesiæ, Processioni, ibique stans, eam recipiet. Per viam Processionis cantentur Litanie, & alia quæ in Libro Ritualis Romani continentur, & nihil ultra. Ipsa tamen via prius, de mandato Episcopi, ab omnibus in ea habitantibus mundetur. Prælati, si qui aderunt, de gremio Ecclesiæ, ibunt immediatè ante Episcopum; alii verò Prælati, Magistratus, & alii Nobiles laici post Episcopum. Cum autem Episcopus, & Processio pervenerit ad dictam Ecclesiam, celebretur ibi Missa solemnis Rogationum, & non S. Marci, nisi fuerit titulus Ecclesiæ. (*sed neque si fuerint titulus Ecclesiæ, occurrentibus Litanis in Feria secunda, vel tertia infra Octavam Pasche, quia Missa etiam ibi tunc cantanda erit de Rogationibus*) Celebretur ergo, vel ab Episcopo, vel ab aliquo Canonico coram eo, cum solitis cæremoniis: & in fine Episcopus dabit Benedictionem solemnem, & faciet publicari Indulgentiam. Si autem hæc Missa opportunius in regressu Processionis in Cathedrali celebrari judicabitur, tunc in Ecclesia, ad quam Processio pervenerit, per Episcopum, vel Celebrantem, cantata per Cantores Antiphona de Bea-

ta Virgine , & de Sancto Titulari , subjunguntur propriæ Orationes . Hucusque , excepta parenthesi , Cæremoniale Episcoporum *libr. 2. cap. 32. per tot. pag. mihi 399.*

Quodd si in Die S. Marci post Processionem in Ecclesia minori , seu non Collegiata cantatur unica Missa , ipsa debet esse de Rogationibus , & servanda est Rubrica Missalis Romani posita ante Missam de S. Marco , ubi præscribitur , quodd de prædicto Sancto cantanda est Missa tantummodo , quando Processio terminatur ad Ecclesiam eidem Sancto dicatam , quemadmodum canetur in Cæremoniali Episcoporum , ut respondit Sacra Rituum Congregatio in *una Galliarum de anno 1693. sub die 10. Januarii* , apud Reverendissimum P. Merati in *Addit. ad Gavant. tom. 1. par. 2. in Indice , sub num. 507.* ubi sub numero 679. aliud refert ejusdem Sacræ Congregationis Decretum in *Finsilden. de anno 1736. 5. Maii* , tenoris sequentis , scilicet : *In Festo S. Marci , vel respectivè in Feriis Rogationum , si fiat de Officio duplici vel Semiduplici , in Locis ubi una tantum Missa cantatur , pro majori Populi commoditate , ut possit post Processionem vacare laboribus , convenientius est Processionem facere post Nonam , inde cantare Missam Rogationum . Cæterum , ubi Horæ Canonice , dicuntur in Choro , non licet post Primam celebrare Missam Rogationum , sed servandæ sunt Rubricæ , ut supplicante P. Juvenali Visitatore Generali Congregationis Camaldulensium de Monte Corona , respondit Sacra Rituum Congregatio anno 1701. sub die 22. Januarii , ad primum Dubium , quam responsonem , unà cum aliis eodem die emanatis , sed modò ad nostram rem non facientibus , ego Domi asservo in forma authentica , cum solito Sigillo , & cum subscriptione de propria manu Illustrissimi D. Secretarii . Occurrente denique Festo S. Marci infra Octavam Paschatis , in Missa Rogationum non est dicendum Credo , ut resolvit eadem Sacra Congregatio in *Collen. anno 1698. sub die 5. Julii , ad decimum septimum Dubium* , cujus Resolutionis authenticum exemplar est itidem apud me ;*

& re-

& refert etiam supra citatus P. Merati, *ibidem*,
sub num. 530.

G. X.

*De iis, quæ spectant ad Fe-
riam tertiam infra Octa-
vam Paschæ.*

Feria tertia infra Octavam Paschæ annexum
habet præceptum audiendi Missam, & vacan-
di ab operibus servilibus. Ejus Officium cele-
bratur sub ritu duplici primæ classis in colore albo. De
nullo autem Festo hodie occurrente fieri potest utcum-
que solemniter celebrando, licet illud sit vel Patroni
Loci, vel Titularis Ecclesiæ, vel ejusdem Dedicatio-
nis: Ideoque, si hæc Feria tertia veniat die duodecima
Aprilis, ut in Tabula vigesima ordinis perpetui,
Veronæ in Dominio Veneto transfertur Festum S.
Zenonis Episcopi & Martyris, Patroni principalis
Urbis, sub ritu duplici primæ classis: Si verò in-
cidat in diem decimamtertiam ejusdem Mensis, ut
in Tabula vigesima prima, Ravennæ in Romandio-
la transfertur Festum duplex primæ classis de De-
dicatione Ecclesiæ Majoris: Si autem occurrat die
vigesima quarta dicti Aprilis, ut in Tabula trigesi-
ma secunda, Ferrariæ in Statu Ecclesiastico trans-
fertur Festum S. Georgii Martyris, Titularis
Cathedralis, quod ibi eodie celebratur, & quidem
sub ritu duplici primæ classis. Quoad Officium hu-
jus Feriæ tertiæ, omnia dicuntur, ut in Die Pas-
chæ, exceptis propriis, quæ hodie habentur in Bre-
viario. Propria autem sunt, Versiculus *Surrexit Do-
minus verè*, Responsorium *Et apparuit Simoni*, tres
Lectiones de Homilia S. Ambrosii Episcopi in E-
vangelium Lucæ *Stetit Jesus in medio Discipulorum*,
cum suis Responsois, Antiphona ad Benedictus

Tonus Primus.

V

Stetit

Stetit Jesus, nec non & Oratio *Deus, qui Ecclesiam tuam*: quæ Oratio debet esse unica, licet hodie occurrat Festum simplex, de quo idcirco nihil.

Missæ hujus Feriæ tertiæ est propria, in qua dicitur *Gloria*, cum unica Oratione, nihil enim hæc die fit de Festo simplici occurrente, sed neque de Die Anniversaria Electionis, & Conservationis Episcopi, si alicubi occurrat: unde bene Kalendarista Ferrariensis anno 1734. die 27. Aprilis adnotavit quidem in hac Feria tertia Anniversarium Electionis Eminentissimi Episcopi Ruffi, sed tacuit Collectam in Missa: Nihilominus vide supra Decretum pro Missa solemni in Festo Epiphaniæ. Dicitur in hac Missa *Sequentia*, nec non & *Credo*, ac Præfatio *Te quidem, Domine, omni tempore sed in hac*, sicut & *Communicantes*, ac etiam *Hanc igitur*, quæ sunt propria hujus Octavæ. Antiquitùs tamen dicebatur hodie Præfatio distincta, & ideo alia ab illa, quam habet hæc Octava Paschalis in Missali: & eam extendit Liber Sacramentorum S. Gregorii Papæ: pagina 77. sequentibus verbis exaratam, videlicet: *Verè dignum & iustum est, æquum & salutare, nos tibi semper, & ubique gratias agere, Domine sancte Pater omnipotens, æternè Deus, per Christum Dominum Nostrum. Qui oblatione sui Corporis, remotis Sacrificiorum carnalium observationibus, seipsum Tibi sacram Hostiam, Agnumque immaculatam Summus Sacerdos pro salute nostra immolavit. Per quem, Majestatem suam laudant Angeli, &c.* Attamen Benedictio, quam tunc temporis solebat Episcopus Populo impertiri, & quam ad eruditam venerabilis Antiquitatis memoriam hîc duximus extendendam, erat hodie ea, quæ sequitur, ex eodem Sacramentario Gregoriano Deprompta, scilicet: *Deus, qui vos lavit aqua sui Lateris, & redemit effusione Crucis, ipse in vobis confirmet gratiam adeptæ Redemptionis. Amen. Per quem renati estis ex Aqua & Spiritu Sancto, ipse vos celesti consociet regno. Amen. Quique dedit vobis initia Sanctæ Fidei, ipse conferat & perfectionem operis, & plenitudinem charitatis. Amen. Quod ipse prestare dignetur, &c.* cum reliquis, ut supra in Missa Sabbati Sancti. Aliam

Aliam Præfationem censemus hoc proprio loco ponendam, ab Ecclesia Gallicana priscis temporibus recitatam in Missa hujus Feriæ tertiæ, cæteroquin relata à Mabillonio in *Liturg. Gallic. lib. 3. pag. 255.* & est sequens, nempe: *Dignum & justum est, nos tibi gratias agere, omnipotens sempiternus Deus, per Jesum Christum Filium tuum Dominum nostrum. Per quem humanum genus vivificans, Pascha etiam per Moysen & Aaron famulos tuos Agni immolatione iussisti celebrari: consequentibus temporibus usque ad adventum Domini nostri Jesu Christi, qui sicut Agnus ad victimam ductus est, eandem consuetudinem in memoriam observare præcepisti: Ipse est Agnus immaculatus, qui prioris populi primum Pascha in Ægypto fuerat immolatus. Ipse est Aries in verticem montis excelsi de vepre prælatus, sacrificio destinatus. Ipse est Vitulus saginatus, qui in tabernacula patris nostri Abraha propter hospites est victimatus: Cujus Passionem & Resurrectionem celebramus, cujus & adventum speramus. Et ideo cum Angelis & Archangelis, &c.* Extensis tamen antiquis Præfationibus, restat & alia hic ponenda, quæ nostris etiam temporibus recitatur in Ecclesia Ambrosiana, ut Lector Ecclesiasticus & videat priscum morem, & simul vigentem. Præfatio igitur, quam pro hujusmodi Ecclesia habet Missale Mediolanensis editionis, in hac Feria tertia Paschæ his paucis concepta verbis legenda conspicitur, videlicet: *Vere dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æternus Deus: Tuam magnificentiam deprecantes, ut, qui alligans sortem nostri generis inimicum, vasa ejus diripere non desistis, ad consortium Christi tui facias venire vincentes, per eundem Christum Dominum nostrum. Per quem, Majestatem tuam laudant Angeli, &c.*

Circa verò Missam de Festo hodie occurrente & consequenter transferendo: De Votivis solemnibus in hanc Feriam tertiam incidentibus: De Missa pro Defunctis cantanda in Die Obitus: De celebratione hac Die in Oratoriis privatis facienda: De Missis denique in Altari hodie forsân pro Animabus Pri-

vilegiato : vide quæ diximus supra in Feria secunda immediatè præcedenti: nam ea omnia, quæ hæri in præmissis sunt adnotata, etiam hodie sunt adamissim servanda. Cæterùm ex duplici ratione possunt hac die dici Litaniz Majores cum Missa Rogationum, scilicet: vel tamquàm in hac Feria tertia occurrentes: vel tamquàm in hanc Feriam tertiam translatae. Et quidem tamquàm occurrentes, videlicèt, si hæc Feria tertia incidat in diem vigesimam quintam Aprilis, ut in Tabula trigesima tertia ordinis perpetui, nam dicendæ sunt, quia occurrunt. Tamquàm verò translatae hodie celebrantur, quando nempe hæc eadem Feria tertia veniat die vigesima septima ejusdem Aprilis, ut in Tabula trigesima quinta, & casus fuit hoc Anno 1734. in quo scribo, futurus verò est remotissimus: nam tunc ex Die sancto Paschæ, in quo revera occurrebant, transferuntur in hanc ipsam Feriam tertiam, ex-Decreto, Rubrica, & ratione superius allatis in Dominica Resurrectionis. Quoad tamen præceptum, modum, ordinemque hæc Litanias cantandi vel recitandi, satis superque diximus in Feria secunda.

De Vesperis autem vel solemniter peragendis, vel privatim recitandis, etiam in hac Feria tertia omnia supuntur ex secundis Vesperis de Die sancto Paschæ. Excipienda tamen est Antiphona ad Magnificat, ut propria hujus Diei, scilicet: *Videte manus meas*: sicuti & Oratio, quæ in hac Feria est itidem propria, videlicèt: *Deus, qui Ecclesiam tuam*, &c. In hisce verò Vesperis nihil sit de Festo simplici forsan sequenti, licèt enim cras de eo facienda sit commemoratio, ut infra suo loco dicemus, hodie nihilominus est omittenda tam in solemni Vesperarum decantatione, quam in recitatione privata. Completorium denique nullam habet adnotandam specialitatem, sed totum dicitur ut in Dominica Resurrectionis.

S. XI.

De iis, quæ spectant ad Feriam quartam infra Octavam Paschæ.

Officium hujus Feriæ quartæ celebratur quidem sub ritu semiduplici in colore albo, sed non idcirco cedit Festo duplici primæ classis occurrenti; quod idcirco erit transferendum in primam diem non impeditam post hanc Octavam: quapropter si hæc FERIA quarta veniat die vigesima tertia Aprilis, ut in Tabula trigesima, Segniæ in Dalmatia transfertur Festum S. Georgii Martyris, Urbis Patroni præcipui, quod propterea ibi celebratur sub ritu duplici primæ classis, & casus fuit Anno 1710. ut etiam pro illa Civitate eodem anno in Calendario seu Directorio adnotavi. Attamen quoad Officium hujus Feriæ quartæ, sumuntur omnia ex Dominica Resurrectionis, illis exceptis, quæ sunt propria hujus Feriæ in Breviario. Propria verò sunt, Versiculus: *Gavisus sunt Discipuli*, Responsorium: *Viso Domino*, tres Lectiones de Hon. Iliæ S. Gregorii Papæ in Evangelium Joannis: *Manifestavit se iterum Jesus*, cum suis Responsoriis, Antiphona ad Benedictus: *Mittite in dexteram navigii rete*, atque etiam Oratio: *Deus, qui nos Resurrectionis Dominica, &c.* Ad Matutinum tamen, si hodie occurrat Festum simplex, non legitur ejus lectio, sed ad Laudes fit tamen de eo commemoratio, ut si hæc FERIA quarta occurrat die 14. vel decima sexta Aprilis, ut in Tabula vigesima prima, vel vigesima quarta ordinis perpetui, tacita in Matutino vel utraque Lectione de SS. Tiburtio & Sociis, vel respectivè unica de S. Aniceto, fit de primis, vel secundo commemoratio dumtaxat in Laudibus: nisi

alicubi omnes isti Dies infra Octavam Paschæ celebrantur sub ritu duplici primæ classis, prout in Brevariario Bituricensi in dicti ritus serie recenseri, testatur Guyetus in *Heortolog. lib. 4. fest. 1. cap. 6. quæst. 1. pag. 251.* nam ibi neque commemoratio de Festo simplici occurrente erit in Laudibus facienda, juxta morem duplicis primæ classis commemorationem hujusmodi excludentis.

Missæ de hac Feria quarta infra Octavam Paschæ est propria, in qua dicitur *Gloria*, cum secunda tantum Oratione contra persecutores Ecclesiæ, vel pro Papa. Kalendaristæ tamen deberent in annuis Diocesium Directoriis hanc ponere alternativè secundam Orationem, ita ut una die adnotetur *Ecclesia*, altera verò die recitetur *pro Papa*: aliter ista esset semper supervacanea, si illa semper diceretur: quod etiam observari faciant Sacristæ propter uniformitatem, ne in una eademque Ecclesia ab uno Sacerdote dicatur prima, ab alio verò eodem die legatur secunda: licet enim sit utraque ad arbitrium dicenda, benè tamen erit, ut dicta uniformitas servetur. Quod si Sedes Apostolica vacaverit, tunc & eo calu necessariò erit quotidie & ab omnibus dicenda secunda Oratio *Ecclesia*. Sicuti autem est res gravis dicere Orationem pro Summo Pontifice inter vivos existente, sic graviores rem cenfeo, eo defuncto dicere Orationem *Pro eligendo*: nam si, donec de Episcopo successore Capite unius Diocesis provisum fuerit, preces ad Deum continuè afferendæ sunt pro opportuna novi Episcopi electione impetranda, ut verbis utar Cæremonialis Episcoporum *libr. 2. capis. 38. §. 26. pag. mihi 434.* multo magis erit orandum pro novi Summi Pontificis creatione, qui non unius Diocesis, sed totius Orbis Catholici est Caput. Unde, salva meliori opinione, saltem in hujusmodi casu una die dicerem *Ecclesia*, altera verò die *Pro eligendo* recitarem. Si quis tamen ex Sacerdotibus habeat ex Litteris particularibus sibi Roma fideliter transmissis certam, sed privatam notitiam de creatione novi Pontificis, cum expressione Nominis sibi impositi,

non

non ideo debet dicere secundam Orationem pro Pa-
pa, sed debet expectare publicum signum per festi-
vam campanarum pulsationem, quia noticia sumi-
tur à Superioribus, non à privatis.

Quodd si occurrat Festum simplex in hac Feria
quarta Paschæ; secunda Oratio in Missa erit de
eo, sed non ideo tertia Oratio dicenda, ait & benè
Gavantus tom. 1. par. 1. tit. 9. sub num. 8. cum quo
licet optimo ac plurimum venerando Auctore, a-
cre tamen init certamen Guyetus in Heortolog. lib. 4.
sect. 3. cap. 18. quæst. 28. pag. mihi 292. juxta edit.
Venes. de Anno 1729. mordicus tenens, in prædicto
casu Festi simplicis occurrentis dicendam esse ter-
tiam Orationem. Potissima hujus cæteroquin cele-
berrimi Auctoris ratio est, quia Rubrica in hac Fe-
ria quarta sic habet: *Post Orationem Diei dicitur una
ex sequentibus Orationibus tantum, nisi facienda sit
commemoratio alicujus Festi simplicis occurrentis*: Ergo
(insert) si facienda sit huiusmodi commemoratio,
dicitur Oratio tertia: Intelligit enim; quodd ly tan-
tum sit vox quidem tertiæ Orationis exclusiva, quan-
do tamen non occurrat simplex: ly verò nisi sit in-
clusiva ipsius Orationis tertiæ, occurrente Festo sim-
plici. Ad hoc nihilominus respondeo, quodd cum
Dictio tantum sit exclusiva tertiæ Orationis, Dictio
nisi non adversatur (ut ipse putat) ipsi Dictio-
ni tantum, sed ipsi Orationi tertiæ, & ideo tan-
tum stat pro sola secunda Oratione, nisi verò pro
Festo simplici ad exclusionem tertiæ Orationis: &
ideo utraq; Dictio perinde se habet, ac si Rubri-
ca diceret: *Post Orationem Diei dicitur una ex sequen-
tibus Orationibus tantum, nisi facienda sit commemora-
tio alicujus Festi simplicis, quia tunc loco secunda Ora-
tionis assignata, dicitur secunda Oratio de simplici sine
tertia Oratione*.

Quidquid igitur sit de aliis Rubricis ad suam
rem à Guyeto ad tuendum oppositum relatis ad no-
stram rem hunc esse sensum Rubricæ declaravit
Sacra Rituum Congregatio sub die 22. Novembris
1659. anno secundo post editionem Heortologiæ Gu-
yetanæ factam primò Lutetiæ Parisiorum anno 1657.

& ideo ejus opinio vix nata, obiit in cunabulis, & consequenter illa Gavanti magis magisque reviviscit. Declaratio igitur est sequens: *Institutum fuit à Sacra Rituum Congregatione declaravi: In Missis ferialibus, qua contingunt à Dominica Passionis ad Feriam quintam Cœna Domini, cum facienda obvenerit commemoratio de Simplici, an sit omittenda tertia Oratio, qua pro secunda assignatur in Missali, nempe, pro Papa, vel pro Ecclesia? Dubium insurgit, ex quo Rubrica præcipiant, dicendam esse secundam Orationem tantum.* Sacra autem eadem Rituum Congregatio respondit, *omittendam esse tertiam Orationem, eo quod Rubrica satis clare disponant: Et ita servati mandavit.* Die 22. Novembris 1659. Dictam Declarationem, prout stat & jacet, ego Domi retineo in forma authentica, cum magno Sigillo, & cum subscriptione de manu propria Illustrissimi D. Secretarii. Dum ibi dicitur in numero plurali: *eo quod Rubrica satis clare disponant*, includuntur omnes & singulæ Rubricæ ad hanc rem, & consequenter etiam illa hujus Feriæ quartæ: Ergo opinio Gavanti est ad sensum Rubricæ: Ergo illa Guyeti extra sensum. Dictum autem Decretum, una cum aliis postmodum ad hanc rem emanatis, confirmavit, & simul in sequenti recentissimo univit eadem Sacra Rituum Congregatio in *una Rubricarum*, edita anno 1736. sub die 15. Septembris, ubi sic respondit, imò clarioribus verbis dixit. *In Missis Ferialibus à Dominica Passionis usque ad Feriam Quintam in Cœna Domini, & infra Octavas Paschæ & Pentecostes, juxta alias resolutiones 22. Novembris 1659. in una Rubricarum, 13. Septembris 1692. in Cælaraugustana, & 4. Maij 1719. in Pistorien. occurrente Fæsto simplici, non est dicenda tertia Oratio Ecclesiæ, vel pro Papa: Sic enim refert testis omni exceptione dignus meritissimus ejusdem Sacræ Congregationis Consultor, Reverendissimus Pater Cajetanus Maria Merati, in addit. noviss. ad Gavant. tom. 1. par. 2. in Indice, sub num. 700. pagin. 1429. juxta primam editionem Romanam de Anno 1737. Quartus autem in Commentar. ad Rubric. Missal. par. 1. tit. 9. sub num. 8. dat rationem duarum tantum Orationum*

tionum infra hanc Octavam, quia scilicet nostraintentio ferri debet in solum Christum redivivum & triumphantem, suamque Ecclesiam vivificantem.

Si verò simul cum Festo simplici occurrat in hac Feria quarta Paschæ etiam Dies Anniversaria Electionis seu Consecrationis Episcopi, quid in hoc agendum? Omittenda est (ut reor) in Missa Collecta pro Episcopo. Si quidem, cum non sit omittenda una ex assignatis Orationibus in Missali, ut ejus loco dicatur Oratio imperata, ut pro parte P. Procuratoris Generalis Congregationis Lateranensis, ad novum Dubium respondit *Sacra Rituum Congregatio sub die 2. Decembris 1684.* Sequitur, quod dicta Collecta pro Episcopo dici deberet post Orationem *Ecclesia*, vel *pro Papa*, & ideo tertio loco esset legenda: Sed ex superius dictis nullo modo est dicenda tertia Oratio: Ergo Oratio pro Episcopo (sive occurrat Simplex, sive non) in casu proposito videtur omittenda. Verum quidem est, quod hujusmodi casu alicubi forsan eveniente, suppleret tum Missa solemnis de dicta Die Anniversaria in Cathedrali cantanda, ut posse hodie cantari, patet ex inferius dicendis: tum etiam recordatio omnium totius Diocesis Sacerdotum in *Memento Vivorum*, de quo admonitio facienda est à Kalendaristis in Diocesano Directorio illius anni quoad hoc impediti: non enim eo modo, quo fieri potest, prætermittendæ sunt preces Deo offerendæ pro diuturna sui Episcopi incolymitate, ut verbo & exemplo, quibus præ est, proficiat. Quod autem dicitur de hujusmodi Die Anniversaria, intelligendum venit de Gratiarum actione, de petitione Pluvie, de postulatione Serenitatis, vel de aliis indigentis, si hac die occurrant, ita ut cantata Votiva necessitati conveniente, privatim celebrantes Deum rogent in *Memento*, absque additione Collectæ in Missa.

In dicta Missa de Feria quarta Paschæ dicitur post Epistolam *Sequentia*, & post Evangelium *Credo*, cum Præfatione *Te quidem, Domine &c.*, & cum *Communicantes*, atque etiam *Hanc igitur* propriis de Octava. Sed ut etiam hodie aliquid dicamus de antiqua

381

382

tiqua Ecclesiæ consuetudine circa Præfationem, illa erat itidem propria hujus Feriæ quartæ, quam ex Libro Sacramentorum S. Gregorii, *pagin. 78.* diligenter de more transcriptam, Lectori Ecclesiasticæ Antiquitatis studiose integram exponimus, rem gratam ei, ut speramus, facturi: est igitur ea, quæ sequitur, videlicet: *Verè dignum, & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterna Deus: Et pietatem tuam indefessis precibus implorare, ut qui Paschalis Festivitatibus solemnibus colimus, in tua semper sanctificatione vivamus. Quò per temporalis Festi observationem, pervenire mereamur ad æternorum gaudiorum continuationem, per Christum Dominum nostrum. Per quem, Majestatem tuam laudant Angeli, &c.* Nec tamen, omittere volumus Benedictionem illam solemnem, quæ prisco usu Populis in Ecclesia ad audienda Divina Officia devotè congregatis tribuebatur, nam hæc die erat sequens, scilicet: *Dominus Deus noster vos perducit ad arborem vite, qui eruit de lacu miseria. Amen. Ipse vobis aperiat januam Paradisi, qui confregit portas Inferni. Amen. Ipse vos ornat flagello, & in regnum suum perducit confitentes, qui pati dignatus est pro impiis innocens. Amen. Quod ipse prestare dignatur, &c.* cum reliquis, ut supra in Missa de Sabbato Sancto.

Sed, ut sequamur morem inceptum, alias duas ponimus Præfationes, quarum prima olim recitata fuit: altera verò adhuc recitatur hoc nostro tempore. Et quidem jam recitata, est illa, qua propria hujus Feriæ quartæ utebatur Ecclesia Gallicana, & ex Mabillonio in *Liturg. Gallic. lib. 3. pag. 255.* de verbo ad verbum desumpta, erat sequens, nempe: *Dignum & iustum est, nos tibi semper laudes & gratias agere, omnipotens sempiterna Deus, per Jesum Christum Filium tuum Dominum nostrum. Qui sicut Ovis ad occisionem ductus est: & ut Agnus coram tondente se sine voce, sic non aperuit os suum. Hic enim est Agnus Dei, Unigenitus Filius tuus, qui tollis peccatum Mundi: Qui se pro nobis offerendo non desinit, nosque apud perpetua advocacione defendis. Quia nunquam moritur immolatus, sed semper vivit occisus;*

Pa-

Pascha enim nostrum immolatus est Christus: Ut jam non in fermento veteri, neque in carnalium sanguine victimatum, sed in azymis sinceritatis, & Corporis veritatis immolemus, per Christum Dominum nostrum. Per quem, Majestatem tuam laudant Angeli, &c. Quæ autem adhuc recitatur Præfatio in Missa de hac Feria quarta Paschæ, est illa contenta in particulari Ambrosianorum Missali ad eorum dumtaxat usum Mediolani impresso, ex quo sequentibus concepta verbis fideliter deprompta, sic habet: Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterna Deus: Quia resulsit in æternum Dies nostra resurrectionis, & gloria Domini nostri Jesu Christi. Qui idem Sacerdos & Hostia dignanter extitit; non solum qui sanctificet Populum, sed ipse quoque dicatos Majestati tuæ commendet. Unde profusus gaudet; totus in orbe terrarum Mundus exultat: Sed & superna virtutes, & Angelica concinunt potestates hymnum gloria tuæ perpetim, sine fine dicentes.

Hic de Missa Diei adnotatis, videamus quid dicendum sit de aliis Missis. De Festo igitur hodie occurrente & transferendo cantari potest Missa, quia Rubrica Missalis tit. 6. de translat. Festor. excipit tantum Dominicam Resurrectionis cum Duobus Diebus sequentibus: ergo hic Dies non est exceptus, juxta illud Axioma, *exceptio firmat regulam in non exceptis*. Attamen, si Festum transferendum sit de Patrono Loci, non erit canenda Missa in qualibet Urbis Ecclesia, ut non bene adnotarunt quidam Kalendaristæ, quorum Diocesanos Libellos modo præ manibus teneo & sub oculos habeo, sed in illa dumtaxat Ecclesia, in qua Patronus Loci est Titularis, nam Rubrica præcitata loquitur expresse de Titulo. Licet enim Patronus sit totius Civitatis, non tamen est Titularis omnium Ecclesiarum Urbis: impedito ergo ejus Officio, quo liberè cantaretur de eo Missa in omnibus Ecclesiis, tota facultas cantandi ad unam reducitur Ecclesiam Titularem. Insuper cantari potest Missa ratione concursus Populi; sed & quælibet Votiva pro re gravi, can-

cantata tamen aliâ de Die, ut præscribit prælibata Rubrica. Si verò cantetur Missa de SS. Sacramento pro Oratione quadraginta Horarum, in ejus repositione ad Versiculum *Panem de Cælo* additur *Alleluja* ratione temporis Pâschalis, ut præcipit Clemenens Undecimus. *in noviss. Bullar. Rom. tom. 8. par. 2. Constitut. 9. §. 21.* Non tamen cantanda est Missa de Venerabili in cantu fundata, seu relicta, vel ordinata à Benefactoribus, quam in hujusmodi Diebus duplicia excludentibus cantari non posse, sed esse cantandam de Die, cum applicatione Sacrificiî, sicque satisfieri, & Benefactorum mentem impleri resolvit, non obstante quacumque consuetudine in contrarium, quam abusum esse declaravit *Sacra Rituum Congregatio sub die 24. Julii 1683.* apud Henricum Pisart in *Exposit. Rubricar. Missal. Roman. par. 1. tit. 4. de Missis Votivis, sub numer. 8. pag. 8.* & refert etiam P. Merati *tom. 1. par. 2. in Indico, sub numer. 463.* Et ratio esse potest, quia hodie cantari potest Votiva pro re gravi: Sed non est res gravis adimpletio mentis Benefactorum, quæ adimpleri potest per Missam cantatam de Die: Ergo non est cantanda prædicta Missa.

In dictis Missis Votivis solemniter celebrandis pro re gravi, ad Introitum dicuntur duo *Alleluja*, & unum ad Offertorium, ac alterum ad Communionem, ubi scilicet non habetur, prout præscribit Rubrica de Missis Votivis, in fine Missalis Romani. Non tamen in eis dicendum est Graduale, quod convenit quidem huic Octavæ, sed non Votivæ Pâschali, inquit & benè Gavantus in *Thesouro Sacror. Rit. tom. 1. par. 4. tit. 17. sub num. 12.* quem sequitur Bauldryus in *Manuali Sacrar. Cæremoniæ. par. 4. tit. 12. sub num. 7. pag. 265.* & idem sentit Guyetus in *Heortolog. lib. 4. cap. 21. quæst. 16. vers. Tertium, pag. mibi 312. juxta edit. Venet. post Parisien.* Sed de hac Gradualis omissione satis superque clarè loquitur Rubrica generalis *tit. 10. sub numer. 2. remissivè ad exemplum in Sabbato in Albis:* & etiam alia Rubrica in *Votiva SS. Sacramenti.* Omnes autem & tres præcitati Auctores locis citatis, non dic-

dicerent duo *Alleluja* in fine hujusmodi Votivarum solemniū ad *Ite missa est*, forsan quia addere *Alleluja* ad Introitum, Offertorium, & Communionem, est temporis Paschalis, sed ad *Ite missa est*, est solius Missæ de Octava. Quod si Votiva solemnis habeat Præfationem propriam, ea proculdubio dicenda erit, omnibus in hanc sententiam convenientibus, sed semper tum *Communicantes*, tum etiam *Hanc igitur* de Octava, licet de ea non sit facienda commemoratio in hisce Votivis solemnibus. Unum denique de Votivis solemnibus hodie celebrandis restat dicendum, quod notat Guyetus supra relatus, in fine illius quæstionis decima sexta: At enim, quod sunt qui in Votiva solemni de SS. Sacramento inferunt Sequentiam *Lauda Sion Salvatorem*, quam rectius omittendam dicit: sed ego non solum rectius, sed absolute omittendam esse teneo, tam ex ratione, quia non verificatur enuntiatio illa *Dies enim sollemnis agitur*, quam etiam, quia ejus Festo aliquid specialitatis est relinquendum: Præterquam quod cantanda est illa, quæ habetur inter Votivas in fine Missalis: Sed ibi non adest *Sequentia*: ergo in decantatione hujus Votivæ est omittenda.

Non tamen possunt hodie dici Missæ Votivæ privatæ, aut de Requie, ex Decreto Sacræ Rituum Congregationis, de quo in mea Collectione de Sacris Ritibus, sub numer. margin. 325. pagina 156. Missæ tamen privatæ de Octava ad Altare quomodolibet Privilegiato celebratæ, suffragantur, ut dixi in Feria secunda præcedenti. Una tamen conceditur Missa solemnis pro Defunctis, præsentæ Corpore in Ecclesia: unam dixi, non plures, si plura forsan convenient Capitula distincta ad celebrandas Exequias in eadem Ecclesia. Ad hanc tamen Missam solemnem in Die Obitus non acceditur Cereus Paschalis, Piscara in *Prax. Cæremoniar. lib. 3. sect. 8. cap. 8. sub numer. 4. pag. 428. Bauldryus in Man. Sacr. Cærem. par. 4. cap. 11. artic. 5. sub num. 24. pag. 263. Quartus de Benedic. sect. 6. dubit. 3. pag. mibi 121. Guyetus in Hæretolog. lib. 4. cap.*

cap. 18. *quæst.* 30. *pag.* mihi 294. & novissimè Halden in *Ephemerolog.* par. 1. tit. 21. *vers.* Cavendum, *pag.* 127. Et quia nullam de hoc reddunt rationem, ratio idcirco esse potest, quia cum Cereus Paschalis repræsentet ex alibi dictis Christum resurgentem, quem *quæris*? *viventem cum mortuis*? Quod autem concessum dicimus de una Missa solemni pro Defunctis in Die Obitus, non intelligimus extensum ad Anniversarium Defunctorum, siquidem hujusmodi Missa licet solemnis non potest cantari infra hanc Octavam Privilegiatam, ut ad favorem omnium & singularum Octavarum Privilegiatarum declaravit *Sacra Rituum Congregatio in Collen. sub die 5. Julii 1698. in responsione ad nonum Dubium*: quam quidem Declarationem, unà cum aliis ad nostram rem non facientibus, ego asservo Domi in forma authentica, cum magno Sigillo, & cum subscriptione de manu propria Illustrissimi D. Secretarii: & refert etiam P. Merati *tom.* 1. *par.* 2. in *Indice*, *sub num.* 526.

Si verò hæc FERIA quarta Paschæ incidat in diem vigesimam quintam Aprilis, ut in Tabula trigesima secunda ordinis perpetui, dicendæ erunt Litanie Majores, tam publicè cum Processione, quàm privatim à non interessentibus, eo prorsus ordine & modo, de quo supra in FERIA secunda præcedenti. Missa quoque cantanda erit de Rogationibus, servatis tamen, quæ in dicta FERIA secunda diximus esse servanda. Hæc autem Missa de Rogationibus non dicitur hodie in Ecclesia Sancto Marco dicata: licet enim in Ecclesia etiam Titulari transferendum sit hac die ejus Festum, potest nihilominus ibi cantari Missa de eo, juxta Rubricam Generalem Missalis *tit.* 6. *de translat. Festor.* Et cum per Missam cantatam fiat in dicta Ecclesia Titulari convenienter Solemnitas, intrat Decretum Sacræ Rituum Congregationis de die 23. Maii 1603. in quo dicitur: *Si Processio Litaniarum Majorum terminetur ad Ecclesiam S. Marci, cantatur ibi Missa de S. Marco*, quia titulus est Ecclesiæ, & lætitiæ locus eo die, & idcirco in Missa de eodem Sancto neque fit commemoratio.

memoratio Rogationum. In dicta Missa S. Marci, ad Introitum adduntur duo *Alleluja*, unumque ad Offertorium, & Communionem, cum *Gloria*, atque *Credo*, cum Prefatione insuper Apostolorum, sed cum *Communicantes*, & cum *Hanc igitur* de Octava Paschæ: nec ideo adduntur duo *Alleluja* in fine ad *Ite missa est*, quidquid sentiat Piscara in *Prax. Cæremoniæ. lib. 3. sect. 9. cap. 2. sub num. 4. pag. 430.* & cum eo Turrinus in *Director. Sacristian. par. 3. sect. 3. cap. 1. pag. 182. juxta edit. Venet. de Anno 1732.* nam quantumvis (vocanda) sit Missa semifestiva, aliquid habens juris in Die suæ sedis propria, illud tamen duplex *Alleluja* soli convenit Missæ de Octava Paschæ; aliud enim est Tempus Paschale, & aliud Octava Paschæ: Nec mihi videtur metaphysica hæc distinctio, siquidem revera sumus modo & infra Octavam Paschæ, & intra Tempus Paschale: quæ igitur sunt Temporis, conceduntur: quæ verò Octavæ, deagantur: unde etiam pro hac Missa S. Marci adhæreo tribus celebribus Auctoribus paulo ante citatis, licet loquantur de Votivis solemnibus.

Quod si Ecclesiæ S. Marci, ad quam terminatur Processio, sit una ex illis, quibus onus incumbit cantandi duas Missas, dispensatur in hoc casu ab hujusmodi duplici decantatione: alioquin Solemnitas, quæ non contaminatur per Missam cantatam de Festo, contaminaretur per secundam de Rogationibus: quod clarè inferitur ex Gavanto *tom. 1. par. 4. tit. 11. sub numer. 9.* ubi ait, quod nisi sit Ecclesiæ S. Marco dicata, cantandæ sunt duæ Missæ: ergo una duntaxat est cantanda, si terminetur Processio ad Ecclesiam S. Marci. Sequitur ex dictis, quod si Processio procedat quidem ad Ecclesiam S. Marci ad Missam de eo cantandam, sed non terminetur ibi eadem Processio, in regressu ad Ecclesiam termini à quo, resumuntur Litanie, quibus completis cum Precibus, altera ibi cantanda erit Missa de Rogationibus. Imò si Processio inchoetur in Cathedrali vel Collegiata post Missam ibi cantatam de Die, & progrediendum sit ad Ecclesiam

siam S. Marci, in qua forsan cantari debet Missa de Festo, si adhuc Processionaliter sit redeundum ad dictam Ecclesiam Cathedralē vel Collegiatam, tertia Missa erit ibidem cantanda de Rogationibus post Litanias & Preces, quæ non debent terminari sine Missa: nec mirum: nam si in Vigilia Ascensionis fiat de Festo novem Lectionum, cantantur tres Missæ, vigore Rubricæ, nempe de Festo, de Vigilia, & de Rogationibus; post Tertiam, Sextam, & Nonam, Gavantus tom. 1. par. 4. tit. 11. num. 14. Quod autem prædicatur de Missa solemnī S. Marci, intelligitur prædicatum de alio quovis Titulari alicubi die vigesimaquinta Aprilis forsan occurrente: ut si sit Titularis S. Anianus Beati Marci Discipulus, ejusque in Episcopatu Successor: vel sit S. Stephanus Episcopus & Martyr: vel alius quivis Sanctus in Martyrologio, dicta die vigesima quinta, descriptus, & simul incidat hæc FERIA quarta Paschæ, Missa erit proculdubio cantanda de eo, si ad ejus Ecclesiam terminetur Processio: cum ratio Decreti supracitati, quæ valet pro S. Marco, valere etiam debeat pro alio quovis Titulari eadem die occurrente: exemplum enim unius Festi, quid in similibus sit faciendum, nos instruit.

Circa Vesperas hujus Feriæ quartæ quid adnotandum occurrit? Parum: Quæ enim vel publicè cantatæ sunt, vel privatim recitatæ, in Die Paschæ, eadem hodie resumuntur. Varietas autem stat in Antiphona ad *Magnificat*, quæ in hodiernis Vesperis est propria, scilicet *Dixit Jesus Discipulis suis*: nec non & in Oratione, cujus initium est *Deus, qui nos Resurrectionis Dominica*. Attamen si cras occurrat Festum simplex, in Vesperis hujus Feriæ quartæ sit commemoratio de eo; & cum non possit occurrere, nisi Festum vel SS. Tiburtii & Sociorum, vel S. Aniceti, vel etiam S. Vitalis, ut in Tabula vel vigesima, vel vigesimatertia, vel denique trigesimaquarta, hinc est, quod Antiphona cum Versiculo & Responsorio sumenda erit ex Comuni Martyrum Tempore Paschali, Oratio verò habetur

habetur suo loco extensa in Proprio de Sanctis. De Completorio autem nihil novi restat dicendum, siquidem regulatur, ut in Dominica Resurrectionis. Huc tamen accedit, quod non semel in praxi vidi observatum apud aliquas Ecclesias in meis itineribus. Cum enim concessa sit ex superius dictis Missa solemnisi de Festo transferendo Titularis Ecclesiæ, cantatæ etiam fuerunt Vesperæ de eodem Festo, illi forsitan innixæ Axiomati, quod concessio principali nempe Missa, concessum etiam intelligatur accessorium nempe Vesperæ. Hanc tamen opinionem in nulla auctoritate fundatam ego stabilire non audeo. Audio tamen Gavantum egregè ad rem nostram loquentem *rom. 1. par. 1. tit. 6. de transl. Festor.* Ait enim circa concessionem Missæ solemnisi de Festo Titularis, cæteroquin transferendo tamquam impedito, ut in nostro casu: *Vide hoc loco solutiores Leges Missæ, quàm Officii Divini, quia Populus concurret ad audiendam potius Missam, quàm Vesperas: ideo conceditur posse fieri alteram Missam solemnem de Festo translatam.* His igitur suppositis, sic breviter argumentor: Solutæ sunt Leges pro Missa solemnisi Titularis: ergo remanent servandæ pro Vesperis utique non cantandis: ergo concessio principali, excluditur in nostro casu accessorium.

Concludamus tamen hanc Feriam quartam cum iis, quæ fieri solent à Papa. Romæ Summus Pontifex anno primo sui Pontificatus, aliquo Die post Pascha ante Sabbatum in Albis, & plerumque in hac Feria quarta, & duabus sequentibus, prout ipsi Pontifici videtur, solemnem facit Agnorum Dei Benedictionem, ut Auctor Anonymus habet in Opusculo Colonix Agrippinæ impresso 1557. cui titulus: *Rituum Ecclesiasticorum, sive, Sacrarum Cæremoniæ Sacrosanctæ Romanæ Ecclesiæ Libri tres, pag. 79. à tergo:* & postmodum hoc idem refert Piscara in *Prax. Cæremoniæ. lib. 3. sect. 9. cap. 3. pag. 430.* Benedictus Decimustertius Anno Jubilæi 1725. qui primus fuit sui Pontificatus, prædictos Agnos Dei solemniter benedixit in hac Feria quarta, in quin-

Totius Primus,

X

ta,

ta, & sexta sequentibus, scilicet Diebus quinta, sexta, & septima Aprilis tunc occurrentibus infra Octavam Pasche, ut dixi in ejus Vita quam Italianè conscripsi, & Pater meus Leonardus impressit, pagina quinquagesima sexta, juxta vero editionem Mediolanensem, pagina octogesima tertia.

§. XII.

De iis, quæ spectant ad Feriam quintam infra Octavam Paschæ.

Officium hujus Feriæ quintæ celebratur sub ritu semiduplici in colore albo, & nihilominus transfertur Festum duplex primæ classis hac die alicubi occurrens quapropter si hæc FERIA quinta veniat die vigesima sexta Aprilis, ut in Tabula trigesima secunda ordinis perpetui, Pyrhani Oppidi conspicui de Diœcesi Justinopolitana, ubi residet Venetus Prætor, transfertur Dedicatio Ecclesiæ majoris, quæ ritu gaudet duplici primæ classis: Si verò incidat in diem vigesimam septimam ejusdem Mensis, ut in Tabula trigesima tertiam, Tarvisii in Marchia hujus nominis sub Dominio Veneto, transfertur Festum duplex primæ classis de S. Liberale Confessore, præcipuo illius Urbis Patrono. Quoad tantum Officium hujus Feriæ quintæ, sumptis quæ sumenda sunt ex Die sancto Paschæ, quædam sunt propria hujus Diei, videlicet, Versiculus *Surrexit Dominus de Sepulchro*, Responsorium *Qui pro nobis*, tres Lectiones de Homilia S. Gregorii Papæ in Evangelium Joannis *Maria stabat ad Monumentum*, cum suis Responsorii, Antiphona ad *Benedictus Maria stabat*, nec non & Oratio *Deus, qui universitates Gentium*. Si verò occurrat Festum simplex,

plex, omiffa ad Matutinum ejus Lectione, fit in Laudibus commemoratio de eo, cujus Antiphona, Versiculus, & Refponforium, fumuntur ex Comuni Martyrum Tempore Pafchali; quia non potest occurrere, nifi unum ex tribus Feltis fimplicibus fupra enumeratis in Vefperis Feriæ quartæ præcedentis.

Miffa eft propria hujus Feriæ, quintæ, in qua dicitur *Gloria*, cum fecunda Oratione pro Papa, fi heri dicta fit Oratio Ecclefie; nifi occurrat Feltum fimplex, quia tunc fecunda Oratio erit de Simplici, omiffa tertia Oratione, ut fufius diximus fuprà in Feriâ quartâ immediate præcedenti, ubi plura ad rem ibidem remiffivè videnda. In hac Miffa dicitur *Sequentia*; nec non & Credo; cum Præfatione Octavæ Sed in hac potiffimum dicitur, & cum fuis Communicantes, atque Hunc igitur propriis. Non tamen difcedendum cenfemus à noftro more circa ea, quæ ex antiquo Ecclefie ufû folemus defumere pro Ecclefiaficorum utriufque Cleri laudabili eruditione. Enim vero delectet Antiquitas, & fub oculos poftam placere magis agnofcimus. Ergo etiam in hac Feriâ quinta recitabatur diftincta Præfatio, quam ex sæpè citato Sacramentario Gregoriano, pagina 78. tranfcriptam, hic integram habes, Lector Ecclefiafticæ, præfæ confuetudinis amator, videlicet: Verè dignum & iuftum eft, æquum & falutare, nos tibi femp̃, & ubique gratias agere, Domine fancte, Pater omnipotens, æternæ Deus: Qui nos per Pafchale myfterium docuit vernitatem vitæ relinquare, & in novitate fpiritus ambulare, à quo perpetua mortis fupervatur acerbitas, & æterna vitæ Fidelibus tribuitur integritas. Per quem, Majeftatem tuam laudant Angeli, &c. Sed & Benedictio ex eodem Libro Sacramentorum extracta, quam Populo in Ecclefia congregato folebat inter Miffarum folemnia olim Epifcopus impertiri, erat ea, quæ fequitur, fcilicet: Omnipotentis Dei, & Domini noftri Benedictionibus repleamini, cujus eftis Sanguine pretiofo redempti. Amen. Ejus vos indeficiens repleat gratia, cujus ineffabilis plasmavit potentias. Amen. Et qui vobis in hoc Mundo

præstitis conditionem nascendi , ipse in regno aeterno tribuat mensuram sine fine vivendi . Amen . Quod ipse præstare dignetur , &c. cum reliquis , ut supra in Missa Sabbati Sancti.

Ne autem hæc FERIA , quinta aliis careat Præstationibus , quas præteritis diebus duximus non omit- tendas , en antiquæ consuetudinis Gallicanam propriam , ex eruditissimo Mabillonio desumptam in Liturg. Gallic. lib. 3. pag. 257. hisce præcisis ver- bis conceptam , nempe : *Verè dignum & iustum est , unanimes & concordēs omnipotentem Deum profusius de- precari cum unico Filio ejus Domino Jesu Christo Salva- tore nostro , qui Ecclesiam suam secunda liberavit à morte , quando Sanguis ipsius effusus est super Crucem . Per ipsum te rogamus , omnipotens Deus , ut Ecclesiam tuam augeas in Fide , custodias in Spe , protegas in Charitate : & sacrificia nostra libens suscipere digneris cum gloria & honore . Et ideo cum Angelis & Arcan- gelis laudamus , dicentes . Et quia Præstationum anti- quitati addere possumus etiam eam , quæ in viridi observantia adhuc existit , & in particulari Eccle- siæ Ambrosianæ Missali reperitur , idè sequenti contentam formula habes , Lector Prisci moris si- mul & vigentis studiose , in hac FERIA quinta reci- tari solitam , videlicet : *Verè dignum & iustum est , æquum & salutare , nos tibi semper , & ubique gratias agere , Domine sancte , Pater omnipotens , æternæ Deus , per Christum Dominum nostrum . Qui oblatione sui Cor- poris , remotis sacrificiis carnalibus victimarum , seipsum tibi pro salute nostra offerens , idem Sacerdos & sacer Agnus exhibuit . Unde profusis gaudiis , totus in orbe terrarum Mundus exultat : Sed & superna virtutes , & Angelica continent potestates hymnum gloria tua perpe- tum , sine fine dicentes .**

De Missa verò Festi occurrentis & transferendi , 324
Votivisque solemnibus & privatis , ac pro Defun- ctis & in Anniversario , nec non de Altari Anima- bus Privilegiato , videnda sunt quæ supra diximus in FERIA quarta præcedenti . Circa tamen Litanias Majores , si occurrant in hac FERIA quinta , ut in Tabula trigessimaprima ordinis perpetui , modum
cas

eas recitandi extendimus jam in Feria secunda Paschæ, sed quoad Missam in Ecclesia S. Marco dicta cantandum, diximus in dicta Feria quarta: quæ omnia suis respectivè locis reperientur. Remanet igitur, ut aliquid vel breviter disseramus de hodiernis Vesperis, quæ sicuti dicuntur ut in Die Paschæ, sic parùm nobis relinquunt adnotationis. Pauca sunt propria hujus Diei, nempe Antiphona ad Maghificat *Tulerunt Dominum meum*, atque etiam Oratio *Deus, qui nos Resurrectionis Domini*: Dicta Oratio in hisce Vesperis erit unica, nisi crastina die occurrat Festum simplex, cujus ratione admittenda est hodie ejus commemoratio, tam in privata Vesperarum recitatione, quàm in publica decantatione earundem: Quapropter si hæc Feria quinta incidat in diem vel decimam tertiam, vel decimam sextam, aut vigesimam septimam Aprilis, ut in Tabula vel decimanona, vel vigesima secunda, vel trigesima tertia, occurrerit in his Vesperis commemoratio facienda vel de SS. Tiburtio & Sociis, vel de S. Aniceto, vel de S. Vitale, cum Antiphona, Versiculo, & Responsorio ex primis Vesperis de Communi Martyrum Tempore Paschali, & cum Oratione proprio loco extensa in Breviario. Completorium denique dicitur, ut in Die Paschæ.

S. XIII.

De iis, quæ spectant ad Feriam sextam infra Octavam Paschæ.

Officium hujus Feriæ sextæ est semiduplex, & celebratur in colore albo, sed hujus ritui cedit tamen quodvis Festum hodie forsitan alicubi occurrens. Quapropter si hæc FERIA sexta incidat in diem quintam Aprilis, ut in Tabula decima ordinis perpetui, Perusæ in Statu Ecclesiastico transfertur Dedicatio Ecclesiæ Cathedralis, & consequenter Festum duplex primæ classis: Si verò veniat die vigesimaquarta ejusdem Mensis, ut in Tabula vigesima nona, Genuæ in Liguria transfertur Festum duplex primæ classis de S. Georgio Martyre, Urbis Patrono, quod ibi dicta die celebratur, non vero die vigesimatertia, ut in Ecclesia Universali. Quoad Officium hujus Feriæ sextæ, omnia dicuntur ut in Dominica Resurrectionis, exceptis propriis. Propria autem sunt *Verficulus Surrexit Dominus verè*, Responsorium *Et apparuit Simoni*, tres Lectiones de Homilia S. Hieronymi Presbyteri in Evangelium *Undecim Discipuli abierunt*, cum suis Responsoris, Antiphona ad Benedictus *Undecim Discipuli*, sicuti & Oratio *Omnipotens, sempiterno Deus*. Quod si hac die occurrat Festum simplex, ad Matutinum non dicitur ejus Lectio, sed in Laudibus fit de eo commemoratio, cum Antiphona de Communi Tempore Paschali, & cum Oratione ut in Proprio de Sanctis in Breviario.

Missa hujus Feriæ sextæ est propria, in qua dicitur *Gloria*, & secunda Oratio *Ecclesia*, vel pro *Papa*,

Papa, sed si heri dicta fuit pro *Papa*, hodie meo iudicio dicenda erit *Ecclesia*, ut servata alternativa, ambæ dicantur: nisi occurrat Festum simplex, quia tunc secunda Oratio dicitur de eo, omissa tertia Oratione, ut videre est in Feria quarta præcedenti, ubi nonnulla adnotantur ad hanc rem scitu digna. Si verò non occurrat Festum simplex, non dicerem Orationem secundam pro occurrente Die Anniversaria Electionis seu Consecrationis Episcopi: Ratio autem est, quia huiusmodi Oratio dicenda est post Orationes assignatas de tempore in Missali: Sed si hodie diceretur post assignatam, diceretur post secundam, & ideo tertio loco, contra Rubricam hujus Octavæ: Ergo non dicerem, & consequenter eo Anno omitterem. Quod autem dicenda sit post assignatas de tempore, patet ex superius dictis in Missa de Feria quarta præcedenti; & hoc etiam intellexit Kalendarista Ferrariensis, qui Anno 1733. die 13. Aprilis tunc Feria secunda post Dominicam in Albis, adnotavit in Festo semiduplici S. Hermenegildi secundam Orationem *Concede* tunc temporis assignatam in Missali, deinde tertiam pro Die Anniversaria Consecrationis Eminentissimi Cardinalis & Episcopi D. Thomæ Rufi: quæ tunc temporis dici poterat: licet (salvo meliori iudicio) si posuit secundam assignatam, poterat etiam ponere tertiam Ecclesiæ, vel pro Papa, quæ est altera ex assignatis, & quarto loco adnotare Collectam pro Eminentissimo Cardinale & Episcopo, quæ poterat eo loco dici. Quoad autem calum omissionis Collectæ, supplet Missa solemnis in Cathedrali & Collegiatis cantanda de dicta Die Anniversaria, quæ hodie cantari potest: supplet & Oratio mentalis omnium Sacerdotum Diocesis in *Memento Vxorum*, ut alibi diximus, facta eo Anno de hac admonitione in Directorio à Kalendarista.

In dicta Missa de Feria sexta infra Octavam Paschæ dicitur sequentia, *Credo*, Præfatio, *Communicantes*, nec non & *Hanc igitur* propria. Ut autem incæptum morem prosequamur, etiam hodie Præfatio

fatio antiquitus erat alia ab ea, quæ modò habetur in Missali : & ideo in Libro Sacramentorum S. Gregorii Papæ , pagina 79. legitur sequens , videlicet : *Verè dignum & iustum est , æquum & salutare , nos tibi semper , & ubique gratias agere , Domine sancte , Pater omnipotens , æterne Deus , per Christum Dominum nostrum . Qui secundum promissionis sue incommutabilem veritatem , celestis Pontifex factus in æternum , solus omnium Sacerdotum peccati remissione non eguit , sed potius peccatum Mundi idem verus Agnus absterpsit . Per quem , Majestatem tuam laudant Angeli , &c. Benedictionem quoque Episcopalem , quæ tunc temporis Populo dari solita erat , habet dictum Sacramentarium Gregorianum loco citato , ex quo diligenter transcripta , est tenoris sequentis , scilicet : Benedicat vos de Cælis omnipotens Deus , qui per Crucem & Sanguinem passionis sue vos dignatus est redimere in Terris . Amen . Ipse vos renovet à vetustate peccati , hui pro vobis dignatus est crucifigi ; vosque ad cælestia suscitet qui pro vobis inferos penetravit . Amen . Vitam suam vobis Dominus tribuat , qui mortem vestram suscepit & perdidit . Amen . Quod ipse prestare dignetur , &c. cum reliquis , ut supra in Missa de Sabbato Sancto .*

Diversam à Gregoriana habet Missale Gothicum-Gallicum Præfationem , quæ ante mille annos in usu erat apud Gallos , & quam refert eruditissimus Antiquitatis perscrutator Mabillonius in *Liturg. Gallic. lib. 3. pag. 257.* sequenti longiori formula conceptam , nempe : *Dignum , & iustum est , nos tibi gratias agere , Domine sancte , Pater omnipotens , æterne Deus , per Jesum Christum Filium tuum Dominum nostrum , quem pro nobis omnibus tradi Hostiam voluisti . O mira circa nos pietatis tua dignatio ! O ineffabilis dilectio charitatis ! ut servum redimeres , Filium tradidisti . O ceterò necessarium Ad peccatum , quod Christi morte deletum est ! O felix culpa , qua talem ac tantum meruit habere Redemptorem ! Numquam enim , quanta circa nos pietatis tua dilectio esset , cognosceremus , nisi ex morte unius & coæterni Filii tui Domini ac Dei nostri Jesu Christi probavimus . Vixit malitiam diaboli pietatis tua dignatio*
quia

quia ubi abundavit peccatum, superabundavit & gratia. Sed plus nobis tua misericordia reddidit, quam invidus inimicus abstulerat. Ille Paradisum invidit, tu Cælos donasti. Ille mortem temporalem intulit, tu vitam perpetuam tribuisti. Propterea profusus gaudius, totus in orbe terrarum Mundus exultat, Sed & superna concinunt potestates hymnum gloriae tuae, sicut sine dicentes. Hoc autem tempore brevissimam in hac Feria sexta recitant Præfationem Ambrosiani, ex quorum particulari Missali Mediolani ad eorum dumtaxat usum impresso desumpsimus, & est sequens, videlicet: Verè dignum & iustum est, æquum & salutare, nos tibi semper, & ubique gratias agere, Domine sancte Pater, omnipotens, æterne Deus: eoscentes, ut cuius munere mysticum pignus accepimus, manifesta dona comprehendere valeamus. Et qua nobis sacriliter speranda Paschale contulit Sacramentum, attingere mereamur Resurrectionis Dominica firmitate, per Christum Dominum nostrum. Per quem, Majestatem tuam laudant Angeli, &c.

Cum autem non sint multiplicanda entia sine necessitate, idcirco videantur quæ supra diximus in Feria quarta præcedenti quoad Missam cantandam de Festo hodie occurrente, & transferendo, circa Votivas solemnes, & privatas, nec non de Requiem, & in Anniversario Defunctorum, ac circa Missas de Die in Altari Animabus Privilegiato celebrandas. De Litanis verò Majoribus in hac Feria sexta occurrentibus, ut in Tabula trigesima ordinis perpetui, satis superque disseruimus in Feria secunda itidem præcedenti: nec non de Missa in Ecclesia S. Marci cantanda, si ad eam terminetur Processio, jam sermo fuit in præcitata Feria quarta. Sed ut Officium hodiernum suas habeat Vesperas licet parum distinctas, hæc igitur dicuntur in Die Paschæ: excipiuntur tamen propria huius Diei, videlicet Antiphona ad Magnificat *Data est mihi omnis potestas*, nec non est Oratio *Omnipotens sempiterna Deus*, & etiam addenda erit commemoratio de Festo simpliciori, si cras forsan occurrat, sumpta Antiphona ex Communi Martyrum Tempore

re Paschali, quia non potest crastina die occurrere, nisi Festum simplex de uno vel pluribus Martyribus, ut videre est in Tabula decima octava, vel vigesima prima, aut trigesima secunda, ubi die decima quarta, vel decima septima, sive vigesima octava Aprilis in Sabbato, occurrit respectivè Festum simplex SS. Tiburtii & Sociorum, aut S. Aniceti, seu S. Vitalis, qui omnes sunt Martyres. Quod verò spectat ad Completorium, illud ex integro dicitur, ut in Dominica Resurrectionis.

S. XIV.

De iis, quæ spectant ad Sabbatum in Albis.

Officium hujus Sabbati habet ritum semiduplicem & colorem album, nec tamen fit hodie de Festo etiam duplici primæ classis occurrente: idcirco, si hoc Sabbatum incidat in diem vigesimam Aprilis, ut in Tabula vigesima quarta ordinis perpetui, Cauriæ in Hispania transfertur Dedicatio Cathedralis, quæ celebratur sub ritu duplici primæ classis: Si verò veniat die vigesima octava ejusdem Mensis, ut in Tabula trigesima secunda, Ravennæ in Romandiola transfertur Festum duplex primæ classis de S. Vitale Martyre. Quoad Officium hujus Sabbati, omnia dicuntur ut in Dominica Resurrectionis, retentis tamen propriis hujus Diei quæ sunt, Versiculus *Gavissus sunt Discipuli*, Responsorium, *Viso Dominum*, tres Lectiones de Homilia S. Gregorii Papæ in Evangelium *Una Sabbati Maria Magdalene venit mane*, cum suis Responsoris, Antiphona ad Benedictus *Currebant duo simul*, nec non & Oratio *Cance e, quesumus, omnipotens Deus*. Sed si occurrat in hoc Sabbato Festum simplex, ommissa ad Matutinum ejus Lectione, fit de eo commemoratio in Laudibus, in quarum fine adduntur quidem

quidem de more Octavæ duo *Alleluja* ad Versiculum *Benedicamus Domino*, sed hodie tantum, & indeo non amplius dicuntur.

Missæ est propria hujus Sabbati, in qua dicitur *Gloria*, cum secunda Oratione *Ecclesiæ*, vel *pro Papa*: sed hodie dicatur *pro Papa*, si heri dicta fuit *Ecclesiæ*, ut rationabiliter diximus in Feria quarta præcedenti, ubi alia adnotavimus ad rem spectantia. Hæc tamen Oratio, sive *Ecclesiæ*, sive *pro Papa*, omittenda est, si occurrat Festum simplex, ita ut in hujusmodi occurrentia non est dicenda tertia Oratio, ut & ratione & auctoritate probavimus in dicta Feria quarta. Discordat tamen in aliquo ista Missa ab aliis Missis infra hanc Octavam jam celebratis: habet enim aliquid ad distinctionem, quia habet aliquid ad omissionem: si quidem Graduale, quod dictum fuit quotidie per Octavam, hodie non dicitur, sed ejus loco dicuntur duo Versus cum quatuor *Alleluja*, hoc ordine, nempe, duo immediatæ *Alleluja*, deinde primus Versus, postmodum tertium *Alleluja*, cui succedit secundus Versus & eo dicto, sequitur statim *Sequentia*, cum quarto *Alleluja* in ejus fine. Dicitur in hac Missa Credo & quæ propria sunt Octavæ, nempe, *Præfatio*, in qua etiam hodie & non amplius exprimitur, sed in hac potissimum die, atque etiam *Communicantes*, nec non & *Hanc igitur*: quæ omnia hac die tantum sunt dicenda: Ad Nonam enim terminatur Octava Paschalis, quam post Nonam in Sabbato Sancto inchoavimus, unde totius Hebdomadæ circulus ad Nonam hujus Diei perficitur, ait Piscara in *Prax. Ca. remoniar. lib. 3. sect. 9. cap. 4. sub num. 5. pag. 432.* In fine tamen hodiernæ Missæ ad *Te missa est*, adduntur quidem duo *Alleluja*, ut in præcedentibus diebus infra Octavam, sed hac die tantum, & non ulterius.

Quia verò etiam hodie ex prisco Ecclesiæ more sumere possumus ad eruditionem varium Præfationis conceptum, illum idcirco nobis præbet brevissimum Liber Sacramentorum S. Gregorii Papæ, pagina 30, & vobis legendum transcribimus, Lectores

401

402

res

res Ecclesiastici : est igitur sequens , videlicet : *Verè dignum & iustum est , aquum & salutare , nos tibi semper , & ubique gratias agere , Domine sancte , Pater omnipotens , aterne Deus : Per quem supplices exposcimus , ut cupis muneris pignus acceperimus , manifesta dona comprehendere valeamus . Et qua nobis fideliter speranda Paschale contulit sacramentum , per Resurrectionis ejus firmitatem attingere mereamur ineffabile mysterium . Per quem , Majestatem tuam laudant Angeli , &c.* Quæ quidem Præfatio est eadem numero , quam , Ambrosiani dicunt in Feria sexta præcedenti . Benedictio tamen , quam dare Populo solitus erat Episcopus , licet in dicto Sacramentario Gregoriano non adit hoc proprio loco , reperitur nihilominus in alio Benedictionum Episcopali supplemento , ibidem , pagina 631. quæ sequentibus legitur concepta precationibus , scilicet : *Deus , qui peracto senario numero die sacro Sabbati ab omnibus operibus quieviisti , volens ut in homine condito , ubi requiesceres , tibi domesticum præparares : exaudi preces supplicum ad dona tua clementia fideliter occurrentium . Amen . Præparatus a te corum ad te suscipiendum , ut ipsi tibi propriè mereantur effici templum . Amen . Et ita præsentis famulos in hac vita protegas , ut in æternam requiem tecum Dominator admittas . Amen . Quod ipse præstare dignetur , &c.* cum reliquis , ut supra in Missa Sabbati Sancti .

Apud Gallos autem dicebatur antiquitus in Missa hujus Sabbati sequens Præfatio , quam ex Missali Gothico desumptam inserit Mabillonius in *Liturg. Gallie. lib. 3. pag. 258.* & nos ex celeberrimo Auctore transcriptam ponimus hoc suo loco , nempe : *Dignum & iustum est , necessarium & salutare est , ut te Dominum ac Deum totis visceribus humana conditio veneretur ; Rex mirabilis Christe . Cujus condemnatione , tartareis vinculis absoluta credentium turba , libertatis insignia gratulatur . Qui verè ut Leo de tribu Juda Mundo ostensus , animarum devorantem extinctum leonem diabolum omnis terra latatur . Permittis rectorum nexibus alligatum ad stipitem Crucis reveri (forsitan teneri) ut non sit parva , quem impius quondam*
expa.

expavescat, potentia. Ad cuius vocem emittens spiritum, Terra tremuit. Cælum expavit, Dies fugit, Sol obscuratus est, Astra abscondentes (absconderunt) radios suos, simul omnia migraverunt. Cuius descensu, confraclis portis, luget Infernum. Que resurgente, laetantur Angeli, exultat Terra cum habitatoribus suis. In qua triumpho conspicitur comitatio (cominatio) illa, prophetico ore promissa, Ero mors tua, Inferne. Uti est ergo victoria tua? Nec enim ab alio poterat, nisi à vita mors devorari. Qui de scensu suo eos, qui tenebantur à morte, superis reddidit resurgendo, ut ejus Resurrectio, vivorum vel mortuorum testimonio firmaretur (firmaretur). Unde, sancte Pater, omnipotens, æterne Deus, per Jesum Christum Filium tuum Dominum nostrum gloria tibi semper, qui in te, & ex te, & tecum semper est. Per quem te laudamus dicentes. At quia etiam Ecclesia Ambrosiana aliam retinet Præfationem à præmissis diversam, quam nostris quoque temporibus legit in hoc Sabbato, eam ab ejus particulari Missali transumptam ducimus hoc suo loco extendendam, paucis verbis contentam, ut non solum habeatur antiquus Præfationum usus, sed etiam modernus: est igitur ea, quæ sequitur, videlicet: *Verè dignum & iustum est, æquum & salutare, nos tibi semper, & ubique gratias agere; Domine sancte, Pater omnipotens, æterne Deus: Et nunc maxime gratulari, quando Dies salutis nostra, & tua erga nos pietatis mysterium solemniter celebratur. Quo de tenebris captivitatibus antiqua, filii lucis & libertatis effecimur: & terrenis exuti, ad cælestia dona transivimus. Propterea profusis gaudiis, totus in orbe terrarum Mundus exultat. Sed & superna virtutes, & Angelica concinunt Potestates bymnium gloria tua perpetim, sine fine dicentes.*

De Missa Festi hodie occurrentis & transferendi, deque aliis non paucis, quæ etiam in hoc Sabbato sunt servanda, vide Feriam secundam & quartam hujus Octavæ, ne per eorum repetitionem fiat per plura, quod fieri potest per pauciora. Ad Vesperas autem hujus Sabbati, completo jam Paschali Festo, ordo Officii variatur pro Dominica sequenti, quæ nihilominus inscribitur *Octava Pascha*, quia
revera

revera celebravimus Pascha in Dominica ; ut clarius patet ex ipsa Dominica sequenti, cujus Officium volumus idcirco etiam adnotare. Officium ergo Vesperarum est duplex saltem majus, ex consequentia, quam infero ex Piscara in dicta sequenti Dominica citandus, & etiam ex secundis Vesperis ejusdem Dominicæ. Sub unica Antiphona trium *Alleluja* dicuntur Psalmi de Sabbato in Psalterio : Capitulum verò est proprium de Dominica, cum Hymno, & aliis itidem propriis in Breviario : sed ad Benedicamus Domino non adduntur duo *Alleluja*. Quòd si cras occurrat Festum simplex, sit in his Vesperis commemoratio de eo. Completorium quoque hodie variatur, dicitur enim ut in Psalterio, omisis Precibus, sed loco Antiphonæ *Miserere*, dicitur Antiphona trium *Alleluja* : Duo quoque *Alleluja* adduntur ad Responsorium brevè : *In manus tuas, Domine*, & unum dumtaxat ad Versiculum *Custodi nos*, & ad Responsorium *Sub umbra*, ac etiam unum in fine Antiphonæ *Salva nos*. Ad Mensam verò in Coena, deposita Benedictione Paschali, resumitur communis, ut in fine Breviarii.

Addenda mihi videtur hoc proprio loco distributio Agnorum Dei, quæ sit Romæ à Summo Pontifice, ut si aliquid diximus de eorum Benedictione in fine Feriæ quartæ præcedentis, aliquid etiam hic habeatur de ritu in ipsorum distributione servari solito. Olim itaque in hoc Sabbato Romani Pontifices primo Pontificatus sui Anno Missam solemnem celebrare consueverunt, ut legitur de Urbano Quinto, & de Gregorio Undecimo Avenionæ, nec non Romæ de Urbano Sexto. Modò tamen usu receptum est, ut à Presbytero Cardinali celebretur, cui DD. Cardinales assistunt cum capis rubeis. In ipso autem Anno, in quo Agni Dei benedici debent, intra Missarum solennia in hoc Sabbato distribuatur in Capella. Dicto enim in Missa *Agnus Dei*, & Pace delata, DD. Cardinales accipiunt paramenta alba ordinibus suis convenientia in locis suis, alii verò Prælati extra cancellos Capellæ. Deinde ministrante naviculam Presby-

sbytero Cardinali, Papa imponit more solito incensum in thuribulum. Tum præcedente Subdiacono Capellæ, cum Cruce inter duos Ceroferarios, quos præcedit Thuriferarius cum thuribulo fumigante, Subdiaconus Apostolicus sacris indutus vestibus, ac si Epistolam solemniter lecturus esset, unâ cum Cæremoniariis Magistro, ac aliis Capellanis superpelliceo indutis, vadit ad locum præparatum, ubi de manu Sacristæ magnam lancem accipit plenam Agnis Dei bombyce involutis, ac mappula serica coopertis; & eodem ordine in Capellam revertitur ad Pontificem.

Ubi autem dictus Subdiaconus Apostolicus fuerit intra ostium Capellæ, genuflectunt omnes, & Subdiaconus cantat competenti voce, ita ut ab omnibus audiat: *Pater sancte, isti sunt Agni novelli, qui annuntiaverunt alleluja: modo venerunt ad fontes: repleti sunt claritate, alleluja*: & Cantores eadem voce respondent: *Deo gratias, alleluja*. Secundò idipsum cantat ante Cancellos: & tertio ante solum Pontificis, genuflectus. Postmodum ascendit ad dexteram Papæ, & iterum genuflectus dictam lancem tenet usque ad finem distributionis. Dicti verò Agni Dei distribuuntur per Pontificem Cardinalibus, & Prælati suo ordine ante ipsum accedentibus. Cardinales verò Agnos Dei accepturi, factis debitis reverentiis, porrigunt ei Mitras cornua vertentes deorsum, & Papa imponit eis tot Agnos Dei, quot ei placet: ipsi tamen manum Pontificis, & genu dexteram deosculantur. Prælati autem eodem modo, quo Cardinales, sed genuflexi in Mitra Agnos Dei accipiunt, & osculantur genu dexterum Papæ, non manum. Protonotarii denique, & omnes alii capiunt Agnos Dei in manus, genuflexi, & Pontificis pedem osculantur. Post distributionem, Cardinalis Celebrans prosequitur Missam, in cujus finē dat Papa Benedictionem & Indulgentias. Ita Anonymus Auctor in Opusculo Coloniz Agrippinæ edito 1557. cui titulus: *Rituum Ecclesiasticorum, sive, Sacrarum Cæremoniarum SS. Romanæ Ecclesiæ Libri tres* pag. 239. à tergo, & ex eo forsitan

forſan ſumpſit Piſcara Caſtaldus in *Prax. Cæremon.* lib. 3. ſect. 9. cap. 4. pag. 432. niſi ſint verba præcilia Cæremonialis Papæ lib. 1. cap. 8. Diſtam Agnorum Dei diſtributionem fecit in hoc Sabbato, die ſeptima Aprilis, Benediſtus Decimus tertius anno Jubilæi 1725. qui primus fuit tui Pontificatus, ut clarè patet ex ejus Vita à me Italicè conſcripta.

S. XV.

De iis, quæ ſpectant ad Dominicam in Albis, & in Octava Paſchæ.

HÆC Dominica duplici gaudet titulo, ſuzæ 407
 propriæ qualitatis expreſſivo: inſcribitur enim primò *Dominica in Albis*: ſecundò verò *Dominica in Octava Paſchæ*. Dum audis *Dominicam in Albis*, ſubaudi *depoſitis*, quia pridie à Baptizatis Albæ ſeu alba veſtimenta deponebantur, Alcuinus de *Offic. Eccleſ. cap. de Sabb. in Alb.* ubi ſic revera habet: *Hodie Albati, qui in Sabbato Sancto baptizati fuerant, Veſtibus albis exuuntur: & ex eo refert Menardus in Notis ad Librum Sacramentorum S. Gregorii Papæ, nota 352. pagina 389. unde in Miſſali Ambroſiano hæc Dominica abſolutè nuncupatur in Albis depoſitis*. Dum autem legis *Dominicam in Octava Paſchæ*, reſpice ad antiquum Ecclēſiæ ritum in hac nuncupatione retentum: ſiquidem, cū in ipſo Solis occubitu Solemnitas Paſchalis inciperet, ut clarè patet, tum ex Oratione Miſſæ in Sabbato Sancto *Deus, qui hanc Sacratiffimam noctem*, tum ex Præfatione ejusdem Miſſæ *ſed in hac poſſimum nocte*, tum denique ex Communicantes & noctem *sacratiffimam celebrantes*: & cū etiam in ipſa nocte celebraretur Baptiſma, quod nos de manè celebramus: revera hæc Dominica eſt

Octava

Octava Pascha: ideo in Missali Gottico-Gallico Dominica in Albis vocatur *Clausum Pascha*, quia claudit Octavam. Itaque utrumque huiusce Dominicæ titulum, clarum facit S. Augustinus in hodierno Officio: ait enim *Paschalis Solemnitas hodierna festiuitate concluditur*: ecce Octava Paschæ: & ideo hodie Neophytorum Habitus commutatur: ecce Dominica in Albis depositis.

Ut Dominica *in Albis*, est Dominica major, id-
 eoque primæ classis, numquàm omittenda, & con-
 sequenter exclusiua cuiusvis Festi utcumque solemnis:
 quapropter si hæc Dominica incidat in diem vige-
 simam tertiam Aprilis, ut in Tabula vigesima sex-
 ta ordinis perpetui, in Regnis Hungariæ & Bo-
 hemiæ ac Poloniæ transfertur Festum S. Adalberti
 Martyris, qui cùm esset Episcopus Pragensis, Po-
 lonis & Hungaris Evangelium prædicavit, & ideo
 est illorum trium Regnorum Patronus: Ut Domi-
 nica verò in *Octava Pascha*, celebratur sub ritu du-
 plici majori, nam Piscara in Cæremoniali suæ Re-
 ligionis lib. 3. cap. 20. sub n. 9. p. 197. sentit, quod
 non sit celebranda cum solemniori apparatu, ex ea
 potissimum ratione, quia non est Festum duplex
 primæ, vel secundæ classis, prout ex Rubricis Bre-
 viarii patet: ergo (infero) est duplex saltem ma-
 ius, ut est Dies Octava Epiphaniæ, & SS. Corpó-
 ris Christi: & hoc clariùs ostenditur ex inferiùs
 dicendis in secundis Vesperis huiusmet Dominicæ.

Quoad Officiũ in hac Dominica recitandum;
 Invictorium est idem ac infra Octavam Paschæ,
 sed Hymnus est proprius. In omnibus & tribus No-
 cturnis dicuntur quidem Psalmi de Dominica, ut
 in Psalterio, attamen in quolibet eorum dicuntur
 sub unica tantum Antiphona, quæ est propria Tem-
 poris Paschalis. Reliqua habentur hodie in Brevia-
 rio, sed si occurrat Festum simplex, legitur ad Ma-
 tutinum nona Lectio de eo: unde si hæc Domini-
 ca incidat in diem decimam quartam, vel decimam
 septimam, aut vigesimam Octavam Aprilis, ut in
 Tabula decima septima, sive vigesima, vel trigesi-
 ma prima, dicitur ad Matutinum nona Lectio SS.

Tonus Primus.

Y

Ti.

408

409

Tiburtii & Sociorum, vel S. Aniceti, vel respecti-
vè S. Vitalis. Ad Laudes autem omnia sunt pro-
pria, in quibus post Orationem Dominicæ sit com-
memoratio Felli simplicis, si occurrat. Ad Primam
verò omittitur Psalmus *Confitemini*, ut patet ex Ru-
brica in Psalterio, ubi excipiuntur omnes Domini-
cæ post Pascha; & hæc Dominica in Albis nun-
cupatur etiam prima huius Temporis, & consequen-
ter incipit ab ista omisso dicti Psalmi. Symbolum
tamen S. Arhanasii est hodie dicendum; non so-
lùm, quia dicitur in Dominicis, quando fit Offi-
cium de eis, ut in Psalterio, ex quo hæc Domi-
nica in Albis multa sumit, sed principaliter (ut
reor) quia cum sit Symbolum Fidei, Thomas pal-
pando hodie verum Hominem, confessus est verum
Deum: undè benè S. Gregorius Papa, *aliud vidit*,
& *aliud credidit*; & tangendo loca clavorum, soli-
davit omnium fidem. Præterquàm quòd hodie re-
vera est Festum omnium Apostolorum, qui primò
tradiderunt Articulos Fidei. Reliqua hodierni Of-
ficii sunt propria, sed ad alias Horas dicitur in fi-
ne Hymnorum clausula Paschalis, *Deo Patri sit glo-
ria, & Filio qui à mortuis, &c.*

Missæ de hac Dominica in Albis est propria, ante
cujus initium, si est sollemnis sit consueta Aquæ be-
nedictæ aspersio, pro qua dicitur Antiphona Pascha-
lis: *Vidi aquam*, ut in fine Missalis. Dicitur *Gloria*,
& unica Oratio, nisi occurrat Festum simplex, quia
tunc secunda Oratio erit de eo. Dicitur etiam *Credo*,
cum Præfatione quidem Paschali, sed deposita
Diei restrictione, assumitur specialitas Temporis, &
ideo dicitur: *sed in hoc potissimum*. Sed & *Communi-
cantes* non est ampliùs de Octava; licèt hæc Domini-
ca, ut supra diximus, nuncupetur in *Octava Pascha*,
quapropter dicitur *Communicantes*, ut in Canone Mis-
sæ, ex quo loco sumitur etiam *Hanc igitur*, & in fine
Missæ ad *Ite Missa est* non adduntur duo *Alleluia*. Ut
autem huic Octavæ finem imponamus cum solita ex-
tensione antiquæ Præfationis, quæ etiam hodie erat
propria, eam idcirco ex sepe memorato Sacramentario
Gregorianopar. 81. depromptam, sequenti habes formula
elabo-

elaboratam, videlicet: *Verè dignum & iustum est, a-
quum & salutare, nos tibi semper, & ubique gratias
agere: Domine sancte, Pater omnipotens, aterne Deus:
Es te suppliciter obsecrare, ne nos ad illum sinas redi-
re actum, cui iura dominatur inimicus: sed in hac po-
tius facias absolutione persistere, per quam diabolus ex-
tiris, Filio tuo vivente, captivus. Et idèd cum Ange-
lis, & Archangelis, &c. Benedictio verò, quæ hujus
erat Dominicæ propria, ab Episcopo cæteroquin
inter Missarum solemnità olim dari solita, ex eo-
dem loco Sacramentarii transcripta, est ea, quæ
sequitur, scilicet: *Deus, cujus Unigenitum Discipulis
suis januis clausis dignum est apparere, sua vos Bene-
dictionis donò locupletare, & celestis vobis regni januas
dignetur aperire. Amen. Et qui ab eorum pectoribus
attactu sui Corporis, vulnus amputavit dubietatis, con-
cedat ut per Fidem, qua eum resurrexistis creditis, om-
nium delictorum maculis careatis. Amen. Et qui cum
Thoma Deum, & Dominum creditis, & cernuis veci-
bus invocatis, ab eo & in hoc Satulo à malis omnibus
tueri, & in futuro Sanctorum cæribus adfiscii valea-
tis. Amen. Quod ipse prestare dignetur, &c. cum re-
liquis, ut supra in Missa de Sabbato Sancto.**

Ecclesia verò Gallicana prolixam priscis tempori-
bus, recitabat in Missa hujus Dominicæ Præfatio-
nem, quam refert Mabillonius *Liturg. Gallic. lib. 3.
pagina 259.* & nos Ecclesiastico Lectori exhibemus
legendam, nempe: *Dignum & iustum est, necessarium
& salutare est, nos tibi gratias agere, omnipotens Deus,
licet gloriæ tuæ mortalium membra non congruant Re-
demptionis nostræ perfectæ præconia. Dum hominum ge-
nus mancipatum morte, infernorum sedibus tenebrarum
vincula restringeret, spiritale Verbum, per quod in prin-
cipio omnia fuerant constituta, descendit in Mariam.
Qua dum Partum suum Virgo miratur, inclusum homi-
nem edidit Deum. Quem tamen tuum esse, summe om-
nipotens Deus, antequam nasceretur, cognoveras: quip-
pè quæ sciebat Mundi esse Principium. Is namque Cru-
cem spontanea voluntate, propter redemptionem humani
generis, de inimico tyranno triumphaturus, ascendit:
& relicto paulisper Corporis templo, inferorum illustra-*

confringens, pristina, ut antè fuerat, vita restituit. Nec suffecerat solum hominem emendasse peccatum, sed per ablutionem cœlestem renatus, redivivo ac novonativitatis genere, remeans ad originem suam, nos ad cœlestia regna perduxit. O consilium Divina Providentia! O inextimandum reparationis auxilium! Per Virginem nobis gloriosa vita restituitur, qua per ligni inobedientiam credebatur extincta. Per aquam, Mundi peccata diluuntur, per quam, antè senserat Mundus ipse naufragium, Tibi ergo, summe Genitor, puræ devotione immaculatum munus offerimus: & elevatione manuumstrarum, juxta Filii tui Jesu Christi dispositionem, pium sacrificium celebramus, per Christum Dominum nostrum. Per quem, Majestatem tuam, laudant Angeli, &c. Missale verò Ambrosianum eandem numero Prefationem hodie habet, quam supra in hac Dominica extendimus depromptam ex Sacramentario Gregoriano.

Cæterum Votivæ solemnes, licet pro re gravi, non possunt cantari in hac Dominica; quod infer-
tur ex Decreto Clementis Undecimi, in quo dicitur, quod Votiva solemnitis de SS. Sacramento exponendo occasione Orationis quadraginta Horarum, cantari potest pro re gravi, exceptis tamen (inter alios Dies) omnibus illis Dominicis, quæ sunt primæ vel secundæ classis, ut clarè patet ex ejus particulari Bullario Romæ edito 1723. *par. 2. Constit. 9. emanata anno 1705. sub die 20. Januarii, §. 10. & ex Bullario Romano novissimæ editionis Luxemburgensis de Anno 1727. tom. 8. par. 2. Constit. itid. 9. ejusdem Pontificis*: Sed hæc Dominica in Albis est una ex illis Dominicis exceptis, quia est primæ classis: Ergo hodie non potest cantari Votiva de SS. Sacramento: Si non potest cantari Votiva de SS. Sacramento quod est majus: ergo non poterit cantari alia quævis Votiva, quod est minus. Et hæc est ratio potissima Pasqualigi, quam in contrarium adducit *de Sacrific. nov. Leg. tom. 1. quæst. 243.* ubi ait, quod eo die, quo cantari potest de SS. Sacramento, celebrari etiam possunt omnes Votivæ Solemnes: Cum ergo contrariorum eadem sit ratio: ergo eo die,

die, quo non potest cantari de SS. Sacramento, neque cantari poterunt Votivæ, quantumvis res sit gravis. Attamen, sicut in Missa de huiusmodi Dominicis concedit dictus Pontifex Clemens Undecimus loco citato Orationem de SS. Sacramento sub unica conclusione, sic censeo, quod & Oratio cujuscunque Votivæ pro re gravi hodie occurrentis possit simul dici cum Oratione Dominicæ in cantu, non privatim.

Missæ verò Defunctorum in Die Obitus cum præsentia Corporis in Ecclesia, potest cantari in hac Dominica in Albis, quia Declaratio Sacræ Rituum Congregationis de die 5. Julii 1698. in responsione ad *officium Dubium in Collensi*, excipit tantum Festæ dupliciæ primæ classis, non autem Dominicas primæ classis, ut alibi diximus: Sed hæc Dominica non est quoad Officium Festum duplex primæ, neque secundæ classis: ergo potest in ea cantari Missæ Defunctorum in Die Obitus. Verum tamen est, quod erunt cantandæ duæ Missæ in Ecclesiis, quibus incumbit onus eas cantandi, & quidem ex iteratis Decretis Sacræ Rituum Congregationis, nempe, 1628. 28. Augusti, 1686. 4. Maii, & 1698. 5. Julii, de quibus in mea Collectione de Sacris Ritibus sub num. margin. 552. & 1006. ac 1119, & clarè patet ex Rubrica Missalis sub die secunda Novembris, ubi non obstante solemnî Commemoratio ne omnium Fidelium defunctorum, pro qua omnes Missæ dicendæ sunt de *Requiem*, præscribuntur tamen in Cathedralibus & Collegiatis cantandæ duæ Missæ, una scilicet de Octava post Tertiam, altera verò principalis pro Defunctis post Nonam.

Cum autem supra probaverimus, non posse in hac Dominica cantari Votivam pro re gravi, videndum est modò, an sit cantanda Missa de Festo Sancti Titularis hodie occurrente licet transferendo. Et quidem in affirmativam partem descendere, mihi dubium non est: siquidem Decretum supra relatam Clementis Undecimi respicit dumtaxat Missam solemnem simpliciter Votivam. Sed Missa de Titulari in casu proposito non est simpliciter Votiva: Ergo in hac Dominica cantari potest. Minor

probatur, nam hujusmodi Missa dicitur semifestiva, & habet aliquid juris & acquisiti & acquirendi in propria sua Die: Ergo non est simpliciter Votiva. Et quod me magis movet ad eam cantandam, est, quia Rubrica Missalis tit. 6. de *translat. Fessor.* inter expressam Fessorum & Dominicarum exceptionem non includit hanc Dominicam in Albis: Sed exceptio firmat regulam in non exceptis: Ergo vigore hujus Rubricæ cantari hodie potest Missa de Titulari in propria Ecclesia, licet ejus Festum sit transferendum. Sequitur ex dictis, quod si in hac Dominica occurrant Litanie Maiores (cæteroquin recitandæ, ut supra diximus in Feria secunda præcedenti) quarum casus est in Tabula vigesima octava ordinis perpetui: Si terminetur Processio ad Ecclesiam S. Marci, cantanda ibi erit Missa de Titulari, cum etiam in hoc casu intret Decretum Sacræ Rituum Congregationis emanatum Anno 1603. sub die 23. Maji, & supra relatum in præcedenti Feria quarta. In dicta verò Missa de S. Marco cantatur tum *Gloria*, tum etiam *Credo*, tum denique Præfatio de Apostolis, omiſsa tamen commemoratione, non solum Rogationum, sed etiam Dominicæ, & consequenter cum Evangelio S. Joannis in fine.

Ad Vesperas denique hujus Dominicæ in Albis dicuntur Psalmi omnes de Dominica, ut in Psalterio, & quidem sub una tantum Antiphona trium *Alleluja*. Capitulum verò, Hymnus, & reliqua sunt propria in Breviario. Notandum tamen est, quod licet in occurrentiâ non cedat hæc Dominica Festo de duplici primæ classis occurrenti, cedit nihilominus in concurrentiâ Festo duplici secundæ classis etiam translato: unde si incidat in diem trigesimam Aprilis vel secundam Maji, ut in Tabula trigesima tertia vel trigesima quinta ordinis perpetui, Vesperæ erunt de SS. Apostolis Philippo & Jacobo, vel respectivè de Inventione S. Crucis, utroque Festo duplici secundæ classis, cum commemoratione tamen Dominicæ: & idem dicendum de Festo Annunciationis Beatæ Virginis Mariæ in Feriam

riam secundam immediate sequentem non raro transferendo. Dicta autem commemoratio est absolute facienda, licet ejus secundæ Vesperæ concurrerent cum Festo duplici primæ classis, quia est Dominica privilegiata; ejus commemoratio idcirco nunquam omittitur. Non tamen amittit suas integras secundas Vesperas in concurrentia Festi duplicis majoris sequentis, ex quo patet, quod supra innuimus, hanc Dominicam habere ritum duplicem saltem majorem. Cæterum admittit in suis secundis Vesperis quamcumque commemorationem sequentis, etiam Festi simplicis. In Ecclesia verò SS. Apostolis dicata, sicuti hodie est Festum Titulare, & consequenter duplex primæ classis, sic secundæ Vesperæ sunt semper ibidem integræ in concurrentia cujusvis Festi eundem ritum habentis, quia non tantum est hodie Festum Apostolorum, sed principaliter Festum Christi resuscitati, & suis Discipulis manifestati, unde vocatur *Octava Pasche*.

Ut autem quæ per longam omnium & singularum difficultatum explanationem notata sunt, per breviorum cunctorum articulorum positionem habeantur, in unum de more volumus quæcumque hujusce Octavæ Privilegia redigere: nam sicuti extensa non ita promptæ sunt recordationis, sic restricta facilius retinentur in mente: ex quo fit, quod memoriæ per elenchum mandata, postmodum libenter perleguntur diffusa. Itaque Privilegia sunt ea, quæ sequuntur. In Dominica Resurrectionis non dicuntur Litanie Majores, si occurrat, nec canitur luctuosa Missa de Rogationibus, nec celebratur in Oratoriis privatis. In primo triduo hujus Octavæ, non cantatur Missa de Festo occurrente & transferendo, neque pro Defunctis in Die Obitus, nec ullum locum habet Festum simplex, nec canitur Votiva licet pro re gravi. Post primum triduum, admittuntur quidem Votivæ solemnes, sed non privatæ, neque de *Requiem*. Fit quidem commemoratio de Festo simplici, nec tamen dicitur ejus Lectio. Celebrari potest solemniter pro Defunctis in Die Obitus, sed non in Anniversario Defun-

Actorum. Nullum admittitur Festum etiam primæ classis, licet occurrens, sed transfertur. Missæ de Octava suffragantur Animabus in Altari Privilegiato. Additur duplex *Aleluja* ad Benedicamus Domino in Laudibus, in Missa, & in Vesperis, ac ad *Ite Missa est* per totam Octavam. In Missa quotidie propria, quotidie dicitur *Sequentia*, cum Præfatione *Diem* specialiter habente. In Votis denique solemnibus, relicta eis Præfatione propria si habeant, dicitur nihilominus tum *Communicantes*, tum etiam *Hanc igitur* de Octava.

Ecce, Lector Ecclesiastice, Octava Paschæ jam completa est. Utinam sit tibi proficua, sicuti, ut proficiat laboravi libenter. Non me movit ad eam quantum potui exactè extendendam desiderium placendi, sed intentio juvandi. Omnes ferè Auctores perlegi tum antiquos tum recentiores, ut sub hoc uno Capite omnia habeas, nihil ulterius forsan expectando. Nonnulla tamen in mea methodo ego addidi, ab Auctoribus omissa: ea certè, qua valui, attentione opinando, ut adhaereant Rubricis, conformentur Decretis. Si quid boni de meo inveneris, non mihi, sed Deo gratias age, quia omne donum delatum est, descendens à Patre luminum.



D. E

OCTAVA PRIVILEGIATA

P E N T E C O S T E S .

C A P U T IV.

Quarta ex Octavis Privilegiatis, quæ in Ecclesia Universalis celebrantur, est illa Pentecostes. Pentecostès, inquam, Dies scilicet Quinquagesimus à Resurrectione Christi. Sic enim sibi volunt ea verba Actuum Apostolorum: *Cum compleverentur Dies Pentecostes*. Dies autem iste Quinquagesimus erat Judæis festivus & celebris, à Deo indictus. Eo igitur Die, sub Hora Tertia factus est repente de Cælo sonus: sonus quidem non solum auditus à centum & viginti Fidelibus in Cœnaculo congregatis, sed etiam per totam Civitatem Jerusalem tunc certè plenam Populo, qui ex omni loco, ubi degebat, convenerat ad Solemnitatem, ed quodd non solum fuit prima Christianorum Pentecostes & quidem in Dominica, sed eo Anno erat etiam Pentecostes Hebræorum à Die Azymorum secunda, juxta Calinum de Act. Apost. cap. 2. licet Cornelius à Lapide neget fuisse, etiam Hebræorum in Commentar. ad dict. Libr. & cap. vers. 1. At ne præter Calinum, omittamus ad rem nostram Auctores de Sacris Ritibus tractantes, & illorum & istorum Pentecosten eodem die fuisse; indubitante tenet Gavantus tom. 1. par. 4. tit. 11. sub num. 22. ubi sic habet: *Eodem die, quo Pentecosten celebrabant Hebræi, descendit in Apostolos Spiritus Sanctus, imo super centum & viginti Discipulos*. Sed ante Gavantum dixerat probando Rupertus Abbas de Divin. Offic. lib. 10. cap. 12. ubi post probationem, ita firmiter concludit: *Nihil ergo questionis remanet, cur*

Dies

413

*Dies ille, quo Spiritus Sanctus datus est, Judæorum quoque fuerit Pentecostes. Factus igitur est sonus de Cælo, quod est Thronus Gloriæ Dei, & Spiritus Sancti, & quidem repente, quia Spiritus Sanctus celes-
titer operatur, nescit enim tarda habere rerum mo-
limina Spiritus Sancti gratia, sed homines terrenos
repente in cælestes transmutat.*

Congregatis igitur Fidelibus apparuerunt dispersita 419
Lingua, tamquam Ignis, & repleti sunt omnes Spiritu
Sancto, quia Apostolos hic constituebat Prædicato-
res. Prædicationis autem instrumentum est Lingua.
Fuerunt verò Linguae igneæ, quia Deus, & præ-
sertim Spiritus Sanctus, est amor subtilissimus, ef-
ficacissimus, potentissimus, agillimus: unde ejus
symbolum est Ignis, juxta illud Deuter. 4. 24. *Deus
tuus Ignis consumens est*, ut explicat Cornelius à
Lapide loco citato, vers. 3. Præterquàm quodd, sicut
Ignis illuminat & inflamat, ita Spiritus Sanctus
illuminat ad cognitionem Dei, & inflamat ad e-
jus amorem, ait Durandus in *Ration. Divinor. Offic.
lib. 6. cap. 107. sub num. 10. pag. mihi 265.* Apparuit
etiam Spiritus Sanctus in Linguis igneis, ut facun-
di essent Apostoli in omni genere Linguarum, prout
eo ipso instructi fuerunt, nam cum stupore varia-
rum Nationum loquebantur variis Linguis Magnalia
Dei. Dicitur denique, *tamquam advenientis spiritus
vehementis*, quia nemo potuit postmodum resistere
Spiritui Sancto, nec Apostolis, nam adeo fortes fa-
cti sunt, ut benè de illis dixerit S. Gregor. Hom.
30. in Evang. *Quales namque Doctores Sanctæ Ecclæ-
sia ante adventum hujus Spiritus fuerint, scimus: &
post adventum illius, cujus fortitudinis facti sint, con-
spicimus.* Spiritus enim Sanctus profert verbum in
corde hominis: unde dicitur Matth. 10. *Non enim
vos estis, qui loquimini, sed Spiritus Patris vestri, qui
loquitur in vobis.* Quo Spiritu plenus Levita Stepha-
nus superavit adverfarios: quapropter de eo dici-
tur: quod non poterant resistere sapientiæ, & Spiritui,
qui loquebatur.

§. I.

De iis, quæ spectant ad Sabbathum in Vigilia Pentecostes.

Jure merito Ecclesia Dei, cui semper Spiritus Sanctus assistit (promissus enim fuit, & advenit Spiritus veritatis, ut cum illa maneret in æternum, eamque doceret omnia, ac omnia suggereret usque ad consumationem sæculi) tanti memor beneficii, ab eo tempore institutum Festum solemniter celebrat quovis Anno, & quidem cum Octava. Hæc autem Octava incipit à Sabbato in Vigilia à Pentecoste idcirco nuncupata: quæ certè Vigilia celebratur cum Jejunio ex generali Ecclesiæ consuetudine, quæ Legis ac Præcepti vim habet, omnino servando, ut egregie probat Guyetus in *Heorolog. lib. 1. sect. 3. cap. 17. quest. 6. pag. 78. juxta edit. Venet. de Anno 1729. post Parisien. de Anno 1657. Imo & Grancolas in Comment. ad Brev. Roman. lib. 2. cap. 76. pag. 350. plura refert de observantia Jejunii in hac Vigilia Pentecostes. Attamen dum tractamus de Sacris Ritibus, non egemus Testibus de hoc Jejunio deponentibus: siquidem Rubricæ Breviarii satis superque faciunt præceptivum: nam *tit. 6. de Vigil. sub numer. 5.* sic reverà habetur expressè: *Excipitur ab hoc ordinario Vigiliarum, quæ jejunantur, Vigilia Pentecostes, &c.* ubi exceptio respicit ordinem diversum Officii recitandi, salvo tamen Jejunio: Itidem & alia Rubrica *tit. 34. de Precib. sub numer. 3.* clarum facit præceptum Jejunii: ait enim: *Preces feriales dicuntur in Vigiliis, quæ jejunantur, exceptis Vigiliis Pentecostes, &c.* Ergo in Vigilia Pentecostes jejunatur, sed non dicuntur Preces.*

429

Dicta in Choro Nona, & quidem in colore albo, Sacerdos & Ministri induti paramentis violacei coloris, accedunt ad Altare, & facta reverentia, Sacerdos illud osculatur in medio. Deinde leguntur Prophetiæ sine titulo, candelis Altaris extinctis usque ad principium Missæ, sicut in Sabbato Sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes sine *Electamus genua*, ratione Temporis Paschalis, in quo adhuc sumus, ait & benè Gavantus *tom. 1. par. 4. tit. 11. sub numer. 19.* quam rationem affert etiam Bauldryus in *Man. Sacrar. Cæremoniar. par. 4. cap. 14. sub numer. 1. pag. 267.* Prophetiæ autem sunt tantum sex, & sumuntur ex Sabbato Sancto, eo tamen ordine, quo hodie citantur in Missali: & dicuntur ad instructiorem Cathecumenorum, inquit Gavantus *loco proxime citato*. Debent itaque esse tertia, quarta, undecima, octava, sexta, & septima Sabbati Sancti, hoc etenim ordine citantur hodie in Missali. Orationes verò, quæ post quamlibet Prophetiam cantantur, sunt propriæ hujus Vigiliæ, & consequenter ab illis diveriæ, quæ dicuntur in Sabbato Sancto. His expletis, Celebrans accipit Pluviale violaceum, & descendendo ad Fontem, cantatur Tractus *Sicut cervus, &c.* deinde Sacerdos, antequàm intret ad Benedictionem Fontis, præmisso *Dominus vobiscum*, dicit Orationem *Concede, quasumus, &c.* Postmodum proceditur ad Benedictionem Fontis, ut in Sabbato Sancto.

In hac Vigilia Pentecostes fit Baptismus, & jure merito, nam adventum Spiritus Sancti Christus Baptismum vocavit: *Et vos baptizabimini Spiritu Sancto non post multos hos dies, Act. 1.* Et baptizati à Spiritu Sancto Apostoli, baptizavere aqua ter mille in Die Pentecostes. Fit verò Baptismus post dictam in Choro Nonam, quia eadem hora Cornelius à S. Petro baptizatus est, ut ex Amalario *lib. 4. cap. 28.* notat Gavantus *tom. 1. par. 4. tit. 11. sub num. 18.* Est autem vetus Ecclesiæ institutum, quo in Solemnitate Pentecostes Baptismus conferebatur,

batur, ut docet Tertullianus lib. de Baptis. ubi sic habet : *Exinde Pentecostes ordinandi Lavacris latissimum spatium est . Idem videre est apud S. Hieronymum in Epistola ad Pammachium adversus errores Joannis Hierosolymitani : Circa Dies Pentecostes quadraginta diversa aetatis & sexus , Presbyteris suis obtulimus baptizandos .* Omni quoque tempore in Pentecoste baptizatum est, inquit Grancolas in *Commentar. ad Breviar. Roman. lib. 2. cap. 76. in fine , pag. 352.* ubi alium refert Tertulliani textum ad rem : *Diem Baptismo solemniorem Pascha praestat, exinde Pentecostes : & concludit , quòd in Gallia Childebertus Sigiberti Filius Baptismum in Die Pontecostes accepit , ut testatur Gregorius Turronensis.*

Dicta tamen Fontis Benedictio, in Ecclesiis Fontes habentibus fit cum Cereo Paschali accenso, ut praescribit Rubrica Missalis in Die Ascensionis, ibi : *Disso Evangelio , extinguitur Cereus Paschalis, nec ulterius accenditur , nisi in Sabbato Pentecostes ad Benedictionem Fontis :* quæ quidem Missalis Rubrica, licet per se sit clara, id nihilominus notat Piscara in *Prax. Caremoniar. lib. 3. sect. 8. cap. 8. sub num. 5. pag. 428.* quem de verbo ad verbum sequitur Quartus in *tract. 2. de Benedict. tit. 2. sect. 6. dubit. 3. pag. 121. juxta edit. Venet. de Anno 1727.* Nescio tamen, cur prædicti duo Auctores extendant dictam Rubricam ad totam Missam hujus Sabbati, cum in ea nominetur tantum Fontis Benedictio ? Certè Guyetus, qui post eos scripsit, non facit mentionem de Missa, sed attenta Rubrica loquitur de sola Fontis Benedictione, ut videre est in *Heorolog. lib. 4. cap. 18. quest. 30. pag. 294. juxta edit. Venet. de Anno 1729. post Parisien. de Anno 1657.* Aliud enim est, quòd loquamur de consuetudine accendendi hujusmodi Cereum à Pascha ad Ascensionem ; aliud verò, quòd differamus à finali accensione præscripta & limitata ad tempus non præscriptum, & extra Rubricam extensum . Idcirco terminata hodie Fontis Benedictione tunc removendum esse censeo : & ad hoc videtur adhærere novissimus omnium Scriptor de Sacris Ritibus Hal-

den in *Ephemerolog. par. 1. tit. 28. in princip.* ubi ait, quod licet Cereus Paschalis extinctus sit in Ascensione Domini, reaccenditur tamen in Vigilia Pentecostes ad Benedictionem Fontis: Et nullum facit verbum de Missa solenni. Dum igitur recentiores nihil dicunt de Missa, infero quod ad Missam non sit accendendus: sed hoc intelligatur dicendum sine præjudicio melioris opinionis.

Ubi verò non fuerint Fontes, finita sexta Propheta cum sua Oratione, Celebrans deponit Casulam, & cum Ministris ante Altare procumbit, & aliis omnibus genuflexis, cantantur Litaniæ à duobus Cantoribus in medio Chori, utroque Choro idem simul respondente. Circa verò has Litaniæ, ut alibi observavimus in Litaniis, tria occurrunt hoc proprio loco notanda. Primo, quod post nomen S. Joannis Baptiste statim addendum est illud S. Josephi, ut diximus in Sabbato Sancto. Secundo, quod Versiculus ille *Per adventum Spiritus Sancti Paracleti* non est meo iudicio bis decantandus, scilicet bis à Cantoribus, & bis à respondentibus, ut putat & tenet Pilcara in *Prax. Cæremoniar. lib. 3. sect. 9. cap. 8. sub num. 6. pag. mibi 436.* nam nihil de hoc habet Rubrica Missalis, & ubi vult hujusmodi repetitionem, clarè exprimit, prout sæpè in Rituali Romano *tit. de Process.* & præsertim *tempore penuria, & famis*, ubi præscribitur, quod in Litaniis bis dicatur, *Ut fructus terra dare, & conservare digneris*: & rationem affert Baruffaldus ad dict. *Rituale*, tit. 84. sub num. 2. ad hoc scilicet, ut Divina Misericordia dignetur nobis tradere fructus terræ; per quorum penuriam facta est universalis calamitas: sed hujusmodi ratio infertur ex lege lata repetitionis. Tertio denique in dictis Litaniis notandum venit, quod Versiculus *Ut Dominum Apostolicum*, si Sedes Apostolica vacaverit, erit omittendus, ut benè docet Gavantus à nobis relatus in Sabbato Sancto, cum de Litaniis illius Diei sermo erat.

Cum autem in præfatis Litaniis perventum fuerit ad Versiculum *Peccatotes, TV. Vocatus*, Sacerdos & Mi-

& Ministri furgunt , & accedentes ad Sacristiam , induuntur paramentis rubeis , & accenduntur luminaria circa Altare . In fine Litaniarum (furgentibus omnibus) cantatur solemniter *Kyrie eleison* pro Missa , & repetuntur , ut moris est . Quo incepto , Sacerdos cum Ministris procedit ad Altare , & facit confessionem : deinde ascendens , illud osculatur , & incensat more solito . Ut autem prædicta successivè & suo tempore fiant , morosè cantentur *Kyrie eleison* : quibus finitis , Celebrans incipit solemniter *Gloria in excelsis* , ad cujus intonationem Campanæ pulsantur , & Organa . Ab hac reverà Missa inchoatur Octava Pentecostes , siquidem tota hæc Missa est de missione Spiritus Sancti : Unica dicitur Oratio , quæ discordat ab Officio ; in quo dicitur Oratio de Dominica infra Octavam Ascensionis : sed in hac Missa Oratio pertinet ad Baptizatos , ut Sancti Spiritus illustratione confirmentur . Si hodie occurrat Festum simplex , nihil fit de eo in hac Missa ; licet ad Matutinum dicta sit ejus nona lectio , & facta commemoratio in Laudibus , ut dicemus (si Deo placuerit) in Octava Ascensionis , de qua hodie est Officium usque ad Nonam inclusivè . Omissio verò Festi simplicis in Missa hujus Vigiliæ clarè patet ex Rubrica Missalis *sic. 7. de Commemorati. sub num. 1.*

Ad Evangelium verò Missæ in hac Vigilia Pentecostes non portantur Luminaria , sed incensum tantum , Acolythis tamen ab utroque latere Diaconi assistentibus sine cereis , ut optimè meo iudicio suggerit Piscara in *Prax. Cæremoniar. lib. 3. sect. 9. capit. 8. sub num. 7. pagin. 436.* & iterum hanc Acolythorum assistentiam admittit in Cæremoniali suæ Religionis *lib. 3. cap. 24. sub numer. 12. pag. 204.* hoc enim modo mihi videtur & benè servata Rubrica , quia sine cereis ; & optimè celebrata sacra Functio , quia cum Ministris manus junctas devotè tenentibus . Post Evangelium non dicitur *Credo* , quidquid dicat Durandus in *Ration. Divinor. Officior. lib. 6. cap. 106. sub numer. 9. pag. mihi 263.* ubi habet , quod *Credo* non est omittendum : sed

nos debemus stare Rubricæ Excludenti, non Auditori admittenti. In hac Missa dicitur Præfatio propria, scilicet, *Qui ascendens super omnes Cælos, cum tuo ite d m proprio Communicantes, atque etiam Hanc igitur: & eandem. Præfationem dicunt Ambrosiani in eorum Ecclesiis. Antiquitus tamen alia recitabatur Præfatio in hoc Sabbato, quam volumus hic per extensum ponere, desumptam ex Libro Sacramentorum S. Gregorii Papæ, pagina 97. & erat sequens, videlicet: Verè dignum, & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterna Deus: Qui Sacramentum Paschale consummans, quibus per Unigeniti tui consortium filios adoptionis esse tribuisti, per Spiritum Sanctum largiris dona gratiarum, & sui coheredibus Redemptoris iam nunc superna pignus hereditatis impendis: Ut tanto se certius ad eum confideant esse venturos, quanto se sciunt ab eo redemptos, & Sancti Spiritus infusione diratos. Et ideo cum Angelis, & Archangelis, &c. Et quia, antequam Eucharistiam sumeret, solebat Episcopus Populo Benedictionem impertiri sub formula juxta Festivitatem diversa, ut fusiùs diximus supra in Missa de Nocte Nativitatis Domini, bene censemus extendere sequentem, quæ huic erat Sabbato conveniens, scilicet: Benedicat vobis omnipotens Deus, ob cuius Paracliti Spiritus adventum mentes vestras jejuniis observantia preparatis, & presentem diem solemnibus laudibus honoratis. Amen. Instar modò renatorum infantium talem innocentiam habeatis, ut templum Sancti Spiritus, ipso tribuente, esse possitis. Amen. Atque idem Spiritus Sanctus ita vos hodie sua habitatione dignos efficiat, ut cras se vestris mentibus vobiscum perpetim habitaturus infundat, & peracto præsentis vite curriculo, vos ad cælestia dona perducatur. Amen. Quod ipse præstare dignetur, cuius regnum & imperium sine fine permanet in sæcula sæculorum. Amen. Benedicatio Dei Patris, & Filii, & Spiritus Sancti sit semper vobiscum.*

In Missis autem privatis hodie in colore rubeo dicendis, omiſſis Prophetiis, Orationibus, & Litanis,

taniis , inchoatur ab Introitu *Cum sanctificatus fue-*
ro , qui profecto Introitus habetur statim post Mis-

sam hujus Sabbati : & lecto Introitu , reliqua di-

cuntur , ut in Missa solemnī , proseguendo à *Kyrie*

eleison , à quo illa solemnīs incēpit . Quamvis ye-

rò in solemnī color adhibeatur violaceus post No-

nam ad Prophetias , ad Benedictionem Fontis , &

ad Litanias : qui tamen celebrat ante Nonam , uti

debet colore rubeo , Gavantus *tom. 1. par. 6. titul.*

11. sub num. 19. in fine : imò licet Sacerdos cele-

bret matutino tempore valde ante Nonam , ait

Bauldryus in *Man. Sacrar. Cereemoniar. par. 4. capit.*

14. sub numer. 1. pag. 267. Missæ tamen Votivæ

privatæ non sunt hodie dicendæ , sed neque pro

Defunctis , vigore Decreti integrè à nobis supra re-

lati in Missa de Vigilia Nativitatis Domini , ex

quo Decreto benè intelligit Gavantus , quòd neque

in hac Vigilia Pentecostes dici possint dictæ Votivæ

privatæ vel de *Requiem* , ut videre est apud ipsum

tom. 1. par. 1. tit. 4. sub num. 3. lit. o. Difficultas

tamen est de Votivis solemnibus pro re gravi , an

scilicet possint in hac Vigilia Pentecostes cantari ?

Ego censeo , posse hodie cantari quascumque Voti-

vas solemnēs pro re gravi , nam Clemens Undeci-

mus inter Dies exceptos pro Votiva solemnī , ra-

tione SS. Sacramenti exponendi , non inserit hanc

Vigiliam Pentecostes , ut patet ex ejus Instructione

emanata anno 1705. die 20. Januarii , de qua in mea

Collectione de Sacris Ritibus *sub numer. margin.*

1254. juxta editionem Paternam de Anno 1730. Ergo

in hac Vigilia cantari potest Votiva de SS. Sacra-

mento : His positis , sic argumentor quoad cæteras

Votivas solemnēs pro re gravi canendas ; Concessio

majori , conceditur & minus : Sed major est Voti-

va solemnīs de SS. Sacramento : ergo conceduntur

& minores , nempe quæcumque aliæ Votivæ pro

re gravi cantandæ . Sic etiam Pasqualigus de *Sacrific.*

nov. Leg. tom. 1. quest. 243. ex concessione Votivæ

solemnīs de Venerabili , infert ad alias quascumque

Votivas pro re gravi canendas .

Quodcumque Festum hodie alicubi occurrat , trans-

fer-

Tomus Primus ,

Z

fertur, licet sit duplex primæ classis, ut clare patet ex Rubrica Breviarii *tir. 10. de transl. Feflor. sub num. 1.* Et ideo si hæc Vigilia Pentecostes occurrat die decimaquarta Maii, ut in Tabula sexta ordinis perpetui, Feltriæ in Dominio Veneto transfertur Festum SS. Victoris & Coronæ Urbis Patronorum principalium: si verò incidat in diem decimanquintam ejusdem Mensis, ut in Tabula septima, Maceratæ in Statu Ecclesiastico transfertur Festum Dedicationis Ecclesiæ Cathedralis: Si denique veniat die secunda Junii, ut in Tabula vigesimaquinta, Cremonæ in Ducatu Mediolanensi transfertur Festum SS. Marcellini & Petri Urbis Patronorum: Omnia & tria Festa duplicia primæ classis. Quæri tamen potest hoc loco, an de locorum Patronis in propriis eorum Ecclesiis, in quibus sunt Titulares, cantari hodie possit Missa? Si interrogemus Piscaram, ipse in *Prax. Cæremoniar. libr. 3. sess. 9. cap. 3. sub num. 9. pag. 436.* respondet negativè, dicens, quod *nullo modo dicantur hodie Votive, nam hæc dies est à Rubricis excepta, cum nec de Patrono in ea occurrente celebrare liceat.* Hæc ille. Sed si loquamur de Patrono in sua Ecclesia Titulari, non video rationem non cantandi hodie Missam de eo, cantata tamen altera de Die, ubi est obligatio cantandi in similibus duas Missas. Rubrica enim Missalis *tir. 6. de transl. Feflor.* inter Dies exceptos non ponit hanc Vigiliam: & cum exceptio firmet regulam in non exceptis, coniequens est, quod hodie cantari potest Missa de Titulari occurrente & transferendo, vel ratione Concursus Populi ad celebrandum Festum, quod transferri debet.

Restat denique, ut videamus, an in hoc Sabbato Pentecostes cantari possit Missa Defunctorum in Die Obitus, præsentem Corpore in Ecclesia? Ad quod respondendum censeo affirmativè: Si quidem Supplicantibus humiliter Capitulo & Canonicis Cathedralis Collensis Sacræ Rituum Congregationi pro declaratione nonnullorum Dubiorum, inter cæterum fuit sequens: *An in duplicibus prima classis,*
presen-

presente Corpore, possit Defunctorum Missa cantari? Et Sacra eadem Rituum Congregatio sub die 5. Julii 1698. respondit, Negativè. Hæc autem Resolutio, (quam cæteroquin Domi asservò in forma authentica, cum magno Sigillo, & cum subscriptione de propria manu Illustrissimi D. Secretarii) respicit duplex primæ classis, de quo sit eo die Officium: non verò se extendit ad Diem, in quo duplex primæ classis excluditur, ut in hac Vigilia Pentecostes: alioquin infra Octavam Paschæ, & hanc currentem, post primum triduum exclusis ex vi Rubricarum duplicibus primæ classis, non admitteretur Missa in Die Obitus: Sed, ut vidimus, & respectivè paulo post videbimus, admittitur hujusmodi Missa: Ergo etiam hodie.

Vesperæ hujus Sabbati dicuntur de sequenti, nempe de Dominica seu de Festo Pentecostes in colore rubeo, prout ordinantur in Breviario. In his Vesperis Antiphonæ sumuntur ex Laudibus, & omnes sunt ad Festum Spiritus Sancti adaptatæ: & licet quarta non videatur primo intuitu convenire, eo quod loquatur de aquis: attamen si benè recorderemur, quia *Spiritus Domini ferebatur super aquas*, statim agnoscimus proprietatem & convenientiam. Idem enim est, ac si diceretur: *Fontes, & omnia, qua moventur in aquis, super quas Spiritus Domini ferebatur, hymnum dicite Deo, qui hodie dignatus est mittere promissum Spiritum Sanctum*. Dici etiam potest, quod illa Antiphona sit propria hujus temporis, quo Spiritus S. per Baptismum aquæ confertur. Præterquam quod celebratur Baptismus.

Qui hodie peragit Vesperarum Officium, dum intonat Hymnum *Veni, Creator Spiritus*, (omnibus de Choro illicò genuflexis, exceptis Ceroferariis) prius stans, extendit & jungit manus, & caput inclinat versùs Altare, deinde & ipse genuflectit, donec absolvatur prima strophæ, qua finita, omnes surgunt. Hæc autem genuflexio faciendæ est utroque genu, non verò unico, sicuti Judæi irridentes Dominum in ejus Passione fecisse leguntur: unde Apostolus non docet, dicens: *flexo genua mea ad*

Patrem Domini Nostri Jesu Christi, Ephes. 1. 14. Licet autem tempore Paschali non sit genuflectendum, hoc tamen intelligitur de Oratione, non verò de Adoratione, quæ etiam hoc tempore facienda est genibus flexis. In hoc Hymno S. Ambrosius Auctor, ut tradunt multi, septem posuit strophas ad indicanda septem Dona Spiritus Sancti, qui idcirco dicitur *septiformis munere*. At ex occasione videndum, an quando intra annum cantatur ipsemet Hymnus, claudendus sit cum strophâ hujus temporis, nempe, *Deo Patri sit gloria, & Filio, qui à mortuis*, &c. At cum hæc strophâ conveniat tempori Paschali, in quo adhuc sumus, non extenderem ad totum Annum, sed data occasione illum infra Annum cantandi, dicerem clausulam *Deo Patri sit gloria, ejusque soli Filio, cum Spiritu Paraclito, nunc & per omne sæculum & pluribus* requirentibus ita respondi. In hac verò Vesperarum sive privata recitatione, sive decantatione solemnî, unica dicitur Oratio, licet cras occurrat Festum simplex, nam sicuti de eo nihil fit in sequenti Dominica Pentecostes, sic nec hodie in ejus primis Vesperis.

Si verò Episcopus erit solemniter Missam sequenti die celebraturus, Vesperæ solemnius peraguntur, quàm si non esset celebraturus: quod præcipuè in his Vigiliis observari solet, videlicet, Pentecostes, &c. ut verbis utar Cæremonialis Episcoporum lib. 2. cap. 1. §. 2. pag. 184. juxta edit. Roman. de Anno 1729. sub Benedicto XIII. ejusdem Cæremonialis recognitione. In dicto loco, §. 8. dicitur, quòd Psalmi Vesperorum decantari debent à Choro, & ab ipsismet Canonici, & Beneficiatis, aliisque de Capitulo, in tono, & cantu Gregoriano, cum gravitate, & decore: & omnia traduntur, quæ ad Vesperas Pontificales spectant & pertinent. Quoad verò Completorium, sive solemniter cantetur in Choro, sive recitetur privatim, unum tantum observandum & servandum occurrit, ut nempe ad Hymnum fiat conclusio de hac Octava Pentecostes, scilicet: *Deo Patri sit gloria, & Filio qui à mortuis*, &c.

Ec. quæ quidem clausula dicitur ad omnes Horas usque ad primas Vesperas SS. Trinitatis exclusivè . Ubi verò adest laudabilis consuetudo benedicendi Mensam , ab hac Vigilia Pentecostes inclusivè , usque ad Cœnam sequentis Sabbati exclusivè , dicitur Versiculus *Spiritus Domini replevit orbem terrarum* , cum reliquis , ut in fine Breviarii .

§. II.

De iis , quæ spectant ad Dominicam in Festo Pentecostes .

Dominica Pentecostes ab Eusebio vocatur *Celebratum maxima* , ut ex eo refert Ludovicus Thomassinus *de Dier. Festor. celebrat. lib. 2. cap. 17. sub nu. 4. pag. 81. juxta edit. Venet. de Anno 1729.* & posito textu Eusebii , idpsum habet Grancolas *in Comment. ad Breviar. Roman. lib. 2. cap. 77. vers. adeo sollemnis pag. 352.* Gloriosa igitur , splendida , venerabilis , & dulcis est Sanctæ Ecclesiæ Domui Solemnitas hæc de adventu Spiritus Sancti : æquè ac illa sacrosancta Festivitas Dominicæ Resurrectionis : quia videlicet , sicuti nihil nobis nasci profuit , nisi redimi profuisset : ita nihil nobis redimi profuit , nisi Spiritu Sancto illuminari , & peccatorum remissionem accipere profuisset , ait Rupertus Abbas *de Divin. Offic. lib. 10. cap. 1. in fine , pag. mihi 627.* Unde Thomassinus loco citato prosequitur , sic dicens de utraque Solemnitate Paschæ & Pentecostes : *In Paschate Baptismus confertur : ut in Pentecoste Spiritus Sanctus , quo Baptismo veluti suprema manus imponitur.*

Hoc Festum est præceptivum , cum obligatione audiendi Missam , & vacandi ab Operibus servilibus . Celebratur autem sub ritu duplici primæ classis , &

433

434

lis, & quidem in colore rubeo propter igneas linguas. Nulla verò particularis Solemnitas est ista dignior, quocumque ritu decorata, & quocumque celebrata ornatu, & pompa, ac concursu. Ideoque si hac Dominica Pentecostes occurrat die decima octava Maji, ut in Tabula nona ordinis perpetui, Camerini in Marchia Anconitana transferatur Festum S. Venantii Martyris Urbis Patroni, quod ibi celebratur sub ritu duplici primæ classis: Quod si incidat in diem vigesimam ejusdem Mensis, ut in Tabula undecima, Volaterræ in Traclu PIANO in Etruria transferatur Festum duplex primæ classis de Dedicatone Cathedralis: Si verò dicta Dominica Pentecostes veniat die tertia Junii, ut in Tabula vigesima quinta, Melsanæ in Valle Demonæ in Sicilia transferatur Solemnitas Deiparæ à Sacris Litteris nuncupatæ, quæ ritum ibi habet duplicem primæ classis.

Quoad Officium hodiernum, ad Matutinum inchoatur Invitatorium a voce lætitiæ, nempe ab *Alleluja*, deinde congruenter dicitur *Spiritus Domini replevit orbem terrarum*, quia revera ionus ille tanquam advenientis Spiritus vehementis, auditus fuit ab omnibus Judæorum Nationibus, quæ eo die erant Jerololymis. Hymnus Matutini est proprius *Jam Christus astra accendit*, ab Ambrosio compositus, ut ex citatis Auctoribus tenet Gavantus *t. m. 2. sect. 5. cap. 6.* ac etiam Grancolas in *Commentar. ad Breviar. Rom. lib. 2. cap. 77. pag. 353.* Tres autem dicuntur Antiphonæ, tres Psalmi, tres Lectiones, tria Responsoria, quia ex eo ternario numero ostenditur, Spiritum Sanctum tria circa Apostolos operatum esse, nam veteres innovavit, innovatos confirmavit, & confirmatos ad alios convertendos misit, ut explicat Durandus in *Ration. Divinor. Officior. lib. 6. cap. 107. sub num. 4. pag. mihi 263. a tergo.* Tres verò Psalmos dici ob Baptismum, qui datur in Pentecoste in nomine Trinitatis, tradit Honorius Augustodunensis in *Gemma Animæ, lib. 3. cap. 144. apud Gavantum d. tom. 2. sect. 6. cap. 18. sub num. 2.* & ob eandem rationem novorum Baptizato.

tizatorum , unum tantum Nocturnum cum tribus Psalmis dici , & per totam Hebdomadam , putat Amalarius relatus à Grancola loco *superius citato vers. Ad eo solemniter, circa fin.* ubi Auctoris à se relati textum ponit; videlicet : *Propter Baptismatis Sacramenta, numero trium Psalmorum complentur Nocturnalia Officia per octo dies hebdomadae Pentecostes.* Ad Laudes Antiphonæ sunt propriæ , cum Hymno itidem proprio *Beata nobis gaudia* , qui Ambrosio ascribitur ab Auctoribus supra citatis. Si hodie occurrat Festum simplex , nihil sit de eo.

Ad Primam hodie , & per totam Octavam ad Responsorium breve dicitur Versiculus *Qui sedes ad dexteram Patris.* Tertiam verò solemniter hac die dicendam , accensis omnibus cereis Altaris, cum assistentia totius Cleri, censet, & mihi placet, Baudrius in *Manuali Sacrar. Caremoniar. par. 4. cap. 14. sub nu. 5. pag. 267.* Ab hac die inclusivè usque ad Sabbatum sequens itidem inclusivè, dicitur ad Tertiam Hymnus *Veni, Creator Spiritus*: licet enim semper ad Tertiam dicatur Hymnus de Spiritu Sancto , nempè , *Nunc Sancte nobis Spiritus* , attamen hodie & per Octavam , omisso illo breviori , convenit , ut dicatur iste longior & proprius Festi , quia hora Tertia super Apostolos Paraclitus descendit , unde longiori formula hisce diebus debemus eum invocare , ait Gavantus *tom. 2. sect. 6. cap. 18. sub num. 3.* Ad hujus Hymni intonationem semper genuflectitur usque ad totam primam stropham ut jam dictum est: Iisdem solemniter hunc Hymnum esse hodie & per Octavam cantandum tradit Piscara in *Caremoniali. sua Religionis. lib. 3. cap. 24. sub num. 14. pag. mibi 204.* & benè facerent omnes Ecclesiæ; præsertim Cathedralæ & Collegiatæ , si hanc solemnem Hymni decantationem introducerent , ubi non est talis consuetudo . Ad cæteras denique Horas, omnia dicuntur, ut præscribitur hodie in Brevariario , cum clausula Hymnorum propria hujus Octavæ , nempè , *Deo Patri sit gloria , & Filio qui à mortuis , &c.*

Missæ in hac Dominica Pentecostes est propria , 437
Z 4 in qua

qua dicitur *Gloria*, cum unica Oratione, nam
 ni hil fit de Feflo fimplici hodie interdum occurren-
 te fed fi occurrat Dies Anniverfaria Consecrationis
 E pifcopi, dicitur ejus Collecta fub unica conclusio-
 ne in folemni juxta Decretum, de quo fupra in Mi-
 fa Epiphaniæ, & in folemni tantum. Poft Epi-
 ftolam; ad Verficulum, *Veni, Sancte Spiritus*, genu-
 flectitur; deinde dicitur Profa, feu *Sequentia*, quæ
 verofimilius creditur ab Innocentio Tertio compo-
 fita, ab eodemque juffa poni in Miffali, cum in
 ejus operibus reperiatur, ait Grancolas in *Com-
 mentar. ad Breviar. Roman. lib. 2. cap. 77. verf. Ad
 Miffam*, pag. 353. Dum autem olim cantabatur in
 Choro hæc *Sequentia*, in nonnullis Ecclefiis fiebat
 fonitus clangore tubarum, & hunc Ecclefiarum mo-
 rem viguille temporibus fuis teftatur Durandus in
*Ration. Divinor. Officior. lib. 6. cap. 107. fub numer.
 11. pag. 265.* ubi addit, quodd etiam Columbæ di-
 mittebantur, in quo ipfa Spiritus Sancti miffio de-
 signabatur: ficuti etiam Flores varii proiciebantur
 ex alto, ad denotandam Linguarum & Virtutum
 diverfitatem: quorum omnium ufum adhuc vigere
 Meffanz in Sicilia, affirmat Macrius in *Herolexic.
 verb. Pentecostes*. Certè quoad Florum ex alto pro-
 jectionem, hoc eft etiam in praxi noftris tempori-
 bus Patavii in Dominio Veneto, nam in celebri
 Conventuali Bafilica S. Antonii proiciuntur Rosæ,
 prout ego terque quaterque observavi: quæ quidem
 Rosæ, ficuti funt rubeæ, fic denotant igneas lin-
 guas, quæ apparuerunt difpertitæ: & proiciuntur
 in magna quantitate, non tamen omnes fimul, fed
 ab una projectione ad alteram datur aliquod breve
 intervallum, ita ut completa *Sequentia*, completur
 etiam Rosarum projectio.

In dicta Miffa de Dominica Pentecostes dicitur
Credo, non tamen intermifcendum eft Organum,
 cum Symbolum per Chorum cantu intelligibili fit
 proferendum, ut præfcribit Cæremoniale Epifcopo-
 rum *lib. 1. cap. 28. §. 10. pag. mibi 168.* Dum autem
 cantatur *Credo*, Sacerdos, qui folemnniter celebrat,
 non poteft interim Miffam profequi eo tempore,
 quo

quo Chorus cantat Symbolum , ut decrevit *Sacra Rituum Congregatio* 1695. 17. Decembria , apud Fagioli in *Kalendar. perpet. ration. in Annotat. ad Januar. sub num. 3. pag. 68. juxta edit. Bononien. de Anno 1705.* & refert etiam P. Merati in *Indice sub num. 510.* sed debet expectare complementum Cantus , & tunc successivè pergere in Missa , ut ex *Synodic. Diac. Benevent. par. 1. tit. 29. cap. 7.* ait Breſchius in *Promptuario Synodali* , cap. 30. sub n. 19. Præfatio autem est propria hujus Octavæ nempe: *Qui ascendens super omnes Cælos , una cum proprio Communicantes , atque etiam Hanc igitur.* Eadem numero Præfatio , quam modò nos dicimus , etiam ex veteri consuetudine legebatur in Ecclesia Dei , ut clarè patet , ex *Libro Sacramentor. S. Gregorii Papa , pagina 98.* sed Benedictio Episcopalis , de cujus antiquo usu mentionem facimus in Missa Vigiliæ , erat hodie omninò sequens , videlicet : *Deus qui hodierna die Discipulorum mentes Spiritus Paracliti infusione dignatus est illustrare , faciat vos sua Benedictione repleri , & ejusdem Spiritus donis exuberare. Amen. Ille ignis , qui super Discipulos apparuit , peccatorum vestrorum sordes expurget , & sui luminis infusione corda vestra perlustrat. Amen. Quique dignatus est diversitatem linguarum in unius Fidei confessione adunare , in eadem vos faciat Fidei perseverare , & per hanc à spe ad speciem pervenire. Amen. Quod ipse præstare dignetur , &c.* cum reliquis , ut supra in dicta Missa Vigiliæ .

Diversam tamen habebat hodie Præfationem Ecclesia Gallicana , quæ continetur in Missali Gothico illius Ecclesiæ , solita tunc temporis recitari in hac Missa de Dominica Pentecostes , & prout illam extendit eruditissimus Mabillonius , in *Litur. Gallic. lib. 3. pag. 269.* ego hoc proprio loco repono , & est ea , quæ sequitur nempe : *Verè dignum & iustum est , nos tibi semper hic , & ubique gratias agere , & gloriarì in operibus tuis , Domine sancte , Pater omnipotens , aterna Deus : In hoc præcipuè die , in quo Sacratissimum Pascha quinquaginta dierum mysteriis regitur : & per sua vestigia , recursantibus dierum spatiis , colleguntur : & dispersio linguarum , qua in confusione facta fuerat ,*

per Spiritum Sanctum adunatur . Hodie enim de Cælis repente sonum audientes Apostoli , unius Fidei Symbolum exceperunt : & linguis variis Evangelii sui gloriam Gentibus tradiderunt , per Christum Dominum Nostrum . Per quem Majestatem tuam laudant Angeli , &c. A Gallicana Præfatione non valdè differt illa , quam etiam nostris temporibus recitant Ambrosiani in hac Dominica Pentecostes . Sed licèt non sit magna differentia , volumus nihilominus & hanc ponere Præfationem , videlicèt : Verè dignum & iustum est , æquum & salutare , Nos in hac præcipua Festivitate gaudere , qua Sacratissimum Pascha quinquaginta dierum mysteriis tegitur , & mysticus numerus adimpletur . Et dispersio linguarum qua dudum per superbiam in confusione facta fuerat , nunc per Spiritum Sanctum adunatur . Hodie enim de Cælis repente sonum audientes Discipuli , unius Fidei Symbolum exceperunt : & linguis variis Evangelii sui gloriam cunctis Gentibus tradiderunt , per Christum Dominum Nostrum . Per quem , Majestatem tuam , &c.

Ante Missam verò solemnem facienda est hodie asperio Aquæ benedictæ , illa excepta Ecclesia , in qua Episcopus Pontificaliter celebrat , juxta Cæremoniale Episcoporum *lib. 2. cap. 31. sub numer. 3. & 4.* Celebrare igitur hodie debet Episcopus , nisi legitime fuerit impeditus , nam inter Festa expressè nominata , hanc etiam Dominicam Pentecostes inserit dictum Cæremoniale *lib. 2. cap. 34. §. 2. pag. 416.* Sicuti autem in Cathedrali cantat Episcopus , sic cantare debet Prior , sen quocumque nomine nuncupata prima Dignitas in Ecclesia Collegiata , Abbas in Monasteriali , Superior verò Localis in Conventuali Ecclesia , ut benè notat pro Ecclesiis sui Ordinis Piscara in Cæremoniali Religionis *lib. 3. cap. 24. sub num. 13. pag. 204.* ubi Præpositum Localem hodie pro Celebrante designat . Omni autem apparatu ornanda sunt Altaria Ecclesiarum , & præsertim illud , in quo solemnis Missa est hodie celebranda : est etenim Pentecostes veluti alterum Pascha . Duo verò illa magna Festa , quæ Deus præcepit Populo suo , figurativa fuere Pascha-

tis

ris & Pentecostes Christianorum : unde si in figura Populus ille celebrat cum magna solemnitate, nos certè celebrare debemus cum maxima pompa :

Si quis autem petierit infra Annum Missam de hac Dominica Pentecostes, non erit ei dicenda, quia in ista danturaliqua, quæ sunt specialia hujus Festi hodie occurrentis : ideoque Sacerdos, cui talis Missa committitur, dicat *Votivam* de Spiritu Sancto, si eo die dici possint *Votivæ* privatæ: non enim convenit, ut dicatur hodierna Epistola *Cum compleretur dies Pentecostes*, & multo minus dicenda erit *Sequentia Veni, Sancte Spiritus*: ut de pluribus Missis aliquid Solemnitati dumtaxat accommodatum habentibus declaravit *Sacra Rituum Congregatio de ordine Pauli Quinti*, apud Angelum à Lantusca in *Theatro Regular. verb. Missa Ritus, sub numer. 2. pag. 332.* Quoad autem Papa prohibuit, non debet Sacerdos concedere: unde Laicorum causa non sunt violandæ Rubricæ, ait ad rem nostram Gavantus *tom. 1. par. 4. tit. 17. sub num. 8.* Illud autem non est omittendum huic loco conveniens, quòd cum ex vi Ordinis teneatur Sacerdos saltem quater vel quinques in Anno celebrare, & quidem in solemnioribus Anni Festivitatibus, ideo, si nullum addit legitimum impedimentum, debet hodie celebrare sub pœna peccati mortalis, quia hæc Dominica Pentecostes est absque ulla dubietate una ex dictis præcipuis Anni Solemnitatibus: de quo vide Auctores à me supra relatos in Die Nativitatis Domini.

Sed neque prætermittendum censeo, quòd, cum hodie pluribus in Ecclesiis sit concessa Indulgentia Plenaria, illa intelligenda venit de hac Die tantum, non verò de tota Octava, nisi Breve Apostolicum specialem faciat mentionem de Octava in concessione Indulgentiæ: licet enim tota Octava habeatur pro una Die apud Rubricistas, non idem dicendum de Indulgentiis apud Theologos morales. Missæ verò *Votivæ* solemnes nullo modo sunt hodie dicendæ, sed omnia servantur, quæ supra dicta sunt in Die Epiphaniæ, ubi etiam de Missa Festi

Festi primæ classis hac die occurrentis & transfere-
 rendi, jam nominatim exclusa in Rubrica Missalis
sir. 6. de translat. Fessor. ac ibidem diximus de Mis-
 sa solemnī Defunctorum in Die Obitus omnino o-
 mittenda. Sed neque in Oratoriis privatis permīssa
 est hodie celebratio, juxta specificam hujus Diei
 exceptionem in Decreto Sacre Rituum Congrega-
 tionis à me relato in mea Collectione de Sacris
 Ritibus, *sub num. marg. 293. pag. 88. juxta editio-*
nem Paternam de Anno 1730.

Ad Vesperas de hac Dominica Pentecostes, om-
 nia dicuntur, ut hodie in Breviario; & ad Hym-
 num, *Veni, Creator Spiritus*, fit genuflexio ab om-
 nibus de Choro, ut dictum est in primis Vesperis.
 Nulla occurrit in eis faciēda commemoratio, nam
 si cras occurrat Festum simplex, nihil sit hodie de
 eo, quia cū in crastina occurrentia totaliter omit-
 tatur, nihil potest habere in hodierna concurrentia.
 Licet autem Cæremoniale Episcoporum non
 obliget Episcopum ad celebrandas Pontificaliter ha-
 scē secundas Vesperas, ut videre est *lib. 2. cap. 1. §.*
3. pag. 184. ubi nominatis quibusdam secundis Ve-
 speris Pontificalibus, inter eos non comprehendit
 secundas currentis Solemnitatis: attamen, quia ibi
 dicit *saltem*, ex hoc non videntur exclusæ hodiernæ
 Vesperæ, cū *ly saltem* sit quidem restrictivum
 quoad expressa, non verò exclusivum quoad tacita.
 Quod si Pontificaliter Officiū peragat, dat quidem
 in fine Benedictionem per consueta verba: *Sit No-*
men Domini Benedictum, &c. non tamen publican-
 tur Indulgentiæ, ut habetur in Cæremoniali Epi-
 scoporum *lib. 1. cap. 25. §. 8. pag. 152.* ubi expresse
 excipiuntur Vesperæ hisce præcisīs verbis, *non ta-*
men in Vesperis.

S. III.

De iis, quæ spectant ad Feriam secundam infra Octavam Pentecostes.

HÆC Feria secunda habet annexum præceptum de auditione Missæ, & de vacatione ab Operibus servilibus. Ejus Officium est duplex primæ classis, & celebratur in colore rubeo. Quodvis Festum, quocumque ritu decoratum: licet hac die occurrens, transfertur: & idè, si hæc Feria secunda incidat in diem vigesimam quartam Maji; ut in Tabula decimaquarta ordinis perpetui, Toleti in Hispania transfertur Festum S. Isidori Agricoltæ Urbis Patroni, quod ibi celebratur sub ritu duplici primæ classis: Si verò veniat die vigesima quinta ejusdem Mensis, ut in Tabula decima quinta, Florentiæ in Etruria, nihil sit hodie de S. Zenobio Episcopo & Confessore, cujus Festum est ibidem duplex primæ classis: Quod si dicta Feria secunda occurrat die vigesima septima memorati Maji, ut in Tabula decima septima, Clodiæ Fossæ in Dominio Veneto transfertur Festum duplex primæ classis de Dedicatione Ecclesiæ Cathedralis. Quoad recitationem hodierni Officii, omnia dicuntur, ut in Dominica Pentecostes, exceptis propriis hujus Feriæ secundæ. Propria autem sunt ad Matutinum Versiculus *Spiritus Domini replevit, &c.* Responsorium *Et hoc, quod continet omnia, &c.* Tres Lectiones de Homilia S. Augustini Episcopi in Evangelium Joannis *Dixit Jesus Nicodemus, cum suis Responsoriiis, Antiphona ad Benedictus Sic Deus dilexit Mundum, ac etiam Oratio Deus, qui Apostolis tuis, omnia ad Laudes commemora-*

moratione Festi simplicis forsan hodie occurrentis. Ad reliquas Horas omnia sumuntur ex Dominica Pentecostes, præter Orationem hodiernam.

Missæ verò hujus Feriæ secundæ est propria, in qua dicitur *Gloria*, cum unica Oratione, quia nihil sit de Festo simplici, si hodie occurrat. Post Epistolam, ad Versiculum *Veni, Creator Spiritus* genuflectitur. Dicitur *Credo*, & Præfatio de hac Octava *Qui ascendens super omnes Cælos*, cum suis *Communicantes*, atque *Hanc* igitur propriis. Sed ut & hoc loco aliquid tangamus de prisca Ecclesiæ consuetudine, Præfatio hujus Feriæ secundæ erat aliàs ab hodierna, siquidem dicebatur sequens ex Libro Sacramentorum S. Gregorii Papæ desumpta, pag. 99. videlicet: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æternæ Deus, per Christum Dominum Nostrum: Qui promissum Spiritum Paraclitum super Discipulos misit: Qui principio nascentis Ecclesiæ cunctis Gentibus imbuendis, & Deitatis scientiam inderet, & linguarum diversitatem in unius Fidei confessione sociaret: Per quem, Majestatem tuam supplices exoramus, ut tuus celebramus adventum, ejus multimoda gratia accipiamus effectum. Per quem, Majestatem tuam laudant Angeli, &c.* Antiqua verò Benedictio Episcopalis deficit hoc suo proprio loco in dicto Sacramentario Gregoriano: sed ea reperitur in alio Benedictionum Episcopaliū Libro, ibidem existente, pagina 632. & dicebatur per totam hanc Octavam Pentecostes usque ad Sabbatum exclusivè: Erat igitur ea, quæ sequitur, scilicet: *Omnipotens Deus, qui quinquagesimum diem futura remissionis munere figurasti, quo gratia Spiritus Sancti inebriati Apostoli, mente una locuti sunt ore diverso: respice hanc Ecclesiam, quam ex Gentibus congregari linguarum varietate signasti. Amen. Da consolationem inter pressuras sæculi, qui nobis æqualem tibi ipsi consolatorem Spiritum misisti. Amen. Et te propitiantem, sit ipse nunc Plebis hujus custodia, qui dedit Discipulis tunc doctrinam. Amen. Quod ipse præstare dignatur, &c.* cum reliquis, ut supra in Missa de Vigilia Pentecostes. Ambrosiani autem

tem recitant in hac Feria secunda eandem numero Præfationem, quam supra extendimus in Dominica. In Liturgia tamen Gallicana doctissimi Mabillonii, nulla hodie legitur Præfatio, vel quia tunc temporis Festum Pentecostes forsitan ibidem Octava carebat, ut de Ecclesia Occidentali usque ad Bedæ ævum (qui primus omnium de Octava Pentecostes egit, circa annum 720.) refert Grancolas in *Comment, ad Breviar, Roman. lib. 2, cap. 79. in princip. pag. 354.* vel si dicta Ecclesia Gallicana celebrabat tunc temporis Octavam, unicam fortè recitabat quotidie & semper eandem Præfationem, & quidem eam, quæ supra relata est in Dominica.

Non potest tamen hodie cantari Votiva de SS. Sacramento, licet fiat ejus expositio ratione Orationis quadraginta Horarum, sed in Missa solemni hujus Feriæ secundæ infra Octavam dicatur Collecta de eodem SS. Sacramento, & quidem sub unica conclusione: utrumque enim habetur in Instructione à Clemente Undecimo edita *anno 1705. sub die 20. Januarii, §. 10.* de qua in Bullario Romano *tom. 8. par. 2. Constitut. 9.* Quod si cantari nequit de SS. Sacramento, quod est gravius neque cantari poterit de aliis Votivis, quod est minus grave: Sed si res sit gravis, dici poterit Oratio Votiva sub unica conclusione, ut inferendum videtur ex dictis de Oratione SS. Sacramenti. Neque de Festo hodie occurrente & transferendo Missa hac die est cantanda, quantusvis magnus sit Populi concursus, & quamvis sit Festum Titularis Ecclesiæ, ut clarè patet ex Rubrica Missalis *titul. 6. de translatione Fæstorum.* Imò & prohibetur Missa solemnis Defunctorum in Die Obitus, non obstante præsentia Corporis in Ecclesia, nam magna Dicit celebritas, quam ad hunc effectum excipit Rituale Romanum *tit. de Exequiis, rubrica 5.* intelligitur de omni & quocumque duplici primæ classis, ex declaratione Sacræ Rituum Congregationis in *Colen. sub die 5. Julii 1698. ad 8. Dubium.*

In Oratoriis tamen privatis Apostolicum Privilegium habentibus non est hac die prohibita celebra-

446

447

tio

tio, nam Decretum Sacræ Rituum Congregationis de Anno 1607. sub die 17. Novembris Fæstorum ſolemniorum exceptivum, loquitur dumtaxat de Pentecoſtes: unde ex communi ſenſu, & uſu Romano, ac modo loquendi, intelligendum venit de prima tantum Die, non verò etiam de hac Feria ſecunda, neque de tertia ſequenti, ait Gavantus *tom. 1. par. 1. tit. 20. li. f. verſ. Ordinarii Locorum*: & ejuſdem eſt opinionis Paſqualigus à me citatus in Feria ſecunda infra Octavam Paſchæ: ac etiam ita ſentit Quartus in *Commentar. ad Rubric. Miſſal. par. 3. tit. 10. ſect. 2. dub. 10. pag. 293. juxta edit. Venet. de Anno 1727.* Miſſæ verò de Octava ad Altare quomodolibet Privilegiatum celebratæ, ſuffragantur perinde, ac ſi celebratæ fuiſſent pro Defunctis, juxta formam Privilegiorum, prout conceſſit Innocentius Undecimus in *Conſtitut. qua incipit: Aliàs poſtquam, edita anno 1688. ſub die 4. Maſi*, quam integram refert Monacelli in *Formular. Leg. Pract. par. 2. tit. 16. formul. 6. ſub num. 6. pag. 330.*

Vesperæ hodiernæ, ſive ſolemniter celebrentur ſive recitentur privatim, dicuntur, ut in ſecundis Vesperis de præcedenti Dominica Pentecoſtes. In his genuſteſtitur ad Hymnum *Veni, Creator Spiritus*, nec ſurgendum eſt, niſi poſt integram primam ſtropham, ut jam alibi diximus. Poſt dicti Hymni decantationem, ſeu recitationem, dicuntur Verſiculus *Loquebantur variis Linguis Apoſtoli, alleluja*, cum ſuo Reſponſorio *Magnalia Dei, alleluja*, ut in dictis ſecundis Vesperis de Dominica Pentecoſtes. Ad Magnificat Antiphona eſt propria hujus Feriæ ſecundæ, nempe, *Si quis diligit me, &c.* cum Oratione hodierna *Deus, qui Apoſtoliſ tuis, &c.* abſque commemoratione Feſti ſimplicis licet cras forſitan occurrentis, & cum clauſula Octavæ ad Hymnum Completorii.

S. IV.

De iis, quæ spectant ad Feriam tertiam infra Octavam Pentecostes.

449

ETiam hæc Feria tertia annexam habet obligationem audiendi Missam, & vacandi ab Operibus servilibus: ejusque Officium celebratur sub ritu duplici primæ classis in colore rubeo. Nullum Festum est isto solemnius, quavis celebratum pompa, & quovis ritu decoratum: Quapropter si hæc Feria tertia veniat die decima sexta Maji, ut in Tabula quinta ordinis perpetui, Eugubii in Ducatu Urbinatensi transfertur Festum S. Ubaldi Episcopi & Confessoris, quod ibi est duplex primæ classis: Si verò incidat in diem sextam Junii, ut in Tabula vigesima sexta, Curia in Rhætia transfertur Dedicatorio Ecclesiæ Cathedralis ad ritum duplicem primæ classis evecta: Quod si dicta Feria tertia occurrat die decima tertia ejusdem Junii, ut in Tabula trigesima tertia, Patavii in Dominio Veneto transfertur Festum S. Antonii Confessoris de Padua nuncupati, unius ex quatuor Patronis illius Civitatis ritum duplicem primæ classis habentibus. Circa Officium hujus Feriæ tertiæ, omnia sumuntur ex Dominica Pentecostes, præter ea, quæ sunt propria hujus Diei in Breviario. Et propria quidem sunt ad Matutinum Versiculus *Spiritus Paraclitis*, *alleluja*, Responsorium *Docebit vos omnia*, *alleluja*, tres Lectiones de Homilia S. Augustini Episcopi in Evangelium Joannis *Amen, amen dico vobis, qui non intrat per ostium, &c.* cum suis Responsoriiis, Antiphona ad Benedictus *Ego sum ostium*, nec non & Oratio *Adsit nobis, quasumus, Domine, &c.* sine

commemoratione in Laudibus de Festo simplici, & hodie occurrat. Reliquæ Horæ dicuntur, ut in Dominica præcedenti, sed cum Oratione hodierna ad Tertiam, Sextam, & Nonam.

In Missa propria hujus Feriæ tertiæ dicitur *Gloria*, cum unica Oratione, non enim sit commemoratio Festi simplicis licet hodie occurrentis. Post Epistolam ad Verhuculum, *Veni, Sancte Spiritus*, genuflectitur: deinde dicitur *Sequentia*, & post Evangelium *Credo*, & Præfatio de hac Octava *Qui ascendens super omnes Cælos*, cum suis propriis *Communicantes*; atque *Hanc igitur*. Priscus autem erat Ecclesiæ mos dicendi Præfationem ab hodierna diversam, quæ prout habetur in Libro Sacramentorum S. Gregorii Papæ, pagina 99. sic fideliter hic ponitur, & erat sequens, videlicet: *Verè dignum & iustum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Qui Spiritus Sancti infusione replevit corda Fidelium; ut sua admirabili operatione, & sui amoris in eis ignem accenderet, & per diversitatem linguarum in unitate Fidei solidaret. Cujus dona petimus, & illecebrosas à nobis excludi voluptates, & spirituales in nobis extrui, plantarique virtutes. Per quem, Majestatem tuam laudant Angeli, &c.* Benedictio verò Episcopalis erat quidem tunc temporis propria hujus Octavæ, non tamen specialis hujus Diei, ideoque repetebatur illa, quam supra extendimus ad Missam in Feriæ secunda præcedenti. Ambrosiani autem dicunt etiam Præfationem supra positam in Dominica Pentecostes.

Quoad verò Missas Votivas solemnes, vel de Festo cujusvis ritus hodie occurrente, aut circa Missam Defunctorum in Die Obitus, sive celebrandam in Oratoriis privatis, vel in Altari Privilegiato, vide quæ supra diximus in Feriæ secunda præcedenti: ubi etiam respectivè de hodiernis Vesperis, excepta Antiphona ad Magnificat, quæ est propria hujus Feriæ tertiæ, nempe: *Pacem relinque nobis, &c.* ac etiam Oratione hujus Diei, scilicet:

Adfuit

Adsit nobis, quasumus, Domine, &c. & in his Vesperis nihil sit de Festo simplici, si cras occurrat, licet in Feria quarta sequenti facienda sit de eo commemoratio in Laudibus, & Missa, ut suo loco dicemus:

S. V.

De iis, quæ spectant ad Feriam quartam infra Octavam Pentecostes.

HÆC Feria quarta annexum habet Jejunium quatuor Temporum ætivorum. Apostoli namque exemplum jejunandi nobis hoc tempore reliquerunt, qui post susceptum Spiritum Sanctum, sicuti mentes averterant à cæteris Mundi illecebris, sic & ab epularum appetitu, ait Durandus in *Ration. Divinar. Officior. lib. 6. capit. 110. sub num. 1. pag. 266.* ubi etiam addit, quod licet quamdiù cum illis fuit Christus, non jejunarent, post oblationem tamen ejus, spontaneis se subdidere jejunii: Sponsus enim ablato, eis jejunandum erat, sicuti Dominus prædixerat, *Matth. capit. 9. ibi: Quando Sponsus auferetur ab eis, tunc jejunabunt: & de hac Christi prædictione loquitur etiam S. Isidorus Hispalensis Officior. lib. 1. cap. 63.* jejunari enim ait post Pentecosten, ut verbum Christi adimpleatur, qui jejunandum esse prædixit post reditum Sponsi in sinum Patris, ut refert Graucolas in *Commentar. ad Breviar. Roman. libr. 2. cap. 79. circa init. pag. 354.* Est tamen Jejunium festivum, in quo idcirco nec genua flectimus, ut ex inferiùs dicendis patebit, cum de Missa hujus Feriæ quartæ sermo erit: Quapropter communiter à Sacrorum Rituum Commentatoribus appellatur *Jejunium exultationis*, seu, ut vocat Tertullianus, *portionale Jejunium*,

A a z

quod

Diaconus clamaverit, ut in Oratione genua flectere debeatis, obedienter & fideliter, cum vera humilitate facietis, ita referente Menardo in Notis ad Librum Sacramentorum S. Gregor. Pp. nota 241. pagin. 321. Et idem Cælius in sermone 238. novæ Appendicis Augustinianæ, dolet; quod Populus promptè non genuflectat, dicens ei: Dum frequenter, ut oportet, & diligenter attendo, Diacono clamante! Flectamus genua, maximam partem, veluti columnas erectas, stare conspicio, ut ad fuzm refert clarissimus Mabilonius in Liturg. Gallic. lib. 1. cap. 5. sub numer. 5: Ex eo autem, quod non genuflectitur, non sunt tollenda de Missali verba illa Rubricæ, Non dicitur, Flectamus genua, ut quidam typographicus Corrector delere tentabat, nisi mea obstasset admonitio. Est igitur Rubrica instructiva, cuius rationem scire tenentur Cæremoniarum, nam etiam hoc ad eos spectare, clarè infertur ex Cæremoniali Episcoporum lib. 1. cap. 5. de Magistris Cæremoniar. sub num. 8. in fine, ubi revera sic habetur: Diversos habeant Auctores de Divinis Officiis, ut cum opus fuerit, de his, quæ sunt, rationem reddere valeant. Cum igitur Auctores rationem reddant non genuflectendi, debet Rubrica negativa manere in suo robore: nec ex eo videtur omittenda, quia aliquis Sacerdos potest inconsideratè dicere Flectamus genua, cum cæteroquin teneatur perlegere Missam antequàm accedat ad Altare, ne dicat inconsideratè quod dicere non debet, ex Rubrica Missalis secundæ ordinis, tit. 1.

Cantata, vel lecta Oratione *Mentes nostras, &c.* dicitur prima Lectio *Stans Petrus cum undecim*, quæ finita, dictoque *Alleluja* cum Versu sequenti, Sacerdos vadit in medium Altaris, ubi dicit *Gloria in excelsis*, deinde de more *Dominus vobiscum*, & reversus in cornu Epistolæ, cantat vel legit Orationem *Præsta, quasumus; omnipotens & misericors Deus, &c.* Ab hac tamen die usque ad Sabbatum sequens inclusivè, post Orationem Diei dicitur secunda Oratio *Ecclesia*, vel *pro Papa*, alternativè ta-

men, ita ut dicta hodie Oratione *Ecclesia*, eras dicatur *Oratio pro Papa*, ne ista sit frustranea: nisi occurrat Festum simplex, quia tunc & eo casu secunda Oratio erit de simplici, nec dicenda idcirco tertia Oratio in Missa, de quo vide plura à nobis supra relata in Feria quarta infra Octavam Paschæ: & hoc etiam loco notat Gavantus tom. 1. par. 4. tit. 11. sub num. 23.

Post Orationem *Ecclesia*, vel *pro Papa*, aut de Festo simplici, dicitur altera Lectio *Per manus autem Apostolorum, &c.* qua terminata, ad Versiculum *Veni Sancte Spiritus*, genuflectitur. Postmodum dicitur *Sequentia*, & post Evangelium *Credo*. Præfatio verò est propria de hac Octava *Qui ascendens super omnes Cælos*, cum suis *Communicantes*, atque *Hanc igitur* propriis. Quòd si ex veteri Ecclesiæ more aliquid volumus delumere, hodie Præfatio erat propria hujus Feriæ quartæ, quam ex Libro Sacramentorum S. Gregorii Papæ depromptam, huic proprio loco inferimus, videlicet: *Verè dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus: per Christum Dominum Nostrum: Per quem Discipulis Spiritus Sanctus in Terra datur ob dilectionem Proximi, & de Cælo mittitur ob dilectionem Tui. Cujus infusio, petimus, ut in nobis peccatorum sordes exurat, tui amoris ignem nutriat, & nos ad amorem fraternitatis accendat. Per quem, Majestatem tuam laudant Angeli, &c.* Benedictio verò Populo tunc temporis dari solita ab Episcopo, non erat hodie distincta, sed illa dicebatur, quam supra extendimus in Feria secunda infra hanc Octavam. Attamen Ecclesia Ambrosiana dicit etiam modò sequentem Præfationem, quam quotidie recitat hisce diebus usque ad Sabbatum inclusivè, scilicet: *Verè dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus, per Christum Dominum Nostrum. Per quem te supplices rogamus & petimus, ut sicut nobis æterna securitatis aditum, Passione ejusdem Domini Jesu Christi,*
& Spi-

Et Spiritus Sancti illustratione refoveti, pro etiam tranquillitatem vite presentis indulgeat, per quam tanti doni participes devotio quieta perficiat. Ut negligentia terror illatus, ad Fidei transferatur augmentum, per eundem Christum Dominum Nostrum. Per quem, Majestatem quam laudant Angeli, &c.

457

Præmissis, quæ ad Missam pertinent de Die, seu de Octava, videamus modò, an alia Missa possit hodie, & diebus sequentibus usque ab Sabbatum inclusivè, celebrari solemniter vel privatim. Cum igitur jam dixerimus; omne & quodcumque Festum, licet duplex primæ classis esse transferendam si occurrat, potest tamen de eo cantari Missa, nam Rubrica Missalis tit. 6. de transl. Fest. excipit tantum primum triduum hujus Octavæ, ut clarè patet legenti: si ergo primum triduum est exceptum, non est exceptum reliquum Octavæ, ex regula exceptionis. Quia verò dicta Rubrica duas præscribit in hujusmodi actibus cantandas Missas, ubi scilicet adest talis obligatio; convenit cum Bauldryo in *Man. Cæremoniæ. par. 3. cap. 7. tit. 6. pag. 128.* quodd scilicet, si casus occurrat in his Temporibus Pentecostes, utraque Missa cantanda sit post Nonam, ita tamen, ut ultimo loco canatur de Festo occurrente & transferendo: hoc enim est juxta Rubricam Missalis tit. 15. de Hora celebrandi Missam, sub nu. 2. & 5. Recodere tamen debeo ab eodem Bauldryo loco proximè citato, sicuti & ab Halden novissimo Germaniæ Auctore de Sacris Ritibus tractante in *Ephemerologio part. 2. titul. 6. die 13. Junii, pagin. 164. colum. 2.* tenent enim, quodd ex supradicta Rubricæ permissione cantandi hisce diebus Missam de dicto Festo occurrente & transferendo, possit etiam in Missis privatis de Octava fieri commemoratio de eo: hoc etenim apud me valdè distat à veritate.

458

Non solum autem potest Missa cantari de dicto Festo occurrente & transferendo, juxta supracitam Rubricam Missalis tit. 6. de transl. Festor. sed & quæcumque alia Votiva, si res sit gravis:

A 4

(de

quod clarè inferitur ex Missa SS. Sacramenti ratione Orationis quadraginta Horarum exponendi, quæ tamquam pro re gravi conceditur à Clemente Undecimo in Instructione pro huiusmodi Expositione, (de qua nos alibi) & cum ibi inter Dies exceptos non inferantur illi infra Octavam; ergo in istis cantari poterit Votiva de SS. Sacramento: ex concessione vero huius Votivæ solemnæ insert Pasqualigus de Sacrific. nova Leg. tom. 1. quæst. 243. ergo cantari poterit & alia Votiva pro re gravi. In huiusmodi tamen Votivis solemnibus, omiſſa commemoratione Octavæ, dicitur Præfatio propria, si habeant, alioquin Præfatio de Octava: attamen quæcumque Præfatio dicatur, semper Octava admittit suum *Communicantes*, nec non & *Hanc igitur*. Ex eo autem, quod conceditur Votiva solemnæ de SS. Sacramento, non tamen cantari potest Votiva de Venerabili in cantu fundata, si hisce diebus occurrat, quia cessat in ea ratio rei gravis, ut clariùs diximus supra in Feria quarta Paschæ. Huc accedit, quod cum Cæremoniale Episcoporum lib. 1. cap. 31. §. 13. pag. mibi. 181. præscribat cantandam Missam de Spiritu Sancto solemniter ante primam sessionem Concilii Provincialis vel Synodi Diocessanæ, si habenda sit huiusmodi prima sessio vel hodie vel alia die ex sequentibus infra hanc Octavam Pentecostes, cantanda erit Missa de Die, non verò Votiva.

Missæ verò Votivæ privatæ, aut de Requiem non dicuntur infra hanc Octavam Pentecostes, juxta Decretum, quod per extensum habetur supra in Missa de Vigilia Nativitatis Domini, & spectat etiam ad istos Dies, ut benè intelligit Gavantus 10. 1. par. 1. tit. 4. sub numer. 3. lit. o. Una tamen solemnæ pro Defunctis in Die Obitus, & quidem præſente Corpore in Ecclesia, omninò conceditur: Hi etenim Dies infra Octavam post primum triduum recurrentes, non veniunt sub nomine magnæ Celebritatis, quum ad hunc effectum obſtare dicit, & idè excipit Ritus Romanus tit. de Exequiis, rubrica

rubrica 5. & Sacra Rituum Congregatio hujusmodi Missam prohibuit in quolibet Festo duplici primæ classis , ut videre est in mea Collectione de Sacris Ritibus , *sub numer. margin. 1117. pag. 370.* Dixi autem unam cantari posse in Die Obitus , nam si plura conveniant Collegia ad celebrandas Exequias , non debet unumquodque cantare hujusmodi Missam , ita ut una semper Missa sit intelligenda , licet cantetur à diversis Capitulis ; nam si una est respectu cujuslibet Capituli , non est tamen una respectu ejusdem Ecclesiæ . Quod autem conceditur in Die Obitus , denegatur in Anniversario Defunctorum : hoc tamen non est speciale hujus Octavæ , sed omnibus convenit & solis Octavis Privilegiatis , infra quas non possè cantari Missam Defunctorum in Anniversario , respondit *Sacra Rituum Congregatio in Collen. sub die 5. Julii 1698. ad notum Dubium .*

Quoad Vesperas hodiernas , omnia dicuntur , ut in secundis Vesperis de Dominica præcedenti : idè- que Versiculus post Hymnum debet esse *Loqueban- tur variis linguis , &c.* quod est juxta Rubricam generalem Breviarii tit. 7. de Octavis , *sub numer. 5.* Ad Magnificat verò Antiphona est propria hujus Feriæ quartæ , videlicet , *Ego sum Paupis vivus , qui de Cælo descendi , &c.* cum Oratione hujus Diei *Mentes nostras , &c.* addita tamen commemoratione Festi simplicis , si cras occurrat.

460

S. VI.

*De iis , quæ spectant ad Fe-
riam quintam infra Octa-
vam Pentecostes .*

Officium hujus Feriæ quintæ est semiduplex , & celebratur in colore rubeo . Si hodie tamen alicubi occurrat Festum duplex , etiam primæ classis , ibidem transfertur : Quapropter , si hæc Feria quinta inciderit in diem undecimam Junii , ut in Tabula vigesimanona ordinis perpetui , Clodiæ Folsæ in Dominio Veneto transfertur Festum SS. Patronorum Felicis & Fortunati Martyrum : Si autem venerit die decima quinta ejusdem Mensis , ut in Tabula trigesimalertia , Recinetti in Marchia Anconitana , Mazariæ in Sicilia , & Prægæ in Bohemia transfertur Festum SS. Viti & Sociorum Martyrum , quod ibi habet ritum duplicem primæ classis : Si verò hæc ipsa Feria quinta occurrerit die decimaseptima dicti Junii , ut in Tabula trigesimaquinta , Pisis in Tuscia transfertur Festum duplex primæ classis de S. Raynerio Confessore Urbis Patrono . In hodierno Officio , ad Matutinum omnia dicuntur , ut in Dominica Pentecostes : Excipiuntur tamen propria hujus Diei in Breviario , nempe Versiculus *Spiritus Domini replevit* , &c. Responsorium *Et hoc , quod continet omnia* , &c. tres Lectiones de Homiliis S. Ambrosii Episcopi in Evangelium Lucæ *Convocatis Jesus duodecim Apostolis* , &c. cum suis Responsoriiis , Antiphona ad Benedictus *Convocatis Jesus* , &c. nec non & Oratio *Deus , qui hodierna die* , &c. omiſſa Lectione Festi simplicis , si habeat , & hodie occur-

462

rat ,

rat , de quo tamen fit commemoratio in Laudibus .

Missa hujus Feriæ quintæ est propria , in qua post Orationem Dicitur secunda Oratio Ecclesiæ , vel *pro Papa* , sed si heri dicta fuit prima , hodie dicatur secunda . Si verò occurrat Festum simplex , non idèò dicenda est tertia Oratio , sed tantùm secunda de Simplici : Quia verò nonnulla ad hanc rem supra diximus in Feria quarta Paschæ , ad eam Lectorem remittimus , ne fiat hoc loco frustranea eorumdem repetitio . Post Epistolam , ad Versiculum *Veni , Sancte Spiritus* , fit de more genufflexio , deinde dicitur *Sequentia* , & post Evangelium *Credo* , cum Præfatione de Octava *Qui ascendens super omnes Cæles* , ac etiam cum *Communicantes* , sicuti & *Hanc igitur* propriis . Ne tamen omittamus morem nostrum aliquid sumendi ex antiquitate Ecclesiæ , & proprio loco inferendi , in hac Feria quinta recitabatur alia Præfatio , ut clarescat ex sæpè memorato Libro Sacramentorum S. Gregorii Papæ , qui revera nuncupari potest Fons Antiquitatis Ecclesiasticæ . Ibi igitur pagina 100. sic legitur : *Verè dignum , & iustum est , æquum & salutare , nos tibi semper , & ubique gratias agere , Domine sancte , Pater omnipotens , æterna Deus : per Christum Dominum nostrum : Per quem , pietatem tuam suppliciter petimus , ut Spiritus Sanctus corda nostra expurget , & sui luminis irradiatione perlustrat ; Ut in eo , qui gratiarum largitor est , recta sapiamus ; & de ejus consolatione in perpetuum gaudeamus . Per quem , Majestatem tuam laudant Angeli , &c.* Benedictio tamen Episcopalis hodie erat eadem , quæ supra habetur in Feria secunda hujus Octavæ , ideoque ibi videntur , non hîc repetenda . Ambrosiani autem dicunt in hac Feria quinta eandem Præfationem , quam nos retulimus supra in Feria quarta præcedenti . Observat Gavantus tom. 1. par. 4. tit. 11. sub num. 26. quòd Missa hujus Feriæ quintæ quamplura habet , quæ desumpta sunt à Dominica Pentecostes : Et revera , præter Epistolam & Evangelium , om-

nia

nia sunt de illa Dominica : unde sequitur citatus Auctor, dicendo, quod sicut Dominus ascendit FERIA quinta, & per Spiritum Sanctum descendit Die Dominica, ita voluit Ecclesia in utroque Die communem Missæ Introitum, cum suis accessoriis, post Epistolam Versibus, Offertorio, & Communionem : & concludit cum Durando, qui in *Ration. Divinor. Officior. libr. 4. capitul. 6. sub numer. 21. pagin. mibi 67. à tergo, juxta edit. Venet. de Anno 1611.* docet, solitam dici diem Jovis cognatam Dominicæ.

Quoad verò Missas solemnes de Festo hodie aliqui occurrentes & ibidem transferendo: vel Votivas cantandas pro re gravi, aut etiam pro Defunctis in Die Obitus, vel in Anniversario: aut circa Votivas privatas & de Requiem, vel de Octava in Altari Privilegiato, satis superque diximus supra in Feria quarta præcedenti, Restant igitur pauca de hodiernis Vesperis, quæ sicuti dicuntur ut in Dominica Pentecostes, nihilque aliud habent hodie de proprio, nisi Antiphonam ad Magnificat *Spiritus, qui à Patre procedit, &c.* & Orationem *Deus, qui hodierna die, &c.* sic solam nobis relinquunt adnotandam commemorationem de Festo simplici, supposita ejus occurrentia in die crastino.

S. VII.

De iis, quæ spectant ad Feriam sextam infra Octavam Pentecostes.

HÆc Feria sexta nuncupatur quatuor Temporibus, in quacumque jejunamus. Ejus Officium est semiduplex, & celebratur in colore rubeo: nec ex eo, quod est semiduplex, includit duplex primæ classis alicubi occurrens: & ideo, si hæc Feria sexta incidat in diem decimam quintam Maji, ut in Tabula prima ordinis perpetui, Macerata in Marchia Anconitana transfertur Festum duplex primæ classis de Dedicatione Ecclesiæ Cathedralis: Si verò veniat die secunda Junii, ut in Tabula decima nona, Cremonæ in Ducatu Mediolanensi transfertur Festum SS. Martyrum Marcellini & Petri Urbis Patronorum sub ritu duplici primæ classis: Quod si dicta Feria sexta occurrat die quinta ejusdem Junii, ut in Tabula vigesima secunda, Volaterræ in Tractu Pisano in Etruria transfertur Festum SS. Episcoporum & Confessorum Justini & Clementis, ritum ibidem habens duplicem primæ classis. Ad hodiernum Officium, omnia dicuntur ut in Dominica Pentecostes, exceptis tamen quæ sunt hodie propria in Breviario: Propria autem sunt ad Matutinum, Versiculus *Spiritus Paraclitis*, *alleluja*, Responsorium *Dócebit vos omnia, alleluja*, tres Lectiones de Homilia S. Ambrosii Episcopi in Evangelium Lucæ *Factum est in una dierum*, &c. cum suis Responsois, Antiphona ad Benedictus *Dixit Jesus: Ut sciatis autem*, &c. cum Oratione *Da, quasumus, Ecclesia tua*, &c. sine lectione Festi simplicis forsan occurrentis, cum ejus tamen commemoratione in Laudibus.

464

Missa

Missæ hujus Feriæ sextæ est propria: Ex Introitu tamen, qui est sequens, *Repleatur os meum laude, alleluja: ut possim cantare alleluja: gaudebunt labia mea, dum cantaverotibi, alleluja, alleluja*, inserto Gulielmus Durandus in *Ration. Divinor. Officior. lib. 6. cap. 112. sub num. 1. pag. mihi 266. à tergo*, quod Jejunium hodiernum sit Jejunium exultationis, ob eam, quam tradit, rationem, quia qui gaudet ore & corde potest jejunare jejunio exultationis. In hac Missa dicitur *Gloria*: deinde post Orationem Diei cantatur vel legitur secunda Oratio Ecclesiæ, vel pro Papa, sed si heri dicta fuit Oratio pro Papa, hodie dicitur Ecclesiæ: hæc enim alternativa videtur conveniens, cum non semper meo iudicio dicenda sit eadem Oratio. At si occurrat Festum simplex, secunda Oratio erit de eo, nec tamen additur tertia, ut fusiùs diximus supra in Feria quarta infra Octavam Paschæ, ubi etiam de ratione, & auctoritate. Post Epistolam, ad Versiculum *Veni Sancte Spiritus*, genuflectitur, ut alibi diximus, & etiam hodie docet Missale: deinde dicitur *Sequentia*. Bene autem ponitur infra hanc Octavam (in hodierno scilicet Evangelio) publica Paralytici sanatio, quia Miracula fiunt per Spiritum Sanctum, ut notat Durandus loco proximè citato, sub numer. 2. ex quo apparet convenientia hodiernæ Lectionis Evangelicæ cum hac Octava.

In hac Missa Feriæ sextæ, post Evangelium dicitur *Credo*, cum Præfatione *Qui ascendens super omnes Cælos*, nec non cum *Communicantes*, atque etiam *Hanc igitur* propriis. Præfatio autem, quæ modò est eadem per totam Octavam, ut clarè patet, priscis tamen Ecclesiæ temporibus erat quotidie diversa, ut jam supra vidimus: & ideo etiam hodie dicebatur, ea quæ sequitur, deprompta ex sæpè citato Libro Sacramentorum S. Gregorii Papæ, pagina 101. scilicet: *Verè dignum & iustum est, æquum & salutare, nos tibi semper & ubique gratias agere, Domine sancte, Pater omnipotens, æterna Deus: Et Majestatem tuam suppliciter exorare, ut Spiritus Paraclitis advenias, & nos inhabitando, templum sua*
Maje-

Majestatis officiat; Quod cum unigenito Filio suo clementi respectu semper digneris invisere, & tue inhabitacionis fulgore in perpetuum perlustrare. Per quem Majestatem tuam laudant Angeli, adorant Dominationes, &c. Benedictio verò, quam Episcopus solebat Populo elargiri, etiam hodie erat eadem omnino, superius extensa in Feria secunda hujus Octavæ, quæ cum ibi possit videri, hic non ducimus repetendam. Missale autem Ambrosianum ponit in hodierna Missa Præfationem illam, quæ in Feria quarta præcedenti habetur per extensum.

Quia verò hodie cantari potest Missa de Festo alicubi occurrente & transferendo, vide idcirco quæ supra diximus in Feria quarta præcedenti, ubi etiam de Votivis solemnibus pro re gravi, de cantandis in die Obitus, vel in Anniversario Defunctorum: deque Missis de Die in Altari Privilegiato celebrandis. Unum tamen restat hoc loco dicendum, quod si alicubi occurreret hodie publicè orandum pro aliqua necessitate, & Missa caneretur de hac Feria sexta, cum secunda tantum Oratione *Pro quacunque necessitate*, desumpta ex calce Missalis, quæ inter diversas habetur sub numero duodecimo, ac incipit *Deus refugium nostrum*, in hujusmodi casu erit mutanda Postcommunio, quia convenit cum illa hujus Feriæ sextæ, utraque enim est *Sumpsimus, Domine, sacri dona mysterii*: At quæ nam erit ejus loco dicenda? Ego sumerem ex Missa Votiva sub eodem titulo *Pro quacunque necessitate*, in qua Orationes sunt diversæ. Quod si diceretur Missa Votiva sollemnis sub eodem motivo necessitatis, cum dicta tamen Oratione *Deus, refugium nostrum*, cessaret Orationum ipseitas, quia in dicta Votiva sollemni non fit commemoratio Octavæ, sed duæ essent cantandæ Missæ, & ambæ post Nonam, ex superius dictis in Feria quarta præcedenti infra hanc Octavam. Vesperæ denique hujus Feriæ sextæ, sumendæ sunt ex secundis Vesperis de Dominica Pentecostes, excepta Antiphona ad Magnificat *Paracletus autem Spiritus Sanctus, &c.* ac etiam Oratione, *Da quasumus, Ecclesia tua, &c.* quæ sunt pro-

384 DE OCTAVA
propriæ hujus Diei in Breviario , cum commemoratione Festi simplis , si cras occurrat.

S. VIII.

De iis quæ spectant ad Sabbathum infra Octavam
Pentecostes.

Hoc Sabbathum quatuor Temporum habet annexum Jejunium: Satis autem Ecclesiasticè, & hoc Romanæ censet auctoritas, ut semper in hac sacra Pentecostes hebdomada, sive tardiùs sive temperiùs termini occurrant, Jejuniorum celebretur solemnitas, quod ab antiquis quoque præfinitum esse Viris Apostolicis, non dubia testantur ipsorum scripta, ait Rupertus Abbas de *Divin. Offic. lib. 10. cap. 26. pag. mibi. 688.* Rationem verò jejunandi tali tempore tradit Durandus in *Ration. Divinor. Officior. lib. 6. cap. 110. sub num. 3. pag. 226.* hoc jejunium (inquit) statutum est ab Ecclesia in tali tempore, quia qui in se sentit gratiam Sancti Spiritus, leviter & cum gaudio jejunat: & quia super jejunantes descendit Spiritus Sanctus visibilter. Officium hujus Sabbati celebratur sub ritu semiduplici in colore rubeo: unde tamen sit hodie de aliquo Festo quantumvis solemnij, licet sit duplex primæ classis alicubi occurrens, sed absolute transfertur. Omnia tamen sumuntur ex Dominica Pentecostes, sed excipiendæ sunt, quæ habentur hodie propria in Breviario, nempe: Ad Matutinum Versiculus *Repleti sunt omnes*, &c. Responsorium *Et ceparunt loqui*, &c. tres Lectiones de Homilia S. Ambrosii Episcopi in Evangelium Lucæ *Surgens Jesus de Synagoga*, &c. cum suis Responsoriiis, Antiphona ad Benedictus *Charitas Dei diffusa est*, &c. nec non & Oratio *Mentibus nostris*

nostris, quasumus, Domine, &c. nec tamen dicitur Lectio de Festo simplici, si propriam habeat, & hodie occurrat, licet de eo facienda sit in Laudibus commemoratio. Ad Primam verò pronuncietur primo loco *Festum Sanctissima, & Individua Trinitatis*. Post Nonam tamen, celebrata Missa, terminatur tempus Paschale.

In Missa; quæ est propria hujus Sabbati, post *Kyrie eleison*, statim dicitur *Oremus* tantum, sine *Flectamus genua*, & similiter ad Orationes sequentes. Genua autem non flectimus, sed stantes oramus propter Neophytos gaudentes, quod à peccatis surrexerunt, inquit Durandus *lib. 6. cap. 113. sub num. 2. pag. 267.* Post quartam Lectionem genuflectitur ad Versiculum *Veni, Sancte Spiritus*. In fine verò Lectionis quintæ non respondetur *Deo gratias*, quia interrumpereetur sensus, nam statim post *dicentes*, sequitur quod illi tres quasi ex uno ore dicebant, nempe, *Benedictus es, Domine, &c.* Finito Versiculo, Sacerdos vadit in medium Altaris, ubi dicit *Gloria in excelsis*, deinde de more subjungit *Dominus vobiscum*: & post Orationem *Deus, qui tribus Pueris*, &c. dicit secundam *Ecclesia*, vel *pro Papa*, habito tamen respectu ad diem hesternum, ita ut si heri dicta fuerit una, hodie dicatur altera. Quod si occurrat Festum simplex, secunda Oratio erit da eo, omissa tamen tertia, de quo tamen videatur, quod fusius ad hanc rem dictum est supra in Missa de Feria quarta infra Octavam Paschæ. Si verò Episcopus in hoc Sabbato Ordinationes habuerit, secundam Orationem dicet pro Ordinum collatione.

In dicta Missa Sabbati dicitur quidem *Sequentia*, sed in ejus fine omittitur *Alleluja*. Legitur autem Evangelium de Socru Simonis, & de multorum sanatione Infirmorum, quod bene quadrat huic Octavæ, nam hujusmodi sanatio est una ex operationibus Spiritus Sancti, dicente Apostolo 1. Cor. 12. *Alii datur gratia sanitatum in uno Spiritu*. Post decantationem vel lectionem Evangelii dicitur

Bb

tur

469

470

tur Credo, & Præfatio Qui ascendens super omnes
 Calos, cum suo proprio Communicantes, & etiam
 Hanc igitur. Sed & hoc loco non est omittenda
 ad eruditionem antiqua Ecclesiæ consuetudo in
 diversitate Præfationis, quæ in hoc Sabbato dice-
 batur: erat enim sequens; juxta Librum Sacra-
 mentorum S. Gregorii Papæ, pagina 102. videli-
 cet: Vere dignum, & iustum est, æquum & saluta-
 re, nos tibi semper, & ubique gratias agere; Domi-
 ne sancte, Pater omnipotens, æterne Deus: Et tuam
 omnipotentiam devotis precibus implorare; ut nos Spi-
 ritus tui lumen infundat; cujus nos Sapientia creat,
 Pietas recreat; & Providentia gubernat. Qui cum à
 tua substantia nullo modo sit diversus; sed Tibi, &
 Unigenito tuo consubstantiali; & coeternus, diversita-
 te tamen donorum replet tuorum corda Fidelium. Et
 ideo cum Angelis & Archangelis, &c. Benedictio
 verò Episcopalis, quam semper vidimus fuisse ean-
 dem per hanc Octavam; in Missa tamen hujus
 Sabbati erat propria; sequentibus verbis concin-
 nata; scilicet: Benedicat vobis omnibus Deus, qui
 cuncta ex nihilo creavit, & vobis in Baptismate per
 Spiritum Sanctum remissionem omnium peccatorum tri-
 buit. Amen. Quique eundem Spiritum Sanctum in
 igneis linguis Discipulis suis dedit; ipsius illustratione
 corda vestra perlustraret, atque in suum amorem jugi-
 ter accendat. Amen. Quatenus ejus dono à vitiis
 cunctis emundati; ipsius opitulatione ab omnibus ad-
 versitatibus defensi; templum ipsius effici mereamini.
 Amen. Quod ipse prestare dignetur, &c. cum reli-
 quis, ut supra in Missa de Vigilia Pentecostes.
 Non tamen variant hodie Ambrosiani, dicunt
 enim Præfationem in Feria quarta præcedenti à
 nobis extensam.

471

Prædicta Missa Sabbati, cum omnibus Oratio-
 nibus & Lectionibus, prout stat & jacet in Mis-
 sali, necessariò dicenda est etiam privatim à quo-
 cunque Celebrante. Licet autem post Nonam, ce-
 lebrata Missa, terminetur tempus Paschale, Mis-
 sæ tamen privatae celebrari possunt usque in me-
 ridiem:

fidem : nam sicut incipi poterant in aurora in Vigilia Pentecostes ; quamvis Octava inchoaverit post Nonam ; sic possunt hodie in meridie finire ; licet prius celebrata fuerit Missa solemnis. Quoad verò Missas Votivas cantandas, sive Defunctorum in Die Obitus, aut in Anniversario, vel Votivas privatas aut de *Requiem*, sive etiam de Octava in Altari Animabus Privilegiato ; Lectorem remittimus ad ea ; quæ satis superque diximus supra in Feria quarta Paschæ ; non enim hoc loco censemus repetendum ; quod alio loco commodè haberi potest ; ea saltem ratione ; ne multiplicentur entia sine necessitate.

Vesperæ non sunt amplius de Octava Pentecostes, cum hæc ex superius dictis incæperit post Nonam Vigilæ ; & hodie post Nonam terminaverit : unde ad Vesperas non amplius agitur de hoc mysterio, ut observat Grancolas in *Commentar. ad Breviar. Roman. lib. 2. cap. 80. in princip. pag. 360.* Idèoque Piscaræ in Cæremoniali suæ Religionis *lib. 3. cap. 25. sub num. 1. & 2. pag. mihi 204.* bene notat ; quod ; quia post Nonam Sabbati fuit completum tempus Paschale ; à primis Vesperis SS. Trinitatis ; quæ in hoc Sabbato celebrantur ; incipit tempus, quod juxta Rubricas dicitur post Pentecosten ; ex quo fit, ut in his Vesperis facienda est commemoratio Dominicæ primæ cras simul cum Festo occurrentis. Quare ad Antiphonas & Versus non additur amplius *Alleluja* ; & ad Completorium resumitur Antiphona *Miserere* ; & ex eadem ratione ; omissa in fine Vesperarum Antiphona Paschali de Beata Maria Regina Cæli ; sumitur Antiphona finalis, *Salve Regina* ; & consequenter nec in Mensa dicitur amplius Versiculus *Spiritus Domini, &c.*

Quamvis autem Dominica sequens in nihilo modo spectet ad Octavam Pentecostes, nihilominus antiquitus inscripta fuit *Dominica in Octava Pentecostes*, ut videre est in Libro Sacramentorum S. Gregorii Papæ, pag. 103. Sed licet tunc temporis

non celebraretur Festum SS. Trinitatis, quia totum Officium erat Dominicale, ut præter alios meminit recentior Grancolas loco proxime citato, omnes tamen & tres Orationes de Missa Dominicæ erant de eadem SS. Trinitate, & quidem eadem, quæ nunc habentur in Missali pro hoc Festo. Imò & Benedictio Episcopalis, quæ eo tempore erat in usu, ex integro pertinebat ad SS. Trinitatem: concepta enim erat sequentibus precationibus, videlicet: *Omnipotens Trinitas, unus & verus Deus, Pater & Filius & Spiritus Sanctus, des vobis se desiderare fideliter, agnoscere veraciter, diligere sinceriter. Amen. Æqualitatem atque incommutabilitatem suæ essentia ita vestris mentibus insigat, ut ab ea nunquam vos quibuscunque phantasias aberrare permittat. Amen. Sicque vos in sui Fide, Spe, & Charitate perseverare concedat, ut per ea postmodum ad sui manifestationem, visionemque interminabilem introducat. Amen. Quod ipse prestare dignetur, cuius regnum & imperium sine fine permanet in sæcula sæculorum. Amen. Benedictio Dei Patris, & Filii, & Spiritus Sancti sit semper vobiscum.*

474

Gavantus tamen tom. 1. par. 4. tit. 11. sub. nu. 27. proposito dubio, an revera Dies Octava Pentecostes dici debeat Sabbatum, vel Dominica? Concludit dicens: *Sed tamen tempus Paschale terminatur in Nona Sabbati, cuius Sabbati Missa est plenissima, quia omnia, quæ dici possunt in Missa, in ea una continentur, Hymnus Angelicus, Prophetia, Sequentia, Symbolum, Præfatio, Communicantes, Hanc igitur.* Certum quidem est (ait Menardus in Notis ad Librum Sacramentorum S. Gregorii Papæ, nota 401. pagina itidem 401.) quòd in dicta Dominica quidam affirmabant, Octavam Pentecostes esse celebrandam, aliis negantibus: quam controversiam in Gallia diversatus Beruo Abbas Augien-
*(ut ipse testatur lib. de quib. d. reb. ad Mis-
 sam spectantib. cap. 3.)* agitari vidit, & in fine capituli tandem concludit, celebrandam esse Octavam Pentecostes, quia omnes Dominici Dies ho-

nora

nori SS. Trinitatis deputati sunt. Sanè cum hoc Festum SS. Trinitatis habeatur in Sacramentariis editis ex Vaticano, non est dubium, quin fuerit olim celebratum, sed postea intermissum, tandemque à Romanis Pontificibus instauratum: *Hucusque Menardus.*

Rationem verò, propter quam fit de eodem Festo SS. Trinitatis in Dominica prima post Pentecosten, tradit Durandus in *Ration. Divinor. Officior. lib. 6. cap. 114. sub num. i. pag. 267.* à tergo, ubi habet, quod postquam celebrata est Festivitas Patris in Nativitate, quia Nativitas dicitur Festivitas Patris: Postquam celebratum est Festum Filii in Pascha: Postquam factum est Festum Spiritus Sancti in Pentecoste: meritò in dicta Dominica fit Festum Eorum, scilicet Trinitatis, ut ostendatur, quod tres Personæ sunt unus Deus: Et hæc est prima causa, quare celebratur Festum trium Personarum Divinarum simul: *Hactenus Durandus.* Rupertus tamen Abbas aliam assignat rationem celebrandi hoc Festum in eadem prima Dominica, quam refert *lib. 11. de Divin. Offic. cap. 1. pag. 699.* quia scilicet, post adventum Spiritus Sancti, prædicari statim, & credi, & in Baptismo celebrari cœpit fides & confessio nominis Patris, & Filii, & Spiritus Sancti: nam antea præsentem in carne Domino, nusquam nominis hujus distinctionem apertè traditam vel observatam legimus, nisi cum post Resurrectionem suam ait Discipulis: *Euntes, docete omnes Gentes, baptizantes eos in nomine Patris, & Filii, & Spiritus Sancti:* sed tunc quidem hæc regula tradita est, nunc autem primùm actu exhibita, ubi ipsa die Pentecostes primitus in tribus millibus Ecclesiæ Baptisma celebratum est: *Hæc Rupertus.*

In nomine igitur SS. Trinitatis concludimus Octavam Pentecostes, nihil aliud habentes, quod ex longa diligentia reperire potuerimus in additamento ad rem. Privilegia verò hujus Octavæ, quæ ceteroquin compendiose retulimus in fine præ-

475

476

cedentium Octavarum, censemus hoc loco omittenda, ratione identitatis; quam habent cum illis, de quibus supra in Octava Paschatis. Finis autem fufius extendendi hanc Octavam, illemet dumtaxat fuit, propter quem & alias extendimus, fcilicet, non nobis encomia parandi, fed (fi fieri potest) alios juvandi quoscunque. Utinam talis finis, qui primus fuit in intentione, suam obtineat hoc ultimo loco executionem. Vos tamen, Ecclesiastici, ad cujus manus perveniet meum, istud Opusculum, quidquid boni in eo invenietis, ab eo accipite, qui dixit: *Sine me nihil potestis facere*, addentes super hoc perutilem Divi Augustini explicationem: *non ait, sine me parum potestis facere; sed, nihil potestis facere*,

OCTAVA PRIVILEGIATA

SACRATISSIMI CORPORIS
CHRISTI,

C A P U T V.

Quinta & ultima ex Octavis Privilegia- 477
tis, quæ in Ecclesia Universali cele-
brantur, est illa Sacratissimi Corporis
Christi, cujus productionem, sicut &
Sanguinis in Eucharistia, Veteres Spiritui Sancto
attribuunt per quandam appropriationem: ita S.
Cyrillus Hierosolymitanus *Catech.* 5. Theophil.
in 5. cap. Joan. S. Joannes Damascenus *lib.* 4. *de*
Fide Orthod. cap. 14. S. Germanus Patriarcha Con-
stantinopolitanus *in mystica Theoria*. Id etiam ap-
paret ex veteri inscriptione Altaris lignei argen-
to obducti, quondam edificati munificentia Roge-
rii Episcopi Elloronensis; ibi.

Res superimpositas commutat Spiritus almus:

Fit de pane Caro, Sanguis substantia vini.

ut habet Menardus in Notis ad Librum Sacra-
mentorum S. Gregorii Papæ, nota 174. pagina 309.
ubi explicat illa verba antiquæ Prætationis pro-
priæ, quæ olim dicebatur in Missa de Dominica
quinta post Epiphaniam, scilicet: *Et unum Chri-*
sti Corpus, Sancti Spiritus infusione perficitur. Sed &
Ludovicus Thomassinus, clarissimus Congregatio-
nis Oratorii Presbyter *lib.* 2. *de Dier. Festor. cele-*
brat. cap. 19. §. 5. pag. mibi 86. juxta edit. Vener. de
Anno 1729. sic revera etiam ipse habet: *Corporis*
Christi Opifex Spiritus Sanctus extitit, ejusque donis
atque præsidiis, his pastis delitiis, instruimur.

Dum autem dixit Jesus turbis Judæorum: Ca- 478

ro mea verè est cibus, & Sanguis meus verè est panis, non dixit parabolice; non enigmaticè, non figuratè, ait ex Chrysostomè Euthymius, sed verè, & propriè, ut verba sonant. Dum verò prosequitur, dicens: *Qui manducat meam Carnem, & bibit meum Sanguinem, in me manet, & ego in illo*, réaliter manet, quandiu species Sacramentales panis & vini in nobis manent: iis verò à stomacho digestis & consumptis, definit quidem in nobis esse Christus homo substantialiter, sed tamen ex propria ejus unione & contactu sit, ut vita Animæ spiritualis per gratiam alatur, roboretur, & conservetur in æternum: & Deitas Christi quasi cibus immortalis manet in nobis, qui continuò nos pascit & cibatur influxu gratiæ habitualis, ac per statuta tempora infusione gratiæ actualis, puta, novis sanctis illustrationibus, novis inspirationibus, novis piis effectibus, & impulsibus in Animam immisissis, ut fiamus idem quod ipse est, ait S. Gregorius Nyssenus apud Cornelium à Lapide in *Commentar. ad Evang. scilicet. 2. cap. 2. Joan. vers. 56. & 57.*

479 Dictus Cornelius à Lapide loco citato, vers. 58. ad sequentia Christi verba, scilicet: *Sicut misit me vivens Pater, & ego vivo propter Patrem: & qui manducat me, & ipse vivet propter me*, notat gradationem, qua vita à Deo quasi per scalas gradatim ad nos descendit: *Primus* enim gradus est, quo Pater Filio vitam suam divinam communicat: *Secundus*, quo Filio vitam eandem humanitati à se assumptæ per communicationem idiomatum impertit: *Tertius*, quo eidem vitam participatam, puta gratiæ & gloriæ, inspirat: *Quartus*, quo non equalem, sed similem nobis in Eucharistia instillat. Quia tamen in Epistola à S. Paulo Corinthiis conscripta commemorantur verba Christi in Eucharistiæ institutione, scilicet: *Accipite, & manducate: hoc est Corpus meum*, hæc verba tam porrigentis sunt, quam consecrantis: unde S. Ambrosius de *Sacram. lib. 4. cap. 4.* ita ait: *Ser-*

quo Christi hoc conficit Sacramentum : ipse dixit : & factum est : Quapropter verbum illud , est , significat instantaneam mutationem transubstantialitatis , in qua simul sunt fieri , & factum esse , inquit Cornelius à Lapide in 1. Epist. Pauli ad Corinth. cap. 11. vers. 24. Dixit autem Jesus : Hoc facite , quod scilicet ego jam feci : nimirum , consecrate , offerte in sacrificium , sumite , distribuite Eucharistiam , uti ego consecravi , obtuli , sumpsi , distribui : unde hic Apostoli ordinati sunt Sacerdotes : ita Concilium Tridentinum sess. 22. cap. 1. ex Ecclesiæ perpetuo consensu . Ex verbis autem S. Pauli in dicta Epistola , videlicet : *Quicumque manducaverit panem hunc , vel biberit calicem Domini* , notando *ly , vel* , infert Cornelius à Lapide loco proxime citato , vers. 26. ergo sufficit altera species in communicando , & manducando Sacram Eucharistiam .

§ I.

De Institutione celeberrimæ Solemnitatis Sacratissimi Corporis Christi.

ANtequam ad rem nostram descendamus , nempe , ad Sacros Ritus in Festo SS. Corporis Christi , & infra ejus Octavam diligenter servandos , necessarium ducimus aliquid prius tangere de Institutione tantæ Solemnitatis : Conveniens etenim est , ut Festum istud tanta pompa ubique terrarum celebratum , suum nobis patefaciat devotissimum Auctorem . Itaque Urbanus hujus nominis Quartus , hanc magnam instituit Celebritatem , quam una cum Octava peragendam esse solemniter voluit . Hujus verò Summi

mi Pontificis præclaram & elegantem Constitutionem de Anno 1262, ex Cherubino in Bullario Romano, tomo primo, la prima ejusdem Pontificis, fideliter desumptam, qua parte Institutionem continet, perutile cenlemus hoc loco inferere, & est tenoris sequentis, videlicet: -- Urbanus Papa IV, Servus Servorum Dei, Venerabilibus Fratribus, Patriarchis, Archiepiscopis, Episcopis, & aliis Ecclesiarum Prælati, &c. -- Transiturus de hoc Mundo ad Patrem Salvator Noster D. Iesus Christus; cum reliquis, in quibus narrat Pontifex multa beneficia recepta à Deo in hoc Sacramento pro nobis instituto: Deinde refert causam, ob quam instituta fuit sollemnis Festivitas huius Sacramenti: Postmodum ad ipsam venit Festi Institutionem, sequentibus præcis verbis; Hos itaque ad corroboracionem & exultacionem Catholica Fidei, dignè & rationabiliter duximus statuendum, ut de tanto Sacramento, præter quotidianam memoriam, quam de ipso facit Ecclesia, sollemnior & specialior annuatim memoria celebretur, certum ad hoc designantes & describentes Diem, videlicet Feriam quintam proximam post Octavam Pentecostes, ut in ipsa quinta Feria devota turba Fidelium propter hoc ad Ecclesias affectuosa concurrant, & tam Clerici quàm Populi gaudentes, in cantica laudum surgant. Tunc enim, omnium corda & vota, ora & labia, hymnos persolvant lætitiæ salutaris. Tunc psallat Fides, Spes tripudiet, exultet Charitas, Devotio plaudeat, jubilet Chorus, Puritas jucundetur. Tunc singuli, alacri animo, pronaque voluntate convenient sua studia laudabiliter exequendo, tanti Festi sollemnitatem celebrantes. Et utinam ad Christi servitium, sic ejus Fideles ardor inflammet, ut, per hac, & alia, proficientibus ipsis meritorum cumulis apud eum, qui se se dedit pro eis in pretium, tribuitque se ipsis in pabulum, tandem post hujus vitæ decursum eis se in præmium largiatur. Ideoque universitatem vestram monemus & hortamur in Domino, & per Apostolica scripta in virtute sanctæ obedientiæ districte præcipiendo mandamus, in remiss.

*Remissionem peccatorum injungentes, quatenus tam gloriosam Festum, prædicta quinta Feria singulis annis devote & solemniter celebretis, & faciatis studiose per universas Ecclesias Civitatum vestrarum & Diocesum celebrari, Subditis vestris in Dominica dictam quintam Feriam proximè præcedente, salutari-
bus monitijs sollicitè per vos, & per alios exhortantes, ut per veram & puram Confessionem, Eleemosynarum largitionem, assentas & sedulas Orationes, & alia Devotionis & Pietatis opera, taliter se studeant præparare, quod hujus pretiosissimi Sacramenti mercantur fieri participes illa die, possintque ipsum suscipere reverenter, ac ejus virtute augmentum consequi gratiam.*

Dictam tamen Bullam Urbanam fuisse expeditam non anno 1262, ut habet citatus Cherubinus, sed anno 1264. & postea ob bellicos tumultus, quibus tunc temporis tota penè Italia agitabatur, parum plerisque locis extitisse observatam, prædixit eruditissimus Franciscus Pagi tom. 1. *Breviar. de Gestis Urbani IV.* §. 2. & 22. pag. 309. juxta edit. Venet. de Anno 1730. Verum quidem est, quod Clemens Quintus eam totam recepit & confirmavit anno 1311. in Generali Concilio Viennensi, & licet hæc confirmationis Constitutio sit omissa in *Bullario Romano*, integra tamen reperitur cum tota Urbana in *Clem. unic. de Reliq. & vener. Sanctor.* Joannes quoque Vigelinus secundus, Clementis successor, eam iterum promulgavit anno 1316. Urbanum tamen Quartum non introduxisse de novo hanc Festivitatem, sed eam alibi inceptam tradidisse Ecclesiæ Universalis solemniter celebrandam, testatur Grapcolas in *Commentar. ad Breviar. Roman. lib. 2. cap. §1. pag. 363.* ait enim, quod iste Pontifex cum Leodii esset Archidiaconus, viderat in ea Urbe Festum hoc celebrari, ubi tanquam Festum publicum & solemne, cum Vigilia & Jejunio præscriptum fuerat in Synodo illius Urbis habita anno 1246. per Robertum Episcopum Leodiensem. Conveniunt in hoc Henricus

ricus Spondanus *tom. 1. Continuat. Annal. Baron. ad Ann. 1264. sub num. 2. & diligentissimus Historiæ Ecclesiasticæ perscrutator* Franciscus Pagi *loco proximè citato*: ubi tamen addunt, Leodiensem hujusce Festivitatis celebrationem fuisse Divinitus indicatam nonnullis sacris Virginibus, quæ postmodum examinata fuit, ab illius Urbis Episcopis recepta, à quibusdam Cardinalibus Legatis Apostolicis confirmata, & ab ipso cognita Urbano Quarto, qui revera in Bulla Institutionis, §. r. in fine, sic habet: *Intelleximus autem, olim dum in minori essemus officio constituti, quoddam fuerat quibusdam Catholicis Divinitus revelatum, Festum hujusmodi generaliter in Ecclesia celebrandum. Quod igitur vidit Urbanus tanta solemnitate Leodii celebrari, magna pompa celebrandum instituit in Ecclesia Universali.*

§. II.

*De Feria quarta Festum SS.
Corporis Christi immediate
precedente.*

482

Feria quarta, quæ statim subsequitur Festum SS. Trinitatis; & consequenter immediate præcedit Festum Sacratissimi Corporis Christi, nonnulla habet adnotanda, de quibus modo Sermo. Itaque quodcumque Officium hodie celebratur, Martyrologicus Lector debet ad Primam pronunciare primo loco *Festum Sacratissimi Corporis Christi*. Hæc verò Solemnitas non habet præcepto Ecclesiæ Jejunium: Verum tamen est, quoddam singulis Fidelibus verè pœnitentibus & confessis, qui & quoties in ipsius Sacramenti Professo Jejunium, vel loco illius aliud pium juxta suorum

rum consilia Confessorum opus fecerint, centum Dies de injunctis eis pœnitentiis relaxat Martinus Quintus in Bullar. Rom. tom. 1. Constitut. 12. ejusd. Pontific. qua incipit Ineffabile Sacramentum, edita anno 1429. die verò 26. Maii: Imò præmissis per eundem Martinum relaxatis diebus, alios totidem dies pariformiter ab ipsis Fidelibus consequendos adjicit Eugenius Quartus in dicto tom. 1. Bullarii, Constitut. 6. qua incipit Excellentissimum, emanata anno 1433. sub die 26. Maii: dum enim Eugenius duplicat ibi omnes Indulgentias à dicto Martino (ut infra dicitur) concessas, duplicat etiam concessas jejunantibus in hac Feria quarta. Aliquibus tamen in Locis jejunatur hac die etiam vigore Constitutionis Synodalis, ut supra diximus de Constitutione Leodiensi edita anno 1246. Et jejunium præscriptum ceruitur in Concilio Senonensi Parisiis habito intra annum 1319. ubi sic habetur, canone primo: *Statuimus atque ordinamus, ut quarta Feria precedente Feriam quintam post Octavas Pentecostes, in qua summi & magnifici Corporis & Sanguinis D. N. J. C. Sacramenti memoria celebratur, ad honorem tam pretiosi Corporis, se ab esu carniū abstineant, & jejunent*, ut refert Grancolas in Commentar. ad Breviar. Roman. lib. 2. cap. 81. vers. Urbanus IV. pag. 365. sed dum ibidem dicit, quòd Urbanus Quartus jejunandum in Vigilia Corporis Christi præceperat, nescio profecto ex quo loco id sumpserit, cum tota Bulla Institutionis nullam faciat mentionem de hujusmodi Jejunio, ut clarè patet legenti. Ubi tamen vel Concilium Provinciale, vel Synodus Diocœsanæ præscribat jejunandum in hac Feria quarta, Constitutio illa est omninò servanda, tanquàm Lex totius Provinciæ, vel respectivè Diocœsis.

Certum tamen est, quòd si Festum SS. Corporis Christi venerit in Vigilia S. Joannis Baptistæ, Jejunium erit anticipate transferendum in hanc Feriam quartam, juxta Constitutionem Urbani Octavi, quæ incipit *Cum evenire quandoque possit*,
ema-

emanata anno 1638. die 13. Octobris, quam refert Cherubinus in *Bullar. Roman. tom. 4. Constitut. 152. ejusd. Pontific. &* edita fuit pro Anno sequenti 1639. in quo casus, qui iterum contigit meis temporibus anno 1707. Cum autem in prædicta Constitutione Urbana habeatur dumtaxat anticipatio Jejunii, nullus verò sic ibi sermo de Officio Vigiliæ; ideo sequens exiit Decretum anno 1706. die 18. Septembris pro regula anni sequentis dictam occurrentiam afferentis, scilicet: *Remissa à SS. D. N. Clemente Papa Undecimo ad Sacrorum Rituum Congregationem discussione Dubii: An occurrente Vigiliâ Nativitatis S. Joannis Baptista in Die Fæsto SS. Corporis Christi; anticipato Jejuniô Vigilia prædicta in diem vigesimam secundam Junii ad formam Constitutionis Urbana; debeat in Officio diei vigesima secunda prædicta; ejusdem Evangelii nona Lectio recitari; & in Officio & Missa de eadem fieri commemoratio?* Eadem Sacra Rituum Congregatio, approbante Sanctissimo sub die 2. Octobris ejusdem Anni, censuit, *Nihil de Vigilia in Officio, & Missa peragendum esse*, ut citato Bullario Romano dictum Decretum habente, retuli in mea Collectione de Sacris Ritibus; *sub numer. margin. 1283. pag. 426.* Ex prædicta Urbani Octavi generalis Constitutione ortum est postmodum Dubium: An Minores Conventuales S. Francisci, qui in Vigilia S. Antonii nuncupati de Padua sunt ex alia Constitutione Urbana Jejuniis addicti, possint transferre anticipatè dictum Jejunium in hanc Feriam quartam, quando Festum SS. Corporis Christi incidit in diem duodecimam Junii? Hoc igitur Dubio in Sacram Rituum Congregationem delato, eadem Sacra Congregatio, annuente Alexandro Septimo, sub die 26. Maii 1659. respondit, *huiusmodi Jejunium Feria quarta immediatè antecedente esse anticipandum*, ut refert Angelus à Lantusca in *Theatro Regular. verb. Jejunium, sub num. 3.* At quid dicendum de eo, qui tenetur ex Voto jejunare in dicta Vigiliâ S. Antonii? Poteritne ut anticipa-

participatione dictis Minoribus Conventualibus concessa in casu proposito? Nequaquam; ex rationibus supra allatis in Die Nativitatis Domini.

Vesperæ autem in hac Feria quarta dicendæ, sunt semper ex integro celebrandæ de sequenti, nempe de Festo SS. Corporis Christi, quæcunque sit concurrentia cum Festo præcedenti, licet illud fuerit de Patrono Loci, vel de Titulari Ecclesiæ, aut etiam de ejusdem Ecclesiæ Dedicatione. Omnia sunt propria in Breviario: sed ad Hymnum *Pange lingua*, &c. cum perventum fuerit ad *Tantum ergo Sacramentum*, genuflectitur usque ad finem illius strophæ; si ipsum Sacramentum sit super Altari, ut habet Cereemoniale Episcoporum lib. 1. cap. 28. §. 6. pag. 166. & tradit Gavantus tom. 2. sect. 10. cap. 1. sub num. 4. Bauldryus verò clariùs hoc explicat, nam in *Man. Sacrar. Cereemoniar. par. 4. cap. 16. artic. 1. sub num. 2. pag. 268.* ait, quòd si Tabernaculum SS. Sacramenti sit super Altare, ante quod Vesperæ dicantur, tunc omnes genuflectunt ad dictam totam stropham, alias verò non genuflectitur. Piscara tamen videtur intelligere de Expositione, non de Tabernaculo, siquidem in *Prax. Cereemoniar. lib. 3. sect. 10. cap. 1. sub num. 2. pag. 438.* sic revera instructurus habet: *Prima Vespera solemniter celebrantur, non tamen in eis exponitur SS. Sacramentum; & ideo in Hymno cum dicitur Tantum ergo, &c. non genuflectitur*; Attamen sufficit ad effectum genuflectendi, quòd in Altari, ante quod Vesperæ celebrantur, adsit Tabernaculum, in quo inclusum retineatur SS. Sacramentum. In aliquibus tamen Ecclesiis dictus Hymnus cantatur quidem à Clero, qui ab utroque latere Chori præsens existit, sed cum pervenitur ad dictam stropham *Tantum ergo, &c.* illam musicis notis suaviter canunt quatuor de Clero peritiores in arte, genuflexi in medio Chori, dummodo adsit Tabernaculum, ut supra.

In dictis primis Vesperis de Festo SS. Corporis Christi.

484

485

Christi dicitur unica tantum Oratio, nisi concurrant cum precedenti Festo duplici primæ vel secundæ classis, aut simul occurrat alicubi in eodem Festo SS. Corporis Christi Dies Octava alicujus Festi ibidem Octavam habentis, dummodo tamen Festum principale, quod eo anno necessariorum transfertur, repositum fuerit in aliqua ex tribus Feriis post Festum SS. Trinitatis immediate recurrentibus, alioquin Festo ulterius translato, deperditur ejus Dies Octava. Itaque si dicta Feria quarta inciderit in diem decimam nonam Junii, ut in Tabula trigesima prima ordinis perpetui, Justinopoli in Histria sub Dominio Veneto, Vesperæ erunt de sequenti Festo SS. Corporis Christi, cum commemoratione de Festo precedenti S. Nazarii Episcopi & Confessoris Urbisque Patroni, quod ibi celebratur sub ritu duplici primæ classis. Si vero occurrat die decima septima ejusdem Mensis, ut in Tabula vigesima nona, in Congregatione Regulari Eremitarum S. Hieronymi, in Vesperis de Festo sequenti fit commemoratio de præcedenti Festo duplici secundæ classis Beati Petri de Pisis. Quod si hæc Feria quarta veniat die vigesima prima dicti Junii, ut in Tabula trigesima tertia, Recineti in Marchia Anconitana, Mazariæ in Sicilia, & Pragæ in Bohemia ad Vesperas de Festo SS. Corporis Christi additur commemoratio de Die Octava SS. mm. Viti, & Sociorum, quorum Festum principale occurrit die decima quinta memorati Mensis, in Feria quinta infra Octavam Pentecostes, & potuit celebrari translato in una vel altera ex tribus Feriis immediate post Festum SS. Trinitatis recurrentibus, & cras in Festo SS. Corporis Christi occurrit eorum Dies Octava. Ceterum in hisce primis Vesperis nihil fit de festo simplici, si cras occurrat: nihil de quacunque speciali die infra Octavam, etiam si SS. Trinitatis in Ecclesia propria, ut ex inferius dicendis clarè patebit. Ubi verò solet ad Vesperas hujus Octavæ exponi SS. Sacramentum, non tamen inchoatur Expositio

» pri-

à primis his Vesperis, esset enim Novendium Expositionis, non verò Octava: nec datur quoad hoc anticipatio in hac Feria quarta, ut de Officio Matutinali paulò post dicemus.

Circa verò hasce primas Vesperas in Ecclesiis Cathedralibus solemniter peragendas, cum non omnes primæ Vesperæ Solemnitatum dicantur & sint Functiones Episcopales: cumque hæ primæ SS. Corporis Christi non sint revera inclusæ inter enumeratas in Cereemoniali Episcoporum, ut videre est *lib. 2. cap. 1. §. 2. pag. 184.* ubi solæ sequentes ponuntur, hisce præcis verbis contentæ: videlicet: *Si Episcopus erit solemniter Missam sequenti die celebraturus, Vespera solemnitus peraguntur, quam si non esset celebraturus: quod præcipue in his Vigiliis observari solet, videlicet, Nativitatis Domini Nostri Jesu Christi, Epiphania, Ascensionis, Pentecostes, SS. Apostolorum Petri & Pauli, Assumptionis Beata Maria Virginis, omnium Sanctorum, Dedicationis Ecclesie, Sancti Titularis Ecclesie, & Patroni Civitatis:* hinc sequitur, quòd celebratio harum Vesperarum non est determinata Functio Episcopi, quia diè sequenti non celebrat ipse Pontificaliter, ut clarè patet ex eodem Cereemoniali dicto *lib. 2. cap. 33. §. 15. pag. mibi 409.* Consequenter non potest in his primis Vesperis verificari suppletio loco Episcopi ad favorem primæ Dignitatis, ad quam cæteroquin pertinent Functiones Episcopales, impedito vel nolente Episcopo. Quapropter hæ primæ Vesperæ de Festo SS. Corporis Christi celebrari debent per Hebdomadarium, ad quem spectant omnes illæ Functiones, quæ non sunt propriæ Episcoporum, ut tenet Urfaya doctissimus Almæ Urbis Advocatus *Disceptat. Ecclesiasticar. tom. 4. par. 2. disceptat. 25. sub num. 27. & seqq.* nisi tamen primæ Dignitati assiluat immemorabilis consuetudo, quæ alioquin locum habere debet, etiam si ab una ex Partibus contendentibus in controversiam adducatur, donec concludenter probatum remaneat contrarium.

Celebratis solemniter primis Vesperis, & recitato Completorio cum clausula Hymni *Jesu sibi sit gloria, qui natus es, &c.* & sine duplici Alleluja ad Responsorium brevè; licèt ad alias Horas addatur: dicitur quotidie in Choro Matutinum pro Die sequenti, ab hac scilicèt Feria quarta usque ad Feriam quartam sequentem inclusive. Ad Hymnum Laudum, si in Altari adsit Tabernaculum SS. Sacramenti, genuflectitur ad quintam stropham *O salutaris Hostia*, quæ tempore Belli devotius & humilior decantari debet, nam Auctor Hymni (de quo nos infra) dictam stropham ad rem composuit, quia (ut supra diximus) bellicis tota ferè Italia tunc temporis agitabatur tumultibus: unde Sancta Ecclesia Deum enixè deprecatur, ut dum Bella premunt hostilia, det robur, ferat auxilium: illud nempe auxilium, quod, obsessa jam Assisii Civitate, Sanctæ Claræ præstitit Sanctissimum Eucharistiæ Sacramentum in dispersione militum Saracenorum Monasterium Sanctimonialium hostiliter invadentium. Esse autem genuflectendum ad eandem Hymni stropham, communiter tenent Scribentes de Sacris Ritibus, præsertim Givantus & Bauldryus *locis supra citatis*. Antequàm verò incipiatur solemniter Matutinum, pulsantur Campanæ majores, ut Populus devotus possit accedere ad acquirendas Indulgentias, quas omnibus & singulis Fidelibus, qui Officiis hujusmodi Nocturnis & Diurnis interfuerint, Romani concessere Pontifices. Ut autem unusquisque sciât, quales interessendo lucretur Indulgentias, eos volumus hoc proprio loco integras inserere, quas ceteroquin nullus ferè Auctor extendit, licèt ferè omnes indicent. Urbanus igitur Quartus in ipsa Institutionis Festivæ Constitutione (de qua supra) præcepta prius toti Orbi terrarum Solemnitate, sic postmodum concedit §. 4. *Nos enim Christianifideles ad colendum tantum Festum & celebrandum, donis volentes spiritualibus animare, omnibus verè poenitentibus & confessis, qui Matutinali Of-*

ficio

ficio Fefli ejusdem, in Ecclesia, in qua idem celebra-
bitur, interfuerint, centum; Qui verò Miffa, toti-
dem: Qui autem in primis ipsius Fefli Vesperis inter-
fuerint, fimiliter centum: Qui verò in fecundis, toti-
dem: Illis verò, qui Prima, Tertia, Sexta, Nona,
ac Completorii Officiis interfuerint, pro qualibet Hora-
rum ipfarum, quadraginta: Illis autem, qui per
Oftavas, Matutinalibus, Vefpertinis, Miffa, ac pra-
dictarum Horarum Officiis interfuerint, centum dies,
fingulis Oftavarum ipfarum diebus, in omnipotentis
Dei mifericordia, ac Beatorum Apoftolorum Petri &
Pauli auctoritate confifi, de injunctis fibi poenitentis
relaxamus. Ita Urbanus IV.

Præfatas tamen Indulgentias duplicavit Marti-
nus Quintus in Bullar. Roman. tom. 1. Conftitut. 12.
hujus Pontific. qua incipit Ineffabile Sacramentum,
expedita anno 1429. die 26. Maii: Sed & duplica-
tis per eundem Martinum diebus, alios totidem
diebus ab ipfis Fidelibus pariformiter confequendos
adjecit Eugenius Quartus in dicto tom. 1. Bullarii,
Conftitut. 6. ipfufmet Pontific. qua incipit Excellenti-
fimum, edita anno 1433. 26. Maii. Ne autem ex
eo. quod in tot Bullis Apoftolicis nominetur Ofta-
va SS. Corporis Chrifti, putent Fideles iis tantum
diebus acquiri Indulgentias, in quibus Officium
fit de Oftava, Joannes Vigefimus fecundus fuo
perpetuo Decreto declaravit valere ac perfiftere
dictas Indulgentias, etiam quando infra hanc O-
ftavam fit Officium de Sanctis occurrentibus, ut
teftatur ejusdem Decreti Testis fidelis de vifu Ga-
vantus tom. 2. feft. 6. cap. 20. sub num. 5. & tor-
fan ex eo, quem primò tradidiffe cenfeo, refert
etiam Bauldryus Man. Sacrar. Ceremoniæ. part. 4.
cap. 16. artic. 1. sub num. 6. pag. 268. Affiftant ita-
que Fideles intereffendò, dum Summi Pontifices
fuerunt tam liberales in elargiendo; nec permit-
tant, novis Hieremiam lamentationibus exclama-
re: *Via Sion lugent, eo quod non fint, qui veniant
ad Solemnitatem.*

S. III.

*De iis, quæ spectant ad ipsum
Diem Festum in Solemnitate
S.S. Corporis Christi.*

Feria quinta post Octavam Pentecostes considerate prudenterque statuta fuit pro memoria Institutionis Sacramenti, ut qui per totum Anni circulum hoc Sacramento utimur ad salutem, ejus Institutionem illo tempore specialiter recolamus, quo Spiritus Sanctus corda Discipulorum edocuit ad plenè cognoscenda hujus mysteria Sacramenti: nam in eodem tempore. cœpit hoc Sacramentum à Fidelibus frequentari, ut optimè dicit S. Thomas de Aquino. Festum hoc est præceptivum, cum obligatione audiendi Missam, & vacandi ab Operibus servilibus. Celebratur autem sub ritu duplici primæ classis in colore albo: cui cedit quodcumque aliud Festum quantumvis solemne, vel in Ecclesia Universali, vel alicubi hodie occurrens, & ideo transfertur: an verò translatum ex hac die reponendum sit intra vel extra Octavam, alibi propiori loco dicemus. Quoad Officium, illud composuit jussu Urbani Quarti Divus Thomas Aquinas: Officium quidem celebratissimum, cujus laus est per omnes Ecclesias: nam si perfectissimi sui que numeris omnibus absolutissimi Officii formam exoptas, oculos conjicias in Officium Corporis Christi ab ipso S. Thoma Aquinate compositum, ait commendando Guyetus in *Heortolog. lib. 3. sect. 1. cap. 4. quest. 3. in fine*, pag. mihi 170. & istud quoque maximis suum doctissimum Auctorem laudibus cumulasse, asserit Grancolas in *Commentar. ad Breviar. Roman. lib. 2, cap. 81, vers. Primum*,

num, circa fin. pag. 364. ubi etiam addit, quod in Breviario Parisiensi de anno 1680. appellatur admirandum Officium.

Quoad tamen hujus Officii recitationem, omnia sunt propria in Breviario: nec fit aliqua commemoratio in Laudibus, nisi de Die Octava hodie simul alicubi occurrente, dummodo ejus Festum principale necessarîo transferendum, sit repositum in una ex tribus Feriis post Festum SS. Trinitatis immediatè recurrentibus: ut si Festum SS. Corporis Christi incidat in diem nonam Junii, ut in Tabula vigesima ordinis perpetui, Cremonæ in Ducatu Mediolanensi fit in hodiernis Laudibus commemoratio de Die Octava Sanctorum Martyrum Marcellini & Petri Patronorum illius Urbis, quorum Festum principale occurrit die secunda ejusdem Junii eo anno impedita; eo quod incidit FERIA quinta infra Octavam Pentecostes: & potuit translatum celebrari in una vel altera ex prædictis tribus Feriis. Non fit ergo in dictis Laudibus commemoratio de Festo simplici hodie forsan occurrente: sed nec de Die aliqua infra aliam Octavam, si alicubi occurrat: imò neque de quinta Die infra Octavam SS. Trinitatis in Ecclesia propria, nam licet Octava ejusdem SS. Trinitatis dignior sit Octava SS. Corporis Christi, non idè est Octava Privilegiata: unde Octavarium Romanum tacet hodie ejus commemorationem, & tamen cras ordinat Officium de sexta Die infra Octavam dictæ SS. Trinitatis, cum commemoratione de SS. Corpore Christi: Hoc etiam bene notat Bauldryus in *Man. Sacrar. Cereemoniar. par. 4. cap. 15. sub num. 4. pag. 268.* licet Hieronymus Carellus in Libro Italice conscripto, cui titulus, *Dottrina de' Sacri Riti*, pag. 300. sit opinionis affirmativæ: sed donec Sacra Rituum Congregatio aliter decernat, standum est dicto Octavario Romano nullam hodie præscribenti commemorationem de eadem Octava SS. Trinitatis: sed quoad Officium in dicta FERIA sexta, aliquid novi

habemus, infra videndum. Ad Primam in Hymno dicitur clausula *Iesu tibi sit gloria*, &c. sed ad Responsorium breve non adduntur duo *Alleluja*, attamen dicitur Versiculus *Qui natus es de Maria Virgine*. In aliis verbò Horis, & clauduntur Hymni cum supradicta strophâ, & duo dicuntur *Alleluja* ad Responsorialia breviora.

Missâ verò in hac Solemnitate SS. Corporis Christi est propria, in qua dicitur *Gloria*, cum unica Oratione, nisi alicubi simul occurrat aliqua Dies Octava, de qua idcirco esset dicenda secunda Oratio; vel nisi incidat Dies Anniversaria Consecrationis Episcopi, nam tunc in Missâ tantum solemniter dicitur ejus Collecta sub unica conclusionis, juxta Decretum supra relatum in Missâ de Epiphania. Ad movendam tamen maxime hoc tempore pietatem & majorem devotionem erga venerabile Sacramentum, expedit, ut Sacerdos caput inclinet ad Nomen Sacramenti, dum dicit Collectam *Deus, qui nobis sub Sacramento*, &c. ut verbis utar Gobati in *Theolog. moral. to. 1. tract. 3. sub num. 731. in Append. IV. lit. c.* sed ego etiam caput inclinarem ad illa verba, *Corporis, & Sanguinis tui*: Post Epistolam, dicto vel cantato Graduali, cantatur vel legitur *Sequentia*, juxta Missam solemnem vel privatam. Hujus *Sequentia*, seu Profæ, aut Jubilationis Auctor fuit Divus Thomas de Aquino, qui omnia in ea dixit, quæ spectant ad hoc Sacramentum, in ædificationem Corporis Christi, ad excitandam Fidelium devotionem, & ad cordis jubilationem in celebratione tantæ Festivitatis. Dicitur in hac Missâ *Credo*, cum Præfatione de Nativitate Domini, scilicet, *Quia per incarnati Verbi mysterium*, sed tamen sine ejus *Communicantes*.

Cum autem hoc Festum SS. Corporis Christi institutum sit post S. Gregorium Papam, ideò nihil habetur de eodem Festo in Libro Sacramentorum dicti Pontificis: Gregorius enim Primus creatus fuit anno 590. die 3. Novembris, & obiit anno 604. die 3. Martii: Institutor verò hujus Festi Urbapus

Quar-

Quartus creatus fuit post multa sæcula, nempe anno 1261. die 28. Augusti: unde nil mirum, si in dicto Sacramentario Gregoriano nulla fiat mentio de Missa in Festo SS. Corporis Christi. Mirandum potius videtur, quod nihil habeatur apud Gulielmum Durandum, qui tamen scripsit anno post Institutionem Urbanam vigesimo secundo: sed ratio esse potest, quia Bulla Institutionis non fuit statim propter Bella Italica, ubique recepta. In Ecclesia tamen Ambrosiana dicitur hodie Præfatio, quæ est alia à Romana, ut patet ex particulari illius Ecclesiæ Missali Mediolani impresso, & dicitur ibi per totam Octavam: est igitur sequens, videlicet: *Verè dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus, per Christum Dominum Nostrium. Qui sub specie panis & vini, mirabile Sacramentum nobis declarando monstravit. Et per verba mirabiliter prolata, panem & vinum transubstantiavit in Corpus & Sanguinem suum. Quod sumendo, dignis ad vitam, indignis esse voluit d. Judicium. O quanta dulcedo & vita bearis, o quanta mortalitas & poena damnatis! Vitemus ergo iudicium, dignè sumendo Sacramentum, ut regnum mereamur consequi sempiternum, per eundem Christum Dominum Nostrium. Per quem, Majestatem tuam laudant Angeli, &c.*

Hæc tamen Missa in qualibet Ecclesia cantanda est cum Ministris, ut respondet Sacra Rituum Congregatio in *Alexandrina* sub die 15. Martii 1608. apud Barbosam in *Summa Apostolicar. Decis. verb. Missa Conventualis*, Collect. 477. sub num. 6. & refert etiam Reverendissimus P. Merati in *Addis. ad Gavant. tom. 1. par. 2. in Indice*, sub num. 80. Sacrista verò, vel ille, cui incumbit administratio Eucharistiæ, dum post Communionem reponit in Tabernaculum Sacram Pixidem, recitata Antiphona *O Sacrum Convivium*, ad Versiculum *Panem de Cælo præstitisti eis*, addat *Alleluja*, tum quia additur semper in hujusmodi Versiculo ad Officium

493

huius Octavæ : tum quia esse addendum in tota hac Octava ad quamcumque repositionem SS. Sacramenti , præcepit Clemens Undecimus in *Institutione edita anno 1705. sub die 20. Januarii* , quæ habetur & in Bullario particulari huius Pontificis par. 2. *Constitut. 9. pag. 312. & postmodum inserta fuit in Bullario Romano novissimæ editionis Luxemburgensis tom. 8. par. 2. Constitut. ibid. 9. Confessarii autem, qui ante Festum SS. Corporis Christi audiunt Fidelium Confessiones, hortentur Pœnitentes ad suscipiendam humili & contrito corde Sacram Communionem precipuè in eadem Festo pro Indulgentiarum acquisitione : Illis enim, qui in Festo SS. Corporis Christi, Eucharistiæ Sacramentum devote sumptierint, centum Dies de injunctis eis pœnitentiis relaxat Martinus Quintus in Bullar. Rom. tom. 1. Constitut. 12. ejusd. Pontific. qua incipit Ineffabile Sacramentum, emanata anno 1429. sub die 26. Maii. & præmissis per eundem Martinum relaxatis Diebus, alios totidem adjicit Eugenius Quartus in dict. tom. 1. Bullarii, Constitut. 6. ipsiusmet Pontific. qua incipit Excellentissimum, edita anno 1433. sub die 26. Maii.*

Sacerdotem verò in Anno rarò celebrantem , hodie ex vi præcisa Ordinis teneri ad sacrificandum , legitimo cessante impedimento, censendum est : cum enim debeat celebrare sub culpa lethali saltem quater vel quinquies in Anno , juxta communem Theologorum sententiam , & quidem in Festis solemnioribus : quis non videt , Festum SS. Corporis esse Festum Sacerdotale , & ideo unum ex dictis solemnioribus ? In eo enim recolitur institutio SS. Sacramenti : In eo Apostoli ordinati sunt Sacerdotes : In eo ordinatis Sacerdotibus dixit Jesus, *Hoc facite* : In eo denique dicitur ad Hymnum Matutini hodierni , *ut sumant, & dent cæteris*. Nec per hodiernum Sacrificium exceditur numerus quinque Dierum solemniorum à dictis Theologis sine nominum expressione præscriptorum : siquidem Sacerdos rarò infra annum celebrans,

lebrans, sacrificare saltem tenetur meo iudicio, in Nativitate Domini, in Epiphania, in Paschate, in Pentecoste, & in hoc Festo SS. Corporis Christi: sunt etenim quinque Dies Anni solemniores, Octavam Privilegiatam habentes.

In Cathedrali tamen, Episcopus, quanto citius poterit, veniet ad Ecclesiam, & ibidem Missæ, per primam Dignitatem vel digniorem Canonicum celebrandæ, paratus Amictu, Alba, Cingulo, Stola, Pluviali albo, & Mitra, assistit: in qua omnia servabuntur, quæ circa Missam solemnem servanda sunt, cum cæremoniis, genuflexionibus, & reverentiis erga SS. Sacramentum super Altare positum, cum quo deinde faciendæ est sollemnis Processio: attamen de ea nos disceremus in capite sexto sequenti, cum de hac Processione multa sint adnotanda, utrique Clero (ut reor) perutilia, & ideo scitum digna. Si verò Episcopus voluerit ex sua particulari devotione hac die celebrare, & SS. Sacramentum pro dicta Processione conficere, poterit summo manè Missam planam sine cantu legere, omissa pro hac die, propter Processionem, ad celeriores actus expeditionem, & ad evitandum calorem, Missa sollemni: ut habetur in Cæremoniali Episcoporum lib. 2. cap. 33. sub num. 15. & 31. pag. mihi 409. & 414. Et quia sumus modò in Cathedrali, notandum etiam occurrit hoc loco, quòd Festum istud SS. Corporis Christi est unum ex solemnioribus, in quibus Canonicus Cathedralis Pœnitentiarius renetur in Sede Confessionali assistere, ut ex Decisione in Segobienti refert Monacelli in Formul. Leg. Pract. par. 1. tit. 2. formul. 6. sub. num. 5. pag. 54. Qui tamen Pœnitentiarius in audiendis Confessionibus, suos admoneat Pœnitentes Sanctissimum hodie Eucharistiæ Sacramentum sumpturos, de Indulgentiarum acquisitione superius relatarum.

Notandum verò est, quòd in hoc Festo SS. Corporis Christi nulla cantari potest Missa Votiva, quantumvis urgeat ratio rei gravis. Imò neque

495

496

que cantanda est Missa de Festo hodie occurrente & transferendo, licet illud sit de Titulari Ecclesiæ, vel etiam adsit Concurtus Populi: nam Rubrica Missalis *tir. 6. de translat. Festor.* hanc excipit nominatim Solemnitatem, ut clarè patet legenti. Sed neque admittitur hac die Missa solemnis pro Defunctis in Die Obitus: tum, quia Festivitas SS. Corporis Christi est una ex illis magnis celebratibus, quas ad hunc effectum obstare dicit, & ideo excipit Rituale Romanum *tir de Exequiis, rubic. 5.* tum etiam quia in nullo Festo duplici primæ classis potest dicta Missa cantari, vigore Resolutionis à Sacra Rituum Congregatione emanatæ *in Collensi sub die 5. Julii 1698. in responsione ad 8. Dubium.* In Oratoriis tamen privatis hodie revera non est prohibita celebratio: Decretum enim Festorum solemniū exceptivum non habet insertam Solemnitatem hodiernam, ut clarè patet ex Auctorum caterva illud referentium à me citata in mea Collectione de Sacris Ritibus *sub numer. margin. 293. pag. 88.* & ideo potest in illis hodie celebrari, nisi in Brevi aliquo Apostolico excipiat expresse etiam hoc Festum, vel remittantur Ordinario Loci Festa excipienda, & ipse Ordinarius excipiat: vel nisi habeatur alicubi Constitutio Synodalis, in qua adsit hujusmodi exceptio, ut habetur Neapoli, juxta admonitionem quovis anno in Directorio illius Civitatis & Diocesis impressam. Licet autem Votiva de SS. Sacramento, quæ dicitur infra Annum, & non infra hanc Octavam, sit omnino eadem cum Missa hujus Festi, non tamen in ea Legitur *Sequentia*, ex qua duntaxat distinguitur Festiva Missa à Votiva. Non est igitur dicenda, quia est propria hujusce Solemnitatis, & continet verba ad Institutionem spectantia, quæ non conveniunt Votivæ: nam præter alia claram proprietatem præferentia, dicitur ibi: *Dies enim solemnis agitur, in qua Mensa prima recolitur hujus Institutio,*

Ut au-

Ut autem finem imponamus huic Diei Festo SS. Corporis Christi, claudendum est cum secundis ejus Vesperis, quæ semper & ubique debent esse integre de eo, quocunque Festo duplici sequenti cum illis concurrente, ut alio loco inferius dicemus. In hisce tamen secundis Vesperis fit commemoratio, tum de sequenti duplici, tum, etiam de Die Octava alicubi hodie occurrente, sed non de Festo simplici, si forsan incidat in diem crastinam; imò neque de Die infra Octavam SS. Trinitatis in Ecclesia propria, quia in FERIA sexta sequenti Officium non fit de eadem SS. Trinitate, ex ratione superius allata in primis Vesperis in quibus Lectorem remisimus ad inferius dicenda: & multo minus facienda est commemoratio de alia quavis Die infra Octavam, si occurrat. Ubi tamen ad Vesperas hodie inchoatur expositio SS. Sacramenti cæteroquin continuenda a Vesperis per totam Octavam, ad stropham illam Hymni *Tantum ergo Sacramentum*, nec non ad aliam in Laudibus *o salutaris Hostia*, fit genuflexio in Choro à toto Clero ibi existente. Quoad hanc verò octavariam Expositionem, attendendum est Cæremoniale Episcoporum lib. 2. capit. 33. §. 33. pagin. mihi 414. ubi revera habentur hæc præcisa verba, videlicet: *Et quia solitum est per totam hanc Octavam ponere super Altare Tabernaculum cum SS. Sacramento discoaperto, dum Vesperæ & Divina Officia recitantur, ad quæ magna Populi frequentia solet accedere, conveniens esset, ut ob reverentiam tanti Sacramenti, tam Episcopus, quam Canonici, & omnes præsentés, & in Choro assistentes, durante Officio, stent semper capite detecto, & nunquam sedeant. Quod si ob longitudinem Officii præstare non potuerunt, non omitant saltem in signum reverentia, detecto capite, existente SS. Sacramento super Altari, Divinis Officiis assistere.* Circa verò Completorium duo occurrunt adnotanda, unum faciendum, alterum omittendum; nam ad Hymnum dicenda est clausula *Jesu tibi sit gloria*, &c. & ad Responso-

§. IV.

De Diebus infra Octavam Sanctissimi Corporis Christi occurrentibus .

Dies infra Octavam SS. Corporis Christi sunt omnes & singuli Privilegiati , quorum tamen Privilegia paulatim ex inferiis dicendis clarè patebunt : celebrantur nihilominus sub ritu semiduplici in colore albo . In Officio ad Matutinum , omnia dicuntur , ut in Festo , exceptis tantum trium Nocturnorum Lectionibus , quæ in primo Nocturno sunt semper Scripturales de Libro primo Regum : in aliis vero duobus Nocturnis sunt desumptæ ex variis SS. Patribus ad rem tractantibus , nempe , de Corpore & Sanguine Christi . Ut autem omnes & singulæ tertii Nocturni omnino dicantur , decrevit Sacra Rituum Congregatio , ut quotiescunque Officium fiat de Die infra hanc Octavam , taceatur nona Lectio de Festo simplici , si occurrat , ut habetur apud Gavantum *tom. 2. sess. 6. cap. 20. sub numer. 4.* licet non sit ibi ipse Auctor , qui loquatur , ut putat Halden in *Ephemerolog. par. 1. titul. 31. vers. Octava Corporis Christi , pag. 199.* sed est alterius optima additio ad Gavantum , ut constat ex anno Decreti emanati sub die 8. Junii 1669. quo anno Gavantus non erat inter vivos . Attamen si eo die , quo fit de Octava , occurrat Vigilia S. Joannis Baptistæ , vel SS. Apostolorum Petri & Pauli , legenda est in tertio Nocturno nona Le-

na Lectio de eadem Vigilia, quia est Lectio super Evangelium, & ideo non omittenda: sed in tali casu Vigiliæ ex octava & nona Lectione facerem unam, deinde dicerem nonam Lectionem de Vigilia, & sic me conformarem prædicto Decreto: attamen hæc mea opinio consilium est, non præceptum. Ad Laudes verò semper recitandas ut in Festo sit commemoratio Festi simplicis occurrentis, & eo magis de Vigilia, quæ etiam habuit nonam Lectionem ad Matutinum; imò sit commemoratio de quacunque Die infra Octavam, sive illa sit Ecclesiæ Universalis, ut S. Joannis Baptistæ, vel SS. Apostolorum Petri, & Pauli, si talis sit occurrentia, sive etiam specialiter incidat in aliqua Diocesi vel Religione. Ad Primam in Responsorio brevi non adduntur duo *Alleluja*, dicitur verò Versiculus *Qui natus es de Maria Virgine*: & in fine Hymnorum ad omnes Horas legitur clausula *Jesu tibi sit gloria*, &c.

Missæ tamen de Die infra Octavam SS. Corporis Christi est omnino eadem, quæ habetur in Festo, & dicitur cum *Gloria*, sed secunda Oratio erit *Concede*, tertia verò *Ecclesia*, vel *pro Papa*, cum alternativa, meo judicio, ita una die tertia Oratio sit *Ecclesia*, altera autem die *pro Papa*, ut exemplum habemus in Missali in Dominicis post Epiphaniam, ubi in una Dominica ponitur primo loco *pro Papa*, in altera verò *Ecclesia*, licet apponatur dictio, *vel*. At si Sedes Apostolica vacaverit, dicenda semper erit tertia Oratio *Ecclesia*, vel melius, tertia Oratio *pro eligendo*. Quod si occurrat Festum simplex, vel Dies infra aliam Octavam, secunda Oratio erit de simplici, vel de dicta Die infra aliam Octavam, & tertia *Concede*. Attamen si incidat Dies Anniversaria Electionis seu Consecrationis Episcopi, & nulla facienda sit commemoratio, secunda Oratio erit *Concede*, tertia *Ecclesia*, & quarta *pro Episcopo*, quia, licet nulla sit omittenda ex assignatis Orationibus in Missali, ut ejus loco dicatur Oratio impe-

imperata, ut resolvit Sacra Rituum Congregatio in una *Canonorum Regularium Lateranensium* sub die 2. Decembris 1684. in responsione ad nonum Dubium: Quia tamen Oratio pro Papa est eadem cum Oratione pro Episcopo, dicerem tertiam Orationem Ecclesia, & quartam pro Episcopo, & facerem juxta Decretum. Laudabilis autem viguit antiquus usus, ut Dies Anniversaria ageretur, qua quis alicui Sedi præfectus esset Episcopus: id etenim tam in Occidentali Ecclesia, quam etiam in Orientali esse observatum, innumera fere docent exempla, ut verbis utar Cardinalis Baronii in *notat. ad Martyrolog. Roman. sub die 18. Januarii, lit. a*. Si tamen eo die, quo fit de Octava, occurrat Vigilia, in Missa fiet commemoratio de ea, cum ejusdem Vigiliæ Evangelio in fine: sed in Ecclesiis Cathedralibus & Collegiatis cantantur duæ Missæ, una de Octava post Tertiam in colore albo, alia verò de Vigilia post Nonam in colore violaceo, ut præscribit Rubrica Missalis tit. 3. de Fer. & Vigil. sub. num. 2. & in neutra earum fit commemoratio alterius. In omnibus autem Missis de Octava dicitur *Sequentia*, cum *Credo*, & cum Præfatione Nativitatis, sine ejus *Communicantes*.

Cæterum nonnulli Auctores de Sacris Ritibus tractantes, vel docent vel supponunt, posse infra Octavam SS. Corporis Christi dici Missas privatas Votivas, & pro Defunctis, inter quos Pasqualigus de *Sacrific. nova Leg. tom. 1. quest. 239.* & licet Paulus Maria. Quarti in *Commentar. ad Rubric. Missal. part. 1. titul. 4. dub. 4. circa fin. pagin. mihi 50.* probabile credat prohiberi dictas Missas Votivas privatas & de *Requiem* infra hanc Octavam, quia tamen tunc temporis omnes poterant opinari, eo quod nullum extabat Decretum prohibitivum, aliquid idcirco certi est modò stabilendum, ideoque firmiter standum sequenti Decreto, videlicet: *Eminentissimi Sacrorum Rituum Congregationi I-repositi, ob summam ac debitam veneratio.*

rationem, qua Augustissimum Eucharistia Sacramentum prosequuntur, & ad augendum ejus cultum in toto terrarum Orbe; censuerunt prohibendum esse; ne in posterum infra Octavam SS. Corporis Christi Missa Votiva quacunque; vel pro Defunctis celebrentur; si Sanctissimo placuerit. Hac die 21. Junii 1670. — Et facta de prædictis Sanctissimo relatione; Sanctitas sua sensum ejusdem Sacra Congregationis approbavit & prædictum Decretum edi mandavit; eadem die ejusdem Mensis & Anni 1670. — M. Episcop. Portuen. Card. Ginetus. — Loco ✠ Sigilli. — Bernardinus Casalini S. R. C. Secretar.

501
 Dictum tamen Decretum intelligendum est de privata Votivarum celebratione: quapropter cantari possunt infra hanc Octavam quæcunque Missæ Votivæ pro re gravi: nec non & una solemniter pro Defunctis in Die Obitus, præsentem Corpore in Ecclesia, nisi magna Celebritas obstat, de qua alio loco inferius dicemus. Missa tamen in Anniversario Defunctorum non est cantanda; prout hoc convenire omnibus & solis Octavis Privilegiatis, resolvit Sacra Rituum Congregatio in Collen. sub die 5. Julii 1698. in responsione ad nonum Dubium. Missas autem Mortuorum infra hanc Octavam non esse celebrandas, nisi præsentem Corpore, respondit Sacra Rituum Congregatio in Nuscana anno 1671. sub die 12. Septembris, apud eundem P. Merati tom. 1. par. 2. in Indice; num. 448. Ubi verò cantantur Votivæ, vel in Die Obitus, non est omittenda Conventualis, seu Missa de Die, sed dicuntur duæ Missæ; in Ecclesiis scilicet, in quibus talis adest obligatio cantandi. Missa tamen Conventualis potest infra hanc Octavam, juxta consuetudinem Ecclesiæ, cantari sine Diacono & Subdiacono, ut respondit Sacra Rituum Congregatio in Alexandrina sub die 15. Martii 1608. apud Barbosam in Summa Apostolicar. Decis. verb. Consuetudo circa Missas celebrandas; Collect. 224. sub. num. 5. & refert etiam Reverendissimus P. Merati in Addis. ad Gavanti, tom. 1. par. 2. in Indice,

dice , *sub num. 80.* Missæ denique de Octava ad Altare quomodolibet Privilegiatum celebratæ , suffragantur perinde , ac si celebratæ fuissent pro Defunctis , ad formam Privilegiorum : ita Innocentius Undecimus in *Constitut. qua incipit Aliàs* postquam , edita anno 1688. *sub die 4. Maii* , apud Monacelli in *Formular. Leg. Pract. par. 2. tit. 16. formul. 6. sub numer. 6. pagin. 330.* & refert etiam Mathæuceius in *Officiali Cur. Ecclesiast. capit. 4. sub numer. 3.*

In Vesperis verò de Die infra Octavam SS. Corporis Christi , omnia dicuntur , ut in primis Vesperis Festi , dummodo subsequatur Officium de Die infra eandem Octavam : sed ad Magnificat Antiphona est propria , nempe , *O sacrum Convivium* , ut in secundis Vesperis ejusdem Festi ; cum tantum , & si cras occurrat Festum simplex , vel simus infra aliam Octavam , de uno , vel altero , vel etiam de utroque juxta casus contingentiam facienda erit commemoratio . Hæ tamen dumtaxat valent , si Dies , infra Octavam hodie & cras non sit impedita , nam si impediatur , alio ordine disponendum est Officium una cum Vesperis , ut ex inferiùs dicendis clarè patebit . Completorium autem dicitur de more , sed Hymnus concluditur cum strophæ propria hujus Octavæ , scilicet , *Jesu tibi sit gloria* , &c. & ad Responsorium breve non adduntur duo *Alleluja* , licet excepta etiam Prima , ut supra diximus , addantur in cæteris Horis ad earum Responsorialia brevia .

Datur tamen alia Octava , quæ est dignior ista SS. Corporis Christi , nempe Octava SS. Trinitatis : digniorem enim esse in propria Ecclesia , ait Gavantus ex quodam Decreto , *tom. 2. sect. 6. cap. 19. sub num. 2.* & clarè patet ex Octavario Romano . Cum autem ultimum quatrimum prædictæ Octavæ SS. Trinitatis occurrat in Festo , & infra Octavam SS. Corporis Christi , videndum modò est quomodo ibi ordinandum sit Officium . Certè in

Festo

Festo ipſo SS. Corporis Chriſti nulla faciendâ eſt de SS. Trinitate commemoratio, quia licet ſit Octava dignior, non eſt tamen privilegiata: commemoratio autem de Octava communi non habet locum in Feſto duplici primæ claſſis. Quid igitur dicendum de Feria ſexta, & Sabbato, ſi nullum ſequatur impedimentum? Officium erit de Die infra Octavam SS. Trinitatis tanquàm de digniori, & quidem ſub ritu ſemiduplici, in colore albo. Itaque ad Matutinum, omnia dicuntur, ut in ejus Feſto, ſed Lectiones primi Nocturni ſumuntur, de *Libro primo Regum*, tanquàm de Scriptura occurrente: in ſecundo verò, & tertio Nocturno dicuntur, ut in Octavario Romano. Quod ſi occurrat Feſtum ſimplex, legitur de eo nona Lectio, ſi habeat, quæ ſolum tacetur, quando Officium eſt de Octava SS. Corporis Chriſti, ut clariùs patebit ex inferiùs alio loco dicendis. Ad Laudes tamen ſit commemoratio de SS. Corpore Chriſti, & de alia Octava, ſi occurrat, ut inter-dum de Octava S. Joannis Baptiſtæ, nec non & de Feſto ſimplici eadem die forſan occurrente.

Predictum tamen modum regulandi Officium in præſatis Feria ſexta, & Sabbato infra Octavam SS. Trinitatis, dum ſupponunt dicendum de Die infra eandem Octavam, tenent Michael Bauldryus in *Man. Sacrar. Cereemoniar. par. 4. cap. 15. ſub nu. 4. pag. 268.* Carolus Guyetus in *Heortolog. lib. 4. ſect. 1. cap. 6. quaſt. 5. verſ. Primò, circa fin. pag. mihi 252.* Joannes Baptiſta Halden in *Ephemerolog. par. 3. tit. 4. ſub numer. 3.* & ut verum fatear, egomet ſic adnotavi faciendum in mea Colleſtione de Sacris Ritibus *ſub numer. margin. 868. pagin. 270.* & quidem ſic omnes, innixi auctoritati Gavanti ſupra relati; & quod plus juris videbatur tribuere, ſic Octavarium Romanum diſponit, ſiquidem in dictis Feria ſexta & Sabbato extendit Officium de Diebus infra Octavam ejusdem SS. Trinitatis, cum Lectionibus propriis ſecundi & tertii Nocturni: ibi enim dicitur: *Feria 6. Sexta die: Si Feſtum SS.*

Tomus Primus.

Dd Tir.

Trinitatis titulus est Ecclesia, sit de Octava ejusdem, cum commemoratione Octava Corporis Christi: & ideo nulla facta est alia consideratio, de qua infra, quia nulla alia tunc temporis habebatur notitia.

Quia tamen ad me pervenit Decretum Sacrae Rituum Congregationis super hac re, idèd corruit tota prædicta opinio. Decretum verò, quod in forma authentica Domi teneo, & modò sub oculis habeo, cum magno Sigillo, & cum subscriptione de propria manu Illustrissimi D. Secretarii, est tenoris sequentis, videlicet: -- *Bracharen -- Ex parte Magistrorum Cæremoniarum Ecclesiæ Cathedralis Civitatis Bracharensis, Sacra Rituum Congregationi demissè supplicatum fuit inter alia Dubia declarare tertium, nempe: An Diebus sexta, & septima Octava SS. Trinitatis, cum de eis fiat Officium, quia dignior Corporis Christi, debeat etiam fieri nona Lectio de Simplici illis Diebus occurrenti, an omitti ratione Octava Corporis Christi? Et Sacra Rituum eadem Congregatio censuit respondendum ad tertium: Diebus sexta, & septima infra Octavam Tituli SS. Trinitatis faciendum Officium de Die secunda, & tertia infra Octavam Corporis Christi, cum commemoratione SS. Trinitatis: Et ita declaravit, & servari mandavit. Die 8. Junii 1709.*

Dum autem in prædicto Decreto Officium in sæpè dictis duabus Diebus sexta, & septima infra Octavam SS. Trinitatis debeat esse de Die secunda, & tertia infra Octavam SS. Corporis Christi, sequitur, quòd illis impeditis à Festo duplici, Octava SS. Corporis Christi, quæ non impedita habet præcedentiam quoad totum Officium, impedita debet habere locum quoad partem, & idèd ad Laudes faciendæ est priùs commemoratio de ea, deinde de illa SS. Trinitatis. Nihil autem respondit Sacra Rituum Congregatio ad illam partem Dubij, in qua quæritur de nona Lctione simplicis, an dicenda sit, vel omittenda, quia clare patet ejus exclusio ex eo, quòd Officium illis duobus Diebus debet esse de Octava SS. Corporis Christi.

Christi, in quo Officio non habet locum dicta nota Lectio ex Decretis alibi citatis.

507

Ad Primam in dicto Officio de Die infra Octavam SS. Trinitatis non dicitur Symbolum S. Athanasii, scilicet *Quicumque*, licet aliter sentiant Gobatus *Oper. moral. tom. 1. par. 1. tract. 5. sub numer. 623. Append. 1. & 2. pag. mihi 275.* & modernus Halden Germanus in *Ephemerolog. par. 1. tit. 30. §. Superest*, pag. 181. ubi tenent, dictum Symbolum quotidie esse dicendum infra Octavam SS. Trinitatis in Ecclesia propria. Placet enim magis opinio Gavanti *tom. 2. sect. 5. cap. 20. sub num. 4.* ubi tantus Auctor, de Sacris Ritibus bene meritus, qui Urbanæ Breviarii correctioni Consultor interfuit, & ideo in Arte peritus, sic habet: *In Dominica, seu Festo SS. Trinitatis dicitur, quia Symbolum de Trinitate doctrinam continet: non tamen quotidie dicendum, ubi celebratur Octava Sanctissimæ Trinitatis, quia Dominica assignatum videtur: & cum eo Michael Bauldryus in Man. loco citato, ubi addit, & bene, etiam Diem Octavam.* Sed tota difficultas tunc temporis poterat esse, quia Octava SS. Trinitatis locum habebat præcedentiæ, nunc tamen quia præcedit Octava SS. Corporis Christi, ut clarè patet ex Decreto superius allato, cesset difficultas quoad Feriam sextam & Sabbatum infra Octavam SS. Trinitatis & solum remanere posset Dubium circa primum Triduum post Festum ejusdem SS. Trinitatis: Sed quoad hoc, bis requisita, sic respondit Sacra Rituum Congregatio: Et primò quidem in dicta *Brancharen.* ad secundum Dubium, scilicet: *An Diebus infra Octavam SS. Trinitatis, ubi est Titulus Ecclesia, & in Festis infra dictam Octavam occurrentibus, debeat ad Primam dici Symbolum S. Athanasii?* Et Sacra Rituum eadem Congregatio censuit respondendum ad secundum: *Negative: Et ita declaravit, & servari mandavit: Die 8. Junii 1709.* Alterum verò Decretum est tenoris sequentis, videlicet: *— Einsialen. — Die 5. Maii 1736. — Ad in-*
Dd. 2 *stan-*

Plantiam P. Abbatis Monasterii Einsidlen. Ordinis S. Benedicti, inter alia Dubia in Sacra Rituum Congregatione proposita, resolutum fuit etiam infra scriptum decimum tertium, nempe: An ubi Festum SS. Trinitatis est Titulus Ecclesie, sive est in Patronum, sit dicendum Symbolum S. Athanasii per totam Octavam, sive Officium sit de Octava, sive de alio Festo occurrente? Et Sacra eadem Rituum Congregatio ad decimum tertium respondit: Negative, & Symbolum S. Athanasii recitetur solum in Solemni Festo SS. Trinitatis, & in Die Octava, Die 5. Maii 1736. Utrumque Decretum; prout supra stat & jacet, est apud me in forma authentica, cum solito Sigillo, & cum subscriptione de propria manu Illustrissimi D. Secretarii.

In predictis tamen duobus diebus, Feria scilicet sexta, & Sabbato sicuti Officium apud supra relatos Auctores nullo supposito impedimento, erat de Die infra Octavam SS. Trinitatis, sic etiam Missa, quæ idcirco debebat esse, ut in ejus Festo, cum Gloria, & in ea dicebatur secunda Oratio de SS. Corpore Christi, & tertia *Concede*: nisi occurrisset simul alia Octava, ut quandoque S. Joannis Baptistæ, vel Festum simplex, quia tunc tertia erat de alterutro, vel forsân tertia de alia Octava, & quarta de simplici: Prefatio verò de SS. Trinitate, nempe, *Quia cum Unigenito Filio tuo*. Enim vero magna difficultas ex illo supposito orta est inter eos, quomodo scilicet regulanda sit Missa, si in dictam Feriam sextam vel Sabbatum incidat Vigilia, & Officium de Octava SS. Trinitatis non sit impeditum? nam si Festum SS. Trinitatis venerit die decimasextima, vel decima octava Junii, ut in Tabula trigesima secunda vel trigesima tertia ordinis perpetui, tunc in Feria sexta vel Sabbato occurreret Vigilia S. Joannis Baptistæ. Bauldryus igitur in *Man. Sacrar. Ceremoniar. par. 4. cap. 15. sub num. 5. pag. 268.* censet, quòd in hujusmodi casibus in Ecclesia SS. Trinitati dicata, Missa debeat esse de Octava SS. Corporis Christi.

Christi, non verò de Octava SS. Trinitatis, nec de Vigilia S. Joannis Baptiste: Fiet tamen commemoratio de Octava SS. Trinitatis prius, & postea de Vigilia, & in fine dicitur Evangelium de eadem Vigilia: Videntur tamen dicende duæ Missæ in Ecclesiis Collegiatis; una scilicet de Octava SS. Corporis Christi post Tertiam, cum commemoratione SS. Trinitatis: altera verò de Vigilia post Nonam, sine commemoratione de Octavis, sed tantum cum secunda Oratione de Beata Maria, & tertia *Ecclesia* vel *pro Papa*; Hoc tamen à Superioribus definiendum relinquitur, quia non caret difficultate: *Hactenus Bauldryus.*

Halden. tamen novissimus Auctor, aliam à Bauldryo sententiam tenet in dicta occurrentia utriusque Octavæ, & Vigiliæ, nam in *Ephemerolog. par. 2. à pag. 180. usque ad pag. 183.* ait, quod cum Rubrica nova Missalis de *Feria, & Vigil. tit. 3. sub num. 2.* supponat Officium de Octava SS. Corporis Christi, quotiescunque tale Officium non occurrat, nec Rubrica habet locum: unde existimat, quod sicuti Octava SS. Trinitatis, licet sit dignior, & Officium fiat de ea, nihilominus, quia non est privilegiata, cedit Vigiliæ quantum attinet ad Missam: ita etiam eidem Vigiliæ in dictis duobus casibus cedere debet Octava SS. Corporis Christi, juxta illud, *vincit te, qui vincit vincentem te*: Attamen, ne Missæ privatæ ob solemnitatem Octavæ SS. Corporis Christi, etiam in particulari Ecclesia SS. Trinitati dicata dicantur in colore violaceo, convenientius credit, ut illæ in tali speciali loco dicantur potius de Octava SS. Trinitatis tanquam de digniori, cum commemoratione de Octava SS. Corporis Christi, ac etiam de Vigilia, cum ejusdem Vigiliæ Evangelio in fine Missæ, usque dum aliud Sacra Rituum Congregatio decernat aut declaret: *Hucusque Halden.*

Dum autem neuter ex illis ceteroquin dignis Auctoribus constanter affirmant, sed adhuc dubitent de eorum opinione, & ideo prudenter ca-

sum hujusmodi ad superiores remittant decidendum, ab eisque resolutionem expectent in re sibi tam ardua; modò Sacra Rituum Congregatio totam suscipit dubitationem, docetque egregie, quid in hujusmodi occurrentia tutè agendum sit. Cùm enim in supra relato Decreto in *Bracharen.* anno 1709. *sub die. 8. Junii ad tertium Dubium* responsum dederit, in Feria sexta, & Sabbato Officium debere esse de Octava SS. Corporis Christi, & non de Octava SS. Trinitatis, subintrat sine dubietate Rubrica Missalis de *Fer. & Vig. iir. 3. sub num. 2.* ita ut duæ cantandæ sint Missæ, una scilicet de Octava SS. Corporis Christi post Tertiam in colore albo, cum commemoratione de Octava SS. Trinitatis; alia verò de Vigilia post Nonam in colore violaceo, cum Orationibus in ea assignatis. Missæ tamen privatæ erunt de dicta Octava SS. Corporis Christi, cum commemoratione SS. Trinitatis, & Vigiliæ, & cum ejusdem Vigiliæ Evangelio in fine.

Præmissis, quæ ad Missam spectant, deveniendum est ad Vesperas in Ecclesia SS. Trinitati dicata. Vesperæ igitur Feriæ sextæ non impeditæ si in Sabbato sequenti iterum fiat de Die infra Octavam SS. Corporis Christi, dicuntur integræ, ut in secundis Vesperis Festi, cum commemoratione de Octava SS. Trinitatis, & de alia Octava, si simul occurrat, ut quandoque de Octava S. Joannis Baptistæ, vel de Festo simplici, cras fortan in Sabbato occurrente. De Vesperis autem Sabbati dicetur infra, cùm de Dominica infra Octavam sermo erit.

511

S. V.

*De Festis , seu Officiis Sancto-
rum , quæ celebrari possunt
infra Octavam SS. Cor-
poris Christi.*

INfra hanc Octavam SS. Corporis Christi , primo loco non includuntur Festa semiduplicita utcumque occurrentia , ex antiquo Decreto, Joannis Vigelimi Secundi , quod habetur in Breviario manuscripto . Bibliothecæ S. Isidori de Urbe, teste oculari Gavanto tom. 2. *fest.* 3. *cap.* 8. *sub num.* 2. unde si occurrant , transferuntur post Octavam , juxta Rubricam tum generalem Breviarii *tit.* 7. *de Octavis* , *sub num.* 3. tum etiam specialem in ipso Festo SS. Corporis Christi , ibi : *semiduplicita transferuntur post Octavam* . Neque in Feria secunda , licet non impedita , fieri potest de Festo semiduplici , quod occurrebat in Dominica infra Octavam , quia hoc privilegio gaudet & potitur Festum semiduplex , quando occurrit in Dominica infra Octavam communem , ut clarè patet ex Rubrica generali *tit.* 10. *de translat. Festor.* *sub numer.* 5. Inclusio igitur Festi semiduplicitis in dicta Feria secunda , est Privilegium eidem Festo semiduplici concessum : ipsius verò exclusio in nostro casu , est Privilegium Octavæ . Hic autem novum insurgit Dubium pro Ecclesiis SS. Trinitati dicatis : an scilicet in illis fieri possit de Festo semiduplici occurrente . Attamen hoc verum est quoad primum triduum post Festum Titulare , non autem post Festum SS. Corporis Christi , nam si in

512

alibi memoratis Feria sexta & Sabbato occurrat Festum semiduplex, etiam in dictis Ecclesiis SS. Trinitati dicatis transferendum est post Octavam SS. Corporis Christi, quia ex dictis, Officium est de eadem Octava SS. Corporis Christi, non de Octava SS. Trinitatis. Quod verum est apud Guyetum, licet Officium sit de Octava SS. Trinitatis in Feria sexta, & Sabbato, juxta suam sententiam, nam in *Heortolog. lib. 4. sect. 3. cap. 18. quest. 32. pag. mibi 295.* sic habet, & ita optimè ratiocinatur: Quod excludatur prædictum Semiduplex à Feria sexta & Sabbato, privilegium est, non Octava Trinitatis, sed Corporis Christi: At nullum tale privilegium concessum est Octava Trinitatis, quo per se excludatur Semiduplex à Feriis secunda, tertia, & quarta.

Exclusis igitur ab Octava SS. Corporis Christi Festis semiduplicibus, omnia duplicia occurrentia, etiam minora, celebrantur, ex Rubrica generali Breviarii de Octavis, ritul. 7. sub numer. 3. ubi tamen addit, quod non debent esse translata: & confirmat Rubrica tertia post tabellam Occurrentia: sed & idem dicit Rubrica Missalis post Missam Festi. Quodcumque tamen duplex celebretur, etiam primæ classis, facienda est semper commemoratio de Octava in utrisque Vesperis, & Laudibus, ac in Missa, quia cum sit Octava Privilegiata, nunquam suam amittit commemorationem. Ad Matutinum verò dicitur nona Lectio de Festo simplici occurrente, nisi Festum sit duplex primæ classis, nam tunc tantum omittitur dicta nona Lectio, quando Officium est de Octava: ideoque quando Officium est de aliquo Festo duplici, eadem Lectio nona locum habet in Matutino, ut declaravit Sacra Rituum Congregatio sub die 8. Junii 1669. & postmodum sub die 21. Januarii 1679. apud Bissum in Hierurg. tom. 1. verb. Lectiones in Officio, sub nume. 45. §. IV. pagin. 580. & refert etiam Fagioli in Kalendar. perpet. ration. in Annotat. ad Mensum Junium, sub primo Signo ☩ num. 3. nec non & recen-

retentior Halden in *Ephemerolog. par. 1. tit. 31. vers. Octava Corporis Christi*, pag. 199. & novissimè declaravit eadem Sacra Rituum Congregatio in *Lycien. anno. 1705. sub die 4. Aprilis*, & *Decretum est apud me*. Ad Primam tamen dicitur Versiculus *Qui natus es de Maria Virgine*, & ad omnes Horas concluduntur Hymni cum strophæ Octavæ, nempe, *Jesu tibi sit gloria*, &c. omissis duobus *Alleluja* ad Responsoria brevia eandem Horarum, quia spectant tantum ad Officium de Octava. In Missa de Festo duplici dicitur *Gloria* cum *Credo*, sed Præfatio dicitur de Festo, si habeat, alioquin de Octava, scilicet *Quia per incarnati Verbi mysterium*, cum *Communicantes*, ut in Canone Missæ, admittitur semper commemoratione Octavæ: Adeo autem rigoroſè attendenda est Rubrica de Festo duplici translato infra hanc Octavam non reponendo, ut si una die infra Octavam occurrant duo Festa duplicia, non est de translato agendum die immediatè sequenti non impedita, nulla habita ratione vicinitatis, ad suam diem, quia hoc non admittit illa Octava Privilegiata: Unde Sacra Rituum Congregatio humiliter requisita pro parte P. Procuratoris Generalis Congregationis Canonicorum Regularium Lateranensium declarari inter alia sequens Dubium, videlicet: *An occurrentibus eodem die infra Octavam Corporis Christi duobus duplicibus, possit de altero fieri die immediatè sequenti infra eandem Octavam, non impedita alio duplici?* Eadem Sacra Rituum Congregatio sub die 7. Decembris 1680. ad secundum Dubium respondit: *Alterum duplex transferatur post Octavam SS. Corporis Christi*. Quapropter, si ipsum Festum SS. Corporis Christi venerit die trigesima Maii, ut in Tabula decima ordinis perpetui, Venetiis in Ecclesiis Urbis fiet quidem in Feria sexta de Festo duplici occurrente SS. Martyrum Cantiani & sociorum, sed die prima Junii in Sabbato licet apud nos non impedito non agatur de Festo itidem duplici Beati Jacobi Salomonii, quod heri occorrebat, sed transferre-

feretur post Octavam . Hoc tamen intelligitur , nisi Festa sint solemniora ut infra videbimus .

Quod si infra hanc Octavam SS. Corporis Christi occurrat Festum duplex Commemorationis S. Pauli , non solum in Ecclesia ipsi dicata , sed etiam in Ecclesia Universali , ad Laudes fit prius commemoratio S. Petri , deinde de Octava SS. Corporis Christi , quia *gloriosi Principes terra , quomodo in vita sua dilexerunt se , ita & in morte non sunt separati* . Quod autem debeat in prædicto casu præcedere commemoratio S. Petri , infertur legitime ex Rubrica posita in primis Vesperis de Cathedra Romana sub die decima octava Januarii in Proprio Sanctorum in Breviario , ubi sic habetur : *Deinde fit commemoratio S. Pauli ante alias quasunque commemorationes , etiam Festi duplicis , aut Dominica : quod servetur in commemoratione S. Petri , qua fit in Festis S. Pauli : sed inter alias quasunque commemorationes includitur etiam commemoratio de Octava SS. Corporis Christi : ergo commemoratio de hac Octava fieri debet post commemorationem S. Petri ; ubi enim Lex non distinguit , nec nos debemus distinguere .* Quia tamen hoc Festum Commemorationis S. Pauli non potest occurrere infra hanc Octavam , nisi quando occurrit Tabula trigesima quinta ordinis perpetui , idè hoc Anno 1734. quo hic casus contigit , & hæc scribò , aliqui Kalendaristæ usi sunt quarto meo Romano Divinorum Officiorum Decennio , ab Anno scilicèt Domini 1733. usque ad Annum 1742. inclusivè , in quo revera Decennio sub die 30. Junii , Feria quarta ejusdem Anni 1734. sic adnotavi faciendum : Aliqui verò super hoc adhuc dubitantes , ob excellentiam Octavæ Privilegiatæ , dignati sunt Epistolas ad me transmittere , ut certiores fierent de hac re : quibus benignè acceptis Litteris , respondendo dixi , adnotationem in dicto meo Decennio appositam , esse sequendam tamquam in Rubrica fundatam .

Cum autem infra Octavam SS. Corporis Christi fieri

fieri possit ex superiùs dictis de quocunque Festo duplici occurrente, hinc est, quòd fieri etiam potest de quacunque Die Octava, si alicubi incidat, quia est Officium duplex occurrens, & consequenter admittendum infra hanc Octavam; Unde Minoribus S. Francisci humillimè supplicantibus Sacra Rituum Congregationi, declarari: *Quid agendum, quando Dies Octava S. Antonii de Padua occurrat infra Octavam SS. Corporis Christi?* Eadem Sacra Rituum Congregatio sub die 21. Januarii 1679. respondit, *agendum esse de dicta Die Octava, cum commemoratione de Die infra Octavam SS. Corporis Christi;* ut refert Marcus Antonius Fagioli in *Kalendar. perpet. ration. in Annotat. ad Mensem Junium, sub lit. c. numer. 7. pag. 201.* & ita etiam habetur in Breviario Minorum S. Francisci Capuccinorum, in principio, inter Rubricas pro Mense Junii, sub num. 3. Licet autem infra hanc Octavam celebretur quodcunque duplex occurrens, non tamen celebrari potest Officium illud, quod sub ritu forsitan duplici aliquibus Dioccesibus, vel Religionibus, aut Dominiis semel in Hebdomada concessum est: tum quia neque potest de eo fieri infra Octavas communes, & multò minùs infra hanc privilegiatam; tum quia dato hujusmodi Officio, (quod certè infra hanc Octavam non est celebrandum) non tamen posset revera dici duplex rigorosè occurrens tali die, cum sepè concedatur semel in Hebdomada pro prima Feria non impedita, & sic celebraretur modò in una, modò in altera Feria: & si diceretur occurrens, vagè, non fixè occurreret, quod esset contra sensum Rubricæ, quæ dum dicit duplex occurrens, intelligit de occurrentia eidem diei semper fixa & statuta.

Quæri etiam hoc loco potest, an agendum sit infra hanc Octavam de illis Officiis duplicibus, quæ Dioccesibus, Religionibus, & Dominiis ad eorum preces gratosè conceduntur sub illis verbis in Decreto positis *recitare possint & valeant.*

Dicta

Dicta enim verba non videntur præceptiva, & consequenter constituunt Officia Regulis Officiorum ad libitum subjecta: Ita enim opinantur nonnulli, non putantes dicta verba esse, prout sunt, expressiva perpetuæ facultatis recitandi, ut qui humiliter petunt, accipiant gratiosum rescriptum, quod *possint & valeant*. Præterquàm quòd petentes intendunt semper & ad semper celebrare Officia petita, nec illa desiderant obnoxia alicui omissioni, si occurrant infra Octavas, vel in alio Festo duplici digniori, &c. Qui verò benignè concedit, dum concedit juxta petita, concedit juxta voluntatem petentis. Hoc tandem, quod semper tenui, novissimè definitum & declaratum: Ex parte enim Sacri Ordinis Hierosolymitani pro declaratione septem Dubiorum Sacra Rituum Congregationi supplicatum fuit, inter quæ sextum est tenoris sequentis, scilicet: *Supplicat declarari, an sub nomine Sanctorum ad libitum comprehendantur Officia duplicia & semiduplicia Sanctorum recitari concessa aliquibus Regnis, Provinciis, Civitatibus, & alicui particulari Ordini absque expressa notula ad libitum, sed tantum, cum sequenti clausula, nimirum, recitari possit & valeat, vel recitari posse?* Et Sacra eadem Rituum Congregatio ad relationem Eminentissimi & Reverendissimi D. Cardinalis Zondodarii, sub diē 16. Septembris 1736. ad sextum Dubium, rescribendum censuit; *Negative: & ita decrevit, & servari mandavit*. Et novissimè eadem Sacra Congregatio in Einsliden. 5. Maii 1736. respondit, quòd Officia alicui statui concessa, transferantur: ergo non sunt ad libitum.

Hic denique adnotandum volumus, quòd si eo die, quo faciendā est in aliqua Ecclesia expositio SS. Sacramenti pro Oratione continua quadraginta Horarum, agatur ibi de Festo duplici primæ vel secundæ classis, non erit cantanda Missa de eodem SS. Sacramento, sed de illo Festo solemnī, ut præscribit Clemens Undecimus in *Instr. Elione edita anno 1705. sub diē 20. Januarii*, §. 10. & hæc

& hæc Instructio habetur in Bullario Romano novissimæ Editionis Luxemburgensis tom. 8. par. 2. *Constitut.* 9. & quidem cum secunda Oratione de Octava SS. Corporis Christi, non tamen, ut alias, sub unica conclusione, quia in hoc casu non est Oratio Votiva, sed commemoratio occurrens; Si verò Festum sit duplex minus, vel etiam majus, cantatur Missa de SS. Sacramento, non Votiva, sed de Octava, cum *Sequentia*, sine alia commemoratione. Ad Altare tamen SS. Sacramenti expositi retinenda est Crux cum imagine Crucifixi, juxta sequens Decretum, videlicet: *Magistris Cæremoniariis Metropolitana Ecclesia Senensis, Sacra Rituum Congregationi demisse supplicantibus declarare: An super Altare, in quo Sanctissimum Sacramentum expositum est, Crux de more collocari debeat?* Eadem Sacra Rituum Congregatio respondit in una Senarum, *nunquam evitandam Crucis cum imagine Crucifixi appositæ collocationem: & ita declaravit, & servari mandavit.* Die 14. Maii 1707. quod quidem Decretum, prout supra stat & jacet, reperitur apud Halden in *Ephemerolog.* par. 1. tit. 31. vers. *Si hodie occurrat*, pagin. 194. & refert etiam P. Merati in doctissimis Additionibus ad Gavantum, to. 1. par. 2. in *Indice*, sub numer. 604. pag. 1417. In repositione verò ejusdem SS. Sacramenti, ad Versiculum *Panem de Cælo*, additur *Alleluja* in tota hac Octava, ex eodem Clemente Undecimo, *ibidem*, §. 21.

S. VI.

An aliquod Festum duplex translatum celebrari possit infra Octavam Sacratissimi Corporis Christi.

Attentis quatuor Rubricis, videtur dicendum, nullum Festum duplex translatum posse celebrari infra Octavam SS. Corporis Christi. Prima enim est Generalis Breviarii, tit. 7. de Octavis, sub numer. 3. ubi sic habetur expressè: *Infra Octavam Corporis Christi fit tantum de Duplicibus, non tamen translatis, cum commemoratione Octavae.* Secunda verò Rubrica legitur tertio loco post Tabellam de Occurrentia in fine Rubricarum Generalium, ibi: *Infra Octavam Corporis Christi neque fit de Duplici translato, & de ea, quocunque adveniente Duplici, fit commemoratio.* Tertia autem apposita est in ipsa Feria quinta Festi in Proprio de Tempore, & sic præscribit: *Si ea die occurrat Festum duplex, transfertur post Octavam.* Quarta denique Rubrica reperitur in Missali, statim post Missam Festi, & est tenoris sequentis: *Infra Octavam non fit de aliquo Sancto, nisi fuerit Duplex occurrens, non autem translatum.* Dum igitur tot Leges Rubricarum generaliter & uniformiter loquuntur de Duplici translato sine ulla exceptione non celebrando, omnia videntur Duplicitia contineri in prohibitione: dum enim totum dicitur, nihil excluditur: nec est nostrum distinguere, ubi Lex non distinguit.

Nihilominus, quia una Rubrica explicat alias, armiter tenendum, dari exceptionem in Duplici pri-

518

51

primæ classis translato: Siquidem Rubrica Generalis Breviarii tit. 10. de translato. Festor. sub num. 1. hanc nobis translationem ostendit; quam cæteroquin tacent aliæ quatuor Rubricæ Generales; sic itaque ait: *Si autem Festum Nativitatis S. Joannis Baptista venerit in Die Corporis Christi, transferatur in sequentem diem*: Sed Festum S. Joannis Baptiste est duplex primæ classis: ergo Festa duplicia primæ classis translata celebrantur infra hanc Octavam. Nec est speciale privilegium soli Nativitati S. Joannis Baptiste concessum, ut non bene putarunt Aliqui; sed est exemplum, quod solum habetur in Ecclesia Universalis, ut ex eo, quid in similibus sit faciendum discamus. Quapropter Gavantus tom. 2. sect. 3. cap. 8. sub num. 2. rectè ex unico Festo dicti S. Joannis Baptiste, infert ad omnia Duplicia primæ classis translata: ait enim: *Octava Corporis Christi admittit tantum Festa duplicia; non tamen translata, nisi translata sint altioris ritus, ut de Festo S. Joannis Baptiste dicemus*. Et re bene perpenſa, subscribit Claudius La Croix in Theolog. moral. tom. 4. lib. 4. sub numer. 1274. nec non & Halden Germanus, Scriptor Sacrorum Rituum novissimus in Ephemerolog. par. 2. tit. 5. die 13. Junii; pag. 164. ubi ita habet: *Si S. Antonius est Patronus, seu Titularis Ecclesia in casu, quo cadit in Festum Corporis Christi, potest transferri etiam in Diem infra Octavam ejusdem Corporis Christi, nam Rubrica Generalis X. num. 1. quæ explicitè disponit de Festo Nativitatis Precursoris Domini, implicitè disponere videtur de quocunque Festo primæ classis; & paulò antè clariùs asserit sub die 11. ejusdem Junii: nam de Duplicibus primæ classis, etiam translatis, sit infra Octavam Corporis Christi*.

At quia exceptio de Duplicibus primæ classis translatis; & infra hanc Octavam celebrandis, firmat regulam in non exceptis, idèd si in Festo SS. Corporis Christi occurrat Festum duplex secundæ classis, transferendum est post Octavam, &

consequenter infra eam non celebrandum. Hoc profectò clarè patet ex sequenti Declaratione, nimirum: *Commissarius Generalis Ordinis Minoris de Observantia S. Francisci humillimè supplicavit Sacrum Rituum Congregationi, quatenus inter alia dignetur declarare sequens Dubium, videlicet: Festum S. Antonii de Padua, quod in Religione celebratur sub ritu duplici secundæ classis, si occurrat in Die Corporis Christi, an debeat transferri post Octavam, vel fieri in Sabbato infra eam?* Et Sacra eadem Rituum Congregatio sub die 12. Julii 1664. ad secundum Dubium respondit, *transferri post Octavam*: ut refert Angelus à Lantusca in *Theatro Regular. verb. Officium Sanctorum*, sub num. 6. pag. mihi 388. Attamen Michael Bauldryus in *Man. Sacrar. Cæremoniæ*, par. 4. cap. 16. artic. 1. sub num. 3. pag. 268. ac etiam Bernardus Bissus in *Hierurg. rom. 1. verb. Festum Corporis Christi*, sub num. 66. §. 1. tenent posse infra hanc Octavam fieri. etiam de duplici secundæ classis translato. Et revera post illud Decretum supra relatum in responsione ad Dubium à prædicto Commissario Generali in Sacra Rituum Congregatione propositum, alterum emanavit in *Ulyssiponen. sub die 30. Maii 1699.* & est apud me, in quo eadem Sacra Congregatio concedit, ut infra hanc Octavam SS. Corporis Christi celebrari possit Officium de quocunque Festo duplici tam primæ, quàm secundæ classis translato, excepta tamen Die Octava, in qua prohibet fieri de duplici secundæ classis occurrente. Ex hoc Decreto confirmatur illatio à supra citatis Auctoribus facta transferendi infra hanc Octavam duplex primæ classis ex eo, quod Rubrica præscribit translationem unius Festi S. Joannis Baptistæ, & ampliatur translatio ad duplex secundæ classis. Quòd si quæras, an fieri possit infra hanc Octavam de Festo duplici primæ vel secundæ classis ante Octavam translato? Respondeo, nullam dari restrictionem in Decreto, neq; videtur major ratio de uno, quàm de altero translato, cum dictum Decretum non distinguat.

Cum

Cum autem ex superius dictis fieri possit de quocumque Duplici primæ vel secundæ classis translato, videndum modeste, an agendum sit de eo in ejus Die Octava occurrente infra Octavam SS. Corporis Christi, supposito, quod in nullo ex præcedentibus diebus reponi potuerit & celebrari? Ad hoc respondeo in favorem partis affirmativæ: Siquidem quod infra hanc Octavam fieri possit de Die Octava alicubi occurrente, probavimus supra, cum de Festis celebrandis locuti sumus, relata ibi Resolutione Sacræ Rituum Congregationis ad rem emanata: Quod autem in Die Octava alicujus Festi Octavam habentis reponi possit suum Festum principale diebus præteritis impeditum, satis superque diximus, cum de tribus Debus Octavis S. Stephani Protomartyris, S. Joannis Evangelistæ, & SS. Innocentium termo erat. Dum igitur Duplex primæ & secundæ classis translatum ex jam dictis celebratur infra hanc Octavam, & infra eam fieri potest de Die Octava, omne absolute Dubium super hoc remanet clarè & plenè resolutum. Sed exemplo res clarior fiat. Quando igitur Feria sexta intra Octavam Pentecostes occurrit die octava Junii, ut in Tabula vigesimaquinta ordinis perpetui, Venetiis in Ecclesia Monialium Convertitarum sub Regula S. Augustini viventium, in diem decimam quintam ejusdem Mensis incidit ibi, Dies Octava propriæ Dedicationis, cujus Festum principale cum non potuerit diebus præteritis celebrari, benè potest transferri in dictam diem decimam quintam, quæ est Dies Octava. Ut autem pateat impedimentum sub oculos Lectoris, & inserviat pro exemplo, ecce ordo totius Octavæ illius Dedicationis. *Die 8. Junii, Fer. 6. infr. Oct. Pentec. semid.* Hodie occurrit in dicta Ecclesia Monialium propria Dedication, quæ ideo ibi transfertur. = *Die 9. Sabb. infr. Oct. Pentec. semid.* = *Die 10. Domin. SS. Trinitat. dup. 2. class.* = *Die 11. Fer. 2. S. Barnaba Apost. dup. maj.* = *Die 12. Fer. 3. S. Joannis*

nis à S. Facundo, dup. min. = Die 13. Fer. 4. S. Antonii de Padua, dup. min. = Die 14. Fer. 5. Fest. SS. Corpor. Chr. dup. 1. class. = Die 15. Junii, Fer. 6. Dies Off. Dedicat. in Ecclesi. Monial. & ejus Festum translatum, dup. 1. class. (fuit 8. hujus) com. SS. Corpor. Chr. non verò Ss. mm. Viti, &c.

Occurrit etiam hoc proprio loco notandum, quoddammodo Festa duplicia primæ classis vel unum primæ, & alterum secundæ eodem die occurrant, potest de altero translato absque ulla dubitatione fieri infra hanc Octavam, nam Resolutio Sacra Rituum Congregationis, quam supra retulimus inter Festa intra Octavam, celebranda, non est intelligenda de duplicibus primæ vel secundæ classis, quæ cum possint ex jam dictis celebrari translata, possunt & reponi ex quocunque die sumpta etiam si forsitan occurrerant ante Festum SS. Corporis Christi. Addamus tamen exemplum ad clariorem rei intelligentiam. Quando Festum SS. Corporis Christi incidit in diem vigesimam tertiam Junii, ut in Tabula trigesima quarta Ordinis perpetui, Venetiis in Ecclesia Parochiali & Collegiata SS. Trinitatis die vigesima quarta ejusdem Mensis duo occurrunt Festa duplicia primæ classis, quorum alterum sequenti ordine tunc & eo casu eveniente debet ibidem transferri, videlicet: *Die 23. Junii, Fer. 5. Fest. SS. Corpor. Chr. dup. 1. class. = Die 24. Fer. 6. Nativit. S. Jo: Bapt. dup. 1. class. = Die 25. Sabb. Apparitio S. Marci Evang. dup. maj. = Die 26. Domin. infr. Off. SS. Jo: & Pauli, dup. min. = Die 27. Fer. 2. Dedicatio illius Eccles. Paroch. dup. 1. class. (fuit die 24. hujus Mensis.)* Cur autem transferenda sit in hujusmodi casu Dedicatio Ecclesiæ, & non Nativitas S. Joannis Baptistæ, ratio clarè patebit ex inferiùs dicendis in fine sequentis Paragraphi.

S. VII.

Quomodo intelligenda sit illa Rubrica Breviarii de Nativitate S. Joannis Baptistæ veniente in Festo SS. Corporis Christi.

Rubrica Generalis in Breviario tit. 10. de 523
translat. Festor. sub numer. 1. sic revera
 habet: *Si autem Festum Nativitatis S. Joannis Baptistæ venerit in Die Corporis Christi, transfer-
 tur in sequentem diem; Ex dictis tamen Rubricæ*
 verbis invaluit apud quosdam opinio hoc Anno 1734. in quo scribo; & in quò casus contingit,
 quòd dictum Festum S. Joannis Baptistæ esset qui-
 dem transferendum in diem sequentem; sed non
 impeditam Festo duplici occurrente; quia Rubri-
 ca ad ly *sequentem* non addidit, *etiam impeditam*.
 Hanc sententiam; ut verum fatear, ego tenui in
 quarto meo Romano Divinorum Officiorum De-
 cennio publicis Paternis typis consignato intra
 Annum 1732. pro sequentibus decem Annis. Ita-
 que in eo; in diem vigesimam quintam Junii
 1734. juxta Ecclesiam Universalem nullum in il-
 la Feria sexta impedimentum habentem, transtuli
 quidem dictam S. Joannis Nativitatem; sed cum
 sequenti adnotatione videlicet: *Notandum, quòd*
Rubrica illa Breviarii tit. 10. de translat. Festor. sub
numer. 1. nempe: Si Festum Nativitatis S. Joannis
Baptistæ venerit in Die Corporis Christi, trans-
fertur in sequentem diem, non venit intelligenda
de die necessario sequenti, sed de die sequenti non im-
pedita,
 Ec 2

pedita, prout dies hodierna est libera in Ecclesia Universalis: & idè si hodie in Ecclesia particulari occurrat Festum duplex, agendum est de eo, cum commemoratione Octavæ Corporis Christi, protracta ulterius Nativitate S. Joannis Baptista, nempe ad primam diem non impeditam infra eandem Octavam SS. Corporis Christi. Sic igitur ibi dicebam,

Innixus autem fui tum auctoritati, tum etiam rationi, & postmodum praxi. Et ut incipiam ab auctoritate: Bauldryus in *Man. Sacrar. Caremoniar. par. 4. cap. 16. artic. 1. sub num. 3. pag. 268.* sic habet claris verbis: *Fit de Festo S. Joannis etiam translatò, verbi gratia, si occurrat in Festo Corporis Christi, transfertur in Feriam sextamsequentem, nisi impediatur aliquo Festo duplici, quia tunc transfertur in Sabbatum, tunc temporis non impeditum, quia Festum SS. Joannis & Pauli erat semiduplex transferendum ratione Octavæ Privilegiatæ semiduplicia non admittentis, Huic Bauldrii opinioni subscribit Halden in Ephemerolog. par. 2. tit. 5. die 13. Junii, pag. 264. ubi disertis verbis tradidisse Bauldryum asserit. Et licet dictus Halden tam par. 1. tit. 31. vers. Feria V. pag. 192. quàm etiam par. 2. tit. 6. die 24. Junii dicat, quòd in hujusmodi occurrentia Festum S. Joannis transfertur in proximè sequentem diem, seu in Feriam sextam mox subsequentem, ibi loquitur de translatione in Ecclesia Universalis, nam revera FERIA illa non est impedita: Quando verò loquitur de impedimento, ut par. 1. tit. 31. vers. Octava Corporis Christi, pag. 198. sic se explicat, nempe: Octava Corporis Christi non admittit duplicia translata, nisi sint prima classis: unde fit de Festo S. Joannis Baptista translatò, si, verbi gratia, occurrat in Festo SS. Corporis Christi: tunc enim transfertur in Feriam VI. proximam, nisi hæc sit impedita Festo alio duplici, in ea occurrente, tunc enim transfertur in Sabbatum, nisi & hoc similiter sit impeditum.*

Plurimi etiam postea feci quandam Epistolam responsivam, quam Illustrissimus Dominus N. N. Vir

Vir clarissimus, & peritus in Arte conscripsit, & ad Reverendissimum Dominum N.N. in Sacris Functionibus diligentissimum (quorum nomina reverenter tacentur) Roma Venetias transmissit. Cum enim requireretur de sua sententia ad Dubium: *An die 25. Junii 1734. agendum esset in Feria sexta de Nativitate S. Joannis Baptista translata, vel potius de Apparitione S. Marci Evangelista, qua ab utroque Clero sub ritu duplici majori Venetiis eadem die celebratur, ita respondit: Sul Dubbio proposto, mi prendo la licenza, per soddisfare in qualche parte a' riveriti comandi di V. P. Reverendissima, di dirgli privatamente il mio debole sentimento. Io dunque sono di parere, che debba in Venezia li 25. Giugno farsi l'Uffizio dell' Apparizione di S. Marco, come giornata sua propria, e non già quello di S. Giovanni Battista: poichè la Rubrica che dice doverfi questo fare nel dì immediate seguente, quando è impedito dalla Festa del Corpus Domini, deve intendersi nel caso, che in tal giorno 25. non vi sia alcun Santo, e non già, che abbia voluto fissar tal giorno per S. Giovanni Battista, con escludere dal giorno proprio il Santo, che cade. Così io la intendo, salvo meliori, &c. e rassegnando à V. P. Reverendissima la mia officiosa divozione, resto, = Di V. P. Reverendissima = Roma li 6. Marzo 1734. = Devotissimo, &c. = N.N.*

Hicce de auctoritate præmissis, sic me ratio movebat. Et primò quidem se offerebat observatio illa, quòd non est casus unicus illius Rubricæ de translata. Festor. tit. 16. sub numer. 1. in quo nominetur Officii translatio in diem sequentem absque additione non impeditam, & tamen communiter intelligitur de die libera. In Missali etenim sub die vigesima tertiâ Septembris, sic habetur: nisi fuerit Dominica, quia tunc Festum S. Lini transfertur in Feriam secundam sequentem, & non additur, non impeditam. Sic, antequàm Festum SS. Joannis & Pauli, quod occurrit die vigesima sexta Junii, usque ad Annum 1728. in quo factum est duplex,

legebatur propria die in Breviario in Proprio de Sanctis Rubrica tenoris sequentis: *Quòd si hoc Festum venerit in Dominica, transfertur in sequentem diem, & nihil aliud addebatur*. Ita inter varias Rubricas, quæ habentur pro Octava Conceptionis Beatæ Mariæ Virginis, sic expressè legitur de Festo S. Luciae occurrente in die decima tertia Decembris: *Si hodie fuerit Dominica, Festum S. Lucia transfertur in Feriam secundam sequentem, & neque hoc loco Rubrica subdit, non impediri*: ergo non est casus unicus prælibatæ Rubricæ de translat. Fester. ergo quotiescunque dicitur dumtaxat, *in sequentem diem*, videtur intelligendum de die sequenti non impedita.

Nec mihi satis probabatur Aliquorum opinio tenentium, quòd Nativitas S. Joannis Baptistæ habeat duos dies pro ejus Festivitatis celebratio-
ne: unum quidem solitum, & ferè quovis anno suum proprium, scilicet vigesimum quartum Junii: alterum verò insolitum, & rarissimè contingentem, nimirum vigesimum quintum ejusdem Mensis: eo prorsus modo, quo Festum semiduplex duos dies habet infra Octavam communem, unum videlicet consuetam & fixum ac quovis anno assignatum, alterum autem translationis in Feriam secundam, quando occurrit in Dominica infra Octavam. At mihi facilis videbatur responsio: nam si illa Feria secunda pro Festo semiduplex est impedita, Rubrica Breviarii *de translat. Fester. tit. 10. sub numer. 5.* illud transfert post Octavam: Ergo à pari, si Feria sexta est impedita, transfertur Nativitas S. Joannis Baptistæ ad aliam diem, sed infra Octavam SS. Corporis Christi, si detur locus. Præterquàm quòd de Festo semiduplex in casu proposito habemus legem, quam adhuc claram non habemus pro duobus diebus Nativitatis S. Joannis, cum nondum aliqua habeatur à Sacra Rituum Congregatione illius Rubricæ *sub numero primo appressa* interpretatio.

Sed major ratio, qua potius movebar, illa mihi vide-

videbatur, quia ad exclusionem Festi duplicis in sæpè dicta Feria sexta occurrentis, non sufficit, (ut reor) dicere, *transfertur in diem sequentem*, sed addendum est, *licet impeditam*. Quando enim Papa voluit, expressit: in nostro autem casu non expressit: ergo noluit. Voluit itaque, quia expressit, quando Dominica 2. post Epiphaniam non habet suum diem festivum ante Septuagesimam: expressit enim Papa, quòd ad illam collocandam in Officio feriali transferatur Officium semiduplex occurrens, ut habetur in propria Rubrica Breviarii ante Dominicam primam post Epiphaniam: & concordat Rubrica Missalis statim post Missam de Die Octava Epiphaniæ. Voluit, quia expressit, quando Annuntiatio Beatæ Mariæ Virginis venit in Parasceve, vel in Sabbato Sancto: expressit enim, quòd in hujusmodi casibus transferatur ad Feriam secundam post Dominicam in Albis, cum exclusionem Festi in ea occurrentis, dummodo non sit altioris ritus, ut decrevit Alexander Octavus anno 1690. *sub die 11. Februarii, & 11. Martii*. Voluit etiam, quia expressit, quando Festum de septem Doloribus Beatæ Mariæ Virginis incidit in Festum S. Josephi Confessoris: expressit enim, quòd reponatur in Sabbato immediate sequenti, & Festum S. Joachimi itidem Confessoris, in dicto Sabbato occurrens, transferatur juxta Rubricas, ut sic fieri mandavit Benedictus Decimus tertius anno 1729. *sub die 25. Januarii*. Ex dictis ergo clare patere videtur, quòd absque speciali & expressa Papæ volentis declaratione non tollitur de sua sede Festum occurrens, ut ibi reponatur translatum.

Sed & Praxis ejusdem Anni 1734. in quo casus contigit aliquid confluere ad hujusmodi opinionem, cum nonnulli Kalendaristæ in diversis Orbis Civitatibus existentes, convenerint ad ulteriorem translationem Nativitatis S. Joannis Baptistæ. propter impedimentum Festi duplicis in dicta Feria sexta apud ipsos occurrentis. Duo igitur Di-

529

fectoria ad Divinum Officium ab omnibus sub Regula S. Benedicti militantibus spectantia , & pro eodem Anno 1734. inservientia: quorum unum *Venetis* est impressum apud Bonifacium Viezzeri tunc *Typographum Patriarchalem* : alterum verò editum *Patavii* , ex *Typographia Joannis Baptista Conzatti* : Nec non & alia duo ejusdem Anni , scilicet *Cisterciense* ad usum Monachorum Congregationis *Reformatæ S. Bernardi* , *Roma* excusum *typis Antonii de Rubéis in via è Foro. Rotunda ad Seminarium Romanum* : & *Vallisumbrosanum* pro tota Congregatione Monachorum , in lucem datum *Florentiæ* , *Typis Domini Ambrosii Verdi* : Omnia & quatuor dicta Directoria adnotarunt celebrandum die vigesima quinta Junii Festum duplex minus occurrens S. Guilielmi Abbatis , & Nativitatem S. Joannis Baptistæ transfulerunt uniformiter ad diem vigesimam octavam ejusdem Mensis in Feria secunda infra hanc Octavam SS. Corporis Christi . Duo quoque Monasteria *Venetis* existentia , unum S. Georgii Majoris Monachorum Ordinis S. Benedicti , & alterum S. Mariæ Servorum in suis Directoriis pro ipsomet anno 1734. excussis , collocarunt dicta die vigesima quinta Junii Officium Diocesenum occurrens Apparitionis S. Marci Evangelistæ , quod apud nos eodem die celebratur sub ritu duplici majori , & de eo agunt etiam Regulares Urbis : Nativitatem verò translatam reposuerunt in dicta Feria secunda . Prædicta sex Directoria sunt apud me , & dum scribo , præ manibus teneo , & sub oculos habeo .

Prædicta tamen opinio suum poterat habere robur , & sic firmata subsistere videbatur , quia nullus Auctor (quod ego sciam) aliam tenet sententiam : & præsertim , quia revera usque ad Annum 1734. in quo contigit casus , imò & ultra , nullam dederat supra relatæ Rubricæ interpretationem Sacra Rituum Congregatio . Attamen , ut verum fatear , attendenda erant maxima Privilegia à Deo concessa suo Joanni usque ab utero Matris

Matris suæ : siquidem anticipatum ei tribuit rationis usum , ut agnoscendo exultaret , & exultando intelligeret . De ventre Matris suæ recordatus est nominis sui , illique per Angelum nomen imposuit Joannis . Nascitur à sterili , & congratulabantur Vicini , & Consanguinei ejus : In Circuncisione , merito Filii loquitur Pater , & ideo mirati sunt universi , quia verè agnoscitur missus à Deo , nam & manus Domini erat cum illo . In tenella ætate Desertum ingreditur , nec sine miraculo , ut diverteret ab Herodis tyrannide tunc Infantes ad necem quærentis , & ut ibi Matre defuncta , Angelus illum custodiret & instrueret . Totam postmodum in Baptismo Christi vidit Trinitatem , Patrem in voce , Filium in carne , Spiritum Sanctum in Columba . Sed & ipse Christus , quantus esset Joannes , publicè coram Populo manifestavit : Dixit enim , quia erat plusquam Propheta : explicavit de Joanne , quòd antea dixerat per suum Malachiam : *Ecce ego mitto Angelum meum ante faciem tuam : & tandem inter alias Joannis exaltationes fatetur , quòd non surrexerit inter natos mulierum major Joanne Baptista .*

Hinc est , quòd ejus Nativitatem tot tantisque illustratam prodigiis solam cernimus celebrari inter Sanctos : unde Augustinus *serm. 20. de Sanctis* , considerans & obstupens ait : *Post illum sacrosanctum Domini Natalis diem , nullius hominum Nativitatem legimus celebrari , nisi solius Beati Joannis Baptiste .* Quapropter conveniens erat , ut qui tot Privilegiis fuit ornatus à Domino , etiam haberet privilegium in recitatione sui Officii , ita ut Rubricam illam potiùs intelligeremus , mutata sententia , de die sequenti etiam impedita , ut ipse Joannes in propria die anniversaria suæ Nativitatis saltem gauderet commemoratione , nec protraheretur ejus Festum ulteriùs ob impedimentum alterius Festi duplicis in Feria sexta alicubi occurrentis , sed casus particularis cederet universali ,

fali, & eſſet exceptio Rubricæ Generalis. Ideò-
que Sacra Rituum Congregatio anno 1736. duobus
ſcilicèt annis poſt calus occurrentiam, diſtis Pri-
vilegiis prudentiſſimè conſideratis, & attentis,
pr. mò ſup. & hoc requiſita, ſic reſolvendo reſpon-
dit ad ſequens Dubium, ſcilicèt.

*Eiſſalen, = Ad inſtantiam P. Abbatis Monafterii
Eiſſaleniſis ſub die 23. Junii 1736. inter alia Dubia
propoſitum & reſolutum fuit etiam nonum inſcrip-
tum, videlicet: Quando Feſtum SS. Corporis Chri-
ſti occurrat in Feſto S. Joannis Baptiſta, quæritur,
quando recitandum erit Officium S. Joannis? Et Sa-
cra Rituum Congregatio ad nonum reſpondit;
Si Feſtum S. Joannis Baptiſta, ſive aliud ex ſolemnio-
ribus venerit in Die Corporis Chriſti, Officium S. Jo-
annis ſingulari Privilegio transferatur in ſequentem
diem à quocunque Officio duodecim Lectionum etiam
impeditam, cum commemoratione Octava: ſed in ſe-
cundis Veſperis Corporis Chriſti fit commemoratio tan-
tùm S. Joannis; Cætera vero Feſta ſolemniora occur-
rentia in diſta Die Corporis Chriſti transferuntur in-
fra Octavam in primam diem non impeditam. Et
ita declaravit, & ſervari mandavit, Die 23. Junii
1736. Diſtum Decretum, prout ſupra ſtat & ja-
cet, eſt apud me in forma authentica, cum ſo-
lito Sigillo, & cum ſubſcriptione de propria ma-
nu Illuſtriſſimi D. Secretarii. Licèt autem diſta
Declaratio loquatur de impedimento Feſti occur-
rentis duodecim Lectionum juxta Ritum Mona-
ſticum, quia quæſitum fuit à P. Abbate Ordinis
S. Benediſti, intelligitur abſque dubietate etiam
de Feſto occurrente novem Lectionum juxta Ri-
tum Romanum. Dum igitur, quia modò voluit,
Eccleſia tandem expreſſit, & Rubricam illam ſic
interpretata eſt Sacra Rituum Congregatio, cor-
ruit alia quæcunque opinio, quibulvis auctorita-
tibus & rationibus iuſſulta: & reverenter iuſce-
pta diſta Declaratio, obedienter eſt exequenda
in hujusmodi calus occurrentia licèt à nobis val-
dè remota, nec ampliùs quoad hoc ſtandum eſt
Aucto.*

Auctoribus superius relatis.

Notandum tamen primò circa dictum Decretum, quòd ly à *quocunque Officio etiam impeditam*, comprehendit omne Festum alicubi quavis solemnitate celebrandum, licèt Patroni Loci, Titularis Ecclesiæ, ac Dedicationis: unde prædicto casu eveniente, licèt à nobis per sæcula remoto, Regii in Ducatu Mutinensi transferendum erit Festum S. Prosperi Episcopi Confessoris die vigesima quinta Junii ibidem occurrens, licèt præceptivum, quia de Patrono principali illius Civitatis. Notandum secundò, quòd, translata insequentem diem Nativitate S. Joannis, sicuti primæ ejus Vesperæ sunt impeditæ à secundis Vesperis ex integro dicendis de Festo SS. Corporis Christi, sic ad Matutinum in die dictæ Nativitatis translata uniendus erit Hymnus Vesperarum cum illo ejusdem Matutini sub unica conclusione *Sis decus Patri, &c.* quia cum ambo simul contineant successivam Actionum historiam, & uterque sit ejusdem metri, non est in hujusmodi casu incipiendum à medietate: & hoc legitime infertur tum ex Decreto *de die 26. Aprilis 1692.* emanato pro Hymnis propriis S. Martinæ Virginis & Martyris, quod postmodum factum fuit Rubrica Breviarii sub die trigesima Januarii: tum etiam ex alio recentiori Decreto *in Einsidlen. de anno 1736. sub die 5. Maii* pro Hymnis propriis S. Hermenegildi Martyris, ubi tamen dicitur, quòd Hymnus Vesperarum impeditus dicatur ad Matutinum, & Hymnus Matutini ad Laudes, quia in ejus Officio ad Laudes nullus citatur Hymnus proprius. Notandum tertio, quòd si transferendum sit Festum Dedicationis vigore Decreti supra relati occurrens die vigesima quinta Junii, ut reponatur in illa Feria sexta Festum translatum S. Joannis Baptistæ, multo magis transferendum erit, si occurrat in ipso die Nativitatis celebrandæ extracatum occurrentiæ in Die SS. Corporis Christi. Notandum quartò, quòd aliud Festum ex solemnio-

maioribus, primæ scilicet & secundæ classis, occurrens in dicto Festo SS. Corporis Christi, de quo in Decreto supra extenso, tunc non reponitur in Feria sexta sequenti, quando illa est impedita à Festo duplici occurrente, non verò quando est libera, & nullum aliud habetur præcedens translatum ejusdem classis. Pater ex dictis, quòd Privilegium S. Joannis non datur alteri.

S. VIII.

De iis, quæ spectant ad Dominicam infra Octavam SS. Corporis Christi.

HÆc Dominica infra Octavam SS. Corporis Christi, quæ inscribitur etiam, & est secunda post Pentecosten, habet quidem primas Vesperas, sed nunquam integras, nam si in Sabbato actum sit de Die infra Octavam, à Capitulo sit de hac Dominica sub ritu semiduplici in colore albo, ut clarè patet, & dicuntur prout in Breviario, sed post Orationem Dominicæ sit commemoratio de Octava, nec non & Festi simplicis forsan subsequenter. Quòd si simul occurrat una, vel duæ Octavæ, sit etiam de illis commemoratio in Vesperis Sabbati: & idè si hæc Dominica veniat die Octava Junii, ut in Tabula decima sexta ordinis perpetui, Cremonæ in Ducatu Mediolanensi, in Vesperis Sabbati de Die infra Octavam SS. Corporis Christi sit à Capitulo de Dominica, cum commemoratione Octavæ privilegiatæ, & de Die sexta infra Octavam SS. Patronorum Marcellini & Petri. At si in Sabbato factum sit Officium de Festo duplici, in secundis ejus Vesperis faciendæ est commemoratio Dominicæ,

nicæ, & SS. Corporis Christi. Si verò & in Dominica agendum fuerit de duplici ejusdem ritus cum illo Sabbati, vespere in Sabbato (nisi attendenda sit major dignitas) dividendæ sunt à Capitulo, cum commemoratione præcedentis, & Dominicæ, ac SS. Corporis Christi, nec non & alterius Octavæ, si alicubi occurrat, ac Festi simplicis, si subsequatur : idcirco si hæc Dominica infra Octavam incidat in diem vigesimam sextam Maii, ut in Tabula tertia, Volaterræ in Tractu Pisano Tusciæ, die vigesimaquinta in Sabbato Vespere erunt de S. Gregorio Papa Septimo, à Capitulo de S. Philippo Nerio, cum commemoratione præcedentis S. Gregorii, & Dominicæ & de Octava Privilegiata ac de Die sexta infra Octavam Dedicationis illius Cathedralis, nec non S. Eleutherii Papæ & Martyris.

At quid agendum, ubi in hac Dominica infra Octavam SS. Corporis Christi occurrit Dies Octava SS. Trinitatis? Si in Sabbato actum est de SS. Corpore Christi, procul dubio Vespere ibi erunt de Die Octava sequenti, cum commemoratione Dominicæ, & Octavæ privilegiatæ. At difficultas est, si in Sabbato factum sit Officium de Festo duplici minori, nam primo intuitu Vespere videntur dividendæ à Capitulo de sequenti Die Octava, cum commemoratione præcedentis Duplicis minoris, & Dominicæ, ac Octavæ privilegiatæ, ut de Cæteris Diebus Octavis clarè loquitur Rubrica Breviarii *tit. 11. de Concurr. Offic. sub numer. 7.* At quia omnis Regula suas habere potest exceptiones, quas si claras non legimus in uno loco, inferimus interdum ex alio : ideò in casu proposito integras dicerem in Sabbato primas Vesperas de dicta Die Octava SS. Trinitatis, cum commemoratione Festi duplicis minoris præcedentis, & Dominicæ, ac SS. Corporis Christi. Ratio autem hujusmodi Vesperas tali modo ordinandi, mihi videtur esse, quia si quæcunque Dies Octava Festorum Beatæ Virginis Mariæ ha-

bet integras utraq; Vesperas in concurrentia cum Festo duplici minori, cur non etiam habebit Dies Octava SS. Trinitatis? Certè de utriusque Vesperis ex integro dicendis ad favorem cuiusvis Diei Octavæ de Beata Virgine Maria in prædicta concurrentia, extat Decretum Sacræ Rituum Congregationis de die 11. Augusti 1691. relatum à Clericato de *Sacrific. Missæ; initio Operis, Decreto* 56. & refert etiam Fagioli in *Kalendar. perpet. ration. in Annotat. ad Mensem Decembris, lit. C. sub num. 2. pag. mihi 300.* & habetur quoque inter Rubricas Breviarii Franciscani, *tit. de Concurrenti. Offic. sub nu. 138.* Si ergo dictæ Vesperæ de Die Octava Beatæ Mariæ Virginis sunt digniores quocunque Festo duplici minori; mihi videntur etiam tales, quæ sunt de Die Octava SS. Trinitatis in simili concurrentia. Hæc autem opinio (salva semper meliori, & cum debita reverentia ad præcitatum Breviarii Rubricam) placeat moderno Auctori Joanni Baptistæ Halden Germano in *Ephemerolog. par. 1. tit. 32. vers. Quod si cras, pag. 203.*

Ad Matutinum in hac Dominica non impedita infra Octavam SS. Corporis Christi, nihil sumitur de Psalterio, prout fit in Dominicis infra Octavas communes occurrentibus. Hæc etenim Dominica est una ex quatuor exceptis in Rubrica Breviarii *titul. 4. de Dominicis, sub numer. 2.* & ideo omnia dicuntur de Octava, & hoc idem iterum docet Rubrica alia, quæ habetur hac die in Proprio de Tempore. Omnes tamen trium Nocturnorum Lectiones sunt propriæ, cum Oratione, aliisque suo loco assignatis. Videtur Aliquis, quod si in hac Dominica occurrat Festum simplex, non sit omittenda ejus nona Lectio, quasi Officium hujus Dominicæ non sit de ratione Octavæ, sed de ratione Festi. At quidquid Alii sentiant, non est dicenda dicta nona Lectio de Festo simplici, tum quia Octava comprehendit etiam Dominicam, tum quia

quia ex superius dictis hæc Dominica nihil habet de Psalterio, sed totum de Octava, tum denique, quia Evangelium Dominicæ est de Cœna magna, & ided de Mensa Domini: & hinc benè infert Gavantus *tom. 1. par. 4. tit. 12. sub numer. 12.* quodd Officium hujus Dominicæ quadrat Octavæ cum dicto Evangelio de Cœna magna: Dum igitur quadrat Octavæ, reputatur de Octava: si reputatur de Octava, ergo Dominica debet habere privilegium Octavæ: ergo tacenda nona Lectio de Festo simplici; si in dicta Dominica occurrat: & hæc quidem rationes mihi videntur validissimæ ad ritè & rectè statuendam hanc opinionem.

Ad Laudes autem dictæ Dominicæ non impositæ infra Octavam SS. Corporis Christi, sunt omnia propria suo loco; & post Orationem Diei fit commemoratio de SS. Corpore Christi; & etiam Festi simplicis forsitan hodie occurrentis. Postest etiam contingere commemoratio de una vel duabus Octavis, ut quando hæc Dominica venit die vigesima quinta Junii, ut in Tabula trigesima tertia ordinis perpetui, in Ecclesia Universali fit commemoratio de Octava SS. Corporis Christi, & de Octava S. Joannis Baptistæ: Quando verò hæc ipsa Dominica occurrit die vigesima septima ejusdem Junii, ut hoc Anno 1734. cum Tabula trigesima quinta, Tridenti in Comitatu Tyrolensi fit commemoratio de Octava SS. Corporis Christi, de quarta Die infra Octavam S. Joannis Baptistæ, & de secunda Die infra Octavam S. Vigiliis Episcopi & Martyris, illiusque Urbis Patroni. Sicuti autem hæc Dominica sumit omnia de Octava, & nihil de Psalterio, sic ad Primam non dicitur Psalmus *Confitemini*, neque Symbolum *Quicumque*, sed tres dicuntur consueti Psalmi, ut in Festis, cum Capitulo Nonæ *Filioli mei*, & cum Versiculo *Qui natus es de Maria Virgine* ad Responsorium breve, sumpta clausula Hymnorum ad omnes Horas ex Die Festo, nempe, *Jesu tibi sit gloria* &c.

Festum

Festum verò semiduplex in hac Dominica occurrens, transfertur post Octavam, non enim gaudet privilegio translationis in Feriam secundam licet non impeditam, ut alibi diximus, siquidem Rubrica Breviarii tit. 10. de *translat. Festor. sub n. 5.* clarè loquitur de solo Semiduplici occurrente in aliqua ex Dominicis, quæ occurrunt infra Octavas communes.

§. IX.

De iis, quæ spectant ad Missam, & Vesperas in Dominica infra Octavam SS. Corporis Christi.

IN Missa propria hujus Dominicæ infra Octavam SS. Corporis Christi dicitur *Gloria*, cum secunda tantum Oratione de Octava, nisi occurrat facienda una, vel plures ex commemorationibus supramemoratis in Laudibus. Ante verò Missam solemnem fit aspersio Aquæ benedictæ, juxta Cæremoniam Episcoporum lib. 2. cap. 31. §. 3. pag. miki 397. Cantanda tamen est cum Diacono & Subdiacono, nam toleratis juxta consuetudinem Ecclesiarum Diebus infra Octavam, hanc Dominicam excepit Sacra Rituum Congregatio in *Alexandrina* 1608. sub die 15. Martii, ita referente Barbosa in *Summa Apostolicar. Decis. verb. Missa Conventualis*, Collect. 477. sub num. 6. & novissime P. Merati tom. 1. par. 2. in *Indice*, sub num. 80. Post Epistolam non dicitur hodie *Sequentia*, licet in Missali non habeatur ulla Rubrica de hoc reticentia, sed bene id advertit, & docuit Bauldryus in *Man. Sacrar. Cæremoniar.* par. 4. cap. 16. artic.

16. artic. 1. sub numer. 3, pag. 268. Dicitur etiam *Credo*, & Præfatio Nativitatis *Quia per incarnati Verbi mysterium*, sine tamen ejus *Communicantes*. Ecclesia verò Ambrosiana; quæ per totam Octavam unica utitur Præfatione, quæ est alia à Romana, ut patet ex superius dictis in Festo variat illam in hac Dominica, quam idcirco ex ejus particulari Missali fideliter transcriptam hoc proprio suo loco ponimus per extensum, & est sequens, videlicet: *Verè dignum & justum est, æquum & salutare, nos tibi semper, & ubique gratias agere, Domine sancte, Pater omnipotens, æterne Deus: Majestatem tuam suppliciter exorantes, ut ab Ecclesia tua quidquid est noxium, tua virtute repellas: & quod eidem salutare est, largiaris. Nobisque contra superbos spiritus humilitatem tribuas rationabilem custodire; & gratiam tuam clementer impondas. Nec nos humani incertis auxilii derelinquas: sed tua, qua falli non potest, gubernatione conserves, per Christum Dominum Nostrum. Per quem, Majestatem tuam laudant Angeli, &c.* Quòd si in hac Dominica fiat alicubi expositio SS. Sacramenti ratione Orationis quadraginta Horarum, cantanda videtur (salvo meliori judicio) Missa de Dominica, si non est impedita, quæ cum habeat Evangelium de Cœna magna, quadrat Mensæ Altaris: & jam in ea dicitur secunda Oratio de Octava, quæ est de SS. Sacramento, non quidem in hoc casu sub unica conclusione (ut reor) quia non est hodie Collecta Votiva, sed occurrens commemoratio: & in repositione ad Versiculum *Panem de Cælo* additur *Alleluja*, omissoque *Dominus vobiscum*, statim cantatur Oratio de SS. Sacramento, ut alibi diximus ex Instructione Clementis Undecimi.

Prædicta omnia servantur, quotiescunque Officium sit de eadem Dominica infra Octavam SS. Corporis Christi. At si occurrat Festum duplex, sit de eo, cum nona Lectione Dominicæ ad Matutinum: & in hoc casu ex tribus Lectionibus de

Homilia Dominicæ facerem unam, non quidem de præcepto, sed de consilio: nam si in Matutino de Dominica non impedita omittitur ex dictis nona Lectio de Festo simplici, ut integra legatur Homilia in Evangelium de Cœnz magna, videtur conveniens, ut impedita Dominica, fiat prædicta unio Lectionum. Ad Laudes verò sit commemoratio ejusdem Dominicæ, & SS. Corporis Christi, nec non Festi simplicis occurrentis, nisi Festum illud sit secundæ classis, quia nihil de eo in Missa solemni: vel sit Festum primæ classis, quia nihil sit de Simplici in Officio, neque in Missa sive solemni sive privata: & semper in fine Missæ legitur Evangelium Dominicæ. Præfatio tamen erit de Octava *Quia per incarnati Verbi mysterium*, nisi Festum habeat propriam: unde si Festum S. Barnabæ occurrens die undecima Junii veniat in hac Dominica, ut in Tabula decima nona ordinis perpetui, in Ecclesia Universali dicitur in Missa Præfatio Apostolorum *Te, Domine, suppliciter exorare*: Quod si Dominica incidat in diem tertiam ejusdem Junii, ut in Tabula undecima, Messianæ in Sicilia in Festo ibi occurrente Deiparæ à Sacris Litteris nuncupatæ dicitur Præfatio *Et te in Festivitate*, nam Octava SS. Corporis Christi est quidem Privilegiata, sed non ejus Præfatio.

In Ecclesiis tamen SS. Trinitati dicatis sit in hac Dominica de ejus Die Octava, etiamsi hodie occurreret Festum duplex majus, ut est illud S. Barnabæ, quod ex superius dictis potest incidere universaliter in hanc Dominicam, nam eo translato, celebratur ibi dicta Dies Octava. In primo Nocturno dicuntur Lectiones *de Libro primo Regum*, ut in Dominica ista, sed in secundo & in tertio sumuntur ex Octavario Romano, cum nona Lectione Dominicæ, facta (si placet) unione omnium trium, ex ratione superius allata. Ad Laudes dicuntur Antiphonæ, ut in Festo, sed advertit Gavantus *rom. 2. sect. 6. cap. 19. sub numer.*

3. quomodo legenda sit in tertia Antiphona vox illa *omnium*, ne error fiat in recitatione: ait enim, & benè dicit; quòd conjungenda est cum ore, non autem cum *Patri*: undè pronunciandum est, *in ore omnium*; non verò *in ore*; & postea, *omnium Patri*; quod facillè potest contingere in legendo; nisi attendatur ad verborum-significationem. Fit in Laudibus commemoratio ejusdem Dominicæ, & SS. Corporis Christi, nec non & Festi simplicis, si occurrat: Ad Primam dicitur Symbolum *Quicumque*, non ratione Dominicæ infra Octavam SS. Corporis Christi; sed ratione Diei Octavæ SS. Trinitatis in Dominica: quidquid dicat Lonherus in *Instruct. pract. 2. par. 2. tit. 3. §. 5.* ubi tenet, quòd dictum Symbolum sit dicendum in solo Festo SS. Trinitatis: Neque adhæreo opinioni moderni Halden in *Ephemerolog. par. 2. in Fer. 6. & Sabb. infra Oct. SS. Corpor. Chr.* tuetur enim ibi; quotidie dicendum in Diebus infra Octavam: Placet enim magis quod sentit Gavantus; qui optimè adhærens Rubricæ de hoc Symbolo; sic habet *tom. 2. sect. 5. capit. 20. sub numer. 4.* videlicet: *Non est dicendum quotidie; ubi celebratur Octava SS. Trinitatis; quia Dominica assignatum videtur: quare & in Die Octava dicendum erit; quod aliàs non diceretur, & vide Decretum supra allatum, §. IV. sub numer. margin. 507.*

Dicitur autem Symbolum ad Primam, ut Fidelis in principio Diei; & initio Operum suorum, Deum; quem invocat, veraci Fide credat & confiteatur: & sic lorica Fidei circumdatus, contra omnia adversa muniatur, ac in Operibus bonis vitam æternam Fidelibus promissam mereatur. Hinc est, quòd hoc Symbolum priscis temporibus canebatur in aliquibus Ecclesiis quotidie per totum Annum ad Primam, ut patet ex Thesaurò novo Anecdotorum. *tom. 2. pag. 62. juxta editionem Lutetia Parisiorum factam Anno 1717.* ubi adnotatur sequens Statutum Capituli S. Martini Turonensis, scilicet: *Anno Domini DCCCCXXII. Kalen-*

dis videlicet Junii, statuerunt, ut ex illo tempore, quamdiu sculum statisset, cantarent Fratres generaliter ad Horam Primam, tam Festis diebus, quam quotidianis Catholicam Fidem, quam S. Athanasius, Spiritu Sancto dictante, composuit, id est Quicumque vult salvus esse. Ad dictam tamen Primam in Die Octava SS. Trinitatis dicitur in Responsorio brevi Versiculus Qui sedes ad dexteram Patris, qui videtur convenire cum Officio, non verò (ut reor) Qui natus es de Maria Virgine, ex ratione alibi allata: & nihilominus ad omnes Horas clauduntur Hymni eum strophæ Jesu tibi sit gloria, &c. At si in eadem Die Octava SS. Trinitatis veniat Festum duplex primæ vel secundæ classis, sit Officium de eo, cum nona Lectione Dominicæ ad Matutinum, & in Laudibus sit prius commemoratio de Die Octava tanquam de duplici occurrente, deinde Dominicæ, & tertio loco de Octava SS. Corporis Christi: Casus autem contingit, quando hæc Dominica incidit in Festum S. Joannis Baptistæ, quod est duplex primæ classis, tunc occurrente Tabula trigesima secunda ordinis perpetui. Dixi quodd de Die Octava sit commemoratio ante illam Dominicæ, nam ex supra allata ratione, in omnibus hujusmodi casibus sic agendum decrevit Sacra Rituum Congregatio in una Galliarum de anno 1693. sub die 10. Januarii, & hoc Decretum est apud me.

Missæ verò de dicta Die Octava non impedita SS. Trinitatis in Ecclesiis Titularibus, dicitur ut in ejus Festo, cum commemoratione Dominicæ, & SS. Corporis Christi, ac etiam Festi simplicis eodem die occurrentis. Præfatio quoque dicitur de eadem Octava SS. Trinitatis, scilicet, Qui cum unigenito Filio tuo, non autem de Octava SS. Corporis Christi: & in fine Missæ legitur Evangelium Dominicæ. Quodd si in hac Die Octava non impedita, facienda sit in dictis Ecclesiis expositio SS. Sacramenti, cantatur Missæ de Octava SS. Corporis Christi, sine commemoratione de Die Octava.

Octava SS. Trinitatis. At si in hac Dominica, in qua occurrit dicta Dies Octava veniat Festum duplex primæ vel secundæ classis (ut de Festo S. Joannis Baptistæ diximus supra, ubi casus est cum Tabula trigesima secunda ordinis perpetui) Missa indubitanter erit de illo Festo, in qua servabitur recentissimum Decretum à Sacra Rituum Congregatione emanatum in *Burgen*, anno 1736. sub die 23. Junii, hujusmodi tenoris, videlicet: *Dum Missa cantatur coram SS. Sacramento in Altari exposito, debet fieri commemoratio ejusdem SS. Sacramenti post omnes alias commemorationes: & in Missis solemnibus tantum Festorum prima & secunda classis est facienda sub unica conclusione, ut refert Reverendissimus P. Cajetanus Maria Merati in perutilibus Additionibus ad Gavantum tom. 1. par. 2. in Indice, sub numero 684. pagin. 1427. ubi antea dixerat sub numero 443. pagina 1397. quod Missam in Altari Majori, ubi est expositum publicè SS. Sacramentum, non licet celebrare, præsertim si in Ecclesia adsunt alia Altaria, in quibus celebrari possit, ex eadem Sacra Rituum Congregatione in Bononien, de anno 1670. sub die 9. Augusti, & etiam habet aliud Decretum quoad hoc in Romana sub die 13. Februarii 1666. quod nos antea retulimus in Collectione de Sacris Ritibus sub num. magin. 847. pag. 263. & de Canoniciis, sub num. 199. pag. 316.*

Ad complementum hujus Diei Dominicalis unum restat dicendum, nempe aliquid de ejus Vesperis. Itaque secundæ Vesperæ de hac Dominica infra Octavam SS. Corporis Christi, si non sunt impeditæ, differunt à primis: illæ etenim erant à Capitulo, istæ verò sunt integræ, dummodo & in Dominica nullum occurrat duplex, & in Feria secunda agendum sit de Die infra Octavam. Dicuntur autem, prout notatur in Breviario in secundis Vesperis hujus Dominicæ, cum commemoratione de Octava SS. Corporis Christi, & alterius, vel duarum Octavarum alicubi forsitan occurrentium, ac etiam Festi simplicis, si

sublequatur . Quapropter , si hæc Dominica venerit die vigesima septima Junii , ut hoc Anno 1734. cum Tabula trigesima quinta ordinis perpetui , Tridenti in Comitatu Tyrolensi , in secundis Vesperis de Dominica sit commemoratio de Octava SS. Corporis Christi , de Octava S. Joannis Baptistæ , & de Octava S. Vigiliæ Patroni heri inchoata . At si cras in Feria secunda occurrat Officium duplex majus vel minus , in Dominica non impedita Vesperæ sunt de sequenti , cum commemoratione Dominicæ præcedentis , & SS. Corporis Christi . Si verò in Dominica fiat de Duplici minori , & cras itidem de Duplici ejusdem ritus , Vesperæ sunt à Capitulo de sequenti , cum commemoratione præcedentis , & Dominicæ , ac SS. Corporis Christi . Quod si in Feria secunda agendum sit de Duplici primæ vel secundæ classis , Vesperæ in Dominica non impedita sunt quidem de sequenti , cum commemoratione SS. Corporis Christi , sed non Dominicæ , nam licet Octava sit privilegiata , non tamen est privilegiata Dominica intra eam occurrens , ideoque debet stare Rubricæ generali Breviarii , & Tabellæ de Concurrentia , ubi excluditur commemoratio Dominicæ , si concurrat cum uno vel altero ex dictis duobus Duplicibus . Quoad verò hanc commemorationem Dominicæ oritur Dubium in casu sequenti : In hanc Dominicam incidit Festum duplex primæ classis , quod in secundis Vesperis admittit commemorationem Dominicæ occurrentis : in Feria verò secunda sit de Duplici secundæ classis , quod excludit vigore Rubricæ commemorationem Dominicæ præcedentis : Quid agendum ? Videtur facienda commemoratio Dominicæ , quia ipsa debet stare cum suo principali digniori admittente in secundis Vesperis commemorationem hujusmodi : nec sola commemoratio sequentis minus digni videtur negare debere , quod concedit Festum dignius : Idem quoque dicendum , si utrumque esset ejusdem

dem qualitatis, licet in paritate ritus, ambo videantur in possessione sui privilegii, si tamen de sequenti fiat tantum commemoratio.

Ubi vero in hac Dominica infra Octavam SS. Corporis Christi occurrit Dies Octava SS. Trinitatis, si cras in Feria secunda fiat Officium de Die infra Octavam dicti SS. Corporis Christi, in secundis Vesperis de dicta Die Octava fit commemoratio Dominicæ, & SS. Corporis Christi, ac etiam Festi simplicis subsequenti. Quod si in Feria secunda fiat de Festo duplici minori, sicuti (salvo meliori judicio) censuimus primas Vesperas de hac eadem Die Octava debere esse integras, sic & ex integro credimus dicendas secundas, cum militet eadem ratio majoris dignitatis. Si vero hæc Dies Octava concurrat cum Festo duplici majori, Vesperæ erunt de sequenti, cum commemoratione de Die Octava, de Dominica, & de SS. Corpore Christi: licet enim Dies Octava transferri faciat in occurrentia duplex major, ei tamen cedit in concurrentia: ideoque si hæc Dies Octava incidat in diem decimam Junii, ut in Tabula decima Octava ordinis perpetui, Vesperæ sunt integræ de Festo duplici majori sequenti S. Barnabæ Apostoli, cum commemorationibus, ut supra. Quod si eadem Dies Octava concurrat cum alia Die Octava, ex ratione superius allata majoris dignitatis, in secundis Vesperis de Die Octava SS. Trinitatis facerem commemorationem de alia Die Octava sequenti, & de Dominica, ac de SS. Corpore Christi, quod tamen dictum sit cum debita reverentia, quam præstare nihilominus intelligo Rubricæ Generali Breviarii tituli. 11. de Concurr. Offic. sub numer. 7. At si sæpè memorata Dies Octava concurrat cum sequenti Festo duplici primæ classis, Vesperæ erunt quidem de sequenti, sed cum solâ commemoratione de SS. Corpore Christi, non verò de Die Octava SS. Trinitatis, quia, non est privilegiata, neque de Dominica ex supe-

tius dictis : Quare si hæc Dies Octava occurrat
 die vigesima tertia Junii , ut in Tabula trigesima
 prima ordinis perpetui , in Ecclesiis SS. Trinita-
 ti dicatis Vesperæ erunt de S. Joanne Baptista ,
 cum sola commemoratione de SS. Corpore Chri-
 sti : Attamen si in dicta Die Octava occurrat du-
 plex primæ classis , & die sequenti fiat de Dupli-
 ci minori , Dies Octava adhuc meo judicio habet
 præcedentiam in commemoratione , adeo ut in
 secundis Vesperis de Festo duplici primæ classis
 prius facienda sit commemoratio de Die Octava , de-
 inde de Duplici minori sequenti , & postea de
 SS. Corpore Christi : Non sic tamen , si die se-
 quenti fiat de Duplici majori : unde occurrente
 Tabula trigesima secunda , Venetiis in Ecclesia
 Parochiali & Collegiata SS. Trinitatis , die vige-
 simaquarta Junii , in qua occurrit Dominica in-
 fra Octavam SS. Corporis Christi , in secundis Ves-
 peris de S. Joanne , & non de Dedicatione illius
 Ecclesiæ eodem die occurrente , sit prius com-
 memoratio de sequenti Festo Diocesano occurrente
 Apparitionis S. Marci Evangelistæ , quod apud
 nos celebratur sub ritu duplici majori , deinde
 de præcedenti Die Octava SS. Trinitatis , & post-
 modum de SS. Corpore Christi : translato ibi Fe-
 sto propriæ Dedicationis , ex superius dictis .

D. X.

*De iis, quæ spectant ad Diem
Octavam SS. Corporis
Christi.*

Dies Octava SS. Corporis Christi celebratur sub ritu duplici majori in colore albo. 548
Habet primas Vesperas integras, si in Feria quarta præcedenti actum sit de Die infra ejus Octavam, & in tali casu dicuntur, ut in primis Vesperis Festi, cum unica Oratione, nisi in dictam Diem Octavam incidat Festum simplex, quia tunc in his primis Vesperis fiet commemoratio de eo. Possunt tamen dari & aliæ commemorationes de una, vel pluribus Octavis simul occurrentibus, ut si hæc Dies Octava veniat die vigesima octava Junii, ut in Tabula trigesima secunda ordinis perpetui, Tridenti in Comitatu Tyrolensi, die vigesima septima ejusdem Mensis in primis Vesperis de dicta Die Octava SS. Corporis Christi sit commemoratio de Die quarta infra Octavam universalem S. Joannis Baptistæ, & de Die secunda infra Octavam specialem S. Vigiliæ Patroni. Quod si in Feria quarta actum sit de Festo duplici minori, vel etiam majori, aut de alia Die Octava alicubi occurrente, adhuc primæ Vesperæ de Die Octava SS. Corporis Christi sunt integræ tanquàm de digniori, cum commemoratione Duplicis præcedentis tanquàm de minùs digno. Si verò in sæpè memorata Feria quarta occurrat Duplex primæ vel secundæ classis in secundis Vesperis de Festo sit commemoratio de sequenti Die Octava SS. Corporis Christi, ut clarè patet.

tet ex Rubrica immediatè ante dictam diem Octavam in Proprio de Tempore, ubi *ly nisi fueris ex solemnioribus*, intelligendum est de Festo duplici utriusque classis, primæ scilicet & secundæ: ideoque si hæc Dies Octava incidat in diem vigesimaquintam vel trigesima Junii, ut in Tabula vigesima nona vel trigesimaquarta, in secundis Vesperis de Festo duplici primæ classis S. Joannis Baptistæ, vel respectivè SS. Apostolorum Petri & Pauli sit commemoratio de sequenti Die Octava SS. Corporis Christi: Idemque dicendum, si eadem Dies Octava veniat die decimaquarta vel decimaoctava Junii, ut in Tabula decimaoctava vel vigesima secunda, nam Ulyssipone in Lusitania sunt secundæ Vesperæ de S. Antonio de Padua nuncupato, & in Congregatione Regulari Eremitarum S. Hieronymi dicuntur secundæ Vesperæ de Beato Petro de Pisis: utrumque enim Festum est ibi duplex secundæ classis, & utrobique sit commemoratio sequentis Diei Octavæ.

Quoad Officium in ipsa Die Octava SS. Corporis Christi celebrandum, omnia dicuntur ut in Festo, etiam quoad Lectiones primi Nocturni: sed in secundo & tertio Nocturno Lectiones sunt propriæ; nec tamen legitur nona Lectio de Festo simplici occurrente. Si tamen occurrat Vigilia S. Joannis Baptistæ, ut in Tabula vigesima septima ordinis perpetui, vel SS. Apostolorum Petri & Pauli, ut in Tabula trigesima secunda, legenda erit ad Matutinum nona Lectio de eadem Vigilia: attamen in hujusmodi occurrentia de octava & nona Lectione Diei Octavæ facerem unam, deinde dicerem nonam Lectionem Vigiliæ: sed hoc consilium est, non præceptum, licet & hoc moneat Rubrica Breviarii tit. 26. de Lectionibus, sub numer. 3. ubi reverà sic habetur circa nonam Lectionem de aliquo Sancto sub ritu simplici celebrando in Festo novem Lectionum: *Omissa nona Lectione in Officio, vel (nota) octava Lectioni adjuncta*: & huic Rubricæ adhæret Gavantus, qui quando

quando in nona Lectione Festi continetur aliquid ipsi Festo conveniens, octavæ lectioni adjungi omnino debere nonam, licet sit hoc ad libitum, tenet *tom. 2. sect. 5. cap. 12. sub numer. 18.* sed in nostro casu nona Lectio de Die Octava loquitur de SS. Sacramento: ergo videtur non omittenda, sed adjungenda octavæ, & postmodum dicenda nona Lectio Vigiliæ. Ad Laudes nulla fit commemoratio, nisi occurrat Festum simplex, vel Vigilia, vel nisi facienda sit commemoratio de aliqua Die infra aliam Octavam, ut supra vidimus in primis Vesperis hujus Diei Octavæ. Ad Primam verò in Responsorio brevi dicitur Versiculus *Qui natus es de Maria Virgine*, sine additione duorum *Alleluja*: & ad omnes Horas terminantur Hymni cum strophæ *Jesu tibi sit gloria*. Quod si hæc Dies Octava venerit die trigesima Junii, ad Laudes fit prius commemoratio de septima Die infra Octavam S. Joannis Baptistæ, deinde de Octava SS. Apostolorum cum Oratione utrique communi, quia translato Festo duplici commemorationis S. Pauli, subintrat commemoratio de Apostolis simul sumptis, & ideo sub unica Oratione: & in tali casu S. Joannes Baptista non amittit suam præcedentiam sibi cæteroquin debitam ante Apostolos: quam præcedentiam verè amitteret, si ea die trigesima Junii fieret de Commemoratione S. Pauli, nam statim post S. Paulum fieri deberet commemoratio S. Petri, & sic ante illam S. Joannis Baptistæ. Si verò Dies Octava SS. Corporis Christi incidat in diem primam Julii (ut hoc Anno 1734., in quo scribo) tunc S. Joannes Baptista præcedentiam, quam diximus habere ante Apostolos, cedit reverenter Agno Dei, nam Officium est de Die Octava digniori SS. Corporis Christi, cum commemoratione de Die Octava minus digna S. Joannis Baptistæ: & per solam commemorationem in simili concurrentia celebratur etiam Dies Octava Dedicationis Ecclesiæ ultimo loco, ut eodem Anno

1734. actum est Venetiis in Ecclesia Parochiali & Collegiata SS. Trinitatis, in qua semper die prima Julii occurrit dicta Dies Octava Dedicacionis ejusdem Ecclesie.

Quæ tamen hæcenus dicta sunt, intelliguntur dicta, si Officium integrum sit de Die Octava SS. Corporis Christi, quæ licet in multis existat privilegiata, cedit tamen tam Festo Nativitatis S. Joannis Baptistæ, quàm etiam alteri SS. Apostolorum Petri & Pauli, si alterutrum occurrat in ea, ut in Tabula vigesima octava, & trigesima tertia ordinis perpetui. At difficultas non stat in occurrentia dictorum duorum Festorum, cum de his clarè loquatur Rubrica generalis in Breviario tit. 10. de translat. Festor. sub numer. 1. ubi enumeratis Duplicibus transferendis, sic subdit: *exceptis tamen Festis Nativitatis S. Joannis Baptista, & SS. Apostolorum Petri & Pauli, quæ in Die Octava Corporis Christi celebrantur*: Sed & Rubrica Missalis statim post Festum SS. Corporis Christi ita clariùs habet: *In Die Octava non fit, nisi de Festo S. Joannis Baptista, & SS. Apostolorum Petri & Pauli, si occurrant*. Difficultas igitur stat in hoc, an illa solummodò duo Festa debeant celebrari, si veniant in dicta Die Octava? Vigore enim dictarum Rubricarum insurgit Lonherus in *Instruct.* 2. par. 5. tit. 10. sub num. 1. litt. K. & cum eo modernus Pisartus tit. 7. sub numer. 5. & uterque pro virili tenent, hoc esse speciale Privilegium dictis dumtaxat competens & solis duobus Festis ab utraque Rubrica distinctè nominatis. Attamen (si verum fateri volo) neuter ex illis ritè & rectè intellexit dictas Rubricas: istæ enim loquuntur de casibus in Ecclesia Universalì occurrentibus, in qua revera sunt illa duo dumtaxat Festa primæ classis: non tamen excludunt alia similia in Ecclesiis particularibus occurrentia: & ideo illa duo Festa stant pro exemplo, ut quid in similibus sit faciendum, discamus. Nec ly *nisi* in Rubrica positum, est indicativum Privilegii, sed demonstrativum e-

xempli, quasi Rubrica dicat: *In Die Octava non fit, nisi de Duplicibus prima classis, prout in Ecclesia Universalis sunt ista duo, Nativitatis S. Joannis Baptistæ & SS. Apostolorum Petri & Pauli.*

Placet ergo tanquàm verior & tutior opinio Gavanti omnium Rubricistarum Magistri, Consultoris Sacrorum Rituum, qui peritus in Arte tom. 2. sect. 3. cap. 8. sub num. 24. sic doctè & fundatè sentit: *Dies Octava Corporis Christi, licet sit dignissima, si tamen ea die occurrat Festum Nativitatis S. Joannis, vel Apostolorum Petri & Pauli, sola gaudet commemoratione, ob singularia merita Sanctorum Principum Ecclesia Christiana toto orbe venerandorum (nota tamen bene) & eadem ratione sit Officium de Patrono Loci, si occurrat in dicta Die Octava Corporis Christi, quia est prima classis in Loco, ubi est Patronus: & idem dico de Titulo Ecclesia; & multo magis affirmarem de Dedicatione Ecclesia, si in eam Diem incideret, quia majus est Festum Dedicationis Ecclesia, quàm alicujus Sancti, juxta D. Thomam lect. 5. in cap. Joan. 10. Nec defunt Alii eandem opinionem tenentes: siquidem Bauldryus generaliter loquitur de omni & quocunque Duplici primæ classis, sine ostensione duorum Festorum in prælibatis Rubricis nominatim expressorum: nam in *Man. Sacrar. Ceremoniæ. lib. 4. cap. 16. artic. 1. sub num. 4. pag. 268.* hilce præcisus verbis constanter ait: *In Die Octava ejusdem Festi fit tantum de Festo duplici prima classis: deinde cum eadem generali locutione, immediate sic prosequitur: & si fit de Festo prima classis, fit tamen semper commemoratio de Octava: Et patet exsuperius dictis, §. 6. sub num. 520. ubi Decretum.**

Patet ex dictis, quòd si in dictam Diem Octavam SS. Corporis Christi incidat Festum Commemorationis S. Pauli Apostoli occurrens die trigesima Junii, ut in Tabula trigesima quarta ordinis perpetui, in Ecclesia eidem S. Paulo dicata fiet proculdubio de suo Titulari tanquàm de duplici primæ classis, sed in Laudibus & in Missa commemoratio de Die Octava faciendà erit post com-

memorationem S. Petri, ex ratione superius allata cum de Diebus infra hanc Octavam recurrentibus sermo erat. Quod si eo anno, quo in hac Die Octava occurrit Festum duplex primæ classis, occurrat etiam Vigilia vel Nativitatis S. Joannis Baptistæ, vel SS. Apostolorum Petri & Pauli, nihil fit de Vigilia in Laudibus, neque in Missa, ex Rubrica Breviarii *tit. 6. de Vigiliis, sub numer. 2.* & ex altera Missalis *tit. 3. de Fer. & Vigil. sub numer. 21.* & consequenter omittuntur illæ duæ Missæ solemnes, de quibus loquitur secunda præcitata Rubrica, quia primò supponit Officium non impeditum de die Octava; deinde circa finem excipit casum Festi duplicis primæ classis. Jejunium verò in dictum duplex primæ classis ex tunc incidens, eadem die servandum est licet Festum sit de Patrono Loci, cujus ratione Aliqui vellent anticipatum, ne contaminetur solemnitas in Mensa, ad quam nullus habendus est respectus, sine facultate Apostolica: Anticipatio enim Jejunii non fit nisi vigore Rubricarum, vel quando occurrit in Dominica, vel quando Festum SS. Corporis Christi venit in Vigilia S. Joannis Baptistæ: casus autem specialis non traditur in exemplum: & quod fit per Privilegium, sine illo fieri non potest, *leg. Jus singulare 15. ff. de leg. Baldus consil. 281. sub numer. 3.*

Sicuti autem in Die Octava SS. Corporis Christi fit de omni & quocunque Festo duplici primæ classis occurrente, cum commemoratione de Die Octava, sic excluditur Festum duplex secundæ classis quantumvis occurrens, nam illa duo Festa S. Joannis Baptistæ, & SS. Apostolorum, quorum nominationem diximus stare pro exemplo, dant etiam exemplum cujus ritus debeat esse Festum occurrens, ad hoc ut celebrari valeat in dicta Die Octava, sed ipsa sunt duplicia primæ classis: ergo sola duplicia primæ classis occurrentia sunt celebranda. Itaque Gavantus *tom. 2. sect. 3. cap. 8. sub numer. 24.* post illatum ex prædictis duobus Festis à Rubrica nominatim expressis certum & tutum

locum cuius Duplici primæ classis occurrenti in hac Die Octava, statim peritus addit: *Festa verò secunda classis cedere debent prædictæ Diei Octava.* Michael quoque Bauldryus in *Man. Sacrar. Caremoniar.* par. 4. cap. 16. artic. 1. sub num. 4. pag. 268. admissio in Die Octava generaliter quocunque Duplici primæ classis occurrente, excludit Festa classis inferioris, statim idcirco subdens: & non alterius ritus: & vide ad hoc supra allatum §. 6. sub numer. 320. Quæ quidem Festa secundæ classis alicubi hodie occurrentia, debent necessariò transferri: quapropter, si Dies Octava venerit die decimatertia, vel decimaquarta, aut decimaseptima Junii, ut in Tabula decimaseptima, vel decimaoctava, aut vigesima prima: in primo casu Minores S. Francisci, tam Observantes, quàm Reformati, & Capuccini transferunt Festum S. Antonii de Padua nuncupati, quod ipsi celebrant sub ritu duplici secundæ classis: Carmelitæ verò Discalceati transferunt in secundo casu Festum S. Elisæi Prophetæ, quod apud eosdem ritum habet eundem: In tertio denique casu Regulares Eremitæ S. Hieronymi transferunt Festum Beati Petri de Pisis, quod in eorum Ecclesiis est duplex secundæ classis,

§. XI.

De iis, quæ spectant ad Missam, & Vesperas in Die Octava SS. Corporis Christi.

Missa in Die Octava SS. Corporis Christi eadem est, quæ & in Festo, cum Gloria, & cum unica Oratione, nisi occurrat Festum simplex, nam eo casu secunda Oratio erit de eo: sed & aliæ occurrere possunt commemorationes, de quibus supra, in Officio ad Laudes. Post Epistolam dicitur *Sequentia*, & post Evangelium *Credo*, cum Præfatione *Quia per incarnati Verbi mysterium*. Missa tamen solemnis dicenda est cum Ministris, seu, cum Diacono & Subdiacono, prout toleratis Diebus infra Octavam ex consuetudine Ecclesiæ, hodie tamen adhibendos esse, expressè respondit Sacra Rituum Congregatio in *Alexandrina*, anno 1608. sub die 15. Martii, apud Barbosam in *Summa Apostolicar. Decis. verb. Missa Conventualis*, Collect. 477. sub num. 6. & novissimè refert etiam P. Merati in *Addit. ad Gavant. tom. 2. in Indice*, sub num. 80. Quod si hac die occurrat Vigilia, vel S. Joannis Baptistæ, vel SS. Apostolorum Petri & Pauli, ut in Tabula vigesima-septima vel trigesima-seconda ordinis perpetui, sit de ea commemoratio in Missis privatis de Die Octava, cum ejus Evangelio in fine: attamen in Cathedralibus & Collegiatis Ecclesiis cantantur duæ Missæ, una de Die Octava post Tertiam sine commemoratione Vigiliæ, & cum Præfatione Octavæ: altera verò de Vigilia post Nonam in colore

colore violaceo, sine commemoratione Octavæ, & cum Præfatione communi, juxta Rubricam Missalis tit. 3. de Fer. & Vigil. sub numer. 2. Incidento autem Die Octava in diem trigesimam Junii, ut in Tabula trigesimaquarta; invertitur ordo commemorationum, nam translato Festo Commemorationis S. Pauli, in quo commemoratio S. Petri fit ante commemorationem S. Joannis Baptistæ, in casu proposito, S. Joannes Baptista suam reassumit debitam præcedentiam: ut superius diximus faciendum esse, cum de Laudibus ageremus: & qui ratione inseparabilitatis cesserat S. Petro, habet in tali occurrentia locum ante Apostolos, quos nihilominus unitos statim post se relinquit commemorandos, cum Oratione utrique communi; quare in Missa de Die Octava sic occurrente, secunda Oratio erit de S. Joanne Baptista, & tertia de Apostolis, juxta Rubricam positam in fine Missalis inter Orationes diversas, ubi dicitur, quod in Oratione *A cunctis* nomen S. Joannis Baptistæ præponitur Apostolis: & in Litanis locum habet ab eis.

Quia tamen hæc Dies Octava SS. Corporis Christi potest esse impedita Festo duplici primæ classis occurrente, ut satis superque probavimus in ejus Officio, in hujusmodi occurrentia etiam Missa erit de eodem Festo, cum commemoratione de Die Octava. At si simul veniat Vigilia, in dicta Missa de Festo non fit commemoratio Vigiliæ, juxta Rubricam Missalis tit. 3. de Fer. & Vigil. sub numer. 2. ubi revera sic clarè habetur: *Quod si Vigilia occurrat in die alicujus Festi ex majoribus primæ classis, in Missa non fit commemoratio de ea.* In unico tamen casu hæc Dies Octava impedita Festo duplici primæ classis, licet sit privilegiata, suum cedit locum in commemorationibus Missæ, nam si hodie occurrat Dies trigesima Junii, in Ecclesia S. Paulo dicata (in qua ex dictis celebratur Festum Titulare) fit prius commemoratio S. Petri, deinde Diei Octavæ, & hoc vigore Rubricæ positæ sub die decima octava Januarii in Proprio de San-

etis, ex qua clarè infertur hujusmodi ordo commemorationum. In Missa tamen de Duplici primæ classis occurrente in Die Octava dicitur Præfatio de eadem Octava, nisi Festum habeat propriam: unde in Festo SS. Apostolorum Petri & Pauli in dictam Diem Octavam incidente, dicitur universaliter Præfatio *Te, Domine, suppliciter exorare*: Messianæ verò in Sicilia, si Dies Octava occurrat die tertia Junii, ut in Tabula septima ordinis perpetui, dicitur Præfatio de Beata Maria *Et te in Festivitate*, nam eo die celebratur ibi sub ritu duplici primæ classis Festum occurrens Deiparæ à Sacris Litteris nuncupatæ. Notandum denique est, quòd si eo Anno, in quo hæc Dies Octava impedita est Festo duplici primæ classis, facienda sit expositio SS. Sacramenti ratione Orationis quadraginta Horarum, Missa erit proculdubio de Festo, cum commemoratione Diei Octavæ, sed non (ut reor) sub unica conclusione, quia hodie Oratio SS. Sacramenti non est Votiva, sed commemoratio occurrens.

At concludamus hanc Diem Octavam SS. Corporis Christi cum secundis ejus Vesperis. Hæ igitur nihil habent specialitatis, sed totum dicitur in eis, ut in secundis Vesperis Festi. Vix autem contingere potest, quòd nulla facienda sit commemoratio de sequenti, cum vel ratione duarum præcedentium Octavarum privilegiatarum, Pentecostes scilicet & ipsius SS. Corporis Christi, sæpissimè habeantur reponenda Officia translata, vel celebranda sint occurrentia. Cum idè illa Feria sexta sit semper impedita, videndum modò est, quomodo regulandæ sint hæc secundæ Vesperæ de eadem Die Octava in multiplici diversis ritus concurrentia. Itaque si die sequenti fiat de Festo semiduplici, vel duplici minori, aut etiam majori, Vesperæ erunt ex integro dicendæ de Die Octava, cum commemoratione sequentis: & si unà cum illo Festo occurrat Simplex, secunda commemoratio fiet de eo, admissis etiam suo loco aliis

commemorationibus de Diebus infra alias Octavas; vel universales, ut S. Joannis Baptiste, & SS. Apostolorum Petri & Pauli, si simul occurrant, vel etiam speciales alicujus Diocesis aut Religionis. Si verò in dicta FERIA sexta agatur de Duplici primæ vel secundæ classis, Vesperæ dicuntur de sequenti, cum commemoratione de præcedenti Die Octava, quæ cum sit privilegiata, non amittit in secundis Vesperis suam commemorationem in concurrentia cum Festo duplici primæ classis sequenti, sicuti amittit alia quæcunque Dies Octava communis: Quapropter si Dies Octava occurrat die decimasexta Junii, ut in Tabula vigesima ordinis perpetui, in Congregatione Regulari Eremitarum S. Hieronymi dicuntur primæ Vesperæ de sequenti Festo Beati Petri de Pisis, quod apud suos celebratur sub ritu duplici secundæ classis: & eodem die Pisis in Tuscia Vesperæ sunt de S. Raynerio Urbis Patrono sub ritu duplici primæ classis: utrumque enim Festum occurrit die decimasextima ejusdem Junii, & utrobique sit commemoratio de Die Octava præcedenti in casu proposito.

At si in Die Octava SS. Corporis Christi occurrat Festum duplex primæ classis, & in FERIA sexta sequenti fiat de Duplici minori vel etiam majori, in secundis Vesperis de illo duplici primæ classis sit prius commemoratio de Die Octava, deinde de sequenti Duplici minori vel etiam majori, nam præcedentiam, quam Dies Octava non potest habere quoad totum ratione impedimenti, debet habere quoad partem ratione privilegii: quare si Dies Octava incidat in diem vigesimam quartam Junii, ut in Tabula vigesima octava ordinis perpetui, Venetiis in secundis Vesperis de S. Joanne Baptista sit prius commemoratio de Die Octava, deinde de Festo Diocesano occurrente Apparitionis S. Marci Evangeliste, quod nos celebramus die vigesima quinta ejusdem Mensis sub ritu duplici majori. Quod si Dies Octava occurrat die vigesima

554

nona Junii, ut in Tabula trigesima tertia, in Ecclesia S. Paulo dicata sunt quidem primæ Vesperæ integræ de Titulari, sed fit prius in eis commemoratio S. Petri, & postea de Die Octava, ex ratione alibi allata. Si verò dicta Dies Octava SS. Corporis Christi veniat die trigesima Junii, ut in Tabula trigesimaquarta, in secundis Vesperis de eadem Die Octava fit prius commemoratio de Die Octava S. Joannis Baptistæ in Ecclesia Universali, deinde de Apostolis, tum quia translato Festo Commemorationis S. Pauli, Dies Octava S. Joannis est duplex, commemoratio autem Apostolorum eo casu non est duplex, sed semiduplex: tum etiam, si impedimento cessante ageretur dicta die trigesima de Commemoratione duplici S. Pauli, adhuc, divisis Vesperis à Capitulo, Oratio S. Joannis esset ante Apostolos, ut docet Rubrica Breviarii: At si dicta Dies Octava SS. Corporis Christi occurrat dicta die trigesima Junii, concurrat alicubi cum Die Octava Dedicationis Ecclesiæ, in secundis Vesperis de Die Octava privilegiata fit prius commemoratio de Die Octava S. Joannis, deinde de Die Octava Dedicationis, & ultimo loco de Apostolis.

Quia tamen Dies Octava SS. Corporis Christi potest etiam occurrere die prima Julii, (ut hoc Anno 1734. in quo Scribo, & utor Tabula trigesimaquinta) sicuti primæ Vesperæ heri erant de dicta Die Octava SS. Corporis Christi, cum commemoratione prius de Octava Die S. Joannis Baptistæ, deinde de Apostolis sub unica Oratione utrique communi: sic secundæ Vesperæ de eadem Die Octava privilegiata debent esse integræ, cum commemoratione de Visitatione Beatæ Mariæ Virginis, licet ejus Festum in Ecclesia Universali sit duplex majus, deinde fit etiam commemoratio de Die Octava S. Joannis, & Apostolorum, ac Festi simplicis. Ubi autem die prima Julii occurrit Dies Octava Dedicationis Ecclesiæ, fit de ea commemoratio post commemorationem S. Joannis. In illis

illis verò Locis, in quibus Festum Visitationis Beatæ Virginis Mariæ est duplex secundæ classis (ut Recineti in Marchia Anconitana, Senogallia in Ducatu Urbinatenfi, Lycii in Apulia, & Asfuriz in Hispania) ibi die prima Julii Vesperæ sunt de sequenti Visitatione, cum commemoratione de præcedenti Die Octava SS. Corporis Christi, postea de Die Octava S. Joannis Baptistæ, non verò Apostolorum, nec Festi simplicis: Ubi tamen dictum Festum Visitationis Beatæ Mariæ Virginis est duplex primæ classis, (ut Laureti in Marchia Anconitana, Augustæ Vindelicorum in Svevia, Pragæ in Bohemia, Zamoræ, seu Sentinæ in Hispania, & in Ecclesiis Titularibus) in omnibus prædictis Civitatibus & Ecclesiis Vesperæ sunt de sequenti, cum commemoratione de præcedenti Die Octava SS. Corporis Christi, quia est privilegiata, & ideo nihil de Die Octava communi S. Joannis Baptistæ, & multò minùs de Apostolis, & de Festo simplici SS. Martyrum Processi & Martiniani.

556

At quia diximus supra in secundis Vesperis Festi, quòd tunc inchoabat expositio SS. Sacramenti, continuanda per totam Octavam: hodie idcirco in secundis Vesperis perficitur hoc Expositionis Octavarium, ubi scilicet mos est & consuetudo. Solitum etiam est Octava Die hujus Festi post Vesperas fieri Processionem ad reponendum SS. Sacramentum, quæ non tam solemnis, & longæ via, ut prima (de qua fusè in Capite sexto sequenti disseremus) sed vel per Ecclesiam, vel parùm extra eam fieri debet, in qua si Episcopus interesse voluerit, debet cum Pluviali SS. Sacramentum portare, & tam in principio, quàm in fine Processionis illud thurificare, & alia facere quæ sunt faciendæ: & demùm Diaconus debet in fine illud includere, & reponere in Tabernaculo, ubi solet continuè asservari, ut verbis utar Cærimonialis Episcoporum *lib. 2. cap. 33. §. 34. n. 415.* Non debet autem unus Officiarius Vesperarum

rarum peragere in hac Die Octava, & alter SS. Sacramentum in Processione deferre, sed deferendum est ab ipso Sacerdote, qui Vesperas cantavit, modò sit saltem Canonicus in Collegiatis; ut decrevit *Sacra Rituum Congregatio sub die 12. Junii 1627. apud Gavantum in Manuali Episcoporum. verb. Processio, sub numer. 33. & refert etiam Ursaya Disceptat. Ecclesiasticar. tom. 2. par. 2. disceptat. 2. sub num. 88. & 90.* In regressu Processionis,posito SS. Sacramento super Altare, cantatur *Tantum ergo, &c.* quo finito, ad Versiculum *Panem de Cælo additur Alleluja*, quæquidem additio convenit cuique repositioni in tota hac Octava. Mox Celebrans erectus, absque nova genuflectione, Ministris Librum sustinentibus, & omisso Versiculo *Dominus vobiscum*, cantet Orationem manibus junctis, & aliis servatis de more, debitis reverentiis, det cum Ostensorio Benedictionem Populo. Eliminandus est ergo abusus Sacerdotum illorum, qui actu benedicunt cum SS. Eucharistia, dum in Choro cantantur verba illa Hymni, scilicet, *Sit & benedictio*, ut bene advertit Baruffaldus in *Commentar. ad Rituale Romanum, tit. 80. sub num. 61. pag. 341.* ubi ad rem citat Sarnellium, qui eruditissimus Auctor *Epistolar. Italicar. tom. 7. Epist. 58. sub num. 10. pag. 116.* sic revera habet, ut modò lego, scilicet: *Vanno dunque errati coloro, che dovendo dare la benedizione colla SS. Eucharistia nell'Ostensorio, aspettano, che si cantino dal Cero quelle parole dell'Inno appunto di S. Tommaso, Sit & benedictio, non considerando, che quelle parole sono dirizzate in lode della SS. Trinità, e però non significano benedizione, ma lode, e rendimento di grazie: Si deve dunque dare la benedizione al Popolo, finita l'Orazione.* Et reverà quando essent cantaturi Orationem? Forsan post benedictionem. Absit omnino. Inutilis quoque est, & nihil significans gestus ille interessentium huic Processioni, per quos fit manu signum Crucis ad prædicta verba Hymni, nam de Benedictione materiali tunc non est sermo,

fermo, & illa verba diriguntur ad SS. Trinitatem, ait Baruffaldus *loco proxime citato*.

Post ea, quæ diffusè diximus de Festo SS. Corporis Christi, & de tota ejus Octava, unum tantum restat, ut scilicet in compendium redigantur ea Privilegia, quibus hæc eadem Octava gaudet & potitur. Sicuti enim in Sacris Historiis breves notæ marginales facilius & utiliùs mandant memoriæ, quæ longo elocutionis tractu in libris leguntur; sacrique Oratores, dum restringunt in Peroratione argumenta disertis facundiæ verbis in Oratione protracta, magis magisque instruunt Auditores, sic in Sacris Ritibus, restricta rerum series magnoperè juvat Rubricarum studiosos. Hæc igitur Octava est privilegiata, quia in suo Festo principali excludit Missam cantatam de quavis Festivitate occurrente & transferenda, nec rationem admittit cujusvis populi Concurfus ad eam celebrandam: Quia in eodem præcipuo Festo non recipit Votivas solemnes, licet pro re gravi, nec pro Defunctis, licet in Die Obitus: Quia infra Octavam non acceptat Festum semiduplex quavis occurrens, nec illud transfert in Feriam secundam quantumvis non impeditam, si fortè occurrat in Dominica: Quia solis receptis Duplicibus occurrentibus, ulteriùs post eam consignat celebranda translata, nisi sint primæ vel secundæ classis: Quia in Vigiliis infra ipsam occurrentibus non vult amittere tuam Missam solemnem, ut in similibus deperdunt Octavæ communes, sed duas requirit cantandas, de Octava scilicet & de Vigilia: Quia in nullo Officio, licet primæ classis, tuam amittit commemorationem in Vesperis, in Laudibus, & in Missa: Quia solis admissis Votivis solemnibus pro re gravi, prohibet Votivas privatas, & de *Requiem*, nec non solemnes in Anniversario Defunctorum: Quia ad Matutinum non acceptat nonam Lectionem de Festo simplici occurrente, & solùm ei concedit commemorationem in Laudibus: Quia Dominicæ infra eam oc-

renti nihil tradit de Pfalterio, sed totum de Festo principali, præter propria: Quia Missæ de Die suffragantur, ac si essent celebratæ pro Defunctis de Requiem in Altari Privilegiato: Quia in Die Octava, solis admissis duplicibus primæ classis occurrentibus, non recipit alia duplicia inferiora: Quia unicam habet Missam quotidie celebrandam cum Sequentia: Quia denique in Ecclesia SS. Trinitati dicata, locum habet præcipuum.

Habes, Lector Ecclesiastice, Octavam, & ultimam ex Privilegiatis. Utinam fruar ergo privilegio tuæ benevolentie, sicuti tuæ studii utilitati. Accipe benignius, quæ pro te scripsi attentissimus. Nullum in mente habui laudationis desiderium, totam retinui juvandi cupiditatem. Quidquid boni in toto Opusculo inveneris, ut libenter accipias, magis magisque rogo: Deumque Optimum Maximum pro me deprecare, ut si ejus sit voluntatis ut adhuc vivam, non reculabo laborem pro alia novo Opusculo, tibi, ut reor, pergratum, de aliis scilicet Octavis, quæ in Ecclesia Universali itidem celebrantur, & nuncupantur communes: ubi nonnulla reperies, scitu digna, quæ etiam ad speciales Dioecesum & Religionum Octavas pertinere cognosces, & appellantur Octavæ Patroni Loci, Titularis Ecclesiæ, ejusdemque Dedicationis.

Dicta Privilegia, sicut præfertur, relata, sunt universalia: majus autem particulare Privilegium habent Carmelitæ Excalceatî utriusque Congregationis, Hispanicæ scilicet & Italicæ, quod hisce novissimis diebus sunt consecuti, ut clarè patet ex Decreto tenoris sequentis, videlicet: = *Ordinis Carmelitarum Excalceatorum Congregationis Hispania & Italia*: = *Cum in tota Religione Ordinis Carmelitarum Excalceatorum maxima sollemnitate, ac Fidelium devotione quotannis Festum, & Octava SS. Corporis Christi celebretur: Propterea Procuratores Generales Congregationum Hispania & Italia Ordinis Carmelitarum Excalceatorum, ad magis promovendum*

CUL

Cultum erga Augustissimum Sacramentum, Sacra Rituum Congregationi humillimè supplicarunt, quatenus benignè indulgere dignaretur, ut in universo eorundem Ordine Octava SS. Corporis Christi in posterum sit Privilegiata, ita ut per totam Octavam de illa celebrari valeat. Sacra eadem Congregatio ad relationem Eminentissimi & Reverendissimi D. Cardinalis Belluga, gratiam petitam, exceptis Festis prima classis, benignè concessit: Die 21. Aprilis 1736. Hoc Decretum, prout supra stat & jacet, Domi asservo in forma authentica, cum solito Sigillo, & cum subscriptione de propria manu Illustrissimi D. Secretarii.



PROCESSIONE SOLEMNI

IN FESTO SS. CORPORIS
CHRISTI.

CAPUT SEXTUM & ULTIMUM.

ANtequam deveniamus ad actum Pro-
cessionis, quæ sit solemniter in Festo
SS. Corporis Christi, opportunum cen-
semus, ut aliquid prius dicamus de
ejus Institutione: & cum Auctores in-
ter se non conveniant, videamus, quænam sit,
cum qua convenire debeamus, probabilior opinio.
Licet igitur Urbanus Quartus instituerit Fe-
stum SS. Corporis Christi, ut satis superque con-
stat (nemine contradicente) ex superius dictis in
ipso Die Festi, non tamen videtur Aliquibus in-
stituisse etiam Processionem, eorumque ratio fun-
datur in Bulla ejusdem Urbani, in qua profecto
(ut patet mihi & cuique legenti) De Processio-
ne altum est silentium, & observat Græcolas in
Commentar. ad Breviar. Roman. libr. 2. capitul. 81.
pagin. 365. quod Urbanus Quartus nihil meminit de
Processione in Bulla, neque S. Thomas in suis de
hoc Festo Opusculis. Et hoc quoque adnotat Fran-
ciscus Pagi in suo eruditissimo Breviario, tom. 3.
de gestis Urbani IV. §. 21. pagin. 309. juxta edit.
Vener. de Anno 1730. nam ibi sic expressè loqui-
tur: Caterum de solempni hujus Diei Processione mi-
nimum quidem verbum habetur in Urbani Quarti
Bulla, qua hanc Solemnitatem instituit: addit verò
statim: Non diù tamen post Festi erectionem, institu-
tam fuisse, docent antiqui Libri, & Rituales circa
istâ tempora scripti, ut asserit Edmundus Marsene
in Tract.

In Tract. de antiq. Eccles. discipl. capitul. 2. Ex his Auctores videntur non adherere opinioni, quod sit Urbana Processionis Institutio: & eo magis, quia Grancolas loco supra citato constanter tenet, quod hæc Processio in Gallia seu Parisiis incepta sit anno 1310. in Italia verò seu Papiæ anno 1404. Sed quid ex hoc? Ergo forsitan Urbanus non instituit? Festum ipsum SS. Corporis Christi ex superius dictis inceptum est Leodii: ergo non instituit Urbanus? Illæ erant Functiones speciales, ista est Institutio generalis. Attamen videamus quid alij sentiant.

Quamvis igitur Bulla Urbana nihil reverà dicat de Processione, non desunt tamen Auctores absque hesitatione sentientes, utrumque eodem tempore fuisse institutum, Festum scilicet & Processionem: Henricus enim Spondanus in *Continuat. Annal. Cardin. Baronii, tom. 1. circa Ann. 1264. sub num. 1.* ita clarè ad rem habet, scilicet: *Urbanus Quartus Sacratissimi Corporis Christi solennitatem annuatim quinta Feria post Octavam Pentecostes perpetuis temporibus (nota) cum solemnibus supplicationibus celebrandam indixit: ubi nomine Solemnis Supplicationis nemo est, qui non intelligat Processionem. Idem quoque sentit Quartus in suo egregio Tractatu de Processionibus sect. 2. punct. 11. pagin. 28. juxta edit. Venet. de Anno 1727. ubi absolute incipit ab unionem utriusque Sacre Functionis: ait enim: Solemne Festum Corporis Christi (nota) eique adjunctam triumphalem Processionem primò instituit Sanctissimus Pontifex Urbanus Quartus: Si primò instituit, ergo hæc sollemnis Processio ab eo ordinata est.*

Duobus prædictis Auctoribus alios duos addendos esse censemus, ut ex pluribus & quidem dignissimis id ipsum sentientibus, clariùs appareat Urbana Processionis Institutio. Jacobus itaque Eveillon, Canonicus Ecclesiæ Andegavensis, infert prudenti ratiocinatione, quod ex institutione Festi SS. Corporis Christi necessariò veniat simul-

tanca

tanea Processionis institutio : Idcirco dum Auctores contrariam opinionem tenentes , nullum alium certum nominant Institutorem , huic eruditissimo Canonico standum esse , ejusque benè fundatam sententiam amplectendam esse adjudicamus . Hic igitur dignissimus Auctor , in Sacris Ritibus optimè versatus , sic in suo Libro , quem difficilè repèriendum ego tamen præ manibus modò teneo , cui titulus , *De Processionibus Ecclesiasticis* , cap. 25. pag. 266. juxta , edition. Parisien. de Anno 1651. sic benè ait , & benè probat , nonnullis & quidem gravissimis in sui favorem citatis : *De Processione autem SS. Sacramenti nonnulli dubitant , an ab Urbano simul cum ipso Festo instituta fuerit , quòd de illa ab eo in sua Constitutione non fiat mentio : quasi verò Summi Pontifices soliti sint in Festorum institutionibus de singulis Officiis Ecclesiastici partibus speciatim præscribere : Sed probabilius videtur : utrique idem fuisse initium : quippè cùm publica Processio ex communi Ecclesia usu ad Festi solemnitatem pertineat . Urbano autem in Institutione ea mens fuit , ut omni genere solemnitatis , & plenè , ut loquitur , hoc Festum celebraretur . Et certè plausus ille Populorum , & publica omnium ordinum tripudiatio , exultatio , & jubilatio , qua in celebratione hujus Festi commemorantur ab Urbano , non aequè videntur posse convenire Divinis Officiis , qua stataridè in Choro à solis Clericis canuntur , ac pompè ipsa Processionis . Voluit igitur Urbanus , ut plenè hoc Festum celebretur : Sed hæc Solemnitatis plenitudo clarè continet etiam hanc Processionem : Ergo instituendo Festum , Processionem simul instituit . Et hoc novissimè intellexit Baruffaldus in Commentar. ad Rituale Roman. titul. 80. sub numer. 2. & 4. pagin. 335. juxta editionem primò Venetiis factam anno 1731. ubi , auditis priùs Partibus , (ut tenendum est de Viris prudentibus & eruditis) seu rationibus utriusque opinionis , habet verba tenoris sequentis , scilicet : Hæc Processio primò instituta fuit ab Urbano Quarto Summo Pontifice : estque omnium solemnissima , &*

ma, & celebratur in Universali Ecclesia, Feria quinta post Festum SS. Trinitatis, peracta jam Octava Pentecostes (nota) ex ejusdem Urbani institutione in ipso Festo Corporis Christi.

Hæc igitur secunda sententia mihi magis probatur tanquam verior: siquidem una est & eadem sacra Functio, Missa scilicet & Processio, ita ut qui extra Cathedralem solemniter celebrat, debeat etiam necessario SS. Sacramentum in Processione deferre; ut ex inferiùs dicendis clarè patebit: imò & in Cathedrali, si Episcopus sit impeditus, & ideo non interveniat. Unde non video cur tam facile negari possit, utrumque fuisse simul ab Urbano Quarto institutum. Quodd si hæc Processio est præcipua hujusce Festi cæremonia, ut ait Grancolas in *Commentar. ad Breviar. Roman. libr. 2. capit. 81. vers. Quoad Processionem*, pagin. 365. non est censendum, quodd Urbanus omiserit quodd præcipuum est, dum ipse in laudabili Constitutione tot exhortationibus curat, ut penè solemnizetur hoc Festum: ex eo autem, quodd Bulla non fuerit statim recepta, non valide inferitur Institutionem Processionis non factam fuisse ab Urbano: Nec officit, quodd Durandus, qui scripsit post annos dumtaxat vigintiduos à publicatione Bullæ, nihil dicat de Festo SS. Corporis Christi, nam ratio silentii non est ratio non Institutionis: Tacuit autem Durandus, quia nondum viderat Bullam ubique acceptatam, & hoc ob bellicos tumultus, quibus penè tota Europa agitabatur, ut ajunt Franciscus Pagi, & Henricus Spondanus *locis supra citatis*. Facit etiam ad rem, quodd restituta Europæ pace, Clemens Quintus confirmavit Constitutionem Urbanam de verbo ad verbum, & sine additione Processionis, ut videre est in *Clement. unic. de Reliq. & vener. Sanctor.* Dum ergo confirmavit sine illa additione, & Festum postea celebratum fuit semper cum Processione, dicendum est, Urbanum Quartum utrumque simul instituisse.

§. I.

De Præcedentia in Processione
SS. Corporis Christi.

364
PRæmissis, quæ ad hujus Processionis institutionem pertinebant, occurrit modò dicendum de Controversiis, quæ persæpè oriuntur ratione Præcedentiæ. Hæ autem Controversiæ sunt quidem prudenter dirimendæ, ut dato pacificè cuicunque suo loco, absque præsentis ejusdem Præcedentiæ contentione, modellè in Processione procedatur, & cum quiete. Sane cum Præcedentia proveniat à Deo, à Natura, à Legge, ut allata trinæ propositionis ratione, bene dissert Scarfantionius in *Animadvers. ad Elacubrat. Canonic. Jac. Ceccoperii*, par. 1. pagin. 2. sub num. 13. potest idcirco unusquisque suum locum prætereendere, nec debet de facili illum alteri cedere: Et cum sit justitiæ distributivæ unicuique suum dare, est etiam cujuscunque suum prætereendere pro virili. Non enim loca digniora quærentur propter ambitum, sed propter finem observandi debitum ordinem, quod est laudabile, & Juri consonum: sunt verba Bordoni de *Præceden. sub num. 6.* & ex eo refert Ursula *Disceptat. Ecclesiasticar. tom. 4. part. 2. disceptat. 25. sub numer. 37.* Quapropter Cæremoniale Episcoporum lib. 2. capitul. 33. §. 4. pagin. mihi 405. intelligit, quòd circa hujusmodi Præcedentiam nullum inferatur Partibus præjudicium: ait enim, quòd si aliqua Præcedentia sit inter aliquos Religiosos, Confraternitates, seu Laicos pendent, qua non ita de facili terminari valeat, poterit Episcopus mandare, ut (nota) absque præjudicio Jurium ambarum Partium, vel procedant secundum ordinem in Rotulo descriptum, vel omnino ab

ab huiusmodi Processione abstineant, donec lis fuerit determinata. Ut autem suum unusquisque retineat locum in Processione, & ad tollenda omnino scandala, quæ ex huiusmodi Præcedentiæ ratione non raro nascuntur, saluberrimam super hoc edidit Constitutionem Gregorius Decimus tertius, quam tanquàm magistralem in hac Præcedentiæ materia, paulò interius suo proprio loco inferendam censemus. Nihilominus varia ejus interpretatio nonnullas tractu temporis innovabit lites: unde opus fuit tum universalibus, tum etiam specialibus Decretis, ut illi acquiescerent, qui facile insurgunt eo præsertim tempore, quo magis Devotio requirit pacificos, & præsertim in hac Sacrosancta Processione, in qua toto humilitatis spiritu associari debemus SS. Sacramentum.

Quapropter, ne eo tempore, quo inchoanda est Processio, prædicta oriantur inconvenientia, Devotionis turbativa, & nutritiva Scandalorum, Cæremoniale Episcoporum dicto lib. 2. capitul. 33. §. 1. & 3. pagin. 404. præscribit, ut Episcopus per aliquos dies ante Festum SS. Corporis Christi conficiat, & notum faciat Rotulum, in quo descriptus sit locus unicuique assignatus in Processione, ne ullus valeat ignorare, quo loco debeat incedere: Quodd si non contentus vult contendere postea de eodem loco, ipsum non expectet Processionis actum. Cum autem teneantur huic Processioni interesse Laicorum Confraternitates, omnesque Regulares, & totus Clerus Sæcularis, idè aliquid quoad istorum locum est particulariter notandum, ut ex Resolutionibus adnexis sciat Episcopus, quomodo se gerere debeat in dicto Rotulo conficiendo, ne lis oriatur ex defectu ejusdem Rotuli locum alicui extra jus sibi acquisitum forsitan tribuentis, & ita præjudicium inferatur Parti contra mentem Cæremonialis prædicti, & sic Pars ipsa ex hoc moveat contentionem de Præcedentiæ.

Licet autem Locorum Ordinarii possint in vim

Con.

563

566

Concilii Tridentini *sess. 25. capitul. 13. de Regu-
lar.* præcidere controversias in hac Præcedentia
subortas in Processionibus, datur tamen ab eo-
rum ordinationibus appellatio devolutiva, in cu-
jus gradu benè datur manutentio possessori, ut
dixit *Rota in Colonien, Præcedentia 9. Junii 1627.
coram Ubaldo*, apud Ascanium Tamburinum *de
Jure Abbat. tom. 3. in fine, decis. 115. sub numer.
8.* & egomet retuli in mea Collectione de Epi-
scopis, *sub numer. margin. 865. pagin. 184.* Idcirco
prudenter se gerat Episcopus in Præcedentiarum
Decisionibus, ne quod habet à Jure, faciat ad al-
ios transire per appellationem: vel ejus pruden-
tia in decidendo ita pateat, ut etiam appellatio-
ne interposita, cogatur quodammodo Judex Ap-
pellationis commendare per confirmationem iudi-
cium Episcopi, & sic gloria erit coram omnibus
de Clero. Quia tamen plures sunt ordines huic
Processioni intervenientium, ponemus idcirco pro
unoquoque distinctè nonnullas Pontificias Consti-
tutiones, & Decisiones, permultas ad nostram
rem pertinentes: Et nihilominus, si quis vel novi
Juris sit alicubi legitimus possessor, vel probata
existat diversa præcedendi consuetudo, eum paci-
ficè relinquimus in suo loco.

S. II.

De Præcedentia Confraternitatum inter se in Processione SS. Corporis Christi.

567

CUM ex præscripto Cæremonialis Episcoporum *libr. 2. capitul. 33. §. 5. pagin. mihi 405.* debeant prius incedere Laicorum Confraternitates, ideo de istis modò est differendum. Ad harum igitur præcedendas Præcedentiæ controversias, primo loco fit obviam laudabilis Constitutio Gregoriana superius citata, quam tanquam in hac materia necessariam duximus in ea parte, quæ Confraternitates concernit, verbatim extendere, depromptam ex Cherubino in *Bullar. Roman. tom. 2. Constitut. 84. ejusd. Pontific. & incipit Exposcit, emanata anno 1583. sub die 15. Julii*, à pluribus cæteroquin relata, quorum catervam ego cito in mea Collectione de Regulis *tom. 1. sub numer. margin. 993. pagin. 417.* Est igitur tenoris sequentis, videlicet: Quicumque ex Confratribus Confraternitatum, inter quos lites & causa occasione Præcedentia orta jam sint, seu oriri contigerit in futurum, qui in quasi possessione Præcedentia ac Juris præcedendi sunt, ii (quibuscunque reclamationibus, protestationibus, appellationibus, & aliis subterfugiis prorsus remotis, & cessantibus, & postpositis) in Processionibus tam publicis quàm privatis præcedere debeant. Quando verò non probetur, aut non constet de quasi possessione Præcedentia hujusmodi, inter Confratres inter se litigantes, qui prius

Sacris usi sunt, in Loco controversia in Processionibus tam publicis quàm privatis præcedere debent.

Quia tamen datur distinctio inter unam & alteram Confraternitatem : & cùm Cæremoniale Episcoporum loco *supra citato* dicat dumtaxat, quodd præcedant Confraternitates Laicorum in hac Processione SS. Corporis Christi : notandum idcirco est, quodd Sodalitati SS. Sacramenti competit Præcedentia supra alias Confraternitates in omnibus Processionibus, in quibus defertur SS. Sacramentum ; ut censuit Sacra Rituum Congregatio in *Mediolanen. sub die 19. Junii 1655. & sub die 19. Septembris 1665. apud Pascuccium in Compend. ad Consultat. Canonic. Jacobi Fignatel. part. 2. titul. de Præceden. pagin. 250. juxta edit. Roman. sed juxta Vener. pagin. 154. & stetit in decis. eadem Sacra Rituum Congregatio in Vercellen. sub die 18. Junii 1695. & in Cramen. sub die 3. Augusti 1697. ut refert Monacelli in Formular. Leg. Pract. part. 1. titul. 6. formul. 12. sub numer. 3. pagin. 217. non attenta ad hoc ratione posterioris forsitan erectionis, sed habito respectu ad ejus majorem in hujusmodi Processione dignitatem : Ipsa enim Confraternitas SS. Sacramenti habet fundatam intencionem in Jure Communi, ut Sanctissimum Eucharistiæ Sacramentum associet immediatè : & propterea in hujusmodi actu, tanquàm sui muneris proprio, debet cæteris omnibus præferri, ex leg. *In civilibus, C. de Offic. Vic. & etiam Gratian. disceptat. 148. sub numer. 127. & seqq. ut dixi in mea Collectione de Sacris Ritibus sub num. marg. 730. pag. 226. juxta editionem Paternam de Anno 1730.**

Confraternitas verd erecta sub nomine Redemptoris, non existente alia in eo Loco ita appellata, intelligitur pro Confraternitate SS. Sacramenti, ut dixit atque firmavit Rota decis. 245. sub numer. 2. coram Cerro, & ex ea refert Franciscus Monacelli in *Formular. Leg. Pract. part. 4.*
(qua

(qua inscribitur *Opus posthumum*) in *supplem. ad ejus primum Tomum*, pagin. 16. sub numer. 132. ideoque debet habere Præcedentiam in eodem Loco, in quo reperitur instituta. Cæterum Aggregatio Sodalitatis ad aliquam ex Romanis Archiconfraternitatibus, nullum jus ei tribuit præcedendi in Processione supra alias Confraternitates non aggregatas: sed debet locum cedere, sicuti cedebat ante Aggregationem, ut respondit Sacra Rituum Congregatio in *una Sancta Severina Præcedentia* sub die 24. Septembris 1713. apud Urfayam doctissimum Almæ Urbis Advocatum *Disceptat. Ecclesiasticar. tom. 1. part. 2. disceptat. 21.* ubi tamen supra sub numer. 8. dixerat rationabiliter, quod talis Aggregatio operatur solum circa Indulgentias & Gratias spirituales, non autem jus aliquod tribuit præcedendi antiquioribus Confraternitatibus, ut observat Rota Romana apud Antonellum de *Jurib. & Onerib. Clericor. in fine Operis, decis. 43. sub numer. 8.* & ita resolvit Sacra Congregatio Episcoporum & Regularium in *Brugnaten.* sub die 23. Novembris 1691. teste Monacelli *par. 1. tit. 4. formul. 17. sub num. 1.*

S. III.

De Præcedentia Regularium inter se in Processione SS. Corporis Christi.

Post incesum Confraternitatum in hac Processione, immediatè succedunt Regulares, qui cum in duas dividantur classes, in Mendicantes scilicet & Monachales, hoc loco intelligimus differere de primis. Non tamen loquimur de Præcedentia unius Conventus inter Regulares ejusdem Conventus, seu de loco Graduatorum, vel de Religiosis Professionem anteriorem aut posteriorem habentibus, cum hujusmodi Præcedentiam ipsimet sibi tradant, & à sepeptis recognoscant. Sed sermo est de Regularibus diversi Ordinis seu Religionis ad hanc Processionem simul accedentibus, & de Præcedentia inter se contententibus. Pro illis ergo, imò & pro omnibus, optimè providit laudabilis Constitutio Gregorii Decimi tertii cæteroquin supra relata in ea dumtaxat parte, quæ solas respicit Laicorum Confraternitates. At cum sit Bulla, ut diximus Magistralis in hac Præcedentiæ materia, etiam quoad eam partem, quæ Regulares concernit, duximus hoc suo proprio loco totam extendere: Est igitur ea, quæ sequitur, videlicet.

Exposcit, &c. — Denobis attributa potestatis plenitudine volumus, & Apostolica autoritate decernimus, quòd quicumque ex Fratribus Mendicantibus inter se de Præcedentia contententibus, qui in quasi possessione Præcedentia ac Juris precedendi sunt, ii (quibuscunque reclamationibus, protestationibus, appellationibus, & aliis

570

571

& alijs subterfugijs prorsus remotis ; & cessantibus , & postpositis) in Processionibus tam publicis quàm privatis præcedere debeant . Quando verò non probetur , aut non constet de quasi possessione Præcedentiæ hujusmodi , inter Fratres Mendicantes , ii , qui antiquiores sunt in Loco controversia , in Processionibus tam publicis quàm privatis præcedere debeant : ita ut si contigerit nova Monasteria aut Domoꝝ alicujus Ordinis Mendicantium in Loco , in quo alterius Ordinis ex dictis Mendicantibus Monasteria aut Domus prius erecta & instituta sint , ille Ordo , qui prius Monasterium aut Domum in Loco habuerit , præcedat .

Quoniam verò post dictam Constitutionem Gregorianam ortæ fuerunt nihilominus multæ lites , idè sub die 26. Augusti 1593. Sacra Congregatio Episcoporum & Regularium ad tollendas omnes controversias , quæ inter Regulares plerumque solent oriri super eorùm Præcedentia in Processionibus , illud in futurum observandum censuit ; quod in Alma Urbe omnium magistra servatur ut habet Quaranta in Summa Bullarii , verb. Præcedentia , & refert etiam Ascanius Tamburinus de Jure Abbat. tom. 1. disputat. 25. quæsto 7. sub numer. 3. Hac non obstante declaratione , nonnulla nihilominus orta sunt litigia , quæ tractu temporis fuerunt resoluta , sive generaliter pro omnibus , sive specialiter pro aliquibus , ut paulò post videbimus . Sanè Cæremoniale Episcoporum lib. 2. ca. 33. §. 5. pagin. mihi 405. ait , quodd ord descrebendus in Rotulo erit , ut post Confraternitates Laicorum , præcedant Religiosi secundum ordinem antiquitatis , vel prout de jure , vel consuetudine præcedere solent , ex quibus verbis infertur , quodd Antiquitas , Jus , & Consuetudo , cum sint inter se diversa , variant etiam locum Præcedentiæ , variasque ostendunt esse rationes præcedendi . Quapropter nonnulla hic apponentur Decreta , ut quidquid sparsim potuit diligentia invenire in materia Præcedentiæ , totum hoc proprio loco habeant Regulares unitum .

Primò igitur se offerunt quatuor Litteræ Sacræ Congregationis Episcoporum & Regularium, quæ licet sint particulares, attamen Pontificia auctoritate universales declarantur, & confirmantur, & omnes Præcedentiam in Processione concedunt Fratribus Minoribus Conventualibus S. Francisci, ut antiquioribus in Loco controversiæ: Una scilicet in *Arben. sub die 6. Martii 1582.* contra Minores ejusdem Ordinis de Observantia nuncupatos: Altera in *Soanen. sub die 24. Maii 1583.* contra Servitas: Tertia verò, & quarta contra Dominicanos, nempe in *Cassanen. sub eadem die 24. Maii 1583.* & in *Ferentina sub die 1. Junii 1604.* Quas quidem quatuor Litteras tanquàm attendentes prærogativam majoris Antiquitatis in Loco controversiæ, & ided conformes & innixas Constitutioni Gregorii Decimitertii, & Sacrarum Congregationum Declarationibus, approbat simul sumptas, & utcunque in casibus particularibus emanatas confirmat, ac generaliter observandas ubicunque contigerit de eadem Præcedentia in Processionibus dubitari, præcipit & mandat Urbanus Octavus apud Cherubinum in *Bullar. Roman. tom. 5. Constitur. 239. ejusd. Pontific. qua incipit Nuper edita anno 1637. sub die 18. Decembris*, & refert etiam Laurentius de Peyrinis de *Privileg. Regular. tom. 3. Constitur. 17. in additione; pagin. mibi 427.* aliique à me citati in mea Collectione de Regularibus *tom. 2. sub num. marg. 2716. pag. 564.*

Secundò notandum est, quòd Fratribus Minoribus Capuccinis Ordinis S. Francisci facultas concessa est deferendi in Processionibus publicis Crucem propriam, & hoc ad submovendam materiam rixarum cum Fratribus Minoribus Conventualibus ejusdem Ordinis S. Francisci, prout concessit Paulus Quintus apud Cherubinum in *Bullar. Roman. tom. 3. Constitur. 107. qua incipit Pastoralis, edita anno 1617. sub die 12. Octobris*. Ad tollendas tamen novas controversias, quæ post concessam dictis Fratribus Capucci-

puccinis propriæ Crucis erectionem, inter Regulares circa Præcedentiam in Processionibus ortæ sunt: idè præfatos Capuccinos cedere debere digniorem locum iis Regularibus, qui sub propria Cruce, & in proprio loco in dictis Processionibus incedebant, antequàm ipsi Capuccini Crucem propriam deferrent, censuit Sacra Rituum Congregatio anno 1619. *sub die 23. Martii*, apud Angelum à Lantusca in *Theatro Regular, verb. Processio, sub num. 6.* Ut tandem dissensionibus, quæ circa Præcedentiam in Processionibus inter eosdem Capuccinos & alios Regulares post concessam ipsis Capuccinis propriæ Crucis erectionem quotidie oriebantur, aditus omninò præcluderetur, Sacra Rituum Congregatio anno 1621. *sub die 10. Julii*, declaravit, erectionem Crucis supradictis Capuccinis fuisse concessam in iis tantùm Locis, in quibus sub Cruce Minorum Conventualium incedebant, quia aliàs id forsan nunquàm permisissent: ac propterea eosdem Capuccinos in Locis, in quibus jam sub propria Cruce, seu in proprio loco sub Cruce Cleri in Processionibus ante hujusmodi concessionem incedebant, eundem locum retinere debere, prout habet Ascanius Tamburinus *de Jure Abbat. tom. 1. disputat. 25. quæstio 8. sub nu. 9. pag. 395.* Decretum verò Sacræ Rituum Congregationis editum anno 1631. *sub die 2. Augusti*, in quo dicitur, quòd Regulares in publicis Processionibus non possint prohiberi, quin incedant sub propria Cruce, confirmatur ad preces dictorum Fratrum Capuccinorum de Terra Modogni in Diocesi Barensi, & etiam prædictis Capuccinis suffragari decrevit Urbanus Octavus in *Bullar. Roman. tom. 5. Constitut. 165. ejusd. Pontific. qua incipit Exponi, edita dicto anno 1631. sub die 30. ejusdem Augusti.* In Causa tandem Ampuriensi Præcedentiæ in Processionibus, vertente inter Fratres Minores Observantes ex una, & Capuccinos parte ex altera, habentes ambos Conventum in Opido de Nului in Sardinia Ampuriensis Diocesis,

Sacra Rituum Congregatio, auditis hinc inde Partibus; in voce & in scriptis pluries informantibus, & præcipuè pro parte Minorum Observantium, declaravit anno 1678. *sub die 26. Novembris*, Præcedentiam deberi dictis Fratribus Minoribus Observantibus, ex quo Observantes sunt priores in ordine qualitatis & Approbationis Apostolicæ, & Capuccini licet priores in fundatione per quatuor annos in eodem Loco, sunt tamen Filiales ex eadem Religione Observantium, & longè posteriores in Approbatione Apostolica, quò casu non intrat Bulla Gregoriana de anterioritate Conventus in eodem Loco: Quod quidem Decretum confirmavit Innocentius Undecimus in *Constitut. qua incipit Nuper, emanata anno 1679. sub die 16. Januarii*, apud Julium de Venetiis in *Chronolog. Histor. Leg. Seraph. Ordin. circa Capitul. Gener. 75. pag. 162.* ubi etiam refert, quòd non acquiescentibus Capuccinis, & idè iterum auditis, Sacra Rituum Congregatio stetit in decisio anno 1680. *sub die 24. Februarii.*

Tertio notandum est, quòd Ordo Carmelitarum debet præcedere in Processionibus Ordinem Fratrum de Mercede, quia Ordo Carmelitarum fuit institutus ante Concilium Generale, ut legitur in *cap. fin. §. Sanè ad Prædicatorum, de Relig. Domib. in 6.* & fuit approbatus ab Honorio Tertio anno 1226. *sub die 30. Januarii*: Ordo verò Beatæ Mariæ de Mercede fuit institutus in dicto Concilio Generali, & approbatus à Gregorio Nono anno 1235. *sub die 27. Januarii*, qui fuit Pontifex post dictum Honorium: Unde sive spectetur initium Ordinis, sive illius Approbatio, ut prior tempore Ordo Carmelitarum debet præcedere, ad not. per DD. in *leg. Honores, ff. de Decur. in leg. fin. ubi Bart. C. de tyronib. lib. 2.* cum aliis relatis à Rota in *Oriolen. Præcedentia 1600. 10. Martii coram Litta, decis. recent. par. 2. decis. 26. sub numer. 1.* Cum autem dicti Fratres Ordinis de Mercede, in Civitate Calaritana Regni

gni Sardiniae commorantes, recusarent dare Præcedentiam præfatis Fratribus Carmelitis ibidem existentibus, non obstante Decisione in Sacro Rotæ Auditorio ad favorem Carmelitarum facta, & per Visitatores Apostolicos sub die 27. Aprilis ejusdem anni confirmata; sed non sine scandalo Populi ad publicas Processiones cum ipsis Fratribus Carmelitis accedere nollent: idè prædictos Fratres de Mercede cogendos esse, ut ad dictas Processiones publicas accedant, & Præcedentiam dictis Fratribus Carmelitis relinquunt, juxta Decisionem & Confirmationem prædictas, decrevit Clemens Octavus, apud Cherubinum in *Bullar. Roman. tom. 3. Constitut. 95. ejusd. Pontific. qua incipit Decet*, emanata anno 1602. sub die 15. Novembris. Ne tamen dictæ Litteræ Apostolicæ intelligantur pro quibusdam tantum particularibus Locis concessæ, idè dictos Fratres Carmelitas ubique locorum Fratribus de Mercede præfatis præcedere debere, ac dictas Litteras in omnibus Locis observandas esse; declaravit idem Pontifex anno 1604. sub die 20. Septembris, referente dicto Cherubino, *ibidem*, *Constitut. qua incipit Ad Romanum*; statim post dictam *Constitut. 95.* & est confirmatio Decreti à Sacra Rituum Congregatione emanati eodem anno 1604. sub die 21. Augusti, ut habet Flavius Cherubinus in *Compend. Bullar. tom. 3. pag. mihi 31.* Cum verò in Causa Aquis Jurium Parochialium inter alia Dubia Sacræ Congregationi Concilii proposita, enixè supplicante Joanne Francisco Stranio Præposito & Parôcho Loci Incisæ, adesset tertium tenoris sequentis, videlicet: *An teneatur Præpositus, qui est etiam Parochus, in publicis generalibus Processionibus fieri consuetis, monitos facere Patres Carmelitas ejusdem Loci, ut ad Processionem accedant, & quomodo?* Et eadem Sacra Congregatio Concilii sub die 19. Maii, & 9. Junii 1703. ad tertium Dubium respondit: *Affirmativè, sive per Nuncium, sive per Schedulam*: ut habetur in Bullario particula-

ulari Clementis Undecimi *par. 3. Constitut. 3. pagin. 542.* & modò reperitur etiam in Bullario Romano novissimæ editionis Luxemburgensis de Anno 1717. *tom. 8. par. 2. Decreto 3. pag. 418.*

Quartò notandum est, quòd Præcedentia in concursu cum aliis Regularibus in Processionibus semper competit Fratribus Discalceatis Ordinis Minorum S. Francisci de Observantia in Provincia S. Joannis Baptistæ Hispaniarum, sive soli, & de per se, & sub propria Cruce, sive sub Cruce, & cum Familia de Observantia incedant, & sive Discalceati, vel Reformati, aut alio quovis nomine nuncupentur, dummodò sint verè Reformati Ordinis S. Francisci: Hoc autem Decretum Sacræ Rituum Congregationis confirmavit Urbanus Octavus in *Bull. Roman. tom. 5. Constitut. 142. ejusd. Pontific. qua incipit Ex incumben-* 576
tis, edita anno 1630. sub die 9. Januarii. Sententia verò diffinitiva à Generali Cameræ Apostolicæ Auditore lata: per quam Præcedentia in Processionibus publicis datur Fratribus Discalceatis Ordinis S. Francisci de Observantia Provinciarum Hispaniensis in concursu Fratrum Ordinis Eremitarum S. Augustini de eadem Provincia in Hispania, approbatur: Dictam autem Præcedentiam competere dictis Fratribus Discalceatis, & non Fratribus Eremitis S. Augustini etiam in Provincia Derthufensi itidem Hispaniarum, declaravit Urbanus Octavus in *Bullar. Roman. tom. 5. Constitut. 328. qua incipit Aliàs, emanata anno 1643. sub die 10. Junii.* Hæc tamen Constitutio de Præcedentia Fratrum Discalceatorum S. Francisci super dictis Fratribus Eremitis S. Augustini confirmatur, & ad omnes ejusdem Ordinis & Regnorum Hispaniarum Provincias extenditur, ita quòd super præmissis à quibuscvis cujuslibet alterius Ordinis Regularibus, & præsertim dictis Fratribus Eremitis S. Augustini molestari nullatenus possint, ut confirmat & extendit dictus Urbanus Octavus, *ibidem, Constitut. 334. qua incipit Cum*
 sicut,

sicut, edita anno 1644. sub die 20. Aprilis. Attamen, ne dictæ tres Litteræ Urbanæ de Anno 1630. 9. Januarii, & 1643. 10. Junii, ac 1644. 20. Aprilis, super dicta Præcedentia inter Eremitanos S. Augustini, & Franciscanos strictioris Observantiæ censeantur adhuc esse in suo robore, sciendum est, quod ad terminos Juris eas reduxit, & ubique terrarum servandam esse Constitutionem Gregorianam supra relatam declaravit Innocentius Decimus in *Bullar. Roman. tom. 4. Constitut. 14. qua incipit Romanus Pontifex, emanata anno 1647. sub die 13. Aprilis*, & ego met retuli in mea Collectione de Regularibus, tom. 3. sub num. margin. 2946. pagin. 57. Fratribus verò Ordinis Eremitarum S. Augustini Discalceatorum de Congregatione Italiæ conceditur licentia erigendi propriam Crucem in publicis Processionibus, dummodò digniorem locum omnibus aliis Regularibus, qui antea Crucem erexerunt, concedant: ut approbato Sacræ Rituum Congregationis Decreto, statuit ipse Urbanus Octavus in *Bull. Roman. tom. 5. Constit. 225. qua incipit Cum sicut, edita anno 1636. sub die 1. Octobris*: Dictam autem Præcedentiam & digniorem locum in Processionibus tam publicis quàm privatis competere & deberi Augustinianis supra Franciscanos Recollectos & Discalceatos juxta dispositionem Bullæ Gregorianæ, & ita in posterum servari in Civitate Oriolensi, decrevit idem Urbanus Octavus, *ibidem, Constitut. 228. qua incipit Ex incumbenti, emanata anno 1637. sub die 12. Januarii*. Novissime tamen in Mexicana Præcedentiæ declaratum fuit, quod Fratribus Discalceatis strictioris Observantiæ de Provincia S. Didaci, in Processionibus publicis & privatis, interveniente vel non interveniente Familia de Observantia, competat Præcedentia super Patres Augustinianos de Provincia SS. Nominis Jesu: Non acquiescentibus autem dictis Augustinianis, responsum fuit, quod pareant, & perpetuò acquiescant:

scant : Et hoc Decretum Sacræ Rituum Congregationis confirmavit Innocentius Duodecimus in *Constitut.* qua incipit *Emanavit nuper*, edita anno 1700. sub die 14. Junii, apud Mathæuccium in *Officiali Cur. Regular. tom. 2. cap. 14. sub num. 6.*

Quintò notandum est, quòd Fratres S. Francisci de Observantia in Processionibus non præcedunt Fratribus Tertii Ordinis, si isti in Loco controversiæ priùs Monasterium & locum obtinuerunt, ut declaravit Sacra Rituum Congregatio anno 1615. sub die 14. Februarii, apud Alcanium Tamburinum de *Jure Abbat. tom. 1. disputat. 25. quæstio 8. sub numer. 10. pag. mihi 395.* Cæterum ad sedandas controversias ortas inter Confratres S. Joannis de Deo, & Ordines Mendicantium super Præcedentia in Processionibus, Sacra Rituum Congregatio Decreto suo censuit, in eorundem Confratrum favorem Constitutionem Gregorianam superiùs relata super Fratrum Mendicantium Ordinum Præcedentia editam, servari debere, à tempore tamen, quo dicti Confratres declarati fuerunt Religiosi : & hoc dictæ Sacræ Congregationis Decretum approbavit, & super dictis controversiis perpetuum silentium imposuit Urbanus Octavus in *Bullar. Roman. tom. 4. Constitut. 76. ejusd. Pontific. qua incipit Commissi*, emanata anno 1627. sub die 26. Novembris. Illud denique observandum & servandum est circa Præcedentiam in Processionibus, quòd si Regulares restituantur simpliciter ad Locum, Præcedentia in dictis Processionibus debetur præexistentibus, quia talis reassumptio seu restitutio habetur pro nova Fundatione, prout declaravit & ita censuit Sacra Rituum Congregatio in *Senogallien. Præcedentia*, anno 1696. sub die 21. Januarii, & stetit in decisio eodem anno sub die 1. Septembris, apud Franciscum Monacelli in *Formular. Leg. Pract. part. tit. 6. formul. 19. sub numer. 14. pag. 228.* & egomet retuli in mea Collectione de Regularibus, tom. 3. sub numer. margin. 4028.

pag. 442. nec non & altera novissima itidem mea
Collatione de Sacris Ritibus, *sub numer. mar-*
gin. 1094. pag. 363. *juxta editionem Paternam de*
Anno 1730.

S. IV.

De Præcedentia Ordinum Mo-
nachalium in Processione
SS. Corporis Christi.

L Icèt Cæremoniale Episcoporum *lib. 2. cap.* 578
33. de hac Processione, §. 5. pag. 405. non
distinguat Regulares à Regularibus, sed
indistinctè uno verbo omnes amplectatur,
dicendo, quòd post Confraternitates Laicorum,
deinde incedunt Religiosi: attamen, quia subdit,
prout de jure, vel consuetudine, videtur satis super-
que intelligere, aliud esse jus Mendicantium, &
aliud jus vel consuetudo Monachorum. Sanè,
quòd Mendicantes debeant dare Monachis lo-
cum Præcedentiæ, nonnullæ firmant Constitu-
tiones Pontificiæ, ac Decisiones Sacrarum Ro-
manarum Congregationum. Primò igitur notan-
dum venit, quòd Monachi Cistercienses Congre-
gationis Beatæ Mariæ Fulienfis de Ordine S. Be-
nedicti, in Processionibus publicis ubique sunt
præferendi Fratibus Ordinum Mendicantium, à
quibus idcirco non possunt dicti Monachi super
præmissis molestari, sub pœna Excommunicatio-
nis Papæ reservatæ eo ipso incurrenda, prout
confirmando Decretum Sacræ Congregationis su-
per negotiis Episcoporum & Regularium depu-
tatæ, ita etiam in Civitate Burdegalensi inviola-
biliter observari & adimpleri jussit Clemens Octa-
vus,

vus, apud Cherubinum in *Bullar. Roman. tom. 3. Constitut. 56. ejusd. Pontific. qua incipit Regis pacifici, emanata anno 1599. sub die 9. Februarii, & refert etiam Ascanius Tamburinus de Jure Abbas. tom. 1. disputat. 25. quæsto 8. sub numer. 1. pagin. 389. nec non & Henriquez Privileg. 5. pagin. verò mihi 421. Secundò notandum est, quòd non solùm novo & clariori Decreto, sed universali firmatur, Fratres Mendicantes semper & ubique tribuere debere Præcedentiam Monachis, ut resolvit Sacra Rituum Congregatio in Monopolitana anno 1619. sub die 3. Martii, ut refert Augustinus Barbosa de potest. Episcopi, par. 2. allegat. 78. sub numer. 37. & ita etiam habet dictus Tamburinus loco supra citato, sub numer. 9. ac egomet retuli in mea Collectione de Regularibus, tom. 2. sub numer. margin. 2025. pag. 331. Verum quidem est, quòd ad hoc ut dicti Monachi eam Præcedentiam consequantur in Processionibus supra Ordines Mendicantes, non debent quætuare, ut declaravit; atque ita respondit Sacra Congregatio Episcoporum & Regularium in una Silvestrinorum anno 1617. sub die 19. Maii, apud Hieronymum Nicolium in *Flosculis ex utroque Jure libatis, verb. Præcedentia, sub numer. 12.**

Cùm autem Monachi ex superius dictis non habeant controversias de Præcedentia in concursu Ordinum Mendicantium, videndum modò restat, quem locum inter se retineant in Processionibus, quando plures simul conveniunt Monachi diversi Ordinis, seu diversarum Congregationum. Quapropter primò dicendum occurrit, quòd Monachi Trium Fontium, & S. Crucis in Jerusalem de Urbe, præcedere debent Monachos S. Eusebii etiam de Urbe, quia illorum Ordo, qui est Cisterciensium, prius institutus & approbatus fuit, quàm Ordo istorum, qui est Cælestinorum, ut dixit Rota in *Romana Præcedentia 24. Maii 1600. coram Lancello, apud Tamburinum de Jure Abbas. tom. 1. disputat. 25. quæsto 6. sub num. 5.*

num. 5. Secundò notandum est, quòd in Processionibus, quæ Veronæ fiunt, in quibus Monachi Cassinenses SS. Nazarii & Celsi, & Olivetani S. Mariæ in Organo, simul interveniunt, Præcedentia danda est Monachis Cassinensibus, & sic in futurum servari mandavit, quibuscunque non obstantibus, perpetuumque silentium super præmissis imponendum esse ambabus Partibus censuit & imposuit Sacra Rituum Congregatio, apud Cornelium Margarinum in *Bullar. Cassinen. tom. 1. Constitut. 268. qua Incipit In Causa, edita anno 1610. sub die 23. Januarii*, & egomet retuli tum in mea Collectione de Episcopis & Abbatibus *sub numer. margin. 589. pag. 122.* tum etiam in altera itidem mea Collectione de Regularibus cujuscunque Ordinis, *tom. 2. sub numer. margin. 1784. pag. 244.* & ita habet dictus Tamburinus loco supra citato.

Tertiò notandum est, quòd Monachi Religionis origine & confirmatione posterioris, si Collegialiter vivant, præcedunt in Processione Monachos Religionis prius approbatæ, si vivant uti privati, & nullum Collegium constituent, etiam quòd antea fuerint ingressi, Gloss. in cap. Statutum; in verb. Collect. de elect. in 6. Innocent. in cap. Cum dilectus, sub numer. 5. de elect. Abbas in cap. Cum non liceat, sub numer. 2. de prescript. & ex eis dixit & firmavit Rota in S. Agatha Gothorum Præcedentia 29. Januarii 1629. coram Motmanno, apud Ascanium Tamburinum de Jure Abbat. tom. 3. in fine, decis. 112. pag. miki 43. Quartò denique notandum est, quòd ubi viget consuetudo, quòd Monachi in Processionibus inter se præcedant ratione Originis & Institutionis Religionis, servanda est, prout articulo plenè examinato, ad relationem Cardinalis Petrucci, ita pro Controversia inter Monachos Camaldulenses, & Vallumbrosanos respondit Sacra Congregatio Episcoporum & Regularium in Forolivien. sub die 27. Februarii 1693. apud Franciscum Monacelli

in

56

in Formular. Leg. Pract. par. 1. tit. 5. formul. 7. sub num. 28. pag. 155. & egomet retuli in mea Collectione de Sacris Ritibus, sub numer. margin. 1068. pag. 353. juxta postremam editionem Paternam de Anno 1730. Licet inter Regulares Præcedentia regulanda sit juxta dispositionem Bullæ Gregorianæ, quod scilicet illa Religio in Processionibus præcedat, quæ prius in Civitate seu Loco, ubi residet, fundavit & habuit Monasterium,

S. V.

*De Præcedentia Cleri Sæcularis
supra Regulares in Processione
S. S. Corporis
Christi.*

CLero Sæculari locum digniorem supra omnes Regulares in Processionibus dandum esse, nemo est qui dubitet: siquidem mille Controversia hujusmodi sopita est Resolutionibus, quarum aliquas volumus hic extendere, tanquam suo proprio loco. Primò enim decretum fuit, quod post Regulares digniorem locum obtineat Clerus Sæcularis, & ita resolvit Sacra Rituum Congregatio in *Messanen. sub die 7. Augusti 1621. apud Barbosa in Summa Apostolicar. Decis. Collect. 207. sub num. 25.* Secundò notandum est, quod etiam in Regnis Hispanicis Castellæ & Legionis servandum est Cæremoniale Episcoporum quoad Generales Processiones, ita ut Fratres, seu Monachi, vel Ordines Regularium antecedant, & Presbyteri seu Clerici Sæculares subsequantur, & ultimum locum obtineant, nec mixtim cum Regularibus incedant: idèdque moneantur omnes Regularium

Sup-

581

Sup
& n
nes
conf
decl
Cler
Pasc
cobi
150.
tum
Greg
cipis
ut h
pag.
Cler
dunt
respo
gular
& p
teste
ceden
Te
cus d
ex ec
pertin
ipfa
bene
cum
Congi
antea
bris 1
lis, i
stolica
idem
Regu
sione
rum
tis,
Soane
Franc

Superiores, ut prædicta omnia observari faciant, & numerum debitum & decentem ad Processiones mittant, non cessante quacunque præsentia consuetudine in contrarium, quam ab usum esse declaravit *Sacra Rituum Congregatio de mandato Clementis Octavi, sub die 30. Augusti 1602. apud Pascuccium in Compend. ad Consultas. Canonice. Jacobi Pignat. par. 2. tit. de Præcedentia, pag. 581. 150.* Dictum verò *Sacra Congregationis Decretum à Clemente Octavo approbatum confirmavit Gregorius Decimus quintus in Constitut. 49. qua incipit Alias, edita anno 1622. sub die 3. Augusti, ut habet Barbosa de potest. Episc. tom. 2. in fine, pag. 71. juxta edit. Venet. dg anno 1707. Sed & Clerici Regulares quoad hanc Præcedentiam cedunt Sæcularibus licet noviter introductis, ut respondit *Sacra Congregatio Episcoporum & Regularium in Cantren. sub die 22. Decembris 1582. & postea in Spoletana sub die 25. Februarii 1598. teste Hieronymo Nicolio in Piosculis, verb. Præcedentia, sub numer. 14.**

Tertiò notandum est, quòd clarè inferitur locus dignior Clericis Sæcularibus dandus, etiam ex eo, quòd Reliquiam deferre in Processionibus pertinet quidè ad Priorem Conventus, unde ipsa Reliquia sumitur; sed reliqui Regulares debent in dictis Processionibus cedere digniorem locum Clero Sæculari, ut resolvit *Sacra Rituum Congregatio anno 1610. sub die 23. Januarii, & antea bis rescripsit, scilicet, sub die 24. Septembris 1605. ac etiam anno 1608. sub die 19. Aprilis, referente Augustino Barbosa in Summa Apostolicar. Decis. Collect. 646. sub numer. 8. Et hoc idem iterum novissimè firmatum est, nempe quòd Regularibus paratis, & deferentibus in Processione Reliquias debetur Præcedentia supra Clerum Sæcularem, non tamen cæteris non paratis, ut respondit *Sacra Rituum Congregatio in Soanen. anno 1693. sub die 4. Septembris, apud Franciscum Moacelli in Formular. Leg. Præf.**

par. 1. tit. 5. formul. 7. sub numer. 32. pag. 155. & egomet retuli in mea Collectione de Regularibus, tom. 3. sub numer. margin. 3962. pag. 414. ita ut nullo modo possunt Regulares, seu Monachi prætereundæ præcedentiam supra Presbyteros Sæculares, licet forsitan ex Sæcularium indulgentia, humanitate, seu alia quavis de causa aliter aliquando servatum fuerit, & ita, non obstante quavis contraria consuetudine, seu prætextu, servari mandavit Sacra Rituum Congregatio anno 1630. sub die 7. Decembris; ut extenso Decreto habet Pascuccijs dicta par. 2. sub eod. tit. de Præcedentia, pag. 150. iuxta edit. Venet. de Anno 1716.

Nec hic finem imponimus, cum dentur & aliæ Resolutiones in favorem Cleri Sæcularis in Processionibus: siquidem Canonicos Ecclesiæ Cathedralis vel Collegiatæ debere semper præcedere Regularibus, censuit Sacra Rituum Congregatio sub die 31. Martii 1678. apud Gavantum in Manuali Episcoporum. verb. Præcedentia, sub num. 27. in addit. Quinimò, Collegiata Sæcularis præcedit Collegiatæ Regulari, Ceccoper. in Lucubrat. Canon. lib. 1. ex num. 215. ad num. 225. Pignatelli Consult. Canon. 26. sub num. 29. & 30. ex eis dixit & firmavit Rota in Lucana Præminentiarum coram Molines Decano, apud Palmam Nepotem Decis. Rota Encensis tom. 4. decis. 320. sub num. 7. pag. mihi 53. Ex quod magis dat robur: si Ecclesia Matrix existat Regularis, & Filialis gubernetur per Clerum Sæcularem, licet in publicis Processionibus Filialis debeat cedere Matri præminentiam, adhuc tamen, quia potentior est, ac generalior distinctio Hierarchiæ Ecclesiasticæ; ordinans, ut Clerus Sæcularis præcedat Regulari, hinc dictus Clerus Sæcularis Ecclesiæ Filialis nanciscitur Præcedentiam super Ecclesiam Matricem Regularem, secundum ea, quæ tuetur Pignatelli. tom. 4. consultat. 26. sub num. 29. & seqq. ut ex eo dixit Rota in Faventina Jurium Parochialium 23. Junii 1698. coram Anfaldo, decis. 55. in Annotat. sub num. 17.

Præ-

583

Pr
tenor
1663
appr
Apol
gatio
tub
Bire
perag
bran
Eccle
tum
trum
ption
tionis
prop
res P
Cont
di, q
lum,
dicto
fimo
tuum
miner
dinali
nenti
Zond
tis, 1
decla
Congre
S. Phil
compet
Secund
iationi
Cruc
matur
voce,
bus au
Secund
dum c

Præmissis Resolutionibus novissimam addimus tenoris sequentis, videlicet: Cum usque ab Anno 1663. cum subsequuta de Anno 1669. Ordinarii approbatione, in Ecclesia Parochiali S. Jacobi Apostoli Civitatis Imolensis erecta fuerit Congregatio septuaginta duorum Sacerdotum Sæcularium sub Invocatione S. Philippi Neri, qui Cotta & Biretto induti per modum simplicis Unionis pro peragendis Congregationibus; ac solemniter celebranda Festivitate eorum S. Protectoris in eadem Ecclesia congregantur; ac juxta proprium Institutum inibi Officia & Missas in suffragium Confratrum defunctorum absque ulla Eleemosynæ receptione semper celebrant, & occasione associationis Cadaverum ejusdem Confraternitatis cum propria Cruce seu Vexillo super omnes Regulares Præcedentiam hucusque habuerunt: Cumque Controversiæ tam super hujusmodi Jure præcedendi, quam deferendi propriam Crucem seu Vexillum, ab universo Clero Regulari adversus supradictos Confratres dudum excitatæ, à Reverendissimo Domino Auditore Sanctissimi ad Sacram Rituum Congregationem remissæ fuerint; modò Eminentissimus & Reverendissimus Dominus Cardinalis Prius Tituli S. Marci, in locum Eminentissimi & Reverendissimi Domini Cardinalis Zondadarii absentis & hujusmodi Causæ Ponentis, infrascripta Dubia inter Partes concordata, declaranda proposuit, nempe: = Primum: = *An Congregationi Sacerdotum Sæcularium sub Invocatione S. Philippi Neri in associatione Confratrum defunctorum competat Præcedentia supra Regulares in casu &c.?* = Secundum: = *An eidem Congregationi occasione associationis eorumdem Cadaverum liceat elevare propriam Crucem in casu, &c.?* Juribus hinc inde deductis maturè consideratis, & tam in scriptis, quam in voce, utriusque Partis Procuratoribus informantibus auditis, rescriptum fuit: *Ad Primum, & ad Secundum, Affirmative, & amplius: prout referendum censuit, & ita decrevit, ac servari manda-*

300 DE PROCESS. in FESTO
vñe Sacra Rituum Congregatio in dicta Causa Imolæ,
ut habetur in Folio Imolæ impresso apud Sanctum
Massam, Superiorum permisso 1719. Dictum autem*
Folium, prout supra stat & jacet, ad mē benig-
ne transmiſit unus ex illis dignissimis Sacerdoti-
bus ejusdem Congregationis, ut eo data occasio-
ne uterer prout illicd̄ usus sum in mea Colle-
ctione de Regularibus, quæ tunc temporis erat
sub prelo, tom. 3. sub numer. margin. 4201.

S. VI.

De Præcedentia Cleri Sæcula- *ris inter se in Processione SS.* *Corporis Christi.*

Visa certissima Præcedentia Cleri Sæcularis
 supra omnes & quoscunque Regulares;
 restat modo observanda Præcedentia, quam
 habet vel habere debet Clerus Sæcularis in
 cursu inter se. Sanè Cæremoniale Episcoporum
lib. 2. cap. 33. §. 5. pag. mihi 405. loquens de hac
Processione, dicit dumtaxat, quodd, si aderunt,
succedant Regularibus Clerici Seminarii, & post
eos Curati, tum Ecclesiæ Collegiatæ, & ultimo
loco Clerus Ecclesiæ Cathedralis: unde supponit,
quodd sine contentione unusquisque cognoscat lo-
cum suum. Certè quoad Seminaristas, quia Se-
minarium non est membrum Ecclesiæ Cathedra-
lis, licet in ea Clerici Seminarii officient, ipsos
debere in publicis Processionibus primos incedere
ante Clerum Sæcularem, & relinquere locum di-
gniore Curatis, jam resolverat Sacra Rituum
Congregatio in Capuana sub die 1. Septembris 1607.
apud Pascuccium in Compand. ad Consultat. Canonic.
Jacobi Pignatelli, par. 2. tit. de Seminario, pag. 386.

juxta

juxta
 met
 que
 tert
 me
 gra
 ult
 nibi
 the
 Cle
 mni
 ad
 dūa
 addi
 alter
 quæ
 cum
 Q
 faci
 de
 qui
 dral
 nefi
 ce. li
 Episc
 die
 habe
 sub
 sunt
 bente
 Conc
 Corfe
 18. su
 ded,
 vit e
 April
 tit. de
 juxta
 ad n
 in Pr

juxta edit. Roman. sed juxta Venet. pag. 240. & ego met retuli in mea Collectione de Parochis utriusque Cleri, sub numer. margia. 457. pag. 94. juxta tertiam editionem Paternain de Anno 1737. Sunt tamen & ipsi de Clero Sæculari, sed sicuti sunt de gradu inferiori, ita etiam primi ante reliquos in ultimo gradu ejusdem Cleri debent in Processionibus incedere. Ubi autem dux unitæ sunt Cathedralæ Ecclesiæ, non potest Episcopus vocare Clericos alterius Seminarii, ut Processio sit solemnior: & si alternativè accedit ad suas Ecclesias ad hanc Processionem celebrandam, si in una ex duabus, in qua eo anno ad hoc se confert, non addit Seminarium, non potest vocare Seminaristas alterius Ecclesiæ Seminarium habentis, quia unaquæque Ecclesia debet suam facere Processionem cum suo Clero.

Quia verò Cæremoniale Episcoporum nullam facit mentionem de Subdiaconis in Ordine, nec de Diaconis, neque de simplicibus Sacerdotibus, qui sunt quidem de Civitate, sed non de Cathedrali; videtur, quoddam nullum Officium vel Beneficium habent, non teneantur ad publicas Processiones, nam sic declaravit Sacra Congregatio Episcoporum & Regularium in Panormigana sub die 23. Novembris 1592. licet sint Sacerdotes, ut habet Nicolius in Lucubrat. lib. 1. Canon. tit. 31. sub num. 22. V. Limita, pag. 92. nec compelli possunt ad accedendum tales nullum Beneficium habentes, ita enim respondit Sacra Congregatio Concilii in Messanen. sub die 7. Februarii 1632. apud Corsetum in Prax. Cæremon. tract. 1. pars. 1. cap. 18. sub num. 23. & hoc iterum firmatum fuit, addidit, ut non sint cogendi sub præp. prout resolvit eadem Sacra Congregatio Concilii sub die 16. Aprilis 1636. ita referente Pascuccio dicta par. 2. tit. de Residentia, pag. 353. juxta edit. Roman. sed juxta Venet. pag. 219. Nihilominus limitandum est ad normam subsequentiæ Resolutionum, nam in Processionibus solemnibus, in quibus intervenit

personaliter Episcopus, ut in ista SS. Corporis Christi, debent interesse, ubi tamen est solitum, ita enim rescriptit Sacra Congregatio Concilii in *Ravellen. sub die 5. Martii 1646.* apud dictum Nicolium loco *supra citato*: Servanda enim est consuetudo, ut Sacerdotes, Diaconi, & Subdiaconi, etiam non habentes Beneficia & Officia, accedant ad Processiones publicas, ut de servitio Ecclesiæ Cathedrali ex consuetudine præstando, censuit eadem Sacra Concilii Congregatio in *Puteolana sub die 6. Julii 1647.* apud Urfayam doctissimum Alinæ Urbis Advocatum *Disceptat. Ecclesiasticar. rom. 1. par. 2. disceptat. 24. sub num. 11. pag. 163. vel 249. juxta edit. Roman. vel Venet.* & specificè ac expressè de interessentia in Processionibus, attenta consuetudine, & necessitate Ecclesiæ Cathedralis, Sacerdotes, & Clericos cogi posse ab Episcopo, resolvit eadem Sacra Congregatio Concilii in *Bri. Elinorien. sub die 11. Januarii 1648. lib. 18. Decretor. fol. 236.* ut testatur dictus Urfaya, *ibidem, sub n. 23. pag. 250.* Sed & novissimè, cum à tempore, cujus initii memoria non existit, in Civitate Neriti vigeat laudabilis consuetudo, ut Ecclesiastici omnes teneantur assistere in Ecclesia Cathedrali, quando Episcopum celebrare contigerit, Aliqui de Clero ejusdem Civitatis recusantes continuare idem servitium, recursum habuerunt ad Sacram Episcoporum Congregationem, in qua proposito Dubio: *An simplices Sacerdotes, & Clerus Neriti, ut asseritur, adscripti, & non adscripti, non habentes Beneficium in Ecclesia Cathedrali, teneantur interesse in dicta Ecclesia in Diebus Pontificalibus?* Eadem Sacra Episcoporum Congregatio, referente Eminentissimo Parocciano, sub die 26. Januarii 1714. respondit: *Constituuntur probationes super asserta consuetudine*: ergo probata sufficienter consuetudine, simplices Sacerdotes supradicti tenentur interesse Functionibus Pontificalibus, & consequenter etiam huic Processioni in Festo SS. Corporis Christi, ut de hac Resolutione aliquid dixi in mea

Collectione de Canonicis utriusque Ecclesiæ, Cathedralis scilicet & Collegiatae, *sub numer. margin. 1798. pag. 525. juxta secundam editionem Paternam de Anno 1722.*

Quod si dicti Subdiaconi, Diaconi, & simplices Sacerdotes de Clero Civitatis, non adscripti, nec ullum habentes Beneficium in Ecclesia Cathedrali, interveniant vigore laudabilis consuetudinis huic Processioni in Festo SS. Corporis Christi, nullam aliam profectò habere poterunt inter se Præcedentiam nisi ratione Ordinis Sacri: & inter Clericos ejusdem Ordinis danda erit Præcedentia antianis, resolvit & declaravit Sacra Rituum Congregatio in Prænestina Præcedentia sub die 13. Augusti 1701. apud Franciscum Monacelli in *Formular. Leg. Pract. par. 4. qua inscribitur Opus Posthumum, in supplemen. ad tertium Tomum, sub num. 100. pag. verò 133. juxta regulam illam, qui prior est tempore, prior est jure.* Non tamen possunt simplices Sacerdotes digniorem locum prætere ex gradu Doctoratus, quia Doctoratus est quidem consideratione dignius, sed non facit aliquem digniorem, quia dignior non dicitur is, qui est doctior, ut dixit *Rota in Cremonen. Concurfus 150. Januarii 1621. coram Manzanedo, decis. 648. sub numer. 4. & ego met retuli in mea Collectione de Concurfu ad Parochiales vacantes, sub numer. margin. 225. pag. 62. juxta secundam editionem Paternam de Anno 1731.* Dicti denique Subdiaconi in Ordine, Diaconi, & simplices Sacerdotes, publicis Processionibus intervenientes, si non sint de Ecclesia Cathedrali, sed de Clero Civitatis, videntur debere incedere statim post Clericos Seminari, & quidem intererunt Superpelliceo induti.

Post Seminaristas si adsint, aliosque de Clero Civitatis Supradictos si interveniunt ex consuetudine, immediate succedunt in hac Processione Curati Ecclesiarum Parochialium cum Cottis, juxta Cæremoniale Episcoporum loco superius citato. Cum enim in utriusque Juris dispositione. Præemi-

nentia concedantur digniori, juxta text. in cap. *statuimus*, de major. & obed. in lib. 1. & toto tit. C. ut dignit. ord. serv. lib. 12. & l. ut gradatim, ff. de muner. ideo rectè Parochi ponuntur hoc loco, ut gradatim Præcedentiam obtineant Ecclesiæ Collegiatae, prout dixit Rota in Burgen. Præcedentiarum 16. Martii 1671. coram Rondinino, decis. recent. par. 17. decis. 87. sub numer. 3. & seq. Imò, quia in hac Processione intervenit Capitulum Cathedralis, bene Præcedentia debetur Beneficiatis ejusdem supra Parochos, ut declaravit Sacra Rituum Congregatio in Taurinen. sub die 2. Octobris 1683. apud Monacelli dicta part. 4. in supplement. ad III. tom. pag. 133. sub num. 103. Inter se autem, ille Parochus præcedere debet, qui prior fuit assumptus ad regimen suæ Parochialis: de Jure enim is præcedit, qui in labore est antiquior, instar Militiæ, l. 2. C. de offic. Magistr. l. fin. C. de tyron. sub numer. 2. Cyriac. controvers. 201. sub numer. 44. Seraphin. decis. 326. sub num. 3. & resolvit Sacra Rituum Congregatio in Maceraten. Præcedentia, referente Eminentiſſimo Sacchetti, atque habetur in Statuto Cleri Romani, in capis. 2. sub §. 6. ut habet Pascucci in Compend. ad Consult. Canon. Jac. Pignat. part. 2. titul. de Præcedentia, pag. 259. vel 157. juxta edit. Roman. vel Venet. Sed inter plures Parochos, sive Regulares sive Sæculares, attendendam esse prærogativam Ecclesiarum, non verò Regulæ quoad Præcedentiam, declaravit Sacra Rituum Congregatio sub die 21. Martii 1609, apud Gavantum in Manuali Episcoporum. verb. Præcedentia, in additione, sub num. 31. & egomet retuli in mea Collectione de Parochis utriusque Cleri, sub numer. margin. 465. pagin. 96. juxta tertiam editionem Paternam de anno 1737.

Dicti tamen Parochi in Processionibus non debent incedere inter Canonicos, sed separatim, ut respondit Sacra Rituum Congregatio in Matherana sub die 12. Maii 1612, apud Corlettum in Prax.

Gara-

Cærimon. tract. 2. par. 1. sect. 1. in addit. sub. nu.
 15. & antea retulerat Barbosa in *Summa Apostoli-*
car. Decis. verb. Rector, *Collect. 629. sub numer. 3.*
 Unde Cærimoniale Episcoporum *lib. 2. capis. 33.*
§. 5. pagin. 405. eos separat, dum facit prius in-
 cedere Parochos, deinde Canonicos Collegiata-
 rum. Præcedentia autem, quæ debetur Parochis
 perpetuis, eadem debetur Parochis & Curatis
 amovibilibus ad putum, quia etiam hi gaudent
 prærogativis Parochorum perpetuorum, ut ex res-
 ponsione Sacræ Rituum Congregationis in *una*
Comen. sub die 27. Martii, 1706. dixit Monacelli
par. 4. seu Opere posthumo in supplem. ad III. Tom.
sub numer. 105. pagin. 133. Romæ verò Vicario
 perpetuo S. Joannis Lateranensis debetur. Præce-
 dentia super cæteros etiam Rectores perpetuos
 Parochialium Almæ Urbis, prout Eminentissimo
 Garpineo Ponente, resolvit Sacra Rituum Con-
 gregatio in *Romana sub die 13. Junii 1693. apud*
Eminentissimum Petram in eruditissimis semperque
laudandis Commentariis ad Constitutiones Aposto-
licas, tom. 1. Constitut. 2. Paschalis II. sub numer.
45. pagin. 377. juxta edir. Roman. & egomet re-
tuli in mea Collectione de Vicariis utriusque Cle-
ri, sub numer. margin. 627. pagin. 177. Cæterum
 in hac Processione SS. Corporis Christi accedere
 debent etiam Curati Religionis Hierosolymitanæ,
 eo quod tenentur ad omnes Functiones, ad quas
 cæteri Curati, ut resolvit Sacra Rituum Con-
 gregatio in *Casertan. sub die 28. Aprilis 1599. te-*
ste Gavanto in Manuali Episcopor. verb. Parochorum
munera, sub numer. 31. Qui autem sunt extra Ci-
 vitatem; in Locis, in quibus habent Plebem,
 non tenentur huic Processioni intervenire, ut ha-
 betur ex Nicolio in *Lucubrat. lib. 1. Canon. titul.*
31. sub num. 22. IV. Limitu, pagin. 51. Sanè non
 potest Episcopus cogere Clerum totius Diœcesis
 ad interessendum Processioni solemni in hac So-
 lemnitate SS. Corporis Christi, prout ad cap. 13.
Contil. Trident. sess. 25. declaravit & ita censuit
 Sacra

Sacra Concilii Congregatio in Forosempromien. sub die 4. Maii 1652. apud Pascuccium par. 2. tit. de Processionibus, pag. 163. juxta edit. Venet.

Ne verò discedamus ab ordine, quem in hac Processione SS. Corporis Christi præscribit Cæremoniale Episcoporum, præmissis Ecclesiarum Parochialium Curatis, veniunt successivè Ecclesiæ Collegiata cum suis Insignibus alias deferri solitis; Hæ autem Collegiata Ecclesiæ non solum semper præcedere debent Regularibus; ut declaravit Sacra Rituum Congregatio in Firmans Terra Victoria sub die 31. Martii 1618. apud Barbosam de Canonis. & Dignitat. ut dixi in mea Collectione de Canonis utriusque Ecclesiæ sub numer. marg. 430. pagin. 126. verum etiam Ecclesia Collegiata etiam simplex, præcedit Ecclesiis Parochialibus, etiam si, antequam erigeretur, illis cederet, ut dixit Rota in Burgen. Præminentiarum 8. Februarii 1677. coram Bourlemont, decis. recent. part. 19. tom. 2. decis. 469. sub num. 25. & hoc antea decreverat Sacra Rituum Congregatio anno 1620. sub die 4. Aprilis, referente Gavanto in Manuali Episcoporum. verb. Præcedentia, sub num. 26. in addit. & postmodum eadem Sacra Congregatio iterum resolvit, Canonicos Collegiata in omnibus esse præferendos, Parocho etiam Matricis Ecclesiæ, anno 1666. mense Augusti, ut habet Pascuccius in Compend. ad Consult. Canon. Jac. Pignat. par. 1. tit. de Funeribus, pagin. 313. vel 194. juxta edit. Roman. vel Venet. & ex me tradit quoque La Croix in Theolog. moral. tom. 2. tract. 4. sub num. 2055. Decreto 153. & multo magis, si Ecclesia Collegiata est insignis; nam respectu Parochialium debet tanquam dignior locum habere à Curatis in Processionibus, ut ex cap. statutum 22. ubi Gloss. dixit & firmavit Rota in Burgen. Præminentiarum 16. Martii 1671. coram Rondinino, decis. recent. part. 19. decis. 87. sub num. 4. sed & novissimè, cum Genuæ in Liguria, Parochi Urbani prætenderent Præcedentiam supra Collegiatam insignem S. Ma-

S. M.
nici
Par
Ca
mi
ad
hab
ad
fiat
C
de
nun
Coll
nen
ceda
tene
quò
habe
vit
29.
giar.
Luc
eo v
naer
gnio
tater
Cap
peric
name
Canon
stravi
prius
Audit
merit
gistra
9. H
ta S.
vis n
magn
cessio

5. Mariæ Vinearum, proposito Dubio: *An Canonicis illa Collegiata debeatur Præcedentia adversus Parochos Urbanos?* Sacra Rituum Congregatio in Causa Januen. Præminentiarum, ad relationem Eminentissimi Barberini, sub die 19. Julii 1710. ad secundum Dubium respondit: *Affirmative*: ut habet *Urfaya*, qui in hac Causa egregie scripsit ad favorem ejusdem Collegiatae, *Disceptat. Ecclesiast. tom. 1. par. 1. disceptat. 6. sub num. 192.*

Cum autem Cæremoniale Episcoporum loquens de hac Processione SS. Corporis Christi, utatur numero plurali, & idcirco dicat, *tum Ecclesia Collegiata*, omnes, quotquot sunt, interesse tenentur. Quapropter si plures sint, & simul accedant, cæteris paribus quoad præcedentiam attenditur tempus erectionis: est enim indubitatum, quod Collegiata Ecclesia nuper fundata nullam habet Præcedentiam super antiquiores, ut resolvit Sacra Rituum Congregatio in *Nolana* sub die 29. Maii 1601. ex Nicolio in *Flosculis*, verb. *Collegiata*, sub num. 2. & inter alios probat Gardin. de Luca in *Miscel. Eccles. discurs. 45. sub num. 6.* Ex eo verò, quod Collegiata recentè erecta obtinerit utrum Cappæ, non ideo debet obtinere digniorem locum in Processione supra alias prioritatem temporis habentes in fundatione: usus enim Cappæ nullam importat præminentiam seu superioritatem, sed tantum denotat personarum ornamentum, juxta doctrinam Ceccoperii *Lucubrat. Canonic. libr. 2. sub numer. 93.* cujus verba registravit Franciscus Maria Pittonius, doctissimus prius Almæ Urbis Advocatus, deinde dignissimus Auditor Benedicte Papæ Decimiertii, & de ejus meritis aliqua dixi in Vita ejusdem Pontificis: registravit inquam *disceptat. Ecclesiast. 49. sub numer. 9.* Hoc autem Romæ est in Praxi, nam Collegiata S. Mariæ ad Martyres, seu Rotundæ, quamvis non habeat usum Rocchetti, neque Cappæ magnæ, neque Almutiarum, nihilominus in Processionibus, ratione suæ antiquitatis præcedit omnes

mines alias octo Collegiatus ejusdem Urbis, quarum major pars habet proprium & honorificum signum distinctum, & propriam Almutiam.

Non est tamen sola antiquitas Ecclesiæ Collegiatae, quæ deferat Præcedentiam supra alias, nam datur & recentior, quæ præcedit antiquioribus: siquidem illa, quæ est insignis ab ejus erectione, habet digniorem locum supra alias Collegiatas licet antiquiores, ut declaravit Sacra Rituum Congregatio anno 1612. sub die 24. Martii, apud Gavantum in *Manuali Episcoporum, verb. Præcedentia*, sub num. 21. in addit. licet enim Canonici Collegiatarum insignium sint posteriores in erectione, & creati absque ullius præjudicio, eo tamen ipso, quod Ecclesia est effecta insignis, gaudet privilegiis Ecclesiarum insignium, & consequenter potitur loco digniori supra Collegiatam non insignem, inquit Nicolius in *Lucubrat. tom. 2. Canon. lib. 1. titul. 33. sub numer. 3. pag. mihi 53.* Et hoc novissime firmatum est, nam cum Genuæ in Liguria acerrimè contenderent de Præcedentia in Processionibus duæ Ecclesiæ Collegiatae, una scilicet S. Mariæ Vinearum, altera verò SS. Fabiani & Sebastiani de Carignano, Causa delata fuit ad Sacram Rituum Congregationem, in qua proposito Dubio: *An constet de Collegialitate cum qualitate Insignitatis S. Mariæ Vinearum Genuæ: Et an Canonici ejusdem Ecclesiæ debeatur Præcedentia in Processionibus adversus Canonicos Ecclesiæ Collegiatae SS. Fabiani & Sebastiani de Carignano ejusdem Civitatis?* Eadem Sacra Rituum Congregatio, perpensis & bene maturatis utriusque Partis rationibus, sub die 19. Julii 1710. respondit *Affirmative in omnibus*, ut habet Scriptor egregius in hac Causa Dominicus Urfaya *Disceptat. Ecclesiast. to. 1. par. 1. disceptat. 6. sub nu. 192.* ubi tamen disceptatione septimæ ait, quod Causa sic decisa, remissa postmodum fuit ad Sacram Congregationem particularem à Clemente Undecimo; deputatam, quæ die

die 17. Augusti 1714. rescipit, *Ad Sacram Congregationem Rituum pro nova Audientia*: In hac tamen nova Audientia, de qua nihil Ursaya, Sacra Rituum Congregatio stetit in decisio anno 1716. 19. Julii, prout refert eruditissimus Sacerdos noster, de Republica Litteraria optimè meritis, mihiq; in amicitiam conjunctissimus, Nicolaus Coleti in *additione ad Ughellum in Italia Sacra*, tom. 4. Provinc. 8. de Januen. Episcop. pag. 1836. Quia verò duplex datur Ecclesiæ Collegiæ Insignitas, à Jure, scilicet, & ex Privilegio; & cum Insignitas Juris sit dignior Insignitate Privilegii, ideo Collegiata antiquior, quæ habet Insignitatem à Jure, præfertur habenti Insignitatem ex Privilegio posteriorem, ut respondit Sacra Rituum Congregatio in *Novarien. anno 1700. sub die 8. Maii*, & antea rescipserat in una Civitatis Castellane eodem anno 1700. sub die 13. Februarii, apud Monacelli in *Formular. Leg. Pract. par. 1. tit. 2. form. mul. 4. sub num. 12.* & egomet retuli in mea Collectione, de Canonici utriusque Ecclesiæ, Cathedralis scilicet & Collegiæ, sub *numer. margini. 1597. pag. 453. juxta secundam editionem ex anno 1722.* Collegiata denique Sæcularis præcedit Collegiæ Regulari, ut clarè patet ex superius dictis de Præcedentia Cleri Sæcularis, ubi attulimus Sacræ Rotæ Decisionem in *Lucana Præeminentiarum 12. Martii 1703. coram Molines Decano.*

Ultimum & digniorem locum habet Clerus Ecclesiæ Cathedralis: in utriusque enim Juris dispositione Præeminentiæ conceduntur digniori, juxta text. in *cap. statuimus, de major. & obed. in l. 1. & tot. tit. C. ut dignis. ord. servet. lib. 12. & in l. ut gradatim, ff. de muner.* Notandum tamen hoc loco venit, quòd cum hæc Processio SS. Corporis Christi sit publica & universalis quæ incipit in una Ecclesiâ, & in ea terminatur, cum accessu Capituli Collegiæ, & in qua unum Corpus incedit separatim ab altero: illud, quod incedit ultimum

timum & unitum cum Episcopo suo Capite, facie manifestè dignoscere esse Capitulum Cathedralis, & ideo inter signa Cathedralitatis refertur, *Par Jord. variar. luenbr. tom. 2. lib. 11. tit. 2. sub n. 69. Emerix decif. 372. sub numer. 6. & dixit atque firmavit Rota in Placentina Cathedralitatis coram Molines Dicano, apud Franciscum Monacelli in Formular. Leg. Pract. par. 4. in fine, decif. 11. sub numer. 33. & 36. & refert etiam Josephus de Prosperis post Tract. de Territor. separ. decif. 21. pag. mihi 283. Quia tamen omnes Canonici Cathedralis & Dignitates induunt Sacras Vestes in hac Processione, ideo pauca de eorum Præcedentia suo loco dicemus.*

§ VII.

De egressu, & incesso Processionis in Festo SS. Corporis Christi.

Processionem hodiernam locum principem habere inter publicas & generales, nemo est qui ambigat: est enim Processio de SS. Corpore Christi. Quapropter solemnissimam vocat Gavantus *tom. 1. par. 4. tit. 12. sub num. 3.* mirabilem verò nuncupat Bauldryus in *Man. Sacrar. Cæremón. par. 4. cap. 16. artic. 1. sub num. 1. pag. 263.* triumphalem autem nominat Quartus in *Tract. de Process. sect. 2. punct. 11. pag. mihi 28.* & præcipuam hujusce Festi cæremóniam dicit Grancolas in *Commentar. ad Breviar. Roman. lib. 2. cap. 81. vers. Quoad Processionem, pag. 365.* Itaque decen-
tiori, quo fieri potest, apparatu Ecclesia est ornanda, ut nobiliori induta suppellectile, illa appareat

pareat formosa Regina, de qua Regalis Prophe-
ta, in vestitu deaurato, circumdata varietate. Al-
tare præsertim, in quo exponendum est SS. Sa-
cramentum, diligentiori ornatu decoretur, in eo-
que copiosus ardeat numerus candelarum. Quia
verò ubicunque Processio est, dicitur Ecclesia,
etiam omnes Viæ, per quas est transitura, ador-
nari debent aulæis, pannis, picturis sacris, flori-
bus, frondibusque virentibus. Altaria quoque
hinc inde in publicis viis & Plateis erigantur,
auro, argento, gemmisque micantia, prout tribus
in Urbibus Germaniæ fieri vidi in tribus itineri-
bus per illud Regnum à me olim susceptis. Ii-
dem è fenestris Domorum perpulchra ornamenta
cernantur pendentia, ut sicuti Processio est trium-
phalis, ita tota Civitas referat speciem triumphi.
Arcus item, quos Triumphales vocant, si locis
congruis aptè disponantur, cum Versibus, Emble-
matibus, & mysticis Figuris, erit admodum lau-
dabile, inquit Bauldryus *ibidem*, artic. 2. sub num.
2. pag. 269. Certè Cæremoniale Episcoporum lib.
2. cap. 33. §. 1. & 2. pag. 404. sic revera habet:
Cura erit Episcopi pridie hujus Diei, vel etiam per
aliquos dies ante, demandare Magistris Cæremoniarum,
vel alteri, ad quem forsan secundum Loci consuetudi-
nem hujusmodi cura spectabit, ut omnia decenter, &
diligenter præparentur, & prævideantur, nempe, ut
Via, per quas Processio transire debet, mundentur,
& ornentur. Et revera, tum in Glem. unic. de Re-
liq. & vener. Sancti. (in qua confirmatur Constitu-
tio Urbani Quinti) quàm etiam in Concilio Tri-
dentino sess. 13. cap. 5. dicitur, quòd hoc Festum
ab omnibus Christi fidelibus celebrari debet cum
majori solemnitate, religiositate, & decore, quo
fieri potest, & ex eis sumpsit Braschius in Prom-
ptuario Synodali cap. 29. sub num. 33. & hoc etiam
intelligitur, tam quoad ea, quæ intra ipsam Pro-
cessionem servanda, quàm itidem ad ea, quæ ex-
tra Processionem, sed pro ipsa Processione in Via-
rum ornamentis fieri debent. Semitarum verò pa-
vimen-

vimenta deberent etiam floribus sterni, & præsertim in transitu SS. Sacramenti. Disti tamen flores ne projiciantur ex alto Domorum, nam ex hoc minui potest devotio tum incedentium, tum etiam spectatorum: & multo minus projiciendi sunt in faciem Cleri Sæcularis vel Regularis, nec tamen contra sic proficientes comminanda est excommunicatio ipso facto incurrenda, ut statuta prohibitione, pœnam sustulit Sacra Congregatio Episcoporum & Regularium in *Callien. Synodi sub die 20. Januarii 1740. apud Ursayam Disceptat. Ecclesiast. tom. 5. par. 2. disceptat. 16. sub num. 71. pag. 176 juxta edit. Venet.*

Hiscæ præmissis, & finita Missa, sive solemni per primam Dignitatem vel digniorem Canonicum cantata, ipso Episcopo assistente: vel Missa privata per eundem Episcopum lecta, cum consecratione Hostiæ pro hac solemni Processione, & cum cæremoniis post Communionem, genuflexionibus, & reverentiis erga Sanctissimum Sacramentum super Altare positum, juxta Cæremoniale Episcoporum *dicto cap. 33. §. 15. & 31. pag. 409. & 414.* tunc, vel etiam ante, si opus erit, incipiet Processio incedere, secundum ordinem fusè superius descriptum, & hîc summarie renovandum, pulsantibus continuo Campanis non solum Ecclesiæ Cathedralis, sed etiam aliarum: per quarum limites transit ipsa Processio, donec terminetur. Diximus, quod *finita Missa* incipit Processio, nam Missa in hac die solemnitatis SS. Corporis Christi, non debet cantari post absolutam Processionem: & hujusmodi consuetudo, uti à Cæremonialis dispositione aliena, omnino abroganda est, ut respondit Sacra Rituum Congregatio in *Albiganen. anno 1662. sub die 3. Junii*, apud Reverendissimum P. Merati in *Addit. ad Gavans. tom. 1. part. 2. in Indice, sub num. 395.* Præcedent igitur Confraternitates Laicorum, deinde Regulares, postmodum Clerus, hoc est, primò Minister portans Crucem Ecclesiæ Cathedra-

dralis, medius inter duos Clericos portantes duo candelabra cum candelis accensis. Deinde, si aderunt, Clerici Seminarii, alique de Clero Civitatis juxta consuetudinem, & post eos Curati Ecclesiarum Parochialium cum Cottis, tum Ecclesiarum Collegiatarum, & ultimo loco Clerus Ecclesiarum Cathedralis, cujus Ecclesiarum saltem octo Beneficiati, seu Mansionarii erunt parati cum Pluvialibus albis pro deferendis Hactis, Baldachino in principio Processionis, ut infra dicitur, deinde ibunt ante Canonicos. Omnes similiter Canonici una cum Dignitatibus erunt parati paramentis albis sibi competentibus, incipiendo à junioribus & inferioribus, hoc ordine, videlicet, primò Subdiaconi & Diaconi cum Tunicellis & Dalmaticis, deinde Presbyteri cum Planetis, & ultimo loco Dignitates cum Pluvialibus, & omnes in manibus teneant candelas accensas. Notandum hic est, quòd Primicerius, licet dubitetur an sit Dignitas, debet tamen in Processione capere Pluviale ut Dignitas, non verò Planetam sicut Canonicus, ut declaravit Sacra Rituum Congregatio in *Capuana*, sub die 28. Aprilis 1607. apud *Barbosam de Canonie. & Dignitat. cap. 9. sub num. 9.* Si erit Archiepiscopus, portabitur immediate ante prædictos octo Beneficiatos paratos, & Canonicos, per aliquem Subdiaconum paratum, medium inter duos Acolythos ceroferarios, Crux Archiepiscopalis.

Processio tamen ita foris incedat, ut sine ulla interruptione nonnulli intra Ecclesiam remaneant egressuri, & præsertim Clerus Cathedralis. Interim accedat ad Episcopum duo Acolythi cum duobus thuribulis, & ministrante naviculam Presbytero assilente absque osculo cochlearis & manus, Episcopus Pluviali albo indutus, stans cum Mitra, sine benedictione imponet thus in prædictis duobus thuribulis. Quo facto, accedat ad Altare, ubi deposita Mitra, genuflexus super pulvino ante SS. Sacramentum, accepto è mani-

bus prædicti Presbyteri assistentis uno ex duobus thuribulis, thurificabit triplici ductu SS. Sacramentum. Tum per Magistrum Cæremoniarum imponetur super humeros ejus velum perpulchrum, & Diaconus assistens à dextris, accedet ad Altare, & cum debitis reverentiis accipiet Ostenforium cum SS. Sacramento de Altari, & illud in manibus Episcopi genuflexi collocabit, cui nec manum osculabitur, nec ullam tunc faciet reverentiam, sed statim atque in ejus manibus ipsum Sacramentum reliquerit, genuflectet. Tunc Cantores incipient Hymnum *Pange lingua gloriosi, &c.* Quia tamen Cæremoniale Episcoporum loquens de hac Processione, nullum assignat locum Cantoribus, ideo Episcopus, Dignitates, & Canonici Cathedralis Vigiliensis supplicarunt Sacræ Rituum Congregationi declarari, ubi, & quomodo incedere debeant Cantores in Processione SS. Corporis Christi? Et Eminentissimi Patres responderunt, *servandum esse Cæremoniale Episcoporum in cap. 2. lib. 1. & alibi, eosque Superpelliceo indutos incedere debere, hac die 8. Octobris 1650.* ut refert Thomas Palcucci in *Compend. ad Consult. Canon. Jac. Bignatel. par. 2. tit. de Præcedentia*, pag. 248. vel 152. *juxta edit. Roman. vel Venet.* sed in dicto capite secundo Libri primi collocantur Cantores immediate ante Canonicos: ergo etiam in hac Processione. Eorum autem Magister debet cum eis incedere, non vero cum Beneficiatis, ut declaravit Sacra Rituum Congregatio in *Urbevetana sub die 20. Novembris 1610.* & iterum in *eadem sub die 15. Januarii 1611.* prout egomet retuli in mea Collectione de Sacris Ritibus, *sub numer. margin. 341. pag. 102.* Non convenit tamen cantare Cantiones vulgari sermone, ut de hoc Festo SS. Corporis Christi dixit & respondit eadem Sacra Rituum Congregatio in *Abulen. sub die 21. Martii 1609.* apud Nicolium in *Florentis*, verb. Cantus, *sub numer. 1.* & ita etiam habet Barbosa in *Summa Apostolic. Decis. verb.*

Corporis Christi Fæstivitas, Collect. 231. sub num. 4. & omnium novissimus idem refert P. Merati in *Addit. ad Gavant. tom. 1. par. 2. in Indice*, sub num. 9. Cavendum etiam erit, ne in hac Processione actus scenici, vel ludicri, & indecori intermisceantur, sed omnia cum gravitate, & devotione fiant, & procedant. Dum autem Cantores per viam, & extra Ecclesiam cantant illam stropham Hymni *Tantum ergo Sacramentum*, non genuflectitur; ubi enim multus est Clerus, ut in hac Processione; Posset, & malè interrumpi Processio; ait *Gavantus tom. 1. par. 4. tit. 8. rubr. 9. litt. r.* melius tamen erit, si illa stropha taceatur in via, & dicatur ante Altare in repositione.

Incepto in Ecclesia dicto Hymno *Pange lingua gloriæ*, Episcopus cum SS. Sacramento surget: & Diaconi assistentes hinc inde, simbrias anteriores Pluvialis elevabunt. Deinde ipse Episcopus versa facie ad Populum, incedet sub Baldachino; detecto capite portans manibus suis SS. Sacramentum in Ostensorio inclusum, medius inter dictos duos Diaconos assistentes: & per viam Processionis semper aliquos Psalmos vel Hymnos submissa voce recitabit, respondentibus iisdem duobus Diaconis assistentibus. Immediate tamen ante Baldachinum ibunt duo Acolythi cum duobus thuribulis, continuè SS. Sacramentum per viam thurificantes. Sed ante dictos duos Acolythos immediate ibit Minister de Baculo serviens, seu juxta Loci consuetudinem; Dignitas, vel Canonicus paratus Pluviali, Baculum prædictum a terra elevatum, ambabus manibus portans: Post Episcopum verò succedet immediate Minister cum cotta & velo ad collum; Mitram manibus gestans. Deinde incendent, si aderunt, omnes illi Prælati, de quibus loquitur Cæremoniale Episcoporum lib. 2. cap. 33. §. 10. & 11. pag. mihi 407. Quia verò supra dictum est, quod Episcopus debet manibus suis SS. Sacramentum gestare,

notandum idcirco est, quod SS. Sacramentum in Tabernaculo seu Ostensorio inclusum, non est deferendum Sacerdotum humeris, sed manibus tantum Celebrantis, non obstante quavis consuetudine, quam abusum esse declaravit Sacra Rituum Congregatio anno 1618, sub die 2. Junii, apud Gavantum tom. 2, par. 4. tit. 12. sub numer. 4. & refert Barbosa de prest. Parochi, par. 2. cap. 20. sub num. 30. ac etiam Bauldryus in Man. Sacrar. Cereimon. par. 4. cap. 16. art. 3. sub num. 10. pag. 272. & egomet retuli in mea Collectione de Sacris Ritibus, sub numer. margin. 432. pag. 126. ac ex me tradit La Croix in Theolog. moral. tom. 2. lib. 6. par. 2. tract. 4. sub num. 2055. Decreto 9. Duas tamen legi recentiores Sacræ Rotæ Decisiones honoris sequentis, videlicet: Permissa ab Innocentio Undecimo anno 1686. & voto Sacra Rituum Congregationis, Capitulo Hispalensi vetusta consuetudine deferendi Venerabile Sacramentum, in illius annua Solemnitate, super pretiosa Structura Machina, non debet Archiepiscopo illam impedire, pretendendo eundem Eucharisticum Panem propriis manibus gestare: Confirmationes autem Apostolica in ordine ad Cereimoniale, nunquam intellexerunt tollere & infringere consuetudines centenarias & immemorabiles, ut dixit & firmavit Rotæ in Hispalen. Processionis super secundo Dubio, 28. Julii 1700. coram Anfaldo, apud Scarfantonum ad Ceccoperium, tom. 1. in fine, decis. 41. & 42. pag. 159. Hæc tamen Resolutio, quæ est particularis non extenditur ad Ecclesiam universalem, in qua ex superius dictis est prohibita delatio SS. Sacramenti super humeros Sacerdotum: unde laudandus est quidam Auctor, quem tacito nomine corrigit Jacobus Eveillon Canonicus Andegavensis in suo Libro de Processionibus Ecclesiasticis Parisiis impresso 1651. cap. 25. de Process. in Festo Corpor. Chr. pag. 261. eo quia in media Gallia scripsit contra usum hujusmodi Machinæ in humeris gestandæ, nam bene dixit, dum tam vocavit corruptelam & abusum.

Hastas autem Baldachini, sub quo Episcopus defert manibus suis Sanctissimum Sacramentum, portabunt per totam Ecclesiam octo illi Beneficiati ex dignioribus, parati, ut supra dictum est, & in porta Ecclesiae illas relinquent in manibus Laicorum: iisque hastis sic relictis, ipsi Beneficiati præibunt ad locum funus, idest, ante Canonicos paratos. Illi autem Laici Hastas Baldachini delaturi, debent esse Viri in Loco illustriores: & ne in delatione dictarum & ut dignior locus agnoscatur, ordinem sumimus ex Cæremouiali Episcoporum lib. 1. cap. 14. §. 2. pag. mihi 92. est igitur sequens, videlicet: Dignior ferat primam hastam, quæ est ante Episcopi dexteram: secundus alteram, quæ est prima ante Episcopi sinistram: tertius aliam, quæ immediate est sub prima à parte dextera: quartus aliam, quæ succedit primæ à parte sinistra: quintus tertiam hastam à parte dextera: sextus tertiam à parte sinistra, & sic deinceps: sed Cæremouiale supponit octo hastas, & ideo post sexta dicitur sic deinceps: At quia plerumque Baldachinum habet sex tantum hastas, extenditur ordo sex hastarum; & si octo habeat, docet ordinem ex dictis sumendum: ita ut minus digni habeant postremas hastas post tergum Episcopi. Deinde, si via sit longior, distribuendum erit onus ferendi hastas prædictas cæteris Civibus & Nobilibus Civitatis, seu Officialibus, vel Sodalitatibus, aut aliis pro Locorum consuetudine, Judicio Episcopi moderanda, ubi opus videbitur, ne rixæ aut contentiones oriantur. Quod si inter digniores & illustriores; plures essent, qui de æquali gradu aut præeminentia contenderent, adeo ut in omnibus his primo loco hastæ Baldachini assignari nequirent, relinquitur his ultimus locus, idest, ubi Processio jam pervenit ad Ecclesiam, talis enim locus reputatur primo æqualis. Procedendum tamen est prudenter, ne contentio fiat inter eos, quis eorum sit major. Gravi tamen passu incede-

re debent, ipsum semper Baldachinum supra SS. Sacramentum, & Celebrantem deferentes.

A Lateribus Baldachini hinc inde ibunt octo Capellani cum cottis, qui in Missa fervierunt, quatuor pro qualibet parte, portantes eadem funalia attensa, quæ fervierunt pro Missa. Quod si solitum sit, ut Priores Confraternitatis Sanctissimi Sacramenti intortitia deferant à dictis lateribus Baldachini, non est improbanda, sed servanda hæc consuetudo, dummodo tamen eant post Canonicos, non verò ante eos, ut declaravit Sacra Rituum Congregatio anno 1616. sub die 30. Januarii, apud Gavantum in *Manuali Episcoporum. verb. Processio, sub numer. 39.* & dummodo major pars Confratrum incedat ante in loco suo, ut respondit eadem Sacra Rituum Congregatio in *Nevesino* anno 1608. sub die 10. Maii, teste Barbosa in *Summa Apostolicar. Decis. verb. Confraternitas, Collect. 207. sub num. 33.* Pluribus autem quamvis à Ceremoniali Episcoporum sit, quæ par est, cura omni præcautum, quatenus hæc Processio sollemnis in Festo SS. Corporis Christi, religiosè semper & honorificentissimè habeatur, luminibus præsertim adhibitis à Clero & Populo deferendis: verumtamen, cum, quæ deferri solent, lumina aperta gestentur, eaque non raro, vento, aut pluvia improvise superveniente, extincta omnia remanere videantur: ne idcirco (quod incongruum satis esset, atque Augustissimo Domino indecentissimum) lumina tunc debita desiderentur, curent Episcopi, & cum eis Sacrarum Cæremoniarum Magistri advigilent, ut, per quos pertinet, quatuor saltem cum suis hastis Laternæ, quæ tamen aliis sint nobiliores, comparentur, & suis semper cum intus accensis candelis, hinc inde circa Celebrantem, qui Sacramentum gestat, in posterum deferantur: Ita Benedictus XIII. in *Concil. Rom. tit. 15. cap. 7.*

Licet autem Cæremoniale Episcoporum lib. 2. cap. 33. per tot. nullam faciat mentionem de Sel-

la ge-

la gestatoria, potest nihilominus Episcopus ea uti, & post se deferre etiam in hac Processione SS. Corporis Christi, ut declaravit Sacra Rituum Congregatio anno 1657. *sub die 15. Septembris, in Granaten.* in qua iussit servari Decretum emanatum anno 1608. *sub die 10. Maii*, ut refert Pascucci in *Compend. ad Consultat. Canonic. Jac. Pignatelli, par. 1. tit. de Episcopo, pag. 257. vel 139. juxta edit. Rom. vel Vener.* ubi etiam validam reddit rationem, quia scilicet dicta Sella gestatoria est de Ritibus, & illius usus arbitrius Episcopo in quocunque loco magis apto, & per Concilia Canonicaque Sanctiones designato ad ministrandum: præsertim quando est eadem, qua utitur in Ecclesia, & quam Concilium & Canones dicunt esse de Dignitate, *cap. Episcopus in Ecclesia 95. dist. ex Concil. Carthagin.* & usus ejus in Stationibus reputatur, ac si esset in Ecclesia ipsa, quia Processio ab exitu usque ad reditum unicus dicitur actus, non minus, ac si in ipsa Ecclesia perficeretur: ideoque Loca, per quæ Processio transit, tanquam Ecclesia considerantur: unde inter contententes de Præcedentia, locum semper eundem ab unoquoque tenendum in itinere & stationibus, quem in ipsa Ecclesia habet, dixit *Rota in Casaraugustana Præminentiarum*: & egomet retuli in mea Collectione de Episcopis & Abbatibus utriusque Cleri, *sub numer. margin. 1270. pagin. 271.*

Quod si Processio sit longior, potest Episcopus in aliqua Ecclesia, & super illius Altare deponere SS. Sacramentum, & aliquantulum quiescere, & ibidem, antequam discedat, rursus Sacramentum, & Orationem de eodem cantare: quod tamen non passim in singulis Ecclesiis, vel ad singula Altaria, quæ forsitan per viam constructa & ornata reperiuntur, faciendum est, sed semel tantum, vel iterum, arbitrio Episcopi, ut concedit Cæremoniale Episcoporum *libr. 2. capis. 33. §. 22. pag. mibi 412.* In prædictis autem Ec-

clesiis aut Altaribus paratis, Diaconus genuflexus
 accipit de manibus Episcopi SS. Sacramentum, il-
 lud ponit super Corporale prius explicatum, &
 ministrat deinde incensum Episcopo de more: E-
 piscopus verò genuflexus ter incensat: & interim,
 & non prius, dum inchoatur incensatio, Canto-
 res poterunt cantare, *O salutaris Hostia, qua Cœli
 pandis ostium*, præsertim tempore Belli, nam in
 hac strophâ invocatur Divinum auxilium, unde
 immediatè ibi sequitur, *Bella præmunt hostilia, da
 robur, fer auxilium*: Vel cantari poterit alia stro-
 pha sumpta ex Hymno Matutini, *Panis Angelicus
 fit panis hominum*, ibi enim admiramur Christi in
 Sacramento existentis benignitatem, nam cum
 apud ipsum nulla sit exceptio Personarum, omni-
 bus se tradit manducandum, & idcò prosequi-
 mur, *o res mirabilis! manducat Dominum pauper,
 servus, & humilis*. Non tamen videtur cantan-
 dum Tantum ergo Sacramentum, quod reservan-
 dum censeo in fine Processionis, resposito SS. Sa-
 cramento super Altare Cathedralis. Cantata una,
 vel altera ex prædictis duabus strophis, subdunt
 Cantores Versiculum *Panem de Cœlo*, cui addant
Alleluja, in tota etenim hac Octâva addendum
 esse præcepit Clemens Undecimus in *Bullar. Rom.
 noviss. tom. 8. par. 2. Constitut. 9. §. 11.* deinde E-
 piscopus dicit Orationem de SS. Sacramento, qua
 finita, Episcopus accipit à Diacono Ostensorium,
 & Processio incedit. At quia modò sermo est de
 Altaribus per viam ornatis, venit ad nostram
 rem consuetudo illa Cathedralis Brixinensis, quam
 animadversione dignam dicit Baruffaldus in *Com-
 mentar. ad Rituale Roman. titul. 80. sub num. 24.
 pagin. 337.* & de qua loquitur Sacerdotale illius
 Ecclesiæ *dist. 5. capitul. 10. sub num. 13. ad pag.
 169.* ubi inter varias ordinationes ad hanc Pro-
 cessionem spectantes, hæc habentur præcisa ver-
 ba videlicet: *In quatuor distinctis locis, versus
 quatuor Mundi plagas, Orientem, Occidentem, Meri-
 diem, & Septentrionem respicientibus, erecta sunt
 qua-*

quatuor Altaria ex ligno, cum baldachinis, sen-
tectis, pulchrè & decenter ornata, super quibus col-
locari possit Monstrantia (hoc est Ostensorium) dum
quatuor Evangeliorum initia cantantur.

Ex eo autem, quod Episcopus deferat in hac
Processione SS. Sacramentum, licet non celebra-
verit solemniter, non est inferendum, quod Mis-
sa cantari possit ab uno, & delatio SS. Sacramen-
ti fieri ab alio Sacerdote, nam præter hunc ca-
sum, qui celebrat, debet etiam deferre: Episco-
po autem permittitur, quia cum Pontificalia re-
quirant multum temporis, & Processio sit tem-
pestivè & hora opportuna incipienda, ad illu-
strandam Processionem Cathedralis conceditur suo
Capiti ratione Dignitatis Episcopalis, ut quamvis
Pontificaliter non celebraverit, sed tantum Missæ
solemni breviori fuerit assistens, deferat nihilomi-
nus SS. Sacramentum in Processione. Sequitur ex
dictis, quod absente Episcopo, succedit in Fun-
ctionibus Pontificalibus prima Dignitas, ad quam
idcirco spectat & Missam cantare, & SS. Sacramen-
tum deferre, quod millies declaravit Sacra Rituum
Congregatio. Non convenit enim, ut prima Di-
gnitas Missam celebret ante Processionem SS. Sa-
cramenti, & deinde altera minor Dignitas illud
gestet in Processione: & ecce prima Resolutio
eiusdem Sacræ Congregationis, emanata Anno
1632. sub die 31. Julii, apud Gavantum in Man-
Episcopos, verb. Canonorum munera, præsertim in
Choro, sub num. 16. in additione. Quod autem di-
citur de Cathedrali, intelligitur etiam de Colle-
giatæ, & de alia quavis Ecclesia. Sed ponamus
alia Decreta ad hanc rem emanata, in quibus
utraque Functio, tanquam unicus actus, uni soli
tribuitur, & committitur. Capitulum itaque
Brundisium humillimè supplicavit Sacræ Rituum
Congregationi declarari, An in Die Corporis Chri-
sti Sacramentum Eucharistia sit deferendum à Cele-
brante? Et eadem Sacra Congregatio anno 1627.
sub die 12. Junii respondit, Affirmativè, apud Ur-
layan

fayam disceptat. Ecclesiasticar. tom. 2. part. 2. disceptat. 2. sub numer. 85. & 90. Idem pro parte Capituli Ecclesiæ S. Mariæ de Paganica Aquilanzæ Diocesis petittum fuit declarari: *An is, qui celebrat, gestare debeat Sacramentum in Processione immediate ad Missam, vel assumi debeat dignior de Clericis adstantibus ad dictam functionem proseguendam finita Missa?* Et Sacra Rituum Congregatio sub die 5. Junii 1634. respondit, *spectare & pertinere ad eum, qui Missam celebravit, ut refert Thomas Pascucci in Compendio ad Consultationes Canonicas Jacobi Pignatelli, part. 2. tituli, de Pærocho, pagin. 210. vel 129. juxta edit. Roman, vel Vener.* Nec defunt super hoc Confirmationes Apostolicæ: siquidem Decretum Sacræ Rituum Congregationis, in quo resolutum fuit, in Festivitate SS. Corporis Christi, declarationem S. Sacramenti spectare ad Præpositum Collegiæ Insignis & Matricis S. Georgii de Civitate Medica Syracusana Diocesis; & eo absente, ad alium Dignitatem ejusdem Ecclesiæ ordine successivo, dummodo ipsa Dignitas, qua Sanctissimum Eucharistia Sacramentum deferre debet, illo die solemniter celebraverit, confirmavit & approbavit Innocentius Undecimus in Constitut. 21. que incipit Alias emanarunt, edita anno 1689. sub die 4. Junii, & existente in Bullario Romano novissima editionis Luxemburgentia de Anno 1727. tom. 3. Novissime pariter idem resolutum fuit, nam proposito sequenti Dubio per Cardinalem Gabriellium, scilicet: *An Sanctissimum Eucharistia Sacramentum in Processione, qua fit in Festo SS. Corporis Christi deferri debeat ab eo, qui Missam celebrat?* Sacra Rituum Congregatio in Complana Præminentiarum sub die 23. Martii 1709. ad quartum. Dubium respondit, *Affirmative*: ut habet præfatus Urfaya dicto tom. 2. part. 1. disceptat. 20. sub numer. 59.

Ita autem primæ Dignitati in Cathedrali convenit, absente vel impedito Episcopo, celebrare simul, & deterre SS. Sacramentum in Festo SS.

Cor-

Corporis Christi, ut neque id præstare possit Vicarius Apostolicus, cum ei non competat ex Episcopi absentia ius deferendi SS. Sacramentum in Processione, nam hoc spectare ad Dignitates de Capitulo declaravit Sacra Episcoporum Congregatio in *Lancianen.* anno 1615. sub die 2. Maii, apud Monacellum in *Formular. Leg. Præst. par. 2. titul. 16. formul. 7. sub numer. 6. pagin. 336.* Et multo minus id facere potest Vicarius Generalis, ut talis, cum ei tantum conveniat, ut omnia suo ordine fiant, ut resolvit Sacra Congregatio Rituum anno 1627. sub die 19. Septembris, sic referente Pellegrino in *Præf. Vicarior. par. 1. sect. 6. sub nu. 23.* & egomet reguli in mea Collectione de Vicariis utriusque Cleri, sub numer. margin. 288. pagin. 93. Imò nec hoc incumbit Canonico Hebdomadario, sed spectat ad primam Dignitatem, eaque impedita, gradatim ad alias, ut de Cathedrali declaravit Sacra Rituum Congregatio in *Gerunden. Functionum. Episcopatum* 11. Februarii 1702. telle Scarfantonio ad Ceccopetium par. 1. libr. 2. tit. 13. sub numer. 7. pagin. 177. & de quasi Collegiata Ecclesia, quod spectet ad Archipresbyterum, & eo absente, ad Primicerium tanquam ei proximum, non verò ad Hebdomadariū, resolvit eadem Sacra Congregatio Rituum in *Causa Compiana Præminentiarum* 23. Martii 1709. apud Urfayam, qui scripsit in hac eadem Causa, *Disceptat. Ecclesiasticar. tom. 2. part. 1. disceptat. 20. num. 55. 56. & 57.* Notandum tamen est hoc loco, quod primæ Dignitati solemniter celebranti in Festivitatibus solemnioribus (& consequenter, absente Episcopo, in Festo SS. Corporis Christi) debetur assistentia duorum Canonicorum pro Diacono, & Subdiacono, ut ex Cæremoniali Episcoporum lib. 2. capite 17. & ex Barbosa de *Canonic. & Dignitat. cap. 34. sub nu. 3.* nec non & ex Sacra Rituum Congregatione de anno 1695. sub die 17. Decembris, dixit atque firmavit Rota in *Hortana Præminentiarum* 11. Junii 1704. coram Kaunitz, in addita-

disamen. ad Theatr. Cardin. de Luca, decis. vol. 4. dec. 9. sub n. 4. pagin. mihi 15. ubi etiam sub numero 6. & 7. dictum fuit, quod si itidem habeatur Constitutio Synodalis, in qua apertissime caveatur, quod absente Episcopo, prima Dignitas teneatur peragere Sacras Functiones in Festivitatibus solemniorebus, eidemque debeant assistere duo Canonici, quorum unus inserviat in officio Diaconi, & alter Subdiaconi, semper crescit obligatio in Canonicis, dum ad illam inducendam satis esset sola dicta Synodalis Constitutio, ex Massobrio de Synodo, capis. 4. sub numer. 77. & seqq. ac ex Zarate decis. 74. sub numer. 20. & 36. nec non & ex Cerro decis. 544. sub num. 11. Quod si primæ Dignitati debent assistere duo Canonici in Missa solenni de Festo SS. Corporis Christi, absente Episcopo, in eandem consequentiam venit, quod teneantur assistere etiam in Processione, cum Missa & Processio sit unus actus. Itidem notandum, quod si hodie Episcopus non deferat Eucharistiam, Canonici nihilominus debent induere Sacras Vestes, ut decrevit Sacra Rituum Congregatio in Cajetana anno 1628. sub die 17. Martii, apud Gavantum in Man. Episcop. verb. Processio, sub numer. 34. & refert etiam P. Merati tom. 1. par. 2. in Indice, sub num. 227.

Cæterum, quod in hac Processione, in qua deferitur SS. Sacramentum, incedere debeat detecto capite uterque Clerus, Sæcularis scilicet & Regularis, omnesque Laici eidem Processioni interesse, quisnam est, qui valeat dubitare? nam Chorus ipse Angelorum assistit & comitatur, adorans submissæ Regem suum, quem Pater æternus cum introducit in orbem terrarum, dicit: & adorant eum omnes Angeli Dei. Sed neque valere debet Privilegium Apostolicum alicui etiam Canonico concessum deferendi pileolum: siquidem facultas deferendi illum in Missa, non extenditur à consecratione ad usque sumptionem: ergo ubi est Sacramentum, non est utendum dicto pileolo: &

con-

consequenter neque in hac Processione SS. Corporis Christi. Nec defunt Regum exempla, ex quibus totus Orbis ædificationem accipere valeat: Arca etenim Testamenti erat figura SS. Corporis Christi, & ideo in Officio hujus Octavæ legimus de ea. Regalis autem Propheta eam præcessit absque Corona in capite, & sine ullo regio ornamento: unde ei tunc dixit Michol: *Quam gloriosus fuit hodie Rex Israel, discooperiens se: id est, minima gloriosus, deposita gloria regaliū indumentorum*: Carolus quoque Quintus hoc fecit memorabile; nam cum Sol radius fatis acutis caput eius verberaret in Processione SS. Sacramenti, adfuit Familiāris, qui umbellam explicando & alevando, caput Imperatoris à nimio æstu defendere studebat: cui illico Cæsar, tantam irreverentiam indignatus, seriò dixit: *Aufer istam hinc: Dominum Dominantium sequar: Sol illi fervienti non nocet*, ut ex Campio in *Histor. Cramon. libr. 2.* & ex aliis ejus gestorum Scriptoribus refert Baruffaldus in *Compensar. ad Rituale Roman. tit. 80. sub num. 53. pag. 340.*

In hac verò Processione Clerus Sæcularis una manu candelam teneat accensam, altera pectori admota, inquit Gavantus *1000. 1. par. 4. tit. 12. sub numer. 5.* Attamen Baruffaldus loco supra citato, sub numer. 50. sentit esse melius; & convenire, ut manu cereo non impedita Birettum Clericale gestare debeat. Sed sive Clerici pectori manum admoveant, sive Birettum gestent, omnes procedant uniformiter, cum ex uniformitate, gravior oculis spectantium fiat incessus, & clarior devotio cum oculorum demissione. Illud etiam est notandum, quod dum Processio sistit (hoc enim non semel contingere solet) Sacerdos deferens, Subdiaconus & Diaconus non debent sedere neque in scamno, neque in sedibus, ut ad quartum Dubium respondit, *Sacra Rituum Congregatio in Hispalen. anno 1690. sub die 21. Januarii*, apud Monacellum in *Formular. Leg. Pract. par. 4. quæ Opus Posthu.*

posthumum inscribitur, in supplemen. ad I. Tomum, pag. 9. sub num. 86. & egomet retuli in mea Collectione de Canonicis utriusque Ecclesiæ, sub num. margin. 1406. pag. 385. juxta secundam editionem Paternam de Anno 1722. Illud quoque sciendum, quod sicuti hæc Processio solet esse longioris itineris, sic etiam transire solet per plures Parochias: nec ideo Parochi, intra quorum limites fit transitus, debent accipere SS. Sacramentum de manu deferentis, ut ipsi gestent per suos limites, illud inde reddituri primæ Dignitati: nam extat sequens declaratio data Capitulo Lucano, in qua sic habetur: *Capitulum Cathedralis Lucana exposuit, in delatione SS. Sacramenti; qua fit per digniorem de Capitulo, absente vel impedito Episcopo, in die Solemnitatis Corporis Christi, transiens per limites Parochia S. Fridiani, Priorem ipsius Parochia prætere sibi consignari debere Sanctissimum Eucharistia Sacramentum deferendum ab ipso Priore per limites sue Parochie: Quod cum sit contra solitum Loci; & Rituum universalis Ecclesiæ supplicavit responderi, quid agendum?* Et Sacra Rituum Congregatio in Lucana sub die 21. Aprilis 1635. respondit, *delationem SS. Sacramenti in casu proposita spectare ad digniorem Cathedralis per totam viam; etiamsi contingat Processionem transire limites alterius Parochia: & ita omnino servari mandavit, ut refert Thomas Pascucci in Compend. ad Consultat. Canonic. fac. Pignatell. par. 2. tit. de Parocho, pag. 210. vel 129. juxta edit. Roman. vel Venet.*

Non sunt tamen in hac Processione SS. Corporis Christi deferendæ Sanctorum Reliquiæ, ut ex Concilio Provinciali Mediolanensi Quarto ait Gavantus in *Man. Episcopor. verb. Processio, sub num. 35.* esset enim Servum Domino comparere facere: & cultus Patriæ, qui soli Deo debetur, à rudibus Populis confunderetur cum Dulia: non esse autem deferendas, clarè patet ex eo, quod super Altare, in quo SS. Sacramentum est expositum, non esse ponendas Sanctorum Reliquias, præcepit Cle.

Clemens Undecimus in ejus particulari Bullario, par. 2. Constitut. 9. emanata anno 1705. sub die 20. Januarii, nec non & in Bullario Romano novissimæ editionis Luxemburgensis, tom. 8. par. 2. Constit. 9. §. 2. Quod si non possunt dictæ Reliquiæ poni coram SS. Sacramento exposito, nec poterunt deferri in ejus Processione, quæ respicit Repositionem ad idem Altare, cum unicus dicatur actus Expositio, Processio, & Repositio, ita ut quod sit vel non sit in Ecclesia, idem faciendum vel omittendum in Processione, quæ ex superius dictis Ecclesia vocatur. Hæc verò Processio, quæ fit cum delatione Sanctissimi Eucharistiæ Sacramenti, non debet transire per vias Hebræorum, ut decrevit Sacra Rituum Congregatio anno 1593. sub die 22. Februarii, referente Gavanto in *Manuali Episcoporum. verb. Eucharistia*, sub num. 17. & refert etiam Barbola de potest. Parochi, par. 2. cap. 20. sub num. 32. ac ex mea Collectione de Canonici tradit La Croix in *Theolog. moral. tom. 2. lib. 6. par. 2. tract. 4. sub num. 2055. Decreto 7. An autem Judæi mixtim inter Domos Christianorum inhabitantes, cogi possint ad ornatum viarum, per quas transit hæc Processio, nonnullas pro utraque parte rationes adducit Baruffaldus cæteroquin videndus in *Commentar. Rituali Roman. tit. 80. sub num. 23.**

Cæterum, si dum Processio transit, in aliqua via, ratione lætitiæ, quia est Processio Triumphalis, explodantur tormenta bellica, seu, ut vulgò nuncupantur *Montatetti*, sive *Masculi*, potest Episcopus illa per Edictum prohibere, & hujusmodi Edictum sustinendum esse censuit Sacra Congregatio Immunitatis Ecclesiasticæ in *Soanen*, anno 1698, sub die 2. Decembris, *Libr. 2. Decretor. Vallamon. fol. 190.* ut habet Petrus Andreas Riceius in *Synopsi Decretor. dista Sacra Congreg. verb. Processio*. Hoc tamen non debet edicere, nisi ex rationabili causa, ad evitanda scilicet inconvenientia, quæ ex hujusmodi explosione oriri solet, præsertim ex nimia

nimia eorum vicinitate, nam Processio sæpè interrumpitur, & omnibus ferè aufugientibus præ timore, solum relinquitur SS. Sacramentum: unde in tali casu, vel alio simili, ne loco ædificationis oriatur scandalum, potest Episcopus, periculum evitaturus, dicta tormenta bellica prohibere, non autem si sunt in debita distantia, vel sint tormenta vulgò *Cannoni*, quæ super mœnia Civitatis exploduntur. Cavendum etiam est, ne per vias Processionis; Currus, Equi, Equitantes, & alia impedimenta pertrāseant. Quod si quis equo vectus, vel in Quadriga sedens, obvius occurrat SS. Sacramento in Processione delato, protinus ex ipsomet equo vel quādriga desiliat, & utroque genuflexus, ei obsequium debitis Venerationis exhibeat, juxta Edictum, quod jussu Clementis Undecimi promulgavit Eminentissimus Almx Urbis Vicarius anno 1702. sub die 9. Junii, apud Joannem Baptistam Braschium in *Promptuario Synodali*, cap. 24. sub numer. 7.

Ita igitur incedere debet Processio usque ad suum reditum in Ecclesiam. Hanc tamen Processionem comitari possunt devoti Laici; deferentes intortitia in manibus, vel candelas accensas: hoc epim fieri non prohibet Liber Cæremonialis, ut dubitantibus referipsit Sacra Rituum Congregatio in *Andrien.* anno 1603. sub die 12. Aprilis, apud Augustinum Barbosam in *Summa Apostolicar. Decis. verb. Cæremoniale*, Collect. 78. sub numer. 13. & iterum in eodem tractatu verb. *Episcopus quoad Processiones*, Collect. 299. sub numer. 9. & refert etiam P. Merati tom. 2. par. 2. in *Indice*, sub numer. 15. Denique notandum est, quod aliociens hanc Processionem SS. Sacramenti, gaudet Immunitate Ecclesiastica, ut declaravit, & respondit Sacra Congregatio Immunitatis in *Beneventana* anno 1636. sub die 30. Septembris, Libro 3. *Decretor. Paul.* pag. 14. & postmodum resolvit etiam in *Compiana* anno 1677. sub die 6. Julii, Libro 2. *Decretor. Altov.* pag. 1414. apud Petrum Andream Riccium in *Synopsi Decre-*

Decretor. ejusd. Sacra Congregat. verb. Immunitas Localis, sub numer. 4. & egomet retuli in mea Collectione de Episcopis & Abbatibus, sub numer. margin. 992. pagin. 211. ex Thoma Pascuccio in Compend. ad Consultat. Canonic. Jac. Pignateli. par. 1. tit. de Immunitate Ecclesiastica, pag. 483. juxta edit. Roman.



S. VIII.

De reditu Processionis ad Ecclesiam in Festo SS. Corporis Christi.

609

Cum hæc Processio duos habeat terminos ; unum scilicet à quo , alterum verò ad quem qui licet distincti sint ; in hac tamen Processione unus , & idem sunt ; hinc est , quòd à qua Ecclesia inchoavit Processio , ad ipsammet debet proculdubio redire . Est enim actus unicus Missa & Processio , & ideo ubi celebrata est Missa , ibi etiam Processio est terminanda , tam in Cathedralibus , quàm in Collegiatis , aliisque Ecclesiis quibuscunque : Licet autem hoc ipsum per se clarè pateat , nihilominus non defuerunt dubitationes . Unde Sacra Rituum Congregatio pluries requisita , pluribus etiam Resolutionibus idem declaravit , & confirmando stetit in decisis . Sequentes signanter ad nostram rem Decisiones inveni , nempe : Prima fuit in *Tuscanen. Præeminentiarum* , in qua proposito Dubio ad supradictam materiam spectante , responsum fuit , à *Cathedrali Processionem SS. Sacramenti in ejus Festo debere inchoare , & ibidem finire* , ut respondendum censuit Sacra Rituum Congregatio anno 1619. sub die 19. Augusti , apud Pascuccium in *Compend. ad Consultat. Canonic. Jac. Pignat. part. 2. titul. de Parocho* , pag. 199. vel 122. juxta edit. Roman. vel Venet. Secunda verò Resolutio est Rotalis , videlicet : *Processio in Die SS. Corporis Christi incipi , & terminari debet in Ecclesia Cathedrali , seu Majori : & sic in Collegiata , in qua incipit , & desinit ipsa* Pro-

Processio, ut dixit atque firmavit *Rota in Bergen. Praeminentiarum* 2. Februarii 1677. coram Bourlemont; *decis. recentior. par. 19. tom. 2. decis. 469. sub numer. 64. & 66.* Tertia denique emanata fuit in Nolana Processionis inter Collegiatam Oppidi Summæ, & Parochum ejusdem Oppidi: Cum enim Processio in die Festivitatis SS. Corporis Christi, ex negligentia antecessorum Canonico-rum, inciperet in Ecclesia Parochiali S. Michaelis Archangeli posita extra mœnia dicti Oppidi, & terminaret in Ecclesiam Collegiatam S. Mariæ ad Nivès intra mœnia ejusdem Oppidi posita: Canonici, ad abolendum hujusmodi abusum, habuerunt recursum ad Sacram Rituum Congregationem, in qua proposito sequenti Dubio, scilicet: *An Processio SS. Corporis Christi incipere, & terminare debeat in Ecclesia Collegiata, seu potius in Ecclesia Parochiali?* Eadem Sacra Rituum Congregatio, sub die 12. Septembris 1718. respondit: *Affirmative quoad primam partem: negative quoad secundam:* ut habet *Ursaya*, qui in hac Causa egregiè scripsit pro Capitulo, *Discepiat. Ecclesiast. t. 3. par. 1. discepiat. 26. sub num. 45. & 46.*

Ut autem loqui incipiamus de fine Processionis, dum ipsa Processio erit in fine, id est, propè eandem Ecclesiam, à qua discessit, ante ejusdem Ecclesiæ fores, iterum nobiliores Læici, vel alii nobilitate eisdem æquales, hastas Baldachini capient: & Episcopus sub Baldachino ibit usque ad cancellos, vel Presbyterium, vel ad gradus Altaris, juxta Ecclesiæ structuram & situationem. Postquam Episcopus pervenerit ad supremum Altaris gradum, Diaconus à dexteris, cum debita reverentia, & genuflexione, ac sine osculo, accipies de manu ipsius Episcopi stantis SS. Sacramentum, & illud super Altare collocabit. Interim Cantores in cantu paulato & devoto cantabunt Versiculum *Tantum ergo Sacramentum, &c.* Episcopus verò, deposito velo, genuflectet super pulvino in infimo gradu Alta-

ris : mox surget , & imponet incensum in altero ex duobus thuribulis , ministrante naviculam Presbytero assistente , & sine benedictione , & osculo , ut supra , & iterum genuflexus , SS. Sacramentum triplici ductu ; prout fecerat in principio , thurificabit . Quo facto , duo Cantores cantabunt Versiculum *Panem de Cælo præstitisti eis , Alleluja* , & Chorus Responsorium . *Omne delectamentum in se habentem , Alleluja* . Notandum hoc loco , quodd licet Cæremoniale Episcoporum nihil dicat de additione illius *Alleluja* , in tota tamen hac Octava addendum esse in Repositione , præcepit Clemens Undecimus in Bullario Romano novissimæ editionis tom. 8. par. 2. Constituit. 9. §. 21. edita anno 1705. sub die 20. Januarii .

Cantatis à Cantoribus , & Choro *Panem de Cælo* , &c. *Omne delectamentum* , &c. addito utrobique *Alleluja* ; Episcopus surgens , omisso Versiculo *Dominus vobiscum* , statim ex Libro , quem Diaconi assistentes genuflexi hinc inde sustinebunt , cantabit Orationem *Deus , qui nobis sub Sacramento* , &c. in cujus fine dicitur tantum brevis conclusio *Qui vivis & regnas per omnia secula seculorum* , & non adhibetur longior , quia tantum additur ad Missam & ad Horas , ait Bauldryus in *Man. Sacrar. Cæremoniar. par. 4. cap. 16. artic. 3. sub numer. 32. pagin. 274.* sed tamen cautè est legendus , ubi docet ante Orationem præmittendum esse Versiculum *Dominus vobiscum* , tum quia Cæremoniale Episcoporum illum reticet , tum quia omittendus est ex Decreto Sacræ Rituum Congregationis confirmato à Clemente Undecimo loco proximè citato : excusandus tamen est , non sequendus , sicuti & Gavantus hoc idem docens tom. 1. par. 4. titul. 12. sub numer. 7. uterque enim opinionem forsan fundavit in Rituali Romano , cui tamen non est quoad hoc adhærendum , juxta sequens Decretum Sacræ Rituum Congregationis in *Grænatæ. de anno 1663. sub die 16. Junii* , in-

novatum in Salernitana anno 1675. sub die 28. Septembris : utrobique enim responsum fuit ; quod In Feflo SS. Corporis Chrifti fervanda eft difpofitio Cereemonialis Epifcoporum lib. 2. capitul. 33. in repen-
nendo SS. Sacramento ; ubi nulla fit mentio de Ver-
fculo Dominus vobifcum : non verò Rituale Roma-
num , ubi aicitur addi Dominus vobifcum : & fic
fervat in Urbe Summus Pontifex , & fervatur ab o-
mnibus , ut refert Reverendiffimus Pater , Sacre
ejuſdem Congregationis Confultor , Cajetanus Ma-
ria Merati in *Addit. ad Gavant. tom. 1. par. 2. in
Indice*, ſub numer. 399. Finita Oratione , Epifco-
pus accedet ad Altare , & accepto Tabernaculo
ſeu Oſtenſorio cum SS. Sacramento , illud amba-
bus manibus velatis elevatum tenens , vertens ſe
ad Populum , cum illo ſignum Crucis ſuper Po-
pulum ter faciet , nihil dicens : Alibi diximus ,
non eſſe dandam Benedictionem cum SS. Sacra-
mento dum cantatur illa ſtropha *Sic & benedictio* ,
ſed in fine ejusdem Hymni , & cantata Oratione ;
nunc addimus Decretum à Sacra Rituum Con-
gregatione ad hoc ſpecialiter emanatum in *Sabi-
nen. anno 1639. ſub die 5. Februarii* , ut refert
Reverendiffimus P. Merati in ſæpè laudatis , ſem-
perque laudandis Additionibus ad *Gavantum tom.
1. par. 2. in Indice* , ſub numer. 713. pagin. 1431.
Data itaque Benedictione , iterum deponet SS.
Sacramentum ſuper Altare , deponet volum , &
genuflectet , ut ſupra . Tunc Presbyter aſſiſtens
in cornu Epistolæ , ſtans verſus Populum , facta
priùs debita reverentia cum genuflexione SS. Sa-
cramento ; publicabit Indulgentias , in forma
conſuetæ , à Summis Pontificibus , & ab Epifco-
po conceſſas omnibus , qui Proceſſioni interfue-
runt . Et advertatur , ut intortitia , & cande-
læ , quæ in Proceſſione delata fuerunt , non ex-
tinguantur , donec Epifcopus cum SS. Sacramen-
to Benedictionem , ut ſupra dictum eſt , dede-
rit . Omnibus expeditis , Epifcopus , facta ali-
quantulum oratione ante SS. Sacramentum , poſt

debitam genuflexionem, atque accepta Mitra extra cancellos, discedet cum Canonicis in Sacristiam, ubi paramenta deponet, & solito more associatus ab eis, ad Domum suam redibit. Hæc autem est Processio, quæ fit in Cathedrali, præsentente vel absente Episcopo. Collegiatis vero, Celebrans finita Missa, & depositis Claneta & Manipulo, capiet Pluviale, & SS. Sacramentum thurificabit, illudque portabit sub Baldachino: & omnia, ut supra fient, exceptis iis, quæ ad Episcopum propriè pertinent.

Terminata modo prædicto Processione solemniter in Cathedrali & in Collegiata Ecclesia, videndum nunc est, an possit illa transferri? Sanè, quamvis sit Jurisdictionis Episcopalis edicere, & dirigere Processiones cum solo consilio Capituli, ut declaravit Sacra Rituum Congregatio anno 1628. sub die 29. Martii, ut refert Gavantus in *Man. Episcoporum, verb. Processio, sub numer. 11. in additione*; easque etiam transferre, ut habet Monacellus in *Formular. Leg. Pract. par. 4. in Supplement. ad 1. Tom. pagin. 9. sub numer. 76.* non tamen intelligitur de translatione Processionis in Festo SS. Corporis Christi: Cum enim Episcopus Burgenfis vellet transferre post Octavam Festum SS. Sacramenti, ea motus ratione, ut scilicet Processio decentius celebraretur, licentiam denegavit eadem Sacra Congregatio Rituum anno 1605. sub die 24. Septembris, teste Augustino Barbosa in *Summa Apostolicar. Decis. verb. Translatio SS. Corporis, Collect. 707. sub numer. 6.* Et revera cum nullum sit Festum isto unquam dignius, ita ut si in eo alicubi occurrat sive Patronus Loci, sive Titularis Ecclesiæ, sive etiam ejusdem Ecclesiæ Dedicatio, transferendum sit juxta Rubricas, nec hodie possit de illo Missa cantari, nullum profecto dari potest impedimentum non celebrandi ipsum propria die: Neque video, quæ major decentia dari valeat in translatione Processionis: Episcopus enim tenetur pridie hujus Diei,

vel

vel etiam per aliquos dies ante , demandare illi , ad quem spectat , ut omnia decenter præparentur , & prævideantur , prout habetur in Cæremoniali Episcoporum *libr. 2. capit. 33. §. 1. pag. mihi 404.* unde sicuti non potest Episcopus pervertere & immutare Rituum Processionum præscriptum à dicto Cæremoniali , ut respondit Sacra Rituum Congregatio in *Cajetana anno 1658. sub die 26. Januarii* , apud Monacellum loco proxime citato , sic nequit immutare Diem Processionis SS. Corporis Christi . In minoribus tamen Ecclesiis Processio celebranda est , ut præscribit Rituale Romanum , ut benè ad illud quoad hoc remittit Gavantus *tom. 1. part. 4. titul. 12. sub numer. 3.* Videri etiam possunt egregia Commentaria , quæ ad dictum Rituale elucubratus est Baruffaldus , vir clarissimus , de Republica Litteraria optime meritus , & in Sacris Ritibus benè versatus .

Cæterum jus privative faciendi hodie hanc Processionem Domini Corporis (non loquimur de Cathedralibus) competit illi Ecclesiæ , quæ probat , se ab antiquo privative quoad alias fecisse ; In materia enim Processionum & Præeminentiarum , principem locum sibi vindicat consuetudo , cui omnino Jus defert , Felin. in *cap. statumimus , de major. & obed. in princ. Sperell. decis. 179. sub numer. 1.* Cardin. de Luca de Præemin. *discurs. 23. sub numer. 3. & 12.* & ex eis firmavit Rota in *Aquen. Processionis 26. Junii 1680.* coram Ursino , *decis. recent. part. 19. tom. 2. decis. 560. 4. & 5.* ubi sub numero 21. dictum etiam fuit , quod dictum jus faciendi Processionem in [Die ipso Solemnitatis censetur semper fuisse infixum Ecclesiæ inferiori habenti pro se consuetudinem , quoties altera dignior non docet de statu anteriori contrario : Consuetudo autem , præsertim immemorabilis , dicitur magistra Probationis , & illam habens , dicitur habere totum id , quod Papa potest concedere per viam gratiæ ,

536 DE PROCESS. IN FESTO
 vel iustitiæ, ut dixit *Rota in Tranen. Præminen-*
tiarum 19. *Novembris* 1737. §. *Immemorabilis coram*
Ansaldo. Ecclesia verò Parochialis habet Præemi-
 nentiam supra Ecclesiam Regularem in hac Pro-
 cessione celebranda: unde cum Episcopus Hipo-
 regienſis Decretum ediderit, in quo præceperat,
 ut Processio in Die Festo SS. Sacramenti fieret in
 Ecclesia Archipresbyterali cuiusdem Caſtri de sua
 Diœcesi, non autem in Ecclesia Regulari Men-
 dicantium: delata Causa in Sacram Rituum Con-
 gregationem, eadem sacra Congregatio sub die 3.
 Junii 1651. respondit, non esse revocandum Decre-
 tum Episcopi, ad cap. 13. sess. 25. de Regular. ut
 habet Thomas Pascucci in *Compend. ad Consul-*
tat. Canonic. Jac. Pignatell. par. 2. tit. de Processio-
nibus, pagin. 265. vel 163. juxta edit. Roman. vel
 Venet.

Sed & sciant Parochi, quod Regulares non
 possunt Processionem facere in hoc Festo SS. Cor-
 poris Christi extra eorum jurisdictionem, & per
 Parochiam alienam, ut respondit Sacra Rituum
 Congregatio in *Aretina* anno 1613. sub die 11. *No-*
vembris, apud Augustinum Barboſam in *Summa A-*
postolicar. Decis. verb. Processio, Collect. 605. sub nu.
 25. & in Civitatibus non posse dictos Regulares
 eodem Die Festo SS. Corporis Christi Processio-
 nem facere, quia dumtaxat in Cathedrali facien-
 dam resolvit Sacra Congregatio Episcoporum &
 Regularium anno 1615. sub die 27. Junii, teste Bar-
 tholomæo Gavanto in *Man. Episcopor. verb. Regular.*
Jura sub Episcopis, sub num. 9. in additione. In ere-
 ctione autem novæ Parochiæ per dismembrationem,
 reservari debet Ecclesiæ Matrîci debitus
 honor, ad formam præscriptam in cap. ad audien-
 tiam, de Eccles. adſc. in signum recognitionis, puta,
 quod Curatus novæ Parochiæ, & illius Suc-
 cessores, unâ cum Parochianis, semel in Anno
 Processionaliter in Die SS. Corporis Christi acce-
 dat ad Ecclesiam Matrîcem: & hæc reservatio
 sortè est aliarum magis propria, cum accedere ad
 ali-

aliquem locum sit species subjectionis, ut dixit
Rota coram Seraphino, apud Monacellum in *For-*
mular. Leg. Pract. par. 1. tit. 2. formular. 3. sub nu.
13. pag. 47. Illud denique est notandum, quod sup-
 plicante humiliter Sacre Rituum Congregationi
 Patre Juvenali Visitatore Generali Congregatio-
 nis Camaldulensium Montis Coronæ, inter alia
 Dubia proposita declarati: *An liceat non habentibus*
usum Pluvialis, in Die SS. Corporis Christi peragere
Processionem cum SS. Sacramento, & illud sine Plu-
viali exponere? eadem Sacra Rituum Congregatio
 anno 1701. sub die 22. Januarii, ad quintum Du-
 bium respondit: *Negative quoad primam partem: &*
quoad secundam, non posse cogi, id est, in expositione
SS. Sacramenti; quam quidem Resolutionem, una
 cum aliis hac die emanatis, sed ad nostram rem
 non facientibus, ego Domi retineo in forma au-
 thentica, cum magno Sigillo, & cum subscriptio-
 ne de propria manu Illustrissimi D. Secretarii.

S. IX.

*De Processione infra Octavam
SS. Corporis Christi, &
præsertim in Dominica in-
fra eandem Octavam.*

EXpositis, quæ ad Processionem in Festo SS. Corporis Christi spectabant, modò differendum est de Processionibus fieri solitis, vel in Diebus infra hanc Octavam, vel in Dominica intermedia, vel etiam in Die Octava. Non est tamen hic sermo de Sacris Ritibus & Cæremoniis in huiusmodi Processione servandis: cum enim minores Ecclesiæ uti præsertim debeant Rituali Romano, nihil nobis restat quoad hoc dicendum, nisi etiam observentur quæ ad dictum Rituale confecit perutilia Commentaria eruditissimus Baruffaldus. Locuturi itaque sumus de laudabili Locorum consuetudine in celebrandis infra Octavam Processionibus, de Privilegiis privativam quoad alias Ecclesias in eodem Loco concedentibus, de eorum viridi vel interrupta observantia, aut etiam moderatione, deque tandem prælatione temporis in concurrentia duarum Ecclesiarum. Ut autem incipiamus à commendabili Locorum more, in magnis Civitatibus, in quibus nonnullæ reperiuntur Parochiæ, solet qualibet die infra hanc Octavam in una ex illis fieri devota Processio cum SS. Sacramento, & completo omnium turno, inchoatur à capite. Inter multas Urbes, quæ talem habent probatam consuetudinem, certè est Bononia in Statu Ecclesiastico, ubi

ubi de Anno in Annum mutatis Parochiis, quotidie infra Octavam fit celebris Processio: & ex hac occasione tota illa Civitas cæteroquin illustris renovari videtur: cum enim per totam Parochiam, per quam Processio est transitura, spatiosæ illæ & pulcherrimæ Porticus, ac Viarum Parietes, Parochianorum impensis dealbentur, hinc est, quod ex intervallo aliquot annorum tota hæc conspicua Civitas remaneat dealbata, & consequenter Advenarum præcipuè oculis mirum placeat in modum. In hujusmodi tamen Processionibus, in quibus attendendum est (ut diximus) Rituale Romanum, illud nihilominus notandum est, quod sive fiant de manè, sive de sero, qui celebravit, vel peregit Vesperas, debet necessariò SS. Sacramentum deferre: ita enim resolvit Sacra Rituum Congregatio in *Causa Compagnia Præeminentiarum* 23. Martii 1709. ut ex Uriaya dixi in mea Collectione de Sacris Ritibus *sub numer. margia.* 1308. *pag.* 436. *juxta editionem Paternam de Anno* 1730. Ministri verò Consolationis Almæ Urbis non possunt facere Processionem per Parochiam infra Octavam SS. Corporis Christi, & præsertim eo die, quo fit per Ecclesiam Parochialem, præterquam infra Ecclesiam dæmtaxat, ut ad tertium Dubium ad instantiam Domini Dominici Sabbatini Parochi S. Nicolai in Carcere contra Archihospitale Consolationis de Urbe ponente Eminentissimo Bichio, respondit Sacra Congregatio Visitationis Apostolicæ, in *Romana anno* 1695. *sub die* 16. *Septembris*, accedente Sententia Auditoris Cameræ *de die* 23. *Decembris ejusdem anni*, apud Thomam Pascuccium in *Compend. ad Consultat. Canon. Jac. Pignat. par. 1. tit. de Hospitalibus*, *pag.* 202. *juxta edit. Vener.* Ex hac responsione videant Parochi quid faciendum sit in similibus, quando habeant vel intra fines suarum Parochiarum, vel in ipsis suis Ecclesiis Parochialibus Confraternitates, nisi ad majorem Processionis pompam simul convenirent.

Quoad

Quoad tamen Diem Dominicam *infra* Octavam SS. Corporis Christi, nonnullæ tractu temporis ortæ sunt contentiones, modò circa præsentiam privativam seu exclusionem alterius Ecclesiæ, modò circa jam judicatam temporis prioritatem in anteriori Processionis celebratione, modò etiam circa variam Privilegiorum interpretationem: unde variis quoque ad dictas pacandas lites opus fuit Resolutionibus, quas hoc loco duximus exponendas. Sanè Ordini Prædicatorum amplissimum concessit Privilegium perpetuum Sanctus Pius Quintus faciendi Processionem in Die Dominica *infra* Octavam SS. Corporis Christi, in omnibus Civitatibus & Locis, in quibus ab immemorabili consuetudine Fratres dicti Ordinis talem Processionem solemner celebrare soliti fuerant: eisdemque Fratribus concessit, ut ipsis dumtaxat eadem Die Dominica solemnem hujusmodi Processionem celebrare liceret: ita ut nulli super eo impedire, seu eodem tempore, vel Die, eandem Processionem facere possent & deberent, ut clarè patet *ex ejus Constitutione emanata anno 1571: sub die 21. Junii*. Attamen brevi tempore Privilegium illud in suo robore permanfit, eoque non diù usi sunt dicti Fratres Prædicatores, nam Gregorius Decimus tertius, qui immediatè Sancto Pio Quinto successit, prædictum Pianum Indultum moderatus est quoad privativam seu exclusionem alterius cujusvis Ecclesiæ: siquidem universis & singulis Clero, & Clericis, ac Personis Ecclesiasticis, tam Sæcularibus, quàm quorumvis Ordinum, Religio-num, & Militiarum Regularibus concessit, ut Litteris Sancti Pii Quinti non obstantibus, liceat ipsis, tam Die Dominica *infra* Octavam SS. Corporis Christi, quàm aliis totius Octavæ prædictæ Diebus, Processiones suas celebrare: nec super eo tam ab Ordinis Prædicatorum, quàm aliis quibuscunque Personis quovis prætextu molestari possint, ut habetur *in Constitut. 10. ejusd.*

iusd. Pontific. qua incipit. Cùm interdum, §. 2. addita anno 1573. sub die 11. Maii, apud Cherubinum in Bullar. Roman. tom. 2. Nihilominus tractu temporis, dicta concessio Ordini Prædicatorum à Sancto Pio Quinto facta præfato anno 1571. 21. Junii, confirmata fuit, & extensa ad omnes Domos fabricatas & fabricandas in omnibus Locis, cum tali tamen inhibitione aliis Presbyteris, ac Fratribus aliarum Religionum, ne dicto tempore & hora in dicta Die Dominica infra Octavam SS. Corporis Christi Processionem facere, aut cum eis concurrere auderent, ita ut Priores & Fratres in quibuscunque Mundi partibus Processiones dicto die per Vicos, & Plateas, ac Loca, ab eis electa, & semel tantum eligenda, soli absque ullo impedimento celebrare possint, prout concessit Clemens Octavus in *Constitut. qua incipit.* Dum Felicis, emanata anno 1592. sub die 8. Martii, apud Donatum in *Prax. Rer. Regular.* tom. 1. part. 1. tract. 13. quæst. 82. sub num. 3. & habetur etiam in Bullario *Confernit. Ordin. Prædicator.* pag. mihi 202. ac egomet retuli in mea Collectione de Regularibus, tom. 2. sub numer. margin. 1171. pag. 23. Dicta tamen Clementina non est ex integro confirmatoria Constitutionis Pianæ; nam Sanctus Pius Quintus concessit Patribus Dominicanis privatim illis verbis; ita ut nulli super eo impedire, seu eodem tempore, vel die, eandem Processionem facere possint vel debeant. Clemens verò Octavus, sublato Die, in quo stabat privata, posuit ejus loco Hora, in qua stat revera optio in electione ejusdem horæ: nam, ut supra vidimus, dixit: ne dicto tempore, & hora in dicta Die Dominica, &c. Unde per eandem Clementinam non derogatur Gregorianæ, & consequenter nec tolluntur jura aliis Religiosis competentia vigore Gregorianæ præfate: sed sit in ea limitatio & restrictio Constitutionis Pianæ, ut pluribus ad rem citatis ait *Ursaya Disceptat. Ecclesiast. tom. 1. par. 2. disceptat.*

10. à num. 14. ad 18. Itaque Patres Dominicani amiserunt quidem privativam, sed acquisierunt horæ electionem, quæ in pluribus contentionibus diffinitivè fuit illis semper concessa.

Dicta tamen electio horæ eisdem Patribus Dominicis indulta in Processionis celebratione Die Dominico *infra* Octavam SS. Corporis Christi facienda, non est ita privativè intelligenda, ut si Ordo Prædicatorum eligat de manè; non possit etiam de manè alius Regularium Ordo eandem Processionem peragere; dummodò fiat distinctis horis: Hoc enim patet ex sequenti repetitæ Causæ resolutione Apostolicis Litteris roborata; videlicet: Vertente Causa inter Patres Dominicanos ex una, & Patres Minores de Observantia Civitatis Quitensis in Indiis ex altera parte; Sacra Rituum Congregatio; juribus hinc inde discussis; & post Causam pluries repositam; stando in deritis. Iterum & ultimò rescribendum censuit: *licet Patribus Franciscanis facere Processionem extra Clausura per loca solita, etiam de manè in Die Dominica infra Octavam SS. Corporis Christi; distinctis tamen horis ab Episcopo, & data electione hora Patribus Dominicis, à qua semel electa, non liceat amplius recedere: & ita decrevit; & servari mandavit*: Verum; quia dicti Patres Franciscani dubitabant, ne executio & observantia Decreti huiusmodi à dictis Patribus Dominicis forsan impugnari posset; & in simili eventu idem Decretum suo frustraretur effectu; ideo ut, contradictores ad exequendum Decretum omnibus Juris & facti remediis compellantur, merita Causæ huiusmodi Episcopo Quitensi commisit Innocentius Duodecimus in *Constitut. qua incipit. Sua Nobis, emanata anno 1696, sub die 25. Februarii, apud Matthæuccium in Officiali Curia Ecclesiasticæ cap. 40. sub numer. 9.*

Attamen Patres Dominicani alibi stare noluerunt Decisioni aliàs factæ, ex quo orta est contentio inter eos & alios Regulares. Vigore igitur

tur Constitutionis Gregorianæ superius relatæ, Patres Reformati Oppidi Montis Murri de Diocesi Tricaricensi, anno 1712. Processionem SS. Corporis Christi fecerunt Die Dominico infra ejus Octavam. Verùm Religiosi Ordinis Prædicatorum de eodem Oppido se opposuerunt, prætendentes adhuc privativam faciendi dictam Processionem eodem Die Dominico, quasi Litteræ Gregorianæ non darent quibuscunque Regularibus facultatem, & Clementinæ restituerent Patribus Dominicanis privativam à Sancto Pio Quinto illis tunc temporis concessam. Quapropter habito recurſu ad Sacram Congregationem Episcoporum & Regularium, propositoque sequenti Dubio, videlicet: *An liceat Patribus Reformatis Oppidi Montis Murri facere Processionem Die Dominico infra Octavam SS. Corporis Christi?* Sacra eadem Congregatio in Tricaricensi Processionis sub die 18. Aprilis 1714. respondit: *Affirmative, dummodo fiant Processiones distinctis horis: ut habet Urfaya, qui scripsit in hac Causa ad favorem dictorum Reformatorum, Disceptat. Ecclesiasticar. tom. 1. par. 2. disceptat. 10. sub num. 2. 3. & 31.* Non acquiescentibus autem Patribus Dominicanis, novisque idcirco motivis Causa reposita per Eminentissimum Gorsinum (nunc Clementem Papam Duodecimum) & dato eodem Dubio supra relato, eadem Sacra Congregatio in dicta Tricaricensi Processionis sub die 4. Martii 1717. respondit: *In decisis, juxta modum præscribendum ab Eminentissimo Ponente: qui sub die 12. Martii 1718. illum præscripsit sequentibus verbis: Mandavis fieri Processionem per Clerum Sacularem in Die SS. Corporis Christi: Per Patres Dominicanos in Die Dominico infra Octavam de manè: Et per Patres Reformatos S. Francisci in dicto Die Dominico infra Octavam de Sero: Sic enim refert dictus Urfaya, Scriptor etiam in hac Causæ repositione, tom. 2. par. 1. disceptat. 4. sub num. 80. & 83.*

Quamvis autem in Sacra Rituum Congregatio-

ne disputatum sit Dubium tenoris sequentis, scilicet: *An liceat Patribus Dominicanis prohibere aliis Regularibus, ne in Die Dominico infra Octavam SS. Corporis Christi peragant Processionem?* & affirmativa emanaverit resolutio in *Placentina Processionis sub die 30. Aprilis 1701.* Dicta tamen resolutio Sacrae Congregationis, metiendo ipsius voluntatem à potestate, juxta regulam, de qua *Rota decis. 92. sub num. 12. coram Priolo*, non potest intelligi, nisi de facultate prohibendi dictam Processionem in eadem hora, in qua illam facere solent Patres Dominicani, non autem in tempore, & in hora diversa, quia in hac parte adest clara Constitutio Gregoriana: Ultra quod cum dicta Resolutio *Placentina* emanaverit in casu particulari, ex ejus particularibus circumstantiis in illo concurrentibus, non potest allegari pro generali lege in omnibus casibus, ut egregie distinguendo materiam, & interpretando verum sensum Resolutionum à Sacris Congregationibus emanatarum, observant adducti à Pasqualigo *Quaest. moral. centur. 1. quaest. 61. sub num. 4. 9. & 14.* & ita etiam dixit *Rota in Hispanen. juris votandi 4. Februarii. 1697. §. Distinguentes, coram Caprara*, atque ex eis sic ratiocinatur *Urfaya tom. 1. par. 2. discept. 10. sub numer. 20.* Et revera, emanata dicta *Placentina* Resolutione citato anno 1701. sub die 30. Aprilis, cum Patres Dominicani anno immediate sequenti 1702. prætenderent privativam etiam quoad Processionem *S. Antonii de Padua*, quando occurrit in *Dominica infra Octavam SS. Corporis Christi* (ut in *Tabula vigesima prima ordinis seu calendarii perpetui*, apud *Gavantum*) Sacra eadem Rituum Congregatio in *Aliphana Processionis anno 1702. sub die 18. Martii* respondit, quod Patres Dominicani non valent prohibere Patribus *Conventualibus* Processionem *S. Antonii Patavini*, quatenus dicto *Die Dominico* occurreret, dummodò fiat diversa hora, & data praelatione temporis Patribus Dominicanis de manè, vel de vespere.

vespere ut refert Monacelli in *Formular. Leg. Pract. par. 4. qua Opus Posthumum inscribitur*, in *supplem. ad 1. Tomum, pag. 9. sub num. 30.*

Quod si Patres Dominicani, stante Constitutione Gregoriana, non possunt prohibere aliis Regularibus, ne faciant Processiones in Die Dominico infra Octavam SS. Corporis Christi, multo minùs valebunt prohibere Parochis, ne eodem Die Dominico celebrent Processiones, nihil refragantibus Constitutionibus Sancti Pii Quinti & Clementis Octavi supra relatis, nam ex eis non possunt impediri Parochorum Processiones in sæpè dicto Die Dominico, ut resolvit Sacra Rituum Congregatio in Materanen. anno 1632. sub die 15. Maii, ut ex Augustino Barbosa de *Offic. & potest. Parochi, cap. 12. sub num. 14.* refert Thomas Pascucci in *Compend. ad Consultat. Canonic. Jac. Pignat. par. 2. tit. de Processionibus, pag. 273. vel 168. juxta edit. Roman. vel Venet.* Et revera, de Jure ad Parochos spectat facere quascunque Processiones intra limites suarum Parochialium, & consequenter possunt etiam facere in dicto Die Dominico: Privilegia siquidem, si quæ sunt quoad hoc apud alios, non comprehendunt Parochos, nec tollunt eorum Jura: idcirco qui attentat impedire eorum Processiones, attentat ipsos privare proprio Jure, facit contra justitiam, & incurrit Excommunicationem Papæ reservatam in Bulla Cœnæ, & in Tridentino *sess. 22. cap. 11. de reformat.* ut egomet dixi in *Collectione de Parochis, sub numer. margin. 584. pag. 121. juxta tertiam editionem Paternam de Anno 1737.* Præterquàm quòd Constitutio Gregoriana, quæ quoad privativam derogavit Indulto Piano Patribus Dominicanis concessio, primò indulget Clero & Clericis & Personis Ecclesiasticis Sæcularibus, ut videre est supra: ergo multo magis concedit Parochis facere Processionem in sæpè memorato Dominico Die infra dictam Octavam.

Sicuti autem Regulares non possunt prohibere

Parochis, sic neque Parochi possunt prohibere Regularibus, ne suas faciant Processiones in prædicto Die Dominico *infra* Octavam SS. Corporis Christi, ut omissis antiquis Resolutionibus, novissime firmatum est in sequenti Declaratione, quam favorabilem reportarunt Patres Carmelitæ Civitatis Faventia contra Parochum S. Margaritæ de eadem Civitate. Cum etenim de Mense Junio 1722. Pater Adeodatus à S. Theresia Prior Conventus dictorum Carmelitarum suam facere vellet solitam Processionem Die Dominico *infra* Octavam SS. Corporis Christi tunc occurrente in die septima ejusdem Junii, & quidem absque licentia Parochi dictæ Sanctæ Margaritæ, per cujus fines solita est Processio transire, ad illam impediendam Parochus dictam licentiam prætendens tanquam aliquando petitam, recursum habuit ad suum Episcopum Faventinum, à quo tamen, in executionem Constitutionis Gregorianæ superius relatæ, permissum fuit Carmelitæ eandem Processionem facere, absque ulla licentia dicti Parochi. Quia verò, prædictis non attentis, ausus fuit idem Parochus dictam Processionem jam incæptam impedire, obstans violenter itineri Processionis: hinc humillimè ex parte Carmelitarum præfatorum habitus fuit recursus ad Sacram Episcoporum & Regularium Congregationem, in qua Partibus acerrimè informantibus, ac proposita per Eminentissimum Cardinalem Corsinum (nunc Clementem Duodecimum) hujusmodi Causa, sub die 15. Januarii 1722. rescriptum fuit: *Licere Patribus Carmelitæ, absque licentia Parochi, facere Processionem, cum addito, & amplius Causa non proponatur: ut habet Dominicus Ursaya, doctissimus Almæ Urbis Advocatus, qui in hac eadem Causa optimè scripsit ad favorem Carmelitarum, Disceptat. Ecclesiasticar. tom. 5. par. 2. disceptat. 8. à num. 1. ad 8. & sub num. 35.*

Ubi denique solitum est in Die Octava SS. Corporis Christi fieri Processionem ad reponendum

dum SS. Sacramentum, quod per totam Octavam expositum fuit ad Vesperas, videnda sunt, quæ superius diximus, cum de Officio hujus Diei Octavæ locuti sumus. Addi tamen ad rem censemus, quodd cum hæc Processio non debeat esse tantæ solemnitatis, quantæ fuit in Die Festo, nec per viam longiorem sit incedendum, sed per breviorē, ut ex ibi dictis clarè patet: sequitur exinde, quodd non est ista Processio publica & generalis: & consequenter non tenentur eidem interesse Regulares etiam forsan vocati, licet ipse Episcopus in sua Cathedrali Vesperas peregerit, & Okenforium deferat cum SS. Sacramento. Ex eadem ratione non accedunt Confraternitates Laicorum, non Parochi Civitatis, non Canonici Collegiatarum, sed tantum Clerus ipsius Cathedralis. Verum quidem est, quodd ubicunque fiat hæc Processio, sive in eadem Cathedrali, sive in Collegiata, sive in alia quacunque Ecclesia, Sanctissimum Eucharistiæ Sacramentum deferendum est ab eo, qui cantavit Vesperas, & debet esse unus ex dignioribus Ecclesiæ, ut ex Decreto Sacre Rituum Congregationis, mentionato, refert La Croix in *Theolog. moral. tom. 2. lib. 6; par. 2. tract. 4. sub num. 2055. Decreto 10.* Quodd si ad dictam Processionem in Die Octava sit solita accedere Confraternitas SS. Sacramenti, hæc laudabilis consuetudo est omnino servanda, cum sit ejus munus associare in hujusmodi Processionibus SS. Sacramentum. Romæ verò Archie-Confraternitas SS. Sacramenti in Ecclesia S. Laurentii erecta, non tenetur pro hac Processione post Vesperas fieri solita, subministrare Canonicis & Beneficiatis intortitia, ut ponente Eminentissimo de Abdua, ad octavum Dubium respondit Sacra Congregatio Visitationis Apostolicæ anno 1712. *sub die 24. Maii, apud Ursayam Discepsat. Ecclesiasticar. tom. 1. par. 1. discepsat. 16. sub num. 268. ubi sub numero 57. & 58. defensor Archie-Confraternitatis ait, quodd duæ sunt*

547 DE PROCESS. *infra* OCT.
in dicta Ecclesia Processiones dicta Die Octava,
una de manè, & est propria Archi-Confraterni-
tatis, & nulla est difficultas, quòd fieri debeat
ejus sumptibus: altera verò post Vesperas, &
est propria Capituli, cui etiam incumbunt ex-
pensæ, nec eadem Archi-Confraternitas obligan-
da est ad expensas duarum Processionum una ea-
demque die celebrandarum.


Et hæc satis cenfeo de Processione SS. Sacra-
menti, sive in ejus Festivitate, sive *infra* Octa-
vam, sive in Dominica, sive etiam in Die Oc-
tava tam in Cathedralibus, quàm in Collegiatis,
aut in aliis quibuscunque Ecclesiis, à Clero. Sæ-
culari, vel etiam Regulari, facienda. Si quid
forsan minùs ritè & rectè dixi, parcat Lector
Ecclesiasticus: Quod in me fuit, totum feci,
ut benè dicerem: nihil enim prætermisi, nam
& ad hoc celebriores perlegi Auctores ad rem
pertractantes. Accipe quæso libenter, tu qui le-
gis, & Deum Optimum Maximum pro me ro-
ga.

612

L. D. M. D. A. P. ac S. I. L.

ARA 2898





2-2-2



